

კ. კ ა შ ც კ ი

უკლესი სოციალიზმის
წინამძღვრები

ს ა ნ ბ ზ ა ბ ი

1927

კ. კ ა შ ც კ ი

უახლესი სოციალიზმის წინაეგრებენი

თარგმანი



სახელმწიფო გამომცემლობა

1927

ტფილისი

პოლიგრაფტრესტის მე-2 სტამბა, ლენინის ქუჩა, № 3.

შთავლელი № 1809. შეკვ. № 7394. ტირაჟი 2000.

ავსტრიის წინასიტყვაობა.

ამ წიგნის მეორე გამოცემა ახალ სამოსელში გამოდის. ის შეადგენს ეხლა არა პირველ ნაწილს კოლექტიურ შრომისას, არამედ დამოუკიდებელ ნაწარმოებს. ამან არ შემაცვლევინა რაიმე შინაარსში, რომელიც არსებითად იგივე დარჩა. შევეცალე მხოლოდ სათაური. „Die Yorläufer des neueren Socialismus“ მაგიერ წიგნს ეხლა ჰქვია პირდაპირ „Yorläufer des neueren Socialismus“.

თუმცა ეს ცვლილება არც იმდენად მნიშვნელოვანია, მე ის მაინც საჭიროდ ჩავთვალე იმიტომ, რომ პირველ გამოცემაში წიგნის სათაური მის შინაარსს არ შეეფერებოდა. სათაურის და შინაარსის შეუსატყვისობა იმით იყო გამოწვეული, რომ წიგნი, როდესაც მე თემა ავირჩიე და მის დამუშავებას შევუდექი იმ გამოცემისათვის არ იყო დანიშნული, რომელშიაც ის გამოვიდა, სახელდობრ, სოციალიზმის ზოგადი ისტორიისათვის, რომლის შესავალს წარმოადგენდა ის პირველ გამოცემაში.

დიდი ხნით აღრე, სანამ გამომუშავდებოდა გეგმა „სოციალიზმის ისტორიისა მონოგრაფიებად“, მე უკვე ვმუშაობდი წინამდებარე წიგნზე და მოვაბზადე კიდევ მისი მთავარი ნაწილები. თითქმის მეოთხედი საუკუნეა მას აქეთ, რაც წინასწარი მუშაობა დაეიწყო ამ წიგნისათვის. იმ დროს მე დავრწმუნდი, რომ მარქსიზმის დიადი ღვაწლი პროლეტარიატის კლასობრივ ბრძოლის საქმეში იმაში მდგომარეობს, რომ მან უტოპიური სოციალიზმი მუშათა მოძრაობას დაუკავშირა, რასაც ენგელსი ჯერ კიდევ 1845 წელს მოითხოვდა თავის წიგნში „მუშათა კლასის მდგომარეობა ინგლისში“. ეს აზრი მე განვაფიქრებ ჩემს წერილთა სერიაში „ფილოსოფიის სილატაკისა“ და „კაპიტალის“ შესახებ „Neue Zeit“-ში 1886 წელს. უტოპიურ სოციალიზმის—ოუენიდან ვეიტლინგამდის—და მუშათა მოძრაობის წინააღმდეგობა იმ დროს სრულიად მკაფიოდ სჩანდა. მე მიზიდავდა ამოცანა,— შეიძლება თუ არა ამ წინააღმდეგობის აღმოჩენა წინანდელ საუკუნეებშიაც და იმის გამოკვლევა, თუ რა ფორმებს იღებდა იგი მაშინ. განსაკუთრებით ხელსაყრელ შესწავლის ობიექტად ამ მხრით მე მიმაჩნდა რეფორმაციის ეპოქა, როდესაც სრული სიცხადით და უშუალოდ იჩინა თავი მრავალმა წინააღმდეგობამ, რომელიც შემ-

დგომი დროის აბსოლიუტიზმმა წაშალა და რომელიც კვლავ გამო-
წყდავდა დიდ პოლიტიკურ ბრძოლაში, — ინგლისში, — მხოლოდ მე-
XVII საუკუნის შუა წლებში, საფრანგეთში უფრო გვიანაც, მე-
XVIII საუკუნის დამლევში, და გერმანიაში — მე-XIX საუკუნეში. მე-
ფეიქრობდა, რომ ტომას მიუნცერი და ტომას მორი ყვე-
ლაზე უფრო ნათლად გამოხატავენ ამ წინააღმდეგობას რეფორმა-
ციის ხანაში.

და მართლაც, როგორც აღმოჩნდა, მე არ შემეძარევი ამის
შესახებ; მაგრამ ძლიერ მოეცუედი იმედში, რომ სულ რამოდენიმე
ფურცელზე შევძლებდი ამ პირთა მთელი თავისებურებისა და სოცი-
ალიზმის ისტორიისათვის მათი მნიშვნელობის გადმოცემას. ჩემი შრო-
მა სწრაფად გაიზარდა.

ყველაზე უფრო ადვილი დასაძლევია იყო ტომას მორი, რომლის
შესახებ მე მონოგრაფია გამოვეცი 1887 წელს. მორი ლიტერატურ-
რულად განათლებული კაცი იყო, მან მრავალი შრომა დასტოვა,
რომელიც მშენიერად ახასიათებს მის ბუნებას. მორს დიდად პატივს
სცემდნენ იმ დროის ლიტერატურაში მონაწილე პირნი, ეს პირნი
ხშირად და კმაყოფილებით სწერდნენ მორზე და მის შრომებზე. მორი
მოღვაწეობდა, როგორც დიდი პოლიტიკოსი, და მოკვდა, როგორც
კათოლიკურ ეკლესიის წამებული. ამის გამო მისი პოლიტიკური მო-
ღვაწეობა ბევრჯერ და ნაზი თანაგრძნობით აწერილა. ბოლოს, მისი
ლიტერატურული მისწრაფებანი, როგორც აგრეთვე მისი პოლიტი-
კური მოღვაწეობა, იმ მაღალ სფეროებს ეკუთვნის, რომელიც თავის
თავად ყურადღებას იპყრობს და რომელსაც ჩვენ კარგად ვიცნობთ.

გაცილებით მეტ დაბრკოლებას შევხვდი, როდესაც მიუნცერს
მივმართე. ამ ადამიანმა, რომელსაც ღვთისმეტყველებითი განათლება
მიუღია და არა ჰუმანიტური, დასტოვა სულ რამოდენიმე სახელდა-
ხელოთ დაწერილი ფურცელი, რომლის რეალურ გულს მისტიციზმის
სქელი გარსი ახვევია. მისი მეგობრები და მიმდევრები მეტ წილად
უსწავლელი პროლეტარები იყვნენ. ის განათლებული პირნი კი, ვინც
მის შესახებ სწერდნენ, გააფთრებული მტრები იყვნენ მიუნცერის. მო-
ძრაობა, რომელთან ერთად დაიღუპა მიუნცერი, საიდუმლოდ უნდა
დარჩენილიყო. ამით უნდა აიხსნას ის გარემოება, რომ ჩვენამდე მო-
სული ცნობები მიუნცერის მოღვაწეობისა და მიზნების შესახებ არა
თუ სიძულვილით არის გამსჭვალული მის მიმართ, არამედ ძლიერ
ბუნდოვანიცაა.

მით უფრო საჭირო იყო, რომ არ დაენდობოდით მხოლოდ
წყაროებს და მიუნცერის მისწრაფებათა ნათელსაყოფად გვეცადა კა-

ნონზომიერების აღმოჩენა იმ მოძრაობაში, რომელშიაც ის მოქმედობდა, — გამოგვეყენებია ეს ხერხი გაცილებით უფრო სრულად, ვიდრე ამას თავისთავად მოითხოვს ჩემ მიერ ხმარებული მატერიალისტური მეთოდი.

ვინაიდან ბევრს არ ესმის ჩემი ისტორიული გამოკვლევების მეთოდი და რადგან ჩემი კრიტიკოსები ხშირად მისაყვედურებენ, რომ მე „კონსტრუქტიულად“ ვქმნი ისტორიას არაფრისაგან, საჭიროდ მიმაჩნია მოკლეთ დაეახასიათო ეს მეთოდი.

ისტორიის გამოსავალი პუნქტი ყოველთვის ინდივიდთა ისტორიაა. ის, რასაც ჩვენ საზოგადოებას უწოდებთ, არის მხოლოდ ცალკე ადამიანების ურთიერთ დამოკიდებულებათა შენაერთი, — ადამიანების, რომელთა ცხოვრების პირობები მოითხოვს მათ საერთო მოქმედებას ერთმანეთის სასარგებლოთ ან ერთმანეთის წინააღმდეგ. ისტორია თავდება იქ, სადაც თავდება ცნობები ცალკე პირთა მოქმედების შესახებ. მატერიალისტური გაგება ისტორიისა იმით კი არ განსხვავდება ტრადიციულ შეხედულებებისაგან ისტორიაზე, რომ იგი ისტორიას პიროვნებისაგან განაყენებს, არამედ იმით, რომ ის არ ჩერდება ცალკე გამოჩენილ პიროვნებებზე, რომელნიც მხოლოდღა ცხოვრობენ ისტორიულ გადმოცემაში და რომელნიც ისტორიულ პროცესის ერთად ერთ მამოძრავებლად სჩანან. ნამდვილად კი, ისტორიული პროცესი ყველა მასში მონაწილე პიროვნებათა ნაყოფია, და თვით უძლიერეს ინდივიდუუმსაც არ ძალუძს ისეთი დიდი გავლენის მოხდენა, როგორსაც მასსა ახდენს მთლიანად. ისტორიულ განვითარების გასაგებად, ჩვენ უწინარეს ყოვლისა უნდა გავიგოთ, თუ რა ანოძრავებს ამ მასსას.

მაგრამ მწერლები, რომელნიც ჩვენთვის წყაროს წარმოადგენენ და ისტორიულ მასალას გვაძლევენ, ნაკლებად ფიქრობენ მასსაზე. უდიდეს ყურადღებას ისინი აქცევენ ცალკე ინდივიდუუმებს, რომელთაც განსაკუთრებული გავლენა მოუხდენიათ მასსაზე. ამიტომ ჩვენც, ისტორიკოს-მატერიალისტები, ვიკვლევთ რა წარსულს, ხშირად იძულებული ვართ დიდი პიროვნებანი მივიღოთ გამოსავალ წერტილად, — ვიზედაც არ უნდა იყოს ლაპარაკი — ლესინგზე თუ ფრიდრიხ მე-III-ზე, რევოლიუციის მოღვაწეებზე თუ რეფორმაციის ეპოქის სოციალისტებზე. მაგრამ ასეთ შემთხვევაში ცალკე ინდივიდუუმში ჩვენთვის მხოლოდ გამოკვლევის გამოსავალი პუნქტია. ჩვენ არ შეგვიძლია შევხედოთ მასსას, როგორც ნულების წყებას, რომელსაც მხოლოდ მის წინ დასმული ერთეულები აქცევენ რიცხვად. — ჩვენ არ შეგვიძლია გავიგოთ მასსის მოქმედება მისი წინაშელოდ ინდივიდის

მოქმედებისაგან. წინამძღოლი მხოლოდ ერთერთია, და ისიც არა უმთავრესი, იმ ფაქტორთა შორის, რომლებიც მასსას ამოძრავებენ და მასსის მოქმედების ხასიათს ქმნიან; და თვით წინამძღოლიც უმთავრესად მასსისაგან იღებს ძალას და ამოცანებს, და მასსის გარეშე გაუგებარი რჩება.

ამგვარად, თუ ჩვენს წინაშე დგას ისტორიული პიროვნება და ჩვენ ის უნდა ავწიროთ და გავიგოთ, უწინარეს ყოვლისა უნდა გამოვარკვიოთ,—რა თვისებები აქვს მას საერთო მისი დროის და ერის. საზოგადოებრივ მოვლენებთან, და რა თვისებები აქვს ამ პიროვნებას ორიგინალური.

იმის შემდეგ, რაც ეს გამორკვეული იქნება, საჭიროა გამოვიკლიოთ, თუ რამდენათ არის პიროვნების ეს ორიგინალური ელემენტი გარე-სამყაროს და ამ პიროვნებისავე ცხოვრების თავისებურობით გამოწვეული. როდესაც ესეც გამოირკვევა, მაშინ ინდივიდუუმისაგან დაგვრჩება ის ნაშთი, რომელიც მისი პირადი, თანდაყოლილი ნიჭით უნდა აიხსნას. აქ ისტორიკოსი უნდა შეჩერდეს. სწორედ ამ ნაშთთან არის დაკავშირებული ის პრობლემები, რომელიც ბუნებისმეტყველებას და ხელოვნებას აინტერესებს განსაკუთრებით, მაგრამ ამ პრობლემებს არავითარი მნიშვნელობა არა აქვს ისტორიულ განვითარების კანონზომიერების გასაგებად.

მაგრამ როდესაც ყოველივე ამას შევასრულებთ, ჩვენი ამოცანა ჯერ მთლად დაძლეული როდი იქნება. პირიქით, მხოლოდ ამის შემდეგ იწყება მისი უძნელესი ნაწილი.

განვსაზღვრეთ რა ისტორიულ პიროვნებაში ინდივიდუალური საზოგადოებრივისაგან, ჩვენ გადავიდეთ ამ უკანასკნელ ელემენტის გამორკვევაზე. საზოგადოებრივ მოძრაობაში, რომელშიაც პიროვნებამ ისტორიული მნიშვნელობა მოიპოვა, როგორც მისმა წარმომადგენელმა და მოწინავე მებრძოლმა, ჩვენ აგრეთვე უნდა ვცადოთ განსაკუთრებულ თვისებების ზოგად თვისებებისაგან გამოყოფა. მოძრაობა, რომელსაც ვიკვლევთ, ჩვენ უნდა შევადაროთ მრავალ სხვა მონათესავე მოძრაობას და ამგვარად გამოვარკვიოთ, თუ რა ანსხვავებს მას დანარჩენ მოძრაობისაგან და რა აქვს ყველას მათ საერთო.

აპის შემდეგ დაგვრჩება კიდევ ერთი უდიდესი და უძნელესი ამოცანა. თვითეული ამ ცალკე მოძრაობათაგანი ჩვენ უნდა დავაკავშიროთ მოცემულ დროის და მოცემული ერის მთლიან ისტორიულ პროცესსთან, უკანასკნელი კი, საბოლოოვით, ეკონომიურ განვითარებაზე და მოკიდებული. ჩვენ უნდა გამოვიკლიოთ, ერთის მხრით,—რამდენად აიხსნება ცალკე მოძრაობის ისტორიული თავისებურობა.

მოცემულ ეპოქის საზოგადოებისა და ეკონომიკის თავისებურობით, ხოლო, მეორეს მხრით, — რამდენად დამოკიდებულია ცალკე მოძრაობათა საერთო თვისებები სხვადასხვა საზოგადოებრივ ფორმებისა და სხვადასხვა წარმოების წესების საერთო თვისებებზე.

თუ ჩვენ ეს მოვახერხეთ, მაშინ შეგვიძლია ვთქვათ, რომ, ავიღეთ რა გამოსავალ წერტილად ისტორიული პიროვნება, ჩვენ შეესძლებლით ისტორიულ განვითარების კანონების გაშუქება. ამ კანონების საშუალებით ჩვენ შემდეგ შეესძლებთ ცალკე პიროვნებათა და მოძრაობათა ისტორიაში ბევრი ისეთი რამ გავაშუქოთ, რაც დღეს დღეობით ბუნდოვანია.

ჩვენი საისტორიო წყაროები საკმარისი არაა იმისთვის, რომ წარსულის გაგებისათვის ყველა მნიშვნელოვან ამბებს გავეცნოთ. მრავალი ცნობა დაკარგულია, მრავალიც, სხვისგან განაგონს მოგვითხრობს, ამის გამო ისინი ან ყალბი ან ნაკლოვანია. ბევრ რამეზე წყაროები სრულიად არაფერს გვეუბნებიან, რადგან ამას უმნიშვნელოდ სთვლიდენ: მხოლოდ უგვიანეს ხანაში გამოირკვა, რომ ეს უმნიშვნელო რამ კოლოსალურად მნიშვნელოვან მოვლენის ჩანასახი იყო. მეორეს მხრით წყაროები ბევრ ისეთ რამეს არ გადმოგვცემენ, რაც იმ დროს თავის თავად ცხადათ ითვლებოდა. მაგრამ სწორეთ ეს ჩვენთვის ესლა უცხო და გაუგებარია.

წყაროების ზედმიწევნით ბეჯითს და მკვეთრ კრიტიკას მხოლოდ იმის გამოირკვევა შეუძლია, რის შესახებ წყაროები გვაწვდიან საკმაო ცნობას: კრიტიკას არ შეუძლია ნაკლის შევსება მასალებში. ყოველ ისტორიკოსს ხედება ასეთი ცარიელი ადგილები, და ისტორიკოსის ამოცანაა მათი შევსება საკუთარი გაგებით. მაგრამ მკვიდრ ნიადაგს ფეხქვეშ ის მხოლოდ მაშინ იგრძნობს, თუ ისტორიულ კანონთა ცოდნას დაემყარება. როგორც პალეონტოლოგიას ნაწილ-ნაწილად შენახულ ძელების მიხედვით შეუძლია აღადგინოს ოდესღაც არსებულ ცხოველის მთელი სხეული, ისე ისტორიასაც შეუძლია იმის მიღწევა, რომ აქა-იქ გაკვრით გამოთქმულ აზრებისა და შენიშვნების მიხედვით აღადგინოს მთელი საზოგადოებრივი ინსტიტუტები. რა თქმა უნდა, ყოველივე ეს კონსტრუქცია იქნება, მაგრამ არ იქნება „კონსტრუქცია არაფრისაგან“. მართალია, შეცდომებიც შესაძლებელია; მაგრამ ეს ერთად ერთი გზაა მთლიან ისტორიულ პროცესის აღსადგენად, რომლის შესახებ წყაროები მხოლოდ ნაწყვეტ ცნობებს გვაძლევენ.

თანაც აღნიშნული მეთოდი გაცილებით უფრო სარწმუნო შედეგებს გვაძლევს, ვიდრე ძველებური ისტორიოგრაფია. მასაც უხდება აღდგენა, მაგრამ ის (ოდილობს აღადგინოს არა საზოგადოებ-

რივი დაწესებულებანი, არანედ პიროვნებათა სულიერი ცხოვრება: საქმე, რომელიც არავითარ პირობებში არ იძლევა სანდო შედეგს არაფერი არაა ისეთი მერყევი, წარმავალი, რთული და შემთხვევითი, როგორც ადამიანის სულიერი ცხოვრება. არც ერთმა ადამიანმა არ იცის კარგათ თავისი თავი,—მით უფრო ნაკლებათ იცნობს მას სხვა; ამ დროს კი სურთ წარმოგვიდგინონ სულიერი ცხოვრება ინდივიდუუმისა, რომელიც არასდროს არ უნახავთ, რომელიც შორეულ წარსულს წარმოუშვია სრულიად განსხვავებული სულის კვებით და რომლის შესახებ შენახულია პარტიულ სიძულვილით ან პარტიულ თავყანისცემით დამახინჯებული ცნობები! თუ სადმე არსებობს ფანტასტიური კონსტრუქციები, ეს სწორეთ ამგვარ, დიდ პიროვნებათა აღწერილობათა დარგშია. რა თქმა უნდა, ისტორიულ მოთხრობაში ჩვენ იძულებული ვართ გამოსავალ პუნქტად გამოჩენილი პიროვნებანი ავიღოთ. მაგრამ ისტორიოგრაფია, რომელიც არ ცდილობს მკვიდრი საზოგადოებრივი ფუნდამენტი ჩაუყაროს ისტორიულ თქმულებით გადმონაცემ ორქოფ დახასიათებებს,—ასეთი ისტორიოგრაფია არა თუ არაფერს მოგვცემს ისტორიულ კანონზომიერების ნათელსაყოფად, არამედ საზოგადოთ ფრიად საეკეო სისწორის პროდუქტებს მოგვაწოდებს.

რა საკვირველია, ყოველივე ამის მნიშვნელობა აქვს მხოლოდ იმ ისტორიკოსისათვის, რომელიც ადამიანთა მოქმედების კანონზომიერებას სცნობს. მაგრამ ვისაც წმინდად სწამს ადამიანთა ნებისყოფის თავისუფლება, მან თავიდანვე უნდა უარყოს ასეთი ისტორიული მეთოდი, თუმცა, მან საზოგადოთ უნდა უარყოს ისტორია, როგორც მეცნიერება. ისტორია მისთვის ბევრად თუ ნაკლებად ამამაღლებელი ხელოვნება იქნება, ხოლო სისწორეს უფრო ნაკლები მნიშვნელობა ექნება, ვიდრე ზნეობრივ ზემოქმედებას და წრთენას.

აქ დახასიათებულ მატერიალისტური მეთოდით შევუდექი მე მიუნცერის მოღვაწეობის შესწავლას, მაგრამ მალე იძულებული გავხდი შორს გავსცილებოდი მიუნცერს. საკირო ვახდა ერთის მხრით, გარდამნათელელებზე გადასვლა, ხოლო მეორეს მხრით საშუალო საუკუნეების კომუნისტურ სექტებისადმი მიმართვა და თვით პირვანდელქრისტიანულ კომუნიზმისაკენ დაბრუნება იმ მიზნით, რომ გამოემრკვია, თუ რა შეადგენდა მიუნცერის სპეციფიურ თავისებურობას და რა ქონდა მიუნცერს საერთო მისი დროის მთელ კომუნისტურ მოძრაობასთან, გამოემრკვია აგრეთვე ისიც, თუ რა შეადგენდა ამ მოძრაობის სპეციფიურ თავისებურობას და რაში ემზავსებოდა იგი.

სხვა მონათესავე მოძრაობებს; დასასრულ, გამოსარკვევი იყო ის ეკონომიური და პოლიტიკური მდგომარეობა, რომელშიაც წარმოიშვა ეს მოძრაობა. შრომის ცენტრში დარჩა მიუხეცერი, მაგრამ შრომის ფარგლები ძლიერ დაშორდა მიუნცერს.

მე უკვე ვათავებდი შრომას, როდესაც ჩემმა გამომცემელმა და მეგობარმა დიცმა შეადგინა გეგმა „სოციალიზმის ისტორიისა მონოგრაფიებად“ და წინადადება მომცა წამემძღვარა ჩემი წიგნი ამ კოლექტიურ წარმოსათვის პირველ ტომად. მე კმაყოფილებით დაეთანხმედი, რადგან ჩემს მოვალეობად მიმაჩნდა ხელის შეწყობა ამ ფრიად საჭირო საქმისათვის. როგორც შესავალს დანარჩენ ტომებისათვის, რომელშიაც უახლესი სოციალიზმის ისტორია უნდა მოთავსებულიყო, მე დავარქვე ჩემს წიგნს „Die Vorläufer des neueren Socialismus“.

მაგრამ შინაარსი არ შეეფერებოდა საესებით ამ სათაურს. ზოგიერთმა კრიტიკოსმა სამართლიანად აღნიშნა, რომ ჩემი წიგნი არ შეიცავს უახლეს სოციალიზმის ყველა წინამორბედთა დახასიათებას და რომ ის არა თანასწორ ყურადღებას აქცევს მასში განხილულ მოვლენებს; პირველი საფეხურები დახასიათებულია გაკვრით, ხოლო მოთხრობა მიუნცერისა და გარდამნათელელთა შესახებ, პირიქით, ძალიან დაწვრილებითია.

სამწუხაროდ ვერ მოხერხდა ზემოხსენებულ კოლექტიურ შრომის დამთავრება. ამიტომ ამ შრომის მეორე გამოცემა დამოუკიდებელ წიგნად გამოდის, და მე, ესარგებლობ რა ამ შემთხვევით, ვცვლი სათაურს შინაარსთან შესაფარდებლად. მე არ მსურდა მეტის მეტად დავშორებოდი პირველ გამოცემის სათაურს, თორემ წიგნს დავარქმევდი „გერმანულ რეფორმაციის კომუნისტები და მათი წინამორბედნი“.

შეუძლებელი იქნებოდა წიგნის გამოცემა იმ სათაურით რომელიც ჩემს პირვანდელ გეგმას შეეფერებოდა, — „ტომას მორისა და ტომას მიუნცერის წინააღმდეგობა“ (Thomas Münzer als Gegensatz zum Thomas More). ჩემი კვლევის მსვლელობაში ტომას მიუნცერი მეტის მეტად დაიჩრდილა და უბრალო ეპიზოდთ გადაიქცა. მაგრამ არც სხვა რომელიმე კერძო მოვლენა წამოწყებულია წინ ჩემს წიგნში იმდენად, რომ მხოლოდ მას შეეკმნა წიგნის საერთო ხასიათი.

მაგრამ წიგნს აქვს თავისი კულმინაციონური პუნქტი; ეს არის გარდამნათელელთა ბრძოლა მიუნცერში. აქ მე ვიძლევი მეტს, ვიდრე წიგნის სხვა ნაწილებში. გლეხთა ომში სამთომადნო მუშათა როლის გამოკლებით, ყველა კერძო მოვლენები, რაც

წიგნის წინა ნაწილებშია აწერილი,—თითქმის სავსებით ფართოდ ცნობილია. ახალია მხოლოდ ის, რომ ყველა ეს მოვლენები განხილული მაქვს არა ცალ-ცალკე, არამედ როგორც პროლეტარულ კლასობრივ მოძრაობის საერთო პროცესის ნაწილები.

პირიქით, მე იძულებული ვაგხდი სრულიად ახლად, წყაროებათ შემესწავლა გარდამნათვლელთა ბრძოლა მიუნსტერში. ამ ბრძოლის აღწერილობანი, რაც აქამდის არსებობდა ან სრულიად უაზროა ან პირდაპირ განზრახ დამახინჯებულია. მ შ ვ ი დ ბ ი ა ნ მ ა გარდამნათვლელებმა უკვე იპოვეს თავისი ადვოკატები ბურჟუაზიულ ისტორიკოსთა შორის; მაგრამ სხვა საქნეა—მეომარი. მე ბ რ ძ ო ლ ი გ ა რ დ ა მ ნ ა თ ე ლ ე ნ ი. ბურჟუაზიული ისტორიკოსები ძლიერ გართული არიან იმით, რომ გაათეთრონ რომელიმე ტიბერიუსი ან ლუკრეცია ბორჯია; მაგრამ ამავე დროს სრულიად უკრიტიკოთ ითვისებენ სულელულ ქორებს მიუნსტერის გარდამნათვლელებზე და კვლავ და კვლავ უდიდესი ზნეობრივი პათოსით ავრცელებენ ქვეყნიერებაში ამ ცილის მწამებელ არაკებს მათ შესახებ. ბატონ ისტორიკოსებს ალბათ ჰგონიათ, რომ ყოველი წიხლი, რომელსაც ისინი 1534 და 1535 წლებს შეუპოვარ გმირებს ჰკრავენ, თანამედროვე პროლეტარულ კლასობრივი ბრძოლის მოწინავე მებრძოლებსაც ხედება, წინააღმდეგ შემთხვევაში ასეთი საქციელი გაუგებარი იქნებოდა.

ეს თავისებური ილიუსტრაციაა ფრაზისა მიუდგომელ მეცნიერების შესახებ.

მე ჯერ არ მინახავს იმის გაბათილება, რაც ამ წიგნებში მაქვს ნათქვამი გარდამნათვლელთა შესახებ. არც აქ, არც ამის წინა ნაწილებში რაიმე არსებითი ცვლილების შეტანისათვის საფუძველი არ მქონია.

სამაგიეროთ ძლიერ სასურველად მიმაჩნდა შრომის გაფართოება. მაგრამ ამისთვის დრო არ მქონდა; მხოლოდ პირვანდელ-ქრისტიანულ კომუნისმის მიმოხილვა გავაფართოვე და გამოვეცი ცალკე წიგნად „Ursprung des Christentums“. მიუხედავად იმისა, რომ ეს შრომა ცალკე წიგნად გამოვიდა, მას ძალიან მჭიდრო კავშირი აქვს წინამდებარე შრომასთან. საზოგადოებრივი განვითარების იგივე კანონები, რაც უკანასკნელ შრომაშია გარკვეული, გზის მაჩვენებელ ვარსკვლავად მქონდა პირველ შრომაშიაც. ორივე შრომა ერთმანეთს ეწყარება. ვისაც სურს ერთი მათგანი გააკრიტიკოს, ის შეორეზედაც უნდა შეჩერდეს.

მე იძულებული ვიყავი უარი მეთქვა წინამდებარე წიგნის დაწარგნ ნაწილთა გაფართოებაზე. ახალი გამოცემა დიდი ხანია საკი-

რო იყო და იგი მეტის მეტად დაგვიანდებოდა რომ მეცადა იმისთვის, თუ როდის დამრჩებოდა დრო რომ ზოკიერთი ნაწილი უფრო დაწვრილებით გადმომეცა და ახალი მასალა გამომეყენებია.

რა რიგ საქირო და სასარგებლო არ უნდა იყოს პროლეტარულ კლასობრივ ბრძოლის წარსულის შესწავლა, ამან არ უნდა დააბრკოლოს თანამედროვე კლასობრივ ბრძოლაში მონაწილეობა. თეორია ჩვენთვის მკედარ ტვირთად არ უნდა დარჩეს, მან ჩვენი პრაქტიკა უდა გაანაყოფიეროს. მეცნიერება ჩვენთვის თვითმიზანი კი არ არის, არამედ მიზნის მისაღწევი საშუალება: რა თქმა უნდა, — საშუალება არა პარტიის და არც ერის მიზნებისათვის, არამედ მთელი კაცობრიობის განვითარებისთვის. ყოველი მეცნიერება ამ დიად პრაქტიკულ მიზანს უნდა ემსახურებოდეს. ის, როგორც სთქვა მარქსმა, კი არ უნდა „ხსნიდეს მხოლოდ მსოფლიოს, არამედ სცვლიდეს მას კიდევ“, — სცვლიდეს „ახალ, ადამიანურ საზოგადოებისა და განსაზოგადოებულ კაცობრიობის“ მიმართულებით.

ამ მნიშვნელობით მარქსის ტეზისა ც. შეიძლება ეწოდოს ჰუმანი-სტები.

კარლ კაუცკი.

ბერლინი. 1899 წლის აპრილი.

კომუნისმის საზოგადოებრივ საშუალო საუკუნოებში და რევოლუციის ხანაში.

თავი პირველი.

პლატონის და პირვანდელი ქრისტიანული კომუნისმი.

I. პლატონი და მისი დრო.

ბუნების მეტყველებისა და მანქანების გამოყენებაზე დამყარებულ თანამედროვე წარმოების წესის და, მასთან ერთად, თანამედროვე საზოგადოების ერთ ერთ თვალსაჩინო თვისებას წარმოადგენს დაუდგრომელი მისწრაფება ახალ-ახალ გამოგონებათა და აღმოჩენებისაკენ. გამუდმებულ გადატრიალებათა პროცესით გადატაცებულს დღეს მიღწეული მას ხვალ უკვე მოძველებულათ მიაჩნია, ყოველივე ძველი — უეარგისათ და ხელის შემშლელათ: მისთვის მისაღებია სულ უახლესი, ისიც დიდი ხნით კი არა, არამედ მხოლოდ მანამდე, სანამ ხვალ-ზეგ უკეთესი აღმოჩნდებოდეს.

სხვა მდგომარეობაში იყო წინანდელი წარმოების წესები. ძალიან ნელა ვითარდებოდენ ისინი, განსაკუთრებით სოფლის მეურნეობა — ეს საძირკველი ძველი ეკონომიკის: საუკუნოებით და ზოგჯერ ათასეულ წლებით სოფლის მეურნეობა ერთი და იმავე მეთოდებით სარგებლობდა. ძველი ხერხი იმ ხანაში წარმოადგენდა ნაცადს, საქმით გამართლებულს, პატივსაცემ საშუალებას. ახალი კი — ეკეების ამშლელს და განუხჯელ გამბედაობას.

რა თქმა უნდა, ასე ეკიდებოდენ პირველად ყოვლისა წარმოებას და, განსაკუთრებით, მიწათმოქმედებას. მაგრამ იგივე შეხედულებები მეფობდა მთელს საზოგადოებაში — მისი ხელოვნებით, მეცნიერებით და პოლიტიკით.

ჩვენს დროში, თუ რომელიმე მხატვრულ ნაწარმოებზე, თეორიაზე ან პარტიულ ჯგუფზე ითქმის, რომ ისინი სრულიად ახალ, ჯერ უცნობ გზაზე შესდგენ, ეს მათთვის განსაკუთრებულ ქებათ ჩაითვლება. წინათ კი, პირიქით, წარსულში ეძიებდენ თავის ზრახვათა მატა-

რებელ პირებს, რომ მათი მაგალითი დაემოწმებიათ თავის სასარგებლოთ. მაშინაც კი, როდესაც ესა თუ ის მოქმედება გამოწვეული იყო სრულიად ახალი, განსაკუთრებული პირობებით—სულ ერთია, ამ ახალ პირობების აღნიშვნაზე უფრო დამარწმუნებლად ითვლებოდა ძველი დროის რომელიმე ცნობილი ავტორიტეტის მაგალითზე დაყრდნობა.

ყოველივე ეს შეეხება აგრეთვე გარდამნათვლელებს და რეფორმაციის ეპოქის სხვა სოციალისტებს. იმათ ახალი იდეების მღალაღებლად კი არ მოჰქონდათ თავი, თავის მოწოდებათ მათ მიაჩნდათ იმ ძველი პირვანდელი-ქრისტიანობის აღდგენა, რომელსაც მრავალ საუკუნის ისტორია აქვს და რომელიც ცნობილია მოციქულთა მოღვაწეობიდან. გარდა ამისა ზოგიერთ შემთხვევაში ისინი იმოწმებდნენ კიდევ უფრო ძველს პლატონის ავტორიტეტს.

ეს მათთვის მით უფრო ადვილი იყო, რომ მათი დროის წარმოების წესი არც თუ ისე დიდად განსხვავდებოდა იმ წარმოების წესისაგან, რომელსაც ელიზინურ—რომაულმა ქვეყნიერებამ მიაღწია თავისი აყვავების ხანაში. ორივე ეპოქის მიწათმოქმედებას, ხელოვნობას, ვაჭრობას ბევრი რამ საერთო ჰქონდა. იმ სიმბოლიდან, რომელსაც ძველმა მსოფლიომ მიაღწია პლატონისა და ქრისტიანობის ჩასახვის შუა ხანაში, მან დაცემა იწყო და ხალხთა გადასახლების ხანაში თითქმის სავსებით ბარბაროსობაში ჩავარდა. ამ უკანასკნელ მდგომარეობიდან ის ძლიერ ნელის ნაბიჯით გამოდიოდა და მხოლოდ რეფორმაციის ეპოქაში ამაღლდა წინანდელ დონემდე და გამოიჩინა უნარი შემდგომი განვითარებისა.

რა თქმა უნდა საქმე ისე კი არ უნდა წარმოვიდგინოთ, თითქოს მეთუთხმეტე და მეთექვსმეტე საუკუნის საზოგადოებრივი ურთიერთობანი უბრალო განმეორებას წარმოადგენდა იმ ურთიერთობებისა, რომელიც პერიკლეს დროის ათინაში და რომის იმპერიაში არსებობდა. ამ ორ ეპოქას შორის პირველად ყოველისა ის ღრმა განსხვავება იყო, რომ ძველს დროში არსებობდა მონობა, რომელიც ხალხთა გადასახლების ხანიდან მოყოლებული თანდათან ისპობოდა ევროპაში. მონობა კი ყველგან აფერხებს საწარმოვო ძალთა განვითარებას და შეჰყავს საზოგადოება ისეთ ჩიხში, საიდანაც მისი გამობრუნება შეუძლებელი ხდება. ამიტომაც იყო რომ ძველმა ქვეყნიერებამ თავისი არსებობა საყოველთაო გადატაკებით და მეცნიერება-ხელოვნების დაცემით დაასრულა. რეფორმაციის ეპოქა კი, წინააღმდეგ ამისა, მძლავრი ეკონომიური ამაღლების ხანა იყო, როდესაც საძირკველი ეყრებოდა თანამედროვე გიგანტურ კაპიტალიზმს.

მაგრამ მე-XV და მე-XVI საუკუნოებში ეს განვითარება მხო-

ლოდ ისახებოდა. ძველი დროის დიდი კულტურის ხალხები ჯერ კიდევ მასწავლებლებს წარმოადგენდენ ახალი დროისათვის ხელოვნების, მეცნიერების, პოლიტიკისა და საზოგადოებრივი ცხოვრების ყოველ დარგში. ჯერ კიდევ ურყევი იყო ქრისტიანობის გავლენა, რომელიც გაცილებით უფრო მძლავრად ბატონობდა გონებრივ სფეროში, ვიდრე ფილოსოფოსნი და პოეტი საბერძნეთსა და რომში. როდესაც იმ ხანის კომუნისტები ძველი დროის ქრისტიანულ და წარმართულ თხზულებებში ეძიებდენ ავტორიტეტებს, რათა იმათზე დაემყარებინათ თავის მოთხოვნილებათა დასაბუთება, ისინი ამით საყოველთაოდ გავრცელებულ ჩვეულებას მისდევდენ. არც პლატონს, არც პირენდელ ქრისტიანობას არ წარმოუშვიათ საშუალო საუკუნეებისა და რეფორმაციის ხანის ეს მოთხოვნილებები.

უკანასკნელი თავისი დროის სოციალურ პირობებისაგან გამომდინარეობდა. მაგრამ საშუალ-საუკუნეთა კომუნისტები—პირენდელ ქრისტიანობაში და რეფორმაციის ხანის კომუნისტები—გარდა ქრისტიანობისა კიდევ პლატონში იპოვეს მტკიცე დასაყრდენი, რო მელიც აძლიერებდა მათ რწმენას და მრავალ შემთხვევაში უადვილებდა მათ თავის მოთხოვნილებათა დასაბუთებას და ჩამოყალიბებას.

მაშასადამე, საშუალ საუკუნეთა და რეფორმაციის ეპოქეს კომუნისტურ სექტების შესაცნობად საჭიროა ჯერ პლატონისა და ქრისტიანულ კომუნიზმს მივმართოთ.

აქ ჩვენ უნდა გვიანტერესებდეს მხოლოდ ეს ორი სახე ძველი დროის კომუნიზმისა, რადგან მხოლოდ მათ იქონიეს ლიტერატურული გავლენა რეფორმაციის ხანის კომუნისტებზე. მაგრამ ეს სრულიადაც იმას არ ნიშნავს, რომ კომუნიზმის მხოლოდ ამ ფორმას ქონდა ადგილი ძველს დროში.

არ არის იმაზე უფრო შემცდარი აზრი, თითქოს კომუნიზმი ადამიანის არსებას, ადამიანურ ბუნებას ეწინააღმდეგება. პირიქით, ადამიანი—საზოგადოებრივი არსებაა და ის ადვილათ ითვისებს კომუნიზმს, თუ ეს უკანასკნელი რამოდენიმეთ მაინც შესაძლებელი ხდება არსებულ საწარმოვო ურთიერთობაში. საეკეოა, იყო თუ არა ისეთი ეპოქა, რომელშიაც არ არსებულყო კომუნიზმის ესა თუ ის ფორმა ან მისწრაფება მაინც კომუნიზმისადმი. კომუნიზმი კაცობრიობის აკვანთან იღვა და თვით უკანასკნელ ხანამდე დარჩა ის საზოგადოებრივ ბურჯად დედამიწის ხალხთა უმრავლესობისათვის.

არსებობისათვის ბრძოლის კანონს კომუნიზმი არათუ მხოლოდ ეგუებოდა, არამედ უმნიშვნელოვანეს იარაღსაც წარმოადგენდა კაცობრიობისათვის ამ ბრძოლაში. ისტორიის წინა ხანის უიარაღო,

შიშველ ადამიანებს მხოლოდ იმის წყალობით შეეძლოთ წარმატებით ებრძოლათ თავის საშინელ მტრების წინააღმდეგ პირველყოფილ ბუნების პირობებში, რომ მკიდროთ ერთიანდებოდენ მრავალრიცხოვან საზოგადოებებში. პირველყოფილი ადამიანი ცხოვრობდა მხოლოდ საზოგადოებაში და საზოგადოების წყალობით, მას ჯერ არ გაეწყვიტა საზოგადოებასთან დამაკავშირებელი ძაფები. თანაზიარად შოულობდენ პირველყოფილი ადამიანები თავის საარსებო საგნებს; თანაზიარად ნადირობდენ და თევზაობდენ. თემში მიმდინარეობდა მათი ცხოვრება; ერთად იცავდენ საერთო თავშესაფარს და საერთო მიწა-წყალს.

მაგრამ წარმოების პროგრესთან ერთად ყველაფერი ეს შეიცვალა. საერთო საკუთრების გვერდით წარმოიშვა კერძო საკუთრება.

უკანასკნელი თავდაპირველად გავრცელდა მხოლოდ მეორე ხარისხოვანი მნიშვნელობის ზოგიერთ საგანზე, უმთავრესად პირადად მოსახმარ საგნებზე, რომელსაც უმეტეს შემთხვევაში იგივე პირი აწვადებდა, ვინც ხმარობდა. ასეთი იყო იარაღი, სამკაული და სხვა ნივთი, რომელიც პირველყოფილ ადამიანთა წარმოდგენით, იმდენათ შეზრდილი იყო ადამიანთან, რომ ხშირათ პატრონთან ერთად მარხავდენ საფლავში მისი სიკედილის შემდეგ.

მაგრამ კერძო საკუთრების სფერო და მნიშვნელობა ფართოვდებოდა.

საკუთარი მოხმარებისათვის საგანთა წარმოების გვერდით ვითარდებოდა პროდუქტების გააცვლა-გამოცვლა, — ჯერ სხვადასხვა საგნების მწარმოებელ ცალკე ტომებს შორის, შემდეგ კი ცალკე პირთა შორისაც. ამგვარად აღმოცენდა საქონლის წარმოება გაყიდვის მიზნით. მართალია, დიდი ხნის განმავლობაში ეს წარმოება ისეთი ფორმით არსებობდა, რომ ყოველი მეურნეობა ამზადებდა პროდუქტებს პირველ ყოვლისა საკუთარ მოხმარებისათვის და მხოლოდ ნაქარბს ჰყიდოდა. საგლეხო მეურნეობაში დღესაც ასეთი მდგომარეობაა. საქონლის წარმოება იმას გულისხმობს, რომ მწარმოებელი თავისუფლად სარგებლობს საკუთარი საწარმოვო იარაღებით და თავის შრომის პროდუქტით, და ეს მის კერძო საკუთრებას შეადგენს. საქონლის წარმოება ჩნდება მხოლოდ მაშინ, როდესაც კერძო საკუთრებას უკვე გარკვეულ დონემდის მიუღწევია. მეორეს მხრით, საქონლის წარმოების განვითარებას ის მოსდევს, რომ წარმოების საშუალებანი და პროდუქტები სულ უფრო მეტად იქცევიან კერძო საკუთრებათ. ბოლოს და ბოლოს კერძო საკუთრების სფეროში მოექცა უმთავრესი წარმოების

საშუალება, არსებობის საფუძველი — მიწა, რომელიც ყველაზე მეტი ხანი დარჩა სათემო მფლობელობაში.

ქალაქის მრეწველობისა და ვაჭრობის განვითარება თავიდანვე გულისხმობს კერძო საკუთრების უფლებას საწარმოვო საშუალებებზე და პროდუქტებზე.

მაგრამ კერძო საკუთრება არათუ აფართოებს თავის სფეროს, არამედ იმავე დროს თავიდან იცილებს მისი გამოყენების ყოველგვარ განმსაზღვრელ პირობებს: ეს პირობები სულ უფრო სამძიმო ხდება მისთვის, რაც უფრო ვითარდება საქონლის გაცვლა-გამოცვლა და წარმოების ახალი წესი, რომელიც კერძო საკუთრებას მოითხოვს.

თუ წინეთ საკუთრება ერთ გარკვეულ პიროვნებასთან იყო დაკავშირებული და ამიტომ პატრონის სიკვდილის შემდეგ ან ისპობოდა და გადადიოდა მთელი საზოგადოების განკარგულებაში, ეხლა ის მემკვიდრეობითად გადადის ერთი პირისაგან მეორეზე.

პირველყოფილი თანასწორობა ჰქრება, კერძო საკუთრება საზოგადოებრივ ძალათ იქცევა, საზოგადოება გაბატონებულ მესაკუთრეებათ და მათზე დამოკიდებულ, ქონებას მოკლებულ დარჩებათ; კერძო საკუთრების მოხვეჭა საზოგადოებრივ აუცილებლობად იქცევა. ბოლოს, ფულის გაჩენამ უსაზღვროთ გაამეფა შემძენელობის მისწრაფება.

მოხმარების საგანთა მოთხოვნილება ყოველთვის განსაზღვრულია. სანამ სიმდიდრე მხოლოდ უშუალოდ მოსახმარ საგნებისაგან შესდგება, არაფერ არ მოითხოვს მას იმაზე მეტს, რაც საჭიროა ნებიერი და კომფორტიანი ცხოვრებისათვის. წინააღმდეგ ამისა, ფულის არავითარი რაოდენობა არ მიაჩნია ადამიანს საკმარისად, რადგან ფული საქონელია, რომელიც არ ფუქდება და რომლის გამოყენება ყოველთვის არის შესაძლებელი. განძის შეკრეფა, დიდი ქონების დაგროვება პირად მოთხოვნილების ფარგლებს გარეშე, მესაკუთრის ცხოვრების მიზანს შეადგენს. ამიერიდან წინააღმდეგობა სიმდიდრისა და სიღარიბის შორის შეიძლება გასცდეს ყოველგვარ საზღვარს და, მართლაც ეს წინააღმდეგობა უზომოა ყველგან, სადაც არსებობს ამის პირობები.

ამასთან ერთად იცვლება ადამიანთა ურთიერთ დამოკიდებულებაც. მთელი მათი ყოფა-ცხოვრება და აზროვნება. თემის ერთგულება და მისთვის თავგამოდება ოდესღაც კაცობრიობის უმთავრეს ღირსებათ ითვლებოდა. ეხლა კი ეს ჰქრება. ყოველი კაცი თავის მოყვასს მხოლოდ თავის თავში ხედავს. საზოგადოება დაიყო ერთმანეთთად

გაათრებით მებრძოლ კლასებათ, კლასები ნაწილდებიან ინდივიდუ-
უმებათ, რომელთაგან ყოველი თავის პირად სარგოს მისდევს და
ცდილობს რაც შეიძლება მეტი მიიღოს საზოგადოებისაგან და რაც
შეიძლება ნაკლები შესძინოს მას. სულ უფრო სუსტი ხდება თემის და
პიროვნების შემაკავშირებელი ძაფები. თემი იშლება ან რჩება ისეთ ხალ-
ხში, რომელიც ჩამორჩა განვითარებას, მაგრამ შეინარჩუნა კომუნისტური
თვისებები და კომუნისტური ძალა. ასეთია ძველი დროის ყველა
ერთა და სახელმწიფოთა ისტორია. შეიძლება ეს პროცესი ყველაზე
უფრო სწრაფი და თვალსაჩინო ათინაში იყო. სპარსეთთან
ომებს ის დასასრულიდან ფილიპე მაკედონელის მიერ საბერძნეთის
დაპყრობამდე ძლივს ერთ-ნახევარმა საუკუნემ გაიარა (479—338წ.წ.
ქრ. შობამდე). ამ პერიოდის დასაწყისში კლასობრივი სხვადასხვაობა
და კლასობრივი წინააღმდეგობა შედარებით სუსტი იყო (თუ არ ჩავ-
თვლით მონებს, ესენი ხომ თემს არ ეკუთვნოდენ). რა თქმა უნდა
ჯერ მაშინაც არსებობდენ პრივილეგიებით აღჭურვილი არისტოკრა-
ტები და უფლება აყრილი ხალხის ფენები, მდიდრები და ღარიბნი;
მაგრამ ეს წინააღმდეგობა ჯერ არ გამხდარიყო იმდენად ინტენსიუ-
რი, რომ მოსახლეობის თავისუფალ ნაწილში ზოგად—სახელმწიფოე-
ბრივი ინტერესები ჩაეჭრო. ხსენებულ პერიოდის უკანასკნელ მესამედ-
ში კი მონათა მასის გვერდით ატტიკაში მხოლოდ მდიდრები და
ბოგანონი არსებობდენ. „წინანდელ დროში,—ამბობდა ერთ
რავის სასამართლო სიტყვაში იმ დროს მცხოვრები ორატორი
დემოსფენი,—ყველაფერი სხვანაირი იყო, ვიდრე დღეს. წინათ ყვე-
ლაფერი, რაც სახელმწიფოს ეკუთვნოდა, სიმდიდრით და ფუფუნებით
ბრწყინავდა, მოქალაქეთა შორის გარეგნულათ არავინ განირჩეოდა
დანარჩენთაგან. ყოველ ჩვენგანს დღესაც შეუძლია საკუთარის თვა-
ლით დაინახოს, რომ თემისტოკლეს, მილტიადეს და სხვა წარსულის
დიად მოქალაქეთა ბენები არაფრით არ იყო მათ თანამოქალაქეთა
ბინებზე უკეთესი და უფრო შესანიშნავი. ამავე დროს მაშინდელი
საზოგადოებრივი შენობები და ძეგლები თავის სიდიადით და მშვენე-
ბით სამუდამოდ დარჩება მიუხწეველ ნიმუშებათ; მხდევლობაში
მაქვს პროპილეები, არსენალები, კოლონადები, ნეთსადგურ პირეის
ნაგებობანი და ჩენი ქალაქის სხვა საზოგადოებრივი შენობები. ეხ-
და კი იშვიათი არ არიან სახელმწიფო მოღვაწენი, უფრო მდიდრულ
სახლებში მცხოვრებნი, ვიდრე თვით საზოგადოებრივი შენობებია;
მათ შესყიდული აქვთ საკუთრებათ იმდენი მიწა, რომ ყველა თქვენი,

აქ შეკრებილ მოსამართლეთა ¹⁾, მინდვრები რომ შევეართოთ, მაშინაც ვერ მივიღებთ ამ ვეებერთელა მამულთა სიდიდეს. ხოლო რაც შეეხება იმ საზოგადოებრივ შენობებს, ჩვენს დროში რომ აგებენ, ისინი იმდენათ უმნიშვნელონი არიან და ისე საცოდავათ გამოიყურებიან, რომ მათზე ლაპარაკიც სირცხვილია.

ამ მოვლენებს ადგილი ქონდა მთელს საბერძნეთში, მაგრამ არსად არ სჩანდა ისე მკაფიოთ, როგორც ათინაში. სპარსულ ომების წყალობით, ათინა უძლიერესი სახელმწიფო² გახდა საბერძნეთში; ათინამ იხსნა საბერძნეთის თავისუფლება სპარსთა უღლისაგან მხოლოდ იმისთვის, რომ თვით შეედგა ბერძნებზე საკუთარი უღელი. ეგეის ზღვის თითქმის ყველა სანაპიროების და კუნძულების მოსახლეობა (და აგრეთვე მრავალი სანაპირო ქალაქი და კუნძული ეგეის ზღვის გარეშეც) ათინისაგან იყო დამოკიდებული და მას ხარკს უხდიდა. მონათა შრომის და ფართოთ განვითარებულ ვაჭრობის გარდა, ათინის მოსახლეობის მუდმივ შემოსავალს სამხედრო ნადავლი და მორჩილ სახელმწიფოთა ხარკი შეადგენდა. მდიდრები ამით უფრო გამდიდრდენ, ხოლო დანარჩენი თავისუფალი მოსახლეობა, რომელსაც აგრეთვე ქონდა გამოსარჩენი აუარებელი სახელმწიფო შემოსავლიდან, შრომას გადაეჩვია, გადაგვარდა, დაძაბუნდა და ლუმპენ—პროლეტარიატის დონემდის დაქვეითდა. მაგრამ იგივე მიზეზები ჰბადებდა მთელი დანარჩენი საბერძნეთის სიძულვილს ათინისადმი.

ბოლოს და ბოლოს საქმე იქამდის მივიდა, რომ სასტიკი ბრძოლა გაჩაღდა ერთის მხრივ ათინას, რომელიც სულ უფრო აფართოვებდა თავისი ბატონობის სფეროს, და მეორეს მხრით ჯერ დაუპყრობელ პელოპონესის სახელმწიფოთა შორის, სპარ—რომელთაც სპარტა მეთაურობდა.

ეს იყო ომი არა მარტო ათინის ჰეგემონიის წინააღმდეგ, არამედ აგრეთვე არისტოკრატის ომი დემოკრატის წინააღმდეგ. ათინა იყო საბერძნეთის ყველაზე უფრო დემოკრატიული სახელმწიფო, სპარტა კი—ყველაზე უფრო არისტოკრატიული. მთავარი სიმძიმე იმ გადასახადების, რომლითაც დაბევრილი იყო ათინის მიერ დამორჩილებული სახელმწიფოები, არისტოკრატებს აწვებოდა. თვით ათინაშიაც დემოსმა სახელმწიფო გამოსაღების მთელი სიმძიმე რამდენათაც შეიძლებოდა არისტოკრატებსა და მდიდრებს დააკისრა.

¹⁾ ათინაში ნათევ მსაჯულთა სასამართლოები იყო (დისკატერიები); ყოველ საქმეს არჩევდა ხუთასი მოსამართლე (ჰელიასტები).

ამიტომაც იყო, რომ მდიდრები და არისტოკრატები განსაკუთრებულ სიძულვილს გრძნობდნენ ათინისადმი. თვით ათინაში საზოგადოების დაქსაქსვა და წინააღმდეგობა მდიდრებსა და ლარიბებს შორის იქამდე მივიდა, რომ ათინელი მდიდრები და არისტოკრატები თავის ეროვნულ მტერს, სპარტას ეარშიყებოდნენ და მასთან კონსპირაციასაც ეწეოდნენ. სპარტის გამარჯვება მათ მიაჩნდათ. დემოკრატიისაგან ხსნის საუკეთესო საშუალებათ.

გადამწყვეტი ომით ათინასა და სპარტას შორის,— ე. წ. პელოპონესის ომი,—თითქმის 30 წელი (431—404 წ. წ. ქრ. შობამდის) გაგრძელდა და ათინის ძლიერების სრული განადგურებით დასრულდა. ათინის ხელის უფლება განსაზღვრულ იქნა ატიკის საზღვრებით, პოლიტიკურათ კი ის სპარტას დაექვემდებარა. დემოკრატიის ადგილი სპარტის მორჩილ კრეატურების მთავერობამ დაიკირა.

ეს ჩდგომარეობა მოითხოვდა გულდასმით შესწავლას, და სახელმწიფოთა აყვავება—დაცემის მიზეზთა გამოკვლევას. და, აი ყველამ მამართა საკითხს საუკეთესო სახელმწიფო წესწყობილების შესახებ.

სწორეთ ამ ისტორიულ პირობებში აღიზარდა პლატონი.

ის დაიბადა ძველი არისტოკრატიული გეარის ოჯახში ათინაში პელოპონესის ომის დასაწყისში 429 და 427 წლებს შუა ქრისტეს შობამდის. ის სამუდამოდ ერთგული დარჩა თავისი არისტოკრატიული შთამომავლობისა და ბოლომდე შეინარჩუნა უარყოფითი აზრი დემოკრატიაზე. ნივთიერად სავსებით უზრუნველყოფილმა, მან მთელი თავისი დრო გონების განვითარების საქმეს შესწირა და ქაბუკობის ხანაშივე მეცადინეობა დაიწყო პოეზიასა და ფილოსოფიაში. გადამწყვეტი გავლენა მოახდინა მასზე სოკრატესთან ნაცნობობამ, რომელიც ალბათ პლატონის სიცოცხლის მე-20 წელიწადზე დაიწყო. ამ ხნიდან ის სავსებით ფილოსოფიას ეწირება და სოკრატეს ყველაზე უფრო შესანიშნავი მოწაფე ხდება. მაგრამ იმ იდეების წრეს, რომელშიაც სოკრატე ტრიალებდა, პლატონი აფართოებს დამოუკიდებელი მეცადინეობით და—თავისი მასწავლებლისა და მეგობრის სიკვდილის შემდეგ—ხშირი მოგზაურობით, რითაც მან გაიცნო ეგვიპტე, კირენა, სამხრეთი იტალია და სიცილია.

ათინაში დაბრუნების შემდეგ საჯაროთ გამოდის როგორც ფილოსოფოსი და მასწავლებელი. მაგრამ შემდეგაც ის ორჯერ სწყვეტს ამ მოღვაწეობას და ხანგრძლივით მოგზაურობს სიცილიაში.

ამ მოგზაურობათა მიზანი ფრიად საყურადღებოა, როგორც დამახასიათებელი ნიშანი პლატონის დროის დაქვეითებული პოლიტიკური ყოფა-ცხოვრებისა. პლატონმა გამოიმუშავა ორიგინალური

პოლიტიკურ პრინციპების მთელი სისტემა, რომლის შესახებ ჩვენ ლაპარაკი შემდეგ გვექნება, მაგრამ მას აზრათაც არ მოსვლია ეცადა თავის შეხედულებათა და რწმენის განხორციელება ქვეყნის პოლიტიკურ ცხოვრებაში პირდაპირი მონაწილეობით.

ეს, რასაკვირველია, იმას სრულიად არ ნიშნავს რომ თვითონ პლატონს არ სწამდა თავისი სახელმწიფოებრივი და საზოგადოებრივი იდეების პრაქტიკული მნიშვნელობა და რომ ისინი მას უბრალო ფანტაზიად მიაჩნდა.

368 წელს გარდაიცვალა დიონისო უფროსი, — სირაკუზის ტირანი. მის ვაჟს, დიონისო უმცროსს, თავის ღროს რამოდენიმე ალღური მოუხდენია ფილოსოფიის დარგში და რეფორმების მეგობრათ გაეთქვა სახელი, — საზოგადოთ ხომ ყოველი მემკვიდრე პრინცი რეფორმების მეგობრათ ითვლება. დიონეს, პლატონის მეგობარს და დიონისოს სიძეს — იმედი ჰქონდა, რომ ტირანის ვაჟს პლატონის იდეებისაკენ მოიხზობდა. თვითონ პლატონიც, ამით დაიმედებულ, სირაკუზაში გაემგზავრა, რათა ტირანის ხელით გაეკეთებინა ის, რისთვისაც მას თითოც არ დაუნძრევია ათინის დემოკრატიაში: გაემგზავრა თავისი პოლიტიკური იდეალების განსახორციელებლად.

თავის-თავად ცხადია, მისი იმედი გაცრუდა. დიონისოს ძალიან მოსწონდა, რომ ფილოსოფოსები მისკენ მიისწრაფოდნენ და ხელს უწყობდნენ მისი სასახლის ბრწყინვალეობას. მაგრამ ამას არ უნდა დაეშალა ის ნეტარება, რომელსაც მას „ღვინო, ქალები და სიმღერა“ აძლევდა, და თუ ვინმე ხელს შეუშლიდა, „გვირგვინოსანი ფილოსოფოსი“ მას ერთ წიხლს კრავდა და გადაასახლებდა.

როდესაც მიუხედავად ამისა პლატონი რამოდენიმე წლის შემდეგ ხელმეორედ ეწვია სირაკუზის სასახლეს, ის ძლიერ გადაურჩა ტირანის საშინელ რისხვას და კმაყოფილი დარჩა, რომ სიცოცხლე გადაირჩინა და ხიფათს თავი შედარებით ადვილად დააღწია.

ასე გათავდა ჩვენი ფილოსოფოსის პოლიტიკური მოღვაწეობა. მაგრამ თავის მოძღვრობას ის განაგრძობდა სიკედილამდე, რომელმაც 81 წლის ჰასაკში მოუხსწრო.

II. წიგნი სახელმწიფოს შესახებ.

პლატონის თხზულებებიდან ჩვენ აქ გვაინტერესებს მხოლოდ „პოლიტეია“, წიგნი სახელმწიფოს შესახებ, — პირველი ჩვენამდის მოღწეული კომუნიზმის სისტემატიური ფილოსოფიური დასაბუთება.

წიგნს, როგორც პლატონის სხვა თხზულებებსაც, დიალოგის ფორმა აქვს, რომელშიაც პლატონის იდეებს იცავს უმთავრესად სოკრატე.

წიგნის არსებითს შინაარსს შეადგენს შემდეგი საკითხის გამოკვლევა: როგორია სახელმწიფოს და საზოგადოებრივი წყობილების საუკეთესო ფორმა?

რომ სახელმწიფოს და საზოგადოების არსებული ფორმები ცუდია—ეს, პლატონის აზრით, არავითარ ექვს არ იწვევს.

„კერძო საკუთრებას და წინააღმდეგობას მდიდართა და ღარიბთა შორის,—ამბობს ის,—დალუპვისაქენ მიჰყავს სახელმწიფოები. განა სიმდიდრე და სიჭკველე ისეთნაირად არ არიან ერთმანეთზე დამოკიდებულნი, თითქოს სასწორის ორ თვალზე მდებარეობენ და როდესაც ერთი თვალი აიწვევს, მეორე უნდა დაიწიოს?.. ამგვარად, თუ რომელიმე სახელმწიფოში პატივს სცემენ სიმდიდრეს და მდიდართ, სიჭკველე და კეთილის მყოფელნი ნაკლების პატივით უნდა სარგებლობდნენ... მაგრამ ამგვარ შემთხვევაში სახელმწიფო ერთი კი არ არის, არამედ ორი: ერთს შეადგენენ ღარიბნი, მეორეს მდიდრები; ორივე ერთმანეთის გვერდით არსებობენ და ერთი მეორეს მტრობენ¹⁾... ბოლოს და ბოლოს მათ (გაბატონებულ მდიდრებს) ომის წარმართვაც არ შეუძლიათ, რადგან ამისთვის მასსა უნდა დაიხმარონ, ხოლო შეიარაღებული მასსა მათთვის მტერზე უფრო საშიშარია. თუ მისი დახმარებით არ ისარგებლებენ, იძულებული ხდებიან მხოლოდ საკუთარ, უმნიშვნელო საომარ ძალას მიენდონ; ესეც რომ არ იყოს, მათ არ სურთ გამოსაღების გადახდა, რადგან ძლიერ ჯერად ფული“.

ღარიბთ, პროლეტარებს პლატონი მონაწირებს ადარებს—ეს შედარებით მკაფიოთ გამოხატავს განსხვავებას ანტიურსა და თანამედროვე პროლეტარიატს შორის. საკუთრებას მოკლებული თავისუფალი ხალხი ძველს დროში უმთავრესად ლუშპენ-პროლეტარიატს შეადგენდა. ეხლა საზოგადოება პროლეტარების შრომით არსებობს, მაშინ კი, პირიქით, პროლეტარები ცხოვრობდნენ საზოგადოების ხარჯზე, სახელმწიფოს და მდიდართა ექსპლოატაციით, ამ უკანასკნელთა შემოსავლის წყაროს კი შეადგენდა მონათა შრომა და დაპყრობილ-დამორჩილებული ქვეყნები.

„მაგრამ,—ამბობს შემდეგ პლატონი,—ორთუხი მონაწირები იმით

¹⁾ როგორც ვხედავთ, დიხრავლი არ იყო, რომ პირველად მოიხსენია ორი ერთ ერთ სახელმწიფოში; ეს სიტყვა პირველად ორი ათასი წლის წინათ წარმოითქვა.

განიჩევიან ფრთოსნებისაგან, რომ ყველანი როდი არიან საწერტელს მოკლებულნი. ვისაც საწერტელი არა აქვს, მათხოვრობენ მთელი თავისი სიცოცხლე, ვისაც კი აქვს... ვერაგობენ, ქურდობენ, ჯიბგრობენ, ძარცვავენ ტაძრებს და მრავალ სხვა საზიზღარ ბოროტებას სჩადიან“ (მე-8 წიგნი, 6 და 7 თავები).

სახელმწიფო, რომლის შიგნით მუდამ ერთმანეთს ებრძვის ორი ასეთი სახელმწიფო, აუცილებლად უნდა გაიხრწნას, ვინც არ უნდა იყოს იქ ხელის უფალი—მდიდარნი (ოლიგარხია) თუ ღარიბნი (დემოკრატია).

მაშ როგორი სახელმწიფო წყობილება უნდა არსებობდეს პლატონის აზრით ამ ორ „ცუდ წყობილებათა“ ნაცვლად?

პლატონი ფიქრობს, რომ მხოლოდ კომუნისზმს შეუძლია დაიცვას სახელმწიფო დაშლისაგან.

მაგრამ პლატონი მეტის-მეტად არისტოკრატი იყო, რომ მონდომებოდა კლასობრივ სხვადასხვაობის მოსპობა. კომუნისზმი დამცველი, კონსერვატიული ელემენტი უნდა გამხდარიყო და მხოლოდ გაბატონებულ კლასზე უნდა გავრცელებულიყო. „კერძო საკუთრება რომ მოვსპოთ გაბატონებულ კლასში,—ამბობს პლატონი,—მას აღარ ექნება საფუძველი მშრომელი ხალხის ჩაგვრისათვის, გაბატონებული კლასი მაშინ მგელს კი არ ემზგავსება, არამედ ერთგულ და ფხიზელ ძალს, რომლის ერთად-ერთი მიზანი ხალხის მტრისგან დაცვა და მისი კეთილდღეობა იქნება“.

მშრომელ კლასებს,—გლეხებს და ხელოსნებს, აგრეთვე წვრილ მენუქნეებსა და მსხვილ ვაჭრებს პლატონი უტოვებს კერძო საკუთრებას. ეს გასაგებიც არის: კერძო საკუთრების მოსპობა მოსახლეობის ამ წრეებში ეწინააღმდეგებოდა მაშინდელ საწარმოვო წესწყობილების მოთხოვნილებებს. წარმოებას საფუძვლად ედო წვრილი მიწათმოქმედება და ხელოსნობა. ესენი კი ბუნებრივი აუცილებლობით მოითხოვენ კერძო საკუთრების უფლებას შრომის იარაღებზე. მართალია, ძველმა მსოფლიომ უფრო მსხვილი წარმოებაც იცოდა, მაგრამ უკანასკნელი მონათა შრომაზე იყო დამყარებული. მიწათმოქმედებასა და მრეწველობაში ტეხნიკა ჯერ იმდენათ განვითარებული არ იყო, რომ საზოგადოებრივი წარმოება შესაძლებელი ყოფილიყო. იქ სადაც მუშებს გარეგანი იძულება არ ბოჭავდა, სადაც ისინი თავისუფალი იყვნენ, ყოველი მათგანი თავისთვის მუშაობდა. თავისუფალ მუშათა საწარმოო საშუალებებზე კერძო საკუთრების მოსპობა პლატონის დროს აბსურდი იქნებოდა. ამიტომ მისი სოციალიზმი ძირიანად განსხვავდებოდა თანამედროვე სოციალიზმისაგან.

პლატონის იდეალურ სახელმწიფოში, მებატონე კლასი არ მონაწილეობს წარმოებაში, ის მომუშავე კლასთა შრომით ცხოვრობს. მისი კომუნიზმი საწარმოო საშუალებათა კომუნიზმი კი არ არის, არამედ მოსახმარ საშუალებათა კომუნიზმი, ანუ მოხმარების კომუნიზმი,—ამ სიტყვის უფართოესი მნიშვნელობით.

„გაბატონებული კლასის წევრები სახელმწიფოს მცველებია. მათ ირჩევენ განსაკუთრებული მზრუნველობით საუკეთესო და ყველაზე სანდო მოქალაქეთა წრიდან. მცველთა შვილებს ყველაზე მეტი შანსები აქვთ რჩეულთა კლასის წევრობისათვის, რადგან საზოგადოდ ნაყოფი ხომ ხესთან ახლო ვარდება. მაგრამ უკეთუ აღმოჩნდა, რომ მცველთა რომელიმე შთამომავალი არ ღვას თავისი მოწოდების სიმალლეზე, ის შეუწყნარებლად უნდა გამოირიცხოს იმ კლასიდან, რომელსაც წარმოშობით ეკუთვნის, და, პირიქით, ხელოსანთა და მიწის მუშათა შვილებს,—თუ გამოიჩინენ კეთილშობილ თვისებებს, უნდა ელირსოს მაღალი პატივი ბატონთა წრეში ჩარიცხვის“.

ამგვარად, პლატონის სახელმწიფოში, არისტოკრატია მემკვიდრეობითი არ არის.

მცველთა კლასის ბავშვები ექვემდებარებიან განსაკუთრებულს, ზედმიწევნით შემუშავებულ აღმზრდელობის სისტემას. პლატონს ძალიან დაწვრილებით აქვს აწერილი ეს სისტემა, მაგრამ ჩვენ ამაზე შეჩერება არ შეგვიძლია.

„მაგრამ მარტო აღზრდა არ არის საკმარისი,—განავრძობს პლატონი, ან—უფრო სწორათ—სოკრატე.—ბრძენი იტყოდა, რომ საჭიროა გარდა ამისა ისე მოეწყოს მათი სახლები და სხვა ქონება, რომ მცხოვრებლებს არ ექნეთ საბაბი თავისი სიქველის დაკარგვისა ან სხვა მოქალაქეთა მიმართ ბოროტმოქმედებისათვის“.

„სრული სიმართლეა,“ ამბობს ის (გლაუკონი).

„მაშ შეხედე,—განავრძობდი მე (სოკრატე)—თუ საჭიროა რომ მათ შერჩესთ მათი თვისებები, განა ასე არ უნდა მოეწყოს მათი ცხოვრება და გარეშე პირობები: პირველად ყოვლისა არაგის არ უნდა ექნეს პირადი საკუთრება, თუ ამის აცდენა როგორმე შესაძლებელი იქნება; არ უნდა არსებობდეს არც კერძო სახლები, არც ცალკე საწყობები, რომლებშიაც ყოველ მსურველს არ შეეძლოს შესვლა. ყველაფერი რაც მხნე და ზომიერი მეომრებისათვის საჭიროა მათ დანარჩენ მოქალაქეებისაგან უნდა ეძლეოდეს თადარიგით, როგორც განამარჯელო სახელმწიფოს დაცვისათვის, უნდა ეძლეოდეს იმდენი, რომ არც ერთს არ უჭირდეს, მაგრამ არც რჩებოდეს რამე შემდეგი

წლისათვის. ერთად უნდა ცხოვრობდნენ, როგორც მხედრები ლაშქარში, და საერთო ტრაპეზით (სისსიტით) უნდა სარგებლობდნენ. მათ უნდა ჩაეგონოს რომ, არ საჭიროებენ ადამიანთა ოქროსა და ვერცხლს, რადგან თავის სულში ატარებენ ოქრო-ვერცხლს ღვთაებრივს. არ უნდა იყოს ნებადართული ამ ღვთაებრივი ოქროს წაბილწვა მიწიერ ოქროსთან მიკარებით, რადგან ბევრი ბოროტება მოაქვს ამ მოარულ ფულს, მაშინ როდესაც მათი ოქრო ყოველთვის სპეტაკია. მთელს სახელმწიფოში მხოლოდ მათ უნდა ჰქონდეთ აკრძალული რაიმე დამოკიდებულება ოქრო და ვერცხლთან. ოქრო არ უნდა არსებობდეს მათ სახლებში არც სამკაულათ არც სასამელ ქურტულზე. მათ რომ საკუთარი მიწა, ბინები და ოქრო ექნესთ, მაშინ ისინი მხოლოდ სახლისა და სოფლის მეურნენი იქნებოდნენ და არა მცველნი, სასტიკი ხელის უფალნი და დანარჩენ მოქალაქეთა ამხანაგები. სხვისი მოძულვარე და მზაკვარნი და ამასთან ერთად სხვისი სიძულელით და მზაკვრობით გარემოცულნი ისინი მთელს სიცოცხლეს უფრო შინაურ მტრის შიშში გაატარებდნენ, ვიდრე გარეშესი, სწრაფად მოიახლოვებდნენ საკუთარსა და, მასთან ერთად, მთელი ქალაქის დაღუპვას“. (წიგნი 3, თავი 22).

მაგრამ პლატონი არა მარტო ქონებათა საზიარობას მოითხოვს თავისი „მცველებისათვის“. განდევნილი უნდა იქნეს ყოველივე, რასაც მათ შორის კერძო ინტერესების გაღვიძება, შუღლისა და უთანხმოების დათესვა შეუძლია. ამიტომ ის მონოგამიური ოჯახის მოსპობას, ცოლებსა და შვილებს საზიარობას მოითხოვს.

ჩვენი თანამედროვე სოციალისტ-ქამიები გვარწმუნებენ, რომ ოჯახისა და ქორწინების მოსპობის მოთხოვნა არის სოციალ-დემოკრატების პირუტყველ გათახსირების დამამტკიცებელი საბუთი. მაგრამ ეს მოთხოვნა მათ შეეძლოთ იმ ანტიურ ფილოსოფოსისაგან გაეგონათ, რომელსაც თანამედროვე კეთილი ზნეობის ოფიციალური შერქმედელნი განსაკუთრებულ პატივსა სცემენ მისი „თითქმის ქრისტიანული“ ეთიკის გულისთვის.

„ყოველივე ზემოთ თქმულთან, — ამბობს სოკრატე, — განუყრელად დაკავშირებულია, ჩემის აზრით, კიდევ ერთი დაწესებულება“. „რა?“

„ცოლები ყველა ქმრებს თანაზიარად უნდა ეკუთვნოდნენ; არც ერთი ცოლი არ უნდა ცხოვრობდეს ვინმესთან ცალკე. ბავშვებიც საერთონი უნდა იყვნენ, ისე რომ არც ერთი მამა არ უნდა იცნობდეს თავის შვილს, და არც შვილი თავის მამას.“ (წიგნი 5, თავი 7).

მაგრამ პლატონს სრულიად უწესრიგო სქესობრივი ურთიერთობა როდი აქვს მხედველობაში. მას სურს მხოლოდ ერთს პრინციპს დაუშორჩილოს ის: გვემა—შეზომილ სქესობრივ შერჩევის პრინციპს. ქალებმა უნდა „ზადონ ბავშვები სახელმწიფოსათვის“ მხოლოდ 20—40 წლის ჰასაკში, მამაკაცებმა კი „აკეთონ სახელმწიფოსათვის“ 30—50 წლის ჰასაკში. ვინც ბავშვს ჰშობს დანიშნულ ჰასაკზე ადრე ან გვიან—ბოროტმოქმედებას ჩადის. უწესოდ ჩასახული ბავში უნდა მოისპოს ნაყოფის ხელოვნურად განდევნის ან მუცლის მოშლის საშუალებით. არავითარ შემთხვევაში არ უნდა აღიზარდონ ისინი. წესიერ ჰასაკში მყოფმა პირებმა შთამომავლობა უნდა ამრავლონ, რამდენადაც შეიძლება, უმაღლეს თანამდებობის პირთა ხელმძღვანელობით, ისე რომ „ძლიერნი კავშირდებოდნენ ძლიერებთან და სუსტნი სუსტებთან; პირველთა შვილები უნდა აღიზარდონ, უკანასკნელთა კი—არა, თუ სურთ შეინახონ უნაკლო ჯიში. ყოველივე ეს (ე. ი. ჩასახვათა მოწესრიგება) საიდუმლოთ უნდა დარჩეს ყველასათვის გარდა უფროსებისა, რათა მცველთა მასსას, უთანხმოების საბაბი არ გაუჩნდეს“.

დაწესებულ ჰასაკს გადაცილებულ პირებს თავისუფლად შეუძლიათ სქესობრივი კავშირი დაიჭირონ თავისი ჰასაკის ჯგუფის ფარგლებში საკუთარი გრძნობისა და მოსაზრების თანახმად.

„ახლად დაბადებულ ბავშვებს წაიღებენ სპეციალურად დანიშნული თანამდებობის პირნი, რომელთა შორის მამაკაცებიც იქნებიან და დედაკაცებიც, რადგან საზოგადოებრივი თანამდებობანი აქ ორივე სქესისათვის ერთნაირად მისაწვდომი იქნება“.

„ეს კარგია“.

„ძლიერი და ჯანსაღი მშობლების შვილებს, მე ვფიქრობ, ზედამხედველ ქალებს ჩააბარებენ აღსაზრდელ სახლში, ქალაქის განსაკუთრებულ ნაწილში, ხოლო სუსტი მშობლების ბავშვებს ან დაბადებით მახინჯებს, დამარხავენ როგორც წესია სადმე მიუწვდომელ ადგილას“.

„რა თქმა უნდა, ასეა საჭირო,-- მითხრა მან,—თუ იზრუნებენ მცველთა კეთილშობილ მოდგმის დაცვაზე“.

„ეს თანამდებობის პირნი იზრუნებენ ძუძუ-მწოვარა ბავშთა კვებაზე; მოიყვანენ აღსაზრდელ სახლში დედებს, რომელთაც რძე აქვთ, მაგრამ ეს უნდა ქნან შეძლების დავაგარათ ისე, რომ დედებმა არ იცნონ თავისი ბავშვები; ისინივე მოიწვევენ სხვა ძიძვებს, თუ დედების რიცხვი საკმარისი არ იქნა“. (წიგნი 5, თავი 9).

ჩვენზე ყოველივე ეს უჩვეულო, თითქმის საზიზღარ შთაბეჭდი-

ლებას ახდენს. მაგრამ პლატონის დროის ბერძნები საქმეს სხვანაირად უყურებდნენ. რა თქმა უნდა, მათ შორისაც არსებობდა მონოგამია, მაგრამ ამას, როგორც თვითონ აშკარათ აღიარებდნენ, მხოლოდ ერთი მიზანი ჰქონდა: კანონიერი შთამომავლობის მიღება, მეკვიდრეობის უფლების დაცვა.

შეუღლება შეყვარებულთა გულში კი არ ხდებოდა, არამედ ოჯახის მესვეურთა თავში და თან მხედველობაში დაინტერესებულ პირთა სურვილები კი არ მიიღებოდა, არამედ ქონებრივი ურთიერთ დამოკიდებულება. ჩვეულებრივ ვაჟს არც შეეძლო კარგი ოჯახის ქალი დაენახა, სანამ ნიშნობა არ მოხდებოდა.

როგორც ვხედავთ კაპიტალისტურ წესწყობილებას უსამართლოთ სდებენ ბრალს, რომ მან ქორწინება ფულად გარიგებათ გადააქცია. კანონით დაცული მონოგამია წინეთაც არსებობდა. ის კერძო საკუთრების და მეკვიდრეობის უფლების შვილია. კაპიტალისტური წარმოების წესმა, პირიქით, ისეთი პირობები შექმნა, რომლებშიაც საზოგადოებრივი ცხოვრების ფაქტორად სქესობრივი სიყვარულია აღიარებული ე. ი. ამა თუ იმ პირის ლტოლვა მეორე სქესის მხოლოდ ერთი რომელიმე პირისადმი. ამიტომ თანამედროვე საზოგადოების მორალი უზნეოთ აღიარებს ისეთ შეუღლებას, რომელიც უბრალო ფულად გარიგებას წარმოადგენს. მაგრამ ვინაიდან კაპიტალისტური წარმოების წესმა შეინარჩუნა და განამტკიცა კიდევ ქორწინება — გარიგების ეკონომიური ფესვი, მიუხედავად მორალურ შეხედულებათა, ქორწინება ეხლაც ფულად გარიგებას წარმოადგენს; წარმოიშვა მხოლოდ თანამედროვე ქორწინების ნამდვილი ხასიათის დაფარვის საკირობა: მექორწინენი ვალდებულნი არიან მოგვაჩვენონ, რომ მათი ლტოლვა ერთმანეთისადმი — ნამდვილი სიყვარულია. წარმართულ გულახდილობის ადგილი ქრისტიანულმა თვალთმაქცობამ დაიკირა. რა თქმა უნდა ეს უმთავრესათ შეძლებულთა ქორწინებას შეეხება.

ქონების მომრავლებისა და მამის გვარში მისი დატოვების ზოუნვასთან ერთად, გადამწყვეტ როლს ქორწინებაში თამაშობდა აგრეთვე ძლიერი და საღი შთამომავლობის შექმნის სურვილი. სპარტაში, სადაც მთავარი მნიშვნელობა ჰქონდა არა ქონებრივ დამოკიდებულებას, არამედ სპარტიატების სამხედრო თვისებებს, სქესობრივი შერჩევის თვალსაზრისი უდიდეს როლს თამაშობდა, ქორწინების საქმეში. ამ თვალსაზრისის გავლენა იმდენად ძლიერი იყო, რომ ზოგჯერ ქმარი სხვას უთმობდა მეუღლის უფლებებს, თუ უკანასკნელი უფრო ჯანსაღი იყო და მაგარ შთამომავლობის შექმნის მიმდ

იძლეოდა. ტყუილად კი არ ადარებდა პლუტარხი სპარტანულ ქორწინებას ცხენთა სამომწინებლოს, რომელშიაც მხოლოდ კეთილშობილი ჯიშის მიღებაზე ზრუნავენ.

ამგვარად პლატონის დროს სრულიად არ სთვლიდნ უხაროდ და საზიზღრად უფროსთა მიერ ქორწინებათა მოწესრიგებას სქესობრივი შერჩევის ყველა საჭირო წესების თანახმად.

ოჯახის მოსპობა, სქესობრივი კომუნიზმი მოხმარების კომუნიზმის ლოგიური შედეგია. მართლაც, თუ ყოველგვარი მოთხოვნილება თანახმად იქნება დაკმაყოფილებული, სრულიად შეუსაბამო იქნებოდა ისეთი მძლავრი მოთხოვნილების გამორიცხვა ამ სფეროდან, როგორც არის სქესობრივი ცხოვრება.

მაგრამ, თავის თავად ცხადია, სქესობრივ კომუნიზმს არავითარი ლოგიური კავშირი არ აქვს საწარმოო საშუალებებზე საზოგადოებრივი საკუთრების იმ მოთხოვნასთან, რომელსაც თანამედროვე სოციალიზმი აყენებს,—წინააღმდეგ შემთხვევაში დედაკაცი წარმოების საშუალებებში უნდა ჩაერიცხოთ. ამასვე ამბობს „კომუნისტური მანიფესტიც“: „ბურჟუა დედაკაცში წარმოების უბრალო იარაღს ხედავს. მას გაუგონია, რომ წარმოების იარაღები საზოგადოებრივად უნდა იქნეს გამოყენებული და, რა თქმა უნდა, საქმე ისე წარმოუდგენია, რომ საზიარობის ხეივანი დედაკაცსაც უნდა ერგოს“.

წინააღმდეგ ამისა, პლატონის საზოგადოებრივ იდეალების მეორე მხარე ენათესავენ თანამედროვე სოციალ-დემოკრატიის მოთხოვნილებებს. სოციალ-დემოკრატიის მზგაესად პლატონი მოითხოვს მამაკაცისა და დედაკაცის მდგომარეობის გათანაწილებას და უკანასკნელთა დაშვებას ყველა საზოგადოებრივ თანამდებობაზე (თუმცა ყოველივე ეს მცველთა კლასს შეეხება). დედაკაცები ომშიაც მონაწილეობენ და ამიტომ სწორედ ისეთივე აღზრდა უნდა მიიღონ, როგორც მამაკაც-მცველებმა.

„ყველა სახის მოქმედებაში, რომელზედაც დამყარებულია სახელმწიფო, არ არის არც ერთი, რომელიც დედაკაცს ეკუთვნოდეს, როგორც მხოლოდ დედაკაცს, ან მამაკაცს, როგორც მხოლოდ მას; სხვადასხვა ბუნებრივი ნიჭი თანაბრად არის გინაწილებული ორ სქესს შორის; დედაკაცს ბუნებით ისევე შესწევს ყოველგვარი საქმიანობა, როგორც მამაკაცს; მხოლოდ დედაკაცი ყველაფერში მამაკაცზე რამოდენიმედ უფრო სუსტია. დე, ჩვენმა მცველთა ქალებმაც ტანთ გაიხადონ (მამაკაცებსავით რომ შესძლონ ფიზიკური ვარჯიშობა) და უფრო ქველობით შეიმოსონ, ვიდრე ტანთსაცმელით. დე, მიიღონ მონაწილეობა ომში, სახელმწიფოს მართვა-გამგეობაში—და

ნუ აკეთებენ რასმე სხვას. მაგრამ ყოველივე ამიდან ჩვენ მათ მივანდობთ უფრო მსუბუქ საქმეებს მაიიი სქესის სისუსტის გამო". (წიგნი 5. თავები 5, და 6).

მამაკაც-დედაკაცთა პოლიტიკურ და სოციალურ გათანასწოებას საფუძვლად უდევს დედაკაცთა განთავისუფლება შინაურ სამუშაოსაგან. პლატონის სახელმწიფოში ეს ისე ხდება, რომ შინაური სამუშევრები მშრომელ კლასსებს ევალება. სანამ, შეუძლებელია თუნდაც ზოგიერთი უმძიმესი სამუშევრების შესრულება მანქანების საშუალებით, არავითარი სხვა გზით არ შეიძლება ქალთა ემანსიპაციის მიღწევა.

რა რიგ თამამი არ უნდა იყოს პლატონის ეს იდეები, ისინი მაინც ჰაერში არ არიან გამოკიდებული. ამ იდეებს სრულიად რეალური ნიადაგი აქვს. ჩვენ უკვე დავინახეთ ის ნიადაგი, რომელზედაც მისი ყველაზე უფრო თამამი იდეა წარმოიშვა,—სქესთა ურთიერთ დამოკიდებულებაში გეგმიან-სქესობრივი შერჩევის იდეა. იმ ნიმუშმა, რომლითაც ის აქ ხელმძღვანელობდა, გავლენა მოახდინა მთელს მის აზრთა მსვლელობაზე. ეს ნიმუში იყო სპარტა, საბერძნეთის ყველაზე უფრო არისტოკრატიული, და ამიტომ ათინის არისტოკრატიისათვის განსაკუთრებით სიმპატიური სახელმწიფო. ეს სიმპატიები იმდენათ ძლიერი იყო, რომ ერთერთ თვალსაჩინო მიზეზათ უნდა ჩაითვალოს სპარტის მიერ ათინის დაპყრობისა პელოპონესის ომის დროს. ეს თანაგრძნობა გამომყვანდა შეთქმულებებში, გამცემლობაში, გამოჩენილ დემოკრატთა და სარდალთა მოღალატურ მკვლელობებში.

პლატონი, ჯერ როგორც არისტოკრატი თანაუგრძნობდა სპარტას, მაგრამ მისი სიმპატიები უფრო გაძლიერდა სოკრატეს ანტიხედემოკრატიული ტენდენციების გავლენით.

სოკრატეს გამოჩენილ და ცნობილ მოწაფეთა შორის ბევრნი იყვნენ სპარტასთან მეგობრულად განწყობილნი. სპარტის მეფე აგეზილას მესაიდუმლეს, ქსენოფონტეს არა ერთხელ ულაშქრია სპარტის მხარეზე. კორონეოსთან ბრძოლაში (394 წ. ქრ. შობამდე) ის სპარტანელი სარდლის ამაღლაში იბრძოდა მოურიდებლად თავის თანამოქალაქე—ათინელთა წინააღმდეგ. საკვირველიც არ არის, რომ ის განდევნეს მისი სამშობლო ქალაქიდან. ალკივიადე კიდევ უკეთ მოიქცა პელოპონესის ომში. ათინელთა სარდალთა დანიშნული ის სპარტანელებს მიემხრო, თანამედროვე ენით რომ უთქვამდებინარალორი შტაბის თავმჯდომარე გახდა, მტერსაათინის ყველა ნუღ.

სტი მხარეები გაუშვლან და ამით ათინელთა რამოდენიმე ისეთი საშინელი დამარცხება გამოიწვია, რომ ომის ბედი მაშინ გადაწყდა, თუმცა ამის შემდეგაც ის მაინც საკმაოდ დიდი ხანი გაგრძელდა. საბოლოო დამარცხების შემდეგ ათინა „ოცდა ათი ტირანის“ მსხვერპლი გახდა, არამზადა—არისტოკრატთა ხროვის, რომელიც ძლევა-მოსილმა სპარტამ ათინას მმართველებათ თავს მოახვია. ამ ხროვას, უსაზღვრო ტერორით გამდიდრებულს და დაპყრობილ ათინის გამანადგურებელს, სათავეში უდგა კ რ ი ტ ო ს ი — ისიც სოკრატეს მოწაფე.

საჭიროა ეს მხედველობაში ეიქონიოთ, რომ სწორათ შევფასაოთ სოკრატეს პროცესი.

ამ გარემოებაში საკვირველი არ არის, რომ სპარტის სახელმწიფო ის საძირკველი იყო, რომელზედაც, პლატონი თავისი იდეალური სახელმწიფოს შენობას აგებდა. ჩვენ შეგვიძლია ეს მუხლობრივ დაეამტკიცოთ, მაგრამ ჩვენს ამოცანაში ეს არ შედის.

მაგრამ ჩვენ არც იმის თქმა გვსურს, რომ პლატონმა პირდაპირ გადმოსწერა სპარტის წყობილება. ის ფილოსოფოსი იყო საკმაოდ და ძალიან კარგად ხედავდა ყველა იმ ნაკლს, რაც იმ დროის სპარტას ახასიათებდა. პელოპონესის ომის დროს და მის შემდეგ მოპოებული ძალა-უფლება და სიმდიდრე ისევე გამბრწყინელად მოქმედობდა სპარტაზე, როგორც სპარსულ ომებში მოპოებული გამარჯვება და მისი შედეგები—ათინაზე. პირველყოფილი კომუნიზმისაგან დარჩენილ ნაშთებს სპარტაში ისევე არ შეეძლო სპარტის დაცვა დაცემისაგან, როგორც რაინდულ ციხის ნანგრევებს არ შეუძლია გაუძლოს თანამედროვე არტილერიას. ამ კომუნიზმისაგან მხოლოდ უშინაარსო ფორმები დარჩა.

ამ ნაშთთა უდიდესი მნიშვნელობა პლატონის ხანაში იმაში თუ მდგომარეობდა მხოლოდ, რომ მათი გავლენით იყო რომ მკვლევარმა და მოაზროვნემ კომუნისტური წყობილების შესაძლებლობა და სასურველობა აღიარა და საშუალება მიიღო ამ ნაშთებთან დაკავშირებულ ნაწყვეტ იდეებისაგან ყოველმხრივ მოფიქრებული, და თუნდაც მხოლოდ იდეაში წარმოსადგენი, კომუნისტური სისტემა აეგო.

რასაკვირველია—მხოლოდ იდეაში იყო ეს სისტემა შესაძლებელი. პლატონი არისტოკრატი იყო, მაგრამ მისი არისტოკრატიზმი მდებრივ ხალხისადმი ზიზღში გამოიხატებოდა და არა მისი წოდების წევრებისადმი ნდობაში. ერთიც და მეორენიც პლატონში ექვს პბადებდნენ. სპარტის უბეში მილიტარიზმი და სპარტანული მკაცრი, ექსპლოატატორული მეურნეობა იმდენადვე ხიბლავდა მას, რამდენადაც ათინის დემოკრატია.

ამიტომ თავის იდეალურ სახელმწიფოში მან მკველთა კლასის ორ ნაწილად გაჰყო: მხედრებათ და მმართველებათ. მხოლოდ უკანასკნელნი განაგებდნენ სახელმწიფოს, მაგრამ ისინი ფილოსოფოსნი უნდა ყოფილიყვნენ. სამხედრო არისტოკრატიის სახელმწიფო იმდენადვე დაღუპული იყო იმის თვალში, როგორც ხალხის ბატონობა, ხალხის, რომელიც იმ დროს თითქმის სავსებით პარატაზიტულ პროლეტარიატათ იყო დაქცეული. მხოლოდ ფილოსოფოსთა ბატონობას შეუძლია უზრუნველჰყოს სახელმწიფოს გონიერი მართვა-გამგეობა. „სანამ ფილოსოფოსთა მოდგმა სახელმწიფოს ბატონი არ გახდება, მანამ არ დაიღვევა როგორც მთელი სახელმწიფოს ისე ცალკე მოქალაქეთა გაქირებებანი, არ განხორციელდება ის სახელმწიფოებრივი წესწყობილება, რომელიც ჩვენ აქ გამოვიშუშავეთ“ (წიგნი 6, თავი 13. შეადარეთ წიგნი 5, თავი 18).

მაგრამ როგორ შეუძლიათ ფილოსოფოსებს ბატონობის მოპოება სახელმწიფოში?—არა ხალხის პოლიტიკურ ბრძოლაში მონაწილეობით, არამედ მხოლოდ რომელიმე ავტოკრატიული და კეთილგანწყობილი ხელმწიფის შემწევობით. (წიგნი 6, თავი 14)¹

1) თავებრუდამსხმელი აღმოჩენა მოახდინა პლატონის კომუნიზმის უახლესმა მკვლევარმა ბ. პროფესორმა რობერტ კიოლმანმა. მან განაცხადა, რომ პლატონის მიერ წარმოდგენილი ფილოსოფიური აბსოლუტიზმი უკვე განზოცოვებულია გერმანიის იმპერიის სახით.

„განა ეს მოთხოვნილება პირდაპირ წინასწარმეტყველური მითითება არ არის იმ კემპარიტ—სახელმწიფოებრივ მონარქიაზე, რომელიც უწინარეს ყოვლისა გერმანულმა სახელმწიფომ განახორციელა?“ მაგრამ ვინ არიან ეს სახელმწიფო ფილოსოფოსნი შესაკუთრეთა და არა მქონებელთა კლასობრივ ინტერესებზე მალა მდგომნი? ეს ყოფილა—„ჩვენი სახელმწიფოს კომუნალურ დაწესებულებათა მოხელენი, სასულიერო პირნი, მასწავლებლები, ოფიცრები და სხვა, მეტწილად ისინი, ვისაც საკუთრება ან მსხვილი საკუთრება არ გაჩნიათ და უმოდლესი განათლება მიუღიათ“ და სხე. „სწორედ ამში, ამგვარ მდგომარეობაში მყოფ და ამნაირად განწყობილ საზოგადოებრივი ფენის შექმნაში, რომელიც თანამედროვე სახელმწიფოში არსებობს და რომელსაც მაშინდელი სახელმწიფო, მოკლებული იყო, დიანახა შორსმტკვრეტელმა პლატონმა ყოველივე პოლიტიკის მთავარი და ძირითადი საკითხი“ (Geschichte des antiken Kommunismus und Socialismus, I, S. 427 St.) ის შეხედულება, რომ მსოფლიო ისტორიულ განვითარებას საშუალო საუკუნეებიდან მოყოლებული მართო ის ჰქონდა მიზნათ, რომ ჰოვენცოლლერნთა დინასტიის და მათი სახელმწიფოს დიდების სხივებით, მოეფინა მთელი მსოფლიო. ეს შეხედულება სრულიად ეკვემითანელ კემპარიტებას წარმოადგენს ყოველი გერმანული ისტორიკოსისათვის. მაგრამ ბატონ პიოლმანამდე არავის არ მიუძღოთავს წყვედიად მოცული ანტიური დროისათვის და არავის არ უდიდება პლატონი, როგორც მოწინავე მებრძოლი პრუსიის იუნკერთა და ბიუროკრატიის ბატონობისათვის.

დამახასიათებელია გერმანიის თანამედროვე ისტორიულ მიცნიერებისა და აუდიტორიისათვის, რომ გერმანელი მეცნიერი პრუსიული კასკით ავირგვინებს საბერძნეთის ფილოსოფოსს დიდი ზეიმით და ამ მეცნიერს მასხრათ არავინ არ იგდებს.

ჩვენ უკვე ვიცით რით გათავდა პლატონის ცდა თავის იდეებს-
უზიარებინა საბერძნეთის ერთერთი თვითმპყრობელი.

პლატონის ბედი საზოგადოთ ყველა უტოპისტების ბედია, ვინც.
მის შემდეგაც ცხოვრობდა, ბედი იმ ადამიანების, რომელნიც სახელმწი-
ფოს ან საზოგადოების რეფორმაზე ოცნებობენ, მაგრამ ამისთვის
საჭირო ფაქტორებს თვით სახელმწიფოში და საზოგადოებაში ვერ-
პოულობენ; თავისი ანგარიში უტოპისტებმა ძალაუნებურად რომელიმე
პოლიტიკური ან ფინანსიური თვით-მპყრობელის, ფილოსოფოს—მე-
ფის ან ფილოსოფოს—მილიონერის გულ-მოწყალების აქტზე უნდა-
დაამყარონ.

პლატონის დროის სახელმწიფოებში ჯერ არ არსებობდა ხალხის
ის ფენა, რომლისაგან მოსალოდნელი ყოფილიყო სახელმწიფოებრივი-
ყოფა-ცხოვრების განახლება. ხალხის ყველა ნაწილებს ერთნაირად
აჩნდა გახრწნისა და დაქვეითების ნიშნები; ბოლოს და ბოლოს რეს-
პუბლიკანელებიც შეეჩვიენ იმ აზრს, რომ სახელმწიფოს ერთადერთი
შველა თვითმპყრობელობაშია. ქსენოფონტემ, იმავე ფილოსოფიური
სკოლის მიმდევარმა, რომლის წარმომადგენელი პლატონი იყო, დას-
წერა რომანი „კიროპედია,“ რომელშიაც სიქველით შემკული მონარ-
ქის კეთილ ბატონობას აღიღებდა.

მაღე პლატონის შემდეგ ფილოსოფოსებმა თვითმპყრობელობას
შეხედეს უკვე არა როგორც სახელმწიფო ხელის უფლების მოპოების
საშუალებას, არამედ მხოლოდ როგორც სახელმწიფო საქმეებზე ჭირ-
ვეული ზრუნვისაგან თავის ხსნის საშუალებას.

სახელმწიფოს დაცემა საზოგადო შევნებაშიაც კპოულობს თავის
ანარეკლს. ამიერიდან ფილოსოფოსებს აინტერესებს არა საზოგადო-
ებრივი ცხოვრება, არამედ საკუთარი ძვირფასი „მე“. საუკეთესო სა-
ხელმწიფოებრივ წესწყობილებას კი არ ეძებენ ეხლა ისინი, არამედ
საუკეთესო საშუალებას პირადი ბედნიერების მისაღწევად.

თანდათან ღგება ის ატმოსფერა, რომელმაც ქრისტიანობა
წარმოშვა.

III. პირვანდელ ქრისტიანული კომუნიზმის ფესვები.

ჩვენ უკვე ვთქვით, რომ ამ წიგნის პირველ თავში აღწერილი-
და ათინის მაგალითით დასურათებული განვიჯარება ძველი დროის
ყველა სახელმწიფოს და ერის ხვედრს წარმოადგენდა.

იგივე ბედი, რაც ათინას, რომსაც ეწვია, რომელმაც ძველი
მსოფლიოს ყველა ხალხები დაიპყრო. როდესაც რომმა თავისი გა-

რეშე ძალის ზენიტს მიაღწია, შინაგანი მისი დაშლა უკვე შორს იყო წასული. მისი სამეფო, რომელიც ყველა ქვეყნებს შეიცავდა ხმელთა შუა ზღვის გარშემო, ერთ ტიპზე განვითარებულ სახელმწიფოთა ნარევს წარმოადგენდა. მათ შორის ზოგიერთმა, ხმელთა შუა ზღვის აღმოსავლეთით და სამხრეთით მდებარე სახელმწიფოებმა წინ გაუსწრეს რომს თავის განვითარებაში, სხვები კი—დასავლეთით და ჩრდილოეთით—ცოტათ თუ ბევრათ ჩამორჩენ მას. მაგრამ ჩამორჩენილი პროვინციები სწრაფი ტემპით ეწეოდნენ დედაქალაქს და ბოლოს იმათაც რომთან ერთად ის დასასრული მოიახლოვეს, რომლის წინაშე უკვე იდგა საბერძნეთი და მისი აღმოსავლეთი ქვეყნები: სრული სოციალური დაშლა.

ჩვენ ვხედავდით, როგორ ირღვეოდა ათინის დემოკრატია და რესპუბლიკა მწიფდებოდა ერთმპყრობელობაზე გადასასვლელად. ასევე ვითარდებოდნენ სხვა დემოკრატიებიც და მათ შორის რომის. ქრისტეს დაბადებას რომ სთვლიან იმ დროს იწყება რომის რესპუბლიკის უკანასკნელი კონველსიები და ცეზარიზმის პირველი ნაბიჯები.

არისტოკრატიაც და დემოკრატიაც იმ ეპოქაში ერთნაირად უნიათო აღმოჩნდნენ. თავისუფალი გლეხობა, რომის იმპერაიის გული, დაძაბუნდა, ბევრ ადგილას სრულიად გაქრა და ალაგ-ალაგ მსხვილ მიწათმფლობელთა არენდატორების მდგომარეობაში ჩაეარდა. გლეხობის ნანგრევებზე იზრდებოდა რომის დიდება და სახელგანთქმულობა. მუდმივმა ომებმა, რომელიც გლეხთა მილიციის საშუალებით წარმოებდა, დასცეს გლეხთა მეურნეობა: მსხვილი მიწათმფლობელის მეურნეობა კი, რომელსაც მონები ემსახურებოდნენ, სრულიადაც არ დაზარალებულა ომებისაგან. პირობით სწორეთ ომები აწედიდა მას არაჩვეულებრივად იათ მონებს. საკვირველი არ არის, რომ მონური მეურნეობა იმარჯვებდა და თავისუფალ გლეხთა მეურნეობის ადგილს იკერდა. თავისუფალი ძლიერი გლეხობა დნებოდა, როგორც თოვლი მზის სხივების ქვეშ; ნაწილობრივ ის მხოლოდ სუსტდებოდა, მაგრამ უმრავლეს შემთხვევაში გლეხები ქალაქის პროლეტარების, მეკურტნეების, დამტარებლების, შინაურ მოსამსახურეთა და მათხოვრების მდგომარეობაში ვარდებოდნენ. საკუთრებას მოკლებული გლეხები ქალაქებისაკენ მიეშურებოდნენ და განთავისუფლებულ მონებთან ერთად თავისუფალ მოსახლეობის მდაბიო ფენას შეადგენდნენ-

მაგრამ სანამ დემოკრატიული რესპუბლიკა არსებობდა, მასეების სიღარიბე არ ნიშნავდა აუცილებლათ მასსიურ ბოვანობას. თუმცა მასსები მოკლებული იყვნენ ყოველივე საკუთრებას, პოლიტიკური ძალა ჯერ ხომ მათ ხელში იყო; და ამ ძალაზე დაყრდნობით ისინი

გვარიანათ ცხოვრობდნენ, იყენებდნენ რა მას ათასგვარი საშუალებით რომაელ მდიდართა და დაპყრობილ მოხარკე ქვეყნების საძარცვაად.

პოლიტიკური ძალა-უფლება მათ აძლევდა არა მარტო პურს და სანახაობას, არამედ ზოგჯერ საწარმოო საშუალებებს, მიწის საკუთრებასაც.

რომის რესპუბლიკის არსებობის უკანასკნელ საუკუნეებში მრავალი ცდა მოხდა ახალი გლეხობის შესაქმნელად საგლეხო მიწის ნაკვეთების პროლეტარებზე გაცემით. მაგრამ ყოველგვარი ცდა ეკონომიურ განვითარების ჩარხის შებრუნებისა უნაყოფო აღმოჩნდა, რადგან მსხვილი მიწათმფლობელთა პოლიტიკური და ეკონომიური ძალა მეტი აღმოჩნდა. მიწათმფლობელნი, სადაც შეეძლოთ, ხელს უშლიდნენ ამ ცდების განხორციელებას, ხოლო იქ, სადაც მაინც ნოხერხდა თავისუფალ გლეხობის შექმნა, ავიწროვებდნენ ამ გლეხებს და მათ მიწებს იძენდნენ. მაგრამ ამ ცდების დამარცხების მიზეზი ისიც იყო, რომ პარაზიტ-პროლეტარებს მუშაობა არ სურდათ; დიდ ქალაქში დროს ტარება ურჩევნოდათ შრომით და ზრუნვით სავსე სოფლის წვრილი გლეხის ცხოვრებას. პროლეტარები ხშირათ თვითონ არაბრათ აქცევდნენ სოციალურ რეფორმებს, რომლებსაც მათივე ინტერესები უნდა დაეკმაყოფილა, მიღებულ მიწის ნაკვეთებს სწრაფად ანიავებდნენ. ხშირად სხვა საშუალებითაც უწყევდნენ წინააღმდეგობას სოციალურ რეფორმებს: მიჰყიდდნენ თავის პოლიტიკურ ძალას მსხვილ მიწათმფლობელებს და ესენი კი ამ ძალას რეფორმების წინააღმდეგ გამოიყენებდნენ.

სოციალური რეფორმის ყველაზე გრანდიოზული ცდა გრაქების ხელმძღვანელობით მოხდა, ციბერი სემპრონი გრაქისა (დაიბადა 163 წ., მოკლულ იქნა არისტოკრატების მიერ 133 წ. ქრ. შ-დე) და მისი უმცროსი ძმის გაი სემპრონი გრაქისა. უკანასკნელი უფრო გაბედულად და ფართოდ განაგრძობდა უფროსი ძმის საქმეს, მაგრამ, ლატიფუნდიების მფლობელთა მძაფრი სიძულვილის მსხვერპლი გახდა თავის მძასავით. ორივე გრაქს ხანდისხან კომუნისტებს უწოდებენ, მაგრამ ეს ყოველი მხრით შემცდარი აზრია. ისინი კერძო საკუთრების მოსპობისკენ კი არ მიისწრაფოდნენ, არამედ ცდილობდნენ კერძო მესაკუთრენი შეექმნათ, ძლიერი გლეხოზა აელორძინებიათ—ეს უმტკიცესი საძირკველი კერძო საკუთრებისა.

გრაქების რეფორმის პროგრამა და მათი მოქმედება სავსებით შეეფერებოდა იმ დროის ეკონომიურ ურთიერთობას. თუმცა იმ ხანაში არა მარტო წვრილი მიწათმფლობელობა იღვენებოდა მსხვილის.

მიერ, არამედ ხშირად წვრილი წარმოებაც—მსხვილის მიერ, მაგრამ ეს იყო შედეგი არა მსხვილი წარმოების ტექნიკური და ეკონომიური უპირატესობისა, არამედ მონათა არაჩვეულებრივი სიაფისა, ე. ი. იმ მუშა ხელის სიაფისა, რომელზედაც მსხვილი წარმოება იყო დამყარებული. დაუსრულებელი ომები აურაცხელ მონად ქცეულ ტყვეებს აძლევდა ბაზარს. რომაელთა ზოგიერთი ომი გამოწვეული იყო მხოლოდ მსხვილი მიწათმფლობელთა მოთხოვნილებით ჰყოლოდათ იაფი მონები, ეს ომები უბრალო ნადირობას წარმოადგენდა მონებზე.

მონები მოჰყავდათ აუარებელი მასსებით და საკვირველი არ არის რომ მათი ფასი არაჩვეულებრივად დაეცა. ჯერ ათინაშიაც—იმავე მიზეზით როგორც რომში—მონათა ჩაოდნობა ძალიან ღიდი იყო. ძველი რომის მსოფლიო სამეფოში მონობის ბოროტება კიდევ უფრო გამძვინდა. რომელი სარდალი ლუკული (პირველი საუკუნის მეორე ნახევარში ქრ. შ-მდე) მანეთ-ნახევრად ასალებდა (ჩვენს ფულის ანგარიშით) თითო ტყვეს მონად!

ხელსაყრელი გახდა შემთხვევით შეესყიდათ მონათა მთელი ჯარი—მდიდარ რომაელებს ათასობით ჰყავდათ მონები—და საერთო სამუშევრებზე დაეყენებიათ ისინი. მაგრამ ასეთი მსხვილი წარმოება ტექნიკურად არაფრით სჯობდა წვრილ წარმოებას. მონათა შრომა, განსაკუთრებით სოფლის მეურნეობაში, უტიდურესად უხეში და უზოგველი იყო; თითო მონა მსხვილ წარმოებაში გაცილებით ნაკლებ პროდუქტს ამზადებდა, ვიდრე თავისუფალი მუშა წვრილ წარმოებაში.

მარკსი თავისი „კაპიტალ“-ის ერთ შენიშვნაში მონური შრომის შესახებ ამბობს: „მუშაკი აქ (მონურ შრომაზე დამყარებულ წარმოებაში), ძველების მოხდენილი სიტყვით, მხოლოდ როგორც instrumentum vocale (იარაღი, რომელსაც შეუძლია სიტყვებით გამოსტქვას თავისი გრძნობები) განიჩქევა პირუტყვისაგან, როგორც instrumentum semivocale-საგან (იარაღი, რომელსაც ძლივს შეუძლია თავისი განცდის გამომვლადენება) და უსულო შრომის იარაღისაგან, როგორც instrumentum mutuum-ისაგან (მუნჯი იარაღი). მაგრამ სამაგიეროთ ის ავითონ ცდილობს აგრძნობინოს პირუტყვსაც და შრომის იარაღსაც, რომ ის მათი მზგავსი არსება კი არ არის, არამედ აღამიანია. ცუდი მოპყრობით და იარაღის გაფუჭების ცდით, ის თითქოს მათგან თავის განსხვავებას ამტკიცებს და ამით ერთგვარათ საკუთარი ღირსების გრძნობას იკმაყოფილებს. ამიტომ ამგვარ წარმოების წესში ეკონომიურ პრინციპად იქცევა ყველაზე ტლანქი, ყველაზე მოუქნელი შრომის იარაღების გამოყენება, რადგან სწორეთ

ასეთი იარაღები უფრო გაუძლებენ თავისი მოუქნელობით გაფუჭებას და განადგურებას“.

ამ შენიშვნას შეგვიძლია შემდეგი ადგილი შევადართო სიმონდის „Etude sur l'économie politique“-იდან (პარიზი 1837 წ.) მას ვრცელი ამონაწერი მოჰყავს შ. კონტის თხზულებიდან მონობის შესახებ და შემდეგ სხვათა შორის ამბობს: „ჩვენს დროში მონებს არავითარი ისეთი სამუშეო არ ეხერხებათ, რომელიც გონებრივ განვითარებას, გემოვნებას და ყურადღებას მოითხოვს. ამიტომ საფიქრებელია, რომ ძველ რომშიაც მხატვრულ სამუშეოებს ის პირნი ასრულებდნენ, ვინც ჯერ თავისუფლად ყოფნისას დახელოვნდნენ წარმოებაში და მხოლოდ ომის შემდეგ ჩაეარდნენ მონობაში. ამით აიხსნება ის მოვლენა, რომ მას შემდეგ, რაც რომაელებმა ყველა სამრეწველო ერები დაამონეს და მონების შოვნა მხოლოდ ბარბაროსებისაგან შეეძლოთ, ხელოვნება და მრეწველობის ყველა დარგები სწრაფად მოისპო და თვით რომაელებიც გაბარბაროსდნენ.“

მაგრამ მონობა არა მარტო დამონებულთ რყენის, არამედ თავისუფლებსაც: სამრეწველო შრომისადმი ის სიძულვილს ჰბადებს და უღარიბეს თავისუფალ მოქალაქეებს ხელს მასზე აღებინებს. პროლეტარების მდგომარეობა რომის რესპუბლიკაში, რომელნიც ყოველგვარ შრომას მოწყვეტილი იყვნენ ნაწილობრივ შრომის შეძლებისა გამო და, ნაწილობრივ, მონების კონკურენციის მიზეზით,—ეს მდგომარეობა შესანიშნავი და შემადრწუნებელი მაგალითია სილატაკისა და დეგრადაციის, რომელშიაც მონობამ ჩააგდო ხალხის ის ნაწილი, რომელიც არც ბატონებს არ ეკუთვნოდა და არც მსახურებს“. (I, გვ. 382—393).

და თუ მიუხედავად ამისა მონა მსხვილ წარმოებაში უფრო იაფ პროდუქტს ამზადებდა, ეს მხოლოდ იმ მიზეზით ხდებოდა, რომ მონა თითქმის არაფრათ ღირდა და, მონების სიათვისა და მასსიური მოწოდების გამო საჭირო აღარ იყო მათი დაზოგვა, რიგიანი კვება და ჩაცმა-დახურვა. რამდენიც არ უნდა დახოცილიყვნენ, მათი შენაცვლება სულ ადვილი იყო.

ამიდან სჩანს, რომ წვრილი წარმოების განდევნა მსხვილის მიერ რომში სხვა მიზეზებით იყო გამოწვეული, ვიდრე იგივე მოვლენა ჩვენს დროში. არც მიწათმოქმედებაში და არც ხელოსნობაში არ იყო აუცილებელი პირობები წვრილ წარმოებაზე უფრო მაღალი წარმოების წესის არსებობისათვის, არ იყო ნიადაგი კოლექტიური წარმოებისთვის. მაშასადამე თუ გრაქები პროლეტარიატის ინტერესებს წარმოადგენდნენ, მაგრამ ამავე დროს კომუნისტები სრულია-

დაც არ იყვნენ,—ეს საესებით შეეფერება იმ ეკონომიურ პირობებს, რომელშიაც ისინი ცხოვრობდნენ.

იგივე, რაც გრაკებზე ვთქვით, შეიძლება კატილინ ახედავ ითქვას (დაიბადა 108 წ. ქრ. შ-დე),—მიწათმფლობელთა ბატონობის წინააღმდეგ მიმართულ შეთქმულების მეთაურზე. როდესაც მისი პარტიის ყოველი ცდა პოლიტიკური ძალა-უფლების ხელში ჩაგდებისა მარცხით გათავდა, კატილინამ ამხანაგებთან ერთად ძალას მიმართა და აჯანყება მოაწყო, მაგრამ მოწინააღმდეგე ძალთა სიმრავლემ იგი დასძლია და კატილინა დაიღუპა გმირულ ბრძოლაში (62 წ. ქრ. შ-დე). მასაც კომუნისტი უწოდეს, მომხენმა კი — „ანარქისტიც“, მაგრამ სრულიად უსაფუძვლოდ. როგორც გრაკებებს, ისე მასაც არ ჰქონია მიზნად კერძო საკუთრების მოსპობა და კომუნისტური საზოგადოებრივი წესწყობილების დამყარება. მას სურდა ღარიბი ხალხის დახმარებით ხელში ჩაეგდო პოლიტიკური ძალა-უფლება და ეს ხალხი მესაკუთრებელად გადაექცია.

როცა პოლიტიკური ცხოვრება მიჰქრა და უქონებო ხალხი ისევე დაკნინდა პოლიტიკურად და მორალურად, როგორც მესაკუთრენი, მაშინ პროლეტარების და მათი მეგობრების აზრი სხვა მიმართულებით ამუშავდა. დემოკრატიულ სახელმწიფოებრივ წესწყობილებას ნიადაგი გამოეცალა, როგორც არისტოკრატიულს; შეიქმნა ხელსაყრელი პირობები კეისრის, თვითმპყრობელის, იმპერატორის, დაქირავებული ლაშქრის რომელიმე უფროსის ამაღლებისათვის და ბიუროკრატიის წარმოშობისათვის.

პოლიტიკურ ძალასთან ერთად ანტიურმა პროლეტარიატმა თავისი შემოსავლის ერთად ერთი წყაროც დაჰკარგა: ამიერიდან ღარიბათ ყოფნა მათხოვრად ყოფნას ნიშნავდა. მასების პროლეტარიზაციამ ეხლა რომის საზოგადოებაში ისეთი ბნელი მოვლენები წარმოშვა, რომლის მზგავსი წინანდელმა ხანამ არ იცოდა. პაუპერიზმი, მასსიური სიღატაკე, მასების ბოგანოება უდიდეს სოციალურ საკითხად გადაიქცა. ის სულ უფრო მკაცრად მოითხოვდა თავის გადაწყვეტას:

საზოგადოებრივი განვითარება ისევ ძველი მიმართულებით მიდიოდა, საშუალო ფენები სულ უფრო კოტრდებოდნენ, მდიდრები უფრო მდიდრდებოდნენ, პროლეტარების რიცხვი იზრდებოდა.

მაგრამ ამ სოციალური საკითხის გარდა სხვა საკითხებიც აღეკვებდა რომის იმპერიის საზოგადოებას. თავისუფალ გლეხთა გატიალება, რამაც ნიადაგი მოამზადა კეისრულ აბსოლიუტიზმზე გადასვლისათვის, მთელი საზოგადოების ეკონომიური დაშლას მოასწავებდა.

რომის სამხედრო დაუძღვრება უფრო ადრე მოხდა, ვიდრე რომაელი საზოგადოების პოლიტიკური გაკოტრება. გლახობასთან ერთად რომის მილიციის საძირკველიც გაჰქრა. მისი ადგილი დაქირავებულმა ჯარმა, დესპოტიზმის საუკეთესო ბურჟმა დაიჭირა. მაგრამ ამ ჯარს, შინაგან შეტაკებებში უძლეველს, მალე დაუდგა ძალიან ძნელი ამოცანა: მოგერიება გარეშე მტრის, განსაკუთრებით, გერმანელების, რომელნიც სულ უფრო მძლავრად უტევენ იმპერიას იმ დროს, როდესაც რომის სამხედრო სისტემა აშკარათ ირღვეოდა.

ამან მეტად მნიშვნელოვანი ეკონომიური შედეგები გამოიწვია. დაპყრობითი ომები იშვიათი გახდა. დაუსრულებელი ომი საზღვრებზე სულ უფრო წმინდა მოგერიებითი ომის ხასიათს იღებდა; სამხედრო ტყვეების რიცხვი მცირდებოდა, ჯარი კი ილეოდა.

მცირდებოდა თანდათან მონების მოწოდებაც, მაგრამ მონებათა მასსების მომწოდებელ წყაროს დაშრობა ნიშნავდა იმ საძირკვლის დანგრევას, რომელზედაც მაშინდელი მსხვილი წარმოება იდგა, განსაკუთრებით სოფლის მეურნეობაში. მართალია, მონობა ჯერ სავსებით არ გამქრალა, მაგრამ მონა სულ უფრო ფუფუნების საგნად იქცეოდა.

მაგრამ ეს ცვლილება სრულიადაც არ ნიშნავდა თავისუფალ გლახობისა და თავისუფალ ხელოსნობის აღორძინებას. მონათა შოვნის გაძნელებასთან ერთად თავისუფალი და ძლიერი ხელოსნობის ზრდა კი არ ხდებოდა, არამედ მრეწველობის დაშლა და დაცემა. მონურმა მეურნეობამ დააქცია და სრული დაღუპვის კარზე მიიყვანა გლახობა. რომის იმპერიის იმ ნაწილებში, სადაც ეს მოხდა, გლახურ მეურნეობას წელის გამართვა აღარ შეეძლო. საქმე იმაშია, რომ თუმცა მონათმფლობელი მეურნეობა თანდათან სულ ნაკლებ შემოსავლიანი ხდებოდა, მსხვილი მიწათმფლობელობა მაინც დარჩა და უფრო სწრაფადაც ფართოვდებოდა: როგორც წინეთ, მსხვილ მიწათმფლობელს მეტის წარმატებით შეეძლო წვრილთან შედარებით წინააღმდეგობა გაეწია საიმპერიო მოხელეთა მტაცებლობისათვის და იმ აოხრების წინააღმდეგ ებრძოლა, რომელსაც უბედური ომები იწვევდა.

მაგრამ მონობაზე დამყარებული სოფლის მეურნეობა ბოლოს და ბოლოს მაინც ვერ ხეირობდა. მისი სფერო სულ უფრო ვიწროვდებოდა. მისი გვერდით ვითარდებოდა ახალი სისტემა: მსხვილი მამულები სავსებით ან ნაწილობრივ წვრილ ნაკვეთებად იკრებოდა, რომლებიც შემდეგ იჯარად იცემოდა განსაზღვრული გამოსაღების

და ნამუშევრის წილის ფასად. ამგვარ მოიჯარადრებებს კოლონებში ეწოდებოდა. შემდეგ საუკუნეებში მიწათმფლობელნი ცდილობდნენ რაც შეიძლება უფრო მკვიდრათ დაემაგრებინათ კოლონები მიწებზე. ეს კოლონები საშუალო საუკუნეების ნახევრად თავისუფალ გლეხების წინამორბედნი იყვნენ.

კოლონების მიწაზე მიმაგრების მიზეზი იყო საყოველთაო გალატაკებიდან გამომდინარე /მუშა-ხელის შემცირება რომის იმპერიაში. ხალხის კლებას ხელს უწყობდა მრავალი უბედური ომი. მოსახლეობა თვალსაჩინოდ კლებულობდა.

კოლონებისა და ჯარისკაცების შოვნის მიზნით, გაბატონებულ კლასებს მრავლად უნდა მოეზიდნათ რომში უცხო ტომის ხალხი, ბარბაროსები. ბოლოს და ბოლოს სამხედრო და მწარმოებელი წოდებები შემოსახლებული უცხოელებით და მათი შთამომავლობით გაივსო.

მაგრამ ეს მაინც არ კმაროდა მოსახლეობის დანაკლისის შესავსებად და ამიტომ აუცილებელი შეიქნა სულ უფრო ტლანქისა და მდაბიო-კულტუროსან ელემენტების შემოსახლება.

რომის კულტურას მხოლოდ იმით შეეძლო ამაღლებულიყო მიღწეულ დონემდე, რომ მას ჭარბი მუშა-ხელი გააჩნდა და დაუზოგველად ხარჯავდა შრომას. გაქრა თუ არა მუშა-ხელის სიჭარბე, გაქრა პროდუქტების ნაჭარბიც, დაიწყო მიწათმოქმედებისა და მრეწველობის რეგრესი, პირველობა დაიჭირა შრომის უხეშმა და ბარბაროსულმა წესებმა. შრომის ნაყოფიერების რეგრესს კი მეცნიერებისა და ხელოვნების რეგრესიც მოსდევდა.

რომის საზოგადოების დაშლა დიდხანი გაგრძელდა, მრავალმა საუკუნემ გაიარა, სანამ რომის იმპერია იმ დიადი სიმალიდან დაეცემოდა, რომელზედაც ის ავგუსტისა და მისი უახლოესი შემკვიდრების ხანაში იდგა, და იმ საცოდავ მდგომარეობაში ჩავარდებოდა, რომელშიაც მას ხალხთა დიდმა გადასახლებამ მოუსწრო. მაგრამ ჩვენი ერის უკვე პირველ საუკუნეში მისი დაცემის მიმართულება საკმარისად მკაფიოდ გამოხატული და უუქველი იყო. რომის დაშლის პროცესში გაიზარდა ის ახალი საზოგადოებრივი ძალა, რომელმაც საყოველთაო გახრწნილებიდან გადაარჩინა ის, რისი გადარჩენაც კი შეიძლებოდა, და შემდეგ რომის კულტურის ნაშთი გადასცა გერმანელებს; გერმანელებთან კი იგი, რომის კულტურის ნაშთი, ახალი და უფრო მაღალი კულტურის საფუძველი შეიქნა. ეს ძალა იყო ქრისტიანობა.

IV. პირვანდელ ქრისტიანული კომუნიზმის ბუნება.

როგორც საბერძნეთში მისი დაშლის ხანაში, ისე რომშიაც იმპერატორთა პერიოდში ყოველ მოაზროვნე კაცს, ვისაც კი გული შესტკივოდა თავისი ტანჯული ძმებისათვის, აფიქრებდა ამ საშინელ მდგომარეობიდან თავის დაღწევის საკითხი.

ამ საკითხზე ყველა სხვადასხვანაირ პასუხს იძლეოდა. ალორძინდა პლატონის იდეალებიც, მაგრამ ეხლა მათ ნაკლები გავლენის მოხდენა შეეძლო, ვიდრე მათი წარმოშობის ხანაში. თუმცა უმაღლესი წოდებები და თვით იმპერატორი ვალლიენი და იმპერატორის მეუღლე სალონინა ისეთ წყალობას უჩენდნენ ნეო-პლატონიკოსს პლატონს (მესამე საუკუნეში ქრ. შ. შემდეგ), რომ მას მათი შემწეობით პლატონის სახელმწიფოს მზგავსი ქალაქის მოწყობაც ჰქონდა განზრახული, მაგრამ ამ მოდაში შესულ ფილოსოფოსის სადარბაზო კომუნიზმი მხოლოდ ერთი გასართობთაგანი იყო, რომლინთაც დროს ჰკლავდა მაღალ კლასების უსაქმო ხალხი. ცდაც არ მომხდარა გეგმის განსახორციელებლად, თუ ცდათ არ ჩავთვლით სახელის გამოგონებას კოლონიისათვის: Platonopolis, — პლატონის ქალაქი.

სახელმწიფოს ხელის უფლება ყველგან უნდობლობას და გულგრილობას ხვდებოდა. საზოგადოების შინაგანი გახრწნა იქამდის მივიდა, რომ არც ერთი მოკვდავისაგან, თუნდაც ეს უძლიერესი კეისარი ყოფილიყო არ მოელოდნენ, რომ ის ახალი სიცოცხლის შთაბერვას შესძლებდა საზოგადოებისათვის. ეს მხოლოდ ზეადამიანურ ძალას, მხოლოდ სასწაულს თუ შეეძლო მოემოქმედნა.

ვისაც არ სჯეროდა სასწაული, რომელსაც რომის საზოგადოება უნდა ეხსნა, უიმედო პესიმიზმს ეძლეოდა და თავდავიწყებას ეძებდა უაზრო გასართობებში. მაგრამ იმ ფიცხელ ენტუზიასტთა შორის, ვისთვისაც ერთიც და მეორეც შეუძლებელი იყო მრავალმა სასწაული იწამა.

განსაკუთრებით ეს ხალხის ქვედა ფენის ენტუზიასტებს შეეხება. იმათ ყველაზე მეტად ტანჯავდა რომის საზოგადოების გახრწნილება. მათ არ გააჩნდათ სახსარი, რომ მხიარულებაში ეპოვნათ თავდავიწყება, და ამიტომ ვერ განიცდიდნენ იმ მონანების გრძობას, რომელიც ჩვეულებრივ უაზრო განცხრომას მოსდევს და რომელიც პესიმიზმსა და სასოწარკვეთილებას ადვილად ჰბადებს. ჩვეულებრივ მათ რიგებში ფესვს იღვამდა ის იდეა, რომ უახლოეს მომავალში ქვეყნიერებას ციდან მხსნელი მოევლინება და ამ ქვეყნად დიად სამეთოს შექმნის, სადაც არ იქნება არც სიღარიბე, არც ომები და

სადაც სიხარული, სათნოება, კმაყოფილება და უსაზღვრო ნეტარება გამეფდება. ეს მსხნელი ღვთისგან ცხებული, ქრისტე ¹⁾ იქნება.

რაკი ყოველგვარი სასწაული შესაძლებელი სჩანდა, ოცნებამ ყოველივე საზღვარი გადალახა და ყოველ მორწმუნეს შეეძლო წარმოედგინა მომავალი სამეფო სრულიად ფანტასტიური ფერებით. ამ მომავალში არა მარტო საზოგადოება შეიცვლება, არამედ მთელი ბუნებაც; იქ ყველაფერი გაქრება, რაც ადამიანისათვის მანება, ხოლო რაც სანეტაროა — უსაზღვროდ გადიდდება. ²⁾

ცნობილია საქრისტიანო თხზულება, რომელშიაც ასეთი მოლოდინი გამოიხატა. ეს არის ეგრედ წოდებული „გამოცხადება იოანე მახარობლისა“, აპოკალიპსი, დაწერილი, ალბათ, მალე ნერონის სიკვდილის შემდეგ. ის წინასწარმეტყველებს, რომ სულ ახლო მომავალში საშინელი ბრძოლა გაიმართება დაბრუნებულ ნერონს, ანტიქრისტესა და ქრისტეს შორის, რომელიც კვლავ მოვა და რომ ამ ბრძოლაში მონაწილეობას მიიღებს მთელი ბუნება. ამ ბრძოლაში ქრისტე გაიმარჯვებს და ათასწლოვან სამეფოს შექქმნის; მართალნი, სიკვდილისაგან უძლეველნი, წარმართავენ ამ სამეფოს ქრისტესთან ერთად. ეს არ კმარა: ამ სამეფოს დასასრულის უკან გაჩნდება ახალი ცა და ახალი მიწა და ამ მიწაზე -- ახალი იერუსალიმი, ნეტარების სასუფეველი.

ათასწლოვანი სამეფო -- ეს მომავლის სახელმწიფოა პირვანდელი ქრისტიანობისათვის. ამასთან დაკავშირებით ქრისტიანულ სექტებში აღმოცენებულ მხურვალე მოლოდინს და ახალი მომავალი საზოგადოების მოიმედობას ხილიაზმი ³⁾ ეწოდება.

„აპოკალიპსის“ მზგავსათ ქრისტიანობის მრავალი მოძღვარი გამოსთქვამდა ქრისტიანობის პირველ საუკუნეებში თავის ხილიასტურ მოლოდინს და, ზოგიერთ შემთხვევაში, მაგალითად ირინეუსი (II საუკუნეში) და ლაქტანციუსი (დაახლოებით 320 წ.), ძალიან დაწვრილებით და გრძნობიერ ფერებით აღწერდნენ ხოლმე ამ მომავლის მიწიერ სამოთხეს. ⁴⁾

¹⁾ ქრისტე ბერძნული სიტყვაა, ნიშნავს „ცხებულს“.

²⁾ კოროდიმ თავისი „Kritische geschichte des Chiliasmus“ (Frankfurt 1781) დაწვრილებით აღწერა და გვარჯია ეს ფანტაზიით შექმნილი საკვირველი ოცნებანი.

³⁾ Chilis ბერძნულად ნიშნავს ათასს.

⁴⁾ დიდ როლს თამაშობდა მომავალ ქრისტიანულ სამეფოში ღვინო და სიყვარული. ირინეუსი სწერდა: „მოვა დრო როდესაც აღმოცენდება ყურძენი, რომლის ყოველი ბუჩქი ათი ათასს ვაზს აისხამს, თითო ვაზი -- ათი ათასს პატარა შტოს, თითო შტო -- ათი ათასს მრეკვანს, თითო მრეკვანი -- ათი ათასს მარჯალს“.

მაგრამ დროთა მსვლელობაში, როდესაც ქრისტიანობა უბედურთა და ჩაგრულთა, პროლეტარებისა და მონების რწმენიდან ძლიერთა და მდიდართა რელიგიად გადაიქცა, ხილიაზში სულ უფრო მეტ უკმაყოფილებას იწვევდა ოფიციალურ ეკლესიაში: მართლაც ხილიაზს ხომ ერთგვარი რევოლუციონური იერი გადაჰკრავდა, ის არსებული საზოგადოების გადატრიალებას წინასწარმეტყველებდა.

ხილიასტური ოცნებები ერთ ერთი დამახასიათებელი თვისება იყო პირვანდელ ქრისტიანობის სულიერი ცხოვრების. მაგრამ არა ნაკლებ მნიშვნელოვანი იყო მისი ტენდენციები პრაქტიკულ კომუნიზმისადმი.

სოციალ-დემოკრატიის მზავასათ, პირვანდელი ქრისტიანობა დაუძლეველი შეიქნა იმ დროის ხელის უფალთათვის, რადგან ის აუცილებელი გახდა მოსახლეობის მასებისათვის. გამარჯვება მას მისმა პრაქტიკულმა მოღვაწეობამ მოუპოვა და არა სათნო ოცნებებმა.

ჩვენც ამ პრაქტიკული მოღვაწეობის განხილვაზე გადავალთ.

პაუპერიზში, როგორც დავინახეთ, უდიდეს სოციალურ საკითხად გადაიქცა რომის საიმპერატორო ხანაში. სახელმწიფოს ყოველი ცდა მისი წინააღმდეგ ბრძოლისა უნაყოფო აღმოჩნდა. ზოგიერთმა იმპერატორმა და კერძო პირმა სცადეს რამე გაეწყობთ საქველმოქმედო დაწესებულებათა დაარსებით. მაგრამ დაარსებულ დაწესებულებათა რიცხვი სრულიად უმნიშვნელო იყო; ეს რამოდენიმე წვეთი წყალი იყო გახურებულ ქვაზე დასხურებული. თანაც რომის ხარბი ბიუროკრატია სრულებით არ გამოდგებოდა საქველმოქმედო დაწესებულებათა ხელმძღვანელად.

პესიმისტები და ისინი, ვინც განცხრომას ეძლეოდა, ისევე ექცეოდნენ პაუპერიზმს, როგორც საზოგადოების და სახელმწიფოს დანარჩენ სატყვიერებს, ე. ი. არაფერს არ აკეთებდნენ. ამბობდნენ: ფრიად სამწუხარო მოვლენაა, რომ ასეთი მდგომარეობა შეიქმნა; მაგრამ მისი დაძლევა შეუძლებელია და ფილოსოფოსებს არ ძალუძთ იმას ებრძოლონ, რაც გარდუვალია.

სულ სხვა პოზიცია დაიჭირეს სანგვინიკ-ენტუზიასტებმა და

და თითო მარცვლიდან ოცი კოკა ღვინო გამოიწურება*. უნდა ვიფიქროთ რომ ამ ათასწლოვან სამეფოში წყურვილიც შესაფერი პროპორციით გაიზრდება. მაგრამ ორინეუსი უფრო ნაზ ნეტარებასაც ხატავს: „ახალგაზრდა ქალები ყმაწვილ კაცთა საზოგადოებაში გაერთობიან; მოხუცი იმავე უფლებებით ისარგებლებენ და განცხრომაში გაიქარებენ თავის დარდებს“. უკანასკნელი პერსპექტივა განსაკუთრებით მიმზიდველი უნდა ყოფილიყო რომის საზოგადოების *non de siecle*-ს ხნიერ და ახალგაზრდა მოხუცებისათვის.

პროლეტარებმა, რომელთაც სილატაკის სიმძიმე აწვა. მათ არ შეეძლოთ გულდამშვიდებით ეცქერათ სილატაკისათვის, მათ უნდა ელონათ მისი ბოლოს მოღება. მაგრამ ჩაგრულებს ვერ უშველიდა მხოლოდ ოცნება იმ ნეტარებაზე, რომელიც ციდან მოვლენილ მესსიას უნდა მოეტანა. და, აი, სწორეთ იმ წრეებში, სადაც ხილიასტური ოცნებები იფურჩქნებოდა, გაჩნდა პრაქტიკული ცდაც არსებულ სილატაკესთან ბრძოლისა.

ეს ცდა სულ სხვა ხასიათის იყო, ვიდრე გრაკების საქმიანობა. გრაკები სახელმწიფოს მიმართავდნენ: სურდათ, რომ პროლეტარიატს ჩაეგდო ხელში პოლიტიკური ძალა-უფლება და თავისი ინტერესებისათვის გამოეყენებია იგი. იმპერატორთა ხანაში შეწყდა ყოველივე პოლიტიკური მოძრაობა და სახელმწიფო ხელის უფლება ყოველ მხრიდან მხოლოდ უნდობლობას ხედებოდა. ამიტომ, გასაგებია, რომ ახალმა სოციალურმა რეფორმატორებმა საზოგადოების გარდაქმნა მოიწადინეს არა სახელმწიფოს საშუალებით, არამედ სახელმწიფოს ზურგს უკან და მისგან სრულიად დამოუკიდებელ განსაკუთრებული ორგანიზაციების საშუალებით.

მეტი მნიშვნელობა აქვს მეორე განსხვავებას. გრაკების დროს მოძრაობა ნახევრად სოფლური იყო; ის ემყარებოდა არა მარტო ქალაქის პროლეტარებს, არამედ აგრეთვე გალატაკებულ გლეხებს. მოძრაობის მიზანი იყო პროლეტარებიც გაეგლეხებინა. ქალაქის პროლეტარებსაც მთლად არ ჰქონდათ გაწყვეტილი კავშირი გლეხურ იდეალებთან.

იმპერატორთა პერიოდში ქალაქი უკვე სავსებით განკერძოებული იყო სოფლისაგან. ქალაქისა და სოფლის მოსახლეობა ორ ნაციას წარმოადგენდა, რომელთაც ერთი მეორის არა გაეგებოდათ რა. ქრისტიანული მოძრაობა თავის დასაწყისში მხოლოდ და მხოლოდ დიდ ქალაქების მოძრაობა იყო. „სოფლის მოსახლე“ და „არა ქრისტიანი“ ერთსა და იმავეს ნიშნავდა. უფრო მოგვიანო ქრისტიანები სიტყვას paganus (რაც ნიშნავს „სოფლის მცხოვრებს“) წარმართთა სახელწოდებად ხმარობდნენ. საზოგადოებრივ ურთიერთობათა ამ ცვლილებასთან იყო მკვიდრით დაკავშირებული განსხვავება ერთის მხრით გრაკების დროს მომხდარ სოციალურ რეფორმების ცდებსა და მეორეს მხრით საიმპერატორო პერიოდის ცდებს შორის. გრაკებს სურდათ პლანტატორულ და საძოვრულ მეურნეობის ნაცვლად გლეხური მეურნეობა შეექმნათ; ისინი (გრაკები) საკუთრების არსებულ განაწილებას შეეხენ, რადგან ცდილობდნენ საწარმოო წესების რეფორმისაკენ გაეკათათ გზა. მაგრამ, როგორც დავინახეთ, სწორეთ

ამ მიზეზით გახდენ ისინი იძულებულნი ეცნოთ კერძო საკუთრება (წარმოების საშუალებებზე).

წინააღმდეგ ამისა, პირვანდელ ქრისტიანობის ხასიათი იმ კლასის გავლენით გამოუმუშავდა, რომელსაც დიდი ქალაქების ლუმპენ-პროლეტარები შეადგენდნენ, მეტ წილად უკვე მუშაობას გადაჩვეულნი. წარმოება ამ ელემენტებს არაფრად არ მიაჩნდათ. ჰგავდნენ მინდვრის შრომანს, რომელიც არც სთესავს, არც რთავს და, მიუხედავად ამისა, ჰყვავის. და თუ საკუთრების განაწილებაში ცვლილების შეტანა სურდათ, მხედველობაში ჰქონდათ არა საწარმოო საშუალებათა საკუთრება, არამედ მოხმარების საგანთა საკუთრება. იმ დროის დიდი ქალაქების ლუმპენ-პროლეტარებისათვის მოხმარების კომუნისზმი სრულიადაც არ იყო უცხო რამ. რესპუბლიკის უკანასკნელ პერიოდში დრო-გამოშვებით, რეგულიარულად იმართებოდა საზოგადო ტრაპეზები აუარებელ მასსებისათვის, ურიგდებოდა მათ აგრეთვე სხვა საარსებო საშუალებანიც და ეს შემდეგ იმპერატორთა ხანაშიაც მეორდებოდა. რა უნდა ყოფილიყო უფრო ბუნებრივი პარაზიტ-პროლეტარებისათვის, თუ არა ამ ტრაპეზებისა და საჩუქრების გადაქცევა სისტემით, მუდმივ კომუნისზმით მოხმარების საშუალებათა არსებულ მარაგის მიმართ, — ნაწილობრივ თანასწორ განაწილებისა და ნაწილობრივ საერთო მოხმარების სახით.

ასე აღმოცენდა კომუნისტური იდეები და შემდეგ კომუნისტური სამრევლოები — ამ იდეების განსახორციელებლად. პირველად ასეთი სამრევლოები დაარსდა აღმოსავლეთში, რომელიც ეკონომიურად დასავლეთის წინ უსწრებდა. აპოკალიპსის იდეები ფართოდ გავრცელდა იუდეებს შორის ჯერ კიდევ ჩვენი ერის დამდეგში; მათთანვე — ქრისტეს შობამდე 100 წლით ადრე — ჩვენ ეხვედებით კომუნისტურ კავშირს, ე. წ. ეს სეიების კავშირს.

„სიმდიდრე მათ არარაობად მიაჩნდათ, — გვიამბობს ამ კავშირზე იოსები — პირიქით, პატივს სცემენ ქონებათა საზიარობას და მათ შორის არავინ არ იყო სხვაზე მდიდარი. მათ აქვთ კანონი, რომლის ძალით, ყოველმა ორდენში შემავალმა მთელი თავისი დოვლათი უნდა გასცეს საერთო მოსახმარად. ამიტომაც მათ არც გაქირვება იციან, არც სიქარბე, ყოველივე საერთო აქვთ, როგორც ძმებს... ყველანი ერთ ქალაქში ცხოვრობენ, მაგრამ ყოველ ქალაქში საგანგებო სახლები აქვთ და საიდანაც არ უნდა მოვიდნენ იქ მათი ორდენის წევრები, ქონების წილს მიიღებენ, ასე რომ მოსულნი სარგებლობენ ქონებით როგორც საკუთართ. ისინი ერთმანეთს ადვილად უახლოვდებიან და თუგინდ არასდროს ერთმანეთი არ ენახათ,

ისე იქცევიან თითქოს მთელი სიცოცხლე მეგობრები ყოფილიყვნენ. როდესაც მოგზაურობენ, თან დააქვთ მხოლოდ იარაღი ავაზაკებისაგან თავის დასაცავად. ყოველ ქალაქში ჰყავთ კაცი, რომელიც სტუმრებზე ზრუნავს; ის ურიგებს შორიდან მოსულთ ტანთსაცმელსა და საკმელ-სასმელს... ერთმანეთში ისინი არ ვაჭრობენ, მაგრამ თუ ერთი აძლევს რამეს მეორეს, უკანასკნელისაგან მიიღებს იმას, რაც თვით სჭირია. და თუ მას არა აქვს რა, რითაც დააჯილდოვოს მომცემი, მაინც თამამად შეუძლია მოსთხოვოს ვისაც სურს და რაც სურს.¹⁾

პირველად ქრისტიანებსაც სურდათ სრული კომუნიზმის განხორციელება. მათეს სახარებაში (19, 21) იესო ეუბნება მდიდარ მოწაფეს: „თუ გსურს იყო უნაკლო, წადი, გაჰყიდე ქონება შენი და მიეც გლახაკთ“²⁾ „მოციქულთა მოღვაწეობაში“-ც იერუსალიმის პირველი სამრევლო (4, 32, 34) შემდეგ ნაირად არის აღწერილი: „და არავინ არ უწოდებდა ქონებას თავისს, არამედ ყოველივე ჰქონდათ საერთო... არავინ იყო მათ შორის გაჭირვებული, რადგან ყველა, ვისაც მიწა ან სახლი გააჩნდა, ჰყიდიდა და გაყიდულის ფასს მოიტანდა და მოციქულთა ფეხრთით დასდებდა; და ყველას ეძლეოდა ის, რაც სჭიროდა.“ ანანია და საპთირი, რომლებმაც გადაშალეს სამრევლოსაგან თავისი ფულის ნაწილი, როგორც ცნობილია, სიკვდილით იქნენ ღვთისგან დასჯილნი.

პრაქტიკულად კომუნიზმის ამ სახეს ის ახასიათებდა, რომ წარმოების საშუალებებს მოსახმარ საგნებზე სცვლიდნენ და უკანასკნელებს ღარიბებს ურიგებდნენ. მაგრამ ეს პროგრამა რომ სავსებით და საყოველთაოთ განხორციელებულიყო, ყოველივე წარმოება სრულიად უნდა მოსპობილიყო. რა რიგ გულგრილი არ უნდა ყოფილიყვნენ წარმოებისადმი პირველი ქრისტიანენი,--ეს სილატაკის ნამდვილი ფილოსოფოსი, მათ მაინც არ შეეძლოთ არ გაეგოთ ის, რომ ამგვარ საძირკველზე შეუძლებელია ცოტა თუ ბევრად ფართო საზოგადოების აშენება და მისი ხანგრძლივი არსებობა.

წარმოების მაშინდელი მდგომარეობა მოითხოვდა კერძო საკუთრებას საწარმოო საშუალებებზე და ქრისტიანები ამ მხრით ვერაფერს გააწყობდნენ. მაშასადამე უნდა ეცადათ კერძო საკუთრებისა და კომუნიზმის შერიგება. მაგრამ მათ არ შეეძლოთ პლატონის მზგავსათ კომუნიზმი არისტოკრატიის პრივილეგიათ გაეხადათ, ხოლო

¹⁾ Josephus, Geschichte des jüdischen Krieges, 2 Buch, 8, 3, 4.

²⁾ შეადარეთ აგრეთვე სახარება მარკონის, 10, 21 და ლუკასი, 12, 33, 18, 21.

ხალხის მასსისათვის კერძო საკუთრება დაეტოვებინათ, რადგან ესლა კომუნიზმს სწორეთ ეს ხალხის მასსა მოითხოვდა.

კერძო საკუთრების და კომუნიზმის შეერთება ამგვარად მოხდა: სამრევლოს ყოველი წევრის განკარგულებაში დატოვეს მისი საკუთრება, სახელდობრ, საკუთრება წარმოების საშუალებათა, და შემოიღეს მხოლოდ მოხმარების კომუნიზმი, ე. ი. კომუნიზმი საარსებო საშუალებათა მოხმარებაში.

მართალია თეორიაში ასეთი განსხვავება არ იყო: მაშინ ეკონომიურ კატეგორიებს ასე მკაფიოთ არ საზღვრავდნენ ერთმანეთისაგან. მაგრამ პრაქტიკა სულ უფრო ამ მიმართულებით ეწყობოდა.

მესაკუთრეებს ნება ეძლეოდათ შეენახათ და ეხმარათ მათი კუთვნილი საწარმოო საშუალებანი, პირველ ყოვლისა, მიწის საკუთრება. მაგრამ ყველა მოხმარების საშუალებანი, —საკმეღლ-სასმელი, ტანისამოსი, ბინები და აგრეთვე ფული, რომლითაც მოსახმარ საგნების ყიდვა შეიძლებოდა, —ყოველივე ეს, რაც მესაკუთრეს ეკუთვნოდა და მისი შენახენი იყო, ქრისტიანულ სამრევლოს განკარგულებაში უნდა განწესებულიყო. „მაშასადამე ქონებათა საზიარობა მოხმარების საზიარობას წარმოადგენდა. ყოველ ქრისტიანეს, ძმური ურთიერთობის თანახმად ჰქონდა უფლება სამრევლოს ყველა წევრთა ქონებაზე და საჭიროების შემთხვევაში შეეძლო მოეთხოვა, რომ შეძლებულ წევრებს მიეცათ მისთვის თავისი მონაგარიდან იმდენი, რამდენიც მას ესაჭიროება. ყოველ ქრისტიანეს შეეძლო ესარგებლა თავისი ძმათა ქონებით და იმ ქრისტიანეს, ვისაც რაიმე საკუთრება გააჩნდა, არ შეეძლო უარი ეთქვა ხელმოკლე ძმის მიერ მისი ქონების სარგებლობაზე. მაგალითად, სახლს მოკლებულ ქრისტიანეს შეეძლო მეორე ქრისტიანესაგან მოეთხოვა თავისთვის ბინა, თუ უკანასკნელს ორი ან სამი სახლი ჰქონდა. მაგრამ მიუხედავად ამისა მესაკუთრე ისევ თავისი სახლების მესაკუთრეთ რჩებოდა. მოხმარების საზიარობის გამო მას მხოლოდ ბინა უნდა დაეთმო სხვის სასარგებლოთ.“¹⁾ ადვილად გადასატანი საარსებო საშუალებანი, აგრეთვე ფული, უნდა შემოტანილიყო სამრევლოში, რომელიც ხოლმე საგანგებო პირს ირჩევდა ამ დოვლათთა განსაწესრიგებლად.

კერძო საკუთრების ცნობამ, თუმცა ნაწილობრივმა, შეანგრია იმ სრული კომუნიზმის კედელი, რომლისკენ მიისწრაფოდა ქრისტიან-

1) I. L. Vogel, *Altertümer der ersten und ältesten Christen*, Hamburg, 1760, გვ. 47.

ნობა თავისი წარმოშობის პირველ ხანაში. მაგრამ შემდეგ ეს კომუნიზმი სხვა მხრივაც შესუსტდა.

მოხმარების კომუნიზმი, როგორც ეს ჩვენ პლატონის სახელმწიფოს გაცნობისას დაეინახეთ, უმჭიდროესად არის დაკავშირებული ოჯახისა და მონოგამიურ ქორწინების გაუქმებასთან.

ამ პირობის შესრულება ორნაირად არის შესაძლებელი: ცოლ-შვილის საზიარობის შემოღებით ან სქესობრივი კავშირის სრული უარყოფით, ე. ი. ცელიბატის საშუალებით. პლატონმა პირველი გზა აირჩია, ესეებმა—მეორე: ესენი სრულ უქორწინობას მოითხოვდნენ. თავისი აღმოცენების რადიკალურ—კომუნისტურ პერიოდში ქრისტიანობასაც ქონდა მიზნად ოჯახისა და ქორწინების მოსპობა, ამასთანავე ის ასკეტიზმის გზაზე იდგა, რაიც საესებით შეეფერებოდა იმ დროის მონანიების სულსკვეთებას. მაგრამ ისეთი ქრისტიანული ქტებიც იყო,—მაგალითად, ადამიტების, გნოსტიკოსების (მეორე აუკუნეში),—რომელნიც ქადაგებდნენ და ასრულებდნენ კიდევ ოჯახისა და ქორწინების მოსპობის უფრო ცხოველმყოფელ ფორმას.

მათეს სახარებაში ქრისტე ამბობს (19, 29): „ყოველი, ვინც დასტოვებს სახლში თავის ძმას, ან დას, ან მამას, ან დედას, ან ცოლს ან მიწა-წყალს და ამათ ჩემს სახელს ანაცვალებს, ას წილად მეტს მიიღებს და მარადიულ სიცოცხლეს დაიმკვიდრებს“. ლუკას სახარებაში ქრისტე ამბობს: „თუ ვინმე მოვა ჩემთან და არ შეიძლებს თავის მამას, დედას, ცოლს, შვილებს, ძმებს და დებს და თვით სიცოცხლეს თვისას, ის ვერ გახდება ჩემი მოწაფე“ (14, 26)¹.

ყველა პირვანდელ საქრისტიანო სამრევლოს ახასიათებს მისწრაფება თუნდაც ნაწილობრივ საოჯახო ცხოვრების გაუქმებისადმი. ყველას დაწესებული ქონდა საერთო ყოველდღიური ტრაპეზები (შეადარე „მოციქულთა მოღვაწეობა“ 2, 46). ასეთი სერობანი, აღპებები შეეფერება საერთო ტრაპეზებს, სისხიტებს—სპარტაში და პლატონის სახელმწიფოში.²) ყოველივე ეს იყო აუცილებელი შედეგი მოხმარების საშუალებათა კომუნიზმისა.

ზემოთ ჩვენ უკვე ვთქვით, რომ ქრისტიანობას არ შეეძლო დაეძლია არც წერილი წარმოება და არც კერძო საკუთრება წარმოების საშუალებებზე. მაგრამ წარმოების და საკუთრების ამ

¹) შეადარეთ აგრეთვე მათეს სახარება 10, 37; 12, 46 და შემდეგი; მარკოზის 31, 3 და შემდეგი; 10, 29; ლუკასი 8, 20; 18, 29.

²) თემცა, თუ დაუჯერებთ და უმერს („Die geheimnisse des christlichen Altertums“, Hamburg 1847). ეს ტრაპეზები უფრო კაცისკამობის ტრაპეზებს წარმოადგენდა, ვიდრე სიყვარულისას.

ფორმებთან აუცილებლად არის დაკავშირებული მონოგამიური ოჯახი, — არა მხოლოდ როგორც დედაკაც-მამაკაცისა, მშობლებისა და შვილების საერთო ცხოვრების ფორმა, არამედ როგორც სამეურნეო ერთეულიც. ქრისტიანობას არ შეეძლო წარმოების ახალი წესი შეექმნა: ამიტომ ის ოჯახის ტრადიციულ ფორმასაც უნდა შეგუებოდა, თუმცა უკანასკნელი მოხმარების კომუნისზმს ეწინააღმდეგებოდა. საზოგადოების ხასიათს აყალიბებს, საბოლოო ანგარიშში, არა მოხმარების არამედ წარმოების ორგანიზაცია. პრინციპიალურად ოჯახისა და ქორწინების უარყოფა იმდენადვე არ ეგუება ქრისტიანობის გავრცელებას საზოგადოებაში, რამდენადაც სრულყოფილ კომუნისზმს. ოჯახის სრული გაუქმება შეიძლებოდა მხოლოდ ზოგიერთ სექტაში და კორპორაციაში მომხდარიყო, საყოველთაოდ კი იგი არას დროს არ განხორციელებულა.

კიდევ ერთხელ გამოაშკარავდა, რომ მატერიალური ურთიერთობა იდეებზე ძლიერია, იდეებზე ბატონობს. ეკლესიასაც ძალა-უნებურად უნდა შეეთარდებინა თავისი მოძღვრება პირობების ცვალებადობისათვის, რომელსაც ქრისტიანობის გავრცელება იწვევდა. რაკი კომუნისტური ტრადიციის მოსპობა შეუძლებელი იყო, ცდილობდნენ როგორმე მიექმალათ იგი სხვადასხვა გვარ ახსნა-განმარტებით და შეერიგებინათ სინამდვილესთან ფილოსოფიური ხერხიანობით, რასაც ხელს უწყობდა ის გარემოება, რომ მაშინდელი ფილოსოფია უფრო ზმნობაში იყო გართული, ვიდრე მეცნიერულ კვლევა-ძიებაში.

თავისი განვითარების უფრო გვიან ხანაში ქრისტიანობამ ხელი აიღო სიღარიბის პრობლემის გადაწყვეტაზე, მდიდართა და ღარიბთა შორის განსხვავების მოსპობაზე. პირველი ქრისტიანენი აცხადებდნენ, რომ ვერც ერთი მდიდარი ვერ შევიდოდა ღვთის სამეუფოში, ე. ი. არ მიიღებოდა ქრისტიანეთა საზოგადოებაში, თუ მთელს თავის ქონებას ღარიბთ არ დაუბრუნებდა და თვითონ არ გაღარიბდებოდა: ცხონდებიან მხოლოდ ღარიბნი. ესლა კი ეს წმინდა მატერიალური პირობები განმარტებულ იქნა, როგორც სულიერი დამოკიდებულებანი.

რატკინგერი ასე ახასიათებს თავის შრომაში („ეკლესიისაგან ღარიბთა შემწეობის ისტორია“, ფრეიბურგი, 1860 წ.) ეკლესიის პირველ მოძღვართა აზრებს საკუთრების შესახებ: „ეკლესია მხოლოდ ღარიბთა სამსახურისთვის იყო მოწოდებული, მდიდრები ეკლესიიდან გამორიცხული იყვნენ. მაგრამ სიმდიდრის უარისყოფა როდი ნიშნავდა ჭონებაზე სრულიად ხელის აღებას; საკმარისი იყო, თუ მდი-

ღარი განთავისუფლებოდა გადამეტებულ განცხრომისაგან, ქონების ნდომისაგან ან, მოკლეთ, სიხარბისაგან.. მდიდარს გული უნდა განეშორებინა ყოველივე მიწიერი სიკეთისაგან, თავი ღვთისგან დანიშნულ მოურავად მიეჩნია, ეპატრონა ქონებისთვის ისე, თითქოს ის პატრონი არ არის, მას შეეძლო მხოლოდ იმით ესარგებლა, რაც მისი არსებობისათვის აუცილებელია, დანარჩენი კი, როგორც ღვთისგან დანიშნულ მოურავს, ღარიბებისათვის მოეხმარა“. მაგრამ ღარიბიც, როგორც მდიდარი, არ უნდა მისწრაფებულყო მიწიერი სიმდიდრისაკენ; თავის ხვედრს უნდა დასჯერებოდა და მადლობით მიელო მდიდრის ნასუფრალი (გვ. 9,10).

შეუდარებელი ეკვილიბრისტიკაა! მთლათ კი არ უნდა განშორდე, არამედ მხოლოდ შენი გული უნდა განაშორო მიწიერ დოვლათის სამეფოსაგან, უნდა ჰქვლი ისე, თითქოს არ ჰქვლობ.

მაგრამ ამგვარ შერბილებულ ფორმითაც ქრისტიანობამ მნიშვნელოვან შედეგებს მიაღწია საუკუნეთა განმავლობაში პაუპერიზმთან ბრძოლაში. მართალია, პაუპერიზმი ვერ მოსპო, მაგრამ თვითონ ისეთ ორგანიზაციად გადაიქცა, რომელმაც დიდათ შეანელა მასსების სილატაკე თავის სფეროში; და შეიძლება ამაში ვითარებდა ქრისტიანობის წარმატების უმთავრესი მიზეზი.

მაგრამ რაც უფრო ძლიერდებოდა ქრისტიანობა, მით უფრო უმწეო ხდებოდა ის იმ სოციალურ პრობლემების წინაშე, რომლებიდანაც პირველად თავისი ძლიერება მოიღო. ქრისტიანობას არათუ არ შეეძლო ბოლო მოელო კლასთა სხვადასხვაობისათვის, რომელსაც თავის წარმოშობისას შეეყარა, არამედ თვით ჰქმნიდა ახალ კლასობრივ წინააღმდეგობას, რაც უფრო იზრდებოდა მისი ძალა და სიმდიდრე. ეკლესიის შიგნით ჩამოყალიბდა ბატონი—კლასი—სამღვდელოება და მისი მორჩილი ხალხის მასსა—ერისკაცნი, მრევლი.

პირველად ქრისტიანულ სამრევლოში სრული თვითმართველობა ბატონობდა. სამრევლოებს ნდობით აღჭურვილი პირნი განაგებდნენ, ეპისკოპოზნი და პრესვიტერები, რომელთაც სამრევლო ირჩევდა თავისი წრიდან, როგორც რწმუნებულთ. თანამდებობა არ ანიჭებდა მათ არაერთარ ნივთიერ უპირატესობას.

მაგრამ როდესაც ცალკე სამრევლოები გაფართოვდნენ და გამდიდრდნენ, წარმომადგენლებზე დაკისრებული მოვალეობა იმდენად გაიზარდა, რომ შეუძლებელი გახდა მისი სხვათა შორის შესრულება, სხვა საერო საქმეებთან ერთად. გაჩნდა შრომის განაწილება, საქრისტიანო სამრევლოს თანამდებობანი განსაკუთრებულ პროფესიე-

ბად გადაიქცა, რომლებიც ადამიანის მთელს შრომას საჭიროებდა-
არ შეიძლებოდა საეკლესიო ქონება მხოლოდ ღარიბთა დასახმარებ-
ლად მოხმარებულიყო. ამ ქონების ნაწილს საეკლესიო მართვა-გამ-
გეობის, საკრებულო შენობათა მოვლისა და თანამდებობის პირთა
შენახვის ხარჯები უნდა დაეფარა.

მაგრამ ვინ შეადგენდა მთავარ მასსას სამრევლოში?—ლუმენ-
პროლეტარები და ის მშრომელი პროლეტარები, რომელნიც ბოგანოებს
უახლოვდებოდნენ თავისი სოციალური მდგომარეობით და, მაშასადამე,
თავისი გონებრივი განვითარებითაც. ამგვარ ელემენტებს არასოდეს არ
ქონიათ უნარი იმ ძალა-უფლების შენარჩუნებისა, რომელსაც მას დემოკ-
რატიული წესწყობილება ანიჭებდა. ამის შეძლება მათ ეკლესიაშიაც არ
ქონდათ, როგორც არ ქონდათ რესპუბლიკაში. გააჰყიდეს და დაჰკარგეს
თავისი ძალა-უფლება ეპისკოპოსის სასარგებლოთ სწორეთ ისე,
როგორც რომის რესპუბლიკაში იგივე ჰქნეს კეისრის სასარგებლოთ.

ეპისკოპოსს თავისი ეკლესიის, ე. ი. თავისი სამრევლოს სა-
კუთრება უნდა მოეურვა და საეკლესიო შემოსავლის მოხმარების წესი
უნდა გამოემუშაებია. ეს მას ძალიან დიდ ძალას ანიჭებდა ბო-
განო პროლეტარიატის მიმართ; და ეს ძალა მატულობდა საეკლესიო
სიმდიდრეთა ზრდის პარალელურად. ეპისკოპოსები თანდათან სულ-
უფრო დამოუკიდებელი ხდებოდნენ ამრჩევლებისაგან, ამრჩევლები კი,
პირიქით, სულ უფრო დამოკიდებულნი ეპისკოპოსებისაგან.

ამავე დროს ცალკე სამრევლოები, წინეთ სრულიად განკერძოე-
ბულნი, თანდათან ერთიანდებოდნენ ერთს დიდ კავშირში, საერთო
ეკლესიაში. მიზანთა და შეხედულებათა იგივეობა და ერთნაირი დეე-
ნა დიდი ხანია აიძულებდა ცალკე სამრევლოებს კავშირი დაეკირათ
ერთმანეთთან დელეგატებისა და მიმოწერის საშუალებით. მეორე სა-
უკუნის დამლევისათვის საბერძნეთისა და აზიის მრავალ ეკლესიის
ურთიერთ კავშირი უკვე იმდენად მჭიდრო იყო, რომ ცალკე პროვინ-
ციების ეკლესიები უფრო მტკიცე კავშირებში გაერთიანდნენ; ამათი
უმალლესი ინსტანცია იყო რწმუნებულთა ყრილობები (სობორო),
ეპისკოპოსთა სინოდები. სინოდებმა მნიშვნელოვნად შეზღუდეს ცა-
ლკე სამრევლოების თვითმართველობა და, პირიქით, ხელი შეუწყვეს
ეპისკოპოსთა მრევლზე გაბატონებას.

ბოლოს რომის იმპერიის ყველა საქრისტიანო სამრევლოები
ერთს კავშირში ერთიანდებიან და უკვე მეოთხე საუკუნეში ქრ. შ.
შემდეგ იკრიბება სინოდები, სობოროები მთელი იმპერიის წარ-
მომადგენელთაგან (პირველი—325 წ. ნიკეაში)

სინოდებში მთავარ როლს თამაშობდნენ ეპისკოპოსები,—უმ-

დიდრეს და უძლიერეს სამრევლოთა წარმომადგენლები. ამგვარათ დასავლეთის საქრისტიანო მსოფლიოს სათავეში გაჩნდა რომის ეპისკოპოზი.

ეპისკოპოზის ხელის უფლების ზრდა იწვევდა ბრძოლას და შეხლა-შემოხლას, ბრძოლას სახელმწიფო ხელის უფლებასთან, რომელსაც არ ურიგდებოდა ახალ სახელმწიფოს გაჩენას სახელმწიფოს შიგნით, ბრძოლას ცალკე ორგანიზაციებს შორის და ორგანიზაციების შიგნით, სამღვდელოებასა და ხალხს შორის. უკანასკნელი სახის შეტაკებებში ჩვეულებრივად სამღვდელოება იმარჯვებდა. უკვე მესამე საუკუნეში თითქმის ყველგან ხალხს მხოლოდ საეკლესიო მოხელეთა დამტკიცების უფლება შერჩა. მოხელენი შეკავშირებული იყვნენ კარჩაკეტილ ორგანიზაციაში, რომელიც საკუთარი მოსაზრებით ღებულობდა ახალ წევრებს და ისე განაგებდა საეკლესიო ქონებას, როგორც მას საჭიროთ მიაჩნდა.

ამ დროიდან ეკლესია ისეთ ორგანიზაციად გადაიქცა რომის იმპერიის შიგნით, რომელიც ბრწყინვალე კარიერის შესაძლებლობას უზსნიდა პატივმოყვარე პირებს. პოლიტიკური, ცხოვრება მიჰქრა, პოლიტიკური კარიერა შეუძლებელი იყო, სამხედრო სამსახურს აღეკვედნენ მხოლოდ დაქირავებულ ბარბაროსებს, მეცნიერება და ხელოვნება სულს ღაფავდა და სახელმწიფო მართვა-გამგეობა სულ უფრო იხრწნებოდა.

ეხლა მხოლოდ ეკლესია იჩენდა სიცოცხლეს და მოძრაობას. საზოგადოებრივი ძალა-უფლების მოსაპოვებლად უკეთესი საშუალება ეკლესია იყო. წარმართულ ქვეყნიერების თითქმის ყველა მხნე და ინტელიგენტური ელემენტი ქრისტიანობას იღებდა და ქრისტიანობაში საეკლესიო კარიერას ირჩევდა. სახელმწიფო ხელის უფლებასთან ბრძოლაში დაუძლეველი ეკლესია თვითონ შეუდგა ამ ხელის უფლების დამორჩილებას.

მეოთხე საუკუნის დამდეგში სამეფო ტახტის მარჯვე პრეტენდენტს კონსტანტინეს უკვე შეეგნო, რომ გამარჯვება იმას ხვდებოდა, ვინც თავის მხარეზე გადმოიბირებდა ქრისტიანეთა ღმერთს, ე. ი. ვინც კარგ განწყობილებას შექმნიდა საქრისტიანო სამღვდელოებასთან. კონსტანტინეს დახმარებით ქრისტიანობა გაბატონდა და ცოტა ხნის შემდეგ ერთად ერთი რელიგია გახდა რომის იმპერიაში. ამ დროიდან საეკლესიო ქონებათა ზრდა არა ჩვეულებრივი სისწრაფით წავიდა. იმპერატორები და კერძო პირნი ერთმანეთს მეტოქეობას უწევდნენ ეკლესიის დასაჩუქრებაში: ყველა ცდილობდა საჩუქრებით ეყიდა ახალი საზოგადოებრივი ძალის მფარველობა. მეორეს მხრით

აუცილებლობა აიძულებდა იმპერატორს დაევალა საეკლესიო ბიუროკრატიისათვის მთელი რიგი სახელმწიფო და მუნიციპალურ საქმეთა განმგებლობა, რისი შეძლება გახრწნილ სახელმწიფო ბიუროკრაციას აღარ ქონდა. ჯილდოთ ამგვარ სამსახურისათვის იმპერატორებს უნდა დაეთმოთ ეკლესიისათვის შემოსავლის ზოგიერთი წყაროები.

თავდაპირველად საჩუქრები, რომლებიც სამრევლოს წევრებს შეჰქონდათ ეკლესიაში, საეცებით ნებაყოფლობითი იყო. მაგრამ მას შემდეგ, რაც ეკლესია სახელმწიფოს მფარველობის ქვეშ ჩადგა, მან უკვე რეგულიარული დაბეგვრა დაიწყო. შემოღებულ იქნა ათეული, რომელსაც ჯერ მორალური ზემოქმედებით კრეფდენ, მერე კი იძულებითაც¹).

ეკლესია საშინლად გამდიდრდა, სამღვდლოებამ კი მრევლისაგან სრულს დამოუკიდებლობას მიაღწია. საკვირველი არ არის, რომ რაც ეკლესიის ქონება იზრდებოდა, მით უფრო ნაკლებ განაგებდა სამღვდლოება მას ღარიბთა ინტერესებისათვის. სამღვდლოება თვითონ ხმარობდა მას; გაუმაძღრობა და ხელგაშლილობა გამეფდა ეკლესიაში, განსაკუთრებით, ისეთ მდიდარ სამრევლოებში, როგორიც იყო რომი, კონსტანტინოპოლი, ალექსანდრია და სხვა. კომუნისტურ დაწესებულებიდან ეკლესია ექსპლოატაციის ვეებერთელა მექანიზმით გადაიქცა, როგორიც ჯერ ქვეყნიერებას არ უნახავს. უკვე მეხუთე საუკუნეში ეკლესიაში ფეხი მოიდგა ჩვეულებამ, რომლის ძალით საეკლესიო შემოსავალი ოთხ ნაწილათ იყოფებოდა. ერთი ნაწილი ეკუთვნოდა ეპისკოპოსს, მეორე — მის სამღვდლოებას, მესამე კულტის მოთხოვნილებას ხმარდებოდა (ტაძრების აშენება და შენახვა და სხვა) და მხოლოდ ერთი მეოთხედი შეადგენდა ღარიბთა წილს. მაშასადამე ყველა ღარიბნი სწორეთ იმდენს იღებდენ, რამდენსაც ერთი ეპისკოპოზი!

სრულიად შესაძლებელია, რომ ასეთი განაწილება კი არა სამღვდლოების ინტერესით დაწესდა, არამედ ღარიბთა დასაცავად, — იმ მიზნით რომ ბატონ სულიერ მწყემსებს მთლათ არ მიეთვისებინათ ეკლესიის ქონება.

მაგრამ ქრისტიანობის კომუნისტურ იდეების დახშობა შეუძლებელი იყო, სანამ მათი წარმომშობი საზოგადოებრივი ურთიერთობა არსებობდა. რომის იმპერიის დროს და ხალხთა გადასახლების ხანაში საეკლესიო ქონება ღარიბთა საკუთრებათ ითვლებოდა (patri-

¹) მეორე საეკლესიო ყრილობამ (ტური, 567 წ.) დაადგინა, რომ მორწმუნეებს ათეული თავისი ყმებისთვისაც უნდა გადაეხადათ

monium pauperum) და ვერც ერთი საეკლესიო მოძღვარი, ვერავი-
თარი ყრილობა ვერ გაბედავდა ამის უარყოფას. რასაკვირველია,
საეკლესიო ქონებათა მართვა-გამგეობის ხარჯი ძალიან დიდი იყო,
ის თითქმის ყველა შემოსავლებს ნთქავდა, მაგრამ, სჩანს, ასეთი
ყოფილა საქველმოქმედო დაწესებულებათა უმრავლესობის თვისება.
მაგრამ მაინც ვერაინ ვერ განაცხადებდა საქველმოქმედო ქონებათა
მოურავები მესაკუთრენი არიანო.

ამ უკანასკნელ ნაბიჯის გადადგმა, რაიც ეკლესიის კომუნისტუ-
რი დასაწყისის სრული უარყოფა იქნებოდა, შესაძლებელი გახდა
მხოლოდ მას შემდეგ, რაც შემოსეულმა გერმანელებმა შექმნეს სრუ-
ლიად ახალი საზოგადოებრივი წესწყობილების საფუძველი, როგორც
რომის მსოფლიოს, ისე ეკლესიისთვისაც.

V. საეკლესიო ქონება საშუალო საუკუნოებში.

ქრისტიანობა უძლური აღმოჩნდა—და სხვანაირად არც შეიძლე-
ბოდა მომხდარიყო—წარმოების ახალი წესის შექმნაში და სოცია-
ლურ დამოკიდებულებათა გადახალისებაში. ამიტომ მას არ შეეძლო
რომის იმპერიის ხსნა დაღუპვისაგან და თუ მიუხედავად ღრმა საზო-
გადოებრივი რღვევისა, რომს სული ედგა კიდევ რამოდენიმე საუ-
კუნის განმავლობაში, ეს მოხდა არა ქრისტიანობის არამედ, წარმართ
—ბარბაროსთა, გერმანელთა წყალობით. ჩვენ უკვე დავინახეთ,
რომ ისინი, როგორც დაქირავებული ჯარისკაცნი და გარედან მო-
სული გლეხები, ბურჯად ჩაუდგენ წელმოწყვეტილ საზოგადოებას.

მაგრამ შემოტეული გერმანელი ტომები ვერ დაქმნაყოფილდებო-
დენ დაქირავებულ ჯარში სამსახურით და კოლონების მდგომარეობით.
არსებითად, კოლონატმა და დაქირავებულმა ლაშქარმა მხოლოდ იმ-
პერიის სისუსტე გაუმჟღავნეს ბარბაროსებს და ის მრავალგვარი ნე-
ტარებანი აგემეს მათ, რომლებიც მხოლოდ რომის იმპერიაში იყო
შესაძლებელი. ამან მხოლოდ გააძლიერა გერმანელთა ლტოლვა სამ-
ხრეთისაკენ. ბოლოს და ბოლოს გერმანელებმა დაიპყრეს და შთან-
თქეს იმპერია. ურდოს ურდო მოსდევდა და ერთი მეორეს წინ მი-
რეკავდა, სანამ ბოლოს ქაოსი სიმშვიდით არ შეიცვალა. ზოგიერთი
ტომი ერთ ალაგას დამკვიდრდა, ჩამოყალიბდა ახალი სახელმწიფო-
ები და განვითარდა ახალი საზოგადოებრივი წესწყობილება.

ხალხთა გადასახლების ხანაში გერმანელები ჯერ პირველყოფილ
აგრარულ კომუნიზმის საფეხურზე იდგენ. ცალკე ტომები, გვარები
და თემები შეადგენდენ ბუნებრივად გაზრდილ ამხანაგობებს თემ-მარ-

კებს, რომლებშიაც მიწის თემური საკუთრება იყო დაცული. მართალია, ეზო და სახლი უკვე ცალკე ოჯახების კერძო საკუთრებაში იყო გადასული, სახნავი მიწაც ცალკე ოჯახების სარგებლობაში რიგდებოდა, მაგრამ მისი საკუთრების უფლება თემს ეკუთვნოდა. თემსავე ეკუთვნოდა საძოვრები, ტყე და წყალი. ხალხთა გადასახლების ხანიდან ბოლო მოვლო იმ საღარიბეს, რომელსაც წინანდელ დაშლილ საზოგადოებაში მასიურ საზოგადოებრივ მოვლენას წარმოადგენდა. რა თქმა უნდა, საშუალო საუკუნეებშიაც ქონდა ადგილი ხალხის ფართო მასების გაქირვებას. მაგრამ ის ჩნდებოდა მოუსაველობის, ომისა და ეპიდემიურ სნეულებათა შედეგად და არა მასების პროლეტარიზაციის მიზეზით. გარდა ამისა ამგვარი სილატაკე გარდამავალი იყო და არა სამუდამო. გაქირვებულთ არ სტოვებდნენ ბედის ანაბრათ: თემი, რომელსაც ისინი ეკუთვნოდნენ, იცავდა და ეხმარებოდა მათ.

ეკლესიის ქველმოქმედებამ დაჰკარგა საზოგადოების არსებობისათვის აუცილებელ ფაქტორის მნიშვნელობა. თვით ეკლესიის ორგანიზაციამ ხალხთა გადასახლების ქარტეხილს გაუძლო, მაგრამ გაუძლო მხოლოდ იმიტომ, რომ ახალ პირობებს შეეგუა და წინანდელი ხასიათი სრულიად შეიცვალა. საქველმოქმედო დაწესებულებიდან ეკლესია პოლიტიკურ დაწესებულებათ გადაიქცა. მისი პოლიტიკური ფუნქციები, სიმდიდრესთან ერთად, ეკლესიის ძლიერების წყარო შეიქნა საშუალო საუკუნეებში. ეკლესიამ დაიცვა თავისი სიმდიდრე ხალხთა გადასახლების ქარტეხილისაგან და ძველი საზოგადოებიდან ახალში გადაიტანა. თუმცა დიდი ქონება დაკარგა ეკლესიამ, მაგრამ შესძლო დანაკარგის ანაზღაურება და კიდევ მეტის შეძენაც. გერმანელების ყველა საქრისტიანო სახელმწიფოში ის გადაიქცა უდიდეს მიწათმფლობელად, მას ეკუთვნოდა ჩვეულებრივ მთელი მიწის მესამედი და ზოგიერთ ქვეყანაში ამაზე მეტიც.

ეკლესიის აურაცხელი ქონება ეხლა ოდნავათაც აღარ წარმოადგენდა ღარიბთა ქონებას. კარლოს დიდს სურდა გადმოეტანა საფრანგეთში, რომის იმპერიის სხვა მრავალ დაწესებულებებთან ერთად, საეკლესიო შემოსავალთა ოთხ თანასწორ წილად გაყოფის წესი. მაგრამ, მისი მრავალი „რეფორმის“ მზავსად, ესეც ქალაღმზე, ან უკეთ რომ ვთქვათ, პერგამენტზე დარჩა. კარლოსის სიკვდილიდან რამოდენიმე წლის შემდეგ გაჩნდა ე. წ. ისიდორეს დეკრეტალები, უნამუსოდ შეთხზულ ყალბ დოკუმენტების კრებული, რომელსაც პაპების პრეტენზიები უნდა გაემართლა და მათი პოლიტიკის იურიდიული საფუძველი უნდა გამხდარიყო. საეკლესიო

ქონებათა შესახებ დეკრეტალებში განცხადებულია, რომ ღარიბებათ, რომელთაც ეს ქონებები ეკუთვნის, უნდა იგულისხმებოდეს სიღარიბის აღთქმა-მიცემული სამღვდლოება. ეს თეორია საყოველთაოდ გავრცელდა და მის შემდეგ საეკლესიო ქონებას სამღვდლოების ქონებად სთვლიდნენ. მე-XII საუკუნეში ეს თეორია ლოგიურათ დაგვირგვინდა: უკვე იმას ამტკიცებდნენ რომ ეკლესიის მთელი ავლა-დიდება ეკუთვნის პაპს, რომელიც საკუთარის მოსაზრებით განაგებს მას.

ეს შეხედულება სავსებით შეესაბამებოდა ფაქტთა ვითარებას, —იმ გაბატონებულ მდგომარეობას, რომელიც ეკლესიას ეჭირა სახელმწიფოში და საზოგადოებაში და პაპობას—ეკლესიაში.

ამ ცვლილებას საეკლესიო ქონებათა განაწილების ხასიათისა ძალიან მნიშვნელოვანი შედეგები მოჰყვა. მან ცელბატის, სამღვდლო პირთა უქორწინობის შემოღება გამოიწვია. იდეოლოგიურ ხასიათის მოსაზრებით ზოგიერთი მიმართულება ეკლესიაში წინეთაც მოითხოვდა სამღვდლოების უქორწინობას, ზოგიერთ შემთხვევაში შემოიღეს კიდევ, მაგრამ ამის სრული განხორციელება არ ხერხდებოდა. ამ მისწრაფებამ მხოლოდ მაშინ გასჭრა, როდესაც მას მატერიალური ინტერესები დაუკავშირდა, სახელდობრ მზურენელობა საეკლესიო ქონებაზე. სანამ უკანასკნელი სამრევლოს ქონებათ ითვლებოდა და ეპისკოპოზებს მხოლოდ მისი მოურავობა ევალებოდა, სასულიერო პირთა ოჯახიანობა საშიში არ იყო ქონების მთლიანობისათვის. საქმე შეიცვალა იმის შემდეგ, რაც საეკლესიო ქონება თვით სამღვდლოების ქონებად გადაიქცა. ეხლა სამღვდლოების ყოველი წევრი, რომელსაც შვილები ყავდა, ცდილობდა რაც შეიძლება მეტი გადაეცა შვილებისათვის საეკლესიო ქონებიდან. „ყოველ ნაბიჯზე ხდებოდა, რომ მღვდლის შვილები არა თუ იღებდნენ დედ-მამისაგან სამემკვიდრეო ქონებას, არამედ პრეტენზიას აგრეთვე იმ საეკლესიო ქონებაზე აცხადებდნენ, რომლითაც შშობლები სარგებლობდნენ“. (Giesebrecht, geschichte der deutschen Kaiserzeit, II გვ. 406). ქეშმარიტათ გულგასაგმირად ჩივდა ამის გამო ბენედიქტე VIII ტესსინის ყრილობაზე (1014 და 1024 წ. წ. შუა): „საზიზღარი მამები (ე. ი. ცოლ-შვილიანი სასულიერო პირნი) თავისი საზიზღარ შვილებისათვის ართმევენ ეკლესიას აუარებელ მიწას, მამულებს, საზოგადოთ ყველაფერს, რისი წალღეტაც კი შესაძლებელია საეკლესიო ქონებიდან, —რადგან არაფერი სხვა მათ არ გააჩნიათ“ და სხვა (Gieseeler, Lehrbuch der Kirchengeschichte, Bonn 1831, I გვ. 282. გიზელერმა მიაქცია ჩვენი ყურადღება საეკლესიო ქონებებსა და სამღვდლო პირთა უქორწინობის შორის არსებულ კავშირზე). მაგრამ

ნამდვილი წინააღმდეგობის გაწევა საეკლესიო ქონების ფლანგველობისა და სამღვდლო პირთა შეილებზე მისი გადასვლისათვის შესაძლებელი გახდა მხოლოდ მაშინ, როდესაც პაპის ერთმპყრობელობა მტკიცე საძირკველზე დამკვიდრდა. ამ დროიდან პაპის ხელის უფლების ერთერთ მთავარ ამოცანას სამღვდლო პირთა ქორწინებასთან ბრძოლა შეადგენდა. პირველი ნაბიჯები ამ მიმართულებით ლევ IX (1048—1054) გადადგა, ხოლო ენერგიულმა გრიგოლ VII-მ (1073—1085) უსასტიკესად აუკრძალა მღვდლებს ქორწინება. მიუხედავად ამისა კიდევ ბევრი დრო გავიდა, სანამ მღვდლების უქორწინობა საყოველთაოთა იქნა ღირებული ალპებიდან ჩრდილოეთს ქვეყნებში. ჯერ კიდევ 1220 წ. ლიუციხში და 1230 წ. ციურხში შევხვდებით ცოლიან სასულიერო პირთ, რომელთაც შერჩენიათ თანამდებობა და ხარისხი (gieseler, იქვე, გვ. 290).

რეფორმაციის ხანაში, როცა საეკლესიო ქონება საერო ხელმწიფეებმა ჩაიგდეს ხელში და სასულიერო პირნი ჯამაგირზე აყვანილ სახელმწიფო მოხელეებათ გადაიქცენ, ბუნებრივად სრულიად გაქპრა უქორწინობის ინტერესი სამღვდლოებაში. პროტესტანტ სასულიერო პირს შეუძლია იყოლიოს შვილები, რამდენიც მას სურს: საეკლესიო ქონებას ვერ მიისაკუთრებს შვილებზე გადასაცემათ.

ამგვართ, როგორც დაინახეთ საშუალო საუკუნეებში საეკლესიო ქონება ღარიბებს აღარ ეკუთვნოდა. მაგრამ ეს იმას კი არ ნიშნავს, რომ საეკლესიო ორგანიზაციები არავითარ დახმარებას არ უწყვედენ ღარიბებს, რამდენათაც ასეთნი არსებობდენ საშუალო საუკუნეებში. მართალია, საშუალო საუკუნეების პირველ ხანაში არ არსებობდა პროლეტარიატი ამ სიტყვის თანამედროვე მნიშვნელობით, -- შეიძლება არსებობდა მხოლოდ რამოდენიმე ქალაქში. მაგრამ ხანდახან, როგორც აღვნიშნეთ, იყო მრავალი გაქირვებული: მოუსავლობის დროს -- მშვიერნი, ეპიდემიების დროს -- ავადმყოფნი, ქერიეობოლნი, თავის მარჩენალ ოჯახს მოწყვეტილნი, ომის დროს -- უსახლკარონი, მტრით გამოდევნილნი მეზობელ თუ შორეულ ქვეყნებიდან.

ამგვარ გაქირვებულთა დახმარება საშუალო საუკუნეებში ყოველი მესაკუთრის მოვალეობად ითვლებოდა, პირველად ყოვლისა, მიწათმფლობელის და მაშასადამე ეკლესიისაც, როგორც უდიდესი მიწათმფლობელის. ამ მოვალეობას ეკლესია იმიტომ კი არ ასრულებდა, რომ განსაკუთრებულ საქველმოქმედო დაწესებულებას წარმოადგენდა, არამედ იმიტომ რომ მესაკუთრე იყო. მაშასადამე, ამგვარ მოვალეობათა შესრულება გამომდინარეობდა არა რომელიმე განსაკუთრებულ ქრისტიანულ პრინციპიდან, არამედ ყველა დაბალ-

კულტუროსან ხალხებისათვის საერთო და, თუ გნებავთ, წარმართულ პრინციპიდან: სტუმართმოყვარეობის მოთხოვნებიდან.

ყოველ ხალხს, რომელსაც პირველყოფილი კომუნიზმი ქონია, ან მისი კვალი დარჩენია, ყოველ ასეთ ხალხს ახასიათებს თავისი ქონების გაცემის მიდრეკილება. უცხოელი მისთვის იმდენად იშვიათი და უჩვეულო მოვლენაა, რომ გულგრილად ვერ მოექცევა მას. სხვადასხვა პირობის მიხედვით, მაგალითად იმის, თუ საიდან მოსულა და როგორ უქირავს თავი, მას ან ებრძოდნენ, როგორც მტერს, ან პატივს სცემდნენ, როგორც სტუმარს და ოჯახის ძვირფას წევრს; ან თავს გაუხებთავენ ან დაუთმობდნენ სახლს და ეზოს, სამზარეულოს და მარანს, და ზოგჯერ, საქორწინო სარეცელსაც.

პროდუქტთა ნაქარბის გაცემის ჩვეულება, ოჯახის მოთხოვნილებათა დაკმაყოფილების შემდეგ ასეთი ნაქარბი რჩება, ყოველთვის იჩენს თავს, სანამ არსებობს ე. წ. ნატურალური მეურნეობა, სანამ პროდუქტები მზადდება არა ბაზრისათვის ან შეკვეთით, არა გასაყიდათ, არამედ საკუთრივ მოსახმარად. საშუალო საუკუნეებში წარმოების ეს წესი ბატონობდა, განსაკუთრებით სოფლის მეურნეობაში, ხოლო ეს დარგი წარმოებისა მაშინ უმთავრეს როლს თამაშობდა საზოგადოებრივ ცხოვრებაში.

რაც წარმოება ვითარდებოდა, მით ყოველ მამულში ნაწარმოებ პროდუქტთა ნაქარბიც იზრდებოდა. მსხვილ მიწათმფლობელთა,—მეფის, უმაღლეს თავად-აზნაურთა, ეპისკოპოზთა და მონასტრების ხელში გროვდებოდა აუარებელი ქარბი საარსებო საგნები, რომლის გაყიდვა არ ხერხდებოდა. მიწათმფლობელებს ეს ვინმესთვის უნდა შეეკმევიანათ. ამ ნაქარბით სარგებლობდნენ იმისთვის, რომ ყოლოდათ მრავალრიცხოვანი მხედრობა ხელოსნები და მხატვრები, და აგრეთვე ფართო სტუმარ-მასპინძლობისათვის. იმ დროს დიდ უზრდელობათ ჩაითვლებოდა რომ ვინმე შეძლებულ კაცს უარი ეთქვა მშვიდობიან უცხოელის საკმელ-სასმელით და თავშესაფარით გამასპინძლებაზე.

მაშასადამე, თუ ეპისკოპოზები და მონასტრები კვებავდნენ მშვიკრებს, აცმევედნენ შიშვლებს და უსახლკაროთ თავშესაფარს აძლევდნენ, ამით იმავეს აკეთებდნენ, რასაც საშუალო საუკუნეების ყოველი მესაკუთრე აკეთებდა. განსხვავება მხოლოდ ის იყო, რომ სასულიერო პირთ და დაწესებულებებს, როგორც უმდიდრეს მესაკუთრეებს, მეტის დაკეთება შეეძლოთ სხვებისათვის.

მაგრამ სტუმარ-მასპინძლობის ჩვეულება სწრაფად ჰქრება, როგორცვე ფეხს იდგამს საქონლის წარმოება,—წარმოება გასაყი-

დათ, როგორცე ჩნდება ბაზარი სხედასხვა პროდუქტის გასასა-
ლებლათ. ცალკე მეურნეებს საშუალება ეძლევათ გასცვალონ პრო-
დუქტის ნაქარბი ფულზე—ამ ძლიერების უდიდეს წყაროზე, რომე-
ლიც არასოდეს არ შეიძლება გახდეს ზედმეტი, არ ფუქდება და
ამიტომ უსაზღვრო დაკროვების იარალი ხდება. ნაქარბის გაცემის
ჩვეულებას სცელის საგანძურების ავსების წყურვილი, სიხარბე ჰკლავს
ხელგაშლილობას.

ეგრე წოდებული ფულადი მეურნეობა, რომელმაც ნატურალუ-
რი მეურნეობა შესცვალა, იტალიიდან და სამხრეთ-საფრანგეთიდან
სწრაფად გავრცელდა მე-XIII საუკუნეში მთელს ევროპაში. რაც
უფრო ვითარდებოდა ის, მით უფრო ჰკვეცავდენ მესაკუთრენი თავის
სტუმართმოყვარეობასა და ხელგაშლილობას.

მაგრამ ამასთან ერთად სულ მატულობდა ღარიბთა რიცხვი.
საქონლის წარმოების განვითარება ჰბადებს პროლეტარიატს, რომე-
ლიც სულ უფრო მრავალრიცხოვანი ხდება და ზოგიერთ ქვეყნებში
შესამჩნევ მასსად გადაიქცა.

თითქოს კვლავ უნდა განმეორებულყო ის პროცესი, რომელ-
მაც ძველს დროში მალა აიტანა ზოგიერთი სახელმწიფო და შემ-
დეგ დასცა და დაშალა.

თუ ასე არ მოხდა, ეს მხოლოდ იმიტომ, რომ საშუალო სა-
უქუნეებში წარმოების პროცესიდან გაჰქრა მონობა.

VI. მონობის მოსპობა.

ძალიან გავრცელებულია ის აზრი, თითქოს მონობა ქრისტი-
ანობამ მოსპო. დიდი შეცდომაა ეს აზრი. შეიძლება თავის კომუნის-
ტურ ჩანასახობის ხანაში ქრისტიანობა მართლაც უარჰყოფდა მონო-
ბას. მაგრამ ამის შესახებ ჩვენ არავითარი ცნობა არ მოგვეპოება.
რაც კი ჩვენამდე მოღწეული ქრისტიანობის უძველეს ძეგლებს შე-
ეხება, ისინი, თუ იხსენიებენ მონობას, კიდევ სცნობენ მას და მოუ-
წოდებენ მონას ნებაყოფლობით დაემორჩილოს თავის ბატონს.

ის შთაბეჭდილება, თითქოს ქრისტიანობამ მოსპო მონობა, იმ
გარემოებამ წარმოშვა, რომ პარალელურად ქრისტიანობის გავრცე-
ლება—განმტკიცებისა რომის იმპერიაში თანდათან მონობაც კლებუ-
ლობდა. მაგრამ ჩვენ უკვე გავეცანით მონობის გაქრობის მიზეზებს.
სამხედრო დაუძღურება, როგორც შედეგი იმპერიის გალატაკებისა
და მოსახლეობის შემცირებისა, რაიც თავისი მხრით დაკავშირებუ-
ლი იყო მონათმფლობელურ მეურნეობასთან,—აი რა იყო მიზეზი

სამხედრო დამარცხებების და, მაშასადამე, მიზეზი ტყვეთა რიცხვის შემცირებისა, მონათა წყაროს ამოშრობისა. ამგვარათ მონა თანდათან ფუფუნების საგანი ხდებოდა, ის ჰკარგავდა მომგებიან ექსპლოატაციის ობიექტის მნიშვნელობას.

ამის შედეგი იყო, რომ მონობა თითქმის გაქრა რომის იმპერიაში, როცა გერმანელებმა დაიპყრეს და წააღვეს იმპერია ხალხთა გადასახლების ხანაში. გერმანელებმა ხელში ჩაიგდეს დაპყრობილ მიწის ერთი ნაწილი, ზედ დამკვიდრდნ და მათმა გაუტეხაემა გლეხურმა ძალამ განახლა სახელმწიფო, ან უკეთ რომ ვთქვათ, სახელმწიფოები, რომლებიც რომის იმპერიის ნანგრევებზე აღმოცენდნ.

მაგრამ ამ ახალ ძალას აღარ სჭიროდა ახალ მონათმფლობელურ მეურნეობის შექმნა. დამკვიდრდნ და გაქრისტეანდნ თუ არა, ე. ი. რამოდენიმედ მაინც გაიცენეს თუ არა რომის კულტურისა და რომის საწარმოო წყობილების ნაშთები, გერმანელ ტომებს ყოველის მხრივ შემოესია მოუსვენარ, ადგილიდან ადგილზე მოარულ ხალხთა, მონთაბარეთა და მეკობრეთა ურდოები: ავარები და ჰუნგრელნი აღმოსავლეთიდან, ნორმანები ჩრდილოეთიდან, სარაციენები აღმოსავლეთიდან და სამხრეთიდან. ამ მტაცებელთა განუწყვეტელი შემოსევები: მე-VIII საუკუნიდან ვიდრე მე-XI საუკუნემდე სწეწავდა, დასავლეთ ევროპის ქრისტიანულ ქვეყნებს და თვით მათ არსებობას ემუქრებოდა. მონათა ექსპლოატაციის საშუალებას მოკლებული ქრისტიანული მსოფლიო თვითონ გახდა მონებზე მონადირე მონათ—ვაქრებისათვის ფართო და მომგებიან ექსპლოატაციის ობიექტი. „წარმართებს“ აუარებელი მონა-ქრისტიანები ჰყავდათ; ქრისტიანებისათვის კი, პირიქით, წარმართი—მონები იშვიათსა და ძვირს საგანს წარმოადგენდა.

მონები სავსებით არ გამქრალან ქრისტიანულ ქვეყნების ბაზრებზე.

XIII და XIV საუკუნეებშიაც ვხვდებით მონებით ვაქრობის მაგალითებს იტალიაში. 1307 წ. ამაღე VI სავოელმა კონსტანტინოპოლში ორი მონა-ქალი იყიდა. 1384 წელს ერთი მონა თათრის ქალი. „საიდუმლო სნეულებისაგან თავისუფალი“ (magagnis) გენუაში 1.049 ლირა ღირდა, მეორე კი—1389 წელს—1.312 ლირა. მონათ-ვაქრები თავის საქონელს ჩვეულებრივთ კაფიდან ღებულობდნ. ამ დროის კანონთა კრებულები მრავალ დადგენილებას შეიცავენ მონების შესახებ. (Jul. Krone, Fra Doleino und die Patarener, historische Episode den piemontischen Religions-kriegen, Leipzig, 1844, გვ. 10).

ეს მონები სიბოლოდ ფუფუნების მოთხოვნისას ემსახურებო-

დენ, ამავე დროს წარმოების დაყენება მონათა შრომაზე შეუძლებელი იყო. რომის საწარმოო წესისაგან გერმანულ სახელმწიფოებში შეთვისებულ წარმოების ახალი წესი იმთავითვე უნდა შეგუებოდა მონათა უქონლობას.

მონობას აუცილებლობამ მოულო ბოლო, მონობისათვის საჭირო მასალის უქონლობამ, და არა ქრისტიანულ სინიდიის ქენჯნამ. ეს იმიდან სჩანს, რომ როცა ქრისტიანობა გაძლიერდა და „ურჯულთა“ შეტევაზე გადავიდა, სწორეთ ქრისტიანობის მოწინავე მებრძოლებმა დაიწყეს პირველად მონების ექსპლოატაცია და მონებით ვაჭრობა.. ჯვაროსნები, სწორეთ ისე როგორც უფრო გვიან ესპანელები და პორტუგალელი აფრიკაში, ფრიად გულმოდგინეთ ვაჭრობდნენ მონებით. პაპმა ნიკოლოზ V სრულიად გარკვეულთ განაცხადა თავის 1454 წ. 8 იანვრის ბულაში, რომ „ყველა სარაციის, წარმართის და ქრისტეს სხვა მტრის სამუდამო მონობაში მოქცევა“ დასაშვებია, ხოლო კლიმენტი V-მ (1523—1534) ეს „უფლება“ ყველა ერეტიკოსებზე გააერცლა. (Ludw. Keller, die Reformation, und die älteren Relomparteien, Leipzig 1885, გვ. 480). მაგრამ წარმოების წესმა მაშინ ისეთი მიმართულება მიიღო, რომ მონათა შრომა ზედმეტი შეიქნა ევროპისათვის.

მონა ფუფუნების საგნათ გადაიქცა. ეს მდგომარეობა შეიცვალა, როდესაც ევროპის სახელმწიფოებმა ზღვის იკით დაიპყრეს კოლონიები: იქ ვერ ნახეს პირობები ევროპიულ წარმოების წესისადავის და ხელსაყრელი შეიქნა მონათა შრომის გამოყენება. ამ დროიდან მონებზე ნადირობა, მონებით ვაჭრობა, მონების წვალება კვლავ დიდ როლს თამაშობდა ევროპის საქრისტიანო მსოფლიოს მრეწველობაში და აქაც არც რომის, არც რომელიმე მსხვილ პროტესტანტურ ეკლესიას არ დაუწახავს ამაში სათაეილო რამ.

მონათა შრომაზე დამყარებული წარმოება შეუძლებელი შეიქნა ხალხთა გადასახლების შემდეგ აღმოცენებულ საქრისტიანო გერმანულ სახელმწიფოებში, როგორც იგივე შეუძლებელი გახდა წინეთ რომის იმპერიაში; და როგორც რომში მისი ადგილი მიწათმოქმედებაში კოლონატმა დაიკირა, ისე ეხლაც წარმოიშვა ანალოგიური ურთიერთობა, ზოგჯერ, რომის ნიმუშების პირდაპირი მემკვიდრეობით.

დაქცეულ გლეხთა აყრა მათი მიწა-წყლიდან ეხლა უდიდესი სისულელე იქნებოდა. ეხლა ხალხის დიდი ნაკლებობა იყო და არა მიწის. მდიდრები და დიდებულნი საქრისტიანო გერმანულ სახელმწიფოებში, — ეპისკოპოზნი, აბბატები, მეფეები და ჰერცოგები თა-

ვისი ამალებით და ფავორიტებით იმაზე კი არ ფიქრობდნენ თუ როგორ შეეცვალათ საგლებო მეურნეობა მონური მეურნეობით; პირიქით, ცდილობდნენ ისე გამოეყენებიათ გლეხის გაქირვება, რომ აეძულებიათ იგი საბატონო ბეგარა და ღალა ეხადა. სამაგიეროთ კი გლეხს ანთავისუფლებდნენ იმ მძიმე მოვალეობათგან, რომლებიც გლეხს სპობდა და წესიერ საგლებო მეურნეობას შეუძლებელს ხდიდა, — ანთავისუფლებდნენ პირველ ყოვლისა ჯარში სამსახურის მოვალეობისაგან.

გლეხები დგებოდნენ რომელიმე ძლიერი კაცის მფარველობაში და კისრულობდნენ ეძლიათ მფარველისათვის ყოველწლიურად პროდუქტების განსაზღვრული რაოდენობა თავისი მეურნეობიდან და განსაზღვრული დრო მის მამულში ემუშავნათ. ამ ბეგარის მოხდით გლეხი თავს ინთავისუფლებდა სამხედრო სამსახურისაგან, რომელსაც ამიერიდან მისი პატრონი — მიწათმფლობელი ასრულებდა თავისი რაზმითა და მსახურებით.

არსებობდა სხვა გზაც გლეხთა ფეოდალებზე დამოკიდებულების შესაქმნელად. საქრისტიანო გერმანულ სახელმწიფოებში რომის ეპოქიდან მრავალი ლათინური (ვეებერთელა მამული) დაჩა, განსაკუთრებით ეკლესიის კუთვნილი, რომელიც ძალიან მარჯვეთ იცავდა თავის იხტერესებს. ახალი მსხვილი მიწათმფლობელობა მეფეებისაგან დასაჩუქრებით შეიქმნა. მუდმივი ომები ხშირათ ართმევდა ბატონებს მათ მიწებს. ბევრი მიწა თავისუფლებოდა აგრეთვე ნიწათმოქმედების პროგრესისს გამო. მოსახლეობის განსაზღვრული რაოდენობა, რომელიც მიწათმოქმედებით ცხოვრობს, გაცილებით ნაკლებ მიწას საჭიროებს თავის სარჩენათ, ვიდრე იმ შემთხვევაში, თუ ის მესაქონლეობით ან, — კიდევ უფრო, — ნადირ ბით ცხოვრობს. უსაზღვრო სივრცის ტყეები, რომლითაც თავს ირჩენს მოსახლეობა, წინეთ სათემო საკუთრებას შეადგენდა, „მარკას“ ეკუთვნოდა. ეხლა ტყემ დაჰკარგა თემისთვის წინანდელი მნიშვნელობა. ტყე და სხვა უშენი ადგილები მეფეებმა იგდეს ხელთ, ასაჩუქრებდნენ მით დიდებულებს და თავის ფავორიტებს, განსაკუთრებით ეპისკოპოზებს და მონასტრებს, ან საგლებო სამფლობელოთ გასცემდნენ ხოლმე. რათა ამ საკუთრებიდან სარგებელი გამოეღო, ახალი მიწათმფლობელი ცდილობდა მოეზიდა და თავის მიწაზე დაესახლა გლეხი — კოლონისტები, განსაზღვრული ბეგარის შესრულების პირობით აძლევდა მათ მიწის ნაკვეთებს, — რა თქმა უნდა, საზოგადო საძოვრებითა და ტყეებით, ურომლისოდ გლეხის მეურნეობა ვერ იხეირებდა.

მოიწვევდა რა რაც შეიძლება მეტ გლესს, მიწათმფლობელი კიდევ უფრო იმაზე იზრუნებდა, რომ არაეის არ გადაებირებინა მისგან ახალი გლეხები. გლეხების დასამაგ'რებლად მიწათმფლობელი ყოველგვარ ხერხს მიმართავდა: ზნეობრივსა და უზნეოს, კანონიერსა და ყოველად უსამართლოს. აქამდის თავისუფალი გლეხი არათუ ვალდებული ხდებოდა განსაზღვრული ბეგარით, არამედ პირად თავისუფლებასაც ჰკარგავდა, ვასსალად იქცეოდა.

მაგრამ რა რიგ შევიწროებულიც არ უნდა ყოფილიყვნენ გლეხები, მონებთან შედარებით მაინც მალა იდგენ. მონისთვის უცხოა ის ქვეყანა, სადაც ის ცხოვრობს, მისთვის უცხო არიან დანარჩენი მონებიც. მას არავითარი უფლება არ აბადია, ის უბრალო ნივთია. ის ვერაფერს დაეყრდნობა, რომ მედგრად იბრძოლოს თავისი კლასის განთავისუფლებისათვის. მართალია, ჩვენ ვიცით მონათა აჯანყებები. მაგრამ ეს იყო დროებითი აფეთქება, რომელსაც ხელსაყრელ პირობებში შეეძლო აჯანყებულთათვის თავისუფლება მიეცა, მაგრამ ეს არავითარ გავლენას არ ახდენდა თვით მონობის დაწესებულებაზე. ეს იყო ცდა მონობიდან გაქცევის და არა მისი მოსპობის. მონობის მოსპობა არსად არ ყოფილა თვით მონათა მტკიცე კლასობრივი ბრძოლის შედეგი.

სულ სხვანაირი იყო საშუალ-საუკუნეების ფეოდალურად—დამოკიდებულ გლეხების საქმე. ისინი ყოველ უფლებას არ იყენენ მოკლებული, მათი საბატონო ბეგარა და ღალა სრულიად განსაზღვრული იყო და ფეოდალის პირველსავე მოთხოვნით ვერ გადიდებოდა: გადიდება შეიძლებოდა ან იძულებით ან შეთანხმებით. დამოკიდებული გლეხი,—ვასალიც და თავისუფალიც,—თემს ეკუთვნოდა, მას თემი უჭერდა მხარს და ისიც თემთან იყო. ეს ორგანიზაცია მისი მტკიცე დასაყრდენი იყო. თემის დახმარებით გლესს შეეძლო სერიოზული წინააღმდეგობა გაეწია სენიორისათვის და უწევდა კიდევმთელი საშუალო საუკუნეების განმავლობაში სწარმოებდა გლეხთა კლასობრივი ბრძოლა სენიორების წინააღმდეგ. ხელსაყრელ პირობებში ეს ბრძოლა ხშირათ თავდებოდა გლეხების განთავისუფლებით არათუ ფეოდალურ დამოკიდებულებისაგან, არამედ ყოველგვარი ბეგარისაგან,—თავდებოდა, მაშასადამე, სენიორულ ბატონობის გაუქმებით.

მაგრამ გლეხებზე უფრო ხელსაყრელი პირობები ქალაქის ხელოსნებს შეექმნათ.

სარგებლობდენ რა თავისუფლებით ქრისტიანულ-კულტურულ ქვეყნებში XII საუკუნიდან, როდესაც ამ ქვეყნებმა გარეშე მტრები

მოიგერიეს, ხელოსნებმა სწრაფად განავითარეს თავისი ტენიკა, რომელიც ანტიურ ხანის ტენიკაზე უფრო მაღალი იყო, მოიხვეჭეს სიმდიდრე და ისეთ მდგომარეობაში ჩაიყენეს თავი, რომელიც ახალ ძალას აძლევდა მათ თავისუფლებისათვის ბრძოლაში.

ამგვარად ევროპის ქრისტიანულ სახელმწიფოებს მონობა არ შეეხებია, არ განუცდიათ ის საზოგადოებრივი დამოკიდებულება, რომელიც ძველი საზოგადოების პროგრესს შესაძლებელს ხდიდა მხოლოდ განსაზღვრულ პუნქტამდე, რომლის იქეთ რეგრესი იწყება.

ამის გამო პროლეტარულმა და კომუნისტურმა მოძრაობამ აქ სხვა ხასიათი მიიღო, ვიდრე ძველს დროში. ძველად პროლეტარიატი ყველა კლასთა შორის უმდაბლესი არ იყო. პროლეტარიატი ხედავდა, რომ მასზე დაბლა მონები იდგნენ და ცდილობდა მათ ხარჯზე ეცხოვრა, ე. ი. მონათა და არა საკუთარი შრომით. ხოლო რამდენადაც ძველი დროის პროლეტარებში მუშები და ხელოსნებიც ერია, უკანასკნელნიც ამ ლუმპენ-პროლეტარული სულისკვეთებით იმსკვალებოდნენ. ძველი მსოფლიოს მთელი პროლეტარიატის საერთო ხასიათს ეს ლუმპენ-პროლეტარიატი ჰქმნიდა, რომელიც პარაზიტულად ცხოვრობდა საზოგადოების ხარჯზე.

საშუალ-საუწყუნეებში სხვა იყო. პროლეტარიატი ყველა კლასსზე დაბლა იდგა. მის ქვევით არ იყო არც ერთი კლასი, რომლის ექსპლოატაციით შესძლებოდა მას არსებობა. უკვე ამის გამო პროლეტარიატის პარაზიტულ ნაწილს არ შეეძლო ისე დიდათ გაზრდილიყო რიცხოვნობივად, როგორც ეს ძველი მსოფლიოს ზოგიერთ დიდ ქალაქში მოხდა. მას არ შეეძლო ქონოდა იმედი, რომ როდისმე ისეთ ძალათ გადაიქცეოდა სახელმწიფოში, როგორსაც ძველს რომში ლუმპენ-პროლეტარიატი წარმოადგენდა; არც იმის იმედი იყო, რომ თავისი ძალის გამოყენებით ისე უდარდელათ იცხოვრებდა, როგორც ხანდახან რომში ცხოვრობდა პროლეტარიატის დიდი ნაწილი. საველალო, მათხოვრული არსებობა, — აი რისი მიღწევა შეეძლო მას იმ პირობებში.

მაგრამ თუ ლუმპენ-პროლეტარიატი საშუალ-საუწყუნეებში უფრო მცირე რიცხოვანი და სუსტი იყო, ვიდრე ძველს მსოფლიოში, მეორეს მხრით მასზე მაღლა წარმოიშვა თავისუფალ ხელოსანთა და ქირის მუშათა წოდება, რომელსაც ვაცილებით მეტი ძალა და გავლენა შესწევდა საზოგადოებაში, ვიდრე მის წინაპრებს ძველს ქვეყანაში. შრომით ჰქმნიდა ეს წოდება თავის ძალას და თავის მდგომარეობას, შრომა იყო მისი საარსებო სტიქია.

საკუთარ შრომაზე ცდილობდა იგი თავისი კეთილდღეობის

აშენებას და არა სხვისაზე. შეიძლება ამ წოდებაშიაც მოიპოვებოდა სავსებით პროლეტარული ფენა, რომელიც თავისი ეკონომიური მდგომარეობით იმისდაგეარ კომუნიზმისაკენ იხრებოდა, როგორც პირვანდელ-ქრისტიანული კომუნიზმი იყო, ე. ი. მოხმარების და არა წარმოების კომუნიზმისაკენ. შეიძლება ეს კომუნიზმი პირვანდელ-ქრისტიანობას ბაძავდა და მას ჰგავდა გარეგნულად. ყოველ შემთხვევაში რაც დრო მიდიოდა, რაც უფრო ვითარდებოდა ხელოსნობა და დაქირავებულ მუშათა ძალა მატულობდა, მით პროლეტარულ ელემენტების მოხმარების კომუნიზმი უფრო ისეთ კომუნიზმთან იქცეოდა, რომლის საფუძველი მუშათა საამხანაგო შრომის შემოსავალი უნდა ყოფილიყო. ქალაქად, სადაც წერილი ხელოსნური წარმოება ბატონობდა, ამ მოხმარების კომუნიზმს არ შეეძლო კომუნისტური წარმოება წარმოეშვა. სხვაგვარი ურთიერთობა ეწყობოდა სოფლად, მიწათმოქმედებაში, სადაც საოჯახო მეურნეობა ჯერ არ იყო წარმოებისაგან გამიჯნული, სადაც საოჯახო მეურნეობის კომუნიზმი წარმოების კომუნიზმსაც იწვევდა და სადაც მსხვილი წარმოება, მიწათ-მოქმედებისა და მრეწველობის განმეორთიანებელი, ძველადანვე ფართოდ გავრცელებულ წარმოების ფორმას წარმოადგენდა.

ასეთი იყო ის ბაზისი, რომელზედაც მონასტერული კომუნიზმი წარმოიშვა.

თუ პირვანდელი ქრისტიანული კომუნიზმი მსხვილ ქალაქურ მოვლენას წარმოადგენდა, მონასტერული კომუნიზმი, — როგორც წინეთ ძველი ესსეების კომუნიზმში, — პირველად სოფელში წარმოიშვა.

მაგრამ რა რიგ დიდი არ უნდა ყოფილიყო საშუალ-საუკუნეთა ქალაქისა და სოფლის კომუნიზმის განსხვავება ჩვეულებრივად ეს შრომაზე აშენებული კომუნიზმი იყო. ამით განსხვავდება ის პირვანდელ ქრისტიანულ კომუნიზმისაგან. ხოლო თანამედროვესაგან ის იმით განირჩევა, რომ მზგავსად პირვანდელ-ქრისტიანულ კომუნიზმისა, გამოსავალ წერტილად იღებს საერთო მფლობელობას და საერთო სარგებლობას არა წარმოების, არამედ მოხმარების საშუალებათა.

თავი მეორე

ქირის მუშები საშუალო საუკუნეებში და რეფორმაციის ხანაში.

I. ხელოსნობის წარმოშობა.

როგორი იყო მრეწველობის პირვანდელი ორგანიზაცია საშუალო საუკუნეებში?

ყოველი მეურნეობა თვითონ ამზადებდა ყველაფერს, რაც მას სჭიროდა. თვითელი საგლეხო მეურნეობა (ეს მეურნეობა უნდა წარმოვიდგინოთ არა პარკელიარულ მეურნეობის სახით, არამედ, როგორც დიდი ოჯახის საერთო სახლობა, რომელიც რამოდენიმე თაობას აერთიანებს: მამას თავისი დაცოლშვილებული ვაჟებითა და შვილის-შვილებით) ამზადებდა არა მარტო სასოფლო-სამეურნეო ნედლეულს, არამედ გადაამუშავებდა კიდევ ამ ნედლეულობას ფქვილად და პურად, ნართად და ქსოვილად, იარაღად, ავეჯეულობად და სხვა. გლეხი თავის მეურნეობაში ხუროც იყო და არქიტექტორიც, დურგალიცა და მკვდელიც.

სენიორის მოთხოვნილება საზოგადოთ გაცილებით უფრო დიდი იყო, ვიდრე გლეხის; მაგრამ სენიორისთვისაც ყოველივე საჭირო მის ეზოში და მამულში (Fronhof) კეთდებოდა ან მასზე დამოკიდებულ გლეხების მეურნეობაში. მის განკარგულებაში მეტი მუშა-ხელი იყო, ვინემ გლეხისაში: იმ სარჩო-საბადებლით, რომელიც გლეხებს შემოქონდათ, მას შეეძლო მრავალი მოსამსახურე და შინა-ყმა ერჩინა, გარდა ამისა ის გლეხთა შრომით სარგებლობდა განსაზღვრული დროის განმავლობაში ყოველწლიურად (საბატონო სამუშევარი). ამის გამო მას შეეძლო ერთგვარი შრომის განაწილება დაეწესებინა: ერთნი მხოლოდ აშენებდენ და დურგლობდენ, მეორენი ტყავეულობას ამზადებდენ, მესამენი იარაღს კედავენ და სხვა.

ასე ჩაისახა დიდ მამულებში საშუალო-საუკუნეების ხელოსნობა.

იტალიაში და სამხრეთ საფრანგეთში, სადაც რომის ეპოქიდან ქალაქები დარჩენილიყო, ქალაქის თავისუფალ ხელოსნობის ნაშთიც არსებობდა. მაგრამ გერმანიაში, მამულებთან აღმოცენებულ ხელოსნობასთან შედარებით, მას არ ქონდა რაიმე მნიშვნელობა.

როცა მუშა ერთს რომელიმე ხელობაში გაიწაფებოდა, სხვა სამუშევრისთვის მისი გამოყენება ხელსაყრელი აღარ იყო. თუ მამულს მთელი მისი სამუშაო ძალა არ დასჭირდებოდა, ხელოსანი სხვებისთვისაც დაიწყებდა მუშაობას, მეზობელ საგლეხო მეურნეობებსა ან მამულებისთვის, რომლებიც ზომით ნაკლები იქნებოდა და ამგვარი ოსტატის ყოლას ან მომზადებას ვერ შესძლებდა. რა თქმა უნდა, მუშას არ შეეძლო სხვებისათვის ისე ემუშავა, რომ ამის ნებართვა სენიორისაგან არ მიეღო და მისთვის საზღაური არ ეხადა.

ჩვენ ვხედავთ აქ შეკვეთით მუშაობის დასაწყისს.

ამის გვერდით მალე ჩნდება მუშაობაც ბაზრისათვის.

ზოგიერთი მამულები—იმპერატორების, მეფეებისა და ეპისკოპოზების რეზიდენციები—განსაკუთრებით იზიდავდნენ ახლო-მახლო და შორეულ ალქების მოსახლეობას. იქ იკრიბებოდნენ სამხედრო პირნი, რაზმები, მოხელეები, იქეთვე დრო გამოშვებით გუნდ-გუნდობით ყოველნაირი ხალხი მიეშურებოდა: სადღესასწაულოთ, გასართობად, სამსჯავროებზე და სხვა ამგვარ კრებებზე. ამ ადგილებში გროვდებოდა ქვეყნის ავლა-დიდება. ვაჭრებსაც იწვევდნენ ამ ადგილებში: გერმანიაში პირველ ხანად უცხოელებს,—იტალიელ და ებრაელ ვაჭრებს იწვევდნენ ხოლმე. ვაჭრები ყველაზე ადვილად აქ ასაღებდნენ თავის საქონელს.

ხელოსნებსაც აქ უფრო იოლათ შეეძლოთ თავისი პროდუქტები სხვა პროდუქტებზე გადაეცვალოთ.

ამგვარ მამულებთან დაკავშირებული ადგილები ბაზრებად გადაიქცა. მათი მოსახლეობა და სიმდიდრე იზრდებოდა. ამიტომაც აქ ყველაზე ადრე აღმოჩნდა ციხე-სიმაგრეთა აგებისათვის საჭირო სახსარი. თანაც თავდაცვისათვის ზრუნვა აქ განსაკუთრებით იყო საჭირო, რადგან ეს ადგილები განსაკუთრებით უძრავდა ყაჩაღებს სიხარბეს. ციხე-სიმაგრეების საშუალებით ეს ადგილები ქალაქებად გადაიქცა.

თუ დიდი მოსახლეობა და სიმდიდრე შესაძლებლად და საჭიროთ ხდოდა ციხე-სიმაგრეების აგებას, მეორეს მხრით ამ სიმაგრეებით დაცული უშიშროება მამულის შფოთიან დროში თავის თავად ხელს უწყობდა ქალაქის მოსახლეობისა და სიმდიდრის ზრდას.

ამგვარად, გერმანიაში VIII საუკუნიდან, ხოლო სხვა დასავლეთ-საქრისტიანო ქვეყნებში—უფრო ადრე ან უფრო გვიან, აღმოცენდა ქალაქების მთელი ქსელი.

მხოლოდ რამოდენიმე ქალაქი იყო თავიდანვე თავისუფალი-უმრავლესობა კი ფეოდალურ სოფლებიდან გაიზარდა და მათი მო-

სახლეობა ერთი ან რამოდენიმე სენიორის ხელის უფლების ქვეშ იმყოფებოდა. მაგრამ რაც უფრო იზრდებოდა ქალაქების სიმდიდრე და მოსახლეობა, მით უფრო ადვილათ შეეძლოთ მათ არსებობა სენიორისაგან დაუხმარებლად, მით უფრო ზედმეტი და სამძიმო ხდებოდა მამულებისათვის მოსახდელი ზეგარა და სამსახური და მით უფრო იზრდებოდა ქალაქებში ფეოდალურ დამოკიდებულების მომსპობი ძალა. რაც დრო მიდიოდა, მოქალაქენი უფრო გაბედულად იბრძოდნენ სენიორების წინააღმდეგ და ბოლოს ყველგან თავისუფლებას მიაღწიეს.

ქალაქთა ზრდა-განვითარებამ, რასაკვირველია, გავლენა მოახდინა ხელოსნების მდგომარეობაზე. შეადგენდნენ რა ქალაქის მოსახლეობის ძალიან დიდ ნაწილს, ხელოსნები ცოცხალ მონაწილეობას იღებდნენ სენიორთა წინააღმდეგ ბრძოლაში და შესაფერ საარგებლობასაც იღებდნენ გამარჯვებიდან.

ქალაქები არა მარტო ბაზარს იძლეოდა ხელოსნურ წარმოებისათვის, არამედ მფარველობასაც უწევდა ხელოსნებს. სამამულო ხელოსანთა გარდა, ქალაქში სხვა ხელოსნებიც ესახლებოდნენ ისეთნი, ვინც თავისუფალი იყო და კარგა ხანია ხელოსნობას ეწევოდა ან ხელოსნობისათვის ემზადებოდა და გარდა ამისა კიდევ მამულებიდან გამოქცეული ფეოდალურად—დამოკიდებული გლეხები და ყმები. მაშინ ჯერ არ იყო საგრძნობი ხელოსანთა სიკარბე, პირიქით ქალაქის მოსახლეობა კმაყოფილი იყო, რომ მცხოვრებთა რიცხვი მატულობდა, რადგან ამით ხომ ქალაქის სიმდიდრე და ძლიერებაც იზრდებოდა. ქალაქი იცავდა შემოხიზნულ ყმებსა და ფეოდალურად დამოკიდებულ გლეხებს. თუ ქალაქში ერთი წლის განმავლობაში მოუძებნელი დარჩებოდა, ხიზანი თავისუფალი ხდებოდა. თვით ხელოსნები ახლად მოსულ ამხანაგებს უყურებდნენ არა როგორც კონკურენტებს, არამედ როგორც თანამებრძოლ ამხანაგებს და ამიტომ გულგაშლილათ ხედებოდნენ მათ. დამოკიდებულ და ყმა-ხელოსნებთან ერთად მატულობდა თავისუფალ ხელოსანთა რიცხვი. პირველნი უკავშირდებოდნენ უკანასკნელთ. მათი ძალა ამით მატულობდა და სულ უფრო დამოუკიდებელნი ხდებოდნენ. არა თავისუფალ ხელოსნებს ეძლეოდა „ბაზრის თავისუფლება“, —თავისუფალ, დაუბრკოლებელ ყიდვა-გაყიდვის უფლება. ბოლოს საყოველთაო ცნობა მიიღო იმ პრინციპმაც, რომ ყველა ვინც ქალაქში ცხოვრობდა, თვით ამ ფაქტის ძალით პირადად თავისუფალი ხდებოდა.

ხელოსნობა თანდათან ჰქრება მამულებში და მხოლოდ და მხოლოდ ქალაქის მოვლენად იქცევა. მემამულენი იძულებული ხდებიან

ქალაქში იყიდონ, როგორც საქონელი, ყველა ის პროდუქტი, რაც წინეთ თვით მამულებში მზადდებოდა.

ხელოსნობა მხოლოდ თავისუფალ პირთა მოქმედების სფერო შეიქნა. როდესაც ხელოსნობის განვითარება დამთავრდა, ხელოსნებში მხოლოდ თავისუფალ პირებს ვხვდებოდით. ხელოსნობა ჰყვავოდა და საყოველთაო პატივით სარგებლობდა.

სხვა და სხვა ადგილას და ცალკე ხელობისათვის ეს განვითარება სხვა და სხვა დროს დამთავრდა. საზოგადოთ კი შეიძლება ითქვას, რომ ის დაიწყო XI საუკუნეში და დამთავრდა XIV-ში.

ოქრომჭედლები უკვე XI საუკუნის დამლევეში, საბატონო სამუშევრის გარდა, მუშაობდნენ აგრედვე ბაზრისათვის. მათ შრომას იმდენად დაკარგული ქონდა იძულების ხასიათი, რომ თავისუფალნიც ეწეოდნენ მას. (Hans Meyer. Die Strassburger Goldschmiedezunft von ihrem Entstehen bis 1681, Leipzig 1881, გვ. 154). მეორეს მხრით ბონნში მე-XIV საუკუნეშიაც ქსოვა წარმოადგენდა ერთგვარ სამსახურს, მამულზე დამოკიდებულს. (Maurer, Geschichte der Städteverfassung in Deutschland, Erlangen 1870, II, გვ. 323).

II. ამკრები.

საშუალ-საუკუნეების ხელოსნებს ბრძოლა უხდებოდათ არა მარტო ქალაქის სენიორთა წინააღმდეგ. არა ნაკლები მნიშვნელობა ქონდა მათთვის ქალაქის პატრიციულ გვარებთან ბრძოლას.

როგორც დავინახეთ, ქალაქი თავდაპირველად კედლით შემოზღუდულ სოფელს წარმოადგენდა. სოფელი კი მოწყობილი იყო, როგორც თემი—მარკა. ასეთივე წყობილება შერჩა ქალაქსაც. ქალაქის ტერიტორია, ქალაქის მარკა, მზგავსად სოფლის ტერიტორიისა, სოფლის მარკისა, ორ ნაწილისაგან შესდგებოდა: ერთი იყო გაყოფილი მარკა, მეორე—სათემო მარკა (საძოვრები, ტყე, წყალი). მარკის ყველა მცხოვრები, რომელიც საკუთარ მეურნეობას ეწეოდა, მარკის მიწა-წყლის თანამფლობელთ წარმოადგენდნენ, ყველა ერთად კი ავტონომიურს, საკუთარი კანონებით განწესრიგებულ თემს შეადგენდნენ. იქ, სადაც მარკებში ფეოდალური სამართალი შეიქრა, სენიორებმა მრავალნაირი პრივილეგიები მოიპოვეს: ისინი მარკის მუდმივი წარმომადგენლები იყვნენ, მარკის ყრილობათა დადგენილებანი მათ უნდა დაემტკიცებინათ. ასე შეიქმნა ერთგვარი კონსტიტუციონური რეჟიმი.

თავდაპირველად თემი-მარკა სიამოვნებით იღებდა თავის წრე-

ში ახლად შემოსახლებულს, როგორც ამხანაგს. მიწა ქარბათ იყო, არ კმაროდა. იყო მხოლოდ მიწის დამმუშავებელი ხალხი. ეს მდგომარეობა შეიცვალა პირველად ყოვლისა ქალაქში, რადგან აქ მოსახლეობა სწრაფად იზრდებოდა. მალე მიწის სიქარბე მოისპო და ძველ მკვიდრ მცხოვრებლებს შიში გაუჩნდათ: არ ვიზარალოთ ახლად შემოსახლებულთათვის მარკის სახმარი მიწის დათმობითო. თემი— მარკა კარჩაკეტილ საზოგადოებათ გადაიქცა, ახალ წევრებს აღარ იღებდა ან იღებდა განსაკუთრებულ შემთხვევებში, როდესაც ამას რაიმე სარგებლობა მოქონდა.

ძველი გვარების გვერდით საქალაქო მარკაში ჩამოყალიბდა მცხოვრებთა მეორე თენა—ახლად შემოსახლებულნი. ამათ სრულიად აკრძალული ქონდათ ქალაქის საერთო მიწით სარგებლობა ან, თუ სარგებლობდნენ, სრულიად უმნიშვნელოთ. ისინი თემ-მარკას არ ეკუთვნოდნენ, არავითარ მონაწილეობას არ იღებდნენ მის მართვა-გამგეობაში, ხოლო მარკის მართვა-გამგეობა ქალაქის მართვა-გამგეობასაც ნიშნავდა. ამის გამო ახალი მოქალაქენი პოლიტიკურ უფლებებს მოკლებულნი აღმოჩნდნენ, ძველები კი ქალაქის არისტოკრატიას შეადგენდნენ.

პირველ ხანებში ახალ მოქალაქეებს მხოლოდ ითმენდნენ, როგორც დასამალავ ხალხს. მაგრამ დროთა მსვლელობაში მათი რიცხვი და სიმდიდრე იზრდებოდა. მათ წრეში მრავალი ვაჭარი აღმოჩნდა და მათვე ეკუთვნოდა ხელოსანთა უმრავლესობა. ამათ თანდათან შეიგნეს თავისი მდგომარეობა და მოითხოვეს მონაწილეობა ქალაქის მართვა-გამგეობაში. ადრე თუ გვიან, ზოგიერთ ქალაქში XIII საუკუნიდან, სხევან XIV-დან, ახალმა მოქალაქეებმა ბრძოლა გააჩაღეს პატრიციულ წყობილების წინააღმდეგ და ბოლოს XIV—XV საუკუნეებში თითქმის ყველგან დაამარცხეს იგი და ქალაქის მართვა-გამგეობაში მონაწილეობის უფლება მოიპოვეს.

სათემო მიწა არ ჩამორთმევია პატრიციებს. იქ, სადაც თემის მარკა ჯერ კიდევ არსებობდა და გაყოფილი არ იყო, იგი განაგრძობდა არსებობას საქალაქო თემის ფარგლებში, როგორც კარჩაკეტილი ამხანაგობა. ამგვარად საქალაქო თემი ეხლა თემის მარკას აღარ უღრიდა. საქალაქო წყობილებას საუფუძვლად დაედო, — ასე იყო ყოველ შემთხვევაში გერმანიაში, — არა მარკის წესები, არამედ საამქრო წყობილება.

მრავალ რიცხოვანი მასის ხანგრძლივი ბრძოლა შეუძლებელი უორგანიზაციოთ. ხელოსნებსაც უნდა შეეკმნათ ორგანიზაცია. ამ ორგანიზაციის ნიმუში ჰპოვეს თემის მარკაში. ჯერ კიდევ მდი-

დარ მამულებში, სადაც მრავალი ხელოსანი იმყოფებოდა, ყოველი პროფესიის მუშებმა შეადგინეს თავ-თავისი ამხანაგობა, შეადგინეს-ოსტატის ხელმძღვანელობით. მართალია ეს ამხანაგობანი ბრძოლისათვის კი არ შექმნილან, არამედ წარმოებისა და მართვა-გამგეობისათვის; მაგრამ როდესაც დაიწყო დამოკიდებულ მუშების ბრძოლასენიორების წინააღმდეგ, ამხანაგობებმა სამხედრო მიზნებიც დაისახეს. ფეოდალურ დამოკიდებულებისაგან განთავისუფლების შემდეგაც ხელოსნები იცავდნენ თვის ორგანიზაციებს. მაგრამ დამოკიდებულ ხელოსანთა ორგანიზაციებიდან უკანასკნელნი თავისუფალ ამქრებად გადაიქცნენ.

ხშირად ქალაქის თავისუფალი ხელოსნებიც აარსებდნენ ურთიერთ დაცვის მიზნით ორგანიზაციებს, რომლებიც თავიდანვე თავისუფალი და თვითმართველი იყვნენ. ეს თავისუფალი ამქრები გავლენას ახდენდნენ არა-თავისუფლებაზე და დახმარებას უწევდნენ მათ ბრძოლაში. თანდათან განსხვავება მათ შორის მოისპო და ფეოდალურ დამოკიდებულებისაგან ქალაქთა განთავისუფლების შემდეგ ჩვენ ეხდებით მხოლოდ თავისუფალ გილდიებს ანუ ამქრებს.

უმრავლეს ქალაქში თავისუფალი ამქრები უკვე XII ან XIII საუკუნეში მოეწყო, დანარჩენში კი რამოდენიმედ უფრო გვიან. მეორეს მხრით, ყველა ხელობას ერთსა და იმავე დროს არ შეუდგენია ამქარი. ყველაზე ადრე უფრო მდიდარი და მრავალწევრიანი ორგანიზაციები მოეწყო. ვაჭართა ამქრების გარდა მატყლის ფეიქართა და თერძების ამქრები იყო უძველესი. უფრო გვიან დაარსდა მეჩექმეთა, პურის მცხობელთა, ყასაბთა და სხვა ამქრები.

იყო ისეთი შემთხვევებიც, როდესაც ესა თუ ის ხელობა ძალიან სუსტი იყო და მას თავისი დამოუკიდებელი ამქარი არ ქონდა. ორგანიზაციის დახმარების გარეშე რომ არ დარჩენილიყო ასეთი ხელობა რომელიმე სხვა ხელობის ამქარში შევიდოდა. ასე მაგალითად, ქ. რეიტლინგენის მეაბანონენი მეხორცეთა ამქარში შედიოდნენ, ესლინგენის მეაბანონენი—ქურქითა ამქარში.

ყოველი მოქალაქე შეძლების დაგვარად რომელიმე ამქარში ეწერებოდა. პროსტიტუტსაც კი თავისი ამქრები ქონდათ, მაგალითად, ფრანკფურტში, უენევაში, პარიზში, სადაც წმ. მაგდალინეს მფარველობით თავის „პორიზონტალურ ხელობას“ ეწეოდნენ (Maurer, დასახელებული შრომა, II, გვ. 471). მაგრამ ყველას მაინც არ ქონდა ამქრის შედგენის ბედნიერი შესაძლებლობა, როგორც ამჟამათაც ყველა პროლეტარს არ აქვს საკუთარ პროფკავშირის შექმნის საშუალება. ყოველთვის არსებობდა მრავალი პროფესია, რომელიც ძალიან

მცირე შემოსავალს აძლევდა მუშაკებს ან სათაკლოდ ითვლებოდა. ამგვარ პროფესიებს არ შეეძლოთ არც საკუთარი ამქრის დაარსება და არც სხვა რომელიმე ამქარში შესვლა. ამქრის ხელოსნები ისევე ამაყათ დაჰყურებდნენ ამ „ნაძირალებს“, როგორც თვითონ მათ პატრიციები უყურებდნენ; ამქრის ხელოსნებს აზრათაც არ მოუვიდოდათ ამ მდაბიო ხალხისთვის გამოსარჩლება.

ამგვარად ძველი გვარის მოქალაქეთა გვერდით წარმოსდგა პრივილეგიურ მოქალაქეთა მეორე ფენა.

მაგრამ რაც უფრო პრივილეგიური ხდებოდა ამქრის წევრობა, მით უფრო მძლავრად ვითარდებოდა თვით ხელოსნობის შიგნით ახალი კლასობრივი ანტაგონიზმი: ანტაგონიზმი ოსტატებსა და ქარგლებს შორის.

III. ქარგალთა წარმოშობა.

დაქირავებულ მუშათა მასას ქალაქებში ხელოსანი ქარგლები შეადგენდნენ. მშვიდათ და კმაყოფილად ცხოვრობდნენ ისინი, არ შურდათ მალლა მდგომთა ცხოვრება, თავისი ცოდნით ამაყნი და „სრულიად შეძლებულნი“ „საკუთარი შრომის პროდუქტის სამართლიანი ნაწილით“ სარგებლობდნენ. მეტი რა უნდოდათ? ისინიც ოსტატებსავე, „ამქრის მფარველობის ქვეშ“ იმყოფებოდნენ, ამქარი არჩევდა მათ და ოსტატებს შორის წარმომდგარ დაეხს და „ყველა მათ უფლებებს“ იცავდა. ისინი ოსტატის ოჯახის წევრები იყვნენ, ოსტატთან ერთად ერთ სუფრაზე ჰამდნენ და სვამდნენ, იმავე მდგომარეობაში იყვნენ, რაც ოსტატის შვილები, პატროსანსა და კეთილ-ზნეობრივ ყოფა-ცხოვრებას ეჩვეოდნენ, რათა ღირსი გამხდარიყვნენ ოსტატობისა, რომელიც ხომ „ღვთით ბოძებული თანამდებობა“ იყო. ამ პატივს ქარგალი ისეთივე მოკრძალებით უახლოვდებოდა, როგორც სასულიერო პირი მღვდლათ კურთხევას, როგორც აზნაური—რაინდობაში აყვანას: „ხელოსნები ამქრებში ჯერ კიდევ ურთიერთ ძმურს სიყვარულში და ერთგულებაში ცხოვრობდნენ“ და შრომობდნენ „არა მარტო შემოსავლის გულისთვის, არამედ ღვთის მცნების თანახმად“; „ძმობისა და ერთობის“ პრინციპებს ჯერ კიდევ შერჩენოდა თავისი ძალა ამქრებში.

ასე ხატავენ საამქრო წესწყობილების მეგობრები და საშუალო საუკუნეების თაყვანისმცემელნი ქარგალთა მდგომარეობას საამქრო ხელოსნობის აყვავების ხანაში. ამ სურათიდან კი ზოგიერთმა წრეებმა ჩვენს დროში ის დასკვნა გამოიტანეს, რომ საკმარისია

მხოლოდ აღედგინოთ საამქრო წყობილება, რომ ამით მოისპოს კლასობრივი წინააღმდეგობა კაპიტალისტებსა და მუშებს შორის და დამკვიდრდეს სოციალური ჰარმონია. ამქრებიო, ამბობენ, ძალიან მოხერხებული ორგანიზაციაა იმისთვის, რომ თანასწორათ დატული იქნეს ისტატებისა და ქარგლების ინტერესები.

იოჰან იანსენი — ყველაზე ახალგაზრდა მკვლევარია გამოჩენილ გერმანელ ისტორიკოსთა შორის, რომელნიც ასე იდლიურად გვიხატავენ ხელოსან ქარგალთა მდგომარეობას საშუალო საუკუნეების მიწურულში ¹⁾. ზემოთ ჩვენ ნაწილობრივ მოვიყვანეთ მისი საკუთარი სიტყვები. მაგრამ არ შეიძლება იმ გარემოებამ არ ჩავვაფიქროს, რომ ქარგალთა კეთილდღეობის დასამტკიცებლად მას მოყავს ხელის უფლების ისტატების და ბურჟუაზიულ მწერლების ჩივილი ქარგლების აუტანელ ამპარტოვანებისა და ფუფუნების შესახებ.

ამგვარ ჩივილს რომ დამამტკიცებელი ძალა ჰქონდეს, სულ ადვილი იქნებოდა იმის დამტკიცება, რომ დაქირავებული მუშები ყოველ ხანაში უბედნიერეს მდგომარეობაში იმყოფებოდნენ.

მაგრამ თუ უფრო საფუძვლიანად გამოვიკვლიეთ ფაქტებს, ჩვენ თვალ წინ სულ სხვა სურათი გადაიშლება. ²⁾

¹⁾ Johannes Ianssen, Geschichte des deutschen Volkes seit dem Ausgang des Mittelalters, I, გვ. 315—342 (პირველი ტომის ნაწილი გადათარგმნილია რუსულ ენაზე: И. Янсен, Экономическое, правовое и политическое состояние германского рода накануне реформации, СПб. 1898. საშუალო საუკუნეების ხელოსან ქარგალთა მდგომარეობის შესახებ იხ. ხსენებულ გამოცემის გვ. 52—83).

²⁾ იშვიათად მოუქცევია უახლოესი ხანის რომელიმე ისტორიულ გამოკვლევას ისეთი დიდი ყურადღება, როგორც იანსენის შრომას ერგო, და ამას რამოდენიმედ აქვს თავისი საფუძველი. იანსენმა ძალიან შეარყია ლიბერალურ-პროტესტანტული ლეგენდა რეფორმაციის შესახებ; მან ნათლჱყო, რომ რეფორმაციის რელიგიურ ფრაზებს უკან ფრიად მატერიალური ინტერესები იმაღებოდა. რა თქმა უნდა, მეცნიერულმა სოციალიზმა ეს იანსენზე ადრე აღნიშნა, თანაც არა იანსენის დაგვარი ცალმხრივობით, ვინაიდან მან (მეცნიერულმა სოციალიზმა) მატერიალურ ინტერესების მოქმედება გამოაშკარავა არა მარტო პროტესტანტების, არამედ კათოლიკეთა მხარეზედაც. მაგრამ ფართო საზოგადოებისათვის ეს ახალი ამბავი იყო. სწორეთ ასევე იყო იგი გაკვირვებულნი, როცა დამტკიცდა, რომ თანამედროვე წესიერების მოციქულთა მიერ ესოდენ პატივცემული ლიტერარი და მისი აზხანავები, რევილი იუციონერები იყვნენ, რევილიციონერ მზინებს ემსახურებოდნენ რევილიციონერული საშუალებებით. იანსენის შრომაში მხოვადი რომ არის საინტერესო რეფორმაციის ეპოქასთან უკვე გაცნობილ მკვლევარისათვის. ამაშია იანსენის დამსახურება. მაგრამ ჩვენ დიდის ვაფრთხილებით ურჩევდით ფართო საზოგადოებას ამ წიგნის, როგორც სრული კეშმარტების გამოშატტევის,

პირველი ცნობები ხელოსან ქარგალთა ანუ „კნებტების“ ე. ი. მსახურთა შესახებ, როგორც მათ წინეთ უწოდებდნენ, მე-XIII საუკუნის გერმანიას შეეხება. ამაზე ადრე ხელოსნებს იშვიათად თუ ყაყაძათ ქარგლები და ამიტომ არ იყო საბაბი მათი მოხსენებისათვის. იქრასბურგელ მატყლის მქსოველთა შორის მე-XIII საუკუნეში აღრთი სიტყვით არ არიან მოხსენებული ქარგლები და თვით მე-XIV საუკუნეში ოსტატები და ქარგლები ძალიან სუსტად განირჩევიან ერთმანეთისაგან. (G. Schmoller, Die Strassburger Tucher und Weberzunft, სტრასბურგი 1879 წ., გვ. 389, 451).

მე-XIV საუკუნემდე პირობები ქარგალთა განსაკუთრებულ წოდების შექმნისათვის უაღრესად არა ხელსაყრელი იყო. როგორც უკვე ვიცით, ხელოსნები მაშინ ნაწილობრივ ფეოდალურად დამოკიდებული იყვნენ მსხვილ სენიორების მამულებში, ნაწილობრივ კი თავისუფალნი, მაგრამ არა სრულუფლებიანი მოქალაქენი. მხოლოდ მიწათმფლობელთ, ქალაქის მარკის წევრებს ქონდათ პოლიტიკური უფლებები; ხელოსანთა ორგანიზაციები ჯერ სავსებით არ იყო კანონიერად ცნობილი და უმთავრესად ბრძოლის ორგანიზაციებს წარმოადგენდნენ მაშინ. გარედან მოსულ ყოველ ხელოსანს ან ხელობის სწავლის დამწყებს ესალმებოდნენ როგორც ამხანაგს და

წაიხიხებდნენ. არც ერთი თანამედროვე ისტორიული თხზულება არ გვეუბლება, რომელიც იანსენის ნაშრომს შეედრებოდეს თავისი ტენდენციურობით. ის ორნაირად ასურათებს რეფორმაციის დამდგის სოციალურ ურთიერთობებს. პირველად გვიჩვენებს ამ ურთიერთობათა ნამდვილ თუ შოგონილ ქარგ მხარეებს: ასე ბედნიერი იყო, ფიქრობს ის, გერმანია რეფორმაციის წინ. შემდეგ გვიჩვენებს XVI საუკუნის დამდგის საზოგადოებრივ ურთიერთობათა ძეგლ მხარეებს; შეხედეთ,—გაიძახის იანსენი,—სად მიიყვანა გერმანია გვიანდელ ჰუმანიზმთა ურწინეობამ, რომის სამართალმა და პროტესტანტიზმმა!

ამას უნდა დაუმატოთ „წყარობით დამოწმების“ თავისებური წესი. წყაროდან იანსენს ის კი არ ამოაქვს, რაც დამახასიათებელია, არამედ ის რაც იანსენს სჭირია; მოყვას არა მარტო ფაქტები, არამედ უმთავრესად ის, თუ ვის რა უთქვამს და რა მოუსურვებია და ყოველივე ამას ფაქტებად აქცევს, თუ ეს მის მიზნებს შეეფერება. კათოლიკურ ამქრის ერთი სტატუტი ქარგლებს ურჩევს იცხოვრონ „მშურ სიყვარულში და ერთგულებაში“, ერთი კათოლიკური ტრაქტატი აცხადებს, რომ ხელოსანი მუშაობს არა ხელფასის, არამედ ღვთის მცნების გულისთვის: ვანა ეს „დოკუმენტალურად არ ამტკიცებს“ კათოლიკეთა პატიონებებს და სიმართლეს? ერთი კათოლიკე ხუცესი სწერს ეკლესიის რეფორმაცია აუცილებელია და ვანა ეს ცხადთ არ ამტკიცებს იმას, რომ საეკლესიო რეფორმა შესაძლებელია იყო ძალმომრეობის გარეშეც, პაპობასთან კავშირის გაუწყვეტლად და თანაც ისე, რომ გერმანია მთლიანი და ბედნიერი დარჩენილიყო? რა მოიტანა, პირიქით, პროტესტანტიზმმა? პროტესტანტი—მღვდლები თავის ქადაგებებში და თხზულებებში სჩივიან—ასეთი ყოფილა, სჩანს პასტორის პროფე-

თანამებროძოს, ამქრის დამხმარეს; არავითარი საფუძველი არ არსებობდა ამქრიდან მისი გამოსარიცხავად: პირიქით ყოველ ღონეს ხმარობდნენ იმის მოსაწვევად. ეს აზრი ქონდა მაშინ იმ დებულებას, რომლის თანახმად მხოლოდ ამქრის წევრებს ეძლეოდა ხელობაში მუშაობის უფლება. (შეადარეთ G. L. V. Maurer, ხსენებული წიგნის ტ. II, გვ. 399). ჯერ კიდევ 1400 წ. სტრასბურგელ ფეიქრებს დადგენილი ქონდათ: დაუყოვნებლივ და შეგიზღოვების ვადის შეესრულებამდე, მიღებულ იქნეს ამქარში ყოველი პირი, ვინც ამქრის ხუთი წევრის აზრით პატიოსანი შთამომავლობის კაცია. (Schmoller, გვ. 402).

ხელობის ტენზიკა ჯერ უკიდურესად პრიმიტიული იყო და არ მოითხოვდა მრავალი პირის თანამშრომლობას ან კოოპერაციას. ყოველ ხელოსანს ადვილად შეეძლო შეეძინა ხელსაწყო და სხვა წარმოების საშუალებანი. მრავალ ხელობაში ნელ-მასალას თვითონ შემკვეთელი შოულობდა და ხელოსანი მასალას ჩვეულებრივად შემკვეთელის სახლშივე გადაამუშავებდა. ხელოსანთა უმრავლესობა ჯერ იმდენად ღარიბი იყო, რომ ხელოსანთა ყოლა არ შეეძლო. არცერთ ხელოსანს არ აიძულებდნენ ქარგლად ემუშავნა: არც ტენზიკური და ეკონომიური პირობები და არც კანონმდებლობა არავის არ უზღუდავდა დამოუკიდებლად მუშაობის საშუალებას. საიდან უნდა გამხდარიყვნენ ასეთ პირობებში ქარგლები?

სია—რომ ქვეყნიერება დღითი-დღე უღმერთო სდება: აშკარა არ არის ამის შემდეგ, როგორ გარყვნა ხალხი რეფორმაციამ? ამას ხომ სრულიად ეკვიპოტანელი პროტესტანტული „წყაროები“ ადასტურებენ.

თუნდაც რომ სწორი იყოს იანსენის ციტატები, მათი შედარებისა და გამოყენების თავისებური ხერხით ამ ციტატებზე აშენებული მოთხრობა სიყალბე გამოდის. სიკეთეს არ მატებს მას ის მანერაც, რომელიც გერმანელმა ისტორიკოსებმა მომზენის შემდეგ შეითვისეს.

წარსული დროის ურთიერთობებს თანამედროვე სახელებს არქმევენ და ამით აიძულებენ მკითხველს, ძველი დროის ისტორიულ თავისებურობას გვერდი აუაროს და ჩვენი საზომით მიუღდეს იმ ხანას. როგორც მომზენი ძველ რომაელებზე მსჯელობის დროს თანამედროვე კაპიტალისტურ საწარმოო წესის შესატყვისს ცნებებსა და სიტყვებს ხმარობდა, ისევე იქცევა იანსენი საშუალო საუკუნეებისა და რეფორმაციის მიმართ. „საეკლესიო სამართალი, — ამბობს ის ერთ ადგილას (ტ. I, გვ. 412), — აღიარებს, რომ მხოლოდ შრომა ქმნის ღირებულებას“. მაგრამ ამ დებულების დამტკიცებას იანსენი მხოლოდ იმის წყალობით ახერხებს, რომ ამ აზრის ნამდვილი მნიშვნელობა სრული წვედიადით არის მისთვის მოცული. ასევე უყვარს მას ლაპარაკი „შრომის უფლების“ შესახებ, რომელიც ვითომდა ამქრებს უზრუნველუხვიათ. ვისთვის და რა საშუალებით, — ამას ჩვენ კიდევ დავინახავთ.

ამგვარად იანსენის წიგნის წაკითხვას ვერ ურჩევთ იმას, ვინც ნამდვილს და მიუდგომელ ცოდნას ეძებს.

ყოველივე ეს მე-XIV საუკუნის შემდეგ შეიცვალა. განვითარდა ქარგალთა განსაკუთრებული წოდება განსაკუთრებულის უფლებებით: შევიროდობამ გარკვეული ფორმები მიიღო. მაურერის აზრით (ხსენებული წიგნი, II, გვ. 367) ხელოსანთა ორგანიზაციამ რაინდობისაგან აიღო მაგალითი. როგორც რაინდთა შორის განიჩიეოდენ პაეები, საქურელის მტვიროთველნი და რაინდები, ასევე განიჩიეოდენ საამქრო ხელოსნობაში შევირდები, ქარგლები და ოსტატები; მაგრამ, რა თქმა უნდა, სხვა პირობებიც მოახდენდა გავლენას ხელოსანთა დაყოფაზე.

მე-XIV საუკუნეში ხელოსნობა უმთავრეს სარეწავს წარმოადგენდა ქალაქებში: თავისი მნიშვნელობით ხელოსნობა სულ უფრო სქარბობდა მიწათმრქმედებას და თვით ვაჭრობასაც. ხელოსნების შეძლებულობა და ამქრების გავლენა სულ მატულობდა. იზრდებოდა მათი როლიც ქალაქის მართვა-გამგებლობაში.

ცალკე ხელოსანთა შეძლებულებამ საშუალება მისცა მათ ქარგლები დაეკირათ. ამქრებმა მოიპოვეს კანონმდებლობაში მონაწილეობის უფლება და, მაშასადამე, თავისი განსაკუთრებული ინტერესების საზოგადოების მფარველობის ქვეშ დაყენების შესაძლებლობაც. და სწორედ იმ პირობებმა, რომლებიც ამ განვითარებას ედო საფუძვლად, ის ელემენტებიც მოამზადა, რომელთაგან ხელოსან ოსტატებს შეეძლოთ აეყვანათ ქარგლები.

ხელოსნობის და ვაჭრობის პროგრესსმა სოფლად ძირიანად შესცვალა იქ არსებული ურთიერთობანი. როდესაც გლეხთა ომების შესახებ გვექნება საუბარი ჩვენ უფრო დაწვრილებით შეეჩერდებით ამ ცვლილებებზე. აქ კი მხოლოდ აღენიშნავთ, რომ სოციალურ დამოკიდებულებათა გადატრიალებამ სოფლად, გლეხთა ომების ვარდა, ისიც გამოიწვია, რომ მიწისაგან მოწყვეტილმა სოფლელებმა იწყეს დენა ქალაქებისაკენ, სადაც თავშესაფარს, თავისუფლებას და კეთილდღეობას ეძებდნენ.

ბიუხერმა თავის საუცხოვო შრომაში მაინის ფრანკფურტის XIV და XV საუკუნეთა მოსახლეობის შესახებ ცხადათ გვიჩვენა, თუ რამდენად ძლიერი იყო ეს დენა (შედარებით) მსხვილ ქალაქებისაკენ სოფლებიდან, დაბებიდან და ქალაქის მიდამოებიდან. ¹⁾

ასე, ფრანკფურტის მამაკაცთა მოსახლეობას ქრისტიანულ სარწმუნოების ახალ მოქალაქეთა შემდეგი რიცხვი ემატებოდა (გამორიცხულია ადგილობრივ მოქალაქეთა შვილები):

¹⁾ შეადარეთ აგრეთვე კარლ ლამპრესტის საინტერესო რეცენზია ბიუხერის ამ წიგნის შესახებ Archiv für sociale Gesetzgebung und Statistik-ში, Tübingen 1858, I, გვ. 485 და შემდეგი.

წლები	ნამატი	ყოველწლიური საშუალო ნამატი.
1311—1350	1293	32
1351—1400	1535	31
1401—1450	2506	50
1451—1500	2537	51

მაშასადამე, რაც უფრო უახლოვდებით მე-XVI საუკუნეს მით უფრო მატულობს მოსახლეობის დენა.

ფართოვდება ის რაიონიც, საიდანაც ახალი მოქალაქენი გამოდიოდნენ. ფრანკფურტის ყოველ 100 მოქალაქედან შემოსულა შემდეგი მანძილით დაშორებულ მიდამოებიდან:

წლები	2 მილამდე	2—10 მილამ.	10—20 მილამ.	20 მილზე შორიდან
1311—1350	54,8	35,5	6,5	3,2
1351—1400	39,4	42,9	11,1	6,6
1400—1450	22,9	54,4	12,6	10,1
1451—1500	23,2	51,2	11,3	14,3

გარედან მოსულთაგან ყველას კი არ იღებდნენ მოქალაქობაში: რაც უფრო სქარბობდა ქალაქად წასულ მოსახლეობაში პროლეტარული ელემენტები, მით უფრო იზრდებოდა დროებითი, უმკვიდრო მოსახლეობის რიგები. ჩვენ არა გვაქვს არავითარი ცნობა, რომ სტატისტიკურად შეგვეძლოს ამ ელემენტების რიცხვის გამორკვევა და ამიტომ უნდა დაეკმაყოფილდეთ იმ ფაქტის უბრალო აღნიშვნით, რომ XV საუკუნის დამლევში და XVI-ის დასაწყისში გერმანიის ქალაქებში გასაოცარი სისწრაფით იზრდებოდა ლარიზბთა რიცხვი. 1451—1538 წ.წ. ისინი შეადგენდნენ ქ. ჰამბურგის მოსახლეობის დაახლოვებით 16—24%; 1520 წ. ქ. აუგსბურგში 2.000-მდე ლარიზი კაცი იქნებოდა. საიდან გაჩნდნენ ისინი, დანამდიელებით ვერ ვიტყვით; მაგრამ მრავალგვარი მოსაზრება გვაფიქრებინებს, რომ სოფლის მოსახლეობის პროლეტარიზაციამ ძალიან დიდი როლი ითამაშა ქალაქების ბოგანო მოსახლეობის განსაცვიფრებელ ზრდაში.

ახალი მოსახლენი, რასაკვირველია, უწინარეს ყოვლისა ხელოსნობაში ეძებდნენ შემოსავალს ან, ყოველ შემთხვევაში, ცდილობდნენ თავის შვილებისათვის შეესწავლებინათ ხელობა. ხელოსან ოსტატებს კი ეხლა საკმაოთ ყავდათ ქარგლები და შევირდები, — იმაზე მეტიც,

რაც მათ სჭიროდათ. ქარგლები, რა თქმა უნდა, ცდილობდნენ რაც შეიძლება მალე გამხდარიყვნენ დამოუკიდებელი ოსტატები; ხელოსანთა რიცხვი იზრდებოდა უფრო სწრაფად, ვიდრე მათი შრომის პროდუქტის მოთხოვნილება. თუ წინეთ ამქარი სიხარულით ეგებებოდა ყოველ ახალ ამხანაგს, რადგან ეს ამქრის ძალას ადიდებდა, ეხლა უკვე ყოველ ახლად მოსულში ხედავდა არასასურველ კონკურენტს ისედაც მრავალრიცხოვან კოლეგებისა. ამქრის ძლიერების საფუძველი ეხლა მუშტები კი არ იყო, არამედ ამქრის წვერთა ფულის ქისები. ქისები კი მით უფრო გასქელდებოდა, რაც უფრო ნაკლები იქნებოდა ხელოსანთა ურთიერთ მეტოქეობა. განკერძოების სული ბატონდებოდა ამქრებში; სულ უფრო გულმოდგინეთ სარგებლობდნენ ისინი თავისი პოლიტიკური და ეკონომიური ძალით, რათა შეეზღუდათ უცხოელების განსაკუთრებით სოფლის ელემენტების ამქარში შესვლის შესაძლებლობა და ოსტატობა გადაექციათ პრივილეგიად, რომლის დამსახურება სულ უფრო და უფრო ძნელი ყოფილიყო. ამ მიზნის მისაღწევად ზომებს იღებდნენ არა მარტო საამქრო წესწყობილების „გაყინვის“ ხანაში. ასეთი ზომები ჯერ კიდევ მე-XIV საუკუნეში იყო შემოღებული, ხოლო მე XVI საუკუნეში მათი განვითარება არსებითად უკვე დამთავრებული იყო. შემდეგ საუკუნოებს ამ მხრივ არაფერი მნიშვნელოვანი არ მოუტანია. მაშასადამე ეს ზომები, საამქრო წყობილების ნაყოფი, ამ წყობილების აყვავების ხანაში წარმოიშვა: იმ ხანაში, რომელიც საამქრო წყობილების მრავალ თანამედროვე ენტუზიასტის თვალს იტაცებს; როგორც იდეალი.

IV. შეგირდი, ქარგალი, ოსტატი.

ჯერ შეგირდების მიღებისას მელავნდებოდა ამქრების კარჩაკეტილობა. ეს კარჩაკეტილობა დაიწყო დედაკაცების გამორიცხვით ხელობის სფეროდან. შეგირდათ შეიძლებოდა მხოლოდ მამაკაცი ყოფილიყო. მამაკაცებს თავიდანვე როდი ეკუთვნოდათ ხელოსნობის მონოპოლია. ამის შესახებ გერმანიაში არ შენახულა საკმაოდ სანდო საბუთები. სამაგიეროთ საფრანგეთის შესახებ საქმე ნათელია. იქ ჯერ კიდევ მე-XIII საუკუნეში დედაკაცები არ იყვნენ პრინციპიალურად გამორიცხული ხელოსნობიდან. „ასეულ ხელობიდან, რომლის სტატუტებს შეიცავს ბუალოს¹⁾ შრომა, დედაკაცთა შრომა სასტიკად აკრძალულია მხოლოდ ორში და, გარდა ამისა, ერთ ხელობაში მათი შრომა ნებადართულია მხოლოდ ზოგიერთ გარკვეულ სამუშევრები-

¹⁾ R^églaments sur les arts et métiers de Paris

სათვის. როგორც ამ სამი ამქრის სტატუტებიდან და დადგენილებებიდან სჩანს, სამივე ხელობაში მანამდე დედაკაცთა შრომა და დედაკაცთა მიერ საქმის წარმოება ნება დართული იყო. რვა ხელობის შესახებ პირდაპირ არის აღნიშნული, რომ ხელოსნურ შრომაში დედაკაცებს იგივე უფლებები აქვთ, რაც მამაკაცებს. ექვს შემდეგ ხელობაში მუშაობენ მხოლოდ ან ზმთაერესად დედაკაცები, რომელნიც, როგორც ყველა დანარჩენ ხელობაში, შეგირდებად, მუშაკებად და ოსტატებად განიყოფებიან; ამ ხელობებს ყველა ის ნიშნები ახასიათებს, რაც ყოველ სხვა ხელობას; ხელმძღვანელობა და მეთვალყურეობა დაკისრებული აქვს ან მარტო დედაკაცებს, ან დედაკაცებსა და მამაკაცებს. დანარჩენ ხელობათა შესახებ პირდაპირ არ არის აღნიშნული, რომ, ოსტატის ცოლისა და ქალიშვილების გარდა, სხვა დედაკაცებსაც ეძლევა მუშაობის უფლება; ნაგრამ სტატუტებში არ სჩანს არც პირდაპირი აკრძალვა დედაკაცთა შრომისა¹⁾.

თუმცა, გერმანიისთვისაც შენახულა ზოგიერთი ნიშნები იმისა, რომ ჯერ კიდევ მე-XIV საუკუნეში დედაკაცები ან საკუთარ ამქრებს შეადგენდნენ, როგორიც ქონდათ, მაგალითად, მატყლის მჩეჩელ დედაკაცებს, ქ. კიოლნში, ან შედიოდნენ ამქარში მამაკაცებთან ერთად და დამოუკიდებლად ხელოსნობდნენ.

ფრანკფურტელ (მაინზე) თერძების 1377 წლის წესდებაში ნათქვამია: „თუ გაუთხოვარ ქალს ხელოსნობა სურს, ის უწინარეს ყოვლისა მოქალაქე უნდა იყოს და თავისი სურვილი საბჭოს უნდა განუცხადოს; ამის შემდეგ უნდა გადაიხადოს 30 შილინგი ხელობის სასარგებლოდ და ერთი ჩარეკი ღვინო ხელოსანთა გასამასპინძლებლად. ამის შემდეგ მას და მის შვილებს უფლება ეძლევათ იმუშავონ ხელობაში“. ამასვე მოითხოვდნენ მამაკაცებისგანაც²⁾.

სხვა ხელობებიც ღია იყო მე-XIV საუკუნეში დედაკაცებისათვის; კიოლნში, მაგალითად, მეხორცენი და ის ხელოსნები, რომელნიც ფულის ქისებს და აშირმებს ამზადებდნენ და გერბებს ქარგავდნენ თავის ამქრებში დედაკაცებსაც იღებდნენ მამაკაცის სწორი უფლებით საზოგადოთ კი უცხო დედაკაცები უკვე მე-XIV საუკუნიდან გამორიცხული იყვნენ ხელოსნობიდან. მე-XIV საუკუნის შემდეგ უმრავლეს ხელობაში მხოლოდ ოსტატების ცოლებსა და ქალიშვილებს შერჩათ სახელოსნო მუშაობაში მონაწილეობის უფლება. შემდეგ ესეც მოისპო. დედაკაცთა გამორიცხვა სახელოსნო შრომის სფეროდან საყოველთაო და პრინციპიალურ მოთხოვნილებად იქცევა.

¹⁾ Fr. W. Stahl, Das deutsche Handwerk, Gissen 1874, გვ. 68.

²⁾ Stahl, სენ. შრომა, გვ. 80.

მამაკაც-შეგირდებსაც გარკვეული შერჩევით იღებენ, და ამგვარად მოსახლეობის სულ უფრო ფართო წრეები თანდათან კარგავენ თავის შეილებს ხელობაში მიცემის უფლებას. ბოლოს ზოგიერთ ხელობაში საქმე იქამდე მივიდა, რომ შეგირდებისაგან მოითხოვდნენ მოწმობას მისი წინაპრების შესახებ. ოსტატს უფლება ეძლეოდა მხოლოდ ის ყმაწვილი მიეღო შეგირდათ, რომელიც დაამტკიცებდა თავის შთამომავლობას მთელ რიგ თავის უფალ, პატროსან და კანონიერ საქორწინო კავშირში მობილ წინაპრებისაგან.

თავის თავად ცხადია, რომ ასეთი მოთხოვნისა შესაძლებლად ხდიდა ყოველგვარ მომიზეზებას არა სასურველ პირის მოსაშორებლად. მოთხოვნილება რამოდენიმე თაობის კანონიერ ქორწინებისაგან წარმოშობის დამტკიცებისა პროლეტართა უმრავლესობას ართმევდა ხელოსნად შედგომის საშუალებას. მოთხოვნილება თავისუფალ წინაპრებისაგან წარმოშობის დამტკიცებისა შეუძლებლად ხდიდა ფეოდალურად დამოკიდებულ გლეხთა შეილების შესვლას საამქრო ხელობაში. და ბოლოს, „უპატიოსნოთ“ ითვლებოდა უმთავრესად ის ხელობანი, რომლებსაც ყველაზე უფრო ადვილად შოულობდნენ ქალაქად ხიზნული გლეხები. ამ ჯგუფს ეკუთვნოდა სოფლის ხელობები, რომელსაც არ ქონდათ ამქრული ორგანიზაცია, და, შემდეგ, ის პროფესიები, რომელსაც ხელს კიდებდა უმთავრესად ქალაქის მოსახლეობის დეკლასიური ნაწილი. მაურერი (II ტ., გვ. 447) ასახელებს შემდეგ „უპატიოსნო“ პროფესიებს: მეცხვარეებს, მეწისქვილეებს, ტილოს მქსოველებს, ქალაქის დაწესებულებათა და სასამართლოთა ხელის მსახურთ, მესაფლავეებს, ღამის გუშაგებს, მათხვართა მამასახლისებს, მხვეტელებს, ასენიზატორებს, ჯალათებს და აგრეთვე საბაჟო მოსამსახურეებს, მეზურნე და მებუკეებს და ზოგჯერ დალაქებსა და მეპანოთ.

სელის ქსოვა უმთავრესად სოფლის შინაური წარმოება იყო. მე XV საუკუნეში სელის მქსოვლები მასობით გადადიოდნენ ქალაქებში. მაგალითად, 1448 წელს 400 სოფელი მქსოველი გადაესახლა შვაბიიდან ულმში. რა გასაკვირალია, რომ თავდასაცავ ზომებს იღებდნენ ამოდენა კონკურენტთა ზევის წინააღმდეგ.

უძველეს დოკუმენტად, რომელიც ამგვარ ელემენტების გამორიცხვას აწესებს, შეიძლება ჩაითვალოს 1300 წელს დაწერილი მეჩემეთა ამქრის გრაგნილი (მართალია, დაცულია მხოლოდ მისი ასლი, XVII საუკუნეში გადმოღებული, რომელიც, შეიძლება, ამ დროის მოთხოვნილებას ემსახურებოდა). ამ დოკუმენტში ხელობის შე-

სწავლა აკრძალული აქვს სელის მქსოველთა და ტვირთმზიდველთა შვილებს¹⁾.

შევირდობის ვადას აკიანურებდენ რამდენათაც შეიძლებოდა-თავდაპირველად ამ პუნქტის შესახებ არავითარი დადგენილება, და საზოგადოთ, არავითარი იძულება შევირდობის ვადის შესრულებისათვის არ არსებობდა. ჩვენამდე მოსული უძველესი სტატუტები, რომლებიც ამგვარ იძულებას აწესებენ, 1304 წელს ეკუთვნის, როდესაც იგი ციურხში იქნა შემოღებული მეწისქვილეების, მექუდეებისა და ქურჭებისათვის. და მხოლოდ მე-XV საუკუნეში იძულება საყოველთაო ხდება.

თვით შევირდობის დრო სხვა და სხვა ნაირი იყო. ჩვენ ვხვდებით შემთხვევებს, როდესაც იგი ერთი წლიდან (მაგ., მაუდის მკვეცვლებისათვის კიოლნში, XIV საუკ.) რვა წლამდის გრძელდებოდა (იმავე ხანის ოქრომკედლებისათვის კიოლნში). ყველაზე ხშირი სამი წლის ვადა იყო. ინგლისში შევირდობის ვადა ძალიან გრძელი იყო—თორმეტ წლამდე (ჩვეულებრივ ვადათ ბოლოს შვიდი წელიწადი დაწესდა); სამაგიეროთ იქ შევირდობის განვლის შემდეგ აღარ არსებობდა კანონიერი დაბრკოლება ოსტატად შედგომისათვის.

ამაშია, ალბათ, იმის ერთი მიზეზთაგანი, რომ ინგლისში არ გვხვდება ქარგალთა ორგანიზაციის კვალი, იმ ტიპის ორგანიზაციისა, როგორიც გერმანიაში არსებობდა.

გერმანიაში შევირდობის ვადა არ იყო ამდენად გაკიანურებული. მაგრამ საპაგიეროთ შევირდობასა და ოსტატობას შორის იყო პერიოდი, რომელიც მუშას ქარგლობაში უნდა გაეტარებინა; ამ ვადას რამდენადაც შეიძლებოდა აგრძელებდენ და ამისთვის საგანგებოთ შემოღებულ იქნა ქარგალთა სავალდებულო მოგზაურობის პერიოდი.

ქარგალთა მოგზაურობის ჩვეულება ჯერ მე-XIV საუკუნეში იხსენიება; მაგრამ მაშინ ჯერ არ იყო მოგზაურობის იძულება; პირიქით, მოგზაურობა აკრძალული იყო. ჩვენამდე შენახული პირველი ცნობა იძულებითი მოგზაურობის შესახებ შეეხება 1477 წელს: მატყლის მქსოველნი ლიუბეკში მოითხოვდენ, რომ ოსტატის შვილს ერთი წელიწადი და ერთი დღე ემოგზაურნა, სანამ ოსტატი გახდებოდა. ქარგლებზე აქ ჯერ ლაპარაკი არ არის. მე-XVI საუკუნეში მოგზაურობის იძულება უფრო ხშირი ხდება. ინგლისში კი ამას არასოდეს არ ქონია ადგილი.

¹⁾ V. Bühmert, Beiträge zur geschichte des Zunftwesens, Leipzig. 1862, გვ. 16,68.

მოგზაურობისათვის დაწესებული დრო ერთი წლიდან ექვს წლამდე იყო, უმრავლეს შემთხვევაში კი სამი-ოთხი წელიწადი.

შემდეგ ზომის ხელოსანთა მომრავლების წინააღმდეგ წარმოადგენდა ოსტატის ხელქვეით მყოფ შეგირდთა და ქარგალთა რიცხვის განსაზღვრა. თუმცა ამ საშუალებით სხვა მიზანსაც აღწევდენ: აბრკოლებდენ მდიდარ ოსტატების ნამდილ კაპიტალისტებად გადაქცევას და ამგვარათ იცავედენ წერილ ოსტატებს დამოუკიდებელი კონკურენციისაგან.

შეგირდთა და ქარგალთა რიცხვის განსაზღვრა ჯერ კიდევ XIV საუკუნეში დაიწყო.

ასე, მაგალითად, კონსტანცას ბურგომისტრმა და თერძთა ამქრის ოსტატებმა 1386 წელს გამოსცეს დადგენილება, რომელშიაც ჩივოდენ, „რომ ზოგიერთ ოსტატს ბევრი მოსაძსახხურე ყავს, რაიც სხვებისათვის საზიანო და საშიშარია. ამიტომ ყოველ ოსტატს ეკრძალება 5 თანა შემწესა და 2 შეგირდზე მეტის დაქერა“.¹⁾

მე-XV საუკუნეში ამგვარმა განსაზღვრამ საყოველთაო ხასიათი მიიღო²⁾.

ეხლა ყოველ ქარგალს როდი შეეძლო დამოუკიდებლად გახდომა. მამულებში ბოლო მოელო ფეოდალურად დამოკიდებულ ხელოსნის სავალდებულო საბატონო სამუშევრებს; თავისუფალ ხელოსნობის სფეროშიაც სრულიად გაპქრა ან ჰქრებოდა მუშაობა შემკვეთლის სახლში. ეხლა ხელოსნები საკუთარს სახელოსნოებში ამუშავებდნენ საკუთარსავე ნედლ მასალას, ისინი სახლის მფლობელებიც იყენენ და ყოველივე საჭირო მასალა მათ თვითონ უნდა ეყიდნათ. საქმის წესიერი წარმოება ყველა ხელობაში ერთგვარ დამოუკიდებლობას მოითხოვდა. ამიერიდან ნივთიერი შეძლებულება წარმოადგენდა არა შედეგს, არამედ მიზნს დამოუკიდებელ ხელოსნურ წარმოებისათვის. საკვირველიც არ არის, რომ სულ უფრო იზრდებოდა იმ ქარგალთა რიცხვი, რომელთაც არ შეეძლოთ დამოუკიდებლობის მიღწევა და მთელი თავისი სიცოცხლე ქარგლებად უნდა დარჩენილიყვნენ.

¹⁾ G. Schanz. Zur Geschichte der deutschen Gabelnverbände Leipzig 1877, —გვ. 9.

²⁾ Schmoller, ხსენებული შრომა, გვ. 453. K. Blicher, op. cit., I, გვ. 607. K. Werner, Die urkundliche Geschichte der Iglauer Tuchmacherzunft, Leipzig 1861, გვ. 17, 29. F. Ruby, Das Iglauer Handwerk urkundlich dargestellt, Brunn 1887, გვ. 111.

მიუხედავად ამისა ოსტატობაში გამოსულ ქარგალთა რიცხვი მაინც უფრო სწრაფად მატულობდა, ვიდრე ოსტატებისათვის იყო სასურველი. ამიტომ ეკონომიურ განვითარების ტენდენციის დასახმარებლად ლებულობდნენ საკანონმდებლო ზომებსაც: ოსტატის წოდებაში ჩარიცხვა, რაიც ჯერ კიდევ მე-XIV საუკუნეში არავითარი პირობით არ იყო შეზღუდული, ეხლა სულ უფრო ბრკოლდებოდა. დაბრკოლებათა უმრავლესობა მე-XV საუკუნეში წარმოიშვა.

ოსტატად რომ გამხდარიყო, ქარგალს წინასწარ მოქალაქეობის უფლებები უნდა მიეღო ქალაქში; ამ პირობის შესრულების შემდეგ, ქარგალს ხშირად წლობით უნდა ემეცადინა, რომ ოსტატის უფლებები მიეღო.

ასე, მაგ., ულმის ფეიქართა 1403 წ. სტატუტში ნათქვამია: „მოქალაქეებს, რომელნიც ხუთი წლის განმავლობაში ცხოვრობენ ულმში, როგორც სახლის მფლობელნი, შეუძლიათ თავის შვილებს ქსოვის ხელობა შეასწავლონ და სწავლის დამთავრების შემდეგ იყიდონ მათთვის ამქარში შესვლის უფლება. ხოლო თუ უცხო ფეიქარს, სოფლიდან თუ სხვა ქალაქიდან მოსულს, სურს მიიღოს მოქალაქეობა, მან ხუთი წლის განმავლობაში არ უნდა იმუშავოს ფეიქარად და საამქრო უფლებების მიღება შეეძლება არა უადრეს ამ ვადისამაგრამ თუ საფეიქრო ხელობის ქარგალს ხუთი წელი უცხოვრია აქ ამას არავითარი მნიშვნელობა არ აქვს მისთვის, — საამქრო უფლებები მიეცემა მას მხოლოდ იმის შემდეგ, რაც ხუთი წლის განმავლობაში ის არ გებებს მოქალაქის უფლებებით“ (Schanz, op. cit. გვ. 8).

შემდეგი პირობა იყო შედეგის, სანიმუშო ნაწარმოების შექმნა. დამაკმაყოფილებელია თუ არა ეს ნაწარმოები, ამას რა თქმა უნდა ამქრის ოსტატები, მაშასადამე მომავალი კონკურენტები, სწყვეტდნენ. წინაპართა საკითხის შემოწმება ოსტატად მიღებისას, რასაკვირველია, უფრო მკაცრი იყო, ვიდრე შევირდათ მიღების დროს. ამის შემდეგ საჭირო იყო კიდევ დიდი თანხის შეტანა ამქარში მიღებისათვის და ოსტატებისათვის, ამქრელ ამხანაგებისათვის, ძვირფასი ნაღიმის, ბანკეტის გამართვა.

ყველა ამ მოთხოვნის შესრულება ქარგლისთვის ადვილი არ იყო. რომანტიკოს-ფანტაზიორებს სურთ დაგვარწმუნონ, რომ ამ ზომებს მიზნათ ქონდა მხოლოდ მომხმარებელთა ინტერესების დაცვა, თაედებობის შექმნა ნაწარმოებთა კარგი ღირსებისათვის. ნამდვილად კი ამგვარი მოსაზრება უმნიშვნელო როლს თამაშობდა. ეს ნათლად სჩანს დაინტერესებულ პირთა სხვადასხვა განცხა-

დებიდან. მაგალითად, მაუდის მწარმოებელთა ამქრის თხოვნაში ქიგლაუს საქალაქო საბჭოს სახელზე გარკვეულად არის განცხადებული, რომ ამქარი მოითხოვს შეგირდობის ვადის გაგრძელებას. 4 წლამდე, „რათა არავინ არ აღწევდეს ხელოსნობას ასე ადვილათ“ (K. Werner, Die urcundliche geschichte der Iglauer Tuchmacherzunft, ლეიპციგი, 1861, გვ. 30). მაინცის არქიების-კოპოზი 1597 წ. სხვადასხვა ქალაქის დაბალებსა და სირაჯებს ურჩევდა დაეწესებინათ შეგირდობისა და მოგზაურობის ხანგრძლივი ვადები, „რათა დაბალებმა და სირაჯებმა დაიცვან თავისი ხელობის აყვავებული მდგომარეობა და ნება არ მისცენ გამოუცდელ მჩიქნელებს წაჰკლიონ მათ ლუკმა პური“ (Stahl, op. cit., გვ. 40,41).

უნდა აღვნიშნოთ აგრეთვე, რომ ხსენებული დაბრკოლებანი სრულიად იხსენებოდა ან იმდენად შელავათიანდებოდა, რომ უბრალო ფორმალობად იქცეოდა, როდესაც ამქარში ოსტატის შვილი ან ოსტატის ქვრივთან ან ქალიშვილთან შეუღლებული პირი უნდა შესულიყო. მათ წინაშე საოცარის ძალით ჰქრებოდა მოკრძალებითი ზრუნვა „წოდებრივ ღირსების დაცვისათვის“. ყოველივე ეს მოხდა არა ამქართა „გადაგვარების“ ხანაში, როგორც ამქრულ წყობილების ენტუზიასტები გვიამბობენ. უკვე მე-XIV საუკუნეში ფრანკფურტის ყასბების და ბრემენის მეჩქემეთა ხელობები მხოლოდ ოსტატთა ქალ-ვაჟებისათვის იყო მისაწვდომი. (Schanz, op. cit., გვ. 14); კიდევ მეტიც, უკვე მე-XV საუკუნეში ვხვდებით ამქრებში შესვლის სრული აკრძალვის, ოსტატთა რიცხვის ერთჯერ და სამუდამო განსაზღვრის ცდებს. 1468 წელს ჰამბურგელმა მეთევზეებმა მიმართეს საბჭოს თხოვნით, რომ მათი რიცხვი 50-დან 40-მდე შემცირებულიყო; იქვე 1469 წ. ოქრომქედელთა რიცხვი განსაზღვრულ იქნა 12-ით, ვორმსში 1463 წ. სირაჯთა რიცხვი 44-ით განისაზღვრა. იმავე ხანაში ვხვდებით აგრეთვე მემკვიდრეობითს ოსტატობას.

ამ განსაზღვრის ზომებმა უწინარეს ყოვლისა ორი მნიშვნელოვანი შედეგი გამოიწვია: ერთის მხრით სოფლის მოსახლეობის პროლეტარიზაციის შედეგები გაამწვავა და ამქრულ ორგანიზაციის გარეშე მდგომი პროლეტარიატის ზრდა დააჩქარა; მეორეს მხრით კი თვით საამქრო ხელოსნობაში ანტაგონიზმი შექმნა ოსტატებსა და ქარგლებს შორის. ქარგალთა რიცხვთან შედარებით ოსტატთა რიცხვი სულ უფრო ნაკლები ხდებოდა; სულ მეტის სიმკაცრით იღვევებოდნენ „მკონკველნი“ და „ბრიყვები“ ე. ი. ისინი, ვინც ცდილობდა ამქარში შეუსვლელად მოეპოვა დამოუკიდებლობა, იკრძალებოდა ხელოსნობა ქალაქ გარეთა გარეუბნებში, და ცოტა

თუ ბევრად დაშორებულ სოფლებში, ზოგჯერ ქალაქიდან მრავალ მილის მანძილზე, უფრო ხშირად კი ერთ მილის სიშორეზე ქალაქის გარშემო (ეგრე წოდებული Bannmeile) ცვიკაუში, მაგალითად, 1500წ. დადგენილი იყო, რომ სელის მქსოველნი არ უნდა დასახლებულიყვნენ ქალაქის გარშემო „აკრძალულ სივრცეზე“, გარდა დიდი სოფლებისა, სადაც თითო ხელოსანს შეეძლო ეცხოვრა. ამის მზგავსივე შემზღუდველი დადგენილებანი გამოიცა 1421 და 1492 წლებში. ცხადია, ეს ზომები წინააღმდეგობას იწვევდა (E. Herzog, Chronik der Kreisstadt zwickau, ცვიკაუ 1845 წ., ტ. II გვ. 154, 162), გაათვრებულ ბრძოლას აჩალებდა ქალაქის ამქრელ ოსტატებსა და გარეშე მდგომ სოფლელ და გარეუბნელ ხელოსანთა შორის; მათ შორის ჩამოვარდნილმა ანტაგონიზმმა თავისი კვალი გლახთა ომებსაც დააჩნია. იმ დროს, როდესაც სოფლის მოსახლეობა მასსობით ილტვოდა ქალაქებისაკენ და ქარგლად დადგომის მსურველთა რიცხვი სულ მატულობდა, სწორეთ ამ დროს ქარგლებს სულ უფრო უძნელდებოდათ ოსტატობის მიღება ან დამოუკიდებლობის მოპოება ამქრულ ორგანიზაციის გარეშე. იმათი რიცხვი, ვისაც წილად ხვდა მთელი სიცოცხლე ქარგლად ყოფნა, შეუჩერებლივ იზრდებოდა; შეგირდობიდან ოსტატობაზე გადასვლის უბრალო საფეხურის ნაცვლად ქარგლობა მრავალ ხელოსან მუშაკისათვის სამუდამო მდგომარეობად გადაიქცა. ქარგალმა მალე შეიგნო, რომ ის მომავალი ოსტატი კი არ არის, არამედ კაცი რომელსაც ოსტატი ყვლეფს; მისი ინტერესები სულ უფრო ხშირად ეჯახებოდა ოსტატის ინტერესებს.

V. ბრძოლა ქარგლებსა და ოსტატებს შორის.

ანტაგონიზმი ოსტატებსა და ქარგლებს შორის განსაკუთრებით საშუალო საუკუნეთა მიწურულში გამწვავდა. სანამ მთავარი მუშაკი ოსტატი იყო, რომელიც მხოლოდ უკიდურეს შემთხვევაში იწვევდა თანაშემწეს, მას არ ქონდა განსაკუთრებული სტიმული სამუშაო დროის გაგრძელებისათვის: გრძელი სამუშაო დღე უმთავრესად თვით ოსტატისთვის იყო საზიანო. ქარგალი მასთან ერთად ქამდა ერთ სუფრაზე: არ ღირდა ერთი ქარგლისთვის ცალკე საჭმელის მზადება. ქარგათ ცხოვრობდა ოსტატი, და მასთან ერთად, ქარგალიც. ორივეს თითქმის ერთი და იგივე ინტერესები ქონდათ. გარდა ამისა საქონლის მწარმოებელ საზოგადოების ადრინდელ ხანაში ფულადი ხელფასი უმნიშვნელო როლს თამაშობდა, ოსტატი და ქარგალი ხშირად პირდაპირ იყოფდნენ თავის შრომის შემოსავალს.

სტრასსბურგის ფეიქრებს ჩვეულებად ქონდათ, რომ ქარგალი მუშაობდა ოსტატთან მესამე ან მეორე პუნენიგის ფასად, ე. ი. იღებდა შემოსავლის მესამედს ან ნახევარს. (Schmoller, op. cit., გვ 416). იგივე გვხვდება ქ. ულშშიაც, ოქრომკედელთა 1364. წ. წესდებაში. (Stahl, op. cit., გვ. 332).

ასეთ პირობებში იშვიათი იყო ისეთი შეხლა-შემოხლა, რომელსაც წმინდა პირადი ხასიათი არ ქონოდა. და კლასობრივ წინააღმდეგობით ყოფილიყო გამოწვეული.

ყოველივე ეს იცვლებოდა იმისდამიხედვით, რამდენადაც იზრდებოდა ქარგალთა რიცხვი თვითეულ სახელოსნო წარმოებაში. ოთხი ან ხუთი ქარგლის მუშაობის მეთვალყურეობა ისე ადვილი აღარ არის, როგორც ერთისა. მთავარ მუშიდან ოსტატი თანდათან ზედამხედველად გადაიქცა, რომელიც ცდილობდა რაც შეიძლება მეტი შრომა გამოეწურა ქარგლებიდან. რამდენადაც ქარგლებისათვის იზრდებოდა შრომის სიმძიმე, იმდენად ოსტატისათვის იგი მსუბუქდებოდა. თუ მეურნეობაში ძალიან ბევრი ქარგალი მუშაობდა, მარტო მათი შრომა კმაროდა არა მარტო თვით ქარგალთა შენახვისათვის, არამედ იმისთვისაც, რომ ოსტატს კარგი შემოსავალი ქონოდა. ხანდახან დატუქსის შრომაც მეტად მძიმე ხდებოდა ოსტატისათვის და ამ მოვალეობას იგი საცალო ხელფასის შემოღებით იხსნიდა; ეს სისტემა მე-XIV საუკუნის დამლევებიდან განვითარდა და, როგორც ჩანს, განსაკუთრებული პროგრესი საფეიქრო ხელობაში გამოიჩინა.¹⁾ უკვე მე-XV საუკუნეში ხანდახან საჭირო გამხდარა აკრძალვა ამ წესის, რომლის საშუალებით ოსტატი თავს იხსნიდა მუშაობისაგან.

რაც უფრო ნაკლებ მონაწილეობას იღებდა ოსტატი მუშაობაში, მით უფრო ცდილობდა იგი, რომ ქარგლებს მისთვის ზედმეტი ღირებულება შეექმნათ, მით უფრო უნდოდა მათი სამუშაო დროის გაგრძელება. მუშაობის ხანგრძლივობა დღეში, შეიძლება ვიფიქროთ, ღიდათ არ მერყეობდა; სამაგიეროთ დაჟინებით ცდილობდნენ გაეუქმებიათ ორშაბათობა და სამუშაო დღეებათ გაეხადათ მრავალი დღესასწაული და თვით კვირა-დღეები:

1522 წ., გლეხთა ომის დაწყების წინ, ჰერცოგ ჰენრიხმა გამოსცა საქსონიაში სასტიკი დადგენილება, რომლითაც კრძალვდა მუშაობას დღესასწაულებში, მაგრამ იმავე დადგენილებაში აცხადებდა, რომ ქარგლებს არ ეკადრებათ „თავისუფალი“ ან „კეთილი ორშაბათის“ მართვა. (C. W. Hering, geschichte des sächsischen

¹⁾ Schanz, Gesellenverbände, გვ. 109.

Hochlandes, ლეიპციგი 1828 წ. ტ. II, გვ. 31). 1503 წ., როდესაც ვენელში თერძთა ქარგლები გაიფიცენ, ბურგომისტრმა ამქრის კამერაში განაცხადა, რომ თერძთა ქარგლები — მოუსვენარი ხალხია, მაგრამ „ოსტატებსაც დიდი დანაშაული მიუძღვით, რადგან არ სურთ დღეში სამჯერ რიგიანად ჰკვებონ ქარგლები, რასაც უკანასკნელნი სამართლიანად მოითხოვენ, და ძალიან დიდი მუშაობით ტვირთავენ მათ“. ბურგომისტრი სასჯელით დაემუქრა ოსტატებს, თუ ისინი მომავალშიც ამუშავენ ქარგლებს „კვირა დღეებში და დღესასწაულებში“ დილიდან წირვამდე, თმით ათრევენ და სცემენ ქარგლებს“. ბურგომისტრის სიტყვა აღნიშნულია იანსენის მიერ, მაგრამ ვერ ეხამება ეს სიტყვა მის ამქრულ იდილს!

მუშაობის სიმძიმის გადიდებასთან ერთად ძლიერდებოდა მისწრაფება ქარგალთა კვების გაუარესებისა და ხელფასის შემცირებისაკენ. როცა ოთხი-ხუთი ქარგალი და ორი ან მეტი შეგირდი ხდება სარჩენალი, მაშინ მათთვის ცალკე საქმელის მზადება უფრო ხელსაყრელია. მათი სარჩოდან ცოტა რამეს „გამორჩენა“ შეიძლება ისე, რომ ოსტატის ოჯახის სარჩოს არაფერი დააკლდეს. ქარგლის მკიდრო კავშირი ოსტატის ოჯახთან, რაშიაც იანსენი და მისი აზრთა მოზიარენი ამდენ სინაზესა და გულკეთილობას ხედავენ, ქარგალთა ექსპლოატაციის საშუალებად გადაიქცა.

ცხადია, „მომქირნი“ ოსტატები ფულად ხელფასის შეკვეცას კიდევ უფრო შეეცდებოდნენ, ვიდრე სარჩოსა.

ხელფასის შეკვეცის ცდა, დანარჩენ თანასწორ პირობებში, მით უფრო ძლიერი იყო, რაც მეტი იყო, დაქირავებულ მუშათა რიცხვი. როდესაც მხოლოდ ერთი მუშა, დაქირავებული, ოსტატისთვის მაინც და მაინც დიდი მნიშვნელობა არ აქვს ორი კაპიციტ მეტს თუ ნაკლებს გადაიხდის დღეში; მაგრამ თუ ის ასი მუშის ექსპლოატაციას ეწევა, განსხვავება დღეში 2 მანეთს შეადგენს, ხოლო წელიწადში კი რამოდენიმე ასეულამდე გაიზრდება. მცირე მამულებით პირობის გაღვინა უკვე საშუალო საუკუნეების მიწურულში გამოაშკარავდა. რა თქმა უნდა, ჯერ შორს იყო ის დრო, როცა მრეწველი ასეულ მუშას ქირაობდა. ექვსი — შვიდი ქარგლის დაქირავებით ოსტატი, საერთოთ რომ ეთქვათ, უკვე ფრიად საგრძნობად სცილდებოდა ჩვეულებრივს და ნებადართულ ნორმას. მაგრამ ესეც საკმარისი იყო იმისთვის, რომ მისწრაფება ხელფასის შეკვეცისაკენ ეხლა უფრო ძლიერი ყოფილიყო, ვიდრე მაშინ როდესაც ხელოსნობა ჯერ არ „ყვაოდა“ და როდესაც, საზოგადოთ, ხელოსანთა მეტად მცირე რიცხვს შეეძლო ერთი ქარგლის დაქირავებაც.

იმავე დროს ძლიერდებოდა, განსაკუთრებით გერმანიაში ფასების რევოლუციის გამო, ქარგალთა მისწრაფებაც ხელფასის გადიდებისაკენ: ფასების ხსენებული რევოლუცია მე-XV საუკუნეში დაიწყო ვერცხლისა და ოქროს ამოღების სწრაფი ზრდის გამო. ეს რევოლუცია წინამორბედი იყო მეორე, გაცილებით უფრო მძლავრი ფასთა რევოლუციისა, რომელიც ამერიკის ოქრო-ვერცხლის აღმოჩენამ გამოიწვია XVI საუკუნეში და რომელიც მთელს განათლებულ ევროპას მოედო. კეთილშობილ ლითონების წარმოებაში მომხდარ გადატრიალების გარდა, ფასების ზრდაზე გავლენა იქონია აგრეთვე საეკონომიკურ საზოგადოებათა მონოპოლიამ. ამავე დროს ყველა წოდებაში და, სხვათა შორის ხელოსან ოსტატებშიაც, იზრდებოდა ფუფუნება და მოთხოვნილებანი. საკვირველიც არ არის, რომ ქარგლები, რომელნიც ოსტატებთან ერთად ცხოვრობდნენ და ცოტა ხნის წინეთ ოსტატთა სწორად მიაჩნდათ თავი, ცდილობდნენ აემალლებიათ თავისი ცხოვრების დონე.

ხელფასის საკითხები მე-XV საუკუნეში და მე-XVI საუკუნის დამდეგში სულ უფრო ამწვავებდა ოსტატთა და ქარგალთა ანტაგონიზმს.

ამან, ჩვენ მიერ აღნიშნულ სხვა წინააღმდეგობებთან დაკავშირებით გამოიწვია ის, რომ უკვე მე-XIV საუკუნეში დაწყებული ბრძოლა ოსტატებსა და ქარგლებს შორის სულ უფრო მკაცრ ხასიათს იღებდა, რაც უფრო მე-XVI საუკუნეს უახლოვდებოდა.

ჩენი რომანტიკოსები და საამქრო წყობილების მოტრფიალენი სიამოვნებით აღარებენ ხოლმე კაპიტალისტურ მრეწველობასთან ამქრულ ხელოსნობას, როგორც ისეთ წარმოების წესს, რომელიც ნამდვილი ელდორადო იყო მუშებისათვის და რომელმაც არ იცოდა კლასობრივი სიძულელი. მხოლოდ კაპიტალიზმმა ანუ, როგორც ნახევრად-აზიატები იტყვიან ხოლმე, „ებრაელობამ“ განდევნა „ეთიკა“ ეკონომიურ ცხოვრებიდან და დასთესა კლასობრივი სიძულელის დრაკონისებური სამკალი. მაგრამ მიწათმფლობელნი და ამქრის ოსტატები ჯერ კიდევ XIV და XV საუკუნეებში ძალიან შორს იყვნენ წინაკაპიტალისტური ხანის სახელგანთქმულ უმანკოებისაგან; შემდეგი საუკუნეები კი სჯობს სულ არ ვახსენოთ, რადგან ამ ეპოქაში, როგორც რომანტიკოსები ამბობენ, უკვე გამოქვდა კაპიტალისტური ცოდვის შედეგები. ნამდვილად კი უკვე ხელოსნობის „აყვავებული მდგომარეობა“ დაქირავებულ მუშათა ექსპლოატაციას ემყარებოდა და გააფთრებულ კლასობრივ ბრძოლას ჰბადებდა.

შ ა ნ ც ი, თავის საუცხოვო წიგნში, რომლითაც, სასტიკათ

დაამარცხა ქარგალთა მდგომარეობის „ეთიკურად“ შემამკობელი „ისტორიული“ სკოლა, სრულიად სამართლიანად ამბობს შემდეგს:

„საქიროა ჩაუფიქრდეს კაცი ამ ფაქტს (შრომის დაუნდობელ ექსპლოატაციას), როდესაც, შენბერგის მზგავსათ („Zunftwesen“-ში, გვ. 76), ლაპარაკობენ მრეწველ მუშათა დიად წარმატებაზე და ხელოსანთა საყოველთაო კეთილდღეობაზე მე-XIV და მე-XV საუკუნეებში; ეს იმიტომ რომ, უეკველია, ამ კეთილდღეობისთვის ოსტატები უმთავრესად ქარგალთა შრომის ნაწილობრივ მითვისებას უნდა უმადლოდენ, მაშინ როდესაც ქარგლები მთელი თავისი ქაპან-წყვეტის მიუხედავთ, მულამ შიშით შეჰყურებდენ თავის მომაეალს“ (Gesellenverbände, გვ. 21).

თუმცა ამქრები თავის თავადაც ძლიერი იყენენ და თვითონ ამაყობდენ თავისი დამოუკიდებლობით, მათ არ სცხვენოდათ „სახელმწიფოს დახმარებით“ სარგებლობა ქარგალთა დასამორჩილებლად. უკვე მე-XV საუკუნეში (ინგლისში კი მე-XIV საუკუნეშიაც) საქალაქო ხელის უფლება, ქალაქთა საბჭოები და, თუ ქალაქებს ჯერ არ ქონდა მოპოებული თავისუფლება,—მათი სიუზერენები ხ ე ლ ფ ა ს ი ს ნ ი ხ რ ე ბ ს აწესებდენ. იმავე ხანაში ამგვარივე ნიხრები წესდებოდა მთელს ქვეყანაში, როგორც ხელოსანთა, ისე სოფლის მუშებისთვისაც. ჩვენ მოვიყვანთ მხოლოდ ერთ ნიხრს. მისი შესავალი ნაწილი ფრიად დამახასიათებელია. ეს ნიხრი შეადგენდა ჰერცოგ ერნესტისა და ალბერტის მიერ საქსონიისათვის 1482 წელს გამოცემულ „საერობო წესდების“ (Landesordnung) ერთ ნაწილს. იქ ნათქვამია შემდეგი: „პრელატების, სენიორების, რაინდებისა და ქალაქებისაგან მოგედის მრავალი საჩივარი იმის შესახებ, რომ ჩვენი ქვეშევრდომნი დიდს ზნედაცემულებას, უილაჯობასა და გარყვნილებას იჩენენ, რაიც მომდინარეობს მძიმე წონიან მონეთის გავლენისაგან, მსახურთა და ხელოსანთა არაზომიერ ხელფასისაგან და ყველა წოდებაში საქმელ-სასმელისა და ჩაცმა-დახურვის ხარჯთა ზრდისაგან, ხოლო ქალაქებში განსაკუთრებით იმისაგან, რომ მოქალაქეთა მოსაქმეობაში,—ალაოს წარმოებაში, ლუდის გამოხდაში და ლუდით ეაქრობაში, რაიც მათი სარჩო-საბადებლის უმთავრეს წყაროს შეადგენს, მოქალაქეებს ეცილება ზოგიერთი პრელატი, აზნაური და სოფლის ხელოსანი, რომელნიც ხელს ჰკიდებენ ამავე საქმეებს¹⁾;

¹⁾ მაშასადამე, საქსონიის აზნაურობას უკვე მაშინ დაუწყია თავისი შემოსავლის გადიდება სოფლის მრეწველობის საშუალებით. ლუდის გამოხდას შესდგოია, რადკან მაშინ ჯერ არ იყო ცნობილი კარტოფილის არაყი.

ეს მათ არ შეჰფერის, ასე არ უნდა ხდებოდეს, ძველათაც ჩვეულებად არ ყოფილა. ამის გამო, ჩვენი ღრმა მოსაზრებით, უწინარეს ყოვლისა საჭიროა წონა-დაკლებულ წვრილი მონეტების მოჭრა და გამოცემა მსახურთა და ხელოსანთა ხელფასის გასასტუმრებლად. ¹⁾ შემდეგ, არაინ არ უნდა აკმევედეს მომავალში თავის მოჯამაგირეებს სხვა ტანისამოსს, გარდა ქვეყნის შიგნით დამზადებულისა; საშარვლე მაუდის, ქუდების, საყელოებისა და ჟილეტების გარდა, ყველას შეუძლია იყიდოს იმ ღირსების ტანისამოსი, რომელიც მას მოესურვება. ხოლო თუ მეურნე ან აზნაური თავის მოჯამაგირეებს აძლევს არა ტანისამოსს და ფეხსაცმელს, არამედ ფულს, მაშინ გამოცდილ მოჯამაგირეს უნდა აძლიოს 300 და მეჯინიბეს 240 ახალი გროში“. ამის შემდეგ ჯერი მოდის სოფლად ხელფასის დაწესებისა. „მუშას 9 გროში სანოვაგით ან 16 გროში უსანოვაგოთ. ხელოსანთა მოჯამაგირეებს სადილად და ვახშმად—მხოლოდ ოთხი თავი საქმელი: სახსნილო დღეს—წვენი, ორი თავი ხორცის და ერთიც ბოსტნეულისა; პარასკევს და სხვა დღეებში, როდესაც ხორცეულს არ სჭამენ,—წვენი, ახალი ან ხმელი თევზის საქმელი და ორი თავი ბოსტნეულისა; ხოლო მარხვის დროს—ხუთი თავი,—წვენი, ორი თავი თევზეულისა და ორიც ბოსტნეულის და გარდა ამისა კიდევ 18 გროში, უბრალო ხელოსნებს კი 14 გროში ხელფასი კვირაში; უკეთეს ეს პირნი საკუთარი სანოვაგით სარგებლობენ, მაშინ მკრიალებელთ ერგება არა უმეტეს 27 გროშისა, ხოლო კალატოზებსა და სხვას—არა უმეტეს 23 გროშისა კვირაში“ ²⁾.

ორთქლისა და ელექტრონის საუკუნეში რომელ მუშას არ გაუხსნის მადას „შავბნელ“ საუკუნეების ბოლოში შემოღებულ ამ იძულებითი „მარხვების“ წარმოდგენა? ხელფასის და სანოვაგის განსაზღვრა ხელის უფალთა განკარგულებით, რასაკვირველია, ისეთი ფაქტია, რომლიდანაც იანსენი და კომპანია დიდის ამბით დაასკვნინან: აი, რა ბედნიერად და ხალვათად ცხოვრობდნენ მუშები კაპიტალიზმის წინა ხანაშიო.

ყოველ შემთხვევაში ეს დადგენილებები აქარწყლებენ იმ ლიბერალურ ლეგენდას, რომ თანამედროვე ცივილიზაციამ გააბედნიერა

¹⁾ ამ უბრალო საშუალებას, რომლითაც სიუზერენები მეზობს ატყუებდნენ ხელფასის გასტუმრების დროს. შეუძლია შური და მოკრძალებული გაკვირვება გამოიწვიოს მრავალ თანამედროვე ბიმეტალისტში.

²⁾ Hunger, Geschichte der Abgaben, გვ. 22. შეადარეთ ფრეიბურგის საბჭოს მიერ ხელოსნებისათვის გამოცემული (1475 წ.) ხელფასის ნიშნები.—Herzig, Geschichte des sächsischen Hochlandes ტ. II, გვ. 17.

პროლეტარები, მაგრამ ის სრულიად არ ამტკიცებს იმას, რომ სა-
შუალ-საუკუნეების დაქირავებული მუშა განსაკუთრებულ კმაყოფილე-
ბას განიცდიდა. რომელიმე კლასის ცხოვრების პირობათა შესწავლა
სხვა კლასებისაგან განყენებით საკმარისი არ არის მისი მდგომარეობის
გასაგებათ. ამისთვის საჭიროა იგი სხვა კლასების მდგომარეობასთან
და იმ დროის საერთო მოთხოვნილებებთან
შედაროთ. ჩვენს დროში საზოგადოთ არ იცვამენ ისე მდიდრად, გან-
საკუთრებით მამაკაცები, და იმდენს არ ჰამენ, როგორც იმ დროს.
1482 წლის საერობო წესდებით დაწესებული სადილი და ვახშამი
ძალიან უხვად გვეჩვენება ჩვენ. მაგრამ იმ აუარებელ საქმელ-სასმელ-
თან შედარებით, რომელსაც მაშინ ჩვეულებრივ ნთქავდენ, იგი მცი-
რედით იყო რამოდენიმედ.

საშუალო საუკუნეებში საზოგადოთ ბევრს ზრუნავდენ საქმელ-
სასმელის ღირსებასა და სიუხვეზე.

ჩვენამდე მოსულ მრავალ მაგალითიდან მოვიყვანთ მხოლოდ ზო-
გიერთს. 1246 წ. დუნაიზე ვენის ახლო გაიმართა ზეიმი ოტტოკარ
ჰეიმის მე-II-ის ძმისწულის, კუნიგუნდისა და ჰუნგრელი პრინცის,
ბელას დაქორწინების გამო; ამ შემთხვევის გამო „ავსტრიიდან,
შტირიიდან და მორავიიდან ჩამოტანილ იქნა წარმოდგენლად დი-
დი რაოდენობა ყოველგვარი სანოვაგისა; დატვირთეს ხუთი დიდი
ზინი თივისა, თითო უდიდესი ეკლესიის ოდენა, მსხვილი და წვრი-
ლი კარგად ნასუქი საქონლით მოფენილი იყო მთელი კუნძული დუ-
ნაისა და ახლო-მახლო მინდერები; განსაკუთრებით მრავალი იყო გა-
რეული და შინაური ფრინველი; შეძდეგ, 1.000-მდე მუტი ხოძალი
პურის გამოსაცხობათ და ღვინო იმდენი, რომ ორი პროცენტის მო-
სახლეობას ეყოფოდა მრავალი დღის განმავლობაში“. (L. Palacky,
Geschichte von Böhmen, პრაგა 1866 წ. ტ. II, გვ. 188). ეს მოგვა-
გონებს რაბლეს მიერ აღწერილ ნადიმებს. 1561 წ. ვილჰელმ ორა-
ნელის ქორწილზე დაუხარჯავთ: 4000 შეფელი ხორბალი, 8000 შე-
ფელი ქვავი, 13000 შეფელი შერია, 3600 ედრა ღვინო, 1.600 კასრა
ლუდი. ალბრეხტ ბავარიელის მოსაგონებელ დიდებულ ალაჰზე 1509 წ.
23 ნაირი საქმელი იყო. 1569 წ. (ჰელმშტედტის ახლო) ერთი
პროტესტანტიზმში გადასულ აბბატის ქორწილზე 110 კაცმა
შეკამა: 2 ხარი, 3 ღორი, 10 ხბო, 10 ბატკანი, 60 ქათამი, 120
ქანარი, 10 ქარიულაპია, ერთი კასრა ქაბაყი, მეოთხედი ტონა ერბო,
600 კვერცხი, ორი თავი ყველი და სხვა.

როცა გვინდა ამა თუ იმ კლასის მდგომარეობა გავიგოთ, სა-
კმაო როდია მისი უბრალო შედარება იმავე ხანის სხვა კლასების

მდგომარეობასთან. საზოგადოებას უფრო განვითარების მიმართ უღლებ ახასიათებს, ვიდრე მისი მდგომარეობა ერთს გარკვეულ მომენტში. უკმაყოფილებას ჩვეულებრივად გაჭირვება კი არ იწვევს თავის თავად, არამედ ისეთი 'გაჭირვება, რომელიც ამდაბლებს კაცს მაშინ, როცა სხვები მაღლდებიან და უფრო შეძლებული ხდებიან. რაც უფრო ჩქარია განვითარება, მით უფრო საგრძნობი ხდება მისი მიმართულება, მით უფრო ენერგიულად ეწინააღმდეგებიან მას ჩაგრულნი, მით უფრო მკაცრია საზოგადოებრივი კონფლიქტები. საფრანგეთის რევოლუციის წინ სილატაკე გერმანიაში მეტი იყო, ვიდრე საფრანგეთში, მაგრამ მიუხედავად ამისა საზოგადოებრივ წყობილების გადატრიალების გამოსავალი პუნქტი სწორეთ საფრანგეთი გახდა, რადგან აქ ეკონომიური განვითარება უფრო სწრაფად მიმდინარეობდა. 1870 წლიდან მოყოლებული, ევროპის ყველა სახელმწიფოებთან შედარებით, საზოგადოებრივი განვითარება უდიდესი სისწრაფით გერმანიაში, მიმდინარეობდა; და სწორეთ გერმანიაში და არა ინგლისში, ყველაზე უფრო სწრაფად ვითარდება სოციალ-დემოკრატიული მოძრაობა. რასაკვირველია, ინგლისში სოციალური წინააღმდეგობანი გაცილებით უფრო ღრმაა; მაგრამ უკვე რამოდენიმე ათეული წელია, რაც ეს წინააღმდეგობანი ინგლისში შედარებით ნელა იზრდება. ამჟამად უდიდესი სისწრაფით ეკონომიური განვითარება მიმდინარეობს ამერიკის შეერთებულ შტატებში და ამიტომ შესაძლებელია, რომ ათი-ოცი წლის შემდეგ სოციალისტურ მოძრაობის სიმძიმის ცენტრი შეერთებულ შტატებში გადავიდეს, თუმცა მუშათა მდგომარეობა იქ საერთოთ უკეთესია, ვიდრე რომელიმე სხვა ქვეყანაში.

კულტურის ისტორიკოსები ძალიან ცოტას გვეუბნებიან განვითარების შესახებ. ჩვენი ლიბერალი ისტორიკოსები შეუვალი რწმენით უმტკიცებენ მშრომელ მასსებს, რომ მათ სრული საფუძველი აქვთ ბედნიერად ჩასთვალონ თავი, რადგან მანქანების წყალობით მათ შეუძლიათ ისეთი ფუფუნების საგნები შეიძინონ, როგორც ჩულები და ცხვირსახოცები, რასაც წინეთ უძლიერეს ხელმწიფეებსაც არ ქონდათ. კონსერვატორები კი გვირდგენენ მე-XV ან მე-XVI საუკუნის მენიუს, ხელფასის ნიხრებსა და წესდებებს ტანსაცმლის შესახებ და გვეუბნებიან: ასე ბედნიერი იყვნენ მუშები: და გლახები ძველს კეთილს დროში, როცა ჰყვავოდა საამქრო წყობილება და ეკლესია ბატონობდა საზოგადოებრივ ცხოვრებაზე. მაგრამ სულ სხვა სურათი გამოვიდოდა, ლიბერალ და კონსერვატორ ისტორიკოსებს რომ ჩვენთვის ის წარმოედგინათ, თუ რა მიმართულებით

ვითარდება საზოგადოება ეხლა და რა მიმართულებით ვითარდებოდა იგი 400 წლის წინეთ. მაშინ მათ უნდა ეთქვათ, რომ იმ დროსაც და ეხლაც ექსპლოატატორი კლასების მისწრაფება იყო დაემდაბლებიათ და სილატაკეში მოექციათ მუშათა მასსები. რა თქმა უნდა, მშრომელ კლასთა ზოგიერთი ნაწილი, განსაკუთრებით ხელსაყრელ პირობებში მყოფი, მაშინ ისევე, როგორც ეხლა, ხანდახან არათუ ახერხებდა ამ მისწრაფების დამქვეითებელი გავლენის შეჩერებას, არამედ აუწჯობესებდა კიდევ თავის შრომის და ცხოვრების პირობებს. მაგრამ მშრომელთა ცხოვრების პირობები მაინც გაცილებით ნაკლებათ უმჯობესდებოდა, ვიდრე ექსპლოატატორ კლასების, სამღვდლოების, უმაღლესი თავად აზნაურობის, ვაჰრებისა და ხელოსნების, — ცხოვრების პირობები. მშრომელთა წილი თავის შრომის პროდუქტში და კულტურულ მონაგარში სულ უფრო მცირე ხდებოდა.

მწვადებისა და ხავერდის ტანისამოსის მიუხედავათ, ხელოსან ქარგლებს არ ემჩნეოდათ არც „აყვავება, შეძლებულება და პოენიერება“ და არც ის „შურისა და გულძვირობის უქონლობა მაღლა მდგომთა მიმართ“, ის წყნარი კმაყოფილება, რომელზედაც მოგვიტხრობს იანსენი: ჩვენ ეხედავთ, პირიქით, სრულიად წინააღმდეგს ყოველივე ამისა.

VI. ქარგალთა კავშირები.

ფართო მასსების ბრძოლა, მაშასადამე, კლასსობრივი ბრძოლაც შეუძლებელია ორგანიზაციის გარეშე. გარემოება ქარგლებისაგანაც მოითხოვდა ორგანიზაციის შექმნას.

იგი მათთვის მით უფრო აუცილებელი იყო, რაც უფრო სისხლის მღვრელი ხდებოდა მათი კლასსობრივი ბრძოლა. უკვე 1385 წ. დანციგში გაფიცულ ქარგლებს ყურები მოჰკვეთეს. (Schmoller, op. cit., გვ. 453) იანსენი არაფერს არ გვიამბობს ამგვარ საგნებზე. ასეთი რამ მის იდილიებს არ ეხამება. მაგრამ ეს ხომ მაშინ ხდებოდა, როდესაც ამქრის წევრები ჯერ კეთილი კათოლიკენი იყვნენ, მოყვასისადმი სიყვარულის“ ქრისტიანული სულით აღსაყენი. ქარგალთა პირველი გაერთიანებანი დროებით ხასიათს ატარებდა და ჩვეულებრივად დროებითი მიზნების მისაღწევად არსდებოდა. პირველი ამგვარი კავშირი, რომელსაც ჩვენ ვიცნობთ, შესდგა გერმანიაში 1329 წელს: აშურმის მკეთებელ ქარგლებს ბრესლავში გადაუწყვეტიათ დაეწყათ გაფიცვა და არ ემუშავათ ერთი წლის განმავლობაში (Stahl, op. cit. გვ. 390).

მაგრამ ამაზე ცოტა უფრო გვიან ვხედებით ქარგალთა უფრო მკვიდრ ორგანიზაციებს.

სწორეთ იმ პირობებში, რომლებიც ხელოსან ქარგლებს ქალაქებისაკენ იზიდვდა, ნიადაგი მოუმზადა კავშირთა ორგანიზაციას და გავლენა მოახდინა ამ კავშირთა ხასიათზე. საშუალო საუკუნეებში ხალხის თავმოყრის შემთხვევას იძლეოდა სამიკიტნო და ეკლესია, ხანდახან კიდევ ომი. ზოგიერთი საერო ხასიათის საზოგადოება ამნაირად არსდებოდა: ხელოსანი ოსტატები თავისუფლდებოდნენ სამხედრო სამსახურისაგან და თავის მაგიერ გზავნიდნენ ქარგლებს, რომელნიც ამისთვის ჯილდოს იღებდნენ ამქრის სალაროდან. ქარგლები თავის სამხედრო ორგანიზაციას მშვიდობიან დროშიაც ინახავდნენ. მაგრამ ჩვენამდე არ შენახულა ორგანიზაციების ამგვარად წარმოშობის დამამტკიცებელი საბუთები.

ქარგალთა ორგანიზაციების უფრო გავრცელებულ ფორმას წარმოადგენთა საეკლესიო ძმათა კავშირები და სამიკიტნოებთან აღმოცენებული ორგანიზაციები. ძმათა კავშირებს უმთავრესად ურთიერთ-დახმარების საქმე ეკისრებოდა, სამიკიტნოები კი წარმოადგენდა ოსტატებისა და ხელის უფლების წინააღმდეგ ბრძოლის კერებს. მაგრამ ორივე სახის კავშირთა ფუნქციები ერთმანეთისაგან სწორად გამიჯნული არ იყო და საეკლესიო ძმათა კავშირები ხშირად ბრძოლისათვის საჭირო კასების როლს ასრულებდნენ.

ქარგალთა პირველ ძმათა კავშირებს გერმანიაში ვხედებით ფეიქრებთან, — XV საუკუნის დასაწყისში ან, შეიძლება, XIV საუკუნის დამლევიამაც. უკვე 1389 წ. შპეიერში ვხედებით სალაროს გამგეს თანამდებობას ფეიქარ-ქარგლებში, ეს კი გულისხმობს ურთიერთ დახმარების სალაროს არსებობას. 1402 წ. ფეიქარ-ქარგლებს ულმში დაარსებული ქონდათ ძმათა კავშირი, რომელსაც ჰოსპიტალში ორი საწოლი ეპირა უღარიბეს ქარგლებისათვის და გარდა ამისა დასაფლავების კასა დაუარსებია.

ამ ძმათა კავშირების დასახასიათებლად ჩვენ მოვიყვანთ რამოდენიმე მუხლს სტრასბურგის ტილოს ფეიქარ ქარგლების წესდებიდან, რომელიც დამტკიცებულ იქნა 1479 წ. ამ მუხლებში ნათქვამია (Schmoller, op. cit., გვ. 93):

„ჩვენს ჰანს გერბოტტი, ოსტატი, და საფეიქრო ხელობიდან ხუთი არჩეულნი, ვაცხადებთ ყველას საყურადღებოთ, ვინც კი ამას დაინახავს და წაიკითხავს, რომ ჩვენთან გამოცხადდენ პატივცემულნი

ჰანს ბლენინგი და მარტინ შუსტერი ვისტორიანიდან, — მოლარენი სტრასბურგის სელის მქსოველ ქარგალთა; წარმოგვიდგინეს ქვემოთ აღნიშნული პუნქტები, მუხლები და დადგენილებანი, და გამოსთქვეს სურვილი, რომ ისინი დამტკიცებულ იქნენ“...

„მქსოველი ქარგლები სამუდამოთ აარსებენ ძმათა კავშირს სტრასბურგის დიდ ჰოსპიტალთან და არსად სხვაგან; იქ უნდა დარჩეს ის მომავალშიაც. ყოველ ნახევარ წელიწადში ირჩევენ თავისთვის ორ მოლარეს: ორს — შობის დღესასწაულში და მათ მონაცვლე ორ ახალს — სული წმინდის მოფენის დღეს. დანიშვნის შემდეგ მოლარეებმა მათ ფიცი უნდა დასდონ, რომ ყოველ ღონეს მოიხმარებენ ჩვენი ძვირფასი ბატონის (ე. ი. ძმათა კავშირის ქონების) სასარგებლოთ და დაიფარავენ მას შეძლების დაგვარათ ყოველგვარი ზიანისაგან. ვინც მოლარეთ არჩეული იქნება მაგრამ უარს განაცხადებს ამ თანამდებობაზე, მას ჯარიმათ ნახევარი გირვანქა სანთელი გარდახდება და მაინც დატოვებული იქნება თანამდებობაზე, რამდენიც არ იჯიუტოს, თუ რომ, რა თქმა უნდა. ოსტატები ამის თანახმა იქნებიან. თუ გინდ ორი კვირა მოუხდეს მოლარეებს სიარული წვერთა ყოველკვირეულ გადასახადის შესაკრეუად, მათ არაფერი არ უნდა დააკლონ საერთო სალაროს. მაგრამ თუ რომელიმე ქარგალს მართებს სალაროსი ორი ფენიგი და არ აბრუნებს როცა მოლარენი ვალის გადახდას მოსთხოვენ, მას ორი ფენიგი ჯარიმა გარდახდება. აგრეთვე მომავალშიაც სალარომ არ უნდა გაასესხოს ფული, გარდა იმ შემთხვევებისა, როდესაც ვინმე ავით ვახდება; მაგრამ უკანასკნელ შემთხვევაშიაც სესხი გაიცემა მხოლოდ ოსტატების თანხმობით და ისეთი გირაოს ალებით, რომელიც ფასით გასესხებულ თანხაზე მეტი იქნება. ყოველ დღესასწაულს თვითთულმა ქარგალმა ერთი კეთილი სტრასბურგული ფენიგი უნდა შესწიროს ძმათა სალაროს; უკეთუ იმ დროს რომელიმე ქარგალი ქალაქში არ იმყოფება, ფენიგი უნდა შემოიტანოს დაბრუნების უმაღლ“.

შემდეგ გამოცხადებულია დადგენილებები საეკლესიო პროცესიების, წმიდა სანთლებისა და სხვათა შესახებ; ამის მიმყოლ სტატუტებში ნათქვამია: „ქარგალს, რომელიც ეხლახან ჩამოვიდა ქალაქში და არასოდეს მანამდე აქ არ უმუშავნია, შეუძლია ერთი ან ორი კვირის განმავლობაში იმუშაოს დაუბრკოლებლად. ხოლო თუ ის ამაზე მეტი ხანი დარჩა, ვალდებულია შეიტანოს სალაროში 2 ფენიგი წვერად შესვლის გადასახადისა და შემდეგ განაგრძოს სამსახური ძმათა კავშირის წევრებთან ერთად, მათა წესების თანახმად. თუ ქარგალი განიზრახავს საჩივრის აღძვრას ოსტატზე სასამართლოში, საამისო

ხარჯი მან საკუთარი ჯიბიდან უნდა დაფაროს და არა ძმათა სალაროდან“. შემდეგ — ისე ახალი დადგენილებები ეკლესიაში სიარულზე, წმინდა სანთლებზე და სხვა. და ბოლოს ინიშნება შემდეგი სასჯელი კავშირის წესების დარღვევისათვის: „თუ ქარგალმა არ მისცა მოლარეებს წვერად შესვლის გადასახადი ან ყოველკვირეული ფენიგი, მას აღეკრძალება აქ მუშაობა სანამ ვალს არ მოიხდის ან რომელიმე კეთილი ქარგალი მის მაგიერ ფულს არ გადაიხდის; წინააღმდეგ შემთხვევაში მისი სახელი აღნუსხული იქნება და ყოველ კრებაზე საჯაროთ გამოცხადებული ძმათა კავშირის წვერთა წინაშე“.

„მოლარენი ქარგალთა კრებას აბარებენ ანგარიშს თავისი მოქმედების შესახებ; თანახმად ფიცისა, მათ არ აქვთ უფლება გამოიტანონ სალაროდან ერთ შილინგზე მეტი. მოლარენი ფიცს სდებენ აგრეთვე, რომ სამართლიანად მოკრეფენ გადასახადს, თანასწორად ყველა ძმისაგან. უფლის სხეულის ყოველ დღესასწაულს წირვა უნდა იმართებოდეს ძმებისა და დებისათვის, რათა ილოცონ როგორც გარდაცვალებულთა, ისე ცოცხალთათვის. ხოლო რომელიმე ძმა თუ ავად გახდა, რისგანაც ღმერთმა დაგვიფაროს, და ჰოსპიტალში მოხვდა, მას ძმათა სალაროდან ყოველდღიურად თითო ფენიგი უნდა ეძლიოს. თუ რომელიმე ქარგალი გარდაიცვალა — ღმერთმა დაგვიფაროს ამისგან, — და ეს მოხდა ოსტატის სახლში ან სხვა ადგილას და არა ჰოსპიტალში, მოლარეებმა ყველა ქარგალს 2 ფენიგის ჯარიმის დამუქრებით უნდა მოსთხოვონ, რომ გარდაცვალებულის გვამი საფლავამდე მიაცილონ“.

„ყველა უცოლო სელის მქსოველმა ქარგალმა ამიერიდან ძმათა კავშირში უნდა იმსახუროს“.

ამგვარათ, ძმათა კავშირები არსებითად სავალდებულო საექიმო და დასაფლავების სალაროებს წარმოადგენდნენ.

ამქრებისა და ქალაქის ხელისუფლებისათვის ძმათა კავშირები თვალში ჩაეარდნო ჩხირი იყო. მაგრამ მათი საეკლესიო ხასიათი უხერხულად ხდიდა მათს აკრძალვას. მეორეს მხრით, რაც უფრო იზრდებოდა ქარგალთა რიცხვი და მატულობდა ავადმყოფობისა და სიკვდილის შემთხვევისთვის დაზღვევის მნიშვნელობა, მით უფრო საჭირო ხდებოდა ძმათა კავშირები. ამქრის სალაროები მეტის მეტად დაიტვირთებოდა, დაზღვევის საქმე მათ რომ დაკისრებოდა. ამის გამო ბრძოლა ძმათა კავშირების წინააღმდეგ ასეთ ფორმას იღებდა: ცდილობდნენ განესაზღვრათ მათი მოქმედება უბრალო ურთიერთ დახ-

მარების ფარგლებით და დაექვემდებარებით ისინი ამქრებისა და ქალაქის ხელის უფლების კონტროლისათვის.

ძმათა კავშირების გვერდით ვითარდებოდა სამიკიტნოებთან დაარსებული ამხანაგობანი. ამ დაწესებულების მაგალითი ქარგლებმა ოსტატებისაგან აიღეს. ყოველ ამქარს თავისი სამიკიტნო ქონდა. „ამ სამიკიტნოებში მზადდებოდა ამქრების ბრძოლა პატრიციების წინააღმდეგ; სამიკიტნო დემოკრატიული აგიტაციის კერა იყო“ (Stahl).

ქარგლები თავდაპირველად ოსტატებთან ერთად სვამდნენ საერთო სამიკიტნოებში. მაგრამ რაც უფრო მწვეედებოდა წინააღმდეგობა მათ შორის, რაც უფრო მატულობდა ოსტატების ზეიადობა ქარგალთა მიმართ, მით უფრო იმიჯნებოდნენ ქარგლებიც ნებით თუ იძულებით და საკუთარ სამიკიტნოებს აწყობდნენ. ქარგლების სამიკიტნოებმა ისეთივე როლის თამაშობა დაიწყეს ამქრების მიმართ, როგორიც ამქრის სამიკიტნოებმა ითამაშეს პატრიციებთან ბრძოლაში. საკვირველიც არ არის, რომ საშუალ-საუკუნეების მიწურულში გააფთრებული ბრძოლა გაჩაღდა ქალაქებში სამიკიტნოების გარშემო. ქალაქის ხელის უფლება ცდილობდა სულ მიეკეტა ისინი. ხანდახან, — იქ, სადაც ჯერ კიდევ არსებობდა ანტაგონიზმი ამქრებსა და ქალაქის მმართველთა შორის და ქალაქის საბჭოს ჯერ პატრიციული ხასიათი შერჩენოდა, — იკრძალებოდა ხელოსან ოსტატების სამიკიტნოებიც, ხშირათ, ყველასი კი არა, არამედ მხოლოდ იმ ხელობების, რომლებიც ამქრებში შედიოდნენ. ხოლო ქარგალთა სამიკიტნოების დევნას XIV და XV საუკუნეებში ჩვენ ვხვდებით ყველგან. კვლავ და კვლავ მეორდებოდა ხელოსან ქარგალთა სამიკიტნოების აკრძალვა.

ჩვენ მიერ რამოდენიმეჯერ ნახსენებ შმოლლერისა და ბიუხერის შრომებში ხშირათ ვხვდებით შენიშვნებს სამიკიტნოების დევნის შესახებ სტრასბურგში, ფრანკფურტში და სხვა ქალაქებში. „მანცში, კორმსში, შპეიერში და ფრანკფურტში 1421 წელს სცადეს აეკრძალათ ქარგლებისათვის სამიკიტნოების მოწყობა და იძულებით ჩამოერთვათ მათგან ფიცი, რომ ქარგალთა კრებებს მხოლოდ საეკლესიო მიზნები ექნება; კონსტანციაში 1390 და 1423 წ.წ. ქარგლების ყოველგვარ ორგანიზაციას. დევნიდნენ; იგივე ხდებოდა ყველა სხვა ქალაქშიაც. ამ დევნის უმაღლეს. მწვეერვალს. წარმოადგენს სტრასბურგის წესდება ქარგალთა შესახებ (1465 წ.). წესდება შედგენილი იყო სხვადასხვა ქალაქებს შორის მოლაპარაკების შემდეგ და გამოქვეყნდა არა მარტო სტრასბურგში, არამედ საერთო ხელშეკრულე-

ბით დაკავშირებულ სხვა ქალაქებშიაც. სტრასბურგის წესდებას ერთ-ხელ და სამუდამოთ უნდა მოელო ბოლო არეულობისათვის¹⁾.

„წესდება მოჯამაგირეთა შესახებ“, — ეს „კანონი სოციალისტების წინააღმდეგ“, — რომელიც ჩვენს წინაპრებს 400 წლის წინეთ გაუტარებიათ: ცხოვრებაში, ღირსია იმის, რომ აქ უცვლელათ მოვიყვანოთ მისი არსებითი ნაწილები. წესდებაში ნათქვამია:

„მოისა და ბარის ქალაქებიდან წარმოგზავნალი მოციქულნი, რომელნიც სტრასბურგში შეიკრიბენ იუბილიატის (მესამე კვირა აღდგომის შემდეგ) კვირა-ორშაბათს ხელოსან ქარგალთა და სხვა მოჯამაგირეების შესახებ მოსალაპარაკებლათ, ასეთს აზრს დაადგენ და შემდეგის შესახებ შეთანხმდენ:

„პირველად ყოვლისა, ხელოსანი ოსტატები და ქარგლები არ უნდა ადგენდენ კავშირებს, გაერთიანებებსა და შეთანხმებებს, არ უნდა აწყობდენ საზოგადოებებს და აწესებდენ მცენებებსა და რაიმეს აკრძალვას იმ ქალაქის საბჭოსა და ოსტატთა ნებადაურთველად, რომელშიაც ისინი ცხოვრობენ.

„შემდეგ, ყველა მოჯამაგირემ, ვისაც არ უნდა ემსახურებოდენ ისინი — რაინდებს, მოსამსახურეებს თუ მოქალაქეებს, — აგრეთვე ქალაქში მოსამსახურე ყველა ხელოსანმა ქარგალმა უნდა აღთქვას და ფიცი დასდოს, რომ ბურგომისტრს, ქალაქის საბჭოს და მის სასამართლოს დაემორჩილებიან და სხვა რომელიმე ადგილას სამართლის ძიებას არ მიმართავენ.

„ხელოსანმა ქარგლებმა არ უნდა დაუშალონ ამიერიდან თავისი ხელობის ოსტატებს ამა თუ იმ ქარგლის დაქირავება და არ უნდა აუკრძალონ ქარგლებს ამა თუ იმ სამუშევრის აღება“. თანამედროვე ენაზე რომ გადმოვთარგმნოთ, ეს იმას ნიშნავს, რომ აკრძალულია გაფიცვა, ოსტატის უპატიოსნოთ გამოცხადება ან ბოიკოტი, შტრეიკ-ბრეხერების (ე. ი. იმ ქარგლების, რომელნიც სამუშაოდ ჩადგებიან წინააღმდეგ ამხანაგთა დადგენილებისა გაფიცვის გაგრძელების შესახებ) გაკიცხვა. იგივე პარაგრაფი შემდეგ მოითხოვს, რომ ქარგალმა ქალაქის ოსტატებს მოახსენოს ოსტატთან ან სხვა ქარგლებთან მისი უთანხმოების შესახებ და მათს (ოსტატების) განაჩენს დაემორჩილოს, თუ ეს საქმე ქალაქის საბჭოს არ ექვემდებარება. ყოველმა ოსტატმა, რომელიც ქარგალს ქირაობს, უკანასკნელი ამქრის მამასახლისს უნდა

¹⁾ Schmioller, op. cit., გვ. 525. ბრძოლა ქარგლების ამხანაგობათა წინააღმდეგ ქ. ნიურენბერგში დაწერილებით აღწერილია Bruno Hübner-ის შრომაში: Soziale Kämpfe vor dreihundert Jahren, Leipzig 1894.

წარუყენოს, მამასახლისმა კი ფიცი უნდა მიიღოს ქარგლისაგან, რომ ის ყოველთვის ოსტატთა სასამართლოს დაემორჩილება. ამის შემდეგ ახალი ქარგლის სახელი შეტანილი იქნება საგანგებო დაეთარში. ოსტატი, რომელიც არ წარუყენებს ამქარს თავის ქარგალს დანიშნულ ვადაში, ხუთ შილინგს გადაიხდის ჯარიმათ ყოველ დაყოვნებულ დღისათვის. პოლიციური ზედამხედველობის საუცხოვეო ჩანასახია!

შემდეგს პარაგრაფში ხელოსან ქარგლებსა და მოსამსახურეებს ეკრძალებათ დანების ტარება, იმ შემთხვევის გარდა, როდესაც ისინი ქალაქ გარეთ მოგზაურობენ.

„ხოლო თუ ვინცობაა რომელიმე მოჯამაგირე დაარღვევს ამ დადგენილებებს, პუნქტებს და მუხლებს და არ მოისურვებს მათ შესრულებას, არც ერთმა ამ ოლქის ოსტატმა არ უნდა მიიღოს ის ქარგლად, არც შეუშვას თავის სახლში ან ეზოში იმის შემდეგ, რაც ამის შესახებ გამოცხადებული იქნება; ხოლო ის ოსტატი, რომელიც ამ დადგენილებას დაარღვევს, ოთხი გულდენით იქნება დაჯარიმებული“. ჯარიმის ნახევარი ეძლევა საბჭოს და მეორე ნახევარი ამქარს.

არც ერთ მოკავშირე ქალაქს არ შეუძლია შესცვალოს ეს წესდება დანარჩენთა თანხმობის გარეშე.

არც ერთმა მოჯამაგირემ და არც ერთმა პირმა, რომელიც სტრასბურგის მოქალაქე არ არის, „არ უნდა იაროს ღამ-ღამობით საიდუმლო გზებით ჩვენს ქალაქში“. აღდგომიდან მიხეილის დღემდე საღამოს 10 საათის შემდეგ და მიხეილის დღიდან აღდგომამდე 9 საათის შემდეგ მათ არ შეუძლიათ ქუჩაში დარჩენა, იმ შემთხვევის გარდა, როცა მათ ბატონი ან ოსტატი გზავნის. ამ დადგენილების დარღვევისათვის ინიშნება ოცდაათი შილინგი ჯარიმა ან ოთხი კვირით ციხეში ჯდომა პურისა და წყლის ანაბარათ.

აღნიშნულ საათის შემდეგ მოჯამაგირეებს და ქარგლებს უფლება არ აქვთ თავი მოიყარონ სამიკიტნოებში ან ბალებში; ეს ისჯება ისეთივე ჯარიმით, როგორც ზემოთ იყო აღნიშნული.

სამიკიტნოს პატრონებმა არ უნდა გააღონ თავისი დარბაზები და არ უნდა შეუშვან შიგ მოჯამაგირენი ხსენებული დროის შემდეგ, წინააღმდეგ შემთხვევაში 5 გირვანქა ჯარიმას გადაიხდიან. „მაგრამ ეს არ შეეხება ბატონებს, პაეებს, ვაჭრებსა და პილიგრიმებს, რადგან ისინი პატიოსანი და ღირსეული პირნი ბრძანდებიან“.

„ხოლო თუ რომელიმე მოჯამაგირე გაკადნიერდება და არ მოისურვებს აქ დადგენილის შესრულებას, მას არ ექნება უფლება იმ-

სახუროს როდისმე სტრასბურგში ოსტატთა და საბჭოს ნებადაურთველად“.

გარდა ამისა წესდება მოჯამაგირეთა შესახებ კიდევ ოთხ შემდეგ მუხლს შეიცავს:

„1) არც ერთს ხელოსან ქარგალს და სამსახურში მყოფ მოჯამაგირეს არ უნდა ქონდეს ამიერიდან სასასმელო ოთახი ან ქირად აღებული სახლი და ბაღი, აგრეთვე არავითარი კავშირი, რომელშიაც კრების გამართვა შეიძლებოდეს, თუ ეს წესიერად არ ხდება და რაიმე მხრით საშიშროებას წარმოადგენს. 2) მათ შეუძლიათ შეიკრიბონ დიდი მარხვის შემდეგ მეორე კვირა-დღეს სანთლების შეძენის საქმეზე მოსალაპარაკებლად, მაგრამ არ უნდა შეიყარონ ამქრის ოსტატისათვის ამქრის მამასახლისისათვის) წინასწარ შეუტყობინებლად; ამავე მამასახლისმა უნდა დანიშნოს და კრებაზე გაგზავნოს დასასწრებლად ერთი ან ორი ოსტატი იმ ხელობისა, რომელშიაც ხსენებული ქარგლები მსახურობენ. 3) დასაფლავებაც ქარგლებმა დღესასწაულებში უნდა მოახდინონ, და არა სამუშაო დღეებში. 4) მხოლოდ სამ ქარგალს ან მოჯამაგირეს შეუძლიათ დაუსჯელად ატარონ ერთნაირი ქუდები, სერთუქები, შარვლები და ტანსაცმელის სხვა ნიშანდობლივი კუთვნილება“.

ამგვარად, სასასმელო ოთახები და თავმოყრის სხვა საშუალებები სასტიკათ აკრძალული იყო ქარგლებისათვის. ნებადართული ქონდათ მხოლოდ საეკლესიო კავშირები (რა თქმა უნდა, არა მართო „სანთლების შეძენისათვის მოსალაპარაკებლად“, არამედ საზოგადოდ ურთიერთ დახმარების მოსაწესრიგებლათაც), მაგრამ ასეთი კავშირებიც ოსტატთა კონტროლის ქვეშ იყო დაყენებული.

მაგრამ ჩვენ მიერ მოყვანილი ოთხი უკანასკნელი დადგენილება გამორიცხულია 1473 წლის წესდებიდან მოჯამაგირეთა შესახებ, დანარჩენი ნაწილი კი იგივე დარჩა, რაც 1465 წ. წესდებაში იყო. ჩვენ აქ მოვიყვანეთ 1551 წლის მაუდის მქსოველთა წიგნში დაცული 1473 წლის რედაქცია (ორიგინალი იხილეთ შმოლლერიის ხსენებულ წიგნში, გვ. 208 და შემდეგი).

ამგვარად, უკვე რვა წლის შემდეგ საქირო გამხდარა „სოცილისტთა წინააღმდეგი კანონის“ დრაკონისებურ დადგენილებათა გაუქმება; ამის მზგაესი სხვა დადგენილებებიც გაუქმდა.

ასე მოხდა ყველგან. ფრანკფურტში 1400 წლის შემდეგ ქალაქის საბჭომ დღიურ მუშებს და ქარგლებს აუკრძალა თავისი სამიკიტნობების გახსნა. დიდი ჯარიმით, ერთი გულდენით დღეში, ემუქრებოდა საბჭო იმათ. ეინც აკრძალვის მიუხედავად, სამიკიტნოს-

თვის დასთმობდა ოთახს ან სახლს. ამ სასტიკი დადგენილების ბოლოში კი აღნუსხულია მას შემდეგ ნებადართული თერთმეტი სამი-კიტნო, ამათ შორის, ქარგალ-მებაღეებისა და ქარგლებისა საზოგადოდ ¹⁾.

მართლაც, აკრძალვა უნაყოფო შეიქნა; მე-XV საუკუნეში ქარგლებს ყველგან იერიში მიაქვთ ამ დადგენილებებზე და მალე გააუქმეს კიდევ ისინი. აღნიშნულ საუკუნის დამლევში ქარგლებმა, უეჭველია, საპატიო ადგილი დაიკირეს და მათმა ორგანიზაციამ მნიშვნელოვან შედეგებს მიაღწია. მაგრამ რომ გავითვალისწინოთ, თუ როგორი ბრძოლით მოიპოვეს მათ ეს გამარჯვება, ჩვენ სულ სხვანაირად წარმოგვიდგება ამქრების ხასიათი საშუალ-საუკუნეების მიწურულში, ვიდრე იმ შემთხვევაში, თუ ამ ბრძოლით მოპოებულ უფლებებს შევხედავთ, როგორც საშუალ-საუკუნეების „სულიდან“ აღმოცენებულს და მთელი საშუალ-საუკუნეთა ეპოქის დამახასიათებელ მდგომარეობას. მაგრამ სწორედ ასე იქცევა კულტურის ისტორიკოსთა უმრავლესობა; იმას, რაც გარკვეულ პერიოდის ბოლოში მოხდა, როგორც ხანგრძლივი და მწვავე ბრძოლის შედეგი, ისინი ხატავენ, როგორც მთელი ამ პერიოდის განმავლობაში უცვლელად არსებულ მდგომარეობას.

ქარგალთა ორგანიზაციის მოსპობის ყოველი ცდა რომ დამარცხდა, ამისი მიზეზი უპირველესად ყოველისა ის იყო, რომ ქარგლობა აუცილებელი იყო და მისი მნიშვნელობა ქალაქის წარმოებისათვის მუდამ დღე იზრდებოდა. საქმე მართო იმაში კი არ არის, რომ ქალაქთა უმრავლესობისათვის ხელოსნური მრეწველობა მთავარ საარსებო წყაროს წარმოადგენდა: თვით ამ მრეწველობაში ქარგლები ოსტატებთან შედარებით რიცხვითაც და მნიშვნელობითაც ფრიად ანგარიშ-გასაწვე ძალას შეადგენდნენ. ქალაქის წარმატება სულ უფრო დაქირავებულ ხელოსან მუშებზე იყო დამოკიდებული. მუშაობას რომ თავს დაანებებდნენ და წავიდოდნენ, ხელობას დაღუპვა დაემუქრებოდა და ქალაქს—მძიმე ზარალი. თან პირობებიც ხელს უწყობდა ქარგალთა შეკავშირებას. ქალაქები ჯერ დიდი არ იყო. ფრანკფურტის მოსახლეობას 1440 წლისათვის ბიუხერი 8.000 კაცათ ანგარიშობს, ნიურენბერგის მოსახლეობა 1449 წ. 20.000 კაცს შეადგენდა ²⁾. ქარგალთა რიცხვი კი მთელი მოსახლეობის 10%-ზე მეტი არ იქნებოდა.

¹⁾ Bücher, op. cit., გვ. 135, შეადარეთ აგრეთვე 603 გვ., 1421 წლის აკრძალვა, და გვ. 609.

²⁾ B i e r, op. cit., გვ. 196, 34.

³⁾ Lamprecht, op. cit., გვ. 497.

ბუნებრივია, რომ ასეთ მცირე მოსახლეობიან ქალაქში ყოველი ხელობის ქარგალი პირადათ იცნობდა თავის ამხანაგებს. მათი ურთიერთ დაახლოება მით უფრო ადვილი იყო, რომ ერთი რომელიმე ხელობის წევრნი ერთსა და იმავე ქუჩაზე ესახლენ; ქუჩა ხელობისაგან იღებდა სახელს და ზოგიერთ შემთხვევაში დღემდისაც ამ სახელს ატარებს. შემდეგ, მეთუთხმეტე და მეთექვსმეტე საუკუნეში ჯერ არ არსებობდა ის მშვენიერი ეხლანდელი ჩვეულება, რომ მუშებს, კატორღელებსავეთ, გარეშე ქვეყნისაგან ღობავენ გამურული ან ბადით დახურული თანჯრებით. იმ დროს მუშაობა უყვარდათ ქუჩაში, სახლის წინ ან, ყოველ შემთხვევაში, ღია კართა და თანჯრებით, რამდენადაც კლიმატიური პირობები ამის საშუალებას იძლეოდა. საჭირო არ იყო არც პრესსა და არც კრება იმისათვის, რომ საეროო მოქმედებაზე შეთანხმებულიყვნენ. და ვაი იმას, ვინც სოლიდარობას დაარღვევდა და კერძოთ იმოქმედებდა! სიცოცხლეს გაუმწარებდენ. თვითელი მუშა უმჭიდროესად იყო დაკავშირებული ამხანაგებთან არა მარტო მუშაობაში, არამედ ყოველდღიურ ურთიერთობაშიაც.

მოგზაურობა ქარგლებს უფრო მოძრავად ხდიდა; მძიმე ოსტატებთან შედარებით, და მჭიდრო კავშირს აბამდა სხვადასხვა ქალაქის ქარგალთა სოლიდარულ ამხანაგობებს შორის. ისეთი გაფიცვები იცოდენ მაშინ, რომ გაფიცულებს ვერაფერ ვერ შეინაცვლებდა! ამის შესახებ შმოლლერი სჩივის: „ის ფაქტი, რომ უმრავლესობა არ იყო დაკავშირებული ამა თუ იმ ქალაქთან მკვიდრი სახლობით, ცუდ გავლენას ახდენდა ქარგალთა მორალურსა (!) და საქმიან ყოფაქცევაზე; ეს იწვევდა ფუქსოვატობას, უპასუხისგებლობის გრძნობას, დიდ-გულობას და თავისი უპირატესობის შეგნებას ოსტატთა მიმართ. ოსტატები ერთ ადგილზე იყვნენ დაბმულნი; იქაც კი, სადაც უმთავრეს ამქრებს შორის კავშირი არსებობდა, ისინი დიდი გაპირვებით და დაგვიანებით ახერხებდენ სხვა ქალაქის კოლეგებთან შეთანხმებას. ქარგლებს კი მუდამ ქონდათ კავშირი და ყოველის მხრიდან ცნობების მიღების შესაძლებლობა; ისინი არ გრძნობდენ თავს იმ ქალაქის მოქალაქეებად, რომელშიც მუშაობდენ; წლობით ნამოგზაურთ, არაფერი არ დაუშლიდა, რომ ზურგზე თავისი გულა-ნაბადი წამოეკიდათ და ხელში სამოგზაურო ჯოხი აეღოთ. ფლეიტების და ბუკის ძახილით გამოდიოდენ შეტაკების დროს, უსაქმოთ დაბინადებოდენ მეზობელ ქალაქში და თუ მოწინააღმდეგე ზავის ჩამოგდებას მოისურვებდა, მოითხოვდენ: ქეიფებზე გაწეული ხარჯიც გაისტუმრეთ ამ ქალაქშიო.

უფრო, მკიდრო და მოკიდებულება და უფრო ძლიერი კორპორაციული სული საშუალებას აძლევდა მათ არ დაეშვათ მეტოქენი მუშაობაზე და ხშირათ გამარჯვებული გამოდიოდნენ ბრძოლიდან“¹⁾.

ქარგლებს მით უფრო დამოუკიდებლათ შეეძლოთ დაეკირათ თავი, რომ ისინი იშვიათათ იყვნენ დატვირთული ცოლ-შვილით. ცოლ-შვილიანი ქარგალი გამონაკლისი იყო, მრავალ ხელობაში კი ასეთი სრულებით არ ერია. ისინი ხომ ოსტატის „ოჯახს“ ეკუთვნოდნენ; ოსტატი კი ფიქრობდა, რომ თუ ქარგალს დაცოლშვილებას დაუშლიდა და თავის სახლში დაამკვიდრებდა, ის გაცილებით უფრო ადვილათ დაუმორჩილებდა მას თავის „მამაშვილურ“ დარიგებას, ამხანაგებს ჩამოაშორებდა, ნამდვილ ხელმძღვანელობას გაუწევდა და უფრო იოლად შესძლებდა მისი შრომის მითვისებას საკმელ-სასამეღლის გაუარესებით (შედარებით) და ათასნაირი შევიწროებით. ესეც რომ არ იყოს, ცოლიანი ქარგალი უფრო მოწადინებული იქნებოდა დამოუკიდებლობის მოპოებას თუ კანონიერი საშუალებით არა როგორც ამქრის ოსტატი, ყოველ შემთხვევაში უკანონოთ როგორც სოფლის ან გარეუბნის „მჩიქნელი“ ან Stürer-ი (მოხეტიალე ხელოსანი).

მაგრამ სწორეთ ამ უცოლშვილობამ მისცა მათ არა ჩვეულებრივი წინააღმდეგობის უნარი. უცოლშვილობამ, ალბათ, გაცილებით მეტად, ვიდრე მოგზაურობამ, ხელი შეუწყო ქარგლებში იმ თვისებათა და უპირატესობის გამომუშავებას, რომლებიც შმოლერმა დაგვიხატა ზემოთ მოყვანილ ნაწყვეტში: სიმტკიცის, უდარდლობის და საკუთარი ძალის შეგნების.

რამდენად უფრო მძიმეა თანამედროვე პროლეტარის ბრძოლის პირობები! ყოველ გაფიცვაში, ყოველ არჩევნებში, მუდამ, როდესაც ის პირადათ იცავს თავის საქმეს, ცოლშვილზე ვრცელდება მისი მოქმედების შედეგი. პატარა ქალაქებში, სადაც მუშებს ადვილათ შეუძლიათ ერთმანეთთან შეთანხმება გაზეთების დაუხმარებლად, ოჯახური მოსაზრებები აიძულებს მათ კაპიტალისტისადმი დამორჩილებას. დიდ ქალაქებში კი, პირიქით, მუშები ერთმანეთს არ იცნობენ; შეთანხმებისთვის საჭიროა გაზეთები, დიდი კრებები და კავშირები. წმინდა პირადი მოლაპარაკება უკვე არ კმარა ისეთი ერთობისა და სოლიდარობის შესაქმნელად, რომელიც მძლავრ და გაერთიანებულ

¹⁾ G. Schollner Das Brandenburgisch-preussische Innungswesen (Forschungen zur Brandenburgischen und preussischen Geschichte, 1 Band, 23-79).

კაპიტალთან ბრძოლაში გაცილებით უფრო საჭიროა, ვინემ წერილი ხელოსან ოსტატთა წინააღმდეგ. გასაგებია ამიტომ, რომ ამჟამათ უშათა ეკონომიური ბრძოლა სულ უფრო პოლიტიკურ ბრძოლათ იქცევა; გასაგებია რომ თავისუფლება მათთვის ლუკმა პურის საკითხია; რომ პოლიტიკურ უფლებების წართმევა მათთვის პურის წართმევას უდრის, და რომ გარემოება მათ ყველგან აიძულებს გაათართოვონ ხელუასისა და სამუშაო დროის შემცირებისათვის ბრძოლის ფარგლები პოლიტიკურ ძალა-უფლებებისათვის ბრძოლაში.

წინააღმდეგ ამისა ქარგალთა მოძრაობა საშუალო საუკუნეების დამლევს და ახალი დროის შესამჩნევი ნაწილის განმავლობაში არ იჩინდა პოლიტიკურ ტენდენციებს, როგორც თავის დამახასიათებელ თვისებას. ეყრდნობოდენ რა მხოლოდ თავის პროფესიონალ ორგანიზაციებს, ქარგლები ისეთ წარმატებას აღწევდენ და ისეთ მდგომარეობას იჭერდენ საზოგადოებაში, როგორც ეხლა მხოლოდ ზიგერთ მუშათა ორგანიზაციას თუ შეუძლია მოიპოვოს, ისიც განსაკუთრებით ხელსაყრელ პირობებში და მხოლოდ მცირე ხნით, თუმცა ფართო პოლიტიკური უფლებებით კი არიან აღჭურვილნი. თავის თავად ცხადია, რომ ქარგლებს ყველა ხელობაში ერთნაირად ხელსაყრელი პირობები არ ქონდათ. მათი ორგანიზაციები ერთმანეთისაგან განირჩეოდენ სიმდიდრით და გავლენიანობით. იმ ქარგალთა მრავალრიცხოვან ფენებს, რომელთა შენაცვლება გაფიცვის დროს ადვილი საქმე იყო, არ შეეძლოთ პროფესიონალ ორგანიზაციების შექმნა, ისინი სავსებით ექსპლოატატორთა ნება-სურვილზე იყვნენ დამოკიდებულნი. უკვალიფიკაციო მუშათა მიმართ ქარგლებს არ გამოუჩინიათ არც ის „კორპორატიული სული“ და არც ის „მოყვასისადმი სიყვარულის იდეა“, რომლითაც, როგორც გვარწმუნებენ, გამსჭვალული იყო საშუალო-საუკუნეების საზოგადოებრივი წესწყობილება.

ისეც ხდებოდა ხოლმე, რომ მე-XIII და მე-XIV საუკუნეებში შექმნილი კავშირები შემდეგ ისევ იშლებოდენ. ასე დაემართა უბრალო დღიურ მუშათა კავშირებს; სოფლიდან შემოხვეწილი ამქრის გარეშე კონკურენტები ადვილად შლიდენ ამ კავშირებს. საფიქრებელია, რომ ამ მოვლენას რამდენიმედ ქალაქებში მიწად-მოქმედების დაცემა იწვევდა. მაგრამ ილუპებოდა არა მარტო სასოფლო-სამეურნეო მოჯამაგირეთა კავშირები. მაგალითად, ხუროებს, მეღვინეებსა და ტვირთის მზიდველთ ფრანკფურტში ჯერ კიდევ მე-XIV საუკუნეში (1387 წ.) ქონდათ თავისი ამქრები. მაგრამ მათ გვერდით ჩვენ უკვე დღიურ მუშებსაც ვხედავთ: 16 მეღვინე-ქარგალს, 4 ტვირთის

მზიდველს, 10 მხერხავს და 6 ხუროს. 1440 წ. ამქრის ხურო-ქარგ-ლები უკვე აღარ არსებობენ, მეღვინე-ქარგალთა ორგანიზაცია მე-XV საუკუნეში სულს დაფავს, ხოლო ტვირთ-მზიდველთა ორგანიზაციამ მე-XVI საუკუნის პირველ ნახევარამდე ძლივს მოატანა; ამქრის გარეშე ელემენტები კი, პირიქით, სულ მატულობდა.

ქალაქის შეუკავშირებელ პროლეტარების მდგომარეობა თანდათან სულ უარესი ხდებოდა შეკავშირებულ ქარგალთა მდგომარეობასთან შედარებით, და ხშირათ— აბსოლიუტურადაც. უფსკრული შეკავშირებულ და შეუკავშირებელ მუშებს შორის დღითიდღე ღრმავდებოდა.

VII. ქალაქის მუშათა არისტოკრატია.

რაც უფრო მეტ წარმატებას განიცდიდენ „ხელოსანი მოჯამაგირენი“, მიიხ უყურო პრივილეგიურ კლასსად, არისტოკრატებად გრძნობდენ თავს ისინი და ისეთივე ზიზლით დაჰყურებდენ მათზე დაბლა მდგომ პროლეტარებს, ამ „უპატიოსნო ხალხს“, როგორც თვით ოსტატები. ის ქარგალი, რომელიც „უპატიოსნო კაცს“ შემოიყვანდა ქარგალთა საკრებულოში, ისჯებოდა. ჩვენ უკვე გამოვარკვიეთ, თუ ვინ უნდა ვიგულისხმოთ „უპატიოსნო“ კაცად. მალე შეკავშირებულ მუშათა თავმომწონეობა ისე გაზვიადდა, რომ პროტესტსაც აცხადებდენ, როდესაც მათ იმავე სახელს უწოდებდენ, რაც სხვა პროლეტარებს. მე-XV საუკუნის მეორე ნახევარში სახელწოდება „მოჯამაგირე“ (Knecht) ქარგლებმა ყველგან აღშფოთებით უარყვეს და „ქარგლის“ სახელწოდებით („geselle“) შესცვალეს. რასაკვირველია, ზოგიერთი ამაში დაინახავს „დემოკრატიული სულის“ გაღვიძებას, ქარგალთა ცდას, რომ ოსტატებთან გაეტოლებინათ თავისი მდგომარეობა ან, ყოველ შემთხვევაში, ოსტატების მზგავს მდგომარეობაში ჩაეყენებიათ თავისი თავი. მაგრამ ჩვენ ამგვარ გაგებას ვერ გავიზიარებთ. სოციალურად ქარგლები სწორეთ იმ დროს იღვენ უფრო ახლო ოსტატებთან, როდესაც მათ „მოჯამაგირეები“ ჰქეიოდათ და არა „ქარგლები“. ექვი არაა, რომ შეკავშირებული ქარგლები მეტს წარმატებაში იყენენ, ვინემ გლენები და პროლეტარები; მაგრამ მათი მდგომარეობა ისე სწრაფად არ უმჯობესდებოდა, როგორც ოსტატების, რომელნიც სწორეთ ეხლა ხდებოდენ ქარგალთა ექსპლოატატორები. XIV საუკუნეში „მოჯამაგირეები“ ოსტატებთან ერთად ქამდენ და სვამდენ საერთო სამიკიტნობებში. XV საუკუნეში კი ოსტა-

ტები აღარ კადრულობდენ ერთ სუფრაზე ქარგლებთან ჯდომას. ქარგლები განდევნილი იყვნენ ოსტატთა სამიკიტნოებიდან. ამის გამო მათ დიდი ხნის ბრძოლა მოუხდათ საკუთარი სამიკიტნოებისათვის. ჩვენ კი გვეუბნებიან, რომ სწორეთ ეხლა იგრძნეს ქარგლებმა თავისი თავი ოსტატთა სწორ ადამიანებათ.

არა, შეკავშირებულ ქარგლებს პირდაპირ სამარცხვინოთ მიაჩნდათ თავისთვის, რომ მათ ერთს ხვაეში ჰყრიდენ იმ ქარგლებთან ერთად, რომელთაც საერთო წარმატება არ შეჰხებია და რომელნიც ხშირათ სულ უფრო დაბლა იძირებოდენ. ამგვარ თავგასულობას, რომელმაც ქარგლებს „მოჯამაგირეების“ სახელი უკუუადებინა, ჩვენ ხანდახან დღესაც ვხვდებით წარმოების იმ დარგებში, სადაც მუშები განსაკუთრებით დაწინაურდენ თავისი პროდუქციების საშუალებით. ეს, უმთავრესად, მაღალი კვალიფიკაციის მუშებია, რომელთაც საფრთხე არ მოელის მანქანისაგან ან დედაკაცთა შრომისაგან. დიდი ხანი არაა, რაც ასოთამწყობთა ერთი ნაწილი შეურაცყოფილად გრძნობდა თავს, როდესაც მათ „მუშებს“ ეძახოდენ. ისინი „მხატვრები“ იყვნენ.

რაც უფრო წარმატულობდენ სხვადასხვა ხელობის ქარგალთა პროფესიონალური ამხანაგობები, მით უფრო ვიწრო ხდებოდა შეკავშირებულ მუშათა გონებრივი ჰორიზონტი. ერთად-ერთ მისწრაფებად მათ ის გადაექცათ, რომ მათი ამხანაგობა მაგარი და მძლავრი ყოფილიყო არათუ მარტო ოსტატების, არამედ სხვა პროფესიის ქარგალთა მიმართაც. მათი ორგანიზაციები ანვითარებდენ არა კლასობრივ თვითშეგნებას, არამედ შურიტა და წვრილმანი თავმომწონეობით საესე ვიწრო კასტურ სულისკვეთებას.

თავდაპირველად რომელიმე ხელობის ქარგალთა კავშირში იღებდენ სხვა ხელობის მუშებსაც და სხვა წოდების პირებსაც კი, თუ ესენი ქარგლებს თანაუგრძნობდენ. შემდეგ კი ეს წესი გადავარდა. მაგალითად, ფრანკფურტის ზეინკალ-ქარგლების ძმათა კავშირში მიღებული იყო:

1402—1471	წ.	1.096	წევრი,	მათ	შორის	27	ქარგალი	არ	იყო.
1472—1524	„	1794	„	„	„	6	„	„	„
1402—1471	„	35	ქარგალი,	რომელნიც	ლითონზე	არ	მუშაობდენ.		
1472—1496	„	6	„	„	„	„	„	„	„

1496 წლის შემდეგ კი სულ არ იღებდენ ლითონზე არა მომუშავე ქარგლებს. ¹⁾

¹⁾ Blücher, op. cit., გვ. 619.

შეიძლება ეს კიფრები იქიზაც აიხსნება, რომ ზეინკალთა ძმათა კავშირებთან ერთად სხვა ორგანიზაციებიც შეიქმნა, ასე რომ არა-ზეინკალ ქარგლებს აღარ სჭირდებოდათ ზეინკალთა ორგანიზაციის მფარველობა. მაგრამ რამდენად გაძლიერდა ქარგალთა სსკადასხვა ორგანიზაციის ერთმანეთისადმი შური, ამას ის განუწყვეტელი შუღლი მოწმობს, რომელიც მათ ურთიერთ დამოკიდებულებაში გაბატონდა. საქმე იქამდის მივიდა, რომ, საექვოა — არსებობდა თუ არა ოდესმე ისეთი გრძნობიერი რამ, როგორიც ქარგალთა „წოდებრივი ღირსება“ იყო; ის ისეთივე ნაზი და მისათვალაფი რამ იყო, როგორც ეხლა რომელიმე ოფიცერის ან კორპორანტ-სტუდენტის „ღირსება“ თუა. ზღაღლი ღირსების გრძნობა კი არა, გონება-შეზღუდულობის მაღალი ხარისხი ეღო საფუძვლად ამ გადაწყეტებულ გრძნობიერებას.

საქმაოთ ცნობილი ფაქტია, რომ 1471 წელს ფებსაცმელების მკერავემა ქარგლებმა ლეიპციგში საასპარეზოდ გამოიწვიეს უნივერსიტეტი თავისი შეურაცყოფილი ღირსების დასაცავად. ასეთივე „თვითშეგნება“ გამოიჩინეს ბადენის მარკგრაფ იაკობის მეპურეებმა და ხელის მსახურებმა, რომლებმაც 1470 წ. გამოწვევა შეუთვალეს საამპერიო ქალაქებს ესსლინგენსა და რეისტლინგენს.

1477 წელს მიუნცენბერგში ბატონ ეპშტეინის მზარეულმაც კი სამზარეულო თანაშემწეებითურთ საასპარეზოდ გამოიწვია გრაფი ზოლმსა. ¹⁾

ბოდოლას მუშათა ჯგუფებს შორის ჩვენ უკვე მე-XIV საუკუნეში ვხვდებით. მაგ, სტრასბურგში 1350 წ. ფეიქარი ქარგლები მატყლის მჩითავ ქარგლებს ებრძოდენ, 1360 წ. იგივე ქარგლები სელის მქსოველ ქარგლებს. მაგრამ ყველაზე უჯათი ხალხი ქ. კოლმარის მეპურე ქარგლები აღმოჩნდენ: 1495 წელს მათ გაფიცვა დაიწყეს იმის გამო, რომ ქალაქის საბჭომ მათ ვარდა სხვა ქარგალთა ამხანაგობებსაც ნება დართო წმინდა საუფლო ძღვენს გაჰყოლოდენ უფლის სხეულის დღესასწაულში, რადგან უკანასკნელთაც ისეთივე ძვირი სანთელი შემოჰქონდათ, როგორც მეპურეებს. ათი წელიწადი გაგრძელდა ეს გაფიცვა და ბოლოს მინც მეპურეებმა გაიმარჯვეს ქალაქზე და თავის ამხანაგებზე. ამგვარი შემთხვევა ბერის ბერი იყო.

ამ გონებრივი ჰორიზონტის სივიწროის გამო, ოსტატ ქარგალთა ანტაგონიზმმა ვერ წარმოშვა ყველა ქარგლებისათვის საერთო

¹⁾ C. W. Hering, geschichte sächsischen Hochlandes, 33. 176.

მიზნისაკენ, საზოგადოებრივი წესწყობილების გარდაქმნისაკენ მიმართული მოძრაობა, მიუხედავად იმისა, რომ ეს ანტაგონიზმი ხშირათ იწვევდა სერიოზულ კონფლიქტებს. სწორედ ყველაზე უფრო ძლიერ და დაწინაურებულ ქარგალთა ორგანიზაციებში ვითარდებოდა არა სხვა მუშებთან სოლიდარობის კლასობრივი შეგნება, არამედ, ანტაგონიზმი, ერთის მხრით, სხვა წარმატებულ ორგანიზაციებისადმი, რომლის ყოველ ახალ მონაპოვარს შურის თვალთ შეჰყურებდნენ, და მეორეს მხრით, — პროლეტართა მასისადმი, რომელიც შეკავშირებას ვერ ახერხებდა და სულ უფრო ღრმად იფლებოდა სილატაკეში და გაქირვებაში. მხოლოდ კაპიტალისტურმა მრეწველობამ დაშალა ქარგალთა ორგანიზაციები, სოციალურად დააქვეითა ქარგლები და სხვა პროლეტარებთან გაათანასწორა. მხოლოდ წარმოების კაპიტალისტურმა წესმა შექმნა პირობები ერთიანი კლასობრივი შეგნებისათვის და მხოლოდ მან აზიარა ამ სოლიდარულ სულისკვეთებას მთელი მუშათა კლასი. და თუ მუშათა კლასში დღესაც ჩნდება ხანდახან ახალი მუშური არისტოკრატია, ეს მხოლოდ მცირე ხნით. მისი ტენდენციები ყველა მუშებს ერთს ყალიბზე ათანასწორებს. ერთერთი უდიდესი გადატრიალება, რომელსაც ამ ეჟამთ ეს წარმოების წესი ამზადებს, იმაში მდგომარეობს, რომ ისპობა გონებრივი შრომი, — ამ „ახალი საშუალო წოდების“, — პრივილეგიური მდგომარეობა; ის სოციალურად ფიზიკურ შრომას თანაუსწორდება. ამ გათანასწორებას ისეთი კოლოსალური და ფართო მნიშვნელობა აქვს, რომ ზოგიერთ ბრძენს ეს პროცესი უაზრო უტოპიად მიაჩნია, თუმცა იგი მათივე თვალის წინ ვითარდება.

საშუალ-საუკუნეების ხელოვნურ წარმოებას ასეთი რევოლუციონური გავლენა არ მოუხდენია. შეკავშირებული ქარგლები შერთიანი და თვისნება ხალხი იყო, იარაღის ხმარებას დაჩვეული და მეტად გრძნობიერი თავის უფლებისა და წოდებრივ ღირსებისადმი. თანამედროვე მუშებთან შედარებით ისინი გაცილებით უფრო დამოუკიდებლად, უფრო საკუთარის ძალღონით იბრძოდნენ თავის უფლებებისათვის, უყოყმანოდ თავს ანებებდნენ მუშაობას, აყალ-მაყალს სტეხავდნენ და თუ საჭირო იყო იარაღსაც მიმართავდნენ. თავისი ხერხით ისინი თანამედროვე პროლეტარებზე ბევრად უფრო რადიკალური იყვნენ. თანამედროვე ანარქისტების უმრავლესობა უწყინარი კრავებია საშუალ-საუკუნეთა ბოლო ხანის თავზე ხელაღებული, აღვირ ახსნილ ქარგლებთან შედარებით. მაგრამ ეს მხოლოდ გარეგანი მხარეა მათი გამოსვლებისა. მათი მისწრაფება უაღრესად უმანკო თვისების იყო. „წითლი ორშაბათი“ („ორშაბათობის“ უფ-

ლება) ყველაზე უფრო რადიკალური იყო მათ მოთხოვნილებებში. მათ არ შეეძლოთ თავის მიზნათ მთელი საზოგადოებრივი წყობილების გადახალისება დაესახათ: თვითონ ხომ პრივილეგიებით იყვნენ აღკურვილი ამ საზოგადოებაში; საზოგადოების წარმატებიდან ისინი თავის წილს იღებდნენ, თუმცა არც ისე დიდს, როგორც ოსტატები, და განსაკუთრებით, ვაქრები და მონარქები.

თუმცა ქარგალთა წილი საზოგადოებრივ მონაგარით სარგებლობაში შედარებით კლებულობდა და მისი გადიდებისათვის საჭირო იყო დაუღალავე ბრძოლა, მაინც კითხვის ნიშან ქვეშ არ აყენებდნენ ისინი თვით არსებობას იმ საზოგადოებისა, რომელშიაც ცხოვრობდნენ. რა თქმა უნდა, რევოლიუციონურ ხანაში შეკავშირებულ ქარგლებს შეეძლოთ ისეთ რევოლიუციონურ ელემენტებთან დაეკირათ კავშირი, რომლებიც მათზე შორს მიდიოდნენ; შესაძლებელი იყო, რომ ამ ბრძოლაში ზოგიერთი ამქრის ოსტატებიც მიმხრობოდნენ მათ, როდესაც უკანასკნელნი პატრიციებს, ქალაქის მარკის წევრებს ან ვაქრებს ედავებოდნენ. მაგრამ არც შეკავშირებული ქარგლები და არც ოსტატები მტკიცე და გამტანი არ იყვნენ ბრძოლაში. პარველივე წინააღმდეგობა ან ერთი დამარცხება საკმარასი იყო, რომ განდგომოდნენ აჯანყებულებს, რომელთა მიზნებს ისინი არ თანაუგრძობდნენ და რომელნიც მხოლოდ საკუთარ გარდამავალ და განსაკუთრებულ ინტერესებისათვის უნდა გამოეყენებინათ. ეს არის ერთ-ერთი მიზეზი: იმისა, თუ რატომ დამთავრდა ასეთი სწრაფი მარცხით 1525 წლის რევოლიუციონური აჯანყება.

ამგვარათ, საშუალო საუკუნეების ქარგალთა ამხანაგობებს არ გააჩნდათ სოციალური იდეალი, მათ მიზნათ არ ქონდათ ახალი საზოგადოების შექმნა.

VIII. მარკა: და სამთო სამართალი.

სულ სხვა ტიპი, ხელოსან ქარგლებისაგან განსხვავებული ტიპი ჩამოყალიბდა სამთომ ადნო მუშებისაგან. ძველს დროში სამთო მუშები, რამდენადაც ვიცით, მხოლოდ არა თავისუფალი პირნი იყვნენ, — მონები და ბოროტმოქმედებისათვის დასჯილნი. საშუალო საუკუნეებში მათი ადგილი თავის უფალმა კაცებმა, პირველ ხანად მარკების წევრებმა, დაიჭირეს.

ჩვენ უკვე აღვნიშნეთ, რომ თემი-მარკის ტერიტორია ორ ნაწილად იყოფოდა, — დანაწილებულად და სათემოდ.

თემი-მარკის ყოველ ოჯახს ცალკე საკუთრებათ ეძლეოდა მიწის ნაკვეთი, რომელზედაც მისი სახლ-კარი იდგა (სახლი, სამეურნეო შენობები და ბაღი). გარდა ამისა სათემო მარკიდან გამოიყოფოდა და გარკვეული წესით ოჯახებს შორის ნაწილდებოდა სახანავი მიწა, მინდვრის მარკა. საძოვრები, ტყე, წყალი და გზები სათემო მფლობელობაში რჩებოდა და განუყოფელ მინდვრის მარკას შეადგენდა. დროთა მსვლელობაში ამ განუყოფელი მარკის სფერო მცირდებოდა: ნაწილობრივ იმის გამო, რომ მოსახლეობა იზრდებოდა, შენდებოდა ახალი სოფლები და ამათთვის სათემო მარკიდან ახალი მინდვრის მარკები უნდა გამოყოფილიყო; ნაწილობრივ კი იმიტომ, რომ ნადირობისა და მესაქონლეობის ადგილს მიწათმოქმედება იჭერდა, რაიც განაწილებულ (გაყოფილ) მინდვრის მარკების გამრავლებას იწვევდა განუყოფელის ხარჯზე.

თავდაპირველად თემის ყველა წევრს თანასწორი წილი ქონდა როგორც გაყოფილ მინდვრის მარკაში, ისე სათემო მარკით სარგებლობაში. სარგებლობის პირობებს კი აწესრიგებდა მარკის წევრთა მთელი კრება. აწესრიგებდნენ საქონლის საძოვრით სარგებლობას, ტყეში ხმელი შეშის აკრეფას, ხის ხმარებას შენობებისა და გათბობისათვის და, ბოლოს, მინერალების ამოღებას. მარკის ყოველ წევრს უფლება ქონდა, თემისაგან დაწესებულ გარკვეულ პირობების დაცვით, მოეტეხა და თავისი საჭიროებისათვის გამოეყენებინა ქვა სათემო მარკის ქვის სატეხი ადგილებიდან.

თემ-მარკების უმრავლესობაში მინერალების ამოღებას მეორე ხარისხოვანი მნიშვნელობი ქონდა; ხელს ჰკიდებდნენ ამ საქმეს მხოლოდ იწვიათს შემთხვევებში. სხვანაირი მდგომარეობა შეიქნა იმ ქვეყნებში, სადაც მარილი, რკინა, სპილენძი და განსაკუთრებით ვერცხლი ან ოქრო აღმოჩნდა, და, უფრო ხშირათ, იმ ქვეყნებში, სადაც შემოსული გერმანელები კელტებისა და რომაელების მიერ დამუშავებულ მალაროებს დაეპატრონენ: ამ ქვეყნებში მინერალურ განძის ძებნამ და მერე მისი წიაღიდან ამოღებამ მალე პირველი ადგილი დაიჭირა. დასახელებული მადნები ყველგან იყო საჭირო, ყველგან ეძებდნენ, ხოლო პოულობდნენ მხოლოდ ზოგიერთს ადგილას. ამიტომ იმ თემებმა, რომლებსაც ამგვარი მადნეულობით მდიდარი სამთო ოლქები ეკუთვნოდა, ადრე დაიწყეს თავისი მინერალური სიმდიდრის ექსპლოატაცია იმ ზომაზე მეტად, რაც მათ საკუთარი მოხმარებისათვის სჭირდათ. ჩამოთვლილი მინერალები იყო საქონლის წარმოებისა და აღებ-მიცემის პირველი ობიექტები.

სამთო-სამრეწველო ოლქები უმთავრესად მთებში მდებარეობდა, სადაც მიწათმოქმედება თავიდანვე მცირე როლს თამაშობდა. რაც უფრო ვითარდებოდა სამთო საქმე, მით უფრო მცირდებოდა მიწათმოქმედება. ეხლა აღარ იყო საჭირო იმდენი ყანა, როგორც წინეთ, რადგან ცხოვრებისათვის საჭირო საგანთა შექმნა შესაძლებელი იყო სამთო საქმის პროდუქტების გადაცვლით. გარდა ამისა მიწათმოქმედებას და მესაქონლეობას ბევრი მუშა-ხელი აკლდებოდა, რადგან მარკის წევრები უფრო სამთო საქმეს ეკიდებოდნენ, როცა იგი უფრო შემოსავლიანი გახდა. წარმოება საკუთარი მოხმარებისათვის ბუნებრივად ისაზღვრება მწარმოებლის მოთხოვნილებათა ფარგლებით. საქონლის წარმოების ფარგლები ბაზრის მოთხოვნილებათა დამოკიდებული; სამთომადნო პროდუქტების ბაზარი კი ფაქტიურად უსაზღვრო იყო, რადგან ის მცირერიცხოვანი ადგილები, სადაც მარილი და ლითონი მოიპოვებოდა, სავსებით ვერ დააკმაყოფილებდა ბაზარს, რომელიც გაცილებით უფრო ჩქარა ფართოვდებოდა, ვიდრე ამას კაცი წარმოიდგენდა. უდიდეს მანძილზე გადადიოდა ძვირფასი ლითონები ხელიდან ხელში და სოფლიდან სოფელში; განსაკუთრებით ადვილი იყო ლითონების გადატან-გადმოტანა იარაღებისა და სამკაულების სახით.

ჯერ კიდევ ქვის საუკუნეში ვხვდებით იარაღებით, სამკაულებითა და ამ საგნებისათვის საჭირო მასალით ფართო ვაჭრობის კვალს. საფრანგეთში, ტურის და პუატიეს შუა გზაზე მოიპოვება მრავალი, მონოლიტური, თაფლის ფერი კარგი კაჟი. დ-რ Leveillé-მ Pressigny-le-Grand-ის ახლო აღმოაჩინა ნაშთი ძველი სახელოსნოსი, რომელიც ამ კაჟიდან დამზადებულ იარაღებს აწვდიდა ფართო რაიონს. მთელს საფრანგეთში, ბელგიაში და აგრეთვე შვეიცარიაში ნახულობენ ამ ადგილიდან გამოტანილ კაჟის იარაღებს; ისინი ადვილი გამოსაცნობია თავისებური ფერით. ამერიკაში, მისისიპის ველის პირველყოფილ მცხოვრებელთა საფლავებში ჰპოულობენ ერთი შეორეს გვერდით მდებარე სპილენძს—ზემო-ტბიდან, გამჭვირვალე ქვას—აღლევანიდან, ნიჟარას—მექსიკის ყურედან და ობსიდიანებს—მექსიკიდან (L u x b o c k, Die vorhistorische Zeit, Iena 1874, I, გვ. 74, 77, 187).

ამჟამად მხოლოდ ძვირფასი ლითონებია და ხშირათ მხოლოდ ოქროა ისეთი საქონელი, რომელსაც ყველა მოითხოვს და რომელიც არასოდეს ქარბი არ არის; საქონლის წარმოების პირველ ხანებში იმავე როლს ასრულებდა რკინა, სპილენძი და ხანდახან მარილიც. ამიტომ ამ მინერალების შოვნის სტიმული უზომო იყო. საკვირვე-

ლიც არ არის, რომ ყველგან, სადაც კი მიწის წიაღი მდიდარი იყო სასარგებლო მინერალებით, სამთომადნო მრეწველობა ეკონომიური საქმიანობის უმთავრეს დარგად გადაიქცა. მის წინაშე იჩრდილებოდა მიწათმოქმედება, რომელსაც საკუთარი მოთხოვნილებათა დასაკმაყოფილებლად ეწეოდნენ და არა საქონლის წარმოებისათვის.

თავდაპირველად მალაროებს მხოლოდ სათემო მარკაში სთბრიდენ. მაგრამ რა უნდა ექნათ, რომ სამთომადნო საქმე ფართოვდებოდა და დაყოფილ მინდვრის მარკაშიაც პოულობდნენ სასარგებლო ლითონებს? მინდვრის მარკა დაყოფილი იყო მიწათმოქმედების გულისთვის და თუ მინდვრის ნაკვეთს ამ მიზნისთვის არ გამოიყენებდნენ, არ ხნავდნენ და არ სთესავდნენ რეგულიარულად, იგი სათემო მარკის განკარგულებაში უნდა გადასულიყო კუთვნილებისამებრ. ეს ასეც მოხდა, როდესაც მადნის ძებნას შეუდგნენ დაყოფილ მარკაში. მაგრამ რაკი ყველგან, სადაც სამთომადნო საქმე ვითარდებოდა, იგი მიწათმოქმედებაზე უფრო ხელსაყრელი შეიქნა, საკმაო გახდა აღმოჩენიანთ დაყოფილ მინდვრის მარკაში მინერალები, რომ მინდვრები და საბალახოები კვლავ სათემო მარკისათვის გადაეცათ. კიდევ მეტიც, — ყოველნაირად ხელს უწყობდნენ მინერალების ძებნას და უბრალო ეგებობაც-კი, რომ მინდვრის მადანი აბადია, სათემო მარკის შემადგენელ ნაწილად აქცევდა ამ მინდვრს. ბოლოს ძვირფას ლითონების მოთხოვნილების ზრდამ მოსპო ცალკე საკუთრება თვით სამოსახლო მიწაზედაც. მარკის ყოველ წევრს მიეცა უფლება ეძებნა მადნის საბადო და შურთები გაეთხარა მარკის მთელს სივრცეზე, სადაც კი შეიძლებოდა მადანი აღმოჩენილიყო; და თუ ეს ვინმეს დააზარალებდა, დაზარალებულს შეეძლო საზღაური მოეთხოვა, მაგრამ წინააღმდეგობის გაწევის უფლება არ ქონდა.

„ვინაიდან ძლიერი არის სამთო სამართალი და არც მეფეს, არც ჰერცოგს, არც გრაფებს არ შეუძლიათ წინააღმდეგობა გასწიონ, თუ ვინმე მოისურვებს მადნის ძებნას ბაღში თვით საწოლი ოთახამდის რომელიმე კაცისა“, ნათქვამია შტეინფელდის სააბბატოს ერთს ძველს წიგნში.¹⁾

რამდენადაც მიწათმოქმედების მნიშვნელობა მატულობდა მესაქონლეობასთან და ნადირობასთან შედარებით, იმდენათ მარკის განვითარებაში საზოგადოთ ძლიერდებოდა კერძო საკუთრების გა-

¹⁾ N. Achenbach, — Das gemeine deutsche Bergrecht in Verbindung mit dem preussischen Bergrecht etc. dargestellt, ბონნი, 1871, ტ. I. გვ. 71.

ფართოებისა და სათემო მარკის შევიწროების ტენდენცია. სამთომადნო სამრეწველო რაიონებში კი, სადაც მიწათმოქმედების მნიშვნელობა სამთომადნო საქმის წყალობით კლებულობდა, ჩვენ, პირიქით, წინააღმდეგ ტენდენციას ვამჩნევთ. სამთომადნო მრეწველობა ჰკვეცავდა კერძო საკუთრების უფლებებს და გარკვეულ პუნქტებში კვლავ სათემო მარკას უთანასწორობდა.

მაგრამ მაღაროებიანი მიწის ნაკვეთები სათემო მარკაში მხოლოდ იმისთვის გადადიოდა, რომ უმაღლეს ისეე გამოყოფილიყო მისგან. პირველი მაღაროები მეტის მეტად პრიმიტიული იყო: მუშაობა სწარმოებდა მხოლოდ მიწის ზედაპირზე; სთხრიდნენ უბრალო ორმოებს და იქედან მადანი ამოქონდათ.

მაღაროს ამგვარი დამუშავებისათვის საკმარისი იყო ერთი მუშა ან, ყოველ შემთხვევაში, ძალიან მცირე რიცხვი მუშებისა. თემური სარგებლობის წესი, ისეთი, როგორც, მაგ. საბალახო ადგილებით სარგებლობაში არსებობდა, მაღაროების მიმართ განუხორციელებელი იყო. მაღაროებიანი მიწის ნაკვეთები მარკის ცალკე წევრებს ეძლეოდა დასამუშავებლად იმგვარათვე, როგორც სახნავი მიწდერები ნაწილდებოდა იმავე წევრებს შორის. მაგრამ სხვა და სხვა მაღარო სხვა და სხვა ზომის შემოსავალს იძლეოდა, და მაღაროების რიცხვის გადიდება იმნაირად, როგორც სახნავი მიწის ნაკვეთებს ამრავლებდნენ, შეუძლებელი იყო; ამიტომ, მთელი თემის ინტერესისათვის, მაღაროები წევრებს იმ პირობით ეძლეოდა, რომ ესენი თემის სასარგებლოთ შემოსავლის განსაზღვრულ ნაწილს გადაიხდიდნენ. შემდეგ: როგორც განაწილებულ ყანების, ისე მაღაროების დამუშავება, თემის ზედამხედველობასა და ხელმძღვანელობას ექვემდებარებოდა და როგორც დაუმუშავებელი ყანები, ისე მიტოვებული მაღაროებიც ისევე თემს უბრუნდებოდა. როცა მაღაროთი მოსარგებლე პირი მუშაობას მიატოვებდა, ის ყოველ უფლებას კარგავდა მაღაროზე.

უფლება მადნის საბადოებით სარგებლობისა უწინარეს ყოვლისა, რა თქმა უნდა, იმას ეკუთვნოდა, ვინც მას აღმოაჩენდა, და არა იმას, ვინც მანამდე სარგებლობდა მადნიანი მიწით, — თუ ეს მიწა ადრევე კერძო საკუთრებათ იყო გადაქცეული. მადნის აღმოჩენის ეს პრივილეგია ამჟამათაც ძალაშია.

ზოგიერთი, შედარებით ნაკლებ ფასიანი, მინერალების დამუშავება დიდი ხანი, ზოგჯერ მეცხრამეტე საუკუნემდისაც, პრიმიტიული წესით სწარმოებდა (ასეთია, მაგალითად, ქვანახშირისა და რკინის მადნის მაღაროები). კეთილშობილ ლითონების ამოღება კი, როგორც დავინახეთ, ადრე დადგა ტეხნიკის მაღალ საფეხურზე.

მუშაობა მაღაროებში სულ უფრო ფართო, რთული და სახიფათო ხდებოდა. სულ უფრო ძნელი ხდებოდა, რომ ცალკე მემღაროეს, თემის ცალკე წევრს, საკუთარის პასუხისმგებლობით და მოსახრებით გაემართა ეს საქმე.

სხვა და სხვა მაღარო თანათან ერთმანეთზე დამოკიდებული ხდებოდა და მთლიან ერთეულად იქცეოდა. რა რიგ არ ეცანდათ ცალკე მემღაროებს, რომ მათი მაღაროები ანუ „ამქრები“ ერთმანეთისაგან განცალკევებული დარჩენილიყო და ყოველ მუშაკს ხელუხლებელ ეყო თავისი დამოუკიდებლად მუშაობის უფლება, მაინც საქმის მართვა, ტეხნიკურ აუცილებლობის გამო, სულ უფრო საზოგადო ხდებოდა. თემის—მარკის მოსამსახურე, სამთომადნო ოსტატი, რომლის მოვალეობას პირველ ხანებში მხოლოდ მაღაროების თხრის ზედამხედველობა შეადგენდა, თანდათან მთელი წარმოების ხელმძღვანელად გადაიქცა; მას დაევალა მთელი საქმის გეგმაშეზომილი ორგანიზაცია.

ტეხნიკურად დაწინაურებული მაღაროები იმდენად შემოსავლიანი იყო, რომ მაღაროს პატრონები ანუ მარკის წევრები (ამ ორ ცნებას ერთი და იგივე მნიშვნელობა ქონდა სამთომადნო ოლქებში) თანდათან თავისუფლდებოდნენ სამთო მუშაობისაგან და, ბოლოს, ეს მუშაობა საესეებით „მოჯამაგირეებს“ ანუ ქარგლებს დაეკისრა. მაღაროს პატრონები თანდათან კაპიტალისტებად გადაიქცენ.

მდიდარ მაღაროებში ქარგლების რიცხვი თანდათან იზრდებოდა. მათ მიემატათ ის მუშებიც, რომელნიც ქურებთან მუშაობდნენ, მადანს ადნობდნენ ლითონად. ამ მუშების გარდა სამთომადნო ოლქებში მრავალი ხელოსანი ესახლებოდა,—სამთო იარაღების სამზადებლად, ამოღებულ ლითონის გადასამუშავებლად და, საზოგადოთ, გამრავლებულ მოსახლეობის სხვა მოთხოვნილებათა დასაკმაყოფილებლად. კარგ შემოსავალს პოულობდნენ აქ ვაჭრებიც, რომელნიც მიწის წიაღიდან ამოღებულ განძის ალებ-მიცემას ეწეოდნენ. ამრიგათ მაღაროების ახლო თანდათან ქალაქი აღმოცენდებოდა, „მთის ქალაქი“; მარკის წევრებმა, „მთის და ლუმელების“ ბატონებმა, ვაჭრებთან ერთად, რომელნიც ნაწილობრივ მათივე წრიდან იყვნენ გამოსული, ამ ქალაქებში არისტოკრატიული უმცირესობა შეადგინეს: მიუხედავად მთის თემების თავისებურობისა, ადვილათ შეგვიძლია შევატყუოთ მათ ჩვეულებრივი თემის—მარკის დამახასიათებელი ნიშნები. მიწათმოქმედებამ და მესაქონლეობამ აქ, რა საკვირველია, დაკარგა წინანდელი მნიშვნელობა. მაღაროების შემდეგი უდიდესი მნიშვნელობა ტყეებმა მიიღო; ტყეები საწვავ მასალას იძლეოდა მად-

ნის სადნობ ლუმელებისათვის. ამის გამო, იქ სადაც მადნის მადიებ-
ლებს დასული ქონდათ მარკის ძველებური წყობილება, უკანასკნე-
ლი სატყეო თემის ფორმას იღებდა.

გირკემ აგვიწერა „ჰარცის დიდი მთის თემი, რომლის ცენტრში გოსლარი მდებარეობდა“ და ამ აღწერილობაში ნათლად წარმოგვიდგინა ძველებური მთის თემების წყობილება ¹⁾.

„საქალაქო წყობილების მიმართ,—ამბობს ის,—„მთის და სად-
ნობ ლუმელების ბატონთა“ თემი (მთისა და ტყის მცხოვრებელთა, montani-ს და silvani-ს თემი) წარმოადგენდა ვაჭრებსა და გილდიებს (ფულის მკრელთა, წვრილ ვაჭართა და ხელოსანთა გილდიებს) შუამდგომარე კორპორაციას; როგორც ასეთი, ის მონაწილეობას იღებდა ქალაქის მართვა-გამგეობაში, დეპუტატებს გზავნიდა სტატუტებზე ხელის მოსაწერად, და საბჭო ვალდებული იყო მას დაჰკითხებოდა, როდესაც სამართალში რაიმე უნდა შეცვლილიყო; საქალაქო სამართლის ძალით კორპორაცია თავისუფალი იყო გირაოსაგან და ურთიერთ დახმარების ფართო უფლებით სარგებლობდა მოჯამაგირეთა (ქარგლების) მიმართ. ჰარცის ტყეების მიმართ ტყის მოსახლენი იმავე დროს განსაკუთრებულ მარკას—თემს შეადგენდენ, რომლის წევრნი კრებებს მართავდენ ხოლმე სატყეო მეურნეობის სამი მნიშვნელოვანი საქმის მოსაგვარებლად: მალაროებისა და ლუმელების გარდა, ისინი ტყით სარგებლობას და ნადირობა-მეთევზეობას აწესრიგებდენ. მთელი სამთომადნო საქმის მიმართ მთისა და ტყის მთელი მოსახლეობა დამოუკიდებელ ავტონომიურ თემს შეადგენდა: მას ეკუთვნოდა უზენაესი ზედამხედველობა და უმაღლესი იურისდიქცია, რითაც თავდაპირველად საიმპერიო ფოგტი იყო აღკვეტილი, უფრო გვიან კი,—ქ. გოსლარი, სახელდობრ ქალაქის საბჭოს სპეციალური კაცისაგან შემდგარი კომისია. ამიტომ მთიულნი თავის მიერ არჩეულ სამთო მოსამართლის ან სამთო ოსტატის ხელმძღვანელობით თვით მართავდენ სამთომადნო საქმეს; თავის საზოგადო კრებებზე გოსლარში, თუნდაც საბჭოს გაუღენით, თავის სამთო წესდებას ადგენდენ, მთაში მშვიდობიანობას იცავდენ და სამთო სამართალს აწესებდენ; სამართალს იღებდენ, როგორც შეფუენები, სამთო ოსტატის სასამართლოში, რომელიც პირველ ინსტანციას წარმოადგენდა ვალეებისა და საკუთრივ სამთო საქმეებში; მაგრამ ყოველ სხვა საქმეებშიაც montanus-ს (მთიულს) უწინარეს ყოვლისა ამ სასამართლოსათვის უნდა მიემართა.“

¹⁾ Otto Gierke, Das deutsche Genossenschaftsrecht, ბერლინი 1868 წ., ტ. I, გვ. 443.

მაგრამ დამოუკიდებელი მარკის წყობილება დიდი ხანი ალბათ არცერთ სამთო-სამრეწველო თემში არ შენახულა თავისი წმინდა სახით. აქაც, როგორც გლეხებთან, ეს წყობილება მსხვილი ფეოდალური მიწათმფლობელობის აღმოცენებით ილახებოდა.

რა საკვირველია, მდიდარ სამთო-სამრეწველო თემებს სულ სხვა და უფრო ძლიერი საშუალებები ჰქონდა მჩაგვრელებისაგან თავდასაცავად ვიდრე ლარიბ საგლეხო თემებს.

ჩვენ არც ერთი მაგალითი არ ვიცით იმისა, რომ საშუალსაუკუნეების მთიულებს ვასსალური დამოკიდებულება ან ბატონ-ყმობა შეჰხებოდა. მაგრამ მალაროების სიმდიდრე დიდ სურვილს უძრავდა ფეოდალებს, რომ მალაროებიც დაებეგრათ ფეოდალური გადასახადებით. ფეოდალებმა გამოაცხადეს, რომ სამთომადნო საქმე ნადირობასავით მათ პრივილეგიას შეადგენს. მრავალ „სიმართლე“-ში, რეინის მარცხენა მხარეზე, სამთომადნო საქმეს პირდაპირ ნადირობასთან ათანასწორებდნენ და ამბობდნენ: „მოწყალე სენიორის“ უფლებაა— „ინადიროს მიწაზე თუ მიწაში იო“. მეფემ, როგორც უდიდესმა ფეოდალმა, სხვაზე ადრე მოახერხა მალაროების ერთი რიგის ხელში ჩაგდება; მალე ამის შემდეგ მეფემ პრეტენზია განაცხადა იმ მალაროებზედაც, რომლებიც თავად-აზნაურობას, მონასტრებსა და ეპისკოპოზებს ჩაეგდოთ ხელში. ბოლოს და ბოლოს გერმანიის მეფეებმა (კოროლებმა) და იმპერატორმა განაცხადეს, რომ არავის არ აქვს უფლება სამთომადნო დარგში მუშაობისა, თუ მათგან არ მიიღებენ მალაროებს ლენური სამართლის ძალით, სამთომადნო საქმე და პირველად ყოვლისა ოქრო-ვერცხლისა და მარილის ამოღება, გამოცხადებულ იქნა რეგალიად.

პირველ ხანებში იმპერატორებმა თავისი გაიტანეს და მათი პრეტენზიები ნაწილობრივ მაინც ცნობილ იქნა. რამოდენიმე ამისი მაგალითი ახენბახას მოყავს ჩვენ მიერ უკვე ნახსენებ წიგნში. ასე, მაგალითად, ფრიდრიხ I-მა მე-XII საუკუნეში მრავალი ეპისკოპოზი აიძულა მიეღოთ მისგან მალაროები, როგორც ლენები. მაგრამ უკვე შემდეგ საუკუნეში იმპერატორის ხელის უფლება დასუსტდა, ხოლო მსხვილ სენიორთა ხელის უფლება გაძლიერდა და სათავადო (landesfürstlichen) ხელის უფლებამდე გაიზარდა. სამთო რეგალიაც თავადებზე გადავიდა, ხოლო უკანასკნელნი მალე იმდენად გაძლიერდნენ, რომ შესძლეს რეგალიის გამოყენება წვრილ ფეოდალების, ცალკე ამხანაგობათა და თემების საზარალოთ.

უკვე კარლოს მე-IV იძულებული გახდა ეცნო თავის ოქროს ბულაში კურფიურსტების სამთო რეგალია (1356 წ.), ხოლო კარ-

ლოს მე-V-მ, მისი არჩევის გამო 1594 წ. დადებულ ხელშეკრულება-ში, სიმტკიცის პირობა მისცა იმპერიის წოდებებს მათი რეგალიების შესახებ.

ამ დროისთვის მარკის თემური წყობილება უკვე დაირღვა სამთო-სამრეწველო ოლქებში, განსაკუთრებით იმ ოლქებში, სადაც უფრო დიდი მალაროები იყო. თემებისაგან არჩეულ მოსამსახურეთა ადგილას სიუზერენთა მოხელეები გაჩნდნენ; ესენი მარკის წევრებისა და მადნის მაძიებლებისაგან დამოუკიდებლად განაგებდნენ სამალარო მუშაობას, იღებდნენ სამართალს და სწყვეტდნენ, თუ ვის შეეძლო და ვის არ შეეძლო მალაროს მიღება ლენურ სარგებლობაში.

ბოლო მოვლო აგრეთვე მალაროებისა და მარკის მკიდრო და-მოკიდებულებას. მალაროების დამუშავებას სულ უფრო ეწინააღმდე-გებოდა ის დაბრკოლებანი, რომლებიც მარკის წყობილებიდან გამო-მდინარეობდა. სამთომადნო მრეწველობა მოითხოვდა მუშათა დიდ მასსებს, რომელიც გარედან უნდა შემოსულიყო, ვინაიდან იმ მთის ქვეყნებში, სადაც მალაროების უმეტესი რიცხვი იყო, მოსახლეობა ნაკლები იყო. მეორეს მხრით, რაც უფრო იზრდებოდა და ძვირდებოდა მალაროები, მით უფრო მეტი კაპიტალი სჭიროდა მრეწველობას; ამან შექმნა მისწრაფება, რომ მალაროებას მფლობელობა მისა-წვდომი გამხდარიყო მსხვილ ვაჭრებისათვის ქალაქებში. მსხვილი ვაჭრები საზოგადოთ კარგ დამოკიდებულებაში იყვნენ თავადებთან, რომელნიც მათ არა ერთხელ დაუხსნიათ ვაჭირებიდან სესხის მიცემით; ესეც იქნებოდა ერთერთი მიზეზი იმისა, რომ სიუზერენები დიდ ძალას ხმარობდნენ მარკის წევრთა მონოპოლიის მოსასპობად მალაროების ექსპლოატაციასზე. მალაროები გამოყოფილ იქნა მარკი-დან და მთები სადაც მარკები ესახლენ, „თავისუფლად“ იქნა გამოცხადებული. სამთომადნო მოსაქმეობა თავისუფალ მთებში ყველასათვის ნებადართული გახდა, რამდენადაც სიუზერენი ამის თანახმა იქნებოდა. ამგვარად მოისპო ყოველივე დაბრკოლება უცხო ელემენტების შემოსავლისათვის; მალაროებს, განსაკუთრებით ვერცხლისა და ოქროს, შემოესია სხვა და სხვა ჯურის ბედის მაძიებელთა გუნდები: ვაჭრები, მევახშეები, ავანტიურისტები, მუშები და მათხოვრები. ამის წყალობით შესაძლებელი გახდა დიდი მალაროების სწრაფი განვითარება.

გაწყდა ყოველივე კავშირი მალაროსა და მარკას შორის. საკვირველი არ არის, რომ შემდგომი დროის რომანისტებმა (რომის სამართლის მკვლევარებმა), რომელთაც საზოგადოთ არ ესმოდათ მარ-

კის წყობილებისა, ვერ გაიგეს მისგან გამომდინარე სამთო სამართალიც. მხოლოდ ეპოქის შეშქნელმა მაურერიის გამოკვლევამ მარკის წყობილების შესახებ შესაძლებელი გახადა სამთო სამართლის და ბევრი სხვა საზოგადოებრივი ფორმის გაგება.

XI. მსხვილი კაპიტალისტური წარმოება სამთომადნო საქმეში.

გერმანული მალარო მე-XVI საუკუნის დამდეგში საკვირველ სურათს წარმოადგენდა რომის სამართლის ნორმებს შეჩვეულ კაცი-სათვის.

მალაროს ექსპლოატატორს სრული საკუთრების უფლება კი არ ქონდა მალაროზე, არამედ მხოლოდ სარგებლობის უფლება.

ამ უფლებას იძლეოდა თავადის მოხელე, სამთო ოსტატი. სარგებლობის უფლებით აღჭურვილი კონცესიონერი აარსებდა ამხანაგობას ოთხი პაით ანუ კუკსით (ჩეხური Kuz ნაწილი) ან მეტით, როგორც უფრო გვიან იყო.

განსაზღვრული რაოდენობა ამ კუკებისა ეძლეოდა თავადს. კუკის ვაჭრობის საგანი იყო.

რიცხვი ოთხი დიდ როლს თამაშობდა მალაროს (იდეალურ) დანაწილებაში. როგორც კუტტენბერგის სამთო წესდებიდან სჩანს, მალაროს დამუშავების უფლება პირველ ხანებში 4 იდეალურ წილად იყოფოდა, თუ მალარო რამოდენიმე პირის სარგებლობაში იყო. უფრო გვიან ამ ნაწილებიდან გამოვიდა 8, 16, 32 და ბოლოს 4.32 = 128 კუკი და ეს უკანასკნელი რიცხვი საერთო წესად გადაიქცა. ეს რიცხვი პირველად მოხსენებულია 1327 წლის საბუთში: მაგრამ ფრეიბურგში მალაროს შემოსავალი მხოლოდ 1698 წლიდან იყოფოდა 128 კუკად. (შეადარეთ Achenhach, loc. cit., გვ. 291).

ერთი ან რამოდენიმე კუკისი პატრონს მონაწილეს (Geverke) უწოდებდენ. მაშასადამე, სამთომადნო საქმეს სააქციო საზოგადოებანი მართავენ. მაგრამ კუკისი ნიშნავდა უფლებას არა მალაროზე, არამედ მალაროს წმინდა შემოსავალზე, რომელიც კუკების მფლობელთა შორის იყოფოდა. მათ შორისვე ნაწილდებოდა მალაროზე გასაწევი ხარჯი. თუ რაოდენიმე ხნის განმავლობაში ხარჯი შემოსავალს აღემატებოდა და მონაწილეს არ შეეძლო დამატებითი თანხის გადახდა, ის ჰქარავდა თავის კუკს და ამხანაგები განთავისუფლებულ წილს სხვას გადასცემდენ.

თუ მალაროში სულ არ სწარმოებდა მუშაობა, ამხანაგობა ჰკარგავდა ყოველივე უფლებას მალაროზე და თავადს შეეძლო ის სხვა ამხანაგობისათვის გადაეცა.

მაგრამ ამით არ ამოწურულა ყველა ის ნორმები, რომელიც თავდაყირა აყენებს რომაელ იურისტების ყველა შეხედულებებს საკუთრებაზე. მონაწილენი სრულიად უმნიშვნელო როლს ასრულებდენ მალაროს ხელმძღვანელობაში; საქმეს ხელმძღვანელობდა თავადის, — მარკის უფლებათა უზურპატორ თავადის, — მოხელე.

საქსონიის კურფიურსტის, ჰერცოგ ავგუსტის სამთო წესდების (დაბეჭდა 1574 წ.) მესამე მუხლში ჩამოთვლილია თავადის მიერ დანიშნული შემდეგი მოხელეები: ორი სამთო მრჩეველი, რომელნიც წელიწადში ორჯერ მალაროებს ათვალეიერებდენ ჰაუპტმანის, მთავარი სამთო ოსტატისა და მალაროთა მმართველის თანდასწრებით. „გარდა ამისა, მთის ყოველ ქალაქში, მისი პირობებისა და მალაროთა სიდიდის მიხედვით, ჩვენ დავნიშნეთ სამთო ოსტატი და საკმაო რიცხვი სამთომადნო საქმის მკოდნე ნაფიც პირთა, ათისთავი, გამწესრიგებელი, კონტროლიორი, სამთო მწერალი, ღუმელების გამგე, ღუმელის ოსტატი, სახლების და ღუმელების ამწერელი, მევერცხლე და მიწის მზომელი (მარკ-შრეიდერი)“.

მონაწილენი ნიშნავენ შტეიგერებსა და შიხტმეისტერებს, მაგრამ ამათი დანიშვნა უნდა დაამტკიცოს ჰაუპტმანმა, მთავარმა სამთო ოსტატმა და სათანადო ადგილის სამთო ოსტატმა. 44 მუხლის თანახმად, ამ მოხელეებს უფლება აქვთ დაითხოვონ შტეიგერი ან შიხტმეისტერი შიხტმეისტერი ქირაობს და ითხოვს მუშებს, მაგრამ მხოლოდ სამთო ოსტატისა და ორი ნაფიცი პირის ნებადართვით.

აგრიკოლა, რომლის წიგნიდან¹⁾ არის მოყვანილი ეს ცნობები, შემდეგ ღეტალებს აგვიწერს ცალკე მოხელეთა ფუნქციების შესახებ.

ყველა უნდა ემორჩილებოდეს სამთო ჰაუპტმანს, ის უმაღლესი მსაჯულია. მის შემდეგ მიდის სამთო ოსტატი. ნაფიცებთან ერთად ოთხშაბათობით ის სასამართლო საქმეებს არჩევს. დანარჩენ დღეებში ათვალეიერებს მალაროებს და აწესებს, თუ რა და რა უნდა გააკეთდეს; შაბათობით ისმენს შტეიგერების ანგარიშებს.

სამთო მწერალი ამზადებს „ბილეთებს იმათთვის, ვისაც მალაროს აღება სურს“; მას აბარია მალაროების შემოსავალ-გასავლის

1) Vom Bergvergeck XII Bücher etc, ბაზელი 1557 წ., გვ. 73.

დავთრები; ოთხჯერ წელიწადში ადგენს ანგარიშებს მონაწილეებისთვის. ათისთავი მალაროების ფულად შემოსავალს იღებს და შტეიგერებს ურიგებს საქმისათვის საჭირო ფულს. განმწესრიგებელი წმინდა შემოსავალს ანაწილებს წარმოების მონაწილეებს შორის. თუ მოგების მაგიერ დეფიტი აღმოჩნდა, სამთო მწერალი ზარალს პლაკატზე აღნიშნავს, და ამ პლაკატს, სამთო ოსტატისა და ნაფიცთა მიერ მისი დამტკიცების შემდეგ, სათანადო მონაწილის (ან მისი წარმომადგენლის) სახლის კარზე გამოაკრავს.

შტეიგერი მალაროებს განაგებს და ხელფასს არიგებს; ხელფასის ზომას ის ნაფიცებთან ერთად აწესებს. „თავის დროზე ისინი (ე. ი. ნაფიცნი) შტეიგერთან ერთად მალაროს მუშებს ქირაობენ, რათა რამოდენიმე საუბის მანძილზე გვირაბი გათხარონ მიწაში; ამისთვის ამა თუ იმ ზომის ქირას ნიშნავენ, იმის მიხედვით, თუ რამდენად მაგარი ან რბილია გასაჭრელი ქვის ჯიშის“ (გვ. 71) თუ მუშები ამ მუშაობის დროს მოულოდნელად მაგარ ჯიშს წააწყდებიან, მათი ხელფასიც სათანადოთ გადიდდება, ხოლო თუ ქვა მოსალოდნელზე უფრო ფხვიერი აღმოჩნდება, ხელფასი შემცირდება.

შიხტმეისტერი ხელმძღვანელობასა და ზედამხედველობას უწევს მალაროში მუშაობას.

როგორც ვხედავთ, მონაწილეებს მხოლოდ ისლა დარჩენოდათ, რომ საქმის კომერციულ მხარეზე ეზრუნათ; მაგრამ ესეც არ იყო რთული საქმე ვერცხლის მალაროებში, რომლის პროდუქცია ზარათხანებში მიდიოდა. საზოგადოდ კი მონაწილე სხვას არაფერს აკეთებდა გარდა იმისა, რომ ფულს გადაიხდიდა, როცა საქმე ცუდათ მიდიოდა, და ფულს მიიღებდა, როცა საქმე კარგად მიდიოდა. მართალია, აგრიკოლას საჭიროთ მიაჩნდა, რომ მონაწილეებს მალაროებთან ახლო ეცხოვრათ, რათა თვალ-ყური ედევნებიათ მუშებისათვის; შტეიგერის ზედამხედველობა საკმარისი არ არის, „პატრონის თვალი ცხენებს ასუქებს“--ო. მაგრამ აგრიკოლას ეს შენიშვნა მხოლოდ იმას გვიმტკიცებს, რომ მონაწილეებს იმ დროშიაც ურჩენოდათ შორს ყოფილიყვნენ იმ ადგილისაგან, სადაც მათთვის სიმდიდრეს ქმნიდენ; ისინი ზედმეტნი გახდენ საწარმოო პროცესისათვის, რომლის ხელმძღვანელობა სიუზერენტა ბიუროკრატიაში იკისრა.

მაგრამ რამდენადაც მონაწილის პიროვნება წარმოებისათვის ზედმეტი ხდებოდა, იმდენად მისი კაპიტალის საჭიროება იზრდებოდა. მალაროს წარმატებით და ნაყოფიერად ექსპლოატაცია მალე ქალაქის მსხვილი კაპიტალისტების, მსხვილი ვაჭრებისა და ბანკირებს პრივილეგიათ გადაიქცა.

საშუალო საუკუნეების დამლევეში და ახალი დროის დამდეგში სამთომადნო საქმის ტექნიკა გასაოცარი სისწრაფით განვითარდა, განსაკუთრებით, გერმანიაში, რომელიც ოქროს და ვერცხლის სიმდიდრით „ევროპის პერუთ“ გადაიქცა.

მალაროების გაღრმავებასთან ერთად სწრაფად იზრდებოდა შრომის სიძნელე და საშიშროება და აგრეთვე სამთომადნო საქმესთან დაკავშირებული ხარჯებიც. ამიტომაც, როგორც ვთქვით, მრავალი მინერალის, მაგ., ქვანახშირისა და რკინის, ამოღება დიდი ხანი ძლიერ პრიმიტიული წესით სწარმოებდა. მაგალითად, მურა—ქვანახშირის ამოღება ე. წ. მადნიან მთების ახლო XIX საუკუნის ნახევრამდე ძალიან მცირე მოგებას იძლეოდა და მსხვილ კაპიტალისტებს არ იზიდავდა. იქ მხოლოდ წვრილ-წვრილი მალაროები ითხრებოდა, ზოგჯერ უბრალო თავლია ორმოები და ქვანახშირი ამოჰქონდა თვითონ მონაწილეს თავისი ცოლ-შვილის დახმარებით; მუშაობა ჩვეულებრივ მხოლოდ ზამთრობით სწარმოებდა სასოფლო-სამეურნეო მუშაობის დამთავრების შემდეგ. პაის მქონე მონაწილეებათ უმთავრესად გლეხები იყვნენ. (შეადარეთ Braf, Studien über nordbühmische Arbeiterverhältnisse, პრაგა, გვ. 4). გრიფელებისათვის საკირო ფილაქანის ამოღება მეინინგენის მალლობებზე ეხლაც ძალიან პრიმიტიულია... „საქმე მდგომარეობს მრავალი შურფის გათხრაში იმ ადგილებში, სადაც მოიპოვება საუკეთესო, ადვილად გადასამუშავებელი და ზედაპირთან რაც შეიძლება ახლო მდებარე ფილაქანი. მისწვდებიან საუკეთესო ქვის სვეტებს, მოაგროვებენ ხიქს ამოღების ადგილთან ახლო და თავს ანებებენ მუშაობას იმ შემთხვევაში, როცა რაიმე დაბრკოლებას წააწყდებიან ან შურფი წყლით აივსება, რადგან წყლის გასაყვანი მილები არა აქვთ ან არ ვარგა“- ამოღებას ეწევიან საკუთარი შრომით მცირერიცხოვან საზოგადოებებათ შეკავშირებული მუშა—მოიჯარადრენი. (E. Sax, Die Hausindustrie in Thüringen, იენა 1882 წ. ტ. 1, გვ. 70). ამის მზგავსათ შეგვიძლია წარმოვიდგინოთ აგრეთვე სამთო მრეწველობის სხვა ძველი დარგებიც.

მარტივი იარაღით კაცი ვერ ჩასწვდება დიდ სიღრმეში. მთის ჯიშის დიდი მასების ამოღება მეტის მეტად ძნელდება; მალაროს სიღრმეში ჰაერის დენა წყდება და შეუძლებელი ხდება მუშაობის გაღრმავება; მიწის ქვეშა წყალი აესებს მალაროებს.

მაგრამ კეთილშობილი ლითონის გაუმძლარმა წყურვილმა დასძლია ყველა ეს დაბრკოლება, თავის სამსახურში ჩააყენა მეცნიერთა და პრაქტიკოსთა კვლევა-ძიების სული, ახალი და რთული ამოცანები დაუსახა ნორჩ მეცნიერულ ტექნიკას და ერთი გამოგონებიდან

მეორესაქენ იწვევდა ბუნების ძალთა დასამორჩილებლად, უნაკლო იარაღების შესაქმნელად და სულ უფრო დიად ნაშენობათა ასაგებათ.

ამგვარათ, უკვე მე-XVI საუკუნეში გერმანიის სამთომადნო მრეწველობა, მისი ოქრო-ვერცხლის მალაროებით, განსაცვიფრებელ ტეხნიკურ სიმაღლეზე დადგა.

ვისაც სურს გაეცნოს ამ საგანს, მშვენიერ გზის მაჩვენებელს იბოვის გეორგ აგრიკოლა ხემნიცელის ზემოთ ხსენებულ წიგნში.

ჩვენს მიზნებს კი უფრო შეეფერება არც ისე დეტალებითა და სპეციალური ცნობებით მდიდარი, მაგრამ უფრო ცოცხალი და ნათელი აღწერილობა იმ ტეხნიკური მოწყობილობის, რომელსაც მოითხოვდა ვერცხლის მალარო XIV საუკუნეში; ეს აღწერილობა ეკუთვნის პასტორ მატტეზიუსს იოახიმ-სტალიდან და მოყვანილია მის წიგნში¹⁾, რომელსაც მოკლეთ ეწოდება „სარეპტა“.

მეცნიერება უკვე ჩაბმულიყო სამთომადნო საქმის სამსახურში. თეორიულად მომზადებულ ინვენტებს უნდა მოეწყობა მალაროები და ხელმძღვანელობა გაეწეოთ სამალაროე მუშაობისათვის. ასეთი შრომა შორს აღემატებოდა უბრალო გაუნათლებელ სამთომადნო მუშების ძალებს.

მაგრამ! მუშებმაც იცოდენ კომპასის ხმარება. „ეს საუცხოო ინსტრუმენტი მადლობისა და ქების ღირსია, რადგან გზას უკვლევს არა მარტო მოგზაურებს ხმელეთზე და მეზღვაურებს გაშლილ ზღვაში, არამედ თქვენც, მთამადნის მუშებს; როდესაც მიწის ქვეშ იმყოფებით, ის გიჩვენებსთ თუ ჰორიზონტის რომელ მხარეზე უნდა გათხაროთ გვირაბი და საიდან ამოხვიდეთ მიწის ზედაპირზე“. მთამადნის მუშას რომ კომპასი სჭიროდა გზის გასაკვლევად, ეს გვიჩვენებს იმას, თუ რაზომ რთული და მრავალშტოიანი ნაშენობა იყო ზაშინდელი მალარო. ცხადია, ინვენტებიც ხმარობდენ კომპასს ტრიგონომეტრიული ანგარიშისათვის ცალკე მალაროების საზღვრების გამოსარკვევად, სამალაროე ვენტელიატორების მოსაწყობად და სხვა. „მაგრამ განსაკუთრებულ სამსახურს სწევს იგი კეთილშობილ მარკშრეიდერულ ხელოვნებაში (გამიჯენის საქმეში), ურომლისოდ შუეძღვებელი იქნებოდა მუშაობა მალაროებში, თუ არ სურთ ზარალი მიაყენონ მონაწილეებს (მალაროს პატრონებს) ან ძალიან მალე წააწყდენ სხვა მალაროების გვირაბებს, თუ სურთ წყალი გა-

¹⁾ Johann Matthesius, Bergnostilla oder Sarepta... Sampt Ioachimath-lischen kurtzen Chroniken biss auffs 1578 Iahr, ნიურენბერგი 1578. წიგნი წარმოადგენს 1553—1563 წ.წ. წარმოთქმულ ქადაგებათა კრებულს.

მოიყვანონ, ჰაერი მიაწოდონ და სამართლიანობა სცნონ და დაიკვირან ყველას მიმართ... ერისკაცნი უნდა სწავლობდნენ ევკლიდეს გეომეტრიის პრინციპებს და, გარდა ძველებურ ხელსაწყოს საზომებისა და სამიჯნაო ლენტების ხმარებისა, შეისწავლონ მრავალი ახალი ხელსაწყო და საზომის ხმარება. მაგრამ ვინც კუთხვარის ხმარება და პროპორციების გამოანგარიშება იცის, ის ნამდვილი ოსტატია თავის საქმეში“. (გვ. 143).

ჩვენ ვხედავთ, თუ აქ როგორ განვითარებულა მსხვილი კაპიტალისტური წარმოების დამახასიათებელი თვისება. მუშები ორ ჯგუფად იყოფიან: ერთია გაუნათლებელთა „მუშა ხელი“, რომლისაგან მხოლოდ რაც შეიძლება მეტ ფიზიკურ ძალას მოითხოვენ, მეორეა— განათლებულთა გონებრივი შრომა, რომელთა ინტელექტუალურ ნიქს აგრეთვე უდიდეს ამოცანებს უსახავენ.

მე-XVI საუკუნემ ჯერ არ იცოდა „ინტელიგენციის სიჭარბე“; თუ მას ადგილი ქონდა, ყოველ შემთხვევაში არა ტენიკის, არამედ უფრო ლეთისმეტყველების დარგში. იმ დროს ინჟინერს ყველგან ვერ შეხვდებოდით, როგორც დღეს, და ამიტომ მათ დიდათ აფასებდნენ. მატტეო ჟუსი ამბობდა: უნდა „ვადიდოთ ხელოვანთა შრომა და ვარჯილობა, პატივი ვცეთ ამ სასწაულთ მომქმედს და ჭეშმარიტების შემცნობ ადამიანებს უფრო მეტად, ვიდრე მთამადნის მუშებს, რომელთაც მხოლოდ ძველი მალაროს ჩიჩქნა თუ შეუძლიათ“. ზოგიერთი თავადი და სენიორი ღირსეულად აფასებს ამ დახელოვნებულ ოსტატებს, რომელთათვის თვით ღმერთსა და ბუნებას მიუნიკებია უპირატესობა სხვათა წინაშე. იმპერატორი მაქსიმილიანი ძალიან კარგათ ეპყრობოდა თავის ხელოვნებს: როდესაც ერთმა მათგანმა, რომელმაც ინსბრუკის შენობები ააგო და საძირკველი ჩაუყარა წყლის ნაშენობას კუტტენბერგში, საქაჩავის მაგვარ იარაღით დასწია და მთლათ ამოაშრო დიდი ტბა.—როდესაც ამ ხელოვანმა ხელმწიფეს შესჩივლა, რომ ზოგიერთი პირნი მას ცუდათ ეპყრობიან, ლეთისნიერმა ხელმწიფემ წარმოსთვა: „ამ ხალხმა არ იცის თუ როგორი მოპყრობა მართებს ხელოვანს“—აო.

„მაგრამ, მადლობა უფალს, ჩვენს დროში ეს და მრავალი სხვა თავისუფალი ხელოვნება კვლავ სწავლის საგანი გახდა სასწავლებლებში სახარებასთან ერთად და მრავალმა კეთილმა ადამიანმა უწყის, თუ რას ემსახურება ეს ხელოვნებები და როგორ უნდა გამოიყენოს მიწის საზომი სამკუთხედი და ოთხკუთხედედი; ამიტომაც ამგვარ გონებამახვილ ადამიანებს, რომელთათვის ბუნებას მათემათიკისა და ხელოვნებისადმი მიმზიდველობა და სიყვარული მიუნიკებია, მალაროე-

ბის პატრონებმა და მთის ქალაქებმა უნდა დაეხმარონ და ხელი გაუმართონ, რათა მათ მარკშრეიდერულ საქმის კეშმარიტი საფუძვლები შეისწავლონ და სასარგებლო და მტკიცე ინსტრუქტები ამზადონ, რომლის საშუალებით მცირე ხარჯით ყოველ დღე შეიძლება დეს წყლის ამოყვანა და მადნის ამოღება მაღაროებიდან“.

მაშასადამე, სამთომადნო საქმეში მეცნიერება სასარგებლო გამხდარა წარმოებისათვის უკვე XVI საუკუნის დამდეგში; ტრადიციას და მამა-პაპურ ჩვეულებას, ჯერ ესოდენ მნიშვნელოვანს ხელოსნობაში, ბოლო მოეღო სამთომადნო დარგში; ამის აღვილი რევოლუციონურმა ფაქტორმა დაიჭირა: მეთოდიურმა, მეცნიერულმა კვლევა-ძიებამ. მისი ამოცანაა წარმოების წესის შეუჩერებელი ცვლავანვითარება, ერთი მეორეზე უმჯობესი იარაღების გამოგონება, შრომისა და ხარჯის გამოზოგვა. ყოველივე ეს თანამედროვე მსხვილი კაპიტალისტური მრეწველობის დამახასიათებელი ნიშნებია.

რამდენად ფართოთ ხმარობდენ სამთომადნო მრეწველობაში მანქანებს, მატეზიუსის შემდეგი აღწერილობიდან სჩანს:

„სამთომადნო მუშის შრომა ცხენის სამუშაოა; მუშების ერთი წყება წყალს აშრობს და მადანს ზიდავს მძიმე ამოძრავებით; მუშები სისხლს ანთხევენ პირიდან და ზოგჯერ კისერსაც იტეხავენ ამ ქაპანწყვეტაში. მთელი დღე დედის შობილა დგანან და წყალს ზიდავენ, სანამ დაწესებული დრო არ გაივლის. მაგრამ დიდია ღვთის მოწყალება და სიუხვე: სასარგებლო იარაღებით და ხელოვნებით შეამსუბუქა მან ის ოფლის ღერა, რაც ცოდვის გულისთვის აქვს მისჯილი ადამიანთა მოდგმას; კაცის მაგიერ ეხლა ცხენს აბამენ და საუცხოვო ხელოვნებით წყალს, ქარს და ცეცხლს ამოკმედებენ მადნისა და წყლის ამოსაზიდავათ; ამით ხარჯი მცირდება და ფარული განძი უფრო სწრაფად იპოვება და ამოიღება.

„ამ სიკეთისთვის, — რომ საბატონო ბეგარას და სამუშაოს პირუტყვი და სტიქიონი ასრულებს, — ღმერთს უნდა მიჰმადლოს ქვეყანამ დიდებით. მთელი დღე მძიმე ოწინართან იღვე და ერთი ფენიგის გულისთვის აბრუნო იგი, თან გეშინოდეს ოწინარმა არ გადამისროლოს ან ტარი არ მომხედესო — ეს ხომ ტანჯვით ნაშოვარი ხელფასია. რადგან ორმა მუშამ ერთ წყებათ მრავალი კასრა წყალი უნდა ამოზიდოს და რადგან კასრა თითქმის ერთ ვედრა წყალს იტევს, დიდი ძალის პატრონი უნდა იყო და ძარღვები დაიწყვიტო ფეხებში და მკლავებში.

მაგრამ აი ღმერთმა ხელოვანნი გამოვიგზავნა და მათ გამოკვიგონეს კეშმარიტი გაუმჯობესება და დახმარება, — სამოძრაო ბორ-

ბლები, საბერველი ოწინარებით, შტანგები ოწინარის თვლებისათვის, —ყოველივე ეს იმისთვის, რომ საქმე უფრო მარჯვედ და იოლად კეთდებოდეს. აწყობენ აგრეთვე რვეალ შკიეებს და თვლებს თავისი თითისტარებით, კბილოვანი და გადამცემი ბორბლებით და კალაპოტებით, რათა წყლისა და მადნის ამოზიდვა შეიძლებოდეს არა მარტო ხელებით და გვერდებით, არამედ ფეხებით და მთელი ტანითაც. ესეც მადლობის ღირსი გამოგონებაა. ამმოდრავებიც მშენიერი გამოგონებაა, რადგან ცხენის ძალით ამოაქვთ ზევით მადანი და წყალი და ერთ წყებათ ეხლა იმაზე მეტის ამოტანა შეიძლება, რასაც ოცი ოწინარი სჭირდებოდა. აგრეთვე ცხენის ოწინარი თავისი საყელურით. საქმე უფრო იოლად კეთდება, როდესაც მალაროში დგარებსა და ღერძებს აწყობენ ჰაერის, მადნის და ვენტილიაციის მისაღებათ. მთამადნის მუშებს თან უნდა ქონდესთ შლანგები და ტყავის ტომრები, რომლითაც ზამთარში მადანს ზიდავენ მაღალ ალპებიდან სადნობ ღუმელებისაკენ; უნდა ჰყავდეთ აგრეთვე ძაღლები, რომლებსაც ცარიელი ტომრები ისევ მთაზე ააქვთ.

უბრალო და კარგათ მოწყობილი წოლხერი (შტოლნა), არხებით და სანაგვე მოწყობილობით მორთული, უეჭველად სამთო ხელოვნების საუცხოვო ნიმუშს წარმოადგენს, რადგან აქ ჰაერს სწმენდენ, წყალს აშრობენ და ადვილად ამოაქვთ მადანი პატარა ურმებით; ამიტომ სამთომადნო მუშებმა მადლობა უნდა უძღვნან უფალს და ჩქარა და სრულად იხადონ გადასახადი, მეოთხე და მეცხრე ფენიგი. ხოლო სადაც წოლხერის (შტოლნას) მოწყობა არ ხერხდება, იქ ჰიდრაულიულ ხელოვნებას აქვს თავისი ფასი: წყალს ბორბლის ირგვლივ დამაგრებულ ჩამჩებით ეზიდებიან, ან ბორბლით, რომელსაც შიგნით მდგომი მუშები ამოდრავებენ, ან კიდევ წყლისა და ქარის საშუალებით ამოაქვთ ზევით წყალი. როდესაც წყალი მალაროს ძირზე მიმდინარეობს, განსაკუთრებული მოწყობილობით შეიძლება მისი გარეთ გამოყვანა, როგორც ამ ჰიდრაულიური ხელოვნებით მოხერხდა მრავალ ადგილას. მაგრამ ვინაიდან მიწისქვეშა წყალი ზევით უნდა იქნეს გამოყვანილი, ამისთვის არხების გათხრაა საჭირო, როგორც ეს პიტრუსის სამთო საქმეშია წარმოდგენილი, რომელი მრეწველი ტანჯვით მოკვდა წყლის ბორბლის კამერაში. აქ ოსტატებმა მრავალი შესანიშნავი და საუცხოვო იარაღი გამოიგონეს, განსაკუთრებით მიღებიანი შტანგები და საქაჩავები, რომლის საშუა-

ლებით მოვარდნილი წყალი ადამიანის, ქარისა და წყლის ძალით მიწის ზედაპირზე გამოყავთ. ¹⁾

„თქვენ მთა-მადნის მუშებმა ერთხმით უნდა ადიდოთ ის კეთილი ადამიანი, რომელმაც ქარის ძალით მოაწყო ბარში მადნის და წყლის ამოღება,—როგორც ამჟამათ ცეცხლის საშუალებით უნდა იზიდებოდეს წყალი... ²⁾

„დასასრულ, ვინაიდან მე აქ სწორეთ ხელოვნურ გამოგონებებზე ვლაპარაკობ, მე, მთის მქადაგებელმა უფალს უნდა მიემადლო იმ საუცხოვო ხელოვნებისათვის, რომელიც ვენტილიატორებით, საჭაერო მილებით (აგრიკოლას შრომაში—Lotten, ლათინურად *canalis longus*—გრძელი მილები) და საბერველებით სუფთა და საღ ჰაერს აწვდის მაღაროში ნაცვლად ცუდი ჰაერისა. არსებობს ასეთი მოწყობილობაც: ფიურსტის ერთ მაღაროში მილი გააკეთეს ფიცრებიდან, შეღებეს და გამოგლისეს თიხით თუ შლამით, რათა ამ მილით მთის გულში წმინდა ჰაერი შეეყვანათ და ცუდი ჰაერი გამოეყვანათ სანაგვე ადგილიდან; იქ კი სადაც საბერველებია მოწყობილი, სალი ჰაერი სწრაფად იჭერს ცუდი ჰაერისაგან განთავისუფლებულ ადგილს, რადგან ბუნება ვერ ითმენს, რომ ადგილი ცარიელი დარჩეს, უპაეროთ.

„ამბობენ, კუტტენბერგში ცუდი ჰაერი საკვამლე მილების დავარი დიდი მილებით გამოყავთ, განსაკუთრებით იმ შემთხვევაში, როდესაც ცეცხლს აჩაღებენ ³⁾ და, წინააღმდეგ, ხუთასი ლახტერის ⁴⁾ მანძილზე აწვდიან მაღაროს წმინდა ჰაერს; აგრეთვე ჩვენთანაც, იოახიმსტალში, ამას წინათ ისეთი მოწყობილობა გამართეს, რომლის საშუალებით წმინდა ჰაერს მილებით და საბერველით მრავალ ასეულ ლახტერის მანძილზე დენიან იმ ადგილისაკენ, სადაც დიდი ხარჯით ორ წოლხერს (შტოლნა) სთხრიდენ ერთი მეორეს გვერდით.

¹⁾ თავის შრომის მეექვსე წიგნში აგრიკოლას აწერილი აქვს სამნაირი მოწყობილობა, რომლებშიაც წყალი ვედროებით ამოაქვთ, შეიღნაირი საქაჩავი და ექვსნაირი „ნაშენობა, რომელსაც წყალი შტანგებით ამოაქვს“ და სხვა,—მაშასადამე 16 ნაირი წყლის ამოსაშრობი მანქანა ყოფილა.

²⁾ შეიძლება აქ შემდეგ მივიწყებული ორთქლის მანქანა უნდა იგულისხმებოდეს?

³⁾ ცეცხლს ანთებდენ ქვის ჯიშის წინ, რის გამო იგი იფხვებოდა და იშლებოდა. რა თქმა უნდა, ამისთვის კარგი ვენტილიაცია იყო საჭირო.

⁴⁾ ერთი ლახტერი თითქმის ორ მეტრს უდრის. მაშასადამე, უკვე იმ დროს ერთ კილომეტრზე უფრო ღრმათ სთხრიდენ მიწას.

აქ მატერიალური საკუთრივ სამთომადნო საქმეზე ლაპარაკობს. რაც შეეხება მადნის გადაამუშავებას, აგრიკოლას წიგნი გვაძლევს საშუალებას წარმოვიდგინოთ, თუ რა ვეებერთელა ქარხნეულობა არსებობდა სამთომადნო საქმის ამ დარგისთვის: წისქვილები მადნის დასაფხვენელად, სადნობი ლუმელები, აპარატები ლითონის გასაწილავად და „მაგარ სითხეების“ გამოსამუშავებლად (მარილი, მინა და სხვ.). მაგრამ ეს ცნობებიც საკმარისად მოწმობს, რომ სამთომადნო საქმე, ყოველ შემთხვევაში კეთილშობილ ლითონების ამოღება, მე-XVI საუკუნეში დიდი ხანია ხელოსნობის ფარგლებს გაცვილებია. ის უკვე იმ უბრალო ოპერაციებისაგან როდი შესდგებოდა, რომელიც მუშას შევირდობის ხანაში შეეძლო შეესწავლა ცალ-ცალკე და შემდეგ მთელი საქმეც გაეგო არსებითად. უბრალო მუშას აღარ შეეძლო სამთომადნო საქმის შესწავლა. მალარო ვეებერთელა და რთულ ორგანიზმად გადაიქცა, რომელიც ფართო, ხერხიანს და ძვირფას შენობებსა და მოწყობილობას მოითხოვდა. მისი მართვა და მოვლა მხოლოდ მეცნიერულად მომზადებულ ტექნიკოსს, „ხელოვანს“, შეეძლო და ადამიანის კუნთებზე გაცილებით უფრო დიდ ძალებს უნდა აემოძრავებია იგი. კაპიტალი უნდა ქონოდა იმას, ვინც ამ ორგანიზმს დაეპატრონებოდა და აამუშავებდა.

ამგვარ პირობებში პროლეტარს არ შეეძლო ქონოდა იმედი, რომ ის საკუთარი ხარჯით თუნდაც ერთი მალაროს მოწყობას მოახერხებდა. განცალკევებულ წვრილ კაპიტალისტებსაც არ შეეძლოთ მალაროს სათანადო მორთულობისათვის საჭირო ხარჯის გაწევა.

რა საკვირველია, მათ შეეძლოთ ერთ საზოგადოებაში, სამაღნი ამხანაგობაში გაერთიანებულნიყვნენ. ასეც შევბოდნ ხშირათ. მაგრამ პაეზი (კუქსები) ყოველთვის როდი იყო მდაბიო ხალხისთვის მისაწვდომი. იოახიმსტალის მრავალ მალაროში თითო კუქსი ათას იოხიმსტალე რად იყიდებოდა, რაიც იმ დროისთვის დიდ თანხას შეადგენდა. (Matthesius, გვ. 18). თანაც მუშაობა ყოველთვის კარგ შედეგს კი არ იძლეოდა.

გეოლოგია იმ დროს ჯერ სულ ნორჩი მეცნიერება იყო და სამთო საქმე ამის გამო აზარტიან თამაშის საგნად იქცეოდა გაცილებით უფრო ხშირად, ვიდრე დღეს. ამოღებულ მადნის რაოდენობა არაჩვეულებრივად ცვალებადი იყო. ზოგჯერ თავს ანებებდნ არა თუ ერთ მალაროს, არამედ მთელს საბადოს, შემდეგ კი კვლავ დაუბრუნდებოდნ და წარმატებით დაამუშავებდნ.

მე-X საუკუნეში ჰარცის ვერცხლის საბადოების დამუშავება დაიწყო (გოსლარში). პირველი ასი წლის განმავლობაში ვერცხლის

ამოღება არაჩვეულებრივად დიდი იყო. შემდეგ ამ ადგილის შესახებ არაფერი ისმის, სანამ არ გავიგეთ, რომ 1205 წ. განახლდა იქ დიდი ხნით შეჩერებული მუშაობა.

მე-XII საუკუნეში საქსონიის ვერცხლის საბადოს დამუშავება დაიწყო და XIII საუკუნეში-- ბოქემიისა.

1295 წელს ვენტელი II ბოქემიელი თავის სამთო წესდებაში აცხადებდა, რომ ოქროსა და ვერცხლის საბადოები ყველგან გამოიფიტა და მხოლოდ ბოქემიას აბადია ბევრი ოქრო და ვერცხლიო. მე-XIV საუკუნეში გოსლარის მალაროებში კვლავ შეწყდა მუშაობა და მხოლოდ 1419 წ. განახლდა, რის შემდეგ მთელ საუკუნეზე მეტი ხნის განმავლობაში არ შეწყვეტილა.

უფრო მყარი და მუდმივი იყო მუშაობა მეისენის მალაროებში. მაგრამ როგორ მერყეობდა ამოღებულ მადნის რაოდენობა!

მარიენბერგის შახტებიდან ამოღებულ მადნის ლირებულება 1520 წ. 258 გულდენს შეადგენდა, 1521 წ.—772 გულდ., 1522 წ.—1.806 გულდ., 1523 წ.—1.161 გულდ., 1529 წ.—2.561 გულდ., 1530 წ.—6.572 გულდ.; შემდეგ ამოღებამ სწრაფად იმატა და 1540 წ. უმაღლეს დონეს მიაღწია--270.384 გულდ., ხოლო 1552 წ. ისევ დაეცა 22.749 გულდენამდე.

შნეებერგის მომქმედ მალაროებში შემდეგი თანხები იყო განაწილებული როგორც მოგება (შემოსავლის ნაშთი ხარჯების გამოკლებით):

წელი-წალი	წმინდა ვერცხლი (მარკები)	წელი-წალი	წმინდა ვერცხლი (მარკები)	წელი-წალი	წმინდა ვერცხლი (მარკები)
1511	6.192	1516	21.156	1521	774
1512	59.340	1517	25.324	1222	6.321
1513	17.673	1518	9.675	1523	1.935
1514	8.127	1519	6.779	1524	253
1515	14.214	1520	10.787	1525	2.515

ამგვარად მომქმედ მალაროების შემოსავალი 59.000 მარკიდან 250 მარკამდე მერყეობდა. რამდენი ფული დაიხარჯა დეფიციტიან მალაროებზე, ჩვენ არ ვიცით. ყოველ შემთხვევაში მრავალ მალაროში წელიწადები თავედობოდა დიდი დეფიციტით, ასე რომ საჭირო იყო ან დეფიციტის დაფარვა დიდი თანხებით ან ხელის აღება საქ-

მის წარმოებაზე (ან მასში მონაწილეობაზე) და მაშასადამე მალა-როებში დახარჯულ კაპიტალის დაკარგვა.

მსხვილი კაპიტალისტი, რომელიც შემოსავლის ამგვარ ცვალებადობას გაუძლებდა, საბოლოოთ, მთელ რიგ წლების შედეგში, მაინც დიდ მოგებას ნახავდა. მაგრამ წვრილ კაპიტალისტს ხშირად სრული გაკოტრება ემუქრებოდა, და თუ ბედი გაუღიმებდა და დიდ მოგებას მიიღებდა, მსხვილი კაპიტალისტები გამოიყენებდნენ თავის გაელენას თავადებზე და მათ მოხელეებზე, და ათას გვარ საშუალებას გამოუნახავდნენ იმისთვის, რომ წვრილი კაპიტალისტის ხელიდან შემოსავლიანი მალაროები გამოეცალათ.

ა გ რ ი კ ო ლ ა გვიამბობს, რომ ბევრნი უზნეო საქმეთ სთელიდენ სამთომადნო მრეწველობას. ამის მიზეზი ის ხერხები იყო, რომელსაც სამთომადნო მრეწველობაში ხმარობდნენ: „როდესაც გაჩნდება იმედი, რომ ამა თუ იმ ადგილას ლითონი მოიპოვება, მოვა თავადი ან რომელიმე უფროსი და წაართმევს მრეწველს საკუთრების უფლებას მის მალაროზე: ან მოდის რომელიმე ანგარებიანი მეზობელი და გააბამს ძველ მრეწველთან სასამართლო დავას იმ მიზნით, რომ მალაროს ნაწილი მაინც წაღლიტოს. ან კიდევ სამთო ჰაუბტმანი დიდ დამატებით თანხას შეაწერს, რათა შემოსავლიანი მალაროს პატრონმა უარი განაცხადოს თავის წილზე, და თუ უკანასკნელი ფულს არ გადაიხდის ჰაუბტმანი მალაროს ართმევს მას ყოველივე სამართლის წინააღმდეგ. ისეც ხდება, რომ შტიეგერი მიატოვებს მადნის ძარღვის დამუშავებას და შემდეგ, როდესაც მრეწველებიც თავს დაანებებენ აქ მუშაობას, რადგან საბადო გამოფიტული ეგონებათ, შტიეგერი კვლავ ბრუნდება და ძალით ისაკუთრებს მალაროს. ამას გარდა, ხალხი, რომელიც სამთო საქმეს ეწევა (ჩვენ არ ვლაპარაკობთ დაქირავებულ მუშებზე, ვერაგი, მატყუარა და გარყენილი ვაებატონებია... სამთომადნო მოსაქმე ან აქებს და აღიდებს მადნის ძარღვს, რომ ხალხი მოატყუოს და ორჯერ უფრო ძვირად გაასალოს კუკსი, ან, პირიქით, ყოვლად უუარგისად წარმოადგენს, რომ უფრო იათად შეისყიდოს კუკსი“ (1 წიგნი).

საკვირველი არ არის, რომ სამთომადნო საქმეს მაშინ ისეთივე ცუდი სახელი ქონდა, როგორც ჩვენს დროში ბირჟას, მაგრამ მიუხედავად ამისა, თანამედროვე ბირჟასავით იზიდავდა კაპიტალისტებს. როგორც ჩვენს დროში ბირჟა, ისე იმ დროს სამთომადნო მრეწველობა წარმოადგენდა სწრაფი გამდიდრების მოსურნე წვრილ კაპიტალისტთა ექსპლოატაციის საშუალებას. რა თქმა უნდა, არავინ არ გაბედავდა ზემოთ აღნიშნულის მზგაესად მოეტყუებინა ისეთი დიდი

კაპიტალისტები, როგორც იყვნენ, მაგალითად, ფუფუგერები, შვაცის ოქროს საბადოების მოიჯარადრენი, ¹⁾ ან ცვიკაუელი ვაჭრები გვარად რემერები, რომელთაც შნეებერგის ვერცხლის მალაროებში უდიდესი წილი ედოთ და ამ მალაროებით უზომოთ გამდიდრდნენ.

„ვისაც მალაროს დამუშავება სურს,—ამბობს მატტეხიუსი თავისი მეექვსე ქადაგებაში,—იმას ან ფული უნდა ქონდეს ან შრომისთვის გამზადებული ხელები, ვინაიდან მხოლოდ ძალიან მდიდარს ან სრულიად ღარიბს შეუძლიათ ხელი მოჰკიდოს ამ საქმეს, შურთები გაიყვანოს და სხვა“.

სხვა სიტყვით რომ ვთქვათ, მხოლოდ მსხვილი კაპიტალისტებისა და პროლეტარებისათვის არსებობდა ნიადაგი სამთომადნო მრეწველობაში.

X. სამთომადნო მუშები.

იმასთან ერთად, რაც მარკის წინანდელი წევრები თანდათან კაპიტალისტ-მრეწველებად იქცეოდნენ, მათი „მოჯამაგირენი“ ანუ ქარგლები დაქირავებულ მუშების, პროლეტარების მდგომარეობაში ვარდებოდნენ.

ისინი ეხლა თავის მეურნეებთან ერთად აღარ მუშაობდნენ, არ ცხოვრობდნენ მათს ოჯახში, როგორც მათი ქირისა და ლხინის მოზიარენი. ბოლო მოელო ძველს პატრიარქალურ დამოკიდებულებას. მალაროს მუშები ხშირად არც იცნობდნენ მათ დაქირავებულ კაპიტალისტს, რომლისთვისაც ისინი მუშაობდნენ,—რომელიმე მდიდარს, ქალაქში მცხოვრებ ვაჭარს; უკანასკნელსაც ხშირად წარმოდგენა არ ქონდა სამთომადნო მუშაობის შესახებ.

იქ, სადაც სამთო-სამრეწველო ოლქი გამოყოფილ იქნა მარკის შემადგენლობიდან და „თავისუფლად“ იქნა გამოცხადებული, იქ ყველას, ღარიბ კაცსაც კი, თეორიულად საშუალება მიეცა წარმოების მონაწილეთ გამხდარიყო. მაგრამ წინა თავში ნათქვამი ცხადჰყოფს, რომ მცირე თანხიან მოქალაქეებისთვისაც კი ეს საქმე ძალიან ძნელი იყო, ხოლო უთანხოსთვის ხომ ფაქტიურად შეუძლებელიც. ხელსაყრელ პირობებში მხოლოდ შტიეგერს თუ შეეძლო ამ სიმალეზე ახობება.

¹⁾ აუგსტურგელი ფუფუგერები მარტო შვაცის მალაროებიდან ტიროლში,— ეს მალაროები მათ გირაოთ მიიღეს,—ყოველწლიურად 200,000 გულდენ შემოსავალს იღებდნენ; აუგსტურგერელმა გეზტეტტერებმა 1511—1517 წლებში ამავე მალაროებიდან ამოიღეს არა ნაკლებ 149,770 მარკა ვერცხლისა და 52,915 ცენტნერი სპილენძისა“ (I a n s s e n, Geschichte des deutschen Volkes ტ. II, გვ. 380).

თანამედროვე პირობების მიხედვით, ჩვენ ვერ ვიტყვი, რომ სამთომადნო მუშათა მდგომარეობა XVI საუკუნის დასაწყისში მაინცა და მაინც ცუდი იყო. ა გ რ ი კ ო ლ ა ს მოწმობით (მე-4 წიგნი) თითო წყების მუშაობის ხანგრძლივობა, სამუშაოდრო, დღეში 7 საათს შეადგენდა. პირველი წყება 4 საათზე იწყებდა მუშაობას და 11 საათამდე მუშაობდა, მეორე—12-დან 7 საათამდე. ღამის მუშაობა (სალამოს 8 საათიდან დილის 3 საათამდე) ნებადართული იყო მხოლოდ აუცილებელ საჭიროების შემთხვევაში. მუშაობა ორ წყებაში ზედიზედ აკრძალული იყო; ამბობდნენ: მუშას ძილი მოერევა მუშაობის დროს, „რადგან მას ჰქანცავს დიდი და მძიმე შრომა“-ო.

არ მუშაობდნენ არა თუ კვირა-დღეებსა და დღესასწაულებში, არამედ შაბათობითაც. შაბათი მუშას თავისუფალი უნდა ქონოდა, რათა მთელი კვირისთვის წინდაწინ მოემარაგებია საჭირო სანოვაგე. მაშასადამე სამუშაოდრო 35 საათს შეადგენდა კვირაში; თუ კვირაში დღესასწაული გამოერეოდა,—მაშინ კი დღესასწაული მრავალი იყო,—სამუშაოდრო ამაზე ნაკლებიც იქნებოდა. ზოგჯერ ნაკლები დროც წესდებოდა მუშაობისათვის, მაგალითად, ექვსი საათი თითო წყებისათვის კუტტენბერგში და ჰარცზე¹⁾.

მასალა, რომელიც მოგვეპოება, არ შეიცავს საკმაოდ დაწერილებით ცნობებს სამთომადნო მუშათა ხელფასის შესახებ მაგრამ თუ მივიღებთ მხედველობაში, რომ მუშათა მდგომარეობა მე-XVI საუკუნის დამდეგში, რამდენადაც საქმე ნივთიერ კეთილდღეობას შეეხება, საზოგადოთ უფრო ხელსაყრელი იყო, ვიდრე ამჟამათ; თუ მივიღებთ მხედველობაში აგრეთვე იმას, რომ სამთომადნო მუშებს შედარებით მაღალი მდგომარეობა ექირათ იმ დროს მშრომელ მოსახლეობაში,—ჩვენ შეგვიძლია დავასკვნათ, რომ ისინი შედარებით კარგ ხელფასს იღებდნენ.

მაგრამ სამთომადნო მუშათა, ისე როგორც საზოგადოთ ყველა დაქირავებულ მუშათა, მდგომარეობაში უკვე თავს იჩენდა დაქვეითების ტენდენცია. ჩვენ ზემოთ დავინახეთ, რომ მე-XVI საუკუნის სამთომადნო მრეწველობაში გონებრივი და ფიზიკური შრომის განაწილება წარმოიშვა. ამ გარემოებამ შეარყია იმ პირთა მდგომარეობა და შემოსავალი, ვისაც მარტო ფიზიკური შრომა ხედა წილად. მათი შენაცვლება ადვილი იყო, საქმეს ისინი არ იცნობდნენ, მათი სამუშაო ძალის წარმოებისთვის საჭირო ხარჯი შედარებით უმნიშვნელო.

¹⁾ შედარებთ ახენბახის საგულისხმო წერილი: Die deutschen Bergleute der Vergangenheit, „Zeitschrift für Bergrecht“-ში, ბონნი, XII, Jahrgang, 1871, კვ. 110.

იყო. შრომის განაწილება სულ უფრო ღრმავდებოდა და აქვეითებდა სამთომადნო მუშათა მდგომარეობას.

კარგმა სამთომადნო მუშამ ბევრი რამ უნდა იკოდეს, მაგრამ ეხლა იშვიათია ისეთი მუშა, ვისაც მთელი ხელოვნება ესმისო, — სჩივის ა გ რ ი კ ო ლ ა (1 წიგნი):

„ძალიან ცოტანი არიან, ვინც კარგად იცის სამთომადნო საქმე; იმიტომ რომ ჩვეულებრივ ერთი გამოცდილია შურფების გაყვანაში, მეორე — მადნის გარეცხვაში, მესამე — მხოლოდ დნობის ხელოვნებაში, მეოთხე — მარკურეიდერობას მისდევს, მეხუთე — კარგ შენობებს აგებს და არიან ისეთებიც, ვისაც მხოლოდ სამთო სამართალი აქვს კარგათ შესწავლილი“-ო.

სხვადასხვა მანქანებთან არსებობს მთელი რიგი ოპერაციებისა, რომლის შესრულება ყოველ ღონიერ კაცს შეუძლია მცირე ხნის ვარჯიშობის შემდეგ. მადნის დამუშავებაში, განსაკუთრებით მადნის შერჩევისა და გარეცხვისათვის, უკვე იმ დროს სარგებლობდნენ დედაკაცთა და ბავშვთა შრომით, როგორც იგივე ა გ რ ი კ ო ლ ა გვიამბობს თავის მერვე წიგნში.

სულ მატულობდა სამთომადნო საქმეში ისეთი სამუშევრების რიცხვი, რომლებსაც ადვილად შეისწავლიდა და შეასრულებდა ყოველი მოუმზადებელი ჯანსაღი კაცი.

სამთომადნო მალაროების გამოყოფამ საერთო მარკიდან და ტენიკურმა განვითარებამ იურიდიულად და ფაქტიურად ყველასათვის მისაწვდომი გახადა მუშაობა სამთომადნო მრეწველობაში.

ამიერიდან სამთო-სამრეწველო ოლქები აღარ განიცდიდნენ მუშა-ხელის ნაკლებობას. აქეთ მოილტვოდნენ დაქვეული და გაყვლეფილი გლეხები და ქალაქის პროლეტარები, რომელნიც არც მაწანწალები იყვნენ და არც ლანდკნეხტები და ისევე თავგამოდებით მიისწრაფოდნენ საქსონიის, ბოჰემიის, ზალცბურგისა და ტიროლის ოქრო-ვერცხლის საბადოებისაკენ, როგორც 1849 წლის შემდეგ გაკოტრებულნი და ექსპროპრიაცია ქმნილნი კალიფორნიის ოქროს ქვიშრობისაკენ მიემშრებოდნენ. სამთომადნო მუშათა უმრავლესობას არაფერი გაეგება სამთო საქმისაო, ამბობს ა გ რ ი კ ო ლ ა. „იმიტომ რომ მალაროებისაკენ, ჩვეულებრივად, ის ხალხი მიილტვის, რომელიც ძალზე დავალიანებულა და ვალის გადახდა არ შეუძლია; ან გაკოტრებული ვაჭრები; ან ისინი, ვინც გუთანს გაურბის და შრომისაგან თავის ხსნა უნდა“.

ლიუტერის მამა, — მანსფელდის მალაროს მუშა, — ასეთივე დაქცეული გლეხი იყო.

იმ ადგილებში, სადაც ვერცხლის მალარობის დამუშავება იწყებოდა, თავს იყრიდა აუარებელი მასები. ასე, მაგალითად, 1471 წელს, როცა შნეებერგში და საქსონიაში ვერცხლის მდიდარი საბადო აღმოაჩინეს, იქ მთელი ქალაქი გაიზარდა ჯადოსნური სისწრაფით.

1516 წ., როდესაც იოახიმსტალის მადნის დამუშავება დაიწყო, იქ თავი მოიყარა, დაახლოებით, 8.000-მა მადნის მუშამ.

მაშასადამე, სამუშაო ძალა, სამთომადნო მრეწველობაში მოსახმარი, მრავლად მოიპოვებოდა. ამიტომ საკვირველი არ არის, რომ შრომის ხელფასი კლებულობდა ან, ყოველ შემთხვევაში, არ მატულობდა, მიუხედავად ფასების სწრაფი ზრდისა XVI საუკუნის დასაწყისში.

პაის მქონე მონაწილენი და თავადების მოხელენი ხელს უწყობდნენ ხელფასის შემცირების ტენდენციას სადაც კი ეს შეიძლებოდა.

არა მარტო ჰკვეცავდნენ ხელფასს შეძლების დაგვარად, არამედ ართმევდნენ მუშას მისი ხელფასის კარგა დიდ წილს მრავალგვარი ხრიკით: წონა-დაკლებული ფულის შეტყუებით, lucrsystem-ის („შევიწროების სისტემის“) და ხელფასის საქონლით გასტუმრების საშუალებით.

ასე, მაგალითად, შნეებერგში მე-XV საუკუნის დამლევში იუწყებიან: „როდესაც შნეებერგში ვერცხლის ამოღება იმდენად გაიზარდა, რომ შეუძლებელი გახდა მთელი ლითონის გადაქედვა ფულად, მრეწველებმა იწყეს გადადნობილ ვერცხლის ზოდების გატანა და წონადაკლებულ ფულზე გადაცვლა და შემდეგ ამ ფულით მადნის მუშათა ხელფასის გასტუმრება ან, უფრო სწორათ რომ ვთქვათ, მათი მოტყუება“¹⁾

ჩვენ მიერ არა ერთხელ მომხსენებული სამთო წესდება აგვუსტ საქსონელისა (1574 წ.) ერთერთ მუხლში მოითხოვს, რომ ხელფასის გასტუმრება კარგი ღირსების ფულით სწარმოებდეს. მე-43 მუხლში ნათქვამია, რომ შტიეგერებს და შიხტმეისტერებს არ აქვთ უფლება საკმელ-საქმელით იხადონ ხელფასის ნაწილი. „შევიწროების სისტემის“ წინააღმდეგ საზოგადოთ ბევრი ბრძანება იყო გამოცემული, და ეს საბუთია იმის, თუ რა ფართოთ იყო იგი გავრცელებული. უმრავლეს შემთხვევაში კრძალავდნენ მხოლოდ საქონლის იძულებით გაცემას ხელფასის ანგარიშში. ასე, მაგ., ტიროლის 1510 წ. სამთო წესდებაში ნათქვამია: „ნურც ერთ მუშას ნუ აიძულებენ საქონლის აღებას ხელფასის ანგარიშში; მუშის ნება-სურვილზე იყოს ეს დამო-

¹⁾ E. Herzog. Chronik der Kreisstadt Zwickau, ტ. I, გვ. 201.

კიდებული; თუ ჭეშა არ მოისურვებს საქონლის აღებას და საჩივარს შემოიტანს ხელფასის შესახებ, შენ, როგორც ჩვენმა სამთო მოსამართლემ, დახმარება უნდა აღმოუჩინო მას სამთო სამართლის ძალით და, თანახმად წესდებისა, საჩივარი მიიღო და უფლება აღადგინო“.

მაგრამ ეს წესდებები, მგონი, მხოლოდ ქალაქებზე რჩებოდა.

ნუ დავივიწყებთ, რომ თავადის მოხელეები გადამწყვეტ გავლენას ახდენდნენ ხელფასის ზომაზე და მადნის მუშებთან დამოკიდებულებაზე, და მაშასადამე მათი თანხმობის გარეშე შეუძლებელი იყო ხელფასის შემცირება და შეკვეცა.

ამიტომ თავადები და მათი მოხელენი მუშებს ისეთივე მტრებად მიაჩნდათ, როგორც მრეწველები. მეტიც: წერილ მრეწველებთან მუშებს ბევრი რამ საერთო ქონდათ. სამთომადნო მუშის იდეალი, რა თქმა უნდა, ის იყო, რომ რ ადისმე ისიც მრეწველი გამხდარიყო. ჩვენ კი უკვე ვიცით, როგორ ყვლეფდნენ და ატყუებდნენ წერილ მრეწველებს თავადები, მათი მოხელენი და მსხვილი კაპიტალისტები, როგორ უბრკოლებდნენ და ხშირათ შეუძლებელს ხდიდნენ მათს მონაწილეობას მდიდარ მალაროების დამუშავებაში. ამით ისინი მალაროს მუშებსაც უსპობდნენ ისედაც სუსტ იმედს პროლეტართა რიგებიდან ამალღებისა. წერილ მრეწველებს და მუშებს საერთო მტერი ყავდათ იმ მნიშვნელობით, როგორც ამჟამათ ხელოსნებსა და პროლეტარებს. ამის გამო ისინი ხშირად გა ა ე რ თ ი ა ნ ე ბ უ ლ ა დ გამოდლიდნენ თავადებისა და მსხვილ კაპიტალისტების წინააღმდეგ. განსაკუთრებით ხშირად ალპის მალაროებში ეხედებით ამგვარ კავშირებს.

ყველაზე უფრო მჭიდრო ეს კავშირი მუშებსა და წერილ მრეწველებს შორის იმ მალაროებში იყო, სადაც ჯერ კიდევ არსებობდა წერილი წარმოება, მაგალითად, რკინის მადნის მალაროებში. იქ მრეწველი თვითონ მუშაობდა. ხშირად სულაც არც ყავდა დაქირავებული მუშები; მუშაობდა მხოლოდ ის და მისი ოჯახის წევრები. მაგრამ წარმოების ამგვარი ორგანიზაციის პირობებშიაც ხშირად ჩნდებოდა ანტაგონიზმი მუშებსა და კაპიტალისტებს შორის. თუმცა რკინის მადნის მალაროებში, საზოგადოთ, წერილი წარმოება დარჩა, მაგრამ რკინის მადნის სადნობი დუშმელები უკვე კაპიტალისტური ფორმის მსხვილ წარმოებათ იყო გადაქცეული. რკინის მადნის მალაროებიც ქარხნების გავლენას ემორჩილებოდნენ და მალაროს მფლობელნი, რომელნიც დამოუკიდებელ მრეწველებათ ითულებოდნენ, მადნის მექარხნეთა ყმების მდგომარეობაში ეარდებოდნენ, სწორეთ იმგვარადვე, როგორც ამჟამათ გრიფელების მწარმოებელნი მეი-

ნინგენის მალღობებზე, გრიფელის შემსყიდველ ვაჭართა ყმებს წარმოადგენენ.

ანტაგონიზმი მუშებსა და მრეწველებს შორის განსაკუთრებით მწვავე იყო ოქროსა და ვერცხლის მალღობებში. აქვე განსაკუთრებით მძიმე იყო თავადთა ბიუროკრატიის უღელი. მაგრამ სწორეთ ამ მალღობებში მუშებსაც მეტი ძალა გააჩნდათ წინააღმდეგობის გასაწევად.

საშუალო საუკუნეებში მხოლოდ სამთომადნო მუშები იყვნენ ისეთ მდგომარეობაში, როდესაც თვით შრომის პროცესი მუშებს დიდ მასსებათ აერთიანებს; ამ მხრით იმდროინდელი სამთომადნო მუშები ჩვენ შეგვიძლია თანამედროვე მსხვილი მრეწველობის მუშებს შევადაროთ. ჯერ კიდევ საშუალ-საუკუნეებში მუშები ათასობით ირიცხებოდნენ მსხვილ მალღობებში, განსაკუთრებით ჰარცის, ფრეიბერგის, ოლაუს, კუტტენბერგის¹⁾, და უფრო გვიან — მანსფელდის ვერცხლის მალღობებში.

„მანსფელდის მადნის მუშები, — ამბობს ბირინგენი, — ჩვეულებრივად, ყოველ ორ კვირაში ერთხელ იღებდნენ თავის ხეღრ ხელფასს ეისლაბენის სამთო სამმართველოში, სადაც ხელფასის გასტუმრების დროს 18—20 ათას ტალერს ურიგებდნენ ხოლმე მადნის მუშებს, მენახშირეებს, სამთო მოსამსახურეებსა და სხვებს“.

(Johann Alberti Bieringens, S. S. Theol. Cultor und Mannsfeldischen Landes — Kindes. Historische Beschreibung des sehr alten und löblichen Mannsfeldischen Bergwerks, Leipzig und Eisleben 1743, გვ. 8).

იმ დროის სამთომადნო მუშები სხვათა შორის იმით განირჩეოდნენ თანამედროვე მუშებისაგან, რომ ისინი იარაღს დაატარებდნენ. 1530 წელს შვაცში (ტიროლი) კარლოს მე-V-ს 5.600 კარგათ შეიარაღებული მადნის მუშა მიეგება და აღლუმი გამართა მის წინაშე.

შპანგერგი მოგვითხრობს, რომ 1519 წელს მანსფელდის მადნის მუშათა პარადი გაიმართა (ამ მუშებმა დიდი როლი ითამაშეს ტიურინგენის აჯანყებაში):

„გრაფ გებჰარტ მანსფელდელმა, როდესაც მისი ძმა ალბრეხტი ბრაუნშვეიგში იმყოფებოდა ჰერცოგ ჰეინრიხთან, ალბრეხტის, თავისი ბიძაშვილებისა და თავისი სახელით სამთომადნო მუშებს უბრძანა, რომ ყველა თავისი საუკეთესო იარაღით გამოცხადებულიყო, რა წამს მათ გამოიწვევენ. მუშები წყნარათ მოემზადნენ და ეისლაბენის სამთო ფოგტმა, ბასტიან მეცელვიცმა, 21 ენკენისთვეს

¹⁾ Achenbach, Die deutschen Bergleute der Vergangenheit.

დააწყო ისინი პარადისათვის ვიმმელბურგის ახლო, დაათვალი-
ერა ჯარი და ნახა, რომ ჯარი გვარიანად იყო შეიარაღებული.⁴¹⁾

ამ შეიარაღებულ მუშათა ბატალიონებში მოუდრეკელი სიმტ-
კიცე მეფობდა; მზათ იყვნენ ძალით გაეწიათ წინააღმდეგობა მათი
უფლებების შემლახველისათვის. რაც უფრო ძლიერდებოდა მუშათა
ანტაგონიზმი თავადებისა და კაპიტალისტების მიმართ, მით უფრო
ხშირდებოდა აჯანყებები.

საკუთრივ მადნის მუშებს გარდა განსაკუთრებულ პირიანობას
იჩენდენ, მგონი, სამთო მკვლელები. ესენი ძველადანვე სამთომადნო
ქარხნების ახლო ესახლენ და ამზადებდენ ხელსაწყოს სამთომადნო
მუშებისათვის და მრავალნაირ რკინის იარაღს მალაროებისათვის.
1300 წელს კუტტენბერგში გამოცემული სამთო წესდება ვრცლად
ეხება სამთო მკვლელებს (1,16), როგორც არეულობის მთავარ წამქე-
ზებლებს მალაროებში და მკვდელ ოსტატებს რჩევას აძლევს, რომ
სიფრთხილე გამოიჩინონ ქარგალთა დაქირავებისას და შეარჩიონ ისე-
თები, რომელნიც „მონაწილეობას არ იღებენ არც კრებებში, არც
შეთქმულებებში და არც სახელმწიფოსათვის მისწრაფებებში“ (contra
nostram rempublicam aliquibus machinationibus) (Achenbach,
Das deutsche Bergrecht, I, გვ. 204).

იმ დროის ქრონიკები, სწორეთ გლესთა ომის დაწყებამდე რა-
მოდენიმე წლით ადრე, მრავალ ცნობას შეიცავს სამთომადნო მუშა-
თა აჯანყებების შესახებ, — ნიშანი მდგომარეობის გამწვავებისა.

მაგალითად შეგვიძლია მოვიხსენოთ დაახლოებით ამ დროს
საქსონიის მალაროებში მომხდარი შეტაკება ხელფასის გამო.

1478 წელს ჰერცოგები ერნსტი და ალბრეხტი საქსონიელნი
ფრიბერგის საბჭოს სწერდენ: „ძვირფასო ქვეშევრდომნო ჩვენამდე
ცნობამ მოაწია, რომ შნეებერგში და ყველგან ჩვენს სამფლობელო-
ში, სადაც მალაროებია, მუშები მოითხოვენ იმაზე მეტ ხელფასს,
რაც მათ აქამდე ეძლეოდათ.

თუ ამას შევიწყნარებთ და ნებას დაერთავთ, მომავალში ამი-
დან შეიძლება დიდი ზიანი წარმოიშვას ჩვენთვის და ჩვენს (ქვეშევრ-
დომთათვის). რათა ეს ავიცილოთ თავიდან, ჩვენ განვიზრახეთ და
გვსურს მოველაპარაკოთ ამის შესახებ სამთო საქმის მკოდნე პირთ
და შემოვიდოთ საერთო წესი, თუ რა უნდა ეძლეოდეს თვითეულს
მისი დამსახურებისა და შრომის მიხედვით. ამიტომ ჩვენ გვსურს,
რომ თქვენ სამშაბათს, ჯვარის თავყვანისკემის კვირის შემდეგ, გა-
მოცხადდეთ დრეზდენში და თან მოიყვანოთ ორი თუ სამი სამთო

⁴¹⁾ Cyriacus Spangenberg, Sächsische Chronica, Frankfurt a. M.
1535 წ.

საქმის მკოდნე კაცი, რათა გამოვიმუშაოთ ასეთი წესდება... გაცემულია დრეზდენში, ორშაბათს Reminscere-ს შემდეგ (დიდი მარხვის მეორე კვირა). ქრ. შობიდან 1478 წ.“¹⁾

მაშასადამე, მუშები თათბირზე არ მოუწვევიათ. რა შედეგი ქონდა მას, ჩვენ არ ვიცით. ყოველ შემთხვევაში მშვიდობიანობა დიდ ხანს არ გაგრძელბულა. უკვე 1496 წელს ასეთი ცნობაა: „მადნის მათ (მადნის მუშებმა) განდევნეს შნეებერგის მოსამართლენი და შეფთენები (მსაჯულნი), რადგან ამათ მოისურვეს ერთი გროშით დაეკლოთ მალაროს მუშათა ხელფასი; მეორე ნაწილი ამ დროს მთიდან გაემართა შლეტაუსა და ლიზნიცისაკენ, ნაწილობრივ გეიერი-საკენაც; იქაურ ჰაუპტმანს, ფონ-დერ-პლანიცს თავი უნდა მოეყარა გლეხებისათვის და შნეებერგი აელო. მაგრამ უკვე ოთხი საათის შემდეგ მუშათა ნაწილი თავის მოვალეობის შესრულებას დაუბრუნდა. ასეთივე უკანონობა განმეორდა ორი წლის შემდეგ, რადგან მადნის მუშებმა წინადადება მისცეს ოწინარებთან მომუშავეებს და შევირდებს გაყოლოდნ მათ, თუ არ სურთ ხმლით დაიკუწონ, და გადასწყვიტეს თავდასხმოდენ ცვიკაუსა და პლაუს მცხოვრებლებს, რომელნიც მათ წინააღმდეგ იყვნენ ამხედრებულნი. მაგრამ, ბოლოს, მოხერხდა მათი დაშოშმინება მშვიდობიანი მოლაპარაკებით“²⁾.

1496 წელს კუტტენბერგის მუშებში ასეთივე ამბობება დაიწყო ხელფასის გამო. შეიარაღებული მუშები გაშლილი დროებით გამოვიდნ და მეზობელ მთაზე დაბანაკდნ. მაგრამ ბოლოს იძულებული გახდნ დაეთმოთ.

გლეხთა ომის დაწყების ცოტა ხნით ადრე იოახიმსტალის სამთომადნო მუშათა მოძრაობა დაწყებულა.

1516 წელს დაიწყო მუშაობა იახიმსტალის მალაროებში. მატ-ტეზიუსი „თავისუფალ სამთო ქალაქის იახიმსტალის ქრონიკაში 1516 წლიდან 1578 წლამდე“ ერთს აჯანყებას იხსენიებს, რომელიც მალაროს გახსნიდან ერთი წლის შემდეგ მომხდარა: 1517 წელს მოხდა „მადნის მუშათა პირველი აჯანყება, როდესაც მუშები მარგარიტას დღესასწაულში ბუხპოლცისაკენ გაემართენ“.

1522 წლის დამდეგში მომხდარა „მეორე აჯანყება, როდესაც ტიურკენისაკენ გაემართენ“.

1524 წელს იგივე: „მადნის მუშათა აჯანყება, რომელიც გრაფ ალექსანდრე ფონ-ლეისნიკმა მოაგვარა“.

¹⁾ Klotzsch, Ursprung der Bergwerke in Sachsen, გვ. 87.

²⁾ Benseker, Geschichte Freibergs und seines Bergbaues, ფრეიბერგი 1843, ტ. II, გვ. 389. შედარეთ Gerzog, Chronik von Zwickau, ტ. II, გვ. 158.

მაგრამ სამთომადნო მუშათა ყველა ამ აჯანყებას, როგორც აგრეთვე ხელოსან ქარგლებისას, არ წარმოუშვია რევოლუციონური მოძრაობა, რევოლუციონური თავისი მიზნებით.

სამთომადნო მრეწველობამ მე-XXV და მე-XXVI საუკუნეებში ტენიკურად და ეკონომიურად უმაღლეს დონეს წიაღწია იმ დროის წარმოების სხვა დარგებთან შედარებით და ძლიერ დაემზავა მსხვილ კაპიტალისტურ მრეწველობას. მიუხედავად ამისა სამთომადნო მუშები ვერ გახდნენ პროლეტარიატის წინამძღოლნი და მოწინავე მებრძოლნი.

ამის მიზეზებია თვით სამთომადნო საქმის ხასიათში უნდა ვეძიოთ. მან მიუწვდომელ მთებით შემორკალულ ველებში მოაქცია სამთომადნო მუშები, მსოფლიო გაცვლა-გამოცვლისა და სავაჭრო ცენტრების მღელვარე ცხოვრებისაგან დაშორებით. ტაუერის ზოგიერთი ძველი ოქროს მალარო გლეტჩერების არეში მდებარეობდა. სამთომადნო საქმე სთიშავდა მუშებს სხვა დარგებში მომუშავე ამხანაგებისაგან, აშორებდა მათ მოსახლეობის სხვა ჩაგრულ წრეებისაგან, ზღუდავდა მათ ჰორიზონტს, ან ყოველ შემთხვევაში, მის გაფართოებას აბრკოლებდა და ადგილობრივ წვრილ პროფესიონალურ საქმეების წრით საზღვრავდა მათ შეგნებას.

თუმცა სამთომადნო მუშები უკმაყოფილო იყვნენ, რადგან მათაც ყვლეფდნენ; თუმცა იმას არ ერიდებოდნენ, რომ იარაღით ხელში დაეცვათ თავისი უფლებები; თუმცა მზათ იყვნენ მხარი დაეკირათ რევოლუციონური მოძრაობისათვის და მის პირველ რიგებშიაც. ჩამდგარიყვნენ, მაგრამ ამას მხოლოდ იმ შემთხვევაში შეებოდნენ, როცა მათი კერძო და გარდამავალი ინტერესები მთელი მოძრაობის ინტერესებს ეთანხმებოდა. ხოლო თუ მათი წვრილმანი და კერძო მოთხოვნები ხელფასისა და შრომის პირობების შესახებ დაკმაყოფილდებოდა, უმაღლეს ჩამოშორდებოდნენ მოძრაობას და ბელადებს გადაუდგებოდნენ.

განკერძოებულ მდგომარეობის წყალობით, ამ ქრული პარტიკული არიზმი სამთომადნო მუშებში უფრო ძლიერი აღმოჩნდა, ვიდრე ქალაქის ხელოსან ქარგლებში; იმავე სამთომადნო მუშებმა ყველაზე მეტი ხანიც შეინარჩუნეს ეს პარტიკულიარიზმი, სანამ ჩვენმა ხანამ არ მოულო მას ბოლო. ამეამათ სამთომადნო მრეწველობის სიმძიმის ცენტრს ოქროსა და ვერცხლის ამოღება კი არ წარმოადგენს, არამედ რკინისა და ქვანახშირისა. უკანასკნელთა საბადოები ტყით დაბურული და შორს მდებარე მთები კი არ არის; რკინის გზებმა მკიდროთ დააკავშირეს ისინი მთელს მრეწველობასთან და მსოფლიო ბაზართან. ამგვარ პირობებში კი სამთომადნო მუშათა კერძობაც უნდა მოსპობილიყო.

XI. კაპიტალი და შრომა საფეიქრო მრეწველობაში.

დაქსაქსულ პროლეტარულ მასებს, რა თქმა უნდა, კიდევ უფრო ნაკლებათ შეეძლოთ სწორი რევოლიუციონურ-პოლიტიკური გეზის აღება და ამ გეზით თანმიმდევრად და შეუპოვრად წინსვლა, ვიდრე ხელოსან ქარგლებსა და სამთომადნო მუშებს. თავის თავი მათ მიაჩნდათ არა აღმაველ კლასსად, არამედ დაცემულ კლასსთა დაშლის ნაყოფად. ამ უკანასკნელთა დმი, განსაკუთრებით გლეხობისა დმი, რომლის თანამგზავრებს წარმოადგენდენ ხშირად, ისინი სიმპატიით იყენენ გამქვალ ულნი. მათ,—დაქსაქსულთ, დეენილთ და დაშინებულთ,—არ გააჩნდათ იმის უნარი, რომ საკუთარი მიზნები დაესახათ და მეტად სუსტი იყენენ, რომ საკუთარი ძალღონით ემსახურნათ ამ მიზნებისათვის. მართალია, ღრმა უკმაყოფილებას გრძობდენ არსებულ პირობების მიმართ, მაგრამ ეს მხოლოდ იმიდან სჩანს, რომ დიდი გატაცებით ემხრობოდენ რევოლიუციონურ აჯანყებებს. მზათ იყენენ გლეხებთან დაეკავშირებინათ თავისი საქმე, რა ეამს გლეხები აჯანყდებოდენ. მონაწილეობდენ აგრეთვე კომუნისტურ მოძრაობაშიაც, თუ ის წარმატებით ვითარდებოდა. მაგრამ ინიციატივას ამგვარ მოძრაობებში ვერ იჩენდენ, საზოგადოების გადახალისების იდეას ვერ ქმნიდენ.

კომუნისტურ მუშათა მოძრაობის პიონერები ვერ გახდებოდენ ვერც მალაროს მუშები, ვერც ხელოსანი ქარგლები და ვერც ქალაქის შეუკავშირებელი პროლეტარები. არსებობდა მუშათა მხოლოდ ერთი ფენა, რომელსაც პირობებმა კომუნისტურ ტენდენციების შეთვისების უნარი მიანიჭა, ახალი საზოგადოებრივი იდეალის შექმნისაკენ მემართა მისი გონება და საჭირო ენერჯია მისცა იმისათვის, რომ ეს იდეალი ისეთ ეპოქაშიაც დაეცვა, როდესაც მის განხორციელებას სრულიად უიმედო პირი უჩანდა. ეს იყო საფეიქრო მრეწველობის მუშები, განსაკუთრებით მატყლის მქსოველნი.

რა თქმა უნდა, ზემოთ ნათქვამი უნდა გავიგოთ cum grano salis (პირობითად). თუ ჩვენ ამჟამათ ვამბობთ, და სამართლიანადაც ვამბობთ,—რომ თანამედროვე სამრეწველო პროლეტარიატი სოციალ-დემოკრატიული მოძრაობის მატარებელია, ეს სრულიადაც იმას არ ნიშნავს, რომ მასში მონაწილეობას არ იღებენ,—ხშირად ძლიერ ენერჯიულს,—სხვა კლასების წევრებიც: წვრილი ბურჟუა, ლიტერატორები, ფაბრიკანტები და სხვა. ზოგიერთი ამ ელემენტთაგანი შეიძლება მოძრაობის პირველ რიგებშიაც ჩადგენ. არც იმას ნიშნავს ეს, რომ თვითეული სამრეწველო პროლეტარი სოციალ-დემოკრატია.

ასევე პირობითად უნდა გვესმოდეს ის დებულებაც, რომ საფეიქრო მრეწველობის მუშები კომუნისტური მოძრაობის ჩანასახს ატარებდნენ. ჩვენ ვხედავთ, რომ მასში სხვა ელემენტებიც მონაწილეობდნენ. ამგვარ დეე შეუსაბამო იქნებოდა იმის მტკიცება, რომ ყოველი ფეიქარი კომუნისტი იყო. მაგრამ, რამდენადაც შეგვიძლია იმ დროის მოძრაობის გათვალისწინება, რამდენადაც სწორი ცნობები შენახულა მის შესახებ, ჩვენ ყველგან ვხედავთ, რომ ფეიქარები უდიდეს მონაწილეობას იღებენ მოძრაობაში და ეს უბრალო შემთხვევა არ არის.

ჩვენ ვფიქრობთ, რომ ამის ახსნა დიდათ არ გაგვიძნელდება, თუ გავეცნობით მატყლის მრეწველობის პირვანდელ მდგომარეობას.

საფეიქრო მრეწველობის დანარჩენი დარგები: სელის, ბამბისა და აბრეშუმის ქსოვილთა წარმოება,—ჩვენ შეგვიძლია განზე დაეტოვოთ, რადგან თავისი მნიშვნელობით საშუალ-საუკუნეების საერთაშორისო ვაჭრობაში ისინი მატყლის მრეწველობას ვერ შეედრებიან. იმ შემთხვევაში კი, როდესაც ტილოს და პლისეს წარმოება საექსპორტო წარმოებადმდე განვითარდა, როგორც ულმში და აუგსბურგში. მან საერთოთ იგივე კაპიტალისტური თვისებები გამოიჩინა, რაც მატყლის მრეწველობამ. იგივე უნდა ითქვას აბრეშუმის მრეწველობაზე იტალიაში.¹⁾

„წარმოების ყველა დარგებს შორის გერმანიაში მატყლის მანუფაქტურას ძველადანვე პირველი ადგილი ეკირა. საშუალო საუკუნეებში მან მოუშადა ნიადაგი მოქალაქეთა წოდების აყვავებასა და ძლიერებას გერმანიაში. საჭირო ნედლი მასალის შემოტანაზე და მისი ფაბრიკატების გატანაზე იყო დამყარებული განზის საზღვაო ძლიერება და გერმანიის წინანდელი მსოფლიო ვაჭრობა. ამ მანუფაქტურით შექმნილი ნივთიერ შეძლებულებაზე იყო ნაწილობრივ დამოკიდებული გერმანიის იმპერიის ძალა და მისი მსოფლიო მდგომარეობა უკანასკნელ საუკუნეებში... ამიტომ მატყლის მრეწველობის განვითარების ისტორია უფრო ვრცელ სფეროს მოიცავს, ვიდრე წარმოების რაღაც ერთი დარგის განვითარებას; იგი გერმანიის ეკონომიური კულტურის ისტორიაა. დიახ, მასში ჰპოულობს თავის ანარეკლს ჩვენი ეროვნული განვითარება“.

ამ სიტყვებით იწყება ჰილდბრანდის წერილი „გერმანიის მატყლის მრეწველობის ისტორიისათვის“.²⁾

¹⁾ შეადარეთ Romolo Graf Broglio d' Ajuno, Die Venetianische Seidenindustrie und ihre Organisation bis zum Ausgang des Mittelalters, Stuttgart 1893.

²⁾ Hildebrand's Jahrbüchern-ში Iena 1866 ტ. VI, გვ. 186 და შემდეგი.

მცირე შესწორებით ეს მართალია. სახელდობრ იმ შესწორებით, რომ გერმანიის მდგომარეობა მსოფლიო ვაჭრობაში დამოკიდებული იყო არა მარტო მატყლის მრეწველობაზე, არამედ აგრეთვე სამთომადნო მრეწველობაზე, რომელიც ხანდახან, განსაკუთრებით XVI საუკუნის დამდეგში უფრო დიდ გავლენას ახდენდა გერმანიის ეკონომიურ ცხოვრებაზე, ვიდრე მატყლის მრეწველობა.

მაგრამ მაინც ფაქტია; რომ გერმანიაში და საზოგადოთ დასავლეთევროპის ქვეყნებში მატყლის მრეწველობა პირველბ საექსპორტო დარგი იყო.

ტანსაცმელის საწარმოებლად საშუალო საუკუნეებში ტილოც იხმარებოდა, გარდა ბეწვეულობის და ტყავეულობისა. მატყლის ქსოვილი პირველად ფუფუნების საგანს წარმოადგენდა; მას მხოლოდ მდიდრები ხმარობდნენ. სელის ქსოვა ძველებური საოჯახო წარმოების დარგი იყო. მოსახმარად საჭირო ტილოს დედაკაცები ქსოვდნენ ოჯახებში და მამულებში. მატყლის წარმოება კი, პირიქით, როგორცვე რამოდენიმედ განვითარდა, დამოუკიდებელ დარგად გადაიქცა, რადგან შედარებით რთულ სახელოსნოების მოწყობას მოითხოვდა,—სამღებროს, მაუდის სათელელს, საკრეკს და სხვას. მხოლოდ მსხვილ ორგანიზაციებს,—მონასტრებს, საქალაქო თემებსა და ამქრებს,—შეეძლოთ მოეწყოთ ასეთი სახელოსნოები.

პირველ ფეიქარ-მამაკაცებს მონასტრებში ვხვდებით. მონასტრებმა განსაკუთრებით შეუწყვეს ხელი მატყლის ქსოვის გავრცელებას გერმანიაში; საზოგადოთ საშუალო-საუკუნეების დასაწყისში მონასტრებს შეჰქონდათ ტექნიკური პროგრესის მრეწველობასა და მიწათმოქმედებაში, და უაღრესად შემცდარია „განათლებულთა“ ის შეხედულება თითქოს კათოლიკე ბერმა შეწირულებათა კრებით და სახარების გადაწერით მოიპოვა მსოფლიო ბატონობა.

უკვე IX საუკუნეში არის მოხსენებული მაუდის მთელენი და თერძები კონსტანცის მონასტერში. ბერები ასწავლიდნენ ბოდენის ტბის ირგვლივ მცხოვრებ მოსახლეობას მატყლის ქსოვას და შალის ჩაცმადახურვას.¹⁾ მე-XI საუკუნეში სამონასტრო წესდებები და სტატუტები ცალკე არ იხსენიებენ საფეიქრო საქმეს. პირიქით, მე-XII საუკუნეში მას უკვე ისეთი მნიშვნელობა მიუღია, რომ ამ ხნის სამონასტრო წესდებებში მატყლით ვაჭრობა, მატყლის დამუშავება და შალეულობის ქსოვა მოხსენებულია, როგორც ბერთა მუდმივი სამუშევიარი; „ასეა აღნიშნული პირველ ყოვლისა ცისტერციანელთა ორ-

¹⁾ C. G. Rehlen, Geschichte der Handwerke und Gewerbe, ლეიციგი 1856 წ., 83. 97.

დნის მე-XII საუკუნის დადგენილებებში და წესდებებში - (Schmoller, die Strassburger Tucher-und Weberzunft, გვ. 301). მართლაც ცისტერციანელებმა მაუდის ფაბრიკაცია თავის სპეციალობათ გაიხადეს. „შეჰქმნა რა მე-XII საუკუნეში მაუდის მრეწველობის ფართო და განთქმული ცენტრები გერმანიის იმპერიის დასავლეთ ნაწილებში, ორდენმა მალე აღმოსავლეთზედაც გაავრცელა თავისი გავლენა. ბრაბანტის, ტიურინგენის (ალტენცელში) და სილეზიის ცისტერციანელთა მონასტრებში ჩვენ ვხვდებით მაუდის წარმოებას ბაზრისათვის; და რადგან მონასტრები ერის კაცებსა ციფებდენ შეგირდებთ და ქარგლებთ. ბრაბანტელ ფეიქართა მრავალი ხასარგებლო ხერხი შიდა გერმანიაშიაც გავრცელდა.“¹⁾

მატყლის ხელოსნური ქსოვა მალე მონასტრების გარდა ქალაქებშიაც გავრცელდა, განსაკუთრებით ნიდერლანდის ქალაქებში, სადაც ამ საქმის განვითარება მე-X საუკუნეში დაიწყო.

ეს ახალი მრეწველობა ფუფუნების საგანს ანზადებდა. შალის ქსოვილები კარგა ხნის განმავლობაში მხოლოდ წარჩინებულთა და მდიდართა კლასებისთვის იყო მისაწვდომი. მე-XV საუკუნეში, როდესაც შალეულობის მოთხოვნილება ხელსანთა და გლეხთა წრებშიაც გაიზარდა, ამას მაშინ მდამბიო ხალხში ფუფუნების გავრცელების ნიშნად სთვლიდენ.

განსაკუთრებით წმინდა მაული იყო ფუფუნების საგანი და ძალიან ძვირადაც ფასობდა. იგი მთელს ევროპაში საღებოდა. ამიტომ გასაგებია, რომ იქ, სადაც ყველა საჭირო პირობა არსებობდა, —სადაც მოიპოვებოდა კარგი ღირსების ნედლი მასალა და ტექნიკაც სათანადო სიმალლეზე იდგა, — მაუდის წარმოება მალე საექსპორტო დარგად გადაიქცა.

ასე მოხდა პირველად ყოვლისა ფლანდრიაში. ფლამანდიული მაული ჯერ მე-XIII საუკუნეში იყო განთქმული მთელს ევროპაში.

¹⁾ Hildebrand, Zur Geschichte der deutschen Wollenindustrie, გვ. 216.— რომის ეკლესია რომ საზოგადოთ სასარგებლო საერო ცოდნას ავრცელებდა, ეს იმ შეკითხვიდანაც სწანს, რომელიც წმინდა ბონიფაციმ შეუთვალა რომში არა ნაკლებ წმინდა პაპს: როგორ შეიძლება ქონის საუკეთესოდ გამოყენება? პაპმა, სახელად ზაქარიაჲმ, უპასუხა, რომ საეკლესიო მამების თხოვნილებებში მან ვერ ჰპოვა რაიმე ცნობა ცოდვილ კაცობრიობისათვის ესოდენ მნიშვნელოვან საკითხის შესახებ. მისი აზრით, ქონის კამა შეიძლება მხოლოდ იმ შემთხვევაში თუ იგი კარგათ შეუწვარია. ნედლად კი ქონის კამა მხოლოდ ადღვამის შემდეგ შეიძლებაო. (შეადარეთ A. Schlusser, Speise und Trank vergangener Zeiten in Deutschland, გვ. 9).

ფლანდრიაში მატყლის ფეიქრობა ძალიან ადრე განვითარდა. ფლანდრიაში ფეიქართა განკარგულებაში იყო, ჯერ ერთი, მათივე ქვეყნის მატყლი დიდი რაოდენობით და, მერე, ინგლისის მატყლი, საუკეთესო იმ დროში. ინგლისში საკუთარი მატყლის მრეწველობა შედარებით გვიან განვითარდა. ¹⁾

ბევრ ქალაქში მატყლის ფეიქრობა ხელოსნურ წარმოებად დარჩა და ადგილობრივ ბაზარს ემსახურებოდა, როგორც საერთოთ ხელოსნობის სხვა დარგებიც. მაგრამ ამ მდგომარეობაშიაც იგი მსოფლიო ბაზარს უნდა დამორჩილებოდა. უცხოელთა კონკურენციამ შინაგან ბაზარზედაც მოიღვა ფეხი და მით იგი მსოფლიო ბაზრის მცირე ნაწილად გადააქცია. ამის გამო მსოფლიო ბაზარი გადამწყვეტ გავლენას ახდენდა მატყლის მრეწველობაზე იმ ადგილებშიაც, სადაც ეს დარგი ადგილობრივი წარმოების ფარგლებს არ გადასცილებია და საექსპორტო წარმოებად არ გამხდარა. ამგვართ აქაც განვითარდა ინტერესთა წინააღმდეგობა მაუდის მწარმოებელთა და იმ ვაქრებს შორის, რომელნიც შემოტანილი მაუდით ვაქრობდნენ და მეტოქეობას უწევდნენ ადგილობრივ მწარმოებლებს. ეს იყო არა მოსახლეობის, როგორც მომხმარებელთა, ტრადიციული მტრობა ვაქართა მიმართ, არამედ სულ სხვა გვარი ანტაგონიზმი: ანტაგონიზმი მწარმოებლებსა და ვაქრებს შორის. მოსახლეობის მასები მით უფრო ემტერებიან ვაქრებს, რაც უფრო დიდია მათი საქონლის ფასი; მატყლის ფეიქართა უკმაყოფილება კი მით უფრო მეტი იყო, რაც უფრო იაფი საქონელი, — უცხოეთის მაუდები, — შემოჰქონდათ ვაქრებს ბაზარზე.

¹⁾ ნებას მივცემთ ჩვენს თავს ერთი მოსახრება გამოთქვით, რომელიც ჩვენს თემასთან უშუალოდ არ არის დაკავშირებული, მაგრამ მაინც ყურადღების ღირსად მიგვაჩნია. ჰილდებრანდი, ზემოთ ნახსენებ თავის წერილში, აღნიშნავს, რომ მატყლის მანუფაქტურა (უფრო გვიან, კაპიტალიზმის ხანაში) განსაკუთრებით იმ ქვეყნებში განვითარდა, რომლებიც უფრო გამოსადეგი იყო მეცხვარეობისათვის: ჩრდილოეთ გერმანიაში, საქსონიაში, ინგლისში. წინააღმდეგ ამისა. მეღვინეობა, როგორც სიხანს, აფერხებდა მეცხვარეობის განვითარებას და, მაშასადამე, მატყლის მანუფაქტურის განვითარებასაც; ასე მოხდა, მაგალითად, სამხრეთ-დასავლეთ გერმანიაში (loc. cit. გვ. 232, 233). შეიძლება უფრო შორს წავადეთ და ვთქვათ, რომ მეცხვარეობა ხელს უწყობდა მსხვილ სასოფლო-სამეურნეო წარმოებას საძოვართა მეურნეობის სახით. ამიტომაც იმ ქვეყნებში, სადაც ხელსაყრელია მეცხვარეობა, მატყლის კაპიტალისტური მრეწველობის აყვავებასთან ერთად ყველაზე ადრე წარმოიშვა მსხვილი კაპიტალისტური სასოფლო-მეურნეობის შესაძლებლობაც; ამ ქვეყნებში მიწათმფლობელთ გაცილებით მეტი სტიმული ქონდათ წვრილ გლეხთა ექსპროპრიაციისათვის მსხვილი სასოფლო-სამეურნეო წარმოების შესაქმნელად. პირიქით, მეღვინეობა ხელს უწყობდა წვრილ მეურნეობას. სადაც მეღვინეობამ

მაგრამ მეტოქეობიდან აღმოცენებული ანტაგონიზმის გარდა, მატყლის ფეიქართა და ვაქრებს შორის სხვა გვიარი ინტერესთა წინააღმდეგობაც ვითარდებოდა; სახელდობრ წინააღმდეგობა ექსპლოატაციის ნიადაგზე. იქ, სადაც მატყლის ფეიქრობა საექსპორტო მრეწველობად გადაიქცა, მისი არსებობის აუცილებელი პირობა გახდა კაპიტალი. ეხლა ხომ პირდაპირ მომხმარებელს არ ჰყიდიდენ საქონელს. სანამ გაიყიდებოდა, საქონელს დიდი გზა უნდა გაეარა, ზოგჯერ ერთი ბაზრიდან მეორე ბაზარზე გადასულიყო; წარმოებიდან საბოლოო გასაღებამდე საქონელს მრავალგვარი ხიფათი მოელოდა. დიდი ხანი უნდა გასულიყო, სანამ ვაქარი საქონლის ფასს აიღებდა. მაგრამ ეს არ კმარა: მალე მას შემდეგ, რაც მატყლის მრეწველობა საექსპორტო დარგად გადაიქცა, საქირო გახდა ნედლი მასალის, მატყლის, ზიდვა შორეული ქვეყნებიდან. ახლო-მახლო ადგილები ვერ დაუარავდენ მატყლის გადიდებულ მოთხოვნილებას. და რაც უფრო ვითარდებოდა მრეწველობა, იზრდებოდა კონკურენცია და რამდენად მეტი ყურადღება ექცეოდა მაუდის სიწმინდეს და სიმტკიცეს, მით უფრო გულმოდგინეთ მეცადინეობდენ ვაქრები ნედლი მასალის გამორჩევისათვის. ცოტა იყო ისეთი ქვეყანა, რომელსაც კარგე მატყლი გააჩნდა.

საუკეთესო, როგორც ვთქვით, ინგლისიდან გამოჰქონდათ, რაც უფრო გრძელი ხდებოდა ის გზა, რომელიც ნედლ მასალას უნდა გამოეარა, მით უფრო ძვირდებოდა იგი, მით უფრო დიდი რაოდენობით იყო საქირო მისი მომარაგება. ნედლ მასალაზე დახარჯული კაპიტალი მატულობდა, მისი ბრუნვა კი უფრო ხანგრძლივი ხდებოდა, რამდენადაც ექსპორტი ფართოვდებოდა. მაუდის მწარმოებელი ან თვით უნდა ყოფილიყო კაპიტალისტი ან იმ ვაქარზე დამოკიდებული გამხდარიყო, რომელიც მას სესხს მისცემდა. განვითარებამ ორივე მიმართულება მიიღო.

მატყლის ფეიქარი ან შინა-მრეწველის მდგომარეობაში ვარდებოდა, ამ სიტყვის ეხლანდელი მნიშვნელობით, — ერთი ქარგლით ან სულ უქარგლოთ; ვაქრისაგან იღებდა ნედლ მასალას და ვაქარსავე აბარებდა პროდუქტს განსაზღვრულ ფასად; ან მაუდის მწარმოებელი იქნებოდა ფეხი, იქ მიწათმფლობელთათვის უფრო ხელსაყრელი იქნებოდა გლეხთა ექსპლოატაცია ფეოდალურ ვალდებულებათა გადიდებით, ვიდრე საკუთარი წარმოების გაფართოება ღელეთა ექსპლოატაციის საშუალებით. ამის გამო წვერილ გლეხობა მდენინების ქვეყნებში დაჩაჩა, — საზრდო გენჯინაში, საფრანგეთის სხვადასხვა ნაწილებში და სხვ. ამგვარათ, მიწათმფლობელთის ფორმების სხვადასხვაობა ხსენებულ ქვეყნებში აიხსნება მათში განვითარებულ წარმოების ფორმათა სხვადასხვაობით.

ბელი თვითონ კაპიტალისტად იქცეოდა, ქარგალთა შედარებით დიდ რიცხვს ქირაობდა და წარმოების გარდა ვაჭრობასაც იწყებდა.

ამგვარ მდგომარეობას ფეიქარ-ოსტატების გარდა მაუდის წარმოებაში მონაწილე სხვა ხელოსნებიც აღწევდნენ.

სანამ მატყლი მაუდათ გადაიქცეოდა, მას სხვადასხვანაირი შრომის პროცესი უნდა გაეარა და ეს პროცესები ცალკე ხელობებით იქცეოდა, რომლის რიცხვი სულ მატულობდა. სტრასბურგში, მაგალითად, მე-XIV საუკუნეში მქსოველებს გამოეყვნენ პირველად ყოვლისა მატყლის მჩეჩელნი: ესენი მატყლს წმენდნენ, ჩეჩავდნენ და რთავდნენ. შემდეგ ნართი მქსოველებთან გადადიოდა. საქსოვი დაზვიდან მაუდი სათელელ სახელოსნოში იგზავნებოდა. მაუდის თელვა და აგრეთვე მისი მომდევნო ოპერაცია, მაუდის კრეკა, მე-XIV საუკუნეში დამოუკიდებელ ხელობებს წარმოადგენდა. ყველაზე გვიან მატყლის ღებვა გამოეყო ქსოვის ხელობას. იგი მხოლოდ მე-XV საუკუნის მეორე ნახევარში გადაიქცა ცალკე ხელობად და თვით მე-XVI საუკუნემდე, მრავალი მაუდის მწარმოებელი ოსტატი თვითონ ღებავდა თავის მაუდს.

თვითეთული ამ ხელობათაგანი ტეხნიკურად დანარჩენისაგან იყო დამოკიდებული და ყოველი მათგანი ცდილობდა თავისთვის დაემორჩილებინა ეკონომიურად დანარჩენი ხელობები. განსაკუთრებით ცხარე ბრძოლა გაჩაღდა მატყლის მქსოველთა და მჩეჩელთა შორის. ალაგ-ალაგ, მაგ., სილეზიაში მქსოველებმა დაიმორჩილეს ეკონომიურად მატყლის მჩეჩელნი, ჩვეულებრივად კი მქსოველნი იქცეოდნენ მატყლის მჩეჩელთა ქარგლებად. მატყლის მჩეჩელთა წრიდანვე წარმოიშვა მატყლის ვაქართა არისტოკრატია; მატყლს წმენდნენ და სთვავდნენ ან ამ ხელობის უღარიბესი ოსტატები ან ოსტატთა სახლში მომუშავე ქარგლები და შემდეგ ნართი გადაეცემოდა მქსოველებს, — ქარგლებს ან „დამოუკიდებელ“ შინა-მრეწველებს. უკვე ჩაისახა მანუფაქტურული სისტემაც, განსაკუთრებით მონასტრებში, სადაც ერთ ქერქვეშ გაერთიანდა მაუდის წარმოებისათვის საკმარისი სპეციალური სამუშეოები. მაგრამ მე-XV საუკუნის ხელოსნობაშიაც ვხვდებით იმ მოვლენას, რომ ალაგ-ალაგ მაუდის მწარმოებელთა სახლებში ერთი მეორეს გვერდით მატყლის მჩეჩელი და მქსოველი ქარგლები მუშაობენ. მატყლის ქსოვაში ვამჩნევთ აგრეთვე შრომის ფართო განაწილებას: თვითეთული მქსოველი ერთ სპეციალურ სამუშაოს ასრულებდა, და ასეთი სამუშაო კი 5-6 ნაირი იყო. მატყლის ჩეჩვაში მეორე გვარი შრომის განაწილება არსებობდა: აქ სხვადასხვა, ერთი მეორეს მიმდევნო ოპერაციას სხვადასხვა მუშები ასრულებდნენ. ამ წესმა და-

არღვია მატყლის მჩეჩელთა ამქრული ხელობა. სხვადასხვა ოპერაციის შესრულება ეხლა ამქრის გარეშე დაქირავებულ მუშებს ეკისრებოდა, ზოგჯერ სრულიად მოუნზადებელ მუშებს: გ ლ ე ხ ე ბ ს, დ ე დ ა კ ა - ც ე ბ ს და ბ ა ე შ ე ბ ს. მაუღის მრეწველობის კაპიტალისტური ხასიათის შესაფერისად მასში ადრე გავრცელდა სანარდო ხელფასის წესი. ზოგიერთ ადგილას საკმე იქამდის მივიდა, რომ სანარდო ხელფასი გაუქმებულ იქნა, როგორც მაგნე მოვლენა, — მაგალითად, ულშში, ქალაქის საბჭომ გააუქმა ეს წესი (1492 წ.) „რადგან აჩქარება საქონლის ღირსებას აზიანებს“ — ო. ჯარიმების მშენებელი სისტემა კი, რომლითაც თანამედროვე კაპიტალისტი აიძულებს მუშას კარგი ღირსების საქონელი ამზადოს და დროც მაქსიმალურად გამოიზოგოს, ჯერ ძალიან სუსტათ იყო განვითარებული საშუალ-საუტუნების ბნელ ეპოქაში.

სანარდო ხელფასის გარდა მატყლის მრეწველობის კაპიტალისტურ ხასიათს ის გარემოებაც ამოწმებს, რომ წინააღმდეგ ხელოსან ქარგალთა უმრავლესობის ჩეულებისა და თანამედროვე მუშების შზგავსათ მქსოველ ქარგლებს უფლება ქონდათ ცოლის შერთვისა. ცოლშეილიანი ქარგალი აღარ ეკუთვნოდა ოსტატის ოჯახს.

ტეხნიკურად მატყლის მრეწველობა გაცილებით უფრო სწრაფად ვითარდებოდა, ვიდრე ქალაქის სხვა რომელიმე მრეწველობის დარგი. როგორც აღენიშნეთ, ის ყველაზე მეტად საჭიროებდა შედარებით რთულ ტეხნიკურ აპპარატს. ეს აპპარატი სულ უფრო დიდი ხდებოდა, რამდენადაც შრომის განაწილება ვითარდებოდა შრომის განაწილების პროგრესს კი ხელს უწყობდა მასსიური წარმოება ექსპორტისათვის.

ნეღლი მატყლი ჯერ უნდა გაწმენდილიყო. ამისთვის საჭირო იყო მ ა ტ ყ ლ ის ს ა წ მ ე ნ დ ი ს ა ხ ე ლ ო ს ნ ო. აქ მატყლს სწმენდდენ და არბილებდენ. შემდეგ ის უნდა დაეყოთ თანასწორ ნაძენძებათ დასართაფად. ამას აკეთებდენ მატყლის მ ჩ ე ჩ ე ლ ნ ი. ზოგჯერ ამ ოპერაციას განსაკუთრებულ შენობებში, საჩეჩელ სახელოსნოებში ასრულებდენ.

აქედან მატყლი მრთველის ხელში გადადიოდა. რთვას ეწოდდა ან განსაკუთრებული აქარი, ან მქსოველთა ქარგლები ან კიდევ, მქსოველების მიერ ამქრის გარეშე დაქირავებული მუშები, მეტ წილად დ ე დ ა კ ა ც ე ბ ი. მატყლის სართაფი ბორბალი მე-XVI საუტუნეში საყოველთაოთ გავრცელებული იყო.

შემდეგ ნართი მქსოველთან გადადიოდა. ის მას ს ა ქ ს ო ვ და - ხ გ ა ზ ე გადაამუშავებდა, რის შემდეგ ჩსოვილი მთილოოს გადაი-

ცემოდა მაუდის სათელელ სახელოსნოში. სათელელ სახელოსნოებს საშუალ-საუკუნეებში ყველგან აწყობდენ. მოთელვის შემდეგ მაუდს ჩარჩოზე გასკიმავენ დასაშრობად. ამისთვის განსაკუთრებული ადგილი იყო საჭირო. შემდეგი წყება მუშებისა მაუდის ძაფებს გაარბილებდა და მაუდს ხაოს (bore) მისცემდა: მერე სხვა მუშები მაუდს გაკრეკავდენ. (გარბილებულ ძაფებს შეჭკვეცავდენ). ამისთვის მაუდის საკვეცავი განსაკუთრებული მოწყობილობა იყო საჭირო. შემდეგ მაუდს ათეთრებდენ სათანადო სახელოსნოში ან აგზავნიდენ სამღებროში შესაღებავად, და ხანდახან მაუდის სამჩითავოში (აუგსბურგის 1490 წლის საგადასახადო რეგისტრში მოხსენებულია ერთი ასეთი სახელოსნო).

დასასრულ, საბუთებში მოხსენებულია კიდევ მაუდის დასატკეცი ქარხნები; როგორც სჩანს, მაუდს აუთოვებდენ და პრესავდენ, როგორც ამჟამად ტილოს¹⁾.

სამაუდე საქმის ზოგიერთი ამ აპპარატთაგანი იმდენად რთული და ძვირფასი იყო, რომ ცალკე ხელოსანი მას ვერ შეიძენდა. ამგვარ ქარხნებს ქალაქები ან ამქრები აწყობდენ. იმ დროს ჯერ არ იყო განვითარებული ცალკე მრეწველთა კაპიტალისტური საკუთრება საშუალო იარაღებზე. მაგრამ შრომის განაწილების პროგრესის გამო სწორეთ მატყლის მრეწველობაში იჩინა თავი ტენიკურ გამოგონებათა სულმა; ზემოხსენებული აპპარატების შემოღება ნიშნავდა იმას, რომ ტენიკური რევოლიუცია დაიწყო და გაჩნდა სტიმული ტენიკურ გადატრიალებისა, განუწყვეტელ გაუმჯობესებისა და გადახალისებისათვის. სართავი ბორბალი, მაგ., შემოღებულ იქნა XV საუკუნის დამლევში. პირველ ხანებში მას ხელით ამოძრავებდენ. 1530 წელს იურგენსმა ბრაუნშვიგში ახალი სართავი ბორბალი გამოიგონა, რომელსაც ცხენის ძალა ამოძრავებდა. მაუდს პირველად ფეხით სთელავდენ. მაგრამ ამ წესს ბოლო მოუღო ახლათ გამოგონილმა (ალბათ მე-XII საუკუნეში) სათელელმა მანქანამ, რომელსაც წყალი ამოძრავებდა. უკანასკნელ მაუდის მთელელებს, რომელნიც ჯერ კიდევ ხსენებული პრიმიტიული წესით მუშაობდენ, ჩვენ ვხვდებით მე-XIV საუკუნეში.

ტენიკის ყოველი ახალი ნაბიჯი ზედმეტად ხდიდა მუშის ძალას. ეს მხარე თანამედროვე ინდუსტრიალიზმისა არსად არ გამოქვავებულა ისე ადრე, როგორც მატყლის მრეწველობაში.

¹⁾ B. Hildebrand, Zur Geschichte der deutschen Wollenindustrie, Hildebrand's Jahrbücher, 1866 წ., გვ. 90—98.

მართალია, რეფორმაციის წინა ხანაში მატყლის მრეწველობა ჯერ არ იყო იმდენად განვითარებული, რომ მსხვილ კაპიტალისტურ წარმოების ფორმას სამთომადნო მრეწველობასავეთ დაახლოვებოდა. ამ მხრივ მატყლის მრეწველობა სამთომადნო საქმეზე დაბლა იდგა. მაგრამ იმ დროს, როდესაც უკანასკნელი ყრუ ადგილებში ვითარდებოდა და სამთომადნო მუშები მოწყვეტილი იყვნენ ქვეყანას და თავის ამხანაგთა მისწრაფებებსა და ბრძოლას, მატყლის მრეწველობა კაპიტალისტურ ხასიათს უმთავრესად ქალაქებში იღებდა, რომლებზედაც მსოფლიო გაცელა-გამოცელის ტალღები გადადიოდა და სადაც გამოძახილს ჰპოულობდა ევროპის მოწინავე ქვეყნებში,—იტალიაში, ნიდერლანდში, საფრანგეთში და გერმანიაში,—მომხდარი ყოველი მღელვარება.

სწორეთ ამ ქალაქთა მატყლის მრეწველობაში განვითარდა განსაკუთრებით სწრაფად და მკაფიოდ კაპიტალისტური წარმოების თვისებები,—ისე როგორც მე-XVIII საუკუნის ბოლოში ინგლისშიაც სამრეწველო რევოლიუცია საფეიქრო მრეწველობიდან დაიწყო. ოსტატები ცდილობდნენ კაპიტალისტები გამხდარიყვნენ. არც ერთ სხვა ხელობაში ისე აშკარა არ იყო ოსტატების ექსპლოატატობა ქარგალთა მიმართ, როგორც მატყლის წარმოებაში, სადაც ამ ორ კლასს ღრმა უფსკრული ჰყოფდა ერთმანეთისაგან. თუ ოსტატი კაპიტალისტად გადაქცევას ვერ ახერხებდა, ის თვით ზდებოდა ვაჭრის დაქირავებული მონა, შინამრეწველი, და მაშინ თავისი ხელობის ქარგლებს უფრო უახლოვდებოდა, ვიდრე სხვა ხელობის ოსტატები, სოლიდარობას იჩენდა ქარგლებთან, როცა უკანასკნელნი ექსპლოატატორების წინააღმდეგ გამოდიოდნენ. ამავე დროს ამქრის გარეშე მყოფი მუშაც სულ უფრო უახლოვდებოდა ქარგლებს, როგორც მათი შრომის თანამოზიარე და იმავე საზოგადოებრივი მდგომარეობის კაცი.

ამგვარად მატყლის მრეწველობის მუშებისათვის ამქრულმა კარჩაკეტილობამ მალე დაჰკარგა თავისი მნიშვნელობა; მათი გონებრივი ჰორიზონტიც ფართოვდებოდა მსოფლიო ბაზართან დამოკიდებულების წყალობით. ის რაც სხვა მოქალაქეებისათვის მხოლოდ სადღესასწაულო გასართობი იყო:

Ein gespräch von Krieg und Kriegsgeschrei,
Wenn hinten, weit, in der Türkei,
Die Völker aufeinander schlagen, 1) —

1) „ბაასი ომზე და ბრძოლებზე, შორს ოსმალეთში როგორ ეღეტენ ხალხნი ერთმანეთს“.

ეს მატყლის მრეწველობასთან დაკავშირებულ კაცისათვის სრულიად სერიოზულ საქმეს წარმოადგენდა. ნედლი მასალის მომარაგებისა და საქონლის გასაღებისათვის დიდი მნიშვნელობა ქონდა საკითხს, — მოხდება თუ არა ომი ინგლისსა და საფრანგეთს შორის და, თუ მოხდა, რა პოზიციას დაიკერს ფლანდრია, რა დამოკიდებულებაში არიან ერთმანეთთან ჰანზა და დანია, თავისუფალია თუ არა გზა ნოვგოროდისაკენ, ჩამოაგდებს ზავს იმპერატორი ვენეციასთან თუ არა და სხვა.

ის, ვინც მსოფლიო ბაზრისათვის მუშაობს, მალე სტოვებს „კუთხურ“ პოლიტიკას; მაგრამ ამასთან ერთად ჰქრება ის სიმშვიდე და უდარდელობაც მომავლის მიმართ, თავის ნაცნობ-მეგობრებისათვის მომუშავე ხელოსანს რომ ახასიათებდა. წმინდა ქალაქურ კონფლიქტებს, რომლებშიაც მატყლის მუშებიც მონაწილეობდნენ და ზოგჯერ მთავარ როლსაც თამაშობდნენ, საამქრო ბრძოლას, ზემოაღნიშნულ სოციალურ და ტეხნიკურ ცვლილებებით გამოწვეულს, მოემატა საზღვარგარეთულ ცვლილებებისა და სავაჭრო კრიზისების რეფლექტორული მოქმედება; და ამის შედეგი იყო ის, რომ სიმშვიდე არასდროს არ სუფევდა მატყლის მრეწველობაში, ის მუდამ ახალ-ახალ გადატრიალებას განიცდიდა. მატყლის მრეწველობა საშუალ-საუკუნეების დამლევაში ქალაქის მრეწველობის ყველაზე უფრო რევოლიუციონური დარგი იყო და ამ მრეწველობის მუშებიც რევოლიუციონერები იყვნენ. ამიტომ საზოგადოება მათს ცნობიერებაში უცვლელსა და მყარ მოვლენას არ წარმოადგენდა; მათ ყველაზე უფრო ადვილად შეეძლოთ წამოეყენებინათ საზოგადოებრივი წყობილების სრული გარდაქმნის იდეა. ისინი ყველაზე მეტად განიცდიდნენ ექსპლოატაციას და მათ მეტი საფუძველიც ჰქონდათ მდიდრებისადმი მტრობისათვის.

მატყლის მრეწველობა ყველა სხვა დარგზე მალლა იდგა თავის ძალთა სრულყოფილი განვითარებით. იმ დროს ყოველი ქალაქი თავის თავად საზოგადოებას წარმოადგენდა. მდიდარ ქალაქებში კი, ე. ი. ისეთ ქალაქებში, რომლებიც დასავლეთ ევროპის მსოფლიო ბაზარს ემსახურებოდნენ მთელს სივრცეზე ინგლისიდან კონსტანტინოპოლამდე და ნოვგოროდამდე, მატყლის მრეწველობა უმთავრეს როლს თამაშობდა ეკონომიურ ყოფა-ცხოვრებაში. მატყლის მრეწველობაზე, ე. ი. ბოლოს და ბოლოს ამ მრეწველობის მუშებზე იყო დამოკიდებული ამ ქალაქთა ძალა და სიმდიდრე.

მაგრამ არა თუ მხოლოდ თავისი ეკონომიური მნიშვნელობით, არამედ აგრეთვე მუშათა, უმთავრესად ფეიქარ მუშათა რიცხვით, მატყლის მრეწველობა დიდ ძალას წარმოადგენდა იმ ქალაქებში, სადაც ეს დარგი განვითარებული იყო. ჩვენ მატყლის ფეიქარ მუშათა მაშინდელი ციფრები უმნიშვნელოთ მოგვეჩვენება, მაგრამ იმ დროის პირობებში, საშუალ-საუკუნეების პატარა ქალაქებში, მატყლის მრეწველობა კოლოსალურ მუშათა მასებს იტევდა.

ბრესლავში 1333 წელს ფეიქრები 900 კარგათ შეიარაღებული კაცით გამოვიდნენ. კელნიდან, ერთი აჯანყების ჩაქრობის შემდეგ, განდევნილ იქნა 1.800 ფეიქარი. მაგრამ განსაკუთრებით დიდი იყო მათი რიცხვი ნიდერლანდში. 1350 წ. ლიეჟში 400 საქსოვი დაზგა ითვლებოდა, ამდენივე იქერნში და 3.200—მეხელნში. 1326 წ. გენტიდან ერთბაშათ 3.000 ფეიქარი განდევნეს ფლანდრიელ გრაფების წინააღმდეგ აჯანყების განზრახვისათვის. მე-XIV საუკუნის მეორე ნახევარში იმავე ქალაქში 18.000 მაულის მწარმოებელი მუშა იდგა იარაღით ხელში. ბრიუგეში ხელოსნობის აყვავების ხანაში 50.000 კაცი მუშაობდა მატყლის წარმოებაში. ¹⁾

აქა იქ თავმოყრილი ფეიქართა მასები დიად რევოლუციონურ ძალას შეადგენდნენ. საკვირველიც არ არის, რომ ტრუდოს სააბბატოს ქრონიკის სიტყვით ფეიქრები ყველა სხვა ხელოსნებზე უფრო თავხედი და გამბედავი ხალხი იყო.

თუ ყველა ამ გარემოებას გავითვალისწინებთ, ჩვენთვის გასაგები გახდება, თუ რატომ სწორეთ მატყლის მრეწველობა შეიქნა რეფორმაციის ეპოქის სოციალ-რევოლუციონურ მისწრაფებათა კერა; რომ ყოველთვის, როდესაც კი გაჩაღდებოდა ბრძოლა არსებულ სახელმწიფოებრივ თუ საქალაქო საზოგადოებრივ წყობილების წინააღმდეგ, ფეიქრები მუდამ პირველ რიგებში დგებოდნენ; რომ ისინი ყველაზე უფრო ადვილათ ითვისებდნენ იმ მიმართულებას, რომელიც ომს უცხადებდა მთელს არსებულ საზოგადოებრივ წესწყობილებას; რომ ფეიქრებს, თითქმის ყოველთვის კავშირი ჰქონდათ საშუალ-საუკუნეების დამლევისა და რეფორმაციის ეპოქის ყველა კომუნისტურ მოძრაობასთან, რამდენადაც ამ მოძრაობებში პროლეტართა კლასი იღებდა მონაწილეობას.

¹⁾ Hildebrand, loc. cit. გვ. 83, შეად. აგრეთვე D-r H. Grathle, Bilder und Studien zur Geschichte vom Spinnen, Weben, Nüben. ბერლინი 1875, გვ. 71 და შემდეგი.

„ტყვილათ კი არ ხმარობენ ჩვეულებრივ საუბარში „მქსოველის“ ცნებას იმავე მნიშვნელობით, როგორც „შეთქმულს“, და დაზგაზე ქსოვის მხატვრული სახით სარგებლობენ, როდესაც სურთ გამოსთქვან, თუ როგორ საადუმლოთ და ნელ-ნელა იბმება პოლიტიკური არეულობის ქსელი“—ამბობს შმოლლერი. ¹⁾

„მაუდის მწარმოებელთა ამქრებს იმ დროს ისეთივე მდგომარეობა ექირათ, როგორიც, ზოგიერთის აზრით, „მუშათა“ პრივილეგიურ კლასს ექირა 1848 წელს“,—ამბობს ჰილდებრანდი. ²⁾

1) Sch m o l l e r, loc. cit., გვ. 465.

2) H i l d e b r a n d, loc. cit. გვ. 115.

ნაწილი მეორე.

კომუნისტური ნაწილები საშუალო საუკუნეებში.

თავი პირველი.

საშუალ-საუკუნეთა კომუნიზმის საერთო ხასიათი.

I. მონასტრული კომუნიზმი.

რომის მსოფლიო იმპერიის ცივილიზაციას არც ერთ კულტუროსან ქრისტიანულ-გერმანულ ქვეყანაში ისე ღრმად არ გაუდგამს ფესვი, როგორც იტალიაში და სამხრეთ საფრანგეთში. ხალხთა გადასახლებას აქ ყველაზე ნაკლებ დაუზიანებია და გაუწყვეტია მონაცვლეობითი კავშირი რომის ცივილიზაციასთან; ამავე ქვეყნებმა დაიცვეს და განაგრძეს ხშირი მისვლა-მოსვლა აღმოსავლეთის იმ ქვეყნებთან, რომელნიც შედარებით უფრო მაღალ საფეხურზე იდგნენ: ეგვიპტე, სირია, მცირე აზიასა და კონსტანტინოპოლთან. იტალიაში და სამხრეთ საფრანგეთში სავსებით არ მიმქრალა ქალაქური ყოფაცხოვრება თვით უბნელეს ბარბაროსობის ხანაშიაც, რომელიც უშუალოდ ხალხთა გადასახლებას მოჰყვა. ამ ქვეყნების ქალაქებმა შედარებით სწრაფად აილორძინეს თავისი სიმდიდრე და ძალა, და საქონლის მეურნეობით შექმნილი საზოგადოებრივი წინააღმდეგობანი ამ ქვეყნებში გამოძეილანდა ყველაზე უფრო მკაფიოდ ან, შეიძლება, საშუალო საუკუნეებმა აქ გადმოიღეს უშუალოთ ძველი დროისაგან ეს წინააღმდეგობანი.

ევროპის ამ ქვეყნებში პროლეტარიატიც არ გამქრალა სავსებით. იტალიის და სამხრეთ საფრანგეთში ის ყველაზე უფრო ადრე გადაიქცა საზოგადოებრივი ცხოვრების თვალსაჩინო ფაქტორად და სავსებით გასაგებია, რომ მის წრეებში წარმოიშვა საშუალ-საუკუნეების პირველი კომუნისტური მოძრაობები.

იტალიის და სამხრეთ საფრანგეთის იმ დროის საქალაქო წყობილებას დიდი მზგავსება ჰქონდა ძველი რომის ქალაქთა წყობილებას.

ბასთან; სამხრეთ ევროპის ქვეყნებმა განსაკუთრებით მკვიდრათ და ხანგრძლივად შეინახეს რომის ეპოქის ტრადიციები. ამის გამო აქ აღმოცენებული პროლეტარული კომუნიზმი იმ ფორმებს მიმართავდა, რომელიც რომის იმპერიის დაცემის ხანიდან დარჩა. პროლეტართა ოპოზიციამ ბურჟუაზიული საზოგადოების წინააღმდეგ მონასტრული ხასიათი მიიღო; იტალიაში და სამხრეთ საფრანგეთში ეს ფორმა მან მხოლოდ XIX საუკუნეში დასძლია.

მაგრამ ომისათვის, რომ ეს მონასტრული ხასიათი გავიგოთ, ჩვენ ერთხელ კიდევ თვალი უნდა გადავავლოთ ქრისტიანობის პირველ საუკუნეებს. ჩვენ დავინახეთ, რომ პირვანდელი ქრისტიანობის მისწრაფება კომუნიზმის შემოღებისაკენ ყოველთვის მარცხით თავდებოდა იმ დროის საზოგადოებრივ დამოკიდებულებათა გამო. მაგრამ ჩვენ ისიც დავინახეთ, რომ სწორეთ ის პირობები, რომელიც უშლიდა კომუნიზმს მთელი საზოგადოების მდგომარეობად გადაქცეულიყო, კვლავ და კვლავ პროლეტარიატს ჰბადებდა და, მასთანადამე, კვლავ კომუნისტურ დაწესებულებათა საჭიროებას ქმნიდა.

რაც უფრო ვრცელდებოდა ქრისტიანობა, მით უფრო აშკარად იღებდა იგი ხელს კომუნიზმის სრულს განხორციელებაზე. მაგრამ ამავე დროს მით უფრო ძლიერდებოდა მისწრაფება თვით ქრისტიანობაში ცალკე კომუნისტურ კორპორაციების შექმნისაკენ.

ამგვარ კორპორაციების პროტოტიპად ცნობილ იქნა ერთადერთი ქონების ერთობაზე დამყარებული კომუნისტური ორგანიზაცია, რომლის ნაშთი მაინც არსებობდა იმ დროს: ოჯახი ან, უფრო სწორად, საოჯახო თემი. ძველს დროში, და შემდეგაც—იმპერიის ხანაში, თვითეული სასოფლო-სამეურნეო წარმოება დამოუკიდებელს და კარჩაკეტილ ერთეულს წარმოადგენდა; იგი თვითონ ამზადებდა საკუთარ მოხმარებისათვის საჭირო მთავარ საგნებს და მხოლოდ ნაპარბს ჰყიდდა, როგორც საქონელს. თავდაპირველად ასეთი წარმოებანი მხოლოდ საოჯახო თემები, 40-50 კაცისაგან შემდგარი ოჯახები იყო. მათი წყობილება კომუნისტური იყო, წევრები სახიაროთ ჰფლობდნენ და სარგებლობდნენ წარმოებისა და მოხმარების ყველა საშუალებებს. უფრო დიდი ზომის სასოფლო—სამეურნეო წარმოებას მსხვილი მონათმფლობელური მეურნეობა წარმოადგენდა. მხოლოდ ზოგიერთი ასეთი მეურნეობა იყო პლანტაცია, რომელზედაც ერთი რომელიმე პროდუქტი, მაგ., ხორბალი, მოყავდათ. მეტწილად კი თემში არა მარტო მიწათმოქმედებისა და მესაქონლეობის პროდუქტებს, და მათ შორის მუშათა სარჩენ პროდუქტებს, ამზა-

დებდენ, არამედ საქონლადაც გადაამუშაებდენ ხოლმე (გასაკუთრებით ზამთრობით) სასოფლო-სამეურნეო ნედლ მასალას.

სრულიად ბუნებრივია, რომ როდესაც სოფლად კომუნისტური მისწრაფებები წარმოიშვა, წარმოების მოწყობა კომუნისტებმა ამ დამოუკიდებელ საოჯახო თემების დაგვარად დაიწყეს. მაგრამ კომუნისტური წარმოების მონაწილეებს ნათესაობა კი არ აერთიენებდა, როგორც ოჯახს, და არც გარეშე იძულებითი ძალა, არამედ საერთო კომუნისტური რწმენა, ინტერესთა ერთობა, გარკვეული წესები და ფიცი.

ამგვარ ხელოვნურ კომუნისტურ კავშირებს წარმოადგენდა ესსეიების ახალშენები, რომლებიც ებრაელთა სახელმწიფოსთან ერთად დაილუპენ.

პირველი ქრისტიანები დიდ ქალაქებში ცხოვრობდენ, სადაც ამგვარ თემების შექმნას ხელს არ უწყობდა არც იმ დროის წარმოების წყისი, -- დაქსაქსული ხელოსნობა, -- და არც პოლიტიკური პირობები, რომელიც მათ საიდუმლო ორგანიზაციების შექმნას აიძულებდა. კომუნისტურ თემების არსებობის შესაძლებლობა მხოლოდ მაშინ შეიქმნა, როდესაც ქრისტიანობა (მე-IV საუკუნეში) სახელმწიფოებრივ რელიგიად გადაიქცა და როდესაც ქრისტიანებს მთელს რომის იმპერიაში ორგანიზაციის უფლება მიეცა.

ამ დროს სწრაფად აღმოცენდა მრავალი ქრისტიანული კომუნა, მონასტრები.

საოჯახო კომუნების წევრთა, ბერ-მონაზვნების, მთავარ კონტინგენტს მოსახლეობის ის წრეები იძლეოდა, საიდანაც წინეთ პირველი ქრისტიანები გამოდიოდენ. ეს იყო, ერთის მხრით, მდიდარი კაცები, რომელთაც სიძულვილი უგრძენით სიმდიდრისა და იმ საზოგადოებისადმი, რომელშიაც ისინი ტრიალებდენ. მეორეს მხრით კი, უმრავლესობა, ღარიბი ხალხი; ის მონასტრებში ეძებდა თავშესაფარს, რომელიც „საერო“, ე. ი. სამოქალაქო საზოგადოებაში ვერ ეპოვნა. „ახლა, -- ჩივოდა ნეტარი ავგუსტინე, -- ღვთის მსახურებას მიმართავენ მეტ წილად მონები, ახატები, ღვთის გულისთვის განთავისუფლებული კაცნი, გლეხები, ხელოსანნი და სხვა ამგვარი მდაბინონი“.¹⁾

ოჯახს მრავალნაირი საშუალებით შეუძლია იშოვოს თავისი სარჩო: შრომით, მოწყალების თხოვნით, ექსპლოატაციით. მონასტრებიც მრავალგვარი ხერხით სარგებლობდენ ცხოვრების სახსრის

¹⁾ De opere Monachorum, c. 22. ციტატა ამოღებულია I. C. L. Gieseler-იდან: Lehrbuch der Kirchengeschichte, 3 გამოც., გვ. 545.

მოსაპოვებლად. ზოგიერთ მონასტერში მისი წევრთა უმრავლესობის, ბოგანო-პროლეტარების მიდრეკილება იმარჯვებდა და მაშინ ეს მონასტრები მოწყალეების თხოვნას მიმართავდნენ. ზოგიერთი მონასტერი უფრო ბედნიერი იყო: ჰყავდათ მდიდარი წევრები ან მფარველნი, რომელნიც ასაჩუქრებდნენ მათ ფულით თუ ქონებით, მონებით თუ კოლონებით და ამ ხალხის ექსპლოატაციით ცხოვრობდნენ კეთილმორწმუნე ბერები.

მაგრამ მონასტრების უმეტესი რიცხვი ლარიბ წევრთა კავშირებს წარმოადგენდა; კავშირი იმისთვის შეედგინათ რომ საერთო ძალღონით თავი უკეთ ერჩინათ. ასეთი მონასტრები, ყოველ შემთხვევაში პირველ ხანად, თავის წევრთა ფიზიკური შრომით არსებობდა.

პირველი მონასტრები მეოთხე საუკუნეში, რამდენადაც ცნობა მოგვეპოება, პირდაპირ მოითხოვდნენ, რომ წევრებს ფიზიკურად ემუშავნათ. ამასვე მოითხოვდნენ იმ დროის განთქმულ მონასტრების დამაარსებელნი: ანტონი, პახომი, ვასილი (მეოთხე საუკუნეში) და ბენედიქტე ნურსიელი, — ბენედიქტეს ორდენის დამაარსებელი (მეექვსე საუკუნის დასაწყისში).

პირველად ყოველ წევრს უფლება ჰქონდა განთავისუფლებულიყო სურვილისამებრ თემის წევრობისაგან; ჩაცმულობითაც არ განსხვავდებოდნენ ბერები დანარჩენი მოსახლეობისაგან.

თავისი განვითარების ამ საფეხურზე მონასტრებს, ხასიათით და მიზნებით, ბევრი საერთო რამ ჰქონდათ ჩვენი დროის მუშათა საწარმოო ამხანაგობებთან. როგორც მონასტრები, ისე საწარმოო ამხანაგობანი ცდილობდნენ განსაზღვრულ ვიწრო სფეროში გადაეწყვიტათ თავ-თავისი დროის „სოციალური საკითხი“ მხოლოდ თავის წევრთა ძალითა და ღონით.

მაგრამ ამ მზავსებასთან ერთად მათ შორის დიდი განსხვავებაც არის რომის და თანამედროვე საზოგადოებათა სხვადასხვაობასთან დაკავშირებით.

წარმოების კაპიტალისტურმა წესმა თითქმის მთელი წარმოება საქონლის წარმოებათ გადააქცია. ამიტომ საწარმოო ამხანაგობებიც იძულებული არიან საქონელი ამზადონ. მოხმარების საგნებს ისინი ბაზრისთვის ამზადებენ და არა თავისთვის; ამის გამო იძულებული არიან ებრძოლონ რისკს და იმ გამრყენელ გავლენას, რომელსაც მათზე კონკურენციის სისტემა და მასთან დაკავშირებული კრიზისები ახდენს.

სანამ კაპიტალისტური წარმოება განვითარდებოდა სასოფლო-

სამეურნეო წარმოება უმთავრესად საკუთარ მოთხოვნილებათა დაკმაყოფილებაზე იყო მიმართული. თვითეული გლეხის კომლი და თვითეული მემამულის მეურნეობა ყველაფერს ამზადებდა რაც მას სჭიროდა და მხოლოდ ნაქარბს ასალებდა ბაზარზე, როგორც საქონელს. ასეთი იყო წარმოება მონასტრებშიაც. ხოლო როდესაც ზედმეტი ნაწარმოები გაჩნდა და მონასტერი ბაზარს, გარეშე სამყაროს დაუკავშირდა, დაიბადა დიდი ცთუნება, რომელსაც უმრავლეს შემთხვევაში ცოდვა მოსდევდა. ნაქარბი პროდუქტი ღარიბებს უნდა რგებოდა, მაგრამ მონასტრებისათვის უფრო ხელსაყრელი გახდა მისი გაყიდვა და მონაგების თავისთვის გამოყენება.

საშუალ-საუკუნეების მერმინდელ ხანაში, როდესაც ქალაქში მრეწველობა განვითარდა, მონასტრების საბაზრო წარმოებას სასტიკი მეტოქეობა შეეძლო გაეწია ხელოსნებისათვის. მაგრამ მთავარ საქმეთ მაინც საკუთარ მოხმარების საგანთა წარმოება დარჩა. მონასტრებში იგი მეტ ხანს, ვიდრე საღმე სხვაგან, უწევდა წინააღმდეგობას თანდათან განვითარებულ კაპიტალიზმის გავლენას; ყველაზე დიდ ხანს მონასტრებში შეინარჩუნა მეურნეობამ ნატურალური ფორმა. მეურნეობის ამ სისტემისაგან გამომდინარეობდა მონასტრების კონსერვატიზმიც, მისი მყარი მდგომარეობაც და მისი უნარი წინააღმდეგობის გაწევისა, — ის თვისებები, რომელსაც თანამედროვე საწარმოო ამხანაგობებში ვერ ვიპოვიტ.

მეორე დიდი განსხვავება იმაში მდგომარეობს, რომ ჩვენი დროის საწარმოო ამხანაგობანი ემყარებიან არა მოხმარების, არამედ წარმოების საშუალებათა საერთო საკუთრებას. მონასტრებში კი პირიქით, მთავარ როლს საერთო ყოფა-ცხოვრება და საერთო საშინაო მეურნეობა „Haushalt, Домоводство“ თამაშობდა, ხოლო წარმოების საშუალებათა საერთო საკუთრებას მეორე ხარისხის მნიშვნელობა ქონდა: ის სხვათა შორის არსებობდა, — მხოლოდ იმიტომ რომ უამისოდ კომუნისტური საშინაო მეურნეობა საკმაოდ მკვიდრი არ იქნებოდა; გამოცდილება გვიმტკიცებს, რომ საერთო საშინაო მეურნეობა ვერ ეგუება კერძო, ინდივიდუალურ საკუთრების უფლებას წარმოების საშუალებებზე და სადაც კერძო საკუთრება ყოფილა, იქ საერთო საშინაო მეურნეობას დიდი ხანი არ უხეირნია. სოფელშიაც საშინაო მეურნეობა და საერთო წარმოება განუწყვეტლად არიან ერთმანეთთან დაკავშირებული.

არსებობს კიდევ ერთი განსხვავება თანამედროვე საწარმოო ამხანაგობებსა და მონასტრებს შორის. პირველნი (საწარმოო ამხანაგობანი) არ ეწინააღმდეგებიან წვერთა მონოგამიურ ქორწინე-

ბას და ოჯახიანობას. მონოგამიური საქორწინო კავშირი ადვილად ეგუება წარმოების საშუალებათა საერთო საკუთრებას. მაგრამ ყოველად შეუძლებელია იგივე ვთქვათ მოხმარების საშუალებათა საერთო საკუთრებაზე. ამიტომ ბერს ან მონაზონს არ შეუძლია საკუთარი ოჯახი ქონდეს,—მას მხოლოდ თემთან უნდა ქონდეს კავშირი. მაგრამ მონასტრები ამით არ დაკმაყოფილდნენ. პირველყოფილი, ბუნებრივად განვითარებული საოჯახო თემი არ ეწინააღმდეგებოდა მისი წევრების დაქორწინებას. მაგრამ ასეთი თემის მთლიანობა ემყარებოდა ნათესაობას, ათას წლოვან ჩეულებით განმტკიცებულს, და არა ამას წინათ შემოღებულ ხელოვნურ წესებს, და არსებობდა ისეთ საზოგადოებაში, რომელშიაც ჯერ არ განვითარებულა კერძო საკუთრება,—ყოველ შემთხვევაში წარმოების უმთავრეს საშუალებათა მიმართ. მონასტრები კი პირიქით იმ ეპოქაში არსებობდნენ, როდესაც კერძო საკუთრების და მემკვიდრეობის უფლება სავსებით ჩამოყალიბებული იყო და რა უდაბნოშიაც არ უნდა დამალულიყო მონასტერი რათა სამოქალაქო ყოფა-ცხოვრებას დაშორებოდა, სულ ერთია ხომ მაინც ამ საზოგადოების სფეროს ვერ გასცილდებოდა. მონოგამიური ქორწინების ნებადართვით ბოლო მოეღებოდა მათ კომუნიზმს ისევე, როგორც წინთ, პირვანდელ ქრისტიანულ თემებშიაც ამ ქორწინებამ მოსპო მათი კომუნიზმი.

თუ მონასტრებს სურდათ კომუნიზმის შენარჩუნება და თავის დაცვა, მათ სხვა გზა არ რჩებოდათ გარდა ქორწინების უარყოფისა. ლიბერალური განმანათლებლობა ბერ-მონაზვნების უქორწინობას სრული იდიოტიზმის შედეგად სთვლის. მაგრამ, როდესაც ისტორიკოსს გაუგებრად ეჩვენება ესა თუ ის მასსიური ისტორიული მოვლენა, ის უფრო წესიერად მოიქცეოდა, რომ ამის მიზეზად სინამდვილის არა საკმარისი ცოდნა მიეჩნია და დამატებითი კვლევადიებისათვის მიემართა, იმის მაგიერ რომ მასსების სიტუტუცე იმიზეზოს, თუმცა, რა თქმა უნდა, უკანასკნელი გზა ბევრად უფრო ადვილია და თვით ისტორიკოსის განდიდებასაც ხელს უწყობს. ბერ-მონაზვნების უქორწინობა სრულიად არ ამტკიცებს მონასტრების დამარსებელთა იდიოტობას: ის მხოლოდ იმას ამტკიცებს, რომ ეკონომიური დამოკიდებულებანი გარკვეულ პირობებში ბუნების კანონებზე უფრო ძლიერი ხდება.

მაგრამ უქორწინობა ხომ მაინცა და მაინც უბიწოებას არ გულისხმობს. უქორწინობა, როგორც ჩვენ ერთხელ უკვე აღვნიშნეთ, შეიძლება ქორწინების გარეშე სქესობრივ ურთიერთობასთან იქნეს შეთავსებული. ამ გამოსავალს ეძებდა პლატონი. მაგრამ რომის სა-

ზოგადობაში ქორწინებას მეტად ღრმად ქონდა ფესვი გამდგარი, რომ მონასტრებისათვის ეს გამოსავალი შესაძლებელი ყოფილიყო. მონასტრები მით უფრო ადვილად შეურიგდენ უბიწოების მოთხოვნილებას, რომ მათი ეპოქის საერთო მონანიების სულის კვეთება ხელს უწყობდა ასკეტიზმის ტენდენციებს.

ჩვენ მიერ გამოთქმული აზრი, რომ უქორწინობა მონასტრებში მოხმარების კომუნიზმით იყო გამოწვეული, იმით მართლდება, რომ, თუ დაეაკვირდებით, ეს ორი მოვლენა მუდამ ერთი მეორეს გვერდით არსებობდა: ძველს დროში ეს ჩვენ პლატონს და ესსეიებს შევაჩნით. სხვა მაგალითებისათვის ჩვენ შეგვიძლია შეერთებული შტატების იმ კოლონიებს მივმართოთ, სადაც მე-XVIII საუკუნის დამლევი და მე-XIX საუკუნის დასაწყისში პრიმიტიული კომუნიზმის შემოღების რამოდენიმე ცდა მოხდა. ცხადია ისინი დიდად განსხვავდებიან იმ კოლონიებისაგან, რომელშიაც უახლესი უტოპისტების იდეებს უნდა შეესხა ხორცი: ოჯენი, ფურიე და კაბე უკვე კაპიტალისტური წარმოების შემეცნებას ემყარებოდნენ და ამიტომ თავის ცდებს წარმოების საშუალებათა კომუნიზმი ჩაუდევს საუფუძვლად.

პირველი სახის კომუნიზმის ჩამორჩენილობა მეორესთან შედარებით უკვე იმიდან სჩანს, თუ როგორი დანაკიდებულებაა რელიგიასთან ამ ორ შემთხვევაში. იმ კომუნისტური თემებისათვის, რომელზედაც ჩვენ აქ ლაპარაკი გვაქვს, რელიგია სრულიადაც არ წარმოადგენდა კერძო საქმეს. ისინი ჯერ იმ საფეხურზე იდგნენ, რომელზედაც სოციალური პრინციპები ჯერ რელიგიურ სამოსელშია გახვეული; ამიტომ ამ თემების წევრობა გარკვეულ რელიგიურ დოგმების გაზიარებას გულისხმობდა.

ჩ ა რ ლ ზ ნ ო რ ჰ ო ფ მ ა ¹⁾ თავის წიგნში შეერთებული შტატების კომუნისტურ თემების შესახებ სხვადასხვა რელიგიურ-კომუნისტური კოლონია აგვიწერა. ეს კოლონიები სხვადასხვა გზით ვითარდებოდნენ და სხვადასხვა პირობებში აღმოცენდნენ, სრულიად დამოუკიდებლად ერთმანეთისაგან. მაგრამ მიუხედავად ამისა არც ერთი არ არის მათ შორის ისეთი, რომელიც მტრულად არ იყოს განწყობილი ქორწინებისადმი. აღნიშნულ პირობებში ასეთი თანხმობა შემთხვევითად ვერ ჩაითვლება.

მართალია, ორ სექტაში, სახელდობრ, ამანის თემში (დაარსდა 1844 წ.) და სეპარატისტებთან ქორწინება ნებადართულია; მაგრამ

¹⁾ The Communist Societies of the United States, from personal visit and observation. ლონდონი 1875.

უქორწინობას ისინი უმაღლეს და ღირსეულ მდგომარეობად აღიარებენ. ზოარის სეპარატისტებმა (დაარსდა 1817 წ.) ჯერ აკრძალეს ქორწინება, შემდეგ კი, 1830 წელს, ნება დართეს. მაგრამ თორმეტ მუხლიდან, რომელშიაც გამოთქმულია სეპარატისტების პრინციპები, ერთში (მე-9 მუხ.) ნათქვამია: „ისეთი სქესობრივი დამოკიდებულება, რომელიც საჭირო არ არის მოდგმის გაგრძელებისათვის ჩვენ ცოდვად და საღეთო მცნების შემლახველ მოქმედებად მიგვაჩნია. სრული უბიწოება ბევრად უფრო მოსაწონია, ვიდრე ქორწინება“ (op. cit. გვ. 104).

სხვა სექტები ქორწინებას პირდაპირ კრძალავენ. რაპისტებთან ის ჯერ ნებადართული იყო (1803 წ.), მაგრამ 1807 წ. იმ აზრს დაადგენ, რომ ქორწინება მავნებელია. 1832 წ. 250 რაპისტი, რომელმაც უქორწინობა ვერ აიტანა, მთავარ თემს გამოეყო და საკუთარი დაარსა. ეს თემი მალე დაიღუპა, საკუთრება დანაწილდა ცალკე ოჯახებს შორის.

შეკერები, — ამერიკის უძველესი კომუნისტური სექტა, ჯერ მე-XVIII საუკუნეში დაარსებული — თავის ხუთ მთავარ პრინციპიდან უმთავრეს პრინციპად კომუნიზმს სთვლიან, შემდეგ კი — უქორწინობას (ცელიბატს).

მხოლოდ ერთ სექტას, რომელიც აგრეთვე უქორწინობას მოითხოვდა, უცდია ამის განხორციელება არა ცელიბატით, არამედ პლატონის წესით, რაიც კიდევ უფრო არ ეგუება თანამედროვე აზროვნებასა და გრძნობებს, ვიდრე მუდმივი უბიწოება. ეს იყო ონეიდის და უოლინგფორდის პერფექციონისტთა სექტა, 1848 წელს დაარსებული. პერფექციონისტების აზრით ქრისტე მარტო დოვლათის საზიარობას როდი ქადაგობდა: ის მოითხოვდა ადამიანთა საზიარობასაც. არავის არ აქვს უფლება მეორე პირთან იცხოვროს მისი ნების წინააღმდეგ; მაგრამ ორი პირის ერთმანეთის „განსაკუთრებული კერპთმთაყვანისცემლური შესაკუთრება“ მათ ცოდვად და ეგოიზმად მიაჩნიათ და სადაც ასეთი კავშირი აღმოჩნდება, მათი აზრით იგი უნდა მოისპოს „კრიტიკის“ და სხვა ზომების საშუალებით. ბავშვთა ჩასახვას ამ სექტაში თვით საზოგადოება აწესრიგებს, როგორც პლატონის სახელმწიფოში. ეს საქმე „მეცნიერულ პრინციპებზეა“ დამყარებული. (op. cit. გვ. 276).

აღსანიშნავია, რომ ეკონომიურად და ინტელექტუალურად პერფექციონისტები ამერიკის სხვა პრიმიტიულ-კომუნისტურ სექტებზე ბევრად უფრო მაღლა დგანან. ეს ერთად ერთი სექტაა, რომელსაც წე-

სიერი ბუხჰალტერია აქვს და რომელიც ინტერესს იჩენს ხელოვნებისა და ლიტერატურისადმი.

როდესაც ცივილიზაცია მათ კარზე მოადგათ, ისინი იძულებული გახდნენ ეს თავისი ოჯახის სისტემა საზოგადოებრივი აზრის მოთხოვნილებასთან შეეთანხმებინათ. 1879 წ. თემის დამაარსებელმა და თავმჯდომარემ ჯ. გ. ნოიესმა თემის წევრებს წერილით მიმართა, რომელშიაც შემდეგი წინადადებები წამოაყენა:

„1. ჩვენ უნდა უარყოთ კომუნისტური ოჯახის პრაქტიკა, მაგრამ იმიტომ კი არა, რომ მისი განხორციელება საექვეთ მიგვაჩნია, არამედ იმისთვის რომ უნდა დავემორჩილოთ მის წინააღმდეგ მიმართულ საზოგადოებრივ აზრს.

„2. ჩვენ ვდგებით არა შეფერების თვალსაზრისზე (რომელნიც ყველასათვის ცელიბატს მოითხოვენ), არამედ მოციქულ პავლეს ოვალსაზრისზე, რომლის თანახმად ქორწინება შესაძლებელია, მაგრამ უქორწინობა უმჯობესია.

„თუ თქვენ ამ ცვლილებას დაეთანხმებით, თემი ამიერიდან ორი კლასისაგან შესდგება: დაქორწინებულთა და უქორწინოთა. ორივეს ექნება უფლებები, მაგრამ უკანასკნელთ უპირატესობა მიენიჭება.

„ამ ცვლილების შემდეგ ჩვენი კომუნიზმისაგან შემდეგი დარჩება:

„1. ჩვენი ქონება და წარმოებანი ძველებურად საერთო საკუთრებაში დარჩება.

„2. ჩვენ ძველებურად საერთო მეურნეობას გავწევთ და საერთო სუფრაზე ვკამთ და ვსვამთ.

„3. ბავშვთა აღზრდა საზოგადო იქნება, როგორც წინათ.

„4. მომავალშიაც გვექნება ყოველდღიური საღამოს კრებები და ავრეთვე ზნეობრივი და გონებრივი თვითგანვითარების ყველა საშუალება, რაიც კი ამჟამათ მოგვეპოება.

„5. ცხადია, რომ ეს კომუნიზმი საკმაოა ჩვენი ერთობისათვის“.

მაგრამ ეს იმედი მალე დამარცხდა. თითქმის არავინ არ მოისურჷა უბიწოთ დარჩენა. საზიარო ოჯახი დაიშალა, წარმოიშვა ნრავეალი მონოგამიური კავშირი და მასთან ერთად ნიადაგი გამოეცალა მეურნეობის კუმუნიზმსაც.

თემის ახლანდელი პრეზიდენტი ვ. ა. გინდსი შექმნევს ამბობს ამის შესახებ:

„პირველი ნაბიჯი კომუნიზმის წინააღმდეგ მაშინ გადაიდგა, როდესაც „შენი“ და „ჩემი“ გაჩნდა ცოლისა და ქმრის მიმართ. ამან

ბუნებრივად წარმოშვა განსაკუთრებული ინტერესი საკუთარ ბავშვებისადმი; შემდეგ დაიბადა მოთხოვნილება, რომ შესაძლებელი იყო საკუთრების შექმნა შეილებისათვის მოსახმარად¹⁾.

1881 წელს ონეიდის თემი კომუნისტურ კავშირიდან სააქციო საზოგადოებად გადაიქცა; საზოგადოება დიდ წარმატებაშია, მაგრამ უკვე მარჯვით ეწევა მუშების ექსპლოატაციას. მუშაობს იქ 1.200-2.000 დაქირავებული მუშა; საზოგადოების „პოლიტიკა იმაში მდგომარეობს, რომ წარმოებაში არ იღებს პროდუქციისგან გავრთიანებულ მუშებს“ (Hinds, loc. cit. გვ. 227).

ამიდან სჩანს, თუ როგორ მკიდროთ არის დაკავშირებული უქორწინობასთან ისეთი კომუნიზმი, რომელიც უწინარეს ყოვლისა მონხარების კომუნიზმს წარმოადგენს.

ამგვარად, შეგვიძლია დავასკვნათ, რომ უქორწინობა მონასტრებში ნაყოფი იყო არა ახირებულ ქინიანობის ან თვითწვლების გიჟურ ნდომისა, არამედ იმ მატერიალური პირობების, რომლებშიაც ეს ორგანიზაციები წარმოიშვა.

მაგრამ კიდევ ერთ რამეს გვასწავლის ამერიკის კომუნისტული ახალშენების გაცნობა: კომუნიზმი არა ჩვეულებრივ გულმოდგინეობას და შრომის მოყვარეობას ჰბადებს. ძნელი წარმოსადგენია იმაზე უფრო შეუსაბამო რამ, როგორც შიში, რომ კომუნისტურ საზოგადოებაში ხალხი არ იმუშავებსო. ეს ახრიდიდი ხანია გამოცდილებამ გააბათილა.

ნორდოქსის ხსენებული წიგნი, სხვათა შორის, რამოდენიმე საბუთს გვაძლევს ამ დებულების სისწორისა. „მე ხშირათ შევკითხებოვარ, — გვიანობს იგი, — რას უშეებიან ზარმაცებს? მაგრამ კომუნისტურ თემებში უსაქმო მაწანწალობა არ არსებობს. ამიტომ ვფიქრობ, რომ ადამიანი ბუნებით არ არის ზარმაცი. „ზამთრის შეკერები“ — მოხეტიალე ხალხია; როდესაც ზამთრის ცივი ამინდები მოახლოვდება, ისინი თავშესაფარს ეძებენ შეკერებთან ან სხვა თემში და ამბობენ, რომ თემში წვევრად შესვლა უნდათ; ზამთრის დასაწყისში, როგორც შეკერების ერთმა მამასახლისმა მითხრა, ცარიელი კუჭით და ცარიელი ბოხებით მოგადგებიან კარზე შეკერებს, ხოლო ვარდები რომ გაფურჩქენას დაიწყებენ, მიდიან სახე კუჭით და დამძიმებული ბოხებით. მაგრამ ეს ჩამორჩენილი ხალხიც გვეგმაზეხომილი მუშაობის და წესრიგის გაღწევის ემორჩილება და უყუყმანოთ ასრულებს თავის წილ სამუშევარს, სანამ თბილი გაზაფხულის მზე კვლავ თავისუფლებისაკენ არ გაიწვევს“ (op. cit., გვ. 395).

¹⁾ W. A. Hinds, American communities, Chicago 1908, გვ. 213.

ამიტომ ჩვენ შეგვიძლია დავიჯეროთ, რომ მონასტრის დამა-
არსებელნი სერიოზულად მოითხოვდნენ ფიზიკურ მუშაობას, და რომ
ცნობები ბერმონაზონთა შრომის მოყვარეობის შესახებ მხოლოდ
რეტორიკას არ მიეწიერება, თუმცა კარგათ ვიცით, რომ შეთხზვისა
და გადამტეტების მიზრით საეკლესიო რეტორიკა ძველადანვე ჩრდილში
სტოვებდა ყოველ სხვა, თვით ადვოკატურ, რეტორიკასაც.

რა თქმა უნდა, ბერები აუტანელი შრომით თავს არ დაიტვირთა-
დნენ. მაგრამ კაპიტალიზმის წინა ხანაში მუშებიც არ იყვნენ დატვირთუ-
ლი გადამტეტებული შრომით. ბენედიქტინელთა მონასტრებში, წმ. ბენე-
დიქტე ნურსიელის წესით, ნორმალური სამუშაო დღე 7 საათს შეადგენ-
და (Klatzingez, geschichte der kirchlichen Armenpflege, გვ. 100).
ყველა სათნო ქრისტიანეს ვურჩევთ ყურად იღონ ასეთი ნორმალუ-
რი სამუშაო დღე.

კიდევ ერთ რამეს გვიჩვენებს ჩრდილოეთ ამერიკის პრიმიტიულ-
კომუნისტური ახალშენები, სახელდობრ: სრულ ეკონომიურ უმჯობე-
სობას ამგვარ საზოგადოებრივ ფორმებისას იმ საგლეხო და წვრილ-
ბურჟუაზიულ ფორმებთან შედარებით, რომლის გარემოში წარმოი-
შვა ეს ახალშენები.

ამ მოვლენის მიზეზთა დაწვრილებითი გამოკვლევა ძლიერ და-
გვაშორებდა მთავარ თემას¹⁾. ჩვენი მიზნისთვის ისიც საკმარისია,
რომ ამ აზრს მშვენივრად ასაბუთებს ხსენებულ თემების წარმატება
და კეთილდღეობა.

რომის იმპერიაში, იმპერიის დაცემის ხანაში, გლეხოვა და
წვრილი ბურჟუაზია იმდენად ძლიერი არ იყო, როგორც შეერთებულ
შტატებში მე-XIX საუკუნის პირველ ნახევარში და ამიტომ კომუ-
ნისტურ თემების ეკონომიური უპირატესობა მაშინ ძალიან მკაფიოთ
სჩანდა. წვრილი გლეხური მეურნეობა აობრებული იყო.

ლატიფუნდიალური მეურნეობაც განადგურებული იყო და მისი
ადგილი კოლონატს, — პარკელარული მოიჯარადრეობის საცოდავ სი-
სტემას. ეკირა. ეს სისტემა მონასტრულ საწარმოო ამხანაგობებზე
ბევრად უფრო დაბლა იდგა. საკვირველი არ არის, რომ მონასტრე-

¹⁾ ნ ო რ დ ო ჯ ფ ი ზემოსხენებულ თავს წიგნში, დაწვრილებით ეწება ამ საკითხს.
მაგრამ, როგორც ვთქვით, ერთმანეთში არ უნდა ავრიოთ, ერთის მიზრით. კომუ-
ნისტური ახალშენები გლეხთა და ხელოსნებისა, რომელნიც, კომუნისმის წყალო-
ბით, ეკონომიურად უსწრებენ წვრილ გლეხობასა და წვრილ ბურჟუაზიას და, მე-
ორზე მსზრით, ის კომუნისტური ახალშენები, რომლებსაც განათლებული, უმთავრე-
სად თავისუფალი პროფესიის, მოქალაქენი აარსებენ; უკანასკნელი სახის ახალშენებს
ისეთი საზოგადოებრივი ფორმის შექმნა აქვს მიზნად, რომელიც უნდა სჯობდეს
არა თუ გლეხურსა და წვრილ-ბურჟუაზიულს, არამედ სავესებით განვითარებულ

ბი სწრაფად მოეფინა ქრისტიანულ ქვეყნიერებას; მონასტრები იცავდნენ რომის ტენიკისა და, საზოგადოთ, რომის კულტურის ნაშთს.

სრულიად გასაგებია აგრეთვე ისიც, რომ ხალხთა გადასახლებაში შემდეგ გერმანელი თავადები და სენიორები მონასტრებს ისეთ დაწესებულებებთან სთელიდნენ, რომლებსაც ყველაზე უკეთ შეეძლოთ წარმოების უმაღლესი ფორმების გავრცელება მათ სამფლობელოში; ამ მოსაზრებით მფარველობას უწევდნენ მონასტრებს და ცდილობდნენ ხელი შეეწყოთ მონასტრების დაარსებისათვის ისევე, როგორც მე-XVIII საუკუნეში ევროპის მონარქები უწყობდნენ ხელს კაპიტალისტური მანუფაქტურების განვითარებას. ალპების სამხრეთით მონასტრების მიზანს შეადგენდა თავშესაფარის აღმოჩენა პროლეტარებისა და გაძვალტყავებულ გლეხებისათვის; ალპების ჩრდილოეთით კი მონასტრების მთავარ საზრუნავს სოფლის მეურნეობისა და ვაჭრობა-მრეწველობის განვითარება შეადგენდა.

მაგრამ სწორეთ თავისი ეკონომიური უპირატესობის წყალობით ყოველი მონასტერი, თუ იმ ეპოქის არეულობას გაუძლო, ადრე თუ გვიან სიმდიდრეს და ძლიერებას აღწევდა, რამდენათაც ეს თავიდანვე არ ქონდა მონიჭებული რომელიმე წარჩინებულ მფარველისაგან.

ხელის უფლება და სიმდიდრე კი სხვის შრომაზე ბატონობას ნიშნავს. ბერებმა და მონაზვნებმა თანდათან თავი დაანებეს პირად შრომას; მათ საშუალება გაუჩნდათ სხვისი შრომით ეცხოვრათ და, ცხადია, ამ შესაძლებლობით ისარგებლეს. მწარმოებელ თემებთან და მონასტრები ექსპლოატატორთა თემებთან გადაიქცნენ.

ასეთია კომუნიზმის განხორციელების ყოველი ცდის საბოლოო ხედი, როდესაც მას კისრულობს მცირე კორპორაცია, კერძო საკუთრებასა და ექსპლოატაციაზე აგებულ საზოგადოებით

კაპიტალისტურ ფორმასაც. ასეთი ექსპერიმენტები ჩვეულებრივად დასაწყისშივე მარცხდება: იმ შემთხვევაში, თუ ეს საქმე მხოლოდ მოქალაქის შრომით შენდება, ის (მოქალაქე) კულტურის ცუდი პიონერი გაჰოდის სოფლის პირობებში. განსაკუთრებით უმოსახლო ქვეყანაში. მაგრამ რომე პირველი შეხედვით, ასეთი ექსპერიმენტი მოხერხდეს, მიზანი მაინც მიუღწეველი დარჩება, რადგან, რა ზომ შესანიშნავად არ უნდა იყოს მოწყობილი ცალკე და დამოუკიდებელი კომუნისტური თემი, იგი ეკონომიურად მაინც ჩამორჩება კაპიტალისტურ საზოგადოებას, რომელიც მსოფლიო ბაზარზე ბატონობს: თანამედროვე საზოგადოებაში კომუნისტურ ახალშენს მხოლოდ იმ შემთხვევაში შეუძლია შეინარჩუნოს თავისი პოზიცია, თუ მისი წევრები გლეხის პირობებს შეეგუებიან და ხელს აიღებენ კაპიტალისტური საზოგადოების ყოველგვარ კულტურულ მონაგარზე.

გარემოცული. რა კომუნიზმსაც არ უნდა ანხორციელებდეს ასეთი კორპორაცია—წარმოების თუ მოხმარების, კომუნიზმს თუ ორივეს ერთად—მას ერთი და იგივე ბედი მოელის. პირველი შემთხვევის შესახებ საწარმოო ამხანაგობათა ისტორია იძლევა მრავალ საბუთს, ხოლო მეორეს შესახებ—ამერიკის პრიმიტიულ-კომუნისტური ახალშენების ისტორია.

თუ ყველა აღნიშნული სახის კორპორაცია დღევანდელს და წარმოებას აფართოებს, ეს მხოლოდ მაშინ ხდება, როდესაც მუშებს ქირაობს იმის მაგიერ რომ თანასწორუფლებიან წევრებად მიიღოს ისინი და უზიაროს მათ თავისი მონაგარი.

ფიზიკური შრომისაგან თავის დახსნა არ გულისხმობს აუცილებლად ყოველგვარ შრომაზე ხელის აღებას. მონასტრებს გონებრივ სტეროში მუშაობის საშუალება აღმოუჩნდა და ამ მხრივაც მათ ძალიან დიდი როლი ითამაშეს.

რა თქმა უნდა, თავდაპირველად მონასტრებს არაეითარი მნიშვნელობა არ ქონდათ მეცნიერებისა და ხელოვნებისათვის. ყოფილ ხელოსნების, გლეხების, მონებისა და გუშინდელ ბოგანოთა მიერ დაარსებული საწარმოო ამხანაგობანი, ქალაქებისაგან დაშორებულ ადგილას მოსახლენი, სადაც სამოქალაქო ყოფა-ცხოვრებას და სახელმწიფოს არ შეეძლო მათზე გავლენა მოეხდინა, — ასეთ პირობებში მონასტრები არ წარმოადგენდა ნაყოფიერ ნიადაგს ხელოვნებისა და მეცნიერების განვითარებისათვის. ხელოვნებისა და მეცნიერების ასპარეზად რომის იმპერიაში, — მაშინაც კი, როდესაც ქრისტიანობა უკვე სახელმწიფოებრივ რელიგიად იყო გადაქცეული, — ისევ ქალაქები რჩებოდა.

მაგრამ მას შემდეგ რაც მოისპო მონობა, რომელიც აუარებელ ქარბ პროდუქტს იძლეოდა, თანდათან გაქჭრა არა მარტო ფუფუნება, არამედ მეცნიერებაც, ხელოვნებაც, ხელოსნობაც და, საზოგადოთ, ცივილიზაცია. სოფლის მეურნეობა, რომელიც უხეში კოლონების პრიმიტიულ საიჯარადრო მეურნეობად გადაგვარდა, უმნიშვნელო შემოსავალს იძლეოდა და ალაგ-ალაგ მთლათ დაიუღუპა. სოფლის მეურნეობის დაცემა კი ქალაქების დაცემასაც იწვევდა; მოსახლეობის რიცხვი და ნიუთიერი შეძლებულება ქალაქებში კლებულობდა. ხალხთა გადასახლება ზოგიერთი ქალაქი მთლათ გაანდგურა, ზოგიც საშინლად დააქვეითა.

და აი მაშინ დადგა მონასტრების დრო. ამის წინა პერიოდში მათ თვალსაჩინო შეძლებულება მოიპოვეს. საუკეთესო და თითქმის ერთად ერთი თავშესაფარი ხელოვნებისა და მეცნიერებისათვის ეხლა

მონასტერი გახდა. მონასტრების არსებობა მეოთხე საუკუნეში დაიწყო; მაგრამ გონებრივი ცხოვრების ცენტრი მხოლოდ მეექვსე საუკუნის შემდეგ გადავიდა თანდათან მონასტრებში და ეს მდგომარეობა ქალაქთა აყვავებამდე არ შეცვლილა.

რა საკვირველია, ის პირნი, ვინც მონასტერში მხოლოდ ხელოვნებასა და მეცნიერებაში მეცადინეობის საშუალებას ეძებდა, ყოველთვის უმცირესობას შეადგენდნენ მონასტრის მცხოვრებელთა რიცხვში. დიდი უმრავლესობა კი ექსპლოატაციით შექმნილ ხალხთობით და თავისუფალი დროით ძალიან ტლანქად სარგებლობდა: ბერების სიზარმაყე, გარყვნილება და ლოთობა არაკათ არის გადაქცეული.

ამასთან ერთად მეორე მოვლენაც ვითარდებოდა. როდესაც მონასტრის საწარმოო ამხანაგობა მდიდრდებოდა, იგი დანარჩენ მოსახლეობაზე მაღლა დგებოდა. მონასტერს მხოლოდ ისე შეეძლო დაეცვა თავისი პრივილეგიური მდგომარეობა, რომ ეთიშებოდა მოსახლეობის მასსებს, რომელიც ცდილობდა წილი მიეღო მის ეკონომიურ მონაპოვარში. როგორც წინათ მარკის თემები და ამქრები, და ზოგიერთი დაწინაურებული კომუნისტური კოლონია და საწარმოო ასოციაცია მე-XIX საუკუნეში, ისე გამდიდრებული მონასტრებიც განკერძოების სულით იმსკვალებოდნენ. მონასტერში შედგომის მსურველ ლარბებს, მონასტერი ახლო არ იკარებდა, მაგრამ ამავე დროს ისეთ პირთ, რომელთა ქონების ან მდგომარეობისაგან მონასტერი რაიმე სარგებლობას გამოელოდა, იგი სიამოვნებით იღებდა. ჩვენ უკვე გავიგეთ, რომ რაც უფრო მდიდრდებოდნენ მონასტრები, მით უფრო საწარმოო ამხანაგობებიდან ექსპლოატატორთა ამხანაგობებად იქცეოდნენ ისინი; ახლა კი ისიც დავინახეთ, რომ ლარბთა და ჩაგრულთა თავშესაფარის მაგიერ მონასტრები თავად აზნაურთა უმცროს ვაჟებისა და ვაუთხოვრად დარჩენილ ქალიშვილების მომეღელი დაწესებულება ხდებოდა. მაგრამ საწარმოო ამხანაგობათა და ლარბ-დავრდომილთა დახმარების საჭიროება მანც არსებობდა და ძლიერიც იყო მთელი საშუალო საუკუნეების განმავლობაში. ამავე დროს ერთად ერთი დაწესებულება, რომელსაც ამ საჭიროების დაკმაყოფილება შეეძლო იმ დროს, მონასტერი იყო. და, აი, მთელი ეპოქის განმავლობაში გვესმის ჩივილი იმის შესახებ, რომ მონასტრებში დისციპლინა მოიშალა, და უზნეობა გამეფდა, და საწარმოებს ამ საქმის გამოსწორების მრავალი ცდა არსებულ ორდენებისა და მონასტრების გადახალისებით ან ახალთა დაარსებით.

ამ რეფორმის გატარების მეთოდები მრავალნაირი იყო. უმარტივესი და რეფორმატორებისთვის ყველაზე უფრო ხელსაყრელი მეთოდი იყო მონასტრების მთელი ზედმეტი ქონების კონფისკაცია. ამ მხრით განსაკუთრებით ისახელა თავი გერმანელმა იმპერატორმა ჰენრიხ მე-III-მ (1002 -- 1024 წ.წ.) (შეადარეთ L a m p r e c h t, Deutsche Geschichte, II, გვ. 280 და შემდეგი,¹⁾ და Giesebrecht, Deutsche Kaiserzeit, II, გვ. 84 და შემდეგი). საეკლესიო ქონების ეს დიდი კონფისკატორი წმინდანათ იქნა გამოცხადებული, -- კეთილ-მორწმუნე კათოლიკეთა გამამხნეველები ფაქტია.

მაგრამ რეფორმაცია ყოველთვის როდი იმარჯვებდა, რადგან იმ დროის მებრძოლი ბერები ძალით იცავდნენ თავის ტყავს. ზოგიერთი რეფორმის მოტრფიალე აბბატი მოკლულ იქნა ბერების მიერ ან მიგზავნილ მკვლელის ხელით.

მაგრამ იმ შემთხვევაშიაც, როდესაც რეფორმაცია იმარჯვებდა, ხიროი ნაკლები გამოდიოდა. ცოტა ხნის შემდეგ ისევ ძველი მდგომარეობა ბრუნდებოდა.

იგივე შედეგი მოჰყვა ახალ სამონასტრო ორდენთა დაარსებას. რათა მონასტრებში ყოველივე საერო ელემენტი მოესპოთ, ორდენთა დამაარსებელნი სულ ახალ-ახალ წესებს, ან ებლა რომ იტყვიან, სამაგალითო წესდებებს თიხავდნენ. ათასნაირი თვითწვალებით ცდილობდნენ ყოველივე საერო სურვილის ხელოვნურად განდევნას. მძინვარებდა ასკეტოზში, სულ უფრო მკაცრი ხდებოდა იზოლიაცია გარეშე სამყაროსაგან. მაგრამ ბოროტების ფესვს ვერ მისწვდნენ და არც შეეძლოთ მისწვდომილიყვნენ, ებრძოდნენ მხოლოდ სიმპტომებს და ამიტომ ყოველგვარი წვალელობა უნაყოფო, და საბედნიეროთ განუხორციელებელიც რჩებოდა.

განსაკუთრებით მრავალი ორდენი დაარსდა მე-XII და მე-XIII საუკუნეებში. ამავე ხანას ხვდა ესპანეთისა და სამხრეთ საფრანგეთის ქალაქთა სწრაფი ზრდა და გაძლიერება. მაგრამ ეკონომიური წარმატება პროლეტარიატის და, განსაკუთრებით, ლუმპენ-პროლეტარიატის ზრდას გულისხმობდა. უკანასკნელი ზოგიერთ ქალაქში იმდენად ძლიერი შეიქნა, რომ საზოგადოებრივი მოძრაობის გამოწვევა შესძლო. ეს მოძრაობა უწინარეს ყოვლისა იმაში გამოიხატა, რომ გაძლიერდა მისწრაფება ბერობისაკენ და ბერობამ ებლა უფრო პროლეტარული ხასიათი მიიღო, ვიდრე მე-IX საუკუნიდან მე-XI საუკუნემდე ქონდა. ახალი მიჰინარეობანი ბერობაში ყოველთვის კარგათ

¹⁾ არის რუსული თარგმანი К. Лампрехт. - История Германского народа. Москва 1894 წ., ტომი I, გვ. 522 და შემდეგი.

არ იყო განწყობილი გაბატონებულ ეკლესიისადმი. ხშირად კავშირს იკერდა ეკლესიის წინააღმდეგ მიმართულ ერეტიკულ მოძრაობებთან, რომელიც დაახლოებით ამ დროს წარმოიშვა იტალიაში და სამხრეთ-საფრანგეთში.

მაგრამ პაპები ხშირად იმასაც ახერხებდნენ, რომ ეს ბერულ-პროლეტარული ტენდენციები თავის სასარგებლოთ გამოეყენებიათ. განსაკუთრებული მნიშვნელობა მიიღო დომინიკანელ და ფრანცისკანელ ბერ-მათხოვართა ორდენებმა. ლატერანის საეკლესიო ყრილობამ (1215 წ.) ახალ ორდენების დაარსება აკრძალა და ამით შეამცირა გადამეტებული „გრიუნდერობა“. მაგრამ აკრძალვის უმაღლეს პაპამ დაარღვია ეს დადგენილება სწორეთ იმ დროს დაარსებულ დომინიკანელთა და ფრანცისკანელთა ორდენების სასარგებლოთ.

განსაკუთრებით დამახასიათებელია ფრანცისკანელთა ორდენის წარმოშობა. მისი დამაარსებელი ფრანცისკი ასსიზელი (დაიბადა 1182 წ.) მდიდარი ვაჭრის შვილი იყო. კაპუკობის ხანა მხიარულად გაატარა, მაგრამ შემდეგ, ჩვეულებრივი რეაქციის დროს, ზიზღი იგრძნო სიმდიდრისადმი და მისწრაფება ღარიბ-გლახაკთა დახმარებისათვის. მთელი თავისი ქონება გაჰყიდა, თული ღარიბთ გაუნაწილა და გადასწყვიტა ამიერიდან თავი დაედო მათი სამსახურისთვის. ფრანცისკს მრავალი ამგვარადვე განწყობილი ამხანაგი მიემხრო; მათგან ფრანცისკმა ორდენი შეადგინა, რომელიც შეიძლებოდა საშიშარი გამხდარიყო მაშინდელ ხელის უფალთათვის და, განსაკუთრებით, უმდიდრესი ხელის უფალ ეკლესიისათვის. მაგრამ პაპობამ აიცილინა ეს საფრთხე; დემორალიზაცია შეიტანა ორდენში და ეკლესიის წინააღმდეგ მიმართული იარაღი ეკლესიის დასაცავად მომარჯვა.

„ინოკენტი მე-III ცდილობდა უძლური გაეხადა ეს რეფორმატორული, ეკლესიის გარეშე აღმოცენებული, მოძრაობა და ამას იმ საშუალებით აღწევდა, რომ მოძრაობას სცნობდა და ადგილს უჩენდა საეკლესიო ორგანიზაციაში. ბოლოს და ბოლოს გონიერ პაპას ზედმეტად არ მიაჩნდა ხალხთან კავშირის აღდგენა, რომელიც გამდიდრებულმა და გაძლიერებულმა სამღვდლოებამ გასწყვიტა; მეორეს მხრით ამ მათხოვარ-ბერებმა საბუთი მისცეს ეკლესიას იმის დასამტკიცებლად, რომ მოძრაობის იდეალების განხორციელება შესაძლებელია, თუნდაც საგანგებო ორგანიზაციის საშუალებით. ამ წესით იყო საქირო ჯგუბირის ამართვა საშიშარი სახალხო მოძრაობის წინაშე“¹⁾. ინოკენტი III-მ 1215 წ. სიტყვიერი დასტური დასცა

¹⁾ F. Glaser, Die franziskanische Bewegung, Stuttgart 1903, გვ. 60.

ორდენის დაარსებას, ხოლო ჰონორი მე-III-მ 1223 წ.—წერილობითიც.

წმ. ფრანცისკი ფიქრობდა, რომ ორდენს გადაარჩენდა იმ ბედისაგან, რომელიც მის წინამორბედ ორდენებს ეწვია, — ექსპლოატატორთა ამხანაგობად გადაქცევისაგან. მან დაუსახა ორდენს მულ-პიეი სილარიზის მცნება, რომელიც წინეთ სავალდებულო იყო მონასტრის ცალკე წევრებისათვის და არა თვით მონასტრისთვის მთლიანად. ამით ფიქრობდა ის ორდენის დაცვას გადაგვარებისაგან. ორდენს აღეკრძალა ქონების შეძენა და სამრეწველო საქმის წარმოება: მისი დანიშნულება მხოლოდ ლარიზ-ავათმყოფთა მოვლა-პატრონობა უნდა ყოფილიყო და ორდენი მხოლოდ შემოწირულებით უნდა დაკმაყოფილებულიყო.

მაგრამ სწორეთ იმის გამო, რომ ორდენს დიდი სარგებლობა მოჰქონდა სილარიზებთან ბრძოლაში, ლარიზ კლასსა ნდობას იმსახურებდა თავისი მოღვაწეობით, რევოლიუციონურ ენებათა ლელკას ანელებდა და ეკლესიისადმი თანაგრძნობას აღვივებდა ლარიზ ხალხში, სწორეთ ამის გამო ორდენს მეტის მეტად უხვად დაუწყეს დასაჩუქრება. ჯერ კიდევ ფრანცისკის ცხოვრების დროს წარმოიშვა სურვილი იმ წესის გაუქმებისა, რომელიც ორდენს ქონების შეძენას უკრძალავდა. „მათხოვარ ბერთა ორდენის დიდმა დამაარსებელმა უკვე განისვენა ოქროთი და მარმარილოთი შემკულ საყდარში“. (Gregorowius, Geschichte der Stadt Rom, V, გვ. 114. არის რუს. თარგმანი: Грегоровиус, История гор. Рима, изд. Пантелеева). ოცი წელიწადიც არ გასულა ფრანცისკის სიკვდილის დღიდან (1226 წ.)—და ეს მისწრაფება იმდენად გაძლიერდა, რომ ინოკენტი მე-IV-მ 1245 წ. შესცვალა წესი ქონების შეძენის შესახებ და დაადგინა, რომ ფრანცისკანელთ შეუძლიათ შეიძინონ ქონება არა საკუთრებად, არამედ მხოლოდ სამფლობელოდ და სასარგებლოდ; საკუთრების უფლება კი ორდენის ქონებაზე ჰაჰს ეკუთვნის.

ამ დროიდან ფრანცისკანელთა ორდენმა (იგივე დაემართა დომინიკანელებსაც) სწრაფად გასწია იმ გზით, რომლითაც მისი წინამორბედი ორდენები დადიოდნენ. ის ექსპლოატატორთა ამხანაგობად გადაიქცა. ნიდერლანდელი კანონი კი იოჰან რუისბრუკი (დაიბ. 1293 წ.) უკვე შემდეგს გვიამბობს ბერებზე საზოგადოთ და მათხოვარ-ბერებზე კერძოთ: „საზოგადოთ სამგვარი მანკიერება მეფობს მათ შორის: სიზარმაკე, მუქთახორობა და გარყენილება. ძველად მამები ლარიზი იყვნენ, მათხოვარ-ბერთა ორდენის დამაარსებლები ღვთით კმაყოფილებოდნენ და ზიზლით უყურებდნენ ამ ქვეყნიურ სი-

კეთესა და პატივს. ახლა კი თითქმის ყველა მონასტერი სიმდიდრის მოხვეჭას ცდილობს. ხვდებით ურიცხვ მათხოვარ-ბერს, მაგრამ ცოტაა მათ შორის ისეთი, ვინც თავისი ორდენის სტატუტებს ასრულებს; ღარიბებად მოაქვთ თავი, მაგრამ შვიდი მილის მანძილზე მონასტრის გარშემო ქვეყნის სისხლს სწოვენ და განცხრომაში ცხოვრობენ; ეს კიდევ რაა, — ისეთი უთანასწორობა არსებობს მათ შორის, რომელსაც იქ რიგით ადგილი არ უნდა ქონდეს: ერთს ოთხი და ხუთი ცალი ტანსაცმელი აქვს, მეორეს კი მხოლოდ ერთი; ზოგი საგანგებო ადგილას ნადიმობს პრიორის, მხრუნველისა და ლექტორის საზოგადოებაში, სხვები კი ბოსტნეულობით, ქაშაყით და ლუდით უნდა დაკმაყოფილდნენ; უკანასკნელნი ამის გამო შურით ივსებიან, რადგან სწამთ, რომ ყოველი დოვლათი საზიარო უნდა იყოს“ და სხვა (ციტ. ამოღებულია Ulman-ის წიგნიდან, Reformatoren, vor Reformation, vornehmlich in Deutschland und den Niederlanden, ჰამბურგი 1842, II, გვ. 57-58).

მაგრამ საკუთრების ნაწილობრივმა აღდგენამ სხვა შედეგიც მოიტანა. ფრანცისკანელთა ერთი ნაწილი სერიოზულად ექცეოდა ღარიბთა ინტერესების დაცვის საქმეს. ამ მხრით განსაკუთრებით აჩენდნენ თავს ტერციარიები. ფრანცისკ ასისიზიელმა დემოკრატიული დაწესებულება შექმნა. გარდა პირველ მამაკაცთა ორდენისა და მეორე ქალთა ორდენისა,¹⁾ მან ხელი შეუწყო მესამე, — ტერციარიების ორდენის შექმნას; ტერციარიები დახმარებას უწყევდნენ ფრანცისკანელებს მათს მოღვაწეობაში, მაგრამ ისე, რომ თავიანთ ოჯახებსა და ჩვეულებრივ სამოქალაქო საქმეებს თავს არ ანებებდნენ. მეტ წილად ეს ხელოსნები და მდაბიო ხალხიდან გამოსული კაცები იყო; რის გამო მათ შეიძლება მუშათა კავშირები ეწოდოს. სწორეთ ეს ტერციარიები განსაკუთრებით მკაცრად იბრძოდნენ ორდენის ექსპლოატატორულ ტენდენციის წინააღმდეგ; ამ ორ, მიმდინარეობას შორის ხანდახან ათეულ წლობით გრძელდებოდა სასტიკი ბრძოლა. და რაც უფრო მეტი წყალობა ხვდებოდა ექსპლოატატორულ მიმართულებას პაპის ტახტისაგან, მით უფრო გაბედულათ გამოდიოდნენ მეორე მიმართულების მომხრენი (რომელთაც აგრეთვე „სპირიტუალები“ და „ფრატიჩელლები“ ეწოდებოდათ) პაპის და თვით ეკლესიის წინააღმდეგ და მით უფრო ენერგიულად ეძებდნენ მოკავშირეებს ეკლესიის წინააღმდეგ მებრძოლ ორგანიზაციებში. ბოლოს, როდესაც პაპმა იოანე XXII-ემ ტერციარიების მოსარჯულებლად ინ-

¹⁾ ქალთა ორდენი დაარსა წმ. ფრანცისკის ალტაცებულმა თავანისმცემელმა და მეგობარ ქალმა კლარა სიფიმ; აქედან წარმოიშვა ორდენის წევრთა სახელწოდებაც — „კლარისსელნი“.

კვიზიცია მოიწვია სამხრეთ საფრანგეთში (ნარბონნაში, ბეზიერში 1317 წ.), ტერციარიები სრულიად განუდგენ ეკლესიას. ამ დროიდან ისინი ერეტიკულ კომუნისტურ სექტებს მიემხრენ, სახელდობრ ბეკჰარდებს, რომელთა შორის უნდა ვეძიოთ გარდამნათველთა“ წინამორბედნი.

მაშასადამე შეურიგებელი ფრანკისკანელნი (ტერციარები) საშუალო წევრს წარმოადგენდნენ ორ ძალას შუა: ერთის მხრით იდგა მონასტრული კომუნიზმი, — საშუალ-საუკუნეთა საზოგადოების ერთ-ერთი ბურჯი, და მეორეს მხრით იმავე ეპოქის პროლეტარული კომუნიზმი, რომლის მიზანი არსებული საზოგადოების მოსაპოა იყო.

დაახლოებით ამავე დროს გაჩნდა კომუნიზმის, რა თქმა უნდა. მონასტრული კომუნიზმის, თეორეტიკოსაც. ეს იყო აბბატი იოანე იმფორელი კალაბრიიდან, დაახლოებით 1145 წ. დაბადებული სოფ. ცელიუმში, კოზენცის ახლო. დაბრუნდა რა კალაბრიაში წმინდა ქვეყნად მოგზაურობიდან, იოახიმი ბერად აღიკვეცა და შემდეგ, დაახლოებით 1178 წ. ცისტერციანელთა მონასტრის აბბატი გახდა. უფრო გვიან საკუთარი მონასტერი დაარსა თიორეში. გარდაიცვალა 1201 თუ 1202 წელს.

იმ დროის საზოგადოებრივი ბოროტებებით და ეკლესიაში გამეფებულ საზარელი ექსპლოატაციით და გარყენილებით აღშფოთებული აბბატი იოახიმი საზოგადოების ხსნის საშუალებას ეძებდა: მისი აზრით საზოგადოების ხსნა მხოლოდ კომუნიზმს შეეძლო, რომელსაც მთელი საზოგადოებრივი ყოფა-ცხოვრება უნდა მოეცვა, და ეს კომუნიზმი, იმ დროის პირობების შესაფერად, მას წარმოდგენილი ქონდა, როგორც მონასტრული კომუნიზმი.

ის ფიქრობდა, რომ მოახლოვდა რევოლიუცია, რომელიც დაამყარებს ახალ საზოგადოებას: ათასწლოვან სამეფოს, რომელსაც აპოკალიპსი წინასწარმეტყველებდა.

სამ ეპოქას არჩევს ის კაცობრიობის ისტორიაში. „ჯერ იყო ხანა, როდესაც ადამიანი სხეულს ემსახურებოდა: ეს ხანა იწყება ადამით და თავდება ქრისტეთი. შემდეგ დადგა ხანა, როდესაც ადამიანი სხეულსაც ემსახურებოდა და სულსაც: ეს დრო დღემდე გრძელდება. ახალ ხანაში კი ადამიანი მხოლოდ სულს სცემს თავს: ამ დროის დასაწყისი — წმ. ბენედიქტეს დღეებია“. ეს შესამე საზოგადოებრივი მდგომარეობა არის ბერობის მდგომარეობა (as-tus monachorum). მონასტრები მთელ კაცობრიობას დათარავს. „საქიროა დავდგეთ მოციქულთა ცხოვრების ქეშმარიტი მიბაძვის ვზაზე და არა თუ უარვეყოთ მიწიერი სიმდიდრის მოხვეჭის წადილი, არა-ნედ, პირაქით, გავსკეთ ეს სიმდიდრე“ და სხვა. საზოგადოების შესამე ვითარება სავსებით განხორციელდება მე-22 თაობის ცხოვრებისას

წმ. ბენედიქტეს შემდეგ, მაშასადამე უახლოეს ხანაში. რომის ეკლესია დაიღუპება მკაცრად განკითხული, და მის ნანგრევებზე წარმოიწობა ახალი საზოგადოება, ღირსეულთა ორდენი, რომელიც უარჰყოფს კერძო საკუთრებას. ამ დროს დაიწყება სრული თავისუფლებისა და სრულქმნილი ცოდნის ეპოქა.

იოახიმის მოძღვრებამ დიდი შთაბეჭდილება მოახდინა, განსაკუთრებით ფრანცისკანელთა ორდენის შეურიგებელ ფრატჩელის ნამართულებათ: უკანასკნელი სწორეთ იმ „ღირსეულთა ორდენად“ სთვლიდა თავს, რომელსაც საზოგადოება უნდა განეახლებინა. მათი საშუალებით იოახიმის მოძღვრება ფართოდ გავრცელდა. ამ მოძღვრებამ გავლენა მოახდინა იტალიელ მიუნცერზე, — დოლჩინოზე, და თვით მიუნცერისათვის იგი უცნობი არ დარჩენილა.

ლიუტერი მიუნცერს უსაყვედურებდა, რომ მან თავისი „ზეიადი აზრები“ აბბატ იოახიმის მიერ იერემიის განმარტებიდან ამოკრიფა. თვითონ მიუნცერი 1523 წლის 2 დეკემბერს შემდეგს სწერდა ცეისის იოახიმთან თავისი დამოკიდებულების შესახებ: „თქვენ ალბათ იცით, რომ მწიგნობრები ამ მოძღვრებას აბბატ იოახიმს აწერენ და „მარადიულ სახარებას“ უწოდებენ დიდის დაცინვით. იოახიმის თხზულებაში მე მხოლოდ იერემიის შესახებ წამიკითხავს. მაგრამ ჩემი მოძღვრება ბევრად უფრო მაღლა დგას, მე ის ვისე სხე არა იოახიმისაგან, არამედ ლეთის სიტყვებიდან, როგორც შემდეგ მე ამას ბიბლიის ყველა წერილებით დავამტკიცებ“. ეს წერილი დართული აქვს თხზულებას: „Von dem getichten glawben auff nechst Protestation aussgangen Tome Müntzers Selworders zu Alstet“, 1524.

ამდენად ღრმა ყოფილა იოახიმის წინასწარმეტყველებით მოხდენილი შთაბეჭდილება არა მარტო იტალიაში, არამედ გერმანიაშიც. ის მასსების ისეთ მიუცილებელ მოთხოვნილებას აკმაყოფილებდა, რომ როდესაც ფაქტები წინასწარმეტყველების შეცდომას აძლავნებდა, ხალხი ფაქტებს ასხვაფერებდა, მაგრამ წინასწარმეტყველების რწმენას არ იტეხდა. იოახიმი წინასწარმეტყველების თანახმად საზოგადოებრივი გადატრიალება 1260 წლის ახლო უნდა დამთავრებულიყო. როდესაც ეს მომენტი დადგა, პაპობასა და ფრიდრიხ II შორის გაათრეხული ბრძოლა მძვინვარებდა. იოახიმის მიმდევარნი მოელოდნენ, რომ იმპერატორი პაპს ჩამოაგდებდა და ახალ საზოგადოებას საძირკველს ჩაუყრიდა.

ნამდვილად კი სხვა მოხდა.

„ფრიდრიხის სიკვდილი (1250 წ.) იოახიმ ფიორელის წინასწარ-

მეტყველებას არ ეთანხმებოდა: ფრიდრიხი არ უნდა წასულიყო ამა ქვეყნიდან, თავისი მოწოდების შეუსრულებლად. ამგვარად პირველად ყოვლისა ამ წრეებში დაიბადა აზრი, რომ ფრიდრიხი II არ შეიძლება მკვდარი იყოს და რომ ის საიდუმლო ადგილას იმალება, რათა თავის დროზე დაბრუნდეს, დაუმთავრებელი საქმე განაგრძოს და სისრულეში მოიყვანოს იგი... ასე წარმოიშვა ის წარმოდგენათა თავისებური წრე, რომელშიაც ტრიალებს გერმანელთა საგა იმპერატორის შესახებ და რომელიც შემდგომი დროის გაუგებრობით ისე იქნა ახსნილი, თითქოს აქ იგულისხმება იმპერატორი ფრიდრიხ I (ბარბაროსსა) და მისი დაბრუნების შემდეგ მოსალოდნელი იმპერიის დიდება და განახლება ¹⁾.”

„იმპერიის დიდებაში“ ხალხი კომუნისტურ რევოლუციას გულისხმობდა.

II. ერეტიკული კომუნიზმი და პაპობა.

ფრანკისკანელთა ორდენის მაგალითიდან სჩანს, თუ როგორ ადვილად იქერდა მონასტრული კომუნიზმის ზოგიერთი ფორმა მტრულ პოზიციას პაპობის მიმართ. ძველი მონასტრების რეფორმა და ახალთა დაარსება მე-XI საუკუნეში ძალიან ხშირად საყვედურის ხასიათს იღებდა პაპის ხელის უფლებისადმი და ეს საყვედურები ხანდახან გარკვეულად მკაცრ ფორმას იღებდა.

ყოველი კაცი, ვინც ღარიბთა ინტერესების დაცვას მოიწყდინებდა, თითქმის აუცილებლად პაპის ეკლესიის წინააღმდეგ უნდა ამხედრებულიყო. საშუალო საუკუნეების მესაკუთრე კლასებს შორის ეკლესიას პირველი ადგილი ეკირა; ის ვეებერთელა სიმდიდრის მფლობელი და მთელი საზოგადოებრივი ცხოვრების მესაქე იყო არა მარტო სულიერ, არამედ ეკონომიურ სფეროშიაც.

მისი ბატონობა შეგვიძლია ჩვენი დროის მსხვილი ფინანსიური ბურჟუაზიის, ბირჟის, და საზოგადოთ, „ებრაელობის“ ბატონობასთან შევადაროთ (ანტისემიტოზმის აზრთა წყობასა და გამოთქმებს თუ მივხედვით). ჩვენს დროში ანტისემიტები ამბობენ, რომ მთელი საზოგადოება „გაებრაელდა“, საშუალო საუკუნეებიც სწორეთ ამდენადვე პაპიზმით იყო გამსჭვალული. პაპები მეფობდნენ გონებრივ ცხოვრებაზე, როგორც ამჟამათ ბირჟა პრესსაზე; და როგორც ბირ-

¹⁾ H. Prutz, *Staatgeschichte des Abendlandes im Mittelalter*, ბერლინი 1895, I. გვ. 657.

ქა სწყვეტს სამინისტროთა და თვით მეფეების ბედ-ილბალს, სამე-
ფოებს ქმნის და ანგრევს, ისე ბრძანებლობდა მაშინ პაპობაც.

შემდეგ: პაპობის ბატონობას ისევე თავს ესხმოდენ, როგორც
ახლა ფინანსიურ არისტოკრატის ბატონობას. პაპობას,— შეიძლება
ითქვას,— ის მზგავსებაც ქონდა ბირჟასთან, რომ პაპის ხელის უფ-
ლება მტრულ გრძნობას იწვევდა თავის მიმართ საზოგადოების ყვე-
ლა დანარჩენ კლასებში — არა მარტო ექსპლოატაციის ქვეშ მყოფთა,
არამედ სხვა ექსპლოატატორ კლასებშიაც: უკანასკნელნი ხომ იძუ-
ლებული იყვნენ თავისი ნადავლის დიდი წილი ამ უმფროს ზქს-
პლოატატორებისათვის ეძლიათ: ხარბი თვალთ შესკქეროდენ ისი-
ნი პაპების სავეს საგანძურებს. არ არის იმაზე უფრო შემკდარი ახ-
რი, თითქოს მორჩილება, რომელსაც საერთოთ საზოგადოება იჩენდა
პაპის ხელის უფლებისადმი, ნებაყოფლობითი იყო ან გონებრივი სი-
ჩლუნგის შედეგი იყო. უმეტეს შემთხვევაში კბილების ღრქენით.
ემორჩილებოდენ და წინააღმდეგობას უწევდენ, სადაც კი შესაძლე-
ბელი იყო. საშუალ-საუკუნეთა მეტი ნაწილის განმავლობაში სხვადა-
სხვა კლასებისა და ქვეყნების განუწყვეტელი ბრძოლა სწარმოებდა
პაპის ხელის უფლების წინააღმდეგ. მაგრამ ვიდრე ახალი საზოგადო-
ებრივი წყობილების საძირკველი არ ჩაიყარა, პაპობის დამარცხება
შეუძლებელი იყო ისევე, როგორც ჩვენს საზოგადოებაში აქამდე შეუ-
ძლებელი იყო უმაღლესი ფინანსიური არისტოკრატის დაძლევა: ყო-
ველი ბრძოლა, ყოველი სოციალური კატასტროფა, თვითიული ომი,
ეპიდემია, შიმშილობა თუ ამბოხება იმ დროს, როგორც ახლა, მხო-
ლოდ აფართოებდა და აძლიერებდა ამ უდიდესი ექსპლოატატორის
სიმდიდრეს და ძლევამოსილობას.

ასეთი მდგომარეობა საკმაოთ ხელსაყრელი იყო კომუნისტურ
იდეების პროპაგანდისათვის, მაგრამ სამავიეროთ მეტათ არახელსა-
ყრელი იყო უსაკუთრო ხალხის დამოუკიდებელ კლასობრივი ბრძო-
ლისათვის. თუ განმარტებისთვის ისევე ფინანსიურ არისტოკრატია-
სთან შედარებას განვაგრძობთ, ჩვენ ვიტყვი, რომ იმ დროს და-
ახლოებით იმგვარი პირობები იყო, როგორც საფრანგეთში—ბურჟუ-
აზიულ მეფობის ხანაში (1830—1848 წ. წ.). ფინანსიური ძლიერების,
ძალზე შეცვეცილ საარჩევნო უფლებისა და მშრომელთა კლასების
პოლიტიკური ჩამორჩენილობის წყალობით, უმაღლესი ფინანსიური
წრეები უსაზღვროთ ბატონობდენ საფრანგეთში მეფისა და პარლა-
მენტის საშუალებით. ამ წრეების წინააღმდეგ ამხედრდა არა მარტო
გლეხთა და დაჭირაებულ მუშათა, არამედ აგრეთვე სამრეწველო
კაპიტალისტებისა და წვრილი ბურჟუაზიის ოპპოზიცია. ბრძო-

ლა საერთო მტრის წინააღმდეგ ყველას მათ აერთიანებდა და ჩრდილში სტოვებდა იმ კლასობრივ წინააღმდეგობას, რომელიც თვით მათ შორის არსებობდა. ამან დიდათ დააბრკოლა პროლეტარიატის კლასობრივი გათვითცნობიერება და მისი უდიდესი ნაწილი წვრილი და, ზოგჯერ, მსხვილი ბურჟუაზიის პოლიტიკურ ხელმძღვანელობას გაჰყვა; მაგრამ ამავე მიზეზით ბურჟუაზიაშიაც მიყუჩდა პროლეტარიატისადმი უნდობლობა. მის წარმომადგენლებს ზოგჯერ ავიწყლებოდათ, რომ მათი საკუთრების საფუძველი იმაშია, რომ სხვებს ეს საკუთრება არ აბადია; მათ სიბრალული იგრძნეს ლარიბ და ჩაგრულ ხალხისადმი; ახალისებდნენ მისწრაფებას სილარიბის მოსპობისაკენ და მრავალი მათგანი სოციალიზმსაც შესტრფოდა. განსაკუთრებული კმაყოფილებით მაშინ სოციალისტ-ბელეტრისტების წიგნებს კითხულობდნენ; საკმარისია მოვიგონოთ ვეგენი სიუ და ჟორჟ ზანდი.

მაგრამ მოხდა 1848 წლის რევოლიუცია. დაემხო უმაღლესი ფინანსიური ბურჟუაზიის მეფობა. მას ჩამოერთვა პოლიტიკური პრივილეგიები. პოლიტიკური ძალა-უფლება ხელში ჩაუვარდა ხალხს, ე. ი. სამრეწველო კაპიტალისტებს, წვრილ ბურჟუაზიას, წვრილ გლეხობას და მუშებს. და, აი, საერთო მტრის დამარცხების უმაღლეს საზოგადოების ცნობიერებაში მეტის თუ ნაკლები სიცხადით და, ყოველ შემთხვევაში, ძალოვნათ განსაკუთრებული კლასობრივი ინტერესებისა და კლასობრივი წინააღმდეგობის შეგნება შეიქრა. განსაკუთრებით ცხადად და, მკაფიოთ განვითარდა ანტაგონიზმი ბურჟუაზიისა და პროლეტარიატს შორის. რევოლუციამ პროლეტარიატის ძალა გამომამყვანა, მაგრამ ამასთან ცხადჰყო ისიც, რომ სოციალიზმი რამოდენიმე გატაცებულ ლიტერატორის ოცნება როდია მართო; სოციალიზმს ფესვი გაუდგამს რევოლიუციონურ კლასში; სოციალიზმი უკვე უმანკო გასართობი არ არის, ის ლამის სასიკვდილო იარაღად გადაიქცევა.

ამ დროიდან ბურჟუაზია უდიდესი ენერჯით ებრძვის არათუ პროლეტარიატის თვითეულ დამოუკიდებელ მოქმედებას, არამედ ყოველივე იმას, რაც სოციალიზმს ემზავსება, ხოლო მის დამფრთხალ გონებას სრულიად უწყინარი ფილანტროპიაც სოციალიზმად ელანდება. ბურჟუაზიულ საზოგადოებაში სოციალიზმს ბოიკოტს უცხადებენ. ბურჟუაზიულ წრეებიდან გამოსულ სოციალისტის წინაშე დადგა დილემა: უნდა დარჩეს თუ არა ის სოციალიზმის ერთგული; დადებითს შემთხვევაში მას ბურჟუაზიული საზოგადოებიდან

განდენიან, იქ მის სახელსაც არ ახსენებენ; ხოლო თუ ის ამის აცდენას მოისურვებდა, სოციალიზმი უნდა უარეყო სავსებით და სამუდამოთ. ამ დროიდან სოციალიზმი მოკვდა პოლიტიკურად და ლიტერატურულად და ეს მდგომარეობა გაგრძელდა მანამდე, სანამ მუშათა კლასსმა წელი არ გაიმართა და არ მოლონიერდა და საკუთარი ძალით არ აიძულა საზოგადოება ანგარიში გაეწია სოციალიზმისა და მუშათა კლასისათვის.

საშუალო საუკუნეებში განვითარება იმავე მიმართულებით მიმდინარეობდა, როგორც 1848 წლის წინ, მხოლოდ ამას, რა თქმა უნდა, გაცილებით მეტი დრო მოუწია. რეფორმაციამ 1848 წ. რევოლუციის როლი ითამაშა. გერმანიაში ეს განვითარება ნათლად გამოჩნდა XV საუკუნეში და XVI საუკუნის დასაწყისში.

საშუალო საუკუნეების პროლეტარულ მოძრაობებში კლასობრივი თვითშეგნება, ცხადია, გაცილებით ურფო სუსტი იყო, ვიდრე XIX საუკუნის პირველ ნახევრის მოძრაობაში. ერთის მხრით თვითლუმპენ — პროლეტარებსაც ვამჩნევთ კარჩაკეტილ ამქრების შექმნისა და განსაკუთრებული პრივილეგიებით აღჭურვის მისწრაფებას,¹⁾ — მეორეს მხრით კი, თუ დაუკვირდებით იმ დროის მუშათა კლასიდან გამოსულ კომუნისტებს, განსაკუთრებით ფეიქრებს, დავინახავთ, რომ ისინი კლასობრივი მდგომარეობის სხვადასხვაობას ანგარიშს არ უწევდენ და მთელი კაცობრიობისათვის იღვწოდენ. პროლეტარული მოძრაობაც, რამდენადაც ის ჩვეულებრივ საამქრო დავის საზღვარს სცილდებოდა, ჯერ კიდევ სხვა ჩაგრულ კლასების, — გლეხთა და წვრილ ხელოსანთა, — საერთო რევოლუციონურ მოძრაობის კალაპოტში ვითარდებოდა.

პირიქით, კომუნისტური ტენდენციების წარმოშობის პირობები საშუალო საუკუნეების მთელს საზოგადოებაში ზოგიერთის მხრით უფრო ხელსაყრელი იყო, ვიდრე XIX საუკუნის პირველ ნახევარში.

¹⁾ „ძალიან საყურადღებოა ერთი ახალშენი ნახშირის მთაზე, პატარა გორაკზე ბაზელის ახლო, სადაც პირუტყვა ტყავის მძრობლებათ, მესაფლავეებათ, ასენიზატორებათ და პროფესიონალ მათხოვრებათ ცნობილი ხალხი ესახლა. სხვა მცხოვრებლებისაგან მოშორებით მათ თავისი ამქრის მზგავსი საზოგადოება მოეწყოთ განსაკუთრებული სასამართლოთი, რომელსაც „ნახშირის მთის სასამართლო“ ეწოდებოდა. სასამართლო შეიდი მეკურტინისაგან შესდგებოდა, რომელთაც „თავისუფლებებს“ ან „თავისუფლების ბიკებს“ უწოდებდენ, „რადგან უმარჯლოთ და უდანოთ დადიოდენ“ (Maurer, Städteverfassung, II, გვ. 472).

III. სიმდიდრის და სიღარიბის წინააღმდეგობა საშუალო საუკუნეებში.

საშუალო საუკუნეებში და თვით რეფორმაციის ხანაში განსხვავება მდიდართა და ღარიბთა შორის ჯერ არ იყო ისე დიდი, როგორც განვითარებულ კაპიტალისტურ საზოგადოებაში; მაგრამ ეს განსხვავება მაშინ უფრო თვალსაჩინო იყო და მეტს მღელვარებას იწვევდა. დღეს საზოგადოებრივი მდგომარეობის უდიდესი სხვადასხვაობა დიდ ქალაქებში გვხვდება, სადაც მილიონაჟდე ან მეტი მოსახლეობაა და სადაც ღარიბი ხალხის უბნები ხშირათ ძალიან დაშორებულია მდიდართა საცხოვრებლისაგან. იმ ეპოქაში, რომლის შესახებ აქ საუბარი გვაქვს, ცალკე წოდებათა და ცალკე პროფესიების ლოკალური განაწილება ქალაქში უფრო გარკვეული იყო, ვიდრე ჩვენს დროში; მაგრამ სამაგიეროთ მაშინდელი ქალაქი უფრო მცირე იყო, — ათი, ოცი ათასი მოსახლე უკვე დიდ ქალაქს შეადგენდა და მოქალაქენი ძალიან ახლოს ცხოვრობდნენ ერთი მეორის გვერდით. ამას ის გარემოებაც ერთეოდა, რომ მოქალაქის ცხოვრება, — შრომა და დროს ტარება, — უმთავრესად საჯარო იყო და ამა თუ იმ საზოგადოებრივი კლასის ქირი თუ ლხინი სხვებისთვის საიდუმლოებას არ შეადგენდა. პოლიტიკური ცხოვრება და დღესასწაულები ჩვეულებრივად საზოგადო მოედნებზე, ბაზრებზე, სასაფლაოზე ან ხალხისათვის მისაწვდომ დარბაზებში და ეკლესიებში მიმდინარეობდა. ღია ალაგას მარტო ყიდვა-გაყიდვას კი არ ეწეოდნენ; ხელოსნობდნენ კიდევ ქუჩებში სადაც კი მოხერხდებოდა ან, ყოველ შემთხვევაში, თავისი სახლის ღია კარებთან.

მაგრამ უმთავრესი მნიშვნელობა კიდევ ერთ გარემოებას ქონდა. მთავარი მიზანი, რომელსაც ამჟამად კაპიტალისტი ემსახურება, არის კაპიტალის დაგროვება, მისი გადიდება. თანამედროვე კაპიტალისტისათვის არაერთგვაროვანი ზომის კაპიტალი არ წარმოადგენს საქმარის სიდიდეს. დიდი კმაყოფილებით დახარჯავდა ის მთელ თავის შემოსავალს კაპიტალის გასადიდებლად: არსებულ წარმოების გასაფართოებლად, ახლის შესაძენად, კონკურენტების დასამარცხებლად და სხვ. და თუ მას ახლა ერთი მილიარდი აქვს, შეეცდება მეორე მილიარდიც მოიგოს, რათა პირველი მილიარდი უფრო საიმედოთ დაიმკვიდროს და კონკურენტებს არ ახეიროს. თანამედროვე კაპიტალისტი არასოდეს პირად მოხმარებას არ ანდომებს მთელს თავის შემოსავალს, თუ ის სულელი ან საქმისთვის ყოველად გამოუსადეგარი კაცი არ არის და თუ ის შედარებით დიდი თანხის პატრონია. შემდეგ: უმდიდრესი

მილიონერსაც შეუძლია სრულიად უბრალოთ იცხოვროს და ამასთან მაღალი საზოგადოებრივი მდგომარეობა არ შეიზღუდოს; და თუ განცხრომით იცხოვრებს, ამას ჩვეულებრივად ხალხი არ ამჩნევს, რადგან განცხრომის სარბიელი იქნება საზეიმო დარბაზები, ცალკე კაბინეტები, სანადირო მამულები, კაზინოები და სხვა. ქუჩაში კი მილიონერი არაფრით არ განირჩევა ჩვეულებრივ მოქალაქისაგან.

სულ სხვა მდგომარეობა იყო ნატურალური მეურნეობის და საქონლის მარტივი წარმოების ხანაში. მდიდრებს და ძლიერთ, — ფუჟლადი შემოსავალი ექნებოდათ თუ პროდუქტით სულ ერთია, — არ შეეძლოთ შემოსავალი აქციებში ან სახელმწიფო ქალაქებში მოეთავსებინათ. შეეძლოთ მხოლოდ შეეკამათ, პირადათ მოეხმარათ იგი ან, თუ შემოსავალი ფულისგან შესდგებოდა, ძვირფასი და ადვილად შესანახავი საქონელი, კეთილშობილი ლითონი და ძვირფასი თევლები შეეძინა, და შეენახა, როგორც განძი.

რაც უფრო წარმატებით ეწეოდნენ ექსპლოატაციას საერო და საეკლესიო თავადნი და სენიორები, პატრიციები და ვაჰრები, რაც უფრო იზრდებოდა მათი შემოსავალი, მით უფრო მატულობდა მათი ფუფუნებაც. მარტო თავის თავზე ამ შემოსავლის ნაჰარბს ვერავითარ შემთხვევაში ვერ დახარჯავდნენ. ახმარდნენ მოსამსახურეთა ამალის შენახვას, ჯიშიანი ცხენებისა და ძაღლების ყიდვას, თავისი რაზმის ძვირფასი ქსოვილებით შემოსვას, დიდებულ სასახლეების აგებას და მდიდრულათ მათი მორთვა-მოკაზმვას. განძის დაგროვების მისწრაფება თავის მხრით ხელს უწყობდა ფუფუნების მატებას. საშუალო საუკუნეების მეომარი ხელის უფალნი მიწაში კი არ მარხავდა თავის საგანძურებს ფრთხილ ხნდოელსავეთ, ან ჰურდებისა და გადასახადის ამკრეფ მოხელეებისაგან კი არ მალავდა, როგორც ეს ჩვენი დროის კაპიტალისტებს სჩვევიათ. მათი სიმდიდრე მათი ძალა-უფლების სიმბოლო და საფუძველი იყო. საშუალო საუკუნის კაცი სიამაყით და მედიდურად აფენდა გარეთ თავის სიმდიდრეს ყველას დასანახავად; მისი ტანსაცმელი, მისი ავეჯეულობა, მისი სახლ-კარი ოქროთი და ვერცხლით, პატიოსანი თვლებით და მარგალიტით ბრწყინავდა. ეს ოქროს ხანა იყო და ასეთი დარჩა იგი ხელოვნებაშიაც.

მაგრამ სიღარიბეც ისევე აშკარად სჩანდა მაშინ, როგორც სიმდიდრე. პროლეტარიატი ეს-ეს იყო ისახებოდა. ის უკვე იმდენად შესამჩნევ მასსას წარმოადგენდა, რომ მოაზროვნე და შედარებით ფაქიზ გრძნობის კაცს ჩააფიქრებდა სილატაკის მოსასპობ საშუალებისა და გზების შესახებ; მაგრამ პროლეტარიატის მასსა მინც იმ-

დენად დიდი როდი იყო, რომ ჩვეულებრივს დროში ის სახელმწიფოს და საზოგადოებისათვის საშიშარ ძალათ გამოჩენილიყო. ამგვარად კვლავ მოიპოვა ნაყოფიერი ნიადაგი იმ აზროვნებამ, რომელიც ქრისტიანობამ თავისი აღმოცენების ხანაში შეითვისა, როდესაც ამ აზრთა მთავარი მატარებელი ლუმპენ-პროლეტარიატი იყო. ეს აზროვნება სილარიბეში ბოროტებას კი არ ხედავდა, არამედ განსაკუთრებულს ლეთის ნებით შექმნილ ვითარებას, რომელიც ყურადღებას მოითხოვს თავისადმი. ღარიბი ხომ, სახარების თანახმად, ქრისტეს წარმომადგენელია რადგან „რაც თქვენი უმცროსი ძმისათვის გიქნიათ, ის ჩემთვისაც ჩაგიდენიათ“. (მათე. 25, 40). სინამდვილეში კი ამაში პროლეტარიატი დიდ ხერხს არ ნახულობდა: ქრისტეს წარმომადგენელს ზოგჯერ ფოიად არაქრისტიანულად ექცეოდნენ. მაგრამ საშუალო საუკუნეებისთვის ჯერ უცნობი იყო თანამედროვე პოლიტიკის ემპიკური გამოგონებანი, რომლითაც ცდილობენ შეძლებული კლასებს თვალს აარიდონ საზოგადოებრივ დამოკიდებულებათა სარჩული, — მხოლოდ აარიდონ და არა მოსპონ. საშუალ-საუკუნეებში ღარიბებს არ ამწყვედევდნენ სამზრუნველო, სამუშაო, საკატორლო და სხვა სახლებში; მოწყალების თხოვა მათი უფლება იყო და თვითეული წირვა, განსაკუთრებით დიდ დღესასწაულებში, თავს უყრიდა ერთსა და იმავე ადგილას, ერთსა და იმავე ეკლესიის გალავანში უდიდეს ფუფუნებასა და უკიდურეს სიღარიბეს.

იმ დროის და ეხლანდელი საზოგადოების დასახასიათებლად საესებით გამოდგება პლატონის სიტყვები ორი ნაციის შესახებ. მაგრამ საშუალო საუკუნეების მიწურულში ეს ორი ნაცია — ღარიბთა და მდიდართა — ჯერ ყოველ შემთხვევაში ორ მეზობელ ნაციას წარმოადგენდა, რომელსაც ერთმანეთის გაეგებოდათ და ერთმანეთს კარგათ იცნობდნენ. დღეს კი ისინი სრულიად უცხო არიან ერთმანეთისათვის. როდესაც ბურჟუას ნაციას რამეს გაგება სურს პროლეტართა ნაციის შესახებ, ამისთვის მთელი ექსპედიციების მოწყობაა საჭირო, თითქოს საქმე შიდა აფრიკის გამოკვლევას შეეხება. მაგრამ ბურჟუასთვის უკანასკნელ საქმეს სწორეთ მეტი მნიშვნელობა აქვს, ვიდრე პირველს: აფრიკის გამოკვლევა ახალი ბაზრის აღმოჩენისა და ახალი მოგების იმედს იძლევა; პროლეტარიატის მდგომარეობის გამოკვლევა კი, პირიქით, ახალი მკაცრი ბრალდების აღძვრას მოასწავებს საზოგადოების ეხლანდელ ვითარების წინააღმდეგ. ხოლო ამას არავისთვის იმდენი სარგებლობა არ მოაქვს, როგორც სოციალ-დემოკრატიისათვის. საკვირველიც არ არის, რომ დასავლეთ ევროპის მთავრობები ასჯერ მეტ ფულს ხარჯავენ აფრიკის გამოკვლევაზე,

ვიდრე საკუთარ ქვეყნებში საზოგადოებრივ მდგომარეობის შესწავლაზე, — თუ ამაზე საზოგადოთ რაიმე კი იხარჯება; ისიც არ არის გასაკვირალი, რომ ზოგიერთი „განათლებული“ კაცი „ბნელი“ მატერიკის მდგომარეობას უკეთ იცნობს, ვიდრე იმ ქალაქის პროლეტარულ უბნებისას, რომელშიაც თვითონ ცხოვრობს. მხოლოდ შორს წასულ კაპიტალისტურ განვითარებისან პროლეტარიატის ძალთა ზრდის წყალობით ერთგვარი გაუმჯობესება დგება ამ დარგში. შიშმა შესწავლის სურვილი შექმნა.

საშუალ-საუკუნეებში მესაკუთრეებს პროლეტარიატის არც ეშინოდათ და არც გამოკვლევა სჭიროდათ მისი მდგომარეობის გასაცნობად. ყველგან სჩანდა დაუფარავი სიღატაკე და მასთან საზარელი კონტრასტით თავადებული და მედიდური ფუფუნება. საკვირველი არ არის, რომ ეს კონტრასტი აღშფოთებას იწვევდა არა მარტო მდაბიო კლასებში, არამედ უმაღლესი წოდების საუკეთესო პიროვნებებსაც ამხედრებდა უთანასწორობის წინააღმდეგ და ამგვარად ნიადაგს უმზადებდა თანასწორობის აღდგენის იდეის ფართო გავრცელებას.

IV. ქრისტიანული ტრადიციის გავლენა

საზოგადოებრივი ცხოვრების წინა ეპოქებში აღმოცენებულ და თაობიდან თაობაზე გადაცემულ იდეების გავლენა შემდგომი დროის ვითარებაზე არ შეიძლება საზოგადოებრივი განვითარების უმნიშვნელო ფაქტორად ჩაითვალოს. ამ იდეების გავლენა ხშირად ადამიანს უძნელებს ახლად წარმოშობილ ტენდენციებისა და მოთხოვნილებათა გაგებას და მით საზოგადოების განვითარებას აფერხებს. მაგრამ საშუალო საუკუნეების მიწურულში წინა ხანებში წარმოშობილი იდეები ხშირად ამის წინააღმდეგ გავლენას ახდენდა.

ხალხთა დიდი გადასახლების ქარიშხალის შემდეგ და იმ ბარბაროსობის შემდეგ, რომელიც მერე გამეფდა, დასავლეთ ევროპის საქრისტიანო ერებმა მხოლოდ ჯვაროსანთა ომის ეპოქის შემდეგ დაიწყეს აღორძინება და იმ კულტურულ დონეზე ამალღება, რომელიც, მიუხედავად მთელი თავისი თავისებურობისა, ბევრ რამეში შეეფერებოდა ატიკისა და რომის საზოგადოებათა მიერ თავისი დაშლის პირველ ხანაში და დაშლის წინ მიღწეულ დონეს.

ძველი მსოფლიოს ლიტერატურა, ეს აზრთა განძი, კლასიკური საზოგადოებისაგან დარჩენილი, ზედმიწევნით შეეფერებოდა იმ კლასების გონებრივ მოთხოვნილებებს, რომელნიც საშუალ-საუკუნეების

მიწურულში იზრდებოდენ. ანტიური ლიტერატურის აღორძინება დიდათ უწყობდა ხელს ამ კლასების თვითშეგნებისა და თვითშემეცნების ზრდას და საზოგადოებრივი განვითარების ძლიერ ფაქტორად გადაიქცა. ტრადიცია, რომელიც სხვა შემთხვევაში კონსერვატიულად მოქმედობს, ამ პირობებში რევოლუციონური ფაქტორი შეიქნა.

საზოგადოების ყოველმა კლასმა ტრადიციების საგანძურიდან ის ამოიღო, რაც მის გონებრივ მოთხოვნილებას შეეფერებოდა და მის გულის წადილს აკმაყოფილებდა. ბურჟუაზიამ და თავადებმა საშუალ-საუკუნეთა დამლევი გამოიყენა რომის სამართალი, რომელიც ზედმიწევნით უდგებოდა საქონლის მარტივი წარმოების, ვაჭრობისა და აბსოლიუტური მონარქიული ხელის უფლების მოთხოვნილებებს. სტკებოდენ აგრეთვე ანტიურ ხალხთა წარმართული ლიტერატურით,—სიხარულისა და ზოგჯერ, განცხრომის ლიტერატურით.

პროლეტარიატს და მის თანამგრძნობთ არ იზიდავდა არც რომის სამართალი და არც კლასიკური ლიტერატურა. რომის საზოგადოების სხვა ნაწარმოებში, სახელდობრ, სახარებაში პოულობდენ ისინი, რასაც ეძებდენ. მათს სულისკვეთებას პირვანდელ—ქრისტიანული კომუნიზმი შეეფერებოდა სავსებით. საშუალო საუკუნეებში ჯერ არ არსებობდა საფუძველი წარმოების უფრო მაღალი კომუნისტური წესისათვის და მაშინდელი კომუნიზმი წარმოსადგენი იყო როგორც ერთგვარი ურთიერთ გატოლების კომუნიზმი, როგორც მდიდართა ხელში დაგროვილ ქონებათა ნაკარბის განაწილება აუცილებელ სარჩოს მოკლებულ ღარიბთა შორის.

რა საკვირველია, სახარების და მოციქულთა კომუნისტურ მოძღვრებას კი არ შეუქმნია საშუალ-საუკუნეების კომუნისტური მიმდინარეობა; მაგრამ ამ მოძღვრებამ ისევე შეუწყო ხელი მის წარმოშობას და გავრცელებას, როგორც რომის სამართალმა შეუწყო ხელი აბსოლიუტიზმისა და ბურჟუაზიის განვითარებას.

ამგვარად კომუნისტურ მისწრაფებათა საფუძველი ქრისტიანული, სარწმუნოებრივი დარჩა; მიუხედავად ამისა ეს მისწრაფება აუცილებელ კონფლიქტს იწვევდა გაბატონებულ ეკლესიასთან, ამ მდიდრის უმდიდრეს დაწესებულებასთან, რომელმაც საყოველთაო კომუნიზმის მოთხოვნილება დიდი ხანია სატანისეულ ცთომილებად გამოაცხადა და ცდილობდა ყოველნაირი სოფისტიკით დაემახინჯებინა და მიეჩქმალა პირვანდელ-ქრისტიანულ თხზულებათა კომუნისტური შინაარსი.

მაგრამ თუ მისწრაფება საზოგადოების კომუნისტური ორგანი-

ზაციისაკენ აუცილებლად იწვევდა ერებს და პაპის ეკლესიასთან კონფლიქტებს, მეორეს მხრით ერისი (მწვალებლობა), ე. ი. ბრძოლა ეკლესიის წინააღმდეგ, ხელს უწყობდა კომუნისტურ იდეების წარმატებას.

ჯერ ის დრო არ დამდგარა, როდესაც გაჩნდა აზრი, რომ უეკლესიოთაც შეიძლება ცხოვრება. მართალია, საშუალო საუკუნეების მიწურულში ქალაქებში უკვე აღმოცენდა კულტურა, უფრო მაღალი იმ კულტურაზე, რომელსაც ეკლესია ატარებდა. ახალი კულტურის წარმომადგენელი, საშუალო-საუკუნეთა საზოგადოების ახალი, აღმავალი კლასები—თავად-აზნაურობა თავისი კარის-კაცებით, ვაჟრები, რომის იურისტები, ლიტერატორები—სრულიადაც არ იყვნენ ქრისტიანულად განწყობილნი და ეს მოვლენა მით უფრო შესაძინევი იყო, რაც უფრო ახლო ცხოვრობდნენ ხსენებული პირნი რომთან. ქრისტიანობის დედა ქალაქი ურწმუნოების მთავარი რეზიდენცია იყო. მაგრამ ამავე დროს არსებობდა მხოლოდ ჩანასახი სახელმწიფო მმართველობის ახალი ორგანიზაციისა, საერო ბიუროკრატიისა, რომელსაც საეკლესიო ორგანიზაციების შენაცვლება ჯერ არ შეეძლო. ეკლესია, როგორც ბატონობის ორგანიზაცია ჯერ საჭირო იყო გაბატონებულ, ესე იგი, ამ ურწმუნო კლასებისათვის. საშუალო-საუკუნეთა დამლევის რევოლუციონურ კლასებსაც განადგურება კი არ სურდათ რომის ეკლესიისა, არამედ მისი დამორჩილება, რათა ეკლესიის საშუალებით მოეპოვათ ბატონობა საზოგადოებაზე და თავის ინტერესთა შესაფერი ფორმა მიეცათ საზოგადოებისათვის: სწორეთ ისევე, როგორც ამჟამად პროლეტარიატის ამოცანაა დაიმორჩილოს სახელმწიფო და თავის ინტერესებს ამსახუროს იგი.

რაც უფრო მეტად ვრცელდებოდა ურწმუნოება უმაღლეს კლასებში, მით უფრო გულმოდგინეთ ზრუნავდნენ ისინი დაბალ კლასთა სულის ცხოვებაზე, მით უფრო შიშობდნენ, რომ ამ კლასებსაც არ შეეზებოდა განათლება, რომელსაც შეეძლო საქრისტიანო მოძღვრების ფარგლებს გარეთ გაეფართოვებინა მათი გონებრივი პორიზონტი. განსაკუთრებული ღონისძიება ამისათვის მათის მხრით საჭირო არ იყო: გლეხობის, ხელოსნებისა და პროლეტარების მდგომარეობა ისეთი იყო, რომ შეუძლებელს უხდინდა მათ შედარებით ფართო განათლების მიღებას. მაშასადამე, საქრისტიანო შეხედულებათა წრეს ისედაც ვერ სცილდებოდნენ.

მაგრამ პაპის ეკლესიამ ამით ძალიან ცოტა რამ მოიგო: საქმის ამგვარმა ვითარებამაც ვერ შეაჩერა ექსპლოატატორულ ეკლესიის წინააღმდეგ მიმართული დიდი სახალხო მოძრაობანი; მან მხოლოდ

ის შედეგი მოიტანა, რომ ეს მოძრაობები თავის მოთხოვნილებებს უმთავრესად რელიგიური არგუმენტებით ასაბუთებდა.

ყველას, ვინც კი ამა თუ იმ მოსახრებით საეკლესიო ქონებათა კონფისკაციას მოითხოვდა, პირვანდელი ქრისტიანობის მწერლობა საბუთების მდიდარ არსენალს აძლევდა: ამ მწერლობით ხომ უდავოთ მტკიცდებოდა, რომ იესო და მისი მოწაფეები ღარიბნი იყვნენ, რომ თავის მიმდევრებისაგან ისინი ნებაყოფლობით სიღარიბეს მოითხოვდნენ და რომ მთელი ქონება, ეკლესიის განკარგულებაში მყოფი, ეკუთვნოდა არა სამღვდელოებს, არამედ თემს.

პირვანდელ ქრისტიანობასთან და სახარებასთან მიქცევა, პაპის ეკლესიის მიერ დამახინჯებული და შერყენილი „ღვთის წმიდა სიტყვის“ აღდგენა,—აი, რისკენ მიისწრაფოდნენ პაპობისადმი მტრულად განწყობილი კლასები და პარტიები. რა თქმა უნდა, ყოველი პარტია, იმისდა მიხედვით თუ რა ინტერესებს გამოხატავდა იგი, თავისებურად განმარტავდა ამ „ღვთის წმიდა სიტყვის“ შინაარსს. თანხმობა არსებობდა მხოლოდ ერთში,—საეკლესიო იერარხიის გაღარიბების მოთხოვნილებაში. მაგრამ გულისხმობს თუ არა ეს მოთხოვნილება საეკლესიო თემის დემოკრატიულ ორგანიზაციას ან ქონების საზიარობას, ამ საკითხებში სხვადასხვა ოპოზიციონურ მიმართულებებს შორის საერთო აზრი არ არსებობდა.

მაგრამ ვინაიდან პირვანდელმა ქრისტიანობამ ფაქტიურად სწორედ დემოკრატიული ორგანიზაცია და ქონების საზიარობა უანდერდა საზოგადოებას, პირვანდელი ქრისტიანობის თაყვანისმცემელი მეტის-მეტად დაინტერესებული უნდა ყოფილიყო ამის საწინააღმდეგო ორგანიზაციაში, რომ „ღვთის წმიდა სიტყვაში“ სხვა რამ ამოეკითხა, ამიტომ მესაკუთრე კლასთა ყოველ პატიოსან წევრს, რომელიც ერეტიკულ მოძრაობაში მონაწილეობდა და რომელსაც თავისი კლასის ინტერესებზე და ცრუ-შეხედულებებზე სულიერად ამაღლება შეეძლო,—ყოველ ასეთ კაცს ადვილად შეეძლო დემოკრატიული კომუნიზმი გაეზიარებინა. და ასეთი მდგომარეობა გრძელდებოდა მანამდე, სანამ პაპობისადმი მტრულად განწყობილ მესაკუთრეთა კლასებს პაპის ხელის უფლება მეტის-მეტად ძლიერ მტრად მიაჩნდა, ხოლო კომუნიზმი, პირიქით,—ოცნებით გატაცებულ რამოდენიმე იდეოლოგის უწყინარ გასართობად, და სანამ საჭირო იყო პაპის ხელის უფლებასთან ყველა მებრძოლ ძალთა ერთ ფალანგად გაერთიანება. ერეტიკული კომუნიზმი პირველ ხანებში საშიშრად სჩანდა მხოლოდ პაპისტური ექსპლოატაციისათვის. ამიტომ იყო, რომ შეძლებული კლასები ადვილად ითმენდნენ კომუნიზმს, თუ თვით ეს კლასები ერეტი-

კულად იყვნენ განწყობილი, და ამიტომ მოხდა ის, რომ პირვანდელი ქრისტიანობასთან დაბრუნების ლოზუნგმა კომუნისტური მისწრაფება წარმოშვა არა მარტო ღარიბ მოსახლეობაში, არამედ შეძლებულ კლასსთა ზოგიერთ წრეშიაც.

თუ შეხედვლობაში მივიღებთ ყველა ამ გარემოებას, მაშინ გასაგებია გახდება, თუ რომ მისცა კომუნისტურ იდეებს ასეთი დიდი ძალა და რატომ გავრცელდა ეს იდეები ასე ფართოდ პაპობის ჩამოგდებისაკენ მიმართულ ერეტიკულ მოძრაობათა ხანაში, როდესაც ამას სრულიად არ შეეფერებოდა მაშინდელი პროლეტარიატის ძალა, რიცხოვნობა და თვით შეგნება.

ამავე მიზეზით აიხსნება ისიც, რომ ერეტიკულ-კომუნისტური მოძრაობები მეტ წილად ძალიან სწრაფად ცხრებოდა და, როგორც სჩანს, არავითარ კვალს არ სტოვებდა: მოძრაობა დაუყოვნებლივ მარცხდებოდა, როდესაც მესაკუთრეთა მთელს საზოგადოებაზე მიიტანდა იერიშს, იმის მაგიერ რომ შეძლებულ კლასებთან ერთად მხოლოდ პაპის ხელის უფლების წინააღმდეგ მიმართულიყო.

კლასობრივი თვითშეგნების ნაკლებობა ღარიბთა კლასებში, შედარებით დიდი ინტერესი კომუნისტურ იდეებისადმი მესაკუთრეთა შორის—ვაჭრების, რაინდებისა და განსაკუთრებით სამღვდლოების წრეებში—და წინანდელი ეპოქის კომუნისტური ტენდენციების—პირვანდელი ქრისტიანობის—ძლიერი, ლიტერატურით გადმოცემული გავლენა: ყველა ამ გარემოებამ ის აუცილებელი შედეგი გამოიწვია, რომ სარწმუნოებრივი გარსი, რომელსაც კომუნისტური მოძრაობა ატარებდა კომუნისტურ იდეების აღმოცენების ხანიდან ე. ი. XII და XIII საუკუნეებიდან რეფორმაციის ხანამდე, XVI საუკუნემდე, კიდევ უფრო ფარავდა მის კლასობრივ ხასიათს, ვიდრე იმ დროის სხვა რომელიმე ხალხური მოძრაობისას.

მაგრამ მაშინდელ კომუნისტურ მოძრაობებს პროლეტარიატმა მაინც თავისი ბეჭედი დაასვა. და როგორც საშუალ-საუკუნეების პროლეტარიატი განსხვავდება რომის იმპერიის პროლეტარიატისაგან და ცემის ხანაში და აგრეთვე თანამედროვე პროლეტარიატისაგან, ისე ის კომუნიზმიც, რომელსაც საშუალ-საუკუნეების პროლეტარიატი ატარებდა, განსხვავდება პირვანდელ-ქრისტიანულისა და მე-XIX საუკუნის კომუნიზმისაგან. საშუალ-საუკუნეების კომუნიზმი გარდამავალი სტადია იყო პირვანდელ ქრისტიანობიდან მე-XIX საუკუნის კომუნიზმზე.

მზგავსად პირვანდელ ქრისტიანულ კომუნიზმისა და იმავე მიზეზებით, საშუალ-საუკუნეთა კომუნიზმი იყო მოხმარების და არა

წარმოების საშუალებათა კომუნიზმი, რითაც ის არსებითად განსხვავდება თანამედროვესაგან; ყოველივე ნათქვამის შემდეგ საჭირო აღარ არის ამაზე უფრო დაწვრილებით შეჩერება.

მაგრამ საშუალ-საუკუნეების და რეფორმაციის ეპოქის კომუნიზმი, მზგავსად პირვანდელ-ქრისტიანულ კომუნიზმისა გარდა ამისა, ასკეტიური და მისტიური კომუნიზმი იყო, განწირულთა კომუნიზმი, რომელიც საიდუმლო, ზეადამიანურ ძალთა ჩარევის იმედს ასაზრდოებს. ამ მხრითაც განირჩევა იგი მე-XIX საუკუნის კომუნიზმისაგან.

V. მ ი ს ტ ი კ ა .

განვიხილოთ ჯერ უკანასკნელი პუნქტი—მისტიციზმი.

ჩვენ ნაწილობრივ უკვე შევეხეთ ერთს მის ფესვს: ხალხის დიდი უმრავლესობის უმეცრებას. რაც უფრო წინ მიდიოდა საქონლის წარმოება და გაცვლა-გამოცვლა, მით უფრო იმორჩილებდა ადამიანს საზოგადოებრივი ურთიერთობის ძალა; უფრო გაუგებარი და საიდუმლო ხდებოდა მისთვის კავშირი საზოგადოებრივი ცხოვრების სხვადასხვა მოვლენებს შორის და უფრო გასაოცარი იყო სოციალური უბედურებანი, ადამიანს რომ თავს დატრიალებდა. გონება დაბნეული და უძლური იდგა ის მათ წინაშე და ასეთ მდგომარეობაში იყვნენ განსაკუთრებით, დაბალი ჩაგრული კლასები.

გაბატონებულ და წინმსვლელ კლასებს, თავადებს და ვაჭრებს, ახალ პირობებში ორიენტაციის საშუალებას ანტიური სახელმწიფოებრივი სიბრძნე და რომის სამართალი აძლევდა, რომლის აღორძინებას ხელს უწყობდენ ისინი. მაგრამ დაბალი კლასებისთვის ეს მეცნიერება მიუწვდომელი იყო, უფრო მიუწვდომელი, ვიდრე ჩვენს დროში; მეცნიერებას მაშინ თავისი საკუთარი, არა ხალხური ენა ქონდა: ლათინური და ბერძნული.

მაგრამ უმთავრესი მიზეზი იმისა, რომ მეცნიერება დაბალ კლასებს არ სწვდებოდა, მაინც სხვა იყო. მთავარი მიზეზი ის იყო, რომ დაბალი კლასები უარყოფითად ექცეოდნენ მეცნიერებას, რადგან მეცნიერება მათ მოთხოვნილებებს ეწინააღმდეგებოდა.

მეცნიერების, აგრეთვე ხელოვნების, განვითარება საზოგადოების განვითარებაზეა საესებით დამოკიდებული. მეცნიერების წარმატებისათვის საჭიროა პირობები, რომელიც შესაძლებელს ხდის მეცნიერულ კვლევა-ძიებას. მაგრამ ეს არ ემარა: საჭიროა კიდევ გარკვეული მოთხოვნილებები, რომელიც მეცნიერული კვლევა-ძიების სტიმულს წარმოშობს. აუცილებელ პირობათა არსებობა

ჯერ კიდევ არ ნიშნავს, რომ ამა თუ იმ საზოგადოებაში და ყოველ მის კლასში მოთხოვნილებაც არსებობს ამ საზოგადოების თუ ბუნების დამახასიათებელ მოვლენათა ურთიერთ დამოკიდებულის ღრმა შესწავლისა. ისტორიულად განწირული კლასი ან საზოგადოება თავის დაცემის ხანაში მუდამ წინააღმდეგი იქნება სინამდვილის შემეცნებისა. მთელ თავის ინტელექტუალურ ძალას იგი მოახმარს არა სინამდვილის ნათელ წარმოდგენას, არაჩედ ისეთი არგუმენტების ძიებას, რომლის საშუალებით თავისი თავის დამშვიდება, დანუგეშება და მოტყუება შეიძლებოდეს; ჩვენ აქ არაფერს ვიტყვი იმაზე, რომ მოწინააღმდეგენიც ხომ უნდა მოატყუონ თავისი ძალისა და გამძლეობის შესახებ.

მეცნიერების წინ წაწევა მხოლოდ აღმავალ საზოგადოებას და აღმავალ საზოგადოებრივ კლასებს შეუძლიათ. იმას, ვისაც სინამდვილის სამყაროში ეკუთვნის მომავალი, უდიდესი ინტერესიც აქვს სინამდვილის გამოკვლევისა და ყალბ შეხედულებათა განიავებისა.

ანტიური საზოგადოების დაშლასთან ერთად მეცნიერებამაც დაიწყო რეგრესი. სინამდვილის სამეფოდან, რომელიც ყოველ იმედს სპობდა, ადამიანი სინამდვილის გარეთ გაეწვრაფა—ფანტასტიურ და მისტიურ სამყაროში, რომელსაც თავის მოთხოვნილების შესაფერად აყალიბებდა. ადამიანმა დაჰკარგა თავის ძალთა რწმენა, მაშასადამე, ის რაღაც ბუნებრივ ძალებს უნდა გადაერჩინა. ამ ნიადაგზე აყვავდა ხილიაზში, სასწაულის რწმენა და მისტიკა.

რომის იმპერიის უდიდესი ნაწილის მემკვიდრემ, გერმანელებმა რომის ატმოსფეროში აღმოცენებული ქრისტიანობის მოძღვრებაც შეითვისეს, მაგრამ პირდაპირ კი არ გადმოიღეს, არამედ ახალი შინაარსით აავსეს იგი. სიცოცხლით სავსე და მხნე ბარბაროსებისათვის სრულიად უცხო იყო სინამდვილისაგან მკვეწვარე განდგომილობა და საკუთარი სულის სიღრმეში ქექვა, რაც პირვანდელი ქრისტიანობის მისტიკოსებს ახასიათებდა. გერმანელებს იმის ძალა არ შესწევდათ, რომ მეცნიერულად დაეძლიათ ქრისტიანობა, მაგრამ სამაგიეროთ ისეთი გულუბრყვილო—კონკრეტულ ფორმით შეითვისეს იგი, რომ მისტიციზმმა ყოველივე ძალა დაჰკარგა. ის სულს ღაფაუდა რამოდენიმე მონასტერში წარმართობის ზოგიერთ ლიტერატურულ ნაშთან ერთად.

მაგრამ, აი, საქრისტიანო-გერმანულ ქვეყნებში განვითარდა საქონლის წარმოება და საქონლით ვაჭრობა. ქვეყანამ რევოლიუცია განიცადა; და უწინარეს ყოვლისა ისევ ქალაქებში, ახალი კულტურის

ცენტრებში შეიქმნა ნაყოფიერი ნიადაგი აპოკალიპტიური იდეებისა და საზოგადოთ მისტიციზმის აღორძინებისათვის. მისტიციზმი იმავე საზოგადოებრივი ფენების მოთხოვნილებებს აკმაყოფილებდა, რომელსაც წინათ პირვანდელი ქრისტიანული კომუნიზმი შეეფერებოდა. გამოვიდა ეს ფენები და გაჩნდა მისტიციზმიც.

მომავალი მაშინ ღარიბთ და ჩაგრულთ კი არ ეკუთვნოდა, არამედ მდიდართ და ძლიერთ, თავადებს და კაპიტალისტებს. ამათ სრული საფუძველი ქონდათ მეცნიერებისათვის ხელი შეეწყოთ: რაც უფრო სწორათ არკვევდა მეცნიერება სინამდვილეს, მით უფრო ნათლად ღაღადებდა იმათ სასარგებლოთ, ვისაც ძალა-უფლება ექირა ხელში. მეცნიერებას შეეძლო სრულიად თავისუფლად განვითარებულყო; რომც არ ემსახურნა თავადებისა და კაპიტალისტებისათვის, ის მაინც ხელს შეუწყობდა მათ გაძლიერებას.

მაშინ ჯერ ის დრო არ იყო დამდგარი, როდესაც მომავალი, ხელშესახები მომავალი კომუნიზმს, პროლეტარიატს ეკუთვნოდა. რაც უფრო კარგათ ვცნობოდნენ სინამდვილეს ღარიბნი და ჩაგრულნი, მით უფრო უნუგეშოთ ეჩვენებოდა მათ იგი. მხოლოდ სასწაულს შეეძლო დაემხო ეს მზავგრელთა და ექსპლოატატორთა ურდო, თავისუფლება და კეთილდღეობა მიენიჭებინა ტანჯული მასებისათვის. მთელი თავისი ბუნებით მოითხოვდნენ ისინი ამგვარ სასწაულს; მათ უნდა ერწმუნათ სასწაული, რომ უსაზღვრო სასოწარკვეთილებაში არ ჩავარდნილიყვნენ. აღორძინებული მეცნიერება, მტარვალთა მოსამსახურე, მათ ისეთივე ძალით შეიძულეს, როგორც საეკლესიო სარწმუნოება. ცრემლით და ვაებით სავსე სინამდვილეს განუდგენ და თავის შინაგან სამყაროში ჩაიძირეს, რათა იქ ეპოვნათ ნუგეში და იმედი. მეცნიერების არგუმენტებს მათ საკუთარი გულისხმა დაუპირდაპირეს, რომელიც „ღეთის ხმათ“, „გამოცხადებად“, „შინაგან ნათელად“ მიიჩნიეს და რაც ნამდვილათ მათი უსაზღვრო ნდომისა და მოთხოვნილების ხმა იყო. ეს ხმა მით უფრო მძლავრი და შეუვალი იყო, რაც უფრო შორდებოდა კაცი საზოგადოებას, თავიდან იცილებდა ფიქრს და ქვრეტის ყოველივე დაბრკოლებას და რაც უფრო იგზნებდა ექსტაზს და ფანტაზიას უკმელობით, ლოცვით და სხვა ამგვარი საშუალებით. ამნაირად დამკვიდრდა ამ ეკზალტაციით შეპყრობილ ხალხში სასწაულის რწმენა, რომელმაც ბოლოს და ბოლოს ისეთი შეურყვეველი სიმტკიცე მიიღო, რომ ერთი კაციდან მეორეზე გადადიოდა და მოედო ყველას, ვისაც ასეთივე მოთხოვნილება და წადილი ქონდა.

მიუნცერის თხუზულგბანი ამგვარი აზრთა წყობის დამახასია-

თებელი მაგალითია. ჩვენ შეეჩერდებით ზოგიერთ მის თხზულებაზე, პირველად ყოვლისა მოციქულ დანიელის მეორე თავის მოთხრობაზე, რომელშიაც ნაამბობია მეფე ნაუხბოდონოსორის ხილვა ქვითდამსხვრეული ოქროს და რკინის ქანდაკებისა თიხის ფეხებით, —სიზმარი, რომელიც ფრიად მადლიერ მასალას წარმოადგენდა რევოლიუციონური ახსნა-განმარტებისათვის!).

მიუნცერი სწერს: ქრისტე „რალაც ფანტასტიურ თიკინად გადააქციეს, რომელსაც ფეხქვეშ თელავს მთელი ქვეყანა“; ამისთვის დაგვიცინიან წარმართნი და თურქები, ქრისტეს წამებით ვაქრობენ, როგორც ბაზარზე. ჩვენ უნდა აღესდგეთ ამ სიბილწიდან, უნდა გავხედეთ ღვთის მოწაფენი, მისი მოძღვრებით გავნათლდეთ და მისი ძალით გავმაგრდეთ ღვთის მტერთა შურის საძიებლად. გვმართებს შიში ღვთის, და არა პირუტყვთა წინაშე. შეუძლებელია ორ ღმერთს ემსახურობოდეს ადამიანი. მართალია მწიგნობრები ამტკიცებენ, რომ ჩვენს დროში ღმერთი აღარ ევლინება თავის რჩეულ მსახურთ არც სასწაულებრივი მოჩვენებით, არც საუბარში, და ამიტომ ვითომ სახარებას უნდა ეუჯეროთ. დასცინიან იმ პირთა გაფრთხილებებს, ვისაც ღმერთი ევლინება, —დასცინიან, როგორც ებრაელნი იერემიას, ოდეს ის ბაბილონის ტყვეობას წინასწარმეტყველებდა.

შემდეგ მიუნსტერი ნაუხბოდონოსორის სიზმარზე გადადის. ნაუხბოდონოსორი ვერ მიიღებდა სწორ განმარტებას სიზმრის მკითხველებისაგან. „ისინი პირმოთნე, მლიქვნელი და ურჯულო ადამიანები იყვნენ, ისინი იმას ამბობდენ, რაც ბატონს მოსწონდა, სწორეთ იმგვარათვე, როგორც ეხლანდელი მწიგნობრები სჩადიან, რომელთაც მსუქანი ლუქმის ქამა უყვართ მეფის კარზე“. უღრმესად სცდებიან ეს მეცნიერნი, როდესაც ფიქრობენ, რომ სული-წმინდის შთაუგონებლად ძალუძთ კეთილისაგან ბოროტის გარჩევა. ღმერთი ნერგავს სიტყვას ადამიანის გულში. „ამიტომ მოციქული პავლეც (რომ. X) მოსესა და ისაიაზე მიგვითითებს, შინაგან სიტყვაზე გგელაპარაკება, რომელიც ღვთიური ძალით ისმის სულის სიღრმეში. ხოლო ის კაცი, რომელსაც იგი ღვთის ცოცხალი მოწმობით არ შეუთვისებია და არ უგრძენია, სიმათლეს ვერ იტყვის ღმერთზე, თუნდაც რომ მას ათასი ბიბლია ქონდეს შთანთქული“. „რათა ადამიანმა ღვთის სიტყვა გაიგონოს და შეითვისოს, ღმერთი მას ხორციელ ვნებისაგან ანთავისუფლებს, და როდესაც ღვთის მოძრაობა ადამიანის გულს მისწვდება, ამ ადამიანმა ყოველგვე სიძვა უნდა ჩაიკლას და გული ღვთის გამოცხადებისათვის გაისპეტაკოს, რადგან ხორცი-

1) Auslegung des andern untersyds Danielis etc., Alstedt 1524.

ელ ადამიანს არ ესმის ის, რასაც ღმერთი დალაღებს მის გულში (1 კორინთ. 2); მისი გონება წმიდა სულით უნდა განნათლდეს, რათა ღრმად განსკვრიტოს კანონის წმინდა, ნათელი აზრი, წინააღმდეგ შემთხვევაში გულით ბრმა დარჩება, ქრისტეს ხისაგან შეიქმს და თავს მოიტყუებს... მაშასადამე, ღვთის გამოცხადებისათვის ადამიანმა თავიდან უნდა მოიცილოს ყოველივე ამოება და ნამდვილი სულის ახოვნებით განემზადოს ქეშმარიტების შესაცნობლათ (2 კორინთ. 6); ქეშმარიტებაში წვრთობის საშუალებით უნდა განარჩიოს მან ქეშმარიტი ჩვენება ყალბი ჩვენებისაგან.

რჩეულმა ადამიანმა, რომელსაც სურს იცოდეს თუ რომელი ჩვენება ან სიზმარია ღვთისგან მოვლენილი და რომელია ბუნების ძალთა ან ეშმაკისაგან, გულით, ზრახვით და გონებით „უნდა უარჰყოს თავისი სხეულის ყოველივე მიწიერი განცხრომა“. როდესაც მთელს ნარსა და ეკალს, ე. ი. ავ-ხორცობას, აღმოიფხვრის გულიდან და იქ მხოლოდ კეთილი მცენარეს დაიტოვებს, „მხოლოდ მაშინ გაიგებს ადამიანი, რომ ის სიკვდილამდე ღვთის დაწმიდა სულის ტაძარია“.

მეორე თავის თხზულებაში მიუნცერი დიდი სარკაზმით უპირდაპირებს ერთმანეთს კეთილ ქრისტიანეს და გულ-დაჯერებულ მწიგნობარს. პირველს, — ექვიანს, მწუხარეს და სულიერად ტანჯულს ღვთის ხილვა სწადია; მეორე რელიგიისადმი გულგრილობას ქადაგებს და ყოველგვარ სულიერ ბრძოლას დასცინის.

„ადამიანში, რომელიც ეს ეს არის ქრისტიანად იქცევა, — ამბობს მიუნცერი, — ადრე თუ გვიან ქეშმარიტი რწმენის სურვილი ილვიძებს. ის ოხრავს: „საცოდავ კაცს, ნეტა რა მდევნის მე ჩემსავე გულში? ჩემი სინილისი სწოვს ჩემს ძალას და სისხლს, მთელ ჩემს არსებას. რა ვქნა, დავიბენი ღვთის ძიებაში, ნუგეშს მოკლებული ქმნილება ვარ. და, აი, ღმერთი მსჯის ჩემივე სინილისით, ურწმუნოებით, სასოწარკვეთილებით და ღვთის გამობით. გარედან სენი, სიღარიბე, ტანჯვა და ყოველგვარი განსაცდელი მეშუქრება ბოროტი ხალხისაგან, მაგრამ შიგნით უფრო ვიტანჯები, ვიდრე გარედან. ეხ, როგორ მწყურია ქეშმარიტი რწმენა, ნეტავ ვიცილდე სად არის მისკენ სწორი გზა“.

ამ აზრებით დაექვებული მეცნიერს მიმართავს რჩევისათვის. „მაშინ მეცნიერნი, რომელთაც ძლიერ უპირთ ენის ამოღება, რადგან ყოველი მათი სიტყვა ბევრი წითელი ფენიგი ღირს, მაშინ მეცნიერნი იტყვიან: „ეხ, კეთილო ადამიანო, თუ არ გსურს იწამო, ეშმაკსაც კი წაუღიხარ“. — „ჰოი, სწავლულო დოქტორო, მე მსურს ეიწამო, მაგრამ ურწმუნოება ახშობს ყველა ჩემს სურვილს; რა ეუყო ამ ურწმუნ-

ნობასა?“. მაშინ მეცნიერი ამბობს: „ჩემო კარგო, ნუ ზრუნავ მაგვარ მალალ ფარდებზე; უბრალო გულით იწამე და განიფანტე შენი აზრები. ეს ამაო ფანტაზიაა. წადი ხალხთან, მხიარული იყავ და საზრუნავი დაგაეიწყებდა“. აი, ძვირფასო ძმაო ამგვარ ნუგეშს გვაძლევს ეკლესია და სხვას არათერს.

ამგვარმა ნუგეშებმა ქრისტიანული სერიოზულობა საზიზღრობად გადააქცია... მოციქული პეტრე გეუბნება, თუ ვინ არის ნამდვილი ბინძური ღორი: ყოველი ურწმუნო, ყალბი მეცნიერი, რა სექტასაც არ უნდა ეკუთვნოდეს ის; ღორმუცლობენ და ღლოთობენ, ყოველგვარ ვნებას იკმაყოფილებენ და ძალებივით კბილებს აკრაწუნებენ, თუ მათ წინააღმდეგ სიტყვა წამოგკცდა“ ¹⁾.

სწავლულ პირთ და ამ ქვეყნიურ სურვილებს მიუწერი ერთნაირად ჰკიცხავს.

ეკზალტაციით სავსე მიუწერს ახალი, მომავალი საზოგადოება ეხატებოდა ხილიასტურად, როგორც ამ ქვეყნიური სამოთხე. „ღიახ, — ამბობდა ის, — რწმენის ძალით მოხდება და სამომავლოთ დარჩება ის, რომ ჩვენ, ამა ქვეყნის ხორციელი ადამიანები ქრისტეს ხორცშესხმის ძალით ღმერთებად გადავიქცევით, ღეთის მოწათენი გავხდებით, ის ვაგვანათლებს და ჩვენ გავღმერთდებით. ღიახ, ჩვენ შეგვიძლია გავღმერთდეთ, ამ ქვეყნიური ცხოვრება ზეციურ ცხოვრებაში გადავა“ ²⁾. ეს აპოკალიპტიური მისტიკის ნიმუშია. თუმცა მას ტლანქი რეალიზმიც დაუკავშირდა. როდესაც ღმერთი, მიუწერის სურვილის წინააღმდეგ, არ გამოცხადდა, მიუწერმა სასტიკი უკმაყოფილების გამოთქმაც გაბედა, — თუ დავეუჯერებთ მეღანხტონს, რომელიც კრთომით მოგვითხრობს: „ღიახ, მიუწერი პირდაპირ ამბობდა, — საშინელია ამის ვაგონება. — რომ მას თოფის სროლა უნდოდა ღეთისათვის, როდესაც ღმერთი არ გამოესაუბრა მას, როგორც აბრაამსა და სხვა პატრიარქებს“ ³⁾.

ეკზალტიური მისტიციზმი და მასთან დაკავშირებული ასკეტიზმი უცხოა თანამედროვე პროლეტარიატისთვის. ვისაც შეუძლია გაიგოს ეპოქის ნიშანი, ის ხედავს, რომ მომავალი ამყამად პროლე-

¹⁾ Protestation oder empietung Tome Müntzers von Stollberg am Hartzs, Alstedt 1524.

²⁾ Ausgetriickte emplössung des falschen Glaubens der ungetrewen Welt, Müllhausen 1524.

³⁾ Philipp Melancthon, Historie Thomae Münzer's, abgedrukt in „des teuren Mannes Gotes, Dr. Martin Luthers“ Sämmtlichen Schriften und Werken, Leipzig, 1729, XIX. S. 295.

ტარიაცტ ეკუთვნის და რომ სხვა კლასების სოციალური მნიშვნელობა, მაშასადამე პოლიტიკური ძალაც, მათი გონებრივი განვითარება და ზნეობრივი დონე სულ უფრო კლებულობს პროლეტარიატთან შედარებით. სინამდვილე მით უფრო აშკარად უშზადებს მას გამარჯვებას, რაც უფრო ღრმად იკვლევენ ამ სინამდვილეს და რაც უფრო გარკვევით მკვლავდება თანამედროვე საზოგადოების განვითარების ტენდენციები. მეცნიერება, რომელიც თავის მიზნად ქეშმარიტების გაბედულ გამორკვევას ისახავს, მხოლოდ პროლეტარიატის ინტერესებს შეეფერება: ეს ერთად ერთი კლასია, ქეშმარიტების გაგებაში დაინტერესებული.

რა საკვირელია, დღესაც ჰყვავის მისტიციზმი და ზებუნებრივ ძალთა წყურვილი; მაგრამ ჰყვავის არა პროლეტარიატში, არა კომუნისტებში, რომელნიც ახლა სინამდვილის ფილოსოფოსნი, მატერიალისტები არიან, არამედ მქონებელ კლასებში, რომელნიც გრძნობენ, რომ მათი აღსასრული მოახლოვებულია.

მაგრამ ამ კლასებს აღარ გააჩნია ის რწმენა და ის დიადი საქმისადმი თავდადების გრძნობა, რაც საშუალ-საუკუნეების მისტიკოსებს უმკაცრეს დევნას ათმენიებდა და სიკვდილს სიხარულით აგებებდა. ჩვენი დროის მისტიციზმი და ცრუმორწმუნოება აღარ ჰბადებს გმირებს და წამებულთ: ბოლომდის ვერ მიდის იგი ისევე, როგორც ბურჟუაზიული მეცნიერება. თანამედროვე მისტიციზმი სიამოვნებით სესხულობს მეცნიერებისგან პატარა პლაშის სალონში გამოსაჩენათ და თავს იხრის მდიდართა კაპრიზების წინაშე.

VI. ა ს კ ე ტ ი ზ მ ი .

მისტიციზმის გარდა, კომუნისტების მეორე დამახასიათებელი თვისება საშუალო საუკუნეების მიწურულში და რეფორმაციის ხანაში, თვისება, რომელიც მათ თანამედროვე კომუნისტებისაგანაც ანსხვავებს, ა ს კ ე ტ ი ზ მ ი იყო.

როგორც რომის იმპერიის დაცემის ხანაში, ისე საშუალო საუკუნეებშიაც საწარმოო ძალები ჯერ იმდენად განვითარებული არ იყო, რომ შესაძლებელი ყოფილიყო მთელი საზოგადოების უზრუნველყოფა ნეტარებისა და ფუფუნების ყოველგვარი საშუალებით. ამიტომ, ვინც საჯოჯელთაო თანასწორობას მოითხოვდა, მას ზოროტებად უნდა ჩაეთვალა არა მარტო ფუფუნება, არამედ ხელოვნებაც და მეცნიერებაც, რომელიც ხშირად ფაქტიურადაც, ამ ფუ-

ფუნებას ემსახურებოდა. მაგრამ ზოგჯერ კომუნისტები ამაზე შორსაც მიდიოდნენ. სახარელი სილატაკე ზოგიერთ ერტიკოსს აფიქრებინებდა, რომ ცოდვა მარტო განცხრომა კი არ არის, არამედ ყოველგვარი სიხარულიც და თუნდაც სრულიად უმანკო სიამოვნებაც. ერთი მაგალითი ჩვენ უკვე დავინახეთ მიუნცერის თხზულებათა ზემოთ მოყვანილ ადგილებში; მაგრამ შეგვიძლია კიდევ ბევრი ასეთი მაგალითი დავიმოწმოთ. მელანხტონი აღშფოთებული იყო ამგვარი შეხედულებებით. „ის ასწავლიდა,—გვიამბობს მელანხტონი ხსენებულ „ტომას მიუნცერის ისტორიაში“,—რომ ამ გზით უნდა მიუახლოვდეს ადამიანი ქეშმარიტ და ქრისტიანულ სათნოებას. ჯერ ისეთი მანკიერებისაგან უნდა განთავისუფლდეს იგი, როგორც არის მრუშობა, მკვლელობა, ღვთის გმობა და სხვა. ამასთან ერთად მან ხორცი უნდა მოიკლას მარხვებით და ცუდი ჩაცმა-დახურვით, ცოტა ილაპარაკოს, პირმოღუშული იაროს, წვერი არ გაიპაროს. ამ ბავშვურ მოთხოვნინებათა შესრულებას ის ხორცის მოკვლას და ჯვარს უწოდებს, რომლის შესახებ სახარებაში სწერია. ამას სერიოზულად მოითხოვს ყველა მისი ქადაგება“. ამ მკაცრი პურიტანიზმით კომუნისტებმა ანტაგონიზმი ჩამოაგდეს არა მარტო მდიდართა კლასსებთან, არამედ ხშირად მშრომელ კლასსებთანაც, რომელნიც იმ დროს ჯერ სახე იყვნენ დაუშრეტელი მხნეობით და სიცოცხლის სიყვარულით. გლეხებს და ხელოსნებს ხშირად ეჯავრებოდათ კომუნისტები, როგორც ფარისეელები. პურიტანულმა სულმა ძალიან გვიან გაიდგა ფესვები გლეხობაში და წერილ ბურჟუაზიაში. რეფორმაციის ხანამ გამოიწვია ამ საზოგადოებრივი კლასების ჩაგვრა და შევიწროება, ხოლო მონარქიული აბსოლიუტიზმის განვითარებამ უიმედოთ გახადა ყოველგვარი წინააღმდეგობა; განვითარდა კაპიტალისტური წარმოების წესი, და მომკირნებაც—„თვითშეზღუდვა“—წერილი ექსპლოატატორების უმადლეს ღირსებად გადაიქცა, რადგან ეს ერთერთი მთავარი საშუალება იყო მსხვილ ექსპლოატატორად გადაქცევისათვის. მხოლოდ ამ დროიდან დაიწყო პურიტანიზმის გავრცელება გლეხობაში და წერილ ბურჟუაზიაში.

მაგრამ სწორედ იგივე კაპიტალისტური წარმოების წესი, რომელიც გლეხებში და წერილ ბურჟუაზიაში პურიტანიზმს ავრცელებს, პროლეტართა წრეებიდან სდევნის ამ პურიტანიზმს: პროლეტარებში კაპიტალიზმი ერთსა და იმავე დროს უიმედობას ჰბადებს და იმედოვან რწმენასაც. კაპიტალიზმი ცხადყოფს, რომ პროლეტარის მდგომარეობის გაუმჯობესება ინდივიდუალური ძალღონით შეუძლებელია; კაპიტალიზმი უსპობს ცალკე პროლეტარს უკეთესი მომავლის იმედს

და არწმუნებს, რომ აწმყოს მომავლისათვის მსხვერპლად მიტანა სისულელეა. Caprediem, — ისარგებლე დღევანდელი დღით, გვერდს ნუ აუვლი ნეტარების შესაძლებლობას, — ეს ხდება დღეიხად. პირადი მდგომარეობა პროლეტარს უდარდელად და ფუქსოვატად ხდის (თუმცა, რა საკვირველია, ზრუნვისაგან არ ანთავისუფლებს): ორი მომავლინებელი ცოდვა ფილისტერ-პურიტანელის თვალში.

მაგრამ კაპიტალისტური წარმოების წესი ამავე დროს იმედს და რწმენასაც აღვივებს პროლეტარებში: თუ მათი ინდივიდუალური მომავალი სულ უფრო უნუგემო ხდება, მომავალი მათი კლასის, პირიქით, სულ უფრო დიადი ბრწყინვალეობით ისახება. დღითი დღე იზრდება პროლეტარიატში გამარჯვების იმედი და რწმენა, რადგან ხედავს, რომ ახლოვდება დღე, რომელიც ბატონად გახდის მას მისი ხელით შექმნილი ავლა-დიდებისა, და მერე როგორი ავლა-დიდების!

თანამედროვე პროლეტარს იმდენად ალარ აშფოთებს მ დ ი დ ა რ თ ა ფ უ ფ უ ნ ე ბ ა: ჩვენ უკვე აღენიშნეთ, რომ ამჟამათ ეს ფუფუნება ნაკლებათ პროვოკაციურია, ვიდრე ათასხუთასი წლის წინათ. პროლეტარიატის აღშფოთებას ის ფაქტი იწვევს, რომ ყველა ა უ ც ი ლ ე ბ ე ლ ი ს ა გ ა ნ თ ა ს ი კ ა რ ბ ი ს დ რ ო ს და მათი სიკარბის გამო პროლეტარიატი ლატაკი რჩება. პროლეტარმა იცის, რომ თანამედროვე წარმოების წესით შექმნილ კოლოსალურ საწარმოო ძალთა განვითარებამ უკვე შექმნა ისეთი მდგომარეობა, რომ პროდუქტის ნაჭარბი ყველას ეყოფა.

თუ იმ პროლეტარში, რომელიც მხოლოდ თავის პირად ბედს უწევს ანგარიშს, კაპიტალისტური წარმოების წესი უდარდლობას და ფუქსოვატობას ჰბადებს, სამაგიეროთ თავისი კლასის ბრძოლაში მონაწილე და თავისი კლასის აზრისა და გრძნობის მოზიარე პროლეტარში ის მხნეობისა და ცხოველყოფის უმაღლეს ფორმებს ქმნის.

საშუალო საუკუნეთა პროლეტარები რამდენადაც მათ შეეძლოთ დამოუკიდებელი აზროვნება და დაკვირვება, სხვანაირად აზროვნობდნენ და სხვანაირად გრძნობდნენ. რაზომ ბევრი შესახები წერტილი არ უნდა არსებულებოდა მათ პურიტანიზმსა და საქრისტიანო ასკეტიზმს შორის, განსაკუთრებით ქრისტიანობის პიროველ საუკუნეებში, ეს პურიტანიზმი მაინც არსებითად განსხვავდებოდა ასკეტიზმისაგან.

პირვანდელ ქრისტიანული ასკეტიზმის ხასიათი პარაზიტული პროლეტარიატის გავლენით იყო წარმოშობილი. ლუმპენ-პროლეტარიატის მთავარი თვისება, — ვისაც მორალისტობა სურს შეუძლია

ამას ნაკლულევენებაც უწოდოს, — იყო სიზარმაცე, უკიდურესი უსუფთაობა და გონების სიჩლუნგე. ქრისტიანული ასკეტიზმი წარმოადგენდა ზედმიწევნით გამომუშავებულ საშუალებათა სისტემას, რომლის დანიშნულებას სწორეთ ამ თვისებათა სრულქმნა და უშალლეს ხარისხამდე აყვანა შეადგენდა. ასეთი ასკეტიზმი მოგვაგონებს ინდოსტანის ასკეტიზმს (ბრამანულსა და ბუდდისტურს), რომელიც ანალოგიურ საზოგადოებრივ პირობებში განვითარდა.

მთელ წლებს და ათეულ წლებს ატარებდენ კეთილმორწმუნე ადამიანები ერთსა და იმავე ადგილას, უმოძრაოთ, ყოველგვარ გარეშე გავლენისადმი — სიცხის, სიცივის, გვალვისა და წვიმისადმი — გულგრილნი, პირდაუბანელნი, თმა გაუპარსავნი, ჩხილებ მოუჭრელნი, პარაზიტებით დაფარულნი, რომლებიც დაუბრკოლებლად მრავლდებიან მათ სხეულზე. ზოგიერთი ამ მონანიებულ წმიდანთაგანი, — ყველა ისინი ცოტა თუ ბევრად წმიდანები იყვნენ, — იმდენად ზარმაცი იყვნენ, რომ ჭამა-სმაც უჭირდათ: მათ ხელოვნურად ჰკვებავდენ კეთილი პატივისმცემელნი.

საშუალო საუკუნეების პროლეტარები მეტ წილად უკვე მუშები იყვნენ. მათ ამგვარი თავგანწირვის საშუალება არ ქონდათ. ისინი ქველმოქმედებით კი არ არსებობდენ, ე. ი. არა სხვისი ექსპლოატაციით, როგორც ანახორეტები, არამედ თავისი საკუთარი შრომით. შიმშილით რომ არ მომკვდარიყვნენ, უნდა ემოძრაენათ და საერო საქმეებზე ეზრუნათ. არც გონებრივი სიჩლუნგე და არც სიზარმაცე მათ მდგომარეობას არ შეეფერებოდა; ისინი ჯერ ასე დაგლახაკებულნი არ იყვნენ და იმდენად ახლო იდგენ ძლიერ, შეძლებულ გლეხობასთან და ხელოსნებთან, რომ ჭუჭყსა და სიბინძურეს ვერ შეეგუებოდნენ. კიდევ ნაკლებათ შეეძლოთ ყოველივე ამის ატანა იმ პროლეტარებს, რომელნიც იმდენად მალლა იდგენ, რომ კომუნისტური იდეების შეთვისება შეეძლოთ. ყველა ცნობები საშუალო-საუკუნეებისა და რეფორმაციის ხანის კომუნისტურ სექტების შესახებ ერთხმით მოწმობენ, რომ სექტანტები განირჩეოდნენ დანარჩენ წრეებისაგან თავისი შრომის მოყვარეობით, პატიოსნებით და სისუფთავით. ამ თვისებების გამო ბევრ ალაგას სექტანტებს ეძებდენ მუშებად. ამის კარგ მაგალითს გარდამნათვლელნი გვაძლევენ. გარდამნათვლელთა ერთ ნაწილს მორავიის ზოგიერთ პუნქტებში მოუხერხდა დასახლება. აქ სექტამ მშვიდობიანი ცხოვრება დაიწყო, დაარსა რამოდენიმე კოლონია, იმდენად კომუნისტური, რამდენადაც ამის საშუალებას გარეშე პირობები იძლეოდა. ჰინდელი, კაცი რომელიც სრულიადაც არ თანაუგრძნობს მათ, შემდეგს წერს ამ კოლონიების შესახებ:

„გარდამნათელელნი ცხოვრობდენ ბოჰემიაში სხვადასხვა სექტებს შორის აქა-იქ მიმოფატუნნი და მორაევიაში—დიდი მასობით მრავალრიცხოვან თემებში. ბოჰემიაში ისინი 1530 წელზე ადრე შემოსახლდენ და ისე სწრაფად გამრავლდენ, რომ 70 თემზე მეტი შეადგინეს. სახელმწიფო ხელის უფლება მათ სდევნიდა ხან მეტი, ხან ნაკლები ენერგიით, მაგრამ ეს დევნა სექტანტებმა აიტანეს რამოდენიმე აზნაურთა გვარის მფარველობის წყალობით, რასაც თავისი საფუძვლიანი მიზეზები ქონდა.

„ასე, მაქსიმლიანი მორაეიელ გარდამნათელელებსაც მისწვდა, რომელთაც უამისოდაც ხშირად ხედომა უშედეგო პროსკრიპციები. მაქსიმლიანმა, თავისი მამის ჩვეულების თანახმად, 1567 წელს სეიმში წინადადება შეიტანა გარდამნათელელთა გაძევების შესახებ მოკლე ვადაში. მაგრამ თავად-აზნაურობა ისე მოიქცა, როგორც წინათ არას დროს არ მოქცეულა. რაინდთა და ბატონთა წოდებამ, — პრელატთა წოდებას და ქალაქებს ამ თხოვნაში მონაწილეობა არ მიუღიათ, — იმპერატორს თხოვნით მიმართა, რათა გარდამნათელელნი დაეშვათ მათ საცხოვრებელ ადგილებზე. თხოვნა იმით კი არ იყო დასაბუთებული, რომ გარდამნათელელთა ერეტიკოსობა ჯერ დამტკიცებული არ არის ან რომ მათი მოქცევა უნდა სცადონ. სრულიადაც არა: თხოვნა იმ სრულიად ექვემდებარებულ საბუთს ემყარებოდა, რომ გარდამნათელელნი დიდათ სასარგებლო ქვეშევრდომები იყვნენ და რომ მათი განდევნა იმაზე მეტ ზარალს გამოიწვევს, რაც ებრაელთა განდევნამ გამოიწვია. კათოლიკენი, უტრაკვისტები და მათთან ერთად (ბოჰემიელი) ძმები დაეთანხმენ ამ განცხადებას. მართლაც, გარდამნათელელნი ყველგან უაღრესად შრომის მოყვარე, მომკირნე, ზომიერი და, გარდა ამისა, შეუდარებლად დახელოვნებული მუშები არიან მორაევიაში“.)

არაფერი ამის მხგავსი არ ითქმის პირვანდელ ქრისტიანობის აპოკალიპტიურ ფანტასტებზე და ასკეტებზე.

VII. ინტერნაციონალიზმი და რევოლუციონური სული.

კომუნისმის ყველა სახეს რომელსაც აქ ვიხილავთ: პირვანდელ ქრისტიანულს, საშუალო საუკუნეებისას და თანამედროვეს ერთი არსებითი თვისება საერთო აქვს: ყველა ინტერნაციონალურია და ეს

1) A. Hindey, Geschichte der böhmischen Brüder, Praga 1857, II, S. 19 u.

მთ პლატონის კომუნისმისაგან ანსხვავებს, რომელსაც ადგილობრივი ხასიათი ქონდა. პლატონის კომუნისტური წყობილება განზრახული იყო ცალკე საქალაქო თემებისათვის მათი ტერიტორიებით. ქრისტიანობის დროიდან კი, პირიქით, ყოველი კომუნისტი მთელი კაცობრიობისათვის მოქმედობდა ან; ყოველ შემთხვევაში, მთელი იმ ინტერნაციონალურ კულტურული ქვეყნიერებისათვის, რომელშიაც ის ცხოვრობდა. პლატონის კომუნისმის ლოკალური განსაზღვრულობა საგლეხო და სახელოსნო წარმოების პირობებს შეეფერება. საგლეხო წარმოება ადამიანს მკვიდრად ხდის, მიწის განსაზღვრულ ნაკვეთზე ამაგრებს და საესებით ნთქავს მის სამუშაო ძალას. მას შემდეგ, რაც ბოლო მოელო მომთაბარო ტომების ხეტიალს, სოფლის მოსახლეობის გონებრივი ჰორიზონტი შევიწროვდა და „საკუთარი მრევლის პოლიტიკა“ მარკის და თემის ფარგლებში გლეხობის დამახასიათებელ თვისებად გადაიქცა.

უკეთეს მდგომარეობაში არც ქალაქელი წვრილი ბურჟუა იყო საშუალ-საუკუნეებში.

თავისი ქალაქური ხელობის გარდა ის ჩვეულებრივად მიწათმოქმედებასაც ეწეოდა. მაგრამ იმ შემთხვევაშიაც, როდესაც მარტო ხელოსნობას მისდევდა, ის ერთ ადგილზე იყო მიკრული გარკვეულ ადგილობრივ მომხმარებლებზე და, ხშირად აგრეთვე, სახლის პატრონზე დამოკიდებულების გამო.

კაპიტალისტები და მუშები ამ ლოკალურ განსაზღვრულობაზე მალეა დგანან. ვაჭარი მარტო ადგილობრივ მომხმარებლებს კი არ ემსახურება, არამედ,—და უმთავრესადაც,—სამშობლოს გარეშე ვაჭრობას. რაც უფრო მკვიდრო კავშირს ქმნის გაცვლა-გამოცვლა, მით უფრო მეტ წარმატებაშია ვაჭრის საქმე. ამიტომ ვაჭარი საერთაშორისო ან, უკეთ რომ ვთქვათ, საქალაქთაშორისო კაცია. სადაც მოგებას შოულობს, იქ არის მისი ბინა.

სხვა წყაროდან გამომდინარეობს პროლეტარიატის ინტერლოკალური ტენდენციები. მას არაფერი არ გააჩნია ისეთი, რაც კაცს ერთ გარკვეულ ადგილთან აკავშირებს. შემდეგ, სამშობლო მას არაფერს ისეთს არ აძლევს, რისი შოვნა მას სხვა ადგილასაც არ შეეძლოს; არ აძლევს არაფერს გარდა ექსპლოატაციისა და ჩაგვრისა. ამიტომ საკმარისია სულ მცირე იმედი თავისი ხვედრის ცოტაოდენ გაუმჯობესებისა, რომ ის ახალ ადგილზე გადაბარგდეს.

მაგრამ ვაჭრის ინტერლოკალიზმს სულ სხვა ხასიათი აქვს, ვიდრე პროლეტარიატისას. ალებ-მიცემა უცხო ქვეყანასთან და ვაჭრის მდგომარეობა უცხო ბაზარზე იმ სახელმწიფოს მდგომარეობაზეა დამოკი-

დებული—ანტიური ქალაქი იქნება ეს თუ თანამედროვე ერი ეს სულ ერთია, — რომელსაც ვაჭარი ეკუთვნის. საქმის წარმატებისათვის მას ძლიერი სახელმწიფოებრივი ხელის უფლება სჭირია, ძლიერი განსაკუთრებით სახელმწიფო თვალსაზრისით. ამიტომ სადაც არ უნდა ცხოვრობდეს ვაჭარი, საზღვარ-გარეთ თუ სამშობლოში, ის მუდამ პატრიოტია, — პირველ შემთხვევაში უფრო მეტადაც, ვიდრე მეორეში. საშუალ-საუკუნეებიდან მოყოლებული ყველა იმ შემთხვევაში, როდესაც პირობები ხელს უწყობდა აბსოლიუტიზმის გაძლიერებას და ეროვნულ სახელმწიფოთა შექმნას, ვაჭრები მუდამ თავადებისა და შოვინიზმის მხარეზე დგებოდნენ.

პროლეტარი კი სხვა მდგომარეობაში იმყოფება. სახელმწიფოს ხელის უფლება პროლეტარის ექსპლოატატორთა და მზავრელთა უმძლავრესი ფარ-ხმალია. და რომის რესპუბლიკის დაცემიდან ვიდრე მე-XIX საუკუნემდე პროლეტარიატს არავითარი იმედი არ ჰქონდა, რომ სახელმწიფოს დაიპყრობდა და თავის ინტერესებს დაუმორჩილებდა ან თუნდაც გავლენას მოახდენდა მასზე თავის ინტერესთა სასარგებლოდ. სახელმწიფო პროლეტარიატის უდიდესი მტერი იყო და საკვირველი არ არის, რომ პროლეტარიატს ადვილათ გამოჰქონდა ამ გარემოებიდან შესაფერი ლოგიკური დასკვნა. ყველა კომუნისტურ სექტას პირვანდელი ქრისტიანობიდან დაწყებული მე-XIX საუკუნემდე ახასიათებდა არა მხოლოდ უბრალო გულგრილობა, არამედ ანტიპათიაც სახელმწიფოსადმი და უარყოფა ყოველგვარ მონაწილეობისა პოლიტიკაში და ქვეყნის დაცვის საქმეში. ანარქიზმი ამ სულიერი განწყობილების ანარეკლია. ასეთი უარყოფითი დამოკიდებულება მხოლოდ დროებით ჰქრებოდა, რევოლუციონურ ეპოქებში, როდესაც ძველი ხელის უფლება რღვევას იწყებდა და პროლეტარიატს იმედი ებადებოდა, რომ ამ ხელის უფლებას ხელში ჩაიგდებდა. მაგრამ რეაქციის ხანაში პოლიტიკის უარყოფა კიდევ უფრო სასტიკი ხდებოდა. ამ თვისებას ჩვენ კიდევ შევხვდებით ბოქემიელ ძმებთან ტაბორის დაცემის შემდეგ, გარდანამნათელელებთან — გლეხთა ომის შემდეგ და მენონიტებთან — მიუნსტერის აჯანყების დამარცხების შემდეგ.

მაგრამ კომუნისტები პირვანდელი ქრისტიანობის ეპოქიდან ყოველგვარ პირობებში აღიარებდნენ ინტერნაციონალური ანუ ინტერლოკალური სოლიდარობის მოვალეობას.

ვაჭარს საზღვარ გარეთ უყურებენ, როგორც მეტოქეს, როგორც ადგილობრივ ვაჭართა მოწინააღმდეგეს. ის არ მოეწონებოდა იქ

სტუმართმოყვარეობას და საეცებით თავის ძალას ემყარება ან თავისი სახელმწიფოს ძალას, რომელიც მას მფარველობას უწევს.

პროლეტარი კი უცხო ქვეყანაში როგორც მებრძოლი გამოდის იმავე ექსპლოატაციისა და ჩაგვრის წინააღმდეგ, რომელსაც თავის სამშობლოში განიცდიდა. დახმარებას ამ ბრძოლაში ის თავისი სახელმწიფოსაგან კი არ მოელის, არამედ მხოლოდ იმ ქვეყნის პროლეტარებისაგან, რომელშიაც შემოსახლდა და სადაც ის ადგილობრივ ამხანაგებთან ერთად საერთო ბრძოლას ეწევა.

რა თქმა უნდა, როდესაც პროლეტარი თავის თავში ხედავს არა მებრძოლს, არამედ თავისი სამუშაო ძალის გამყიდველს, მაშინ უცხოეთიდან მოსულ პროლეტარებს უფრო კონკურენტებად მიიჩნევს, ვიდრე თანამებრძოლ ამხანაგებად, და მაშინ ინტერნაციონალური სოლიდარობის მისწრაფებაც ადვილად შესუსტდება.

მაგრამ ეს კომუნისტებს არ ეხება. ესენი უწინარეს ყოფლისა მებრძოლები არიან ექსპლოატაციისა და ჩაგვრის წინააღმდეგ და ყველგან ერთსა და იმავე მტერს ხედებიან, ერთსა და იმავე დევნას განიცდიან. ეს აკავშირებს მათ ერთმანეთთან. პირვანდელი ქრისტიანობის დროიდან ყოველ დაკვირვებულ კაცს თვალში ეჩრება კომუნისტების ის განსაკუთრებული თვისება, რომ ყველა ისინი ერთ დიდ ოჯახს შეადგენენ, რომ უცხო ქვეყნის ამხანაგი ისეთივე ძმა არის მათთვის, როგორც თანამემამულე და რომ ყველგან, სადაც მისი ამხანაგები მოიპოვება, თავს ისე გრძნობს, როგორც საკუთარ სახლში. ამ თავისებურებისა და აგრეთვე კომუნისტებში საკუთრების უქონლობის გამო (ყოველ მესაკუთრეს, მათთან მიმხრობილს, თავისი ქონება ღარიბთა შორის უნდა გაეყო, თუ სურდა მასწავლებლად ემუშავნა მათ შორის),—მათი ბელადნი და აგიტატორები ადვილად მიმოდრიოდენ ერთი ადგილიდან მეორეზე. ძალიან მოძრაენი იყვნენ და განუწყვეტლივ მოგზაურობდენ; ხშირად ისეთ დიდ მანძილს გაივლიდენ ხოლმე, რომ დღესაც, რკინის გზის ხანაში, კაცში გაკვირვებას გამოიწვევენ. ასე, მაგ., ბოჰემიის ვალდენელებს მუდმივი მიმოსვლა ქონდათ სამხრეთ-საფრანგეთის ვალდენელებთან.

ამ მიზეზით კომუნისტებმა უდიდესი მნიშვნელობა მოიპოვეს იმ დროის დაბალ კლასთა ყველა რევოლიუციონურ მოძრაობაში.

გლეხობისა და წვრილი ბურჟუაზიის ლოკალური განსაზღვრულობა უდიდეს დაბრკოლებას წარმოადგენდა საშუალ-საუკუნეების რევოლიუციონურ მოძრაობებში. ამან შექმნა დაბალი კლასების უაღრესად არახელსაყრელი მდგომარეობა მათი კარგათ შეკავშირებულ მოწინააღმდეგებთან შედარებით. და თუ როდისმე ხერხდებოდა

ამ განსაზღვრულობის გადალახვა და სხვადასხვა კუთხის რევოლუციონურ მოძრაობათა ურთიერთ შეთანხმება, ეს უმთავრესად იმავე მოგზაურ კომუნისტ-მოქადაგეთა ამაგი იყო. ის გამარჯვება, რომლითაც გლახთა 1381 წლის აჯანყება დაიწყო ინგლისში და ტაბორიტთა მოძრაობა—ბოჰემიაში დიდ წილად ამ მოგზაურ კომუნისტ-მოქადაგეთა გამაერთიანებელ გავლენას უნდა მიეწეროს. ასევე მოქმედობდნენ ისინი—და მათ შორის განსაკუთრებით ტომას მიუნცერი—1525 წლის დიდი გლახთა ომის დროს გერმანიაში. მაგრამ გერმანული პარტიკულიარიზმი მეტად ძლიერი იყო და მოგზაურ-მოქადაგებმა ვეღარ შესძლეს მისი დაძლევა.

ეს აჯანყება უმთავრესად ამ დაქსაქსულობის მიზეზით დამარცხდა.

— აქ ჩვენ მიუხაზოვდით ერეტიკული კომუნისმის კიდევ ერთ მნიშვნელოვან და უკანასკნელ თვისებას, რომელიც სწორეთ ამ გზით უნდა განვიხილოთ,—თვისებას, რომელიც მას პირვანდელ ქრისტიანულ კომუნისმისაგან ანსხვავებს და, პირიქით, თანამედროვე კომუნისმთან ანათესავებს: ლაპარაკი გვაქვს ერეტიკული კომუნისმის რევიოლუციონურ სულზე.

პარაზიტულ პროლეტარიატს სიმბდალე და თავმდაბლობა ახასიათებს. არ შეიძლება ითქვას, რომ მას მდიდრები არ სძულს. ეს სიძულვილი მასში, ყოველ შემთხვევაში, იმდენადღე ძლიერია, როგორც მუშა-პროლეტარებში. ამის კვალს სახარებაშიაც ვააულობთ. მოვიგონოთ თუნდაც იგავი ღარიბ ღაზარეს შესახებ.

მდიდრის და ღარიბის ზნეობრივ თვისებებზე იგავში სიტყვაც არ არის ნათქვამი. აბრაამის წიალში ღაზარე იმისთვის კი არ მოხვდა, რომ კარგი კაცი იყო, არამედ იმიტომ, რომ ის გაქირვებულად ცხოვრობდა. მდიდარზედაც ცუდი რამე არ არის ნათქვამი, — მისი სიმდიდრე არის საკმარისი იმისათვის, რომ ჯოჯოხეთში დაისაჯოს წამებით, რომლის შემცირება აბრაამს არ შეუძლია და, სჩანს, არც სურს. თუ ეს სიძულვილი არ არის მდიდართა მიმართ, როგორც ასეთებისა, თუ ეს აშკარა კლასობრივი სიძულვილი არ არის, მაშინ კლასობრივი სიძულვილი საზოგადოთ არ არსებულა.

მაგრამ იგავი ღარიბ ღაზარეს შესახებ იმასაც გვიჩვენებს, თუ რაში იხატება პარაზიტული პროლეტარიატის კლასობრივი სიძულვილი: ოცნებაში ის საშინელ საწამებელს უგონებს მდიდრებს და მათი წამების ცქერით სტკება, მაგრამ ეს ოცნებაა მხოლოდ. მას სძულს მდიდრები, მაგრამ იცის, რომ თვითონაც ზედმეტი ბარგია საზოგადოებისათვის: ის მხოლოდ მდიდართა წყალობით ცხოვრობს

და რაც უფრო სძულს ისინი, მით უფრო თავმდაბლად და ლაჩრულად მლიქნელობს მათ წინაშე. განსაკუთრებით ნათლათ უნდა გამოჩენილიყო ეს რომის იმპერიის ხანაში, საზოგადოებაში, რომელმაც ყველა რესპუბლიკანულ-მოქალაქეობრივი ღირსება დაჰკარგა, რომელშიაც არც ერთ კლასს აღარ სწამდა თავისი ძალა და ყველგან ლაჩრობა და ქვემძრომაობა მეფობდა. საკვირველი არაა, რომ ეს თვისებები იმ დროის ქრისტიანობამაც შეიძინა მას შემდეგ, რაც ებრაელობის მემამბოხურ ელემენტებს მოსწყდა და რომ ამის სრულიად ექვემდებარებული კვალი იმ ხნის საქრისტიანო თხზულებებშიაც დარჩა.

ამიტომ იყო, რომ საშუალ-საუკუნეთა მიწურულში ჩასახულ აბსოლიუტურ მონარქიისათვის, მისი მატერიალიზმის მიუხედავად, ახალი აღთქმის წერილები იმგვარსავე სასურველ იარაღს წარმოადგენდა, როგორც რომის სამართალი, ქრისტიანობასთან ერთ ხანაში წარმოშობილი. ეს რელიგია, სთქვენს სუვერენებმა, ხ ა ლ ხ ი ს ა თ ვ ი ს უნდა შეეინახოთ.

ხალხი კი, ე, ი. გაყვლეფილი კლასები, გლეხობა, წვრილი ბურჟუაზია და პროლეტარიატი, სხვანაირად ფიქრობდა. ეს ისეთი ხალხი არ იყო, როგორც დაცემულ რომის საზოგადოებაში. ამ შეიარაღებულმა და მდაბიურად ჯიუტმა ხალხმა ვერას გზით ვერ გაიგო ის მოძღვრება, რომლის თანახმად კაცმა მეორე ყბა უნდა შეუშვიროს იმას, ვინც ერთ ყბაში მას სილა გაართყა. მოძღვრება, რომელიც ურთიერთ დახმარებას უარჰყოფს, ვინაიდან შურის გება ჩემიაო, ამბობს ქრისტე, და ვინც მახვილს აიღებს, მახვილისაგან დაილუპებაო; მოძღვრება, რომელიც ქრისტიანულ მოვალეობად მღუმარე ტანჯვასა და მოთმინებას აღიარებს. როდესაც ხალხმა შესძლო თვითონ გასცნობოდა ბიბლიას,—კათოლიკურ სამღვდელეობას კარგათ ესმოდა, თუ რატომ უნდა დარჩენილიყო ბიბლიის ცოდნა მის განსაკუთრებულ პრივილეგიად,—ახალი აღთქმიდან ხალხმა შეითვისა მხოლოდ სიძულვილი მდიდართა მიმართ და არა მოძღვრება თავმდაბლობისა და თვითგანწირვის შესახებ. ახალი აღთქმის უსაყვარლეს ნაწარმოები ერეტიკულ დაბალ კლასებისათვის აპოკალიპსი გახდა: ეს პირვანდელ ქრისტიანეს რევოლუციონური და სისხლმორეული ფანტაზიები, რომელშიაც არსებული საზოგადოების ზარით და ვაებით დალუპვა არის აღთქმული, და რომელთან შედარებით უმანკობად სჩანს ყოველივე ის, რაც უკიდურეს ანარქიზმს გამოუჩენია აქამდის მოქმედებით თუ მუქარით. მაგრამ აპოკალიპსის გარდა დაბალ კლასთა ერეტიკული ელემენტები გულმოდგინეთ სწავლობდნენ ძველს აღთქმასაც, რომელიც გლეხური დემოკრატიის მოგონებებით არის გამ-

სკეალული და სიძულვილის გარდა აქტიურსა და დაუნდობელ ბრძოლას მოითხოვს ტირანთა, მდიდართა და ძლიერთა წინააღმდეგ.

უკვე ლიუტერი გლენტა ომის დროს თავის თბხულებში „მძარცველ და ავაზაკ გლენტა წინააღმდეგ“ ძველს აღთქმას, ხშირად გლენტომოყვარულს, უპირდაპირებდა ახალ აღთქმას, მეფეებისადმი კეთილგანწყობილს: „გლენტებს ვერ უშველის იმაზე მითითება, რომ „დაბადების“ 1 და 2 თანახმად ყველაფერი თავისუფლად და საზიაროდ არის გაჩენილი და ჩვენ ყველანი ერთნაირად ვართ მონათლული. ვინაიდან ახალ აღთქმაში მოსეს აღარ აქვს ადგილი და მნიშვნელობა, იქ ჩვენი მოძღვარი იესო ქრისტე დგას და ჩვენი სხეულით და ქონებით კეთისარსა და საერო სამართალს გვამორჩილებს“ და სხვ.

კომუნისტური სექტების მომხრეებზედაც მოახდინა გავლენა დაბალ კლასთა საომარმა სულის განწყობილებამ. მაგრამ მეტად სუსტი იყვნენ ისინი, მათი არსებობა მდიდართა და ძლიერთა შეწყნარებაზე იყო დიდად დამოკიდებული და ამიტომ მშვიდობიანობის დროს მათ შორის ვერ გაჩნდებოდა აზრი არსებული საზოგადოების ძალით დანგრევასა და მის ნაცვლად კომუნისტური საზოგადოების შექმნის შესახებ. თუმცა რომის პარაზიტ-პროლეტარებზე თავს არ იმდაბლებდნენ და არ მლიქვნლობდნენ, მაგრამ საერთოდ რეფორმაციის ხანამდე კომუნისტები მშვიდობიან ხალხს წარმოადგენდნენ და მათ მშვიდობიანობის მოყვარეობასა და მოთმინებას ყველა ცნობები ისეთივე ერთსულოვნებით ამოწმებენ, როგორც მათ შრომისა და სისუფთავის მოყვარეობას.

მაგრამ როდესაც რევოლიუციონური ხანა დგებოდა და ყოველის მხრიდან აჯანყებული გლენტები და ხელოსნები გამოდიოდნენ, მაშინ რევოლიუციონური ენტუზიაზმი კომუნისტებსაც ფრთას ასხამდა აიტანდა. მაშინ მათ, —ყოველ შემთხვევაში ნაწილს, რადგან ამ საკითხზე მათ შორის ერთი აზრი არ არსებობდა, —ებადებოდნათ აზრი რომ დადგა დრო, როდესაც დიად ლეთაებრივ ძალას ამა ქვეყნის დაბალნიც გამოიჩინენ და არაერთარი სასწაული შეუძლებელი არ არის. მაშინ რევოლიუციონურ მოძრაობას უერთდებოდნენ, რათა იგი კომუნიზმისათვის გამოეყენებიათ. და რაკი ერთხელ რევოლიუციონურ მოძრაობაში ჩადგომით მათთვის შეუძლებელი სდებოდა რაიმე კომპრომისი არსებულ ხელის უფლებასთან და რადგან სხვა გზა რაიმე გაუმჯობესებისა არსებული საზოგადოების პირობებში არ არსებობდა, მალე იმხრობდნენ მერყევს და გაუბედავ ელემენტებს და ადვილათ ხდებოდნენ მოძრაობის წინამძღოლები: ფრა-დოლჩინო გლენ-

თა ომს მეთაურობდა ტოსკანაში, ჯონ ბოლლი—გლახთა ომს ინგლისში, ტაბორიტები—გუსიტურ მოძრაობას, მიუნცერი და მისი მიმდევარნი—ტიურინგენში აჯანყებულთ გლახთა ომის დროს. მთელს სახალხო მოძრაობებს ასვამდენ ისინი კომუნიზმის ბეჭედს და ისეთი ძლიერების სიცხადეს ქმნიდენ მოძრაობაში, როგორც ნამდვილად მას ჯერ არ გააჩნდა. სწორედ ეს იწვევდა ყველა მესაკუთრეთა გაერთიანებას კომუნიზმთან ბრძოლაში: დამფრთხალნი და გაბოროტებულნი ბოლომდის არბევდენ მოძრაობას. ეს რევოლუციონური სული დაბალ კლასსთა რევოლუციონურ მოძრაობისა საშუალ—საუკუნეების დამლევიდან იმ თავისებურობას წარმოადგენს, რომელნიც, სხვა მხრით მზგავსების მიუხედავად, ყველაზე უფრო მკათიოდ ანსხვავებს მას პირვანდელ ქრისტიანულ კომუნიზმისაგან და ყველაზე ნათლად მეტყველებს მის ნათესაობაზე თანამედროვე პროლეტარულ-კომუნისტურ მოძრაობასთან.

პირვანდელ ქრისტიანული კომუნიზმი აპოლიტიური და პასიური იყო. პროლეტარული კომუნიზმი კი პირიქით, საშუალო საუკუნეების დამლევიდან მოყოლებული ბუნებრივი აუცილებლობით იმისკენ მიიმართებოდა, რომ ხელსაყრელ პირობებში პოლიტიკური და ამბოხებითი ხასიათი მიეღო. მზგავსად თანამედროვე სოციალ-დემოკრატიისა, ის ასეთ შემთხვევებში თავის მიზნად პროლეტარიატის დიქტატურას ისახავდა, როგორც ყველაზე უფრო საიმედო იარაღს კომუნისტური საზოგადოების განხორციელებისათვის.

თავი მეორე.

ერეტიკული კომუნიზმი იტალიაში და სამხრეთ საფრანგეთში.

I. არნოლდ ბრეშიანელი.

როგორც უკვე აღვნიშნეთ ამ წიგნის პირველი ნაწილის დასაწყისში, საშუალ-საუკუნეების ქალაქები ყველაზე ადრე იტალიაში და სამხრეთ-საფრანგეთში განვითარდნენ; აქვე იჩინა თავი პირველად საშუალ-საუკუნეების კომუნიზმმა; მაგრამ ამ ქალაქებშივე გაჩნდა პირველად აგრეთვე ერეტიკოსობა და პირველი რეფორმატიული მისწრაფებანი.

გერმანელმა მეცნიერებმა ერთი სულელური დებულება წამოაყენეს: თითქოს მხოლოდ გერმანელ ხალხებს გააჩნდა ის განგებინობა და ქვეშარითი მორწმუნეობა, ურომლისოდ საეკლესიო რეფორმის მისწრაფება ვერ წარმოიშობოდა. ნამდვილად კი რეფორმატორულ მოძრაობას იტალიაში ჩვენ უკვე იმ დროს ვხვდებით, როდესაც გერმანიაში ჯერ რეფორმის ხსენებაც არ იყო.

უწინარეს ყოვლისა ამ მოძრაობამ თავი იჩინა თვით რომში, ქრისტიანობის დედა-ქალაქში. საშუალო საუკუნეებისათვის რომს მეტი უფლებით შეგვიძლია უწოდოთ „ვეროპის გული“, ვიდრე პარიზს დიდი რევოლუციისა და 1870-1871 წ. წ. ომის შუა პერიოდში.

რომში მოდიოდა და რომში სწყდებოდა, როგორც უკანასკნელ ინსტანციაში, არათუ ყველა საეკლესიო საქმეები,—ეს საქმეები კი თითქმის მთელი ცხოვრების შინაარს შეადგენდა საშუალ-საუკუნეებში,—რომი იყო სამხატვრო და ლიტერატურული ცენტრი, უზენაესი სამსჯავრო ყოველგვარ, და სხვათა შორის, საერო კონფლიქტებისათვის და—last but not least—უფაჩიხეს განცხრომისა და გართობის ცენტრი. რომისაკენ მიეშურებოდნენ ყველანი, ვინც შევიწროებულად გრძნობდა თავს და სამშობლოში სამართალს ვერ პოულობდა; ვინც უმაღლეს სიბრძნეს უნდა დასწაფებოდა

ან უნაწეს ესტეტიურ განცდებს ნატრულობდა; ვისაც სამშობლოში ცხოვრება მოსწყენოდა და ვისაც ზედმეტი ფული ებადა. ყველა ასეთი რომში იყრიდა თავს; და რა მრავალნაირიც არ უნდა ყოფილიყო ის მოტივები, რომელსაც ისინი რომში მიყავდა და რა რიგ სხვადასხვა ნაირი არ უნდა ყოფილიყო მათ მიერ მიღწეული შედეგები, ერთ რამეში მათი ბედი ერთნაირი იყო: ყველა ფლანგავდა თავის ფულს, და ზოგჯერ, სხვისასაც.

რომი საშუალო საუკუნეებში, ისევე როგორც დღეს, მაგრამ მაშინ გაცილებით მეტად, ვიდრე ამჟამათ, უცხოელთა ქალაქი იყო, უცხოელებით ცხოვრობდა და უცხოელთა წყალობით წარმატულობდა. უცხოელთა მოზიდვა რომისაკენ ერთი უდიდესი მიზანთაგანი იყო, რომელსაც პაპები ემსახურებოდნენ.

უცხოელთა ისეთი მოსანადირებელი საშუალება, როგორიც მსოფლიო გამოფენებია, საშუალო საუკუნეებში ჯერ ცნობილი არ იყო. პაპებმა სხვა საშუალება მოიგონეს, არა ნაკლებ სარფიანი:

საიუბილეო შენდობა ანუ საღეთო წელიწადი. ვინც გარკვეულ წელს რომში ჩამოვიდოდა, თავის ცოდვათა სრულ შენდობას მიიღებდა. ამ ხერხმა გასკრა. როგორც 1889 და 1900 წ.წ. ხალხი ათასობით მიილტვოდა პარიზისაკენ იმ საბაბით, რომ რაღაცას შესწავლა სურდა, ნამდვილად კი — მხოლოდ დროს გასატარებლად, ისე საღეთო წლებშიაც მრავალრიცხოვანი მასსები თავს იყრიდა რომში, იგემებდა იქ ყველა იმ დროს ცნობილ ცოდვებსა და გარყენილებას და შემდეგ სახლში ბრუნდებოდა უფრო უცოდველი, ვიდრე რომში ჩამოსვლამდის იყო. პირველი ასეთი საიუბილეო შენდობა პაპმა ბონიფაცი მე-VIII-ემ მოაწყო 1300 წელს. იმ წელიწადს რომში თავმოყრილ უცხოელთა რიცხვის გამორკვევა „ძნელია და სწორი არ იქნება; ციფრები გაზვიადებული უნდა იყოს გაქნილ სამღვდელოების მიერ, რომელმაც კარგათ იცოდა, თუ როგორ გადამდებია სხვისი მაგალითი. ერთი წინდახედული ისტორიკოსი, ზეიმის მოწამე, სხვათა შორის გვარწმუნებდა, რომ რომში არასოდეს არ ყოფილა ო რ ა ს ა თ ა ს ზ ე ნაკლები უცხოელი, მეორე მოწამე კი ჩამოსულ უცხოელთა რიცხვს წლიურად ო რ მ ი ლ ი ო ნ ა დ ანგარიშობს. რა მცირედიც არ უნდა ყოფილიყო თვითეთლი სტუმრის საჩუქარი, საერთოთ მაინც ისეთი დიდი თანხა დგებოდა, რომ უდიდეს მეფის საქურტლეს აავსებდა; ორი მღვდელი დღე და ღამე ნიჩბებით ხელში იდგნენ, რომ დაუთვალავად ეგროვებინათ წმ. პეტრეს საკურთხეველზე მოძღვნილი ოქრო და ვერცხლი. საბედნიეროთ ის დრო მშვიდობიანი და ბარაქიანი იყო. მართალია, საარსებო საგანთა ნაკლებობა

საგრძნობი იყო და სასტუმროები და ბინები არაჩვეულებრივად ძვირად ფასობდა; მაგრამ წინდახედულმა პოლიტიკოსმა ბონიფაციმ და სტუმართმოყვარე და მოგებას დახარბებულმა რომაელებმა თადარიგი დაიჭირეს და აუარებელი პური, ღვინო, ხორცი და თევზეულობა ოამარავეს. (Gibbon, Geschichte des Verfalls und Untergang des römischen Veltreichs, deutsch von Sporschil, Leipzig 1837, მგვ. 2573).

პირველად ისე იყო განზრახული, რომ ყოველ ასი წლის განმელობაში მხოლოდ ერთი „სალეთო წელიწადი“ გაიმართებოდა; მაგრამ საქმე იმდენად შემოსავლიანი აღმოჩნდა, რომ პაპებმა და რომაელებმა მისი გახშირების სურვილი იგრძნეს. პერიოდები ერთი საიუბილეო შენდობიდან მეორემდე თანდათან მცირდებოდა: ჯერ 50 წლამდე, მერე 33-მდე და ბოლოს 25 გახდა.

ეს მხოლოდ ერთი ნიმუშია უცხოელთა და მათი ფულის მოსანადირებელ საშუალებათა. საშუალ-საუკუნეების სამარადისო ქალაქი საიუბილეო შენდობის გამოგონებამდე დიდი ხნით ადრე გამოვიდა თავის წინანდელ ბეჩავი მღვდმარეობიდან და ყველა სხვა ქალაქზე ადრე მოიხვეჭა ძალა-უფლება და დიდი გავლენა. მაგრამ რომში იგივე ხდებოდა, რაც სხვა ქალაქებში: სიმდიდრისა და ძლიერების პარალელურად იზრდებოდა თვითშეგნება და დამოუკიდებლობის სული ქალაქის მცხოვრებლებში. და სხვა ქალაქის მცხოვრებლებსავე რომაელებიც ცდილობდნენ თავიდან მოეშორებინათ თავისი უფალნი,— პაპი, იმპერატორი, ან ორივე ერთად. საშუალ-საუკუნეების რომი 1789—1871 წლების პარიზს ჰგავდა არა მარტო როგორც „ევროპის გული“, არამედ აგრეთვე როგორც რევოლიუციების დედა-ქალაქი.

„ვის არ გაუგონია, —აცხადებდა მემბოხე ხალხით აღშფოთებული ბერნგარდ კლერვოსელი მე-XII საუკუნეში, —ვის არ გაუგონია რომაელთა ურჩობა და თავხედობა, —იმ ხალხის, რომელიც ამბოხებებში არის აღზრდილი, მუდამ შფოთაეს და ველური, აღვირახსნილი ზიზღს უცხადებს მორჩილებას, თუ საკმაოთ ძლიერია წინააღმდეგობის გასაწევად? როდესაც სამსახურს გპირდებიან, ბატონობისაკენ ესწრაფიან; როდესაც ერთგულებას შემოგთიკავენ, მხოლოდ შემთხვევას ელიან ამბოხებისათვის; და ყოყინით გამოსთქვამენ უკმაყოფილებას, როდესაც მათ წინ კარი იხურება და მათ რჩევას არ საჭიროებენ. უსინიდისობაში დახელოვნებულთ, არას დროს არ უსწავლიათ სიკეთის ქმნის ხელოვნება. ცით და მიწით შექულებულნი, ღვთის წინაშე უღირსნი, ერთმანეთის მიმართ მემბოხენი და მეზობ-

ლისადმი მოშურნე, ისინი არავის არ უყვარს; ყველას აფრთხობენ და თვითონ მუდამ ბედითი შიშით ცხოვრობენ. მორჩილებას არ კადრულობენ, მაგრამ ბატონობის უნარი არ შესწევთ; ხელის უფლების ორგულნი, თავისი სწორის მოქიშენი, მფარველთა უმადურნი, სირცხვილი არ იციან არც მოთხოვნაში და არც უარისყოფაში“. 1)

ასე გეგონებთ, გერმანელი ბურჟუა ლანძღავს 1871 წლის პარიზელებს!

იმ დროს, როდესაც პაპების ძალა-უფლებამ ქრისტიანობაში თავის მწვერვალს მიღწია, თვით რომში ისინი უძღური იყვნენ „პაპები, რომელნიც ხელმწიფეებსა და ერებს ზარს სცემდნენ თავისი ანათემებით და დასავლეთის ეკლესიაზე ბატონობდნენ თავისი ძალა-უფლების უსაზღვროების სრული შეგნებით, იშვიათად პოულობდნენ სიმშვიდეს თვით რომში; არსად არ იყო მათი ხელის უფლება ისე სუსტი, როგორც საკუთარ ქალაქში და საკუთარ ოლქში. ლტოლვილებივით ბორგავდნენ აქ ისინი, თავისი ხალხის წყევლა-კრულვით დევნილნი“. 2)

განსაკუთრებით გასაოცარს და ცნობილს, მაგრამ არა ერთადერთ მაგალითს იმისა, თუ რა უძღური იყვნენ მსოფლიოს მპყრობელნი თავისივე ქალაქის მცხოვრებელთა წინაშე, პაპი გრიგოლ მე-VII იძლევა: გერმანიის იმპერატორი ჰენრიხ IV მან აიძულა კანოსაში წასულიყო დანაშაულის მოსახდელად, მაგრამ რომაელებს ვერ აუვიდა. რომიდან გაიქცა, რადგან აქ ხიფათს მოელოდა, და სალერნოში მოკვდა ნებაყოფლობით ხიზნობაში.

თავის შფოთიან ქვეშევრდომთა დამორჩილება პაპებმა მხოლოდ მე XV საუკუნეში შესძლეს სუვერენთა ხელისუფლების საყოველთაოთ გაძლიერების შემდეგ.

ევგენი IV უკანასკნელი პაპი იყო (პიი IX-მდე 1848 წ.), რომელიც იძულებული იყო გაქცევით დაეღწია თავი რომაელთა აჯანყებისთვის.

ასეთი აღვირახსნილ და არა-ეკლესიურად განწყობილ მოსახლეობას ადვილად ძლედა იმის სურვილი, რომ სამღვდელთა სილარიბესაკენ მოექციათ სახარების თანახმად, ე. ი. ხელში ჩაეგდოთ მთელი სიმდიდრე, რაც ეკლესიას მოუხვეჭია და რომში/დაუგროვებია. მაგრამ, ცხადია, საკმარისი იყო სულ რამოდენიმე წელიწადი

1) ციტატა ამოღებულია გიბბონის წიგნიდან, loc. cit. გვ. 2551. ეს შავი სურათი, ცხადია, ქრისტიანულ სიყვარულის ფერებით არ არის დახატული — ფიქრობს გიბბონი.

2) Giesebrecht, Deutsche Kaiserzeit, III ტ. S. 550.

ეცხოვრათ რომაელებს უპაპოთ, რომ დაენახათ, თუ რაში მდგომარეობს მათი არსებობის დაუშრეტელი წყარო.

საკვირველი არ არის, რომ საეკლესიო რეფორმის პირველი სერიოზული ცდა რომმა უკვე XII საუკუნის შუა წლებში მოახდინა; ეს ცდა არნოლდ ბრეშიანელის სახელთან არის დაკავშირებული. აბელიარის მოწაფე, არნოლდი ძალიან გაბედულად ამხედრდა სამღვდელთების საერო საკუთრების წინააღმდეგ და, როგორც უკვირანესი რეფორმატორები, პირვანდელ ქრისტიანობას იმოწმებდა ამ საქმეში. მაგრამ ის კომუნისტი არ იყო: საეკლესიო ქონება მისი აზრით ერის წევრთა შორის კი არ უნდა გაყოფილიყო, არამედ საერო ხელმწიფეებს გადასცემოდა. ამ „ერესის“ გულისთვის ის გაძევებული იქნა საფრანგეთიდან, სადაც აბელიარს უსძენდა პარიზში. შემდეგ შვეიცარიაში შეიხიზნა. 1145 წელს რომში ჩამოვიდა, აქ მემამოხე დემოკრატიის მფარველობა მოიპოვა და თავს იღო ამ დემოკრატიის ინტერესთა დაცვა.

მაგრამ ეს მოძრაობა, რომელიც სულ ათიოდე წელი ძლივს გაგრძელდა, უკვე შეწყდა. რომაელებმა მალე შეიგნეს, რომ ერთგვარი მორიდება პაპობისადმი მათთვის საზიანო არ იქნება: მართლაც, რატომ უნდა დაეკლათ ქათამი, რომელიც ოქროს კვერცხებსა სდებდა? რომის დიდება და სიმდიდრე ვაჭრობა-მრეწველობით კი არ იყო შექმნილი, არამედ პაპების მიერ ქრისტიანულ ქვეყნიერების ექსპლოატაციით. საშუალ-საუკუნეების რომაელნი, ანტიურ რესპუბლიკის რომაელებსავე, მსოფლიოს ექსპლოატაციით ცხოვრობდნენ. შეიცვალა მხოლოდ ამ ექსპლოატაციის მეთოდები. 1154 წელს რომაელებმა ზავი ჩამოაგდეს პაპთან და არნოლდ ბრეშიანელი განდევნეს. სახელგანთქმულმა ფრიდრიხ I ბარბაროსსამ, რომელსაც არნოლდი ხელში ჩაუვარდა, პაპის ჯალათებს გადასცა თავისი ტყვე; ამით კი არ დააყოვნეს და დასწვეს ის, როგორც გავარდნილი ერეტიკოსი.

II. ვალდენელები.

უფრო ღრმად გაიდგა ფესვი ერეტიკულმა მოძრაობამ ჩრდილოეთ იტალიაში და, განსაკუთრებით, სამხრეთ საფრანგეთში. აქ საშუალო საუკუნეებში ყველა სხვა დასავლეთ ევროპის ქვეყნებზე უფრო ადრე განვითარდა ვაჭრობა და ქალაქის მრეწველობა. სამხრეთ იტალიას ჩვენ გვერდს აუვლით, რადგან საშუალ-საუკუნეებში ის უფრო აღმოსავლეთს ეკუთვნოდა ვიდრე ევროპულ დასავლეთს. მისი

კულტურა უფრო ბიზანტიური და სარაციონული იყო, ვიდრე ქრისტიანულ გერმანული. ჩრდილოეთ იტალიაში და სამხრეთ საფრანგეთში ყველაზე ადრე ჩამოყალიბდა ბურჟუაზია და კარგათ განვითარებულ სახელოსნო წარმოების გარდა, რომელიც ადგილობრივ მოთხოვნილებებს აკმაყოფილებდა, მასიური საექსპორტო წარმოების განვითარებაც დაიწყო. წარმოიშვა პროლეტარიატი და კაპიტალიზმის ისტორიული ექსპლოატაციის პირვანდელი ფორმები.

ჩრდილოეთ იტალიის ქალაქთა სიმდიდრემ ძალიან ადრე მოიპყრო პაპების სიხარბე. მაგრამ ამავე სიმდიდრემ თავისი დამოუკიდებლობისათვის ბრძოლის ძალა მისცა ქალაქებს; ხშირად იმარჯვებდნენ კიდევ და დამოუკიდებელი ხდებოდნენ.

მაგრამ იყო პირობები, რომელიც, მეორეს მხრით პაპებთან აახლოვებდა ჩრდილოეთ იტალიის ქალაქებს. იტალიის ქალაქთა სიმდიდრის მონადირება გერმანელ იმპერატორებსაც (კაიზერებს) სწყუროდათ; ისინი აჭებდნენ კონკურენტები იყვნენ იტალიის ექსპლოატაციის საქმეში რაც უფრო ნაკლები საშოვარი რჩებოდათ იმპერატორებს ეკონომიურად ჩამორჩენილ გერმანიაში, ნით უფრო მეტის გამორჩენას ცდილობდნენ ისინი იტალიის მდიდარ ქალაქებისაგან. და რაზომ უძლურიც არ უნდა ყოფილიყვნენ ისინი გერმანიაში, იტალიაზე თავის უჩაღლურ ლაშქრობისათვის, ე. წ. რომაულ ლაშქრობისათვის მათ მრავალი მონაწილის პოვნა შეეძლოთ. გერმანელი ისტორიკოსები კი ამ ლაშქრობას იდეალიზმის ყველა გრძნებით ამკობენ, რაც მათ მრავლათ მოეპოვებათ.

ამგვართ, ჩრდილოეთ იტალიის ქალაქებს საქმე ორ, ერთმანეთთან მებრძოლ ექსპლოატატორთან ქონდათ. სანამ ქალაქები ინდენად ძლიერი არ იყვნენ, რომ ორივე მტრის წინააღმდეგ შესძლებოდათ თავისი დამოუკიდებლობის დაცვა, ისინი იძულებული იყვნენ რომელიმე ერთ ექსპლოატატორთან დაეკირათ კაეშირი, რათა თავი ეხსნათ მეორესაგან.

საკითხი იყო, რომელი ექსპლოატატორი უფრო საშიშარია მათთვის: ჯარით სუსტი, მაგრამ ახლო მყოფი პაპი, რომელსაც ძლიერი დასაყრდენი ქონდა ყოველ ქალაქში მისი ხელკვეითი სამღვდლოების სახით, თუ არმიით ძლიერი, მაგრამ, ჩვეულებრივად დიდი მანძილით დაშორებული იმპერატორი. ქალაქების სიმპატიები გარემოების მიხედვით იცვლებოდა: ღღეს იმპერატორს უკავშირდებოდნენ, რათა გვალ მის შეგობრებს და მასაც თავს დასამოდენ და წინააღმდეგპარდა ამისა თვითვე ქალაქშიაც არსებობდა ერთის მხრით იმპერატორის პარტია, რომელსაც XIII საუკუნიდან გიბელინების პარ-

ტია ეწოდებოდა, და მეორეს მხრით პაპების პარტია, ე. წ. გველფების პარტია. პირველ შეხედვით ყოველგვარი წინააღმდეგობა პარტიებსა და კლასებს შორის ქალაქებში აიხსნებოდა იმპერატორისა და პაპობის მიმდევართა ურთიერთ ანტაგონიზმით: თუ ერთი კლასი ან პარტია იმპერატორს მიემხრობოდა ან მას დახმარებას სთხოვდა, ეკვი არ არის, რომ მეორე, მისი მოწინააღმდეგე კლასი ან პარტია, პაპებს მიეკედლებოდა.

მარტო ამ მიზეზითაც პაპებისადმი სიმპატიები ჩრდილოეთ იტალიის ქალაქებში ხშირად ძალიან ძლიერი იყო და, ყოველ შემთხვევაში, სავსებით არასოდეს არ გამქრალა. ამას მეორე მომენტიც დაერთო. პილიგრიმების გზა რომისაკენ ჩრდილოეთ იტალიით მიდიოდა. იერუსალიმში მიმავალ პილიგრიმებიც ჯვაროსანთა ომების დროს ჩვეულებრივად იმ გზას ირჩევდენ, რომელიც ჩრდილოეთ იტალიას სჭრიდა. პილიგრიმების მოგზაურობამ ალექსანდრიისა და რომისაკენ დიდათ შეუწყო ხელი ჩრდილოეთ იტალიის ქალაქთა ეკონომიურ განვითარებას. მაგრამ ეს მოგზაურობანი, — რომისკენ თუ იერუსალიმისკენ, — იმას გულისხმობდა, რომ მთელი საქრისტიანო ქვეყნიერება პაპებს უპყრიათ. ცოტა ხნის ცოტა უფრო გვიან კიდევ ერთმა გარემოებამ გააძლიერა ჩრდილოეთ იტალიის ქალაქებში იმ წყობილების დაცვის ინტერესი, რომლის პირობებში პაპები მთელი ევროპის ექსპლოატაციას ეწეოდენ. ამ ქალაქებში ჩაისახა სათამაშუქო და საბანკო საქმე. ჩრდილოეთ იტალიის ვაჭრები პაპების პირველი ბანკირები იყვნენ. მათ შემოდროდათ პაპების მიერ გამოწურული ყველა თანხები; ისინი სარგებლობდენ ამ თანხებით პაპებისა და თავისი საკუთარი ინტერესების მიხედვით. ვაჭრების ხელში ეს თანხები მძლავრ კაპიტალებად გადაიქცა: სავაჭრო და სავაჭრო კაპიტალებად. ბანკირები აბრუნებდენ ამ ფულს, სპეკულიაციას ეწეოდენ პაპების კაპიტალებით, სესხად აძლევდენ მეფეებსა და ქალაქებს, სენიორებსა და მონასტრებს.

ამგვარად ექსპლოატაცია, რომელსაც პაპები ეწეოდენ, ჩრდილოეთ იტალიის ეკონომიური ძლიერების ერთერთ ბურჯად გადაიქცა.

მაშასადამე, ჩრდ. იტალიის მოქალაქენი რომაელებსავე დაინტერესებული იყვნენ პაპობის ბატონობის არსებობაში; მათ შორისაც, როგორც რომაელებში, ხშირად ჩნდებოდა პაპების წინააღმდეგ აჯანყების მიდრეკილება, რადგან პაპებისათვის ექსპლოატაციის ობიექტად ყოფნას მათ ურჩევდათ თვითონ ყოფილიყვნენ სხვისი ექსპლოატატორები; მაგრამ, როგორც რომაელებს, ამათაც არ სურდათ აჯან-

ყებაში ისე ღრმად შეტოპვა, რომ მათთვის ასე თუ ისე სასარგებლო პაპების ექსპლოატაციის მექანიზმი მთლად განადგურებულიყო.

ამის გამო ჩრდილოეთ იტალიაშიაც, როგორც რომში, ჩვენ ძალიან ადრე ვხვდებით რეფორმატორულ მოძრაობებს, ერეტიკოსთა ბრძოლას პაპების წინააღმდეგ, მაგრამ რადიკალურ რეფორმაციამდე საქმე არსად არ მისულა. ჩრდ. იტალიამ გერმანულ რეფორმაციამდე დიდი ხნით ადრე მიაღწია სულიერ დამოუკიდებლობას კათოლიკურ ეკლესიის მოძღვრებისაგან; მაგრამ პაპობის უარყოფისათვის არ არსებობდა ყველა საქირო ეკონომიური პირობა.

ამიტომ პირველ სერიოზულ აჯანყებას არა მხოლოდ ჩაგერის ცალკე აქტების გამო, არამედ თვით პაპების ბატონობის წინააღმდეგ ჩვენ ვხვდებით არა ჩრდ. იტალიაში, არამედ სამხრ. საფრანგეთში, რომელიც ეკონომიურად იტალიაზე უფრო განვითარებული იყო და ამასთანვე სრულიად არ იყო დაინტერესებული პაპის ძალა-უფლების დაცვაში.

„ალპებსა და პირენეებს შუა მდებარე მშვენიერ ქვეყანაში,—ამბობს შლოსსერი თავისი შრომის ¹⁾ ერთ თავში. „სამხრეთ საფრანგეთი ალბიგოის ომების წინ,“—მრავალი ნაშთი დარჩა ბერძნული და, განსაკუთრებით, რომაული კულტურისა, რომელიც აქ მთელი ძველი დროის განმავლობაში ჰყვაოდა მარსელის დაარსების შემდეგ. საშუალო საუკუნეებში პირველად აქ განვითარდა თავისებურად მეცნიერებანი, კაზნული და გამოყენებითი ხელოვნებანი და სამოქალაქო ყოფა-ცხოვრების დაწესებულებანი; რომაული, ლათინური და ესპანური პოეზია აქ შეხვდა არაბულს და ამ შეხამებამ ორიგინალური ნაყოფი წარმოშვა. ცნობილია, რომ ეს ქვეყანა აირჩია თავის სამყოფელად ეგრე წოდებულმა ტრუბადურთა მხიარულმა ხელოვნებამ და ქალთა სამიჯნურო სასამართლოებმა, სიმღერამ, კეთილშობილებამ და დარბაისლობამ; ცნობილია, რომ აქ, როგორც საბერძნეთში ჰომიროსის დროს, პოეზია განუწყვეტლად დაკავშირებული იყო დღესასწაულებთან და ნადიმობასთან, რომ აქ სწავლობდნენ და ნიმუშებს ეძებდნენ აჩოვნებისა და სიყვარულის მგოსნები და რომ, ბოლოს ამავე წყაროს დაეწაფენ დანტე და პეტრარკა, სანამ თავისი ერის საშუალო დონეზე ამაღლდებოდნენ. მეცნიერებათა შორის სამხრეთ საფრანგეთში განსაკუთრებით განვითარებული იყო—და მხოლოდ აქ იყო იგი განვითარებული, თუ სალერნოს არ ჩავთვლით—მკურნალობის ხელობა. გარდა ამისა ებრაელებს აქ მრავალი სამეცნიერო დაწესებულება ქონდათ დაარსებული. სამხრ. საფრანგეთის ქალაქები

1) Weltgeschichte, Frankfurt a. M. 1847, B. VII, S. S. 251, 252.

დიდი ხანია ისეთი თავისუფლებით და დამოუკიდებლობით სარგებლობდენ, როგორც არც ერთ ევროპის სხვა ქვეყანაში არ არსებობდა. ტულუზაშიაც კი, ძლევამოსილი გრაფის რეზიდენციაში, მართველობა დამოუკიდებელ მაგისტრატს და მოქალაქეთა თავისუფალ კომიტეტს ეკუთვნოდა, ხოლო მოასაკში სიუზერენს ფიცის კი უნდა დაედო ქალაქის სამართლის წინაშე, უამისოდ თითონაც ვერ მიიღებდა ფიცს მოქალაქეებისაგან.

ასეთ პირობებში საკვირველი არ არის, რომ ყველაზე ადრე სამხრ. საფრანგეთში აღშფოთდა მოსახლეობა ქრისტიანობის გადაგვარების გამო, რომ კულტის რეფორმები და აგრეთვე სახარების გადმოთარგმნა ქვეყნის ენაზე აქ მთავარ მოთხოვნილებად გადაიქცა და რომ ამ მიზეზებმა წარმოშვა ის საშინელი ომი ეკლესიასთან, რომელმაც ბოლოს და ბოლოს არათუ მოსპო ამ ქვეყნის თავისუფლება და არათუ უდაბნოდ აქცია ევროპის ეს უმდიდრესი კუთხე და საფრანგეთის მეფის ბატონობა ხმელთა-შუა-ზღვამდე გააერთიანა, არამედ საბაბიც შექმნა დასავლეთში ინკვიზიციის შემოღებისათვის“.

უკვე მე-XII საუკუნის დასაწყისში ერეტიკოსობა ისე ფართოდ გაერთიანდა სამხრ. საფრანგეთში, რომ პაპმა კალიკსტ II-ემ საჭიროთ ჩასთვალა ზომები მიეღო მის წინააღმდეგ 1119 წლის ტულუზის საეკლესიო ყრილობაზე. მაგრამ ერესები მატულობდა და ღრმად იღვამდა ფესვებს მთელი საუკუნის განმავლობაში.

ამ მოძრაობაში, როგორც საზოგადოთ ყველა დიდ სარეფორმაციო მოძრაობაში, მრავალნაირი კლასები იღებდენ მონაწილეობას მრავალგვარი ინტერესებითა და მიზნებით: მხოლოდ ერთი რამ აერთიანებდა მათ: სიძულვილი რომის ექსპლოატაციისადმი. მაგრამ ყველა ეს კლასი ერთი და იმავე გზით ცდილობდა თავისი მიზნების მიღწევას: პირვანდელ ქრისტიანობასთან დაბრუნების გზით. რა თქმა უნდა, ყოველი ერეტიკული მიმდინარეობა სხვებისაგან განსხვავებულ რამეს გულისხმობდა პირვანდელ ქრისტიანობაში; მაგრამ სანამ გაერთიანებული ძალებით უნდა ებრძოლათ საერთო მტერთან, უმთავრეს მნიშვნელობას ის ლებულობდა რაც საერთო იყო ამ მიმდინარეობებში, და არა განმასხვავებელი: უკანასკნელი ხშირად არც ქონდათ შეგნებული მებრძოლთ. მივიღოთ გარდა ამისა მხედველობაში, რომ სხვადასხვა მიმდინარეობათა სახელწოდება უცვლელი არ იყო, ის ადგილისა და დროის მიხედვით იცვლებოდა; რომ იმ დროის ისტორიული ცნობები გაცილებით უფრო უსრულა, ვინემ სხვა რომელიმე ხანისა (თუმცა, უნდა ითქვას, რომ ეს ცნობები დღევანდლამდე

თითქმის ყოველთვის ნაკლოვანი იყო, რადგან უფრო ილიუზიებს და ნებრძოლ პარტიების არგუმენტებს გამოხატავს, ვიდრე მათ ფაქტიურ მისწრაფებებსა და იმ საზოგადოებრივ ურთიერთობას, რომელმაც ეს პარტიები წარმოშვა). თუ ყოველივე ამას ავწონ დავწონით, მაშინ არ გავვიკვირდებ, რომ სამხრეთ საფრანგეთის ერეტიკოსთა შესახებ ერთმანეთის საწინააღმდეგო აზრები არსებობს. როდესაც ერთი გვარწმუნებენ, რომ ყველა კაჯარები გამოუკლებლად (Katharer).¹⁾— ასე ეწოდებდა ამ ერეტიკოსებს (აქედან გერმანული Ketser—ერეტიკოსი),—კომუნიზმსა და ცოლთა საზიარობას მოითხოვდნენ, სხვები ამის სრულიად საწინააღმდეგოდ აცხადებენ, რომ საზნოეთ საფრანგეთის ერეტიკოსებს კომუნისტური ტენდენციების ნიშანწყალიც არ ემჩნეოდა. პირველი აზრი სრულიად შემცდარია, მაგრამ მეორეც დაუსაბუთებლად მიგვაჩნია.

განსაკუთრებით ვალდენელებს შეგვიძლია შევამჩნიოთ კონუნის გამსაკვეთი ნიშნები.

ამ სექტის დამაარსებლად პეტრე ვალდუსს ასახელებენ. მაგრამ ბევრი ფიქრობს, რომ ეს სექტა ბალდუსზე ადრეც არსებობდა²⁾. ხრონოლოგიას ჩვენთვის დიდი მნიშვნელობა არ აქვს. ვალდუსის შესახებ ცნობილია, რომ ის მდიდარი ვაჭარი იყო ლიონში, მას შეეხიზლა თავისი სიმდიდრე, რადგან ყველგან საშინელ სიღარიბეს ხედავდა, ღარიბებს დაურიგა თავისი ქონება (1170 წლის ახლო), შეწოიკრიბა რამოდენიმე ამხანაგი, რომელნიც მასსავით ნებაყოფლობით სიღარიბეში ცხოვრობდნენ, და მათთან ერთად თავს იღო ღარიბ-მათხოვრებისათვის სამსახური. თუ ეს სექტა, მისი სახელის

¹⁾ ამ სიტყვის წარმოშობა საეჭვოა. შეიძლება, ის ბერძნულიდან იყოს გამომდებელი. Katharos ბერძნულად „წმინდა“-ს ნიშნავს: „კატარებს“ მაშინ ისე თევე მნიშვნელობა ექნებოდა, როგორც „პურიტანელთ“. მაგრამ, მეორეს მხრით ძნელი დასაჯერებელია, რომ ბერძნული ენა უკვე XII საუკუნეში ამდენად გავრცელებული ყოფილიყო სამხრ. საფრანგეთში. უფრო ცხიერად მართავენ ამ სიტყვას ისინი, ვინც იგი გერმანული Katze-დან ან Kater-იდან (დედალი კატა და მამალი კატა) აწარმოებენ. ორი „სწავლული“ იეზუიტის, იაკობ გრეტჰერისა და გოტფრიდ ჰენშენის აზრით ამ გზადანბნეულ ხალხს „კატერები“ ე. ი. კატები ეწოდებოდათ, რადგან თავის კრებებს კატებსავით ღამლაობით მართავდნენ. მეორე მკვნიერი ამ სახელს იმით ხსნიდა, რომ ისინი თავყვანს სცემდნენ ეშპაკს კატის სახით და კატის ტანის უკანა ნაწილს ემთხვეოდნენ ხოლმეო. (Catarī dicuntur a Cato, quia osculantur posteriora cati, in cuius specie, ut dicunt, apparet eis Lucifer. Alanus Lih. 1 contra Waldenses, p.4). მოსტეიშის წიგნში. Versuch einer unparteiischen und gründlichen Ketzergeschichte, Heimstedt 1746, S. 363 u. f.

²⁾ იხ. ამის შესახებ F. Bender. Geschichte der Waldenser, Ulm 1850.

მატარებელი, მას არ დაუარსებია, ყოველ შემთხვევაში მას არაჩვეულებრივად დიდი ღვაწლი მიუძღვის მისი ორგანიზაციის საქმეში; მან გააერთიანა სექტა და გააქცნო იგი ფართო წრეებს. სექტის წევრები, რომელთაც ჰემილიატებს (დაბალნი) ან ლიონის ღარიბებს უწოდებდნენ, მეტ წილად ხელოსნები და, განსაკუთრებით, ფეიქრები იყვნენ.

1145 წელს პაპმა ევგენი III-ემ თავისი ლეგატი გაგზავნა ერესებით მოდებულ სამხრეთ საფრანგეთში; „მანიქეელებთან“ ე. ი. ერეტიკოსებთან საბრძოლველად მას ახლდა წმ. ბერნარი. „რადგან ეს მანიქეელები ყველაზე მეტ მიმდევრებს ტულუზისა და მის მიდამოების ფეიქრებში პოულობდნენ და ადგილობრივ ენაზე მათ არიელებს უწოდებდნენ, ამიტომ თვით სექტამაც იგივე სახელი მიიღო, რაც ჩრდილოეთ საფრანგეთში, სადაც იმ საუკუნეში კატარებს tixerands (ფეიქრები, მქსოველნი) ეწოდებოდა“. (I. Dollinger, Geschichte der gnostischmanichäischen Sekten im frühen Mittelalter, München 1890, გვ. 90. შეადარეთ 131).

ერთმა რომაელმა ინკვიზიტორმა „სკედო—რეინერმა“ (პირველად მისი თხზულება Reinerius Sachoni-ს მიაწერეს, რომელიც 1259 წელს გარდაიცვალა, მაგრამ მისი ავტორობა საეკეო აღმოჩნდა) დაახლოებით 1250 წ. დაასურათა ვალდენელი თავის თხზულებაში „De Catharis et Leonistis“; რათა მათდამი ზიზლი გამოეწვია, მან აღნიშნა, რომ კატარების მასწავლებლები ხელოსნები იყვნენ, — მეჩემეები და ფეიქრები. ფეიქრები ხშირად არიან მოხსენებულნი, როგორც ამ სექტის წევრები. (შეად. L. Keller, die Reformation und die älteren Reformparteien, გვ. 18,33,120).

თავისი განვითარების დასაწყისში სექტას არ გამოუჩენია ეკლესიისაგან განდგომის სურვილი. როდესაც ლიონის არქიეპისკოპოსმა მათ ქადაგობა აუკრძალა, ვალდენელებმა პაპ ალექსანდრე III-ს მიმართეს ნებართვის თხოვნით. მაგრამ მათი მოძღვრება იმდენად საშიშარი აღმოჩნდა, რომ პაპმა თხოვნა არ შეიწყნარა; გარდა ამისა ვალდენელებმა უარი განაცხადეს პაპიზმისათვის სამსახურზე, როგორც — უფრო გვიან — ფრანცისკანელებმა და დომინიკანელებმა; ამიტომ 1184 წ. პაპმა ლიუცი IV-ემ ანათემა გამოუცხადა მათ. ამ დროიდან სამუდამოთ გაწყდა მათი კავშირი პაპის ეკლესიასთან.

პირველად მათი კომუნიზმი მონასტრულ ხასიათს ატარებდა. ისინი კომუნიზმს მოითხოვდნენ; მაგრამ ყველას არ შეეძლო იმგვარ მოთხოვნილებათა შესრულება, რომელიც მათთანაც ქორწინების უარყოფასთან იყო დაკავშირებული. „სრულყოფილთ“ (perfecti) მოეთხოვებოდა კომუნიზმი და ალბათ უქორწინობაც: უკანასკნელს ყოველ

შემთხვევაში, სასურველად სთვლიდნენ, ქორწინებას უნდობლად უყუ-
რებდნენ.—მოწაფეებისათვის კი (discipuli) ქორწინება და საერო სა-
კუთრება ნებადართული იყო. სამაგიეროთ მოწაფეები ვალდებული
იყვნენ თავის ხარჯზე აეყვანათ „სრულყოფილნი“, რომელთაც ამა
ქვეყნის ამოებაზე არ უნდა ეზრუნათ. კომუნიზმის ეს სახე ერთის
მხრით პლატონის საზოგადოებას მოგვაგონებს და, მეორეს მხრით მათ-
ხოვარ-ბერებს. პლატონის კომუნიზმთან ვალდენელებს დედაკაცისა
და მამაკაცის თანასწორუფლებიანობის მოთხოვნილება აქეთ საერთო.
პაპმა შეაჩვენა, როგორც ერეტიკული, მათი შეხედულება, რომ დე-
დაკაცებს ისევე შეუძლიათ მოქადაგობა, როგორც მამაკაცებს. მამა-
კაცები და დედაკაცები ერთად მოგზაურობდნენ და ქადაგობდნენ,
კეთილმორწმუნე გვამები კი აღშფოთებით აცხადებდნენ, რომ ასეთ
გარემოებაში უქორწინობა სრულიადაც არ ნიშნავს უბიწოებას¹⁾.

აღსანიშნავია აგრეთვე, რომ ვალდენელი უარს აცხადებდნენ
სამხედრო სამსახურზე და ფიცზე, სამაგიეროთ მხურვალეთ თანა-
უგრძნობდნენ სახალხო განათლების წესიერად დაყენების საქმეს. „ყვე-
ლა მათგანი გამოუკლებლივ,—ამბობს ხსენებული პსევდო-რეიერი,—
დედაკაცი თუ მამაკაცი, დიდი და პატარა მუდამდღე სწავლობს და
სხვას ასწავლის. მუშა, რომელიც დღისით მუშაობს, ღამ-ღამობით
სწავლობს ან სხვას ასწავლის; ცოტას ლოცულობენ, რადგან ბევრს
სწავლობენ. სწავლობენ და ასწავლიან უწიგნოთ... ვისაც შეიძინა დღის
განმავლობაში უსწავლია, ის უკვე მოწაფეს ეძებს, რომ მასაც ასწავ-
ლოს“²⁾.

ვალდენელებს რომ ზავი შეეკრათ პაპებსთან და პრივილეგიუ-
რი ორდენი დაეარსებინათ, მათი არისტოკრატიული კომუნიზმი,
როგორც სხვა ბერმონაზონთა ორდენებში, ექსპლოატაციის წყაროდ
გადაიქცეოდა. მაგრამ ისინი დევნილ სექტანტებად დარჩენ და ამი-
ტომ მათი კომუნიზმის არისტოკრატიული, ექსპლოატატორული ელე-
მენტი არ განვითარებულა. ეს ელემენტი ვერ შეთავსდებოდა ხალხის და-
ბალ კლასსთა დემოკრატიულ ტენდენციებთან, ხოლო თავის ძალას
ვალდენელი სწორეთ ამ კლასებიდან კრეფდნენ. ადრე თუ გვიან

¹⁾ „Hoc quoque probrosum in eis videbatur, quod viri et mulieres simul ambulabant in via, et plerumque simul manebant in una domo et de eis dice-
retur quod quomodoque simul in lectulis accubabant“.(Chron. Ursperg. ad anu.
1212. ციტატა მოყვანილია Gieseler-ის შრომაში, Kirchengeschichte, 2 ტ. 2
განყ., გვ. 325).

²⁾ ციტატა ამოღებულია A. Muston-იდან, Histoire des Vaudois, Paris
1834, გვ. 183, შეად. გვ. 449. უკანასკნელი ფრაზა გვაფიქრებს, რომ ვალდენელთ
საკუთარი სასწავლო მეთოდი ქონდათ.

ვალდენელთა კომუნისმს ან დემოკრატიული ხასიათი უნდა მიეღო ან ის სულ უნდა გამქრალიყო. ხან ერთი ხდებოდა ხან მეორე დროის პირობებისა და იმის მიხედვით, თუ საზოგადოების რომელი კლასისი ხდებოდა მოძღვრების მთავარი მატარებელი. როდესაც მოქალაქეთა და გლეხთა გავლენა სქარბობდა,—ვალდენელი ბურჟუაზიულ—პროტესტანტულ სექტად იქცეოდენ, და როდესაც უმრავლესობას პროლეტარული ელემენტები შეადგენდენ, ვალდენელი „მეოცნებე-კომუნისტები“ ხდებოდენ.

ერესი სამხრეთ საფრანგეთით არ განსაზღვრულა. ვალდენელთა თემებს ჩვენ ვხვდებით ჩრდილ. იტალიისა და საფრანგეთის სხვადასხვა კუთხეში, და შემდეგ გერმანიაში და ბოჰემიაშიაც. ყველა თემს მკიდრო კავშირი ქონდა ერთმანეთთან, რადგან განუწყვეტელი მისვლა-მოსვლა ვალდენელთა სასულიერო პირების (ეგრე წოდ. „Barben“) ერთერთ მოვალეობას შეადგენდა. ჩვენ ვხვდავთ, რომ უკვე ვალდენელებთან განვითარდა ის მულმივი ინტერლოკალური ურთიერთობა საშუალ-საუკუნეთა კომუნისტებს შორის, რომელიც ჩვენ ამ წიგნის წინა თავში აღვნიშნეთ. „ძველი სასულიერო ვალდენელი თითქმის ყოველთვის მოგზაურობდენ მოციქულებსავეთ, შორის-შორეულ თემებს და ძმებს ნახულობდენ (თანამორწმუნე ძმების სახლებს ისინი პირობითი ნიშნების საშუალებით არჩევდენ; ნიშნები კარებზე და სახლის თავანზე ისმებოდა). ხშირად ისეთ შორეულ ქვეყნებში მოგზაურობდენ, როგორც არის გერმანია, ბოჰემია და სხვა. ბოჰემიელ ვალდენელებს თავის ფრანგ და პიემონტელ თანამორწმუნე ამხანაგებთან მკიდრო და ძმურ ერთმორწმუნობაზე დამყარებული კავშირი ეკიარად. დახმარებას უჩენდენ ერთმანეთს ფულით; პიემონტის ველის მქადაგებელნი განსაკუთრებით ხშირად ეწვეოდენ ხოლმე თავის ძმებს ბოჰემიაში, ესენი კი ბარში აგზავნიდენ თავის მოწაფეებს საღვთო მოვალეობათა შესასწავლად“¹⁾.

როდესაც სამხრ. საფრანგეთის ერეტიკოსები იმდენად ძლიერი გახდენ, რომ პაპობის ბატონობას დაემუქრენ, უკანასკნელმა ჩრდილოეთ საფრანგეთიდან გამოიწვია დასახმარებლად მტაცებელ რაინდთა და ათასგვარ ყაჩაღთა ბანდა, დარაზმა ისინი ეგრე წოდებულ ჯვაროსნულ ლაშქრობისათვის, მიუსია მდიდარ ერეტიკულ ქალაქებსა და პროვინციებს და გააძარცვ-გაანადგურებინა ქვეყანა დაუნდობლად. რამოდენიმე ათეული წლის განმავლობაში იცავდა თავს სამხრეთ საფრანგეთი. ალბიგოს ომები, ეს სახელწოდება დაკავშირებულია ერთერთ უმთავრეს ერეტიკულ ქალაქის, ალბის სახელთან,—1208

1) Bender, Geschichte der Waldenser გვ. 46, 116.

წლიდან მოყოლებული მე-XIII საუკუნის ოცდაათიან წლებამდე გაგრძელდა. მაგრამ „მეამბოხეთა“ საბოლოო დამარცხებისაგან წილებული დავლა საფრანგეთის ტახტს ხვდა და არა პაპობას; საფრანგეთის მეფეები დაეუფლენ ილაჯგაწყვეტილ ქვეყანას და ამგვარად საძირკველი ჩაეყარა საფრანგეთის გვირგვინოსანთა დიდებას. პროვანსი 1245 წელს კარლოს ანუ ეუელს ერგო, ხოლო ტულუზის საგრაფო ხელში ჩაივლო ლიუდოვიკ „წმინდანმა“ 1249 წელს. დანტეს „ღვთაებრივი კომედიის“ ერთ ადგილას საფრანგეთის დინასტიის, კაპეტინგების, დამაარსებელი ჰუგო კაპეტი ამბობს: „სანამ პროვანსალის დიდმა მზითვემა სირცხვილის გრძნობა არ წამართვა, ეს დამაკნინებელი იყო, მაგრამ ბოროტებას არ წარმოადგენდა. შემდეგ დაიწყო სიკრუვისა და ძალმომრეობის ავაზაკური ლაშქრობა“ და სხვა.

იმავე საფრანგეთის სამეფომ ცოტა ხნის შემდეგ გაცილებით მეტი უსიამოვნება მიაყენა პაპებს, ვიდრე ალბის ერეტიკოსებმა; ის იმდენად გაძლიერდა, რომ პაპები თავის ტყვეებად და იარაღად გაიხადა.

თუმცა პაპებმა ცოტა რამ მოიგეს ალბიგოს ომებიდან, მაგრამ XIII საუკუნის დამდეგის ერესებს მოქმედების ბაზა გამოაცალეს და ეს ვალდენელთა მდგომარეობასაც დაეტყო. ამ დროიდან დიდ ქალაქებში მათ შეეძლოთ ეცხოვრათ მხოლოდ. როგორც საიდუმლო საზოგადოებათა წევრებს. მოძრაობის ცენტრი ალპების განმარტობულ ველებში გადავიდა და აქ ის ბუნებრივად გლეხურ ყალიბზე გადახალისდა. სექტამ წვრილ-გლეხურ - დემოკრატიული ხასიათი მიიღო და ამ სახით ჩვენს დრომდე მოატანა საეოისა და პიემონტის ველებში.

III ძმანი — მოციქულნი.

ერეტიკოსთა საერთო დევნაში ერეტიკული კომუნიზმიც განადგურდა. პროლეტარულ-კომუნისტური მისწრაფებანი ამიერიდან თითქოს მხოლოდ ბერმონაზვნულ ორდენების ფორმით შეიძლებოდა მოვლენილიყო, — პაპობასთან შერიგებულ ორდენების სახით. მაგრამ, როდესაც ფრანცისკანელთა ორდენზე ვლასპარაკობდით, ჩვენ დავინახეთ, რომ მათხოვარ ორდენთა კომუნიზმში ისეთი ელემენტი იმალებოდა და ვითარდებოდა, რომელსაც ეს ორდენები ქმნიდნენ ექსპლოატატორ ეკლესიის წინააღმდეგ უნდა აემხედრებინა. უნდობლობას და დევნას პაპების მხრით ბუნებრივით უნდა მიეყვანა ეს პროლეტართა თანამგრძნობი ელემენტი შემდეგ ალტერნატივამდე: ან

ყოველგვარ მოღვაწეობის უარყოფა ან აჯანყება პაპობის წინააღმდეგ. ხელსაყრელ პირობებში აჯანყებას შეეძლო ძალიან ფართოდ გავრცელებულიყო.

ასე, ჩრდილოეთ იტალიაში წარმოიშვა ე. წ. ძმათა—მოციქულთა ანუ პატარენტა ძალიან ძლიერი ერეტიკულ—კომუნისტური სექტა.

იმ დროს ჩრდ. იტალიაში ხალხის დაბალ კლასსთა მოძრაობებს ხშირად არქმევდენ „პატარიას“ სახელს. უკვე XI საუკუნეში ვხვდებით „პატარიებს“ მილანში, ბრეშიოში, კრემონაში და პიაჯენცოში. ეს სახელი სიტყვა pates-აგან წარმოსდგა, რაც ძველ ტილოს, ძონძს ნიშნავს მილანში ჯერ მე-*XVIII* საუკუნეში არსებობდა *pataria* ანუ *contrada de palari*,—მეძონძეთა უბანი.

ყველა ადრინდელ პატარენტულ მოძრაობებში უმთავრესი იყო 1058 წ. მილანში დაწყებული მოძრაობა. ეს მოძრაობა ხალხის დაბალ კლასებში დაიწყო და მდიდარ სამღვდელოებისა და ქალაქის თავადაზნაურობის წინააღმდეგ მიიმართა. ამ ადრინდელ საქალაქო დემოკრატიულ მოძრაობაში შესანიშნავია ისიც, რომ ის ცდილობდა პაპობისაგან მიეღო დახმარება და კიდევ მიიღო. მილანის სამღვდელოება თავისი სიმდიდრით რომის ეკლესიას ეტოქებოდა და უკანასკნელის უფროსობას ეწინააღმდეგებოდა. ამგვარად მილანის სამღვდელოება მილანის დემოკრატიისა და პაპობის საერთო მტერი შეიქნა. პაპობაც და დემოკრატიადაც თავისი გაიტანეს. ილანის სამღვდელოება იძულებული გახდა რომს დამორჩილებოდა და სააზნაურო-კლერიკალურ მართველობის ადგილი მოქალაქეთა მართველობამ დაიკავა.

მილანის პატარიის მოძრაობას ისტორიკოსები ხშირად პროლეტარულ მოძრაობას უწოდებენ. მაგრამ შეუძლებელია წარმოვიდგინოთ, რომ მილანის პროლეტარიატი უკვე XI საუკუნის პირველ ნახევარში იმდენად ძლიერი იყო, რომ ასეთი დიდი როლის თამაში შეეძლო. ყოველ შემთხვევაში ეს მოქალაქეთა მოძრაობა იყო, პატრიციანულ მართველობის წინააღმდეგ მიმართული.

იტალიაში XII საუკუნეში პატარენტები ვალდენელებსაც ეწოდებოდა და ზოგჯერ სხვა ერეტიკოსებსაც. მე-*XIII* საუკუნეში ეს სახელწოდება ძმათა—მოციქულთა—გადავიდა.

ამ სექტის დამაარსებელი იყო ეერარდო სეგარელი პარმის ახლო მდებარე სოფელ ალზანოდან. სეგარელის ფრანკისკანელთა ორდენში შესვლის უფლება ითხოვა, მაგრამ უარი მიიღო. მაშინ გაჰყო თავისი ქონება, ღარიბებს დაურთო და თვითონ დაარსა სექტა (1260 წ. ახლო). მალე მრავალი მიმდევარი გაიჩინა მდაპიო ხალხში, განსაკუთრებით ლომბარდიაში.

„ყველა ისინი ერთმანეთს ძმებსა და დებს ეძახოდნენ მზგავსათ პირველ ქრისტიანებისა. ძალიან ღარიბათ ცხოვრობდნენ; მათ არ უნდა ქონოდათ არც საკუთარი სახლები, არც მარაგი ხვალინდელი დღისათვის, არც რაიმე სხვა კომფორტის საგანი. როდესაც მოშივედებოდათ, მოწყალებას სთხოვდნენ პირველ შემბვლურს, ყოველივე წინასწარი ანგარიშის გარეშე; ჰამდენ განურჩევლად ყველაფერს, რასაც უბოძებდნენ. შეძლებულ პირთ, ვინც მათთან მივიდოდა, ხელი უნდა აეღო საკუთარი დოვლათის მფლობელობაზე და ძმათა კავშირისათვის უნდა გადაეცა იგი საერთო სარგებლობისათვის“¹⁾. ქორწინება მათ შორის აკრძალული იყო.

„ძმებს, რომელნიც ერთში მიდიოდნენ ცოდვათა მონანიების საქადაგებლად, შეეძლოთ თავისი დები თან წაეყვანათ, როგორც ამას მოციქულები შეუბოდნენ, მაგრამ მხოლოდ თანამემწყვებად და არა როგორც ცოლები. თავის თანამგზავრ ამხანაგ-ქალებს ისინი თავის ქრისტიანულ დებს უწოდებდნენ და ყოველთვის უარყოფდნენ მათთან ცოლ-ქმრულ ან უწმინდურ კავშირის არსებობას, თუმცა ერთ ლოგინში ეძინათ დებთან“²⁾.

მოსკვიმი, ემყარება რა ზოგიერთ დასაჯერებელ მოსაზრებას და არა რაიმე გარკვეულ ცნობებს, ფიქრობს, რომ ქორწინებისა და მფლობელობის აკრძალვა მხოლოდ მოციქულთ, თემების „აგიტატორებს“ ეხებოდა და არა ძმებს. თუ ასეა, ეს მათ ვალდენელებს ამზგავსებს; ეკვი არაა, რომ კომუნიზმი მათ სრული ღირსების აუცილებელ პირობად მიაჩნდათ.

ახალი მოციქულნი ჯერ ძალიან ფრთხილად გამოდიოდნენ. პირდაპირ ომის გამოცხადებას ეკლესიას ვერ უბედავდნენ. ღამით მართავდნენ საიდუმლო კრებებს და ახალ სახარებას ასწავლიდნენ. ყველა

¹⁾ Mosheim, Ketzergeschichte გვ. 224. მოსკვიმმა, შეიძლება ითქვას, ახლად აღმოაჩინა ისტორიისათვის ძმანი—მოციქულნი; დაწვრილებით და სიყვარულით მოგვიტობობს ის მათ შეიახებ თავისი „ეფეთიკოსთა ისტორიის“ სამ წიგნში. „აღბათ არაფერ არ უარყოფი,—ამბობს ის,—ჩვენს პატარა ამაგს, რომელიც მოგვიძღვრის ამ საკვირველ თემების, ასე ვთქვათ, მკედრებით აღდგენისა და დღის, სინათლეზე გამოტანისთვის“ (გვ. 196).

²⁾ Mosheim, loc. cit. 226. შეად. გვ. 321 და შემდეგი. ამავეს გვიამბობენ. როგორც ვიცით, ვალდენელებზე და ქრისტიანობის პირველ საუკუნეთა მორწმუნე პირებზე. „აფრიკის ცხელი სარტყელის ქალწულნი სამარცხვინოთ სთვლიდნენ მშიშრულ გაქცევას და მტერს პირის-პირ ებრძოლებოდნენ. სარეცელს უყოფდნენ მღვდლებსა და დიაკონებს და აღში გახვეულნი თავის უბიწოებას ადიდებდნენ. მაგრამ შეურაცყოფილი ბუნება შურს იძიებდა და ამ მწველებლობის ახლანა სახემ რავალი ახალი ცული ზნე წარმოშვა.“ (Gibson, Verfall und Untergang des ömischen Weltreichs, S. 381).

ქვეყნებში იყვნენ დაგზავნილნი მოციქულები: ესპანეთში, საფრანგეთში, გერმანიაში. გერმანიაში მათ იმდენი მიმდევარი გაუჩნდათ, რომ 1287 წელს იმპერატორ რუდოლფის თანდასწრებით შემდგარმა სამღვდელეობის კრებამ ვიურცბურგში საგანგებო კანონი გამოსცა, რომელიც ყველას უკრძალავდა მათთვის თავშესაფარის აღმოჩენასა და გამასპინძლებას.

იტალიაში კიდევ უფრო აღრე მიაქციეს ყურადღება ფანატიკოს-კომუნისტებს. 1280 წ. პარმის ეპისკოპოსის ისეთი ცნობები მოუვიდა მათ შესახებ, რომ საკირო შეიქნა სეგარელის დატუსაღება. პაპმა ჰონორი მე-IV^ე გამოძიება დანიშნა: გამოძიებამ მოციქულთა ორდენი წარმოადგინა არა მაინც და მაინც საშიშარ ორგანიზაციად, არამედ მხოლოდ ორივე პრივილეგიურ, ფრანცისკანელთა და დომინიკანელთა ორდენების უბრალო კონკურენტად. 1288 წ. პაპმა მოციქულთა ორდენი აკრძალა, მაგრამ სეგარელი გაანთავისუფლეს და ამავე დროს, რა თქმა უნდა, პარმიდან გადაასახლეს.

როგორც მრავალმა სხვა გადასახლებამ, ამანაც მხოლოდ გააძლიერა ის ბოროტება, რომელიც უნდა მოესპო. სეგარელთა მოგზაურობა იწყო მთელს ჩრდილოეთ იტალიაში თავისი მოძღვრების გასაერცვლებლად. ძმანი—მოციქულნი პაპს არ დაემორჩილენ, მათი კავშირი განაგრძობდა არსებობას. უფრო ენერგიული დევნა მხოლოდ აღვივებდა ცეცხლს და გამოუსწორებლად ხდიდა ძმათა—მოციქულთა რომის ეკლესიისაგან განდგომას.

1294 წელს სეგარელი კვლავ შეიპყრეს და, ერთი წყაროთი—1296 წელს, მეორე წყაროთი—1300 წელს, დასწვეს. მაგრამ მოძრაობა არ ჩამქრალა. სეგარელის ადგილას გაჩნდა მეორე, გაცილებით უფრო მამაცი და გაბედული აგიტატორი, საქმის კაცი—დოლჩინო. ის დაიბადა არატოში, ვერჩელის ახლო, XIII საუკუნის მეორე ნახევარში. მამა მისი, მღვდელი იულიუსი, როგორც სჩანს, ნავარის ერთი კეთილშობილი გვარის, ტორნიელის შთამომავალი იყო: განდევნილი იყო, მაგრამ არ ასკეტობდა, რადგან საქორწინო კავშირში ცხოვრობდა დოლჩინოს დედანთან. არც თავისი შვილის რცხვენოდა, კარგათ აღზარდა იგი და ვერჩელიში გაგზავნა სასულიერო წოდებისათვის მოსამზადებლად. ერთმა მოუფიქრებელმა ნაბიჯმა, — რამოდენიმე მონეტის მოტაცებამ მასწავლებლებისაგან, — აიძულა ქაბუკი გაქცეულიყო, თუმცა საქმეს არავითარი შედეგი არ მოჰყოლია. ჩავიდა ტრიენტში და აქ მწირად შედგა ფრანცისკანელთა ერთ მონასტერში.

რამდენი ხანი დაჰყო იქ, არ ვიცით; საზოგადოთ, მისი ცხოვ-

რების ქრონოლოგია ძალიანსაეჭვოა. შექველია მხოლოდ ის, რომ უკვე მონასტერში ყოფნისას გასცნობია ძმათა--მოციქულთა მოძღვრებას: ან მოძღვრებას ბევრი საერთო ქონდა ფრატრიჩელის, მებრძოლ ფრანცისკანელთა, მოძღვრებასთან და ფრანცისკანელთა მონასტრებში მას მრავალი თანამგრძობი გაუჩნდა. მთელი თავისი აგზნებული გულით მოეკიდა დოლჩინო ამ მოძღვრებას და მალე მისი გამოჩენილი მკადაგებელი გახდა. დოლჩინოს შედგომა სექტაში მოხდა, ალბათ, 1291 წელს.

მონასტერში ყოფნა მისთვის აუტანელი შეიქნა. გამოვიდა კიდევ, სანამ ბერობის აღთქმას მისცემდა. მალე ამის შემდეგ ის გადგნო წმ. ეკატერინეს ერთ მონასტერში მცხოვრებ მარგარიტა ტრენკელს. ყველა წყაროები აღნიშნავენ მარგარიტისა და დოლჩინოს იშვიათს სალაშაზეს, რომელთან ერთად ორივეს ახასიათებდა მახვილი გონება, თავდადება იდეისათვის, ენტუზიაზმი, მხნეობა და გამბედაობა. გასაკვირალი არ არის, რომ უღრმესი ახლოობა იგრძნეს ერთმანეთისადმი. მარგარიტასთან დასაახლოებლად, დოლჩინო მოსაშახურეთ დადგა მის მონასტერში; დოლჩინოს იდეებმა გაიტაცეს მარგარიტა, მან გადასწყვიტა მონასტრიდან გაქცევა. ამ დღიდან სიკვდილამდე ერთად იბრძოდნენ თავისი საქმისათვის. მოწინააღმდეგეთა სიტყვით, ცხოვრობდნენ როგორც უკანონო ცოლ-ქმარი, თვით დოლჩინოს სიტყვით კი--როგორც და და ძმა. უკანასკნელი უფრო შეეფერებოდა ძმათა-მოციქულთა მოძღვრებას, ხოლო პირველი--ადამიანის ბუნებას.

შემდეგ ისინი ლომბარდიაში შეიხიზნენ, სადაც დოლჩინომ პირველი ადვილი დაიჭირა სეგარელის შემდეგ და უკანასკნელის სიკვდილის შემდეგ კი მოძრაობას სათავეში ჩაუდგა. მაგრამ დენა ისე ვაძლიერდა, რომ დოლჩინოს დარჩენა იტალიაში შეუძლებელი გახდა. ერთი ქალაქიდან მეორეში იხიზნებოდა და ბოლოს თავშესაფარი დალმაციაში იპოვა. აქედან უგზავნიდა წერილებს იტალიაში დარჩენილ ძმებს, იქ კი ეს წერილები პროკლამაციებისაგან ვრცელდებოდა.

სეგარელის მოძღვრების გარდა დოლჩინოზე განსაკუთრებული გავლენა მოახდინა ჩვენ მიერ უკვე ხსენებული აბბატის, იოახიმ ფიორელის მოძღვრებამ. მაგრამ დოლჩინო იოახიმზე შორს წავიდა; უკანასკნელი საზოგადოების სამ მდგომარეობას განარჩევდა და უმაღლესად სთვლიდა მესამეს--საყოველთაო ბერობის მდგომარეობას. მე-XIV საუკუნის დამდეგამდე მრავალი ცდა მოხდა მათხოვართა ორდენებთან დაკავშირებული და ეს ცდები საქმარისი იყო იმის ნათელსაყო-

ფათ, რომ ამ გზით ქონებათა განსახოგადოება შეუძლებელია. დოლ-
ჩინო დიდი ქებით იხსენებდა წმ. ფრანცისკისა და დომინიკეს
ღვაწლს ღარიბთა წინაშე; ისინი უნერგავდნენ თავის მიმდევრებს სი-
ყვარულს ღარიბთა და ჩაგრულთადმი და ზიზღს ფულისა და ძალა-
უფლებისადმი; მაგრამ დოლჩინო იმასაც აღნიშნავდა, რომ დროთა
ვითარებაში მათი მისწრაფება ამაო გახდა. ფრანცისკისა და დომი-
ნიკეს მიმდევრებმა მთელი სახლები აიშენეს ნაბოძებ სიმღიდრის და-
საგროველად. ამიტომ ისინიც ისევე გაირყვნენ, როგორც მთელი
ეკლესია. თუ სურთ გაწმინდონ ეკლესია, უნდა მოისპოს ბერმონაზ-
ნობის მთელი წყობილება და საყოველთაოთ გადაიქცეს პირველ მო-
ციქულთა თემების წყობილება.

მაგრამ ვინ უნდა განახორციელოს ყოველივე ეს? მარტო კომუ-
ნისტებმა? მიუხედავად მთელი თავისი მეოცნებე მისტიციზმისა და
სასწაულის რწმენისა, ისინი ვერ იფიქრებდნენ, რომ მარტო მათი ძა-
ლა ამისთვის საკმარისია.

აბბატ იოახიმის მოწაფეთა მზგავსათ დოლჩინოსაც ქონდა პირ-
ველათ რომელიმე სამეფო გვარიდან მოვლენილ მესსიის იმედი. და
თუ პირველნი ამ იმედს ჰოპენშტაუფენზე, ფრიდრიხ II-ზე, ამყარე-
ბდუნ, დოლჩინოს მხედველობაში ყავდა მეორე ფრიდრიხი, არაგონის
მეფის, პეტრე მე-III-ის ვაჟი. ის დაიპყრობს პაპის ტახტს, ამოკლე-
ტავს პაპს და მის კარდინალებს, ეპისკოპოზებს, პრესვიტერებს, ბე-
რებსა და მონაზვნებს. ცოცხალი დარჩებიან მხოლოდ მოციქულთა
თენებების მომხრენი, მხოლოდ ესენი ეზიარებიან იმ დიდებას, რომე-
ლიც ქვეყნიერებას მოელის.

დოლჩინო თავის მოძღვრებას ებრაელთა წინასწარმეტყველებით
და აპოკალიპსით ასაბუთებდა. მაგრამ ის მაინც იმ ფანატიკოსთა
რიცხვს არ ეკუთვნოდა, რომელნიც მხოლოდ ამგვარ არგუმენტებს
ემყარებიან. თავის მახვილ თვალს ის საქმის ნამდვილ ვითარებასაც
აღვვინებდა.

სამხრეთ საფრანგეთის მოსახლერე სამეფო არაგონია, საფრან-
გეთის მზგავსად და იმავე მიზეზებით, ერთი იმ ქვეყანათაგანი იყო,
რომელიც პაპს ებრძოდა. ალბიგოს ომებში არაგონია ერეტიკოსთა
მხარეზე იდგა. პეტრე II არაგონიელმა ჯერ შუამაგლობის გაწევა
სცადა, მაგრამ შემდეგ პირდაპირ იარაღით დაეხმარა ალბიგოელთ,
მათთან ერთად გალაშქრა ჯვაროსანთა წინააღმდეგ და ამ ბრძოლა-
ში დაიღუპა (მიუთრესთან ბრძოლაში 1213 წელს). პეტრეს ვაჟმა,
იაკობ I-მაც გაუგზავნა ალბიგოელთ დამხმარე ჯარი. მისი შვილი
პეტრე III თავის წინამორბედთა მზგავსად ამხედრდა საფრანგეთის

ხელში იარაღად გადაქცეულ პაპობის წინააღმდეგ. „სიცილიის სერობის“ შემდეგ, რომელსაც ფრანგების განდევნა მოჰყვა სიცილიიდან, უკანასკნელი პეტრემ დაიპყრო. პაპმა მარტინმა განაცხადა, რომ მეფე პეტრეს ჯრთმევა მისი სახელმწიფო და მის ნაცვლად ეძლევა კარლოს ვალუას, საფრანგეთის მეფის ძმას. მაგრამ პეტრე განაგრძობდა ბრძოლას პაპის და საფრანგეთის წინააღმდეგ.

პეტრეს შემდეგ სიცილიაში მისი მეორე ვაჟი იაკობ II გამეფდა (1285 წლიდან); როდესაც მისი უფროსი ძმის ალფონს III-ის სიკვდილის გამო მას არაგონია ერგო, სიცილია (1294 წ.) მისი უმცროსი ძმის ფრიდრიხ II-ს ხელში გადავიდა.

სწორეთ ამ დროს პაპის ტახტზე შესდგა უმდაბლესი, უხარბესი და უენერგიულესი პაპი ბონიფაცი VIII. ფრიდრიხსა და ბონიფაციის შორის გაჩაღდა გააფთრებული ბრძოლა, რომელიც თითქოს ათი წელი გაგრძელდა. მაშასადამე დოღჩინოს იმედები ფრიდრიხის შესახებ სრულიადაც არ იყო ფანტასტიური ოცნება. ეს იმედები საფუძვლიანად ემყარებოდა არაგონის სამეფო კარის ტრადიციებს და სიცილიის მეფის იმ დროინდელ მდგომარეობას. დოღჩინო მხოლოდ იმაში სცდებოდა, რომ სიმართლეთ ჩასთვალა ის მაღალი ფარდის სიტყვები, რომელიც ამ დავაში იხარჯებოდა, და სადღეისო ინტერესებისათვის ბრძოლა პრინციპიალურ ბრძოლად მიიჩნია, ექსპლოატატორთა ჩხუბში დაინახა ბრძოლა ექსპლოატაციის წინააღმდეგ. მაგრამ ამგვარ ილიუზიას დოღჩინოს შემდეგაც ბევრი, ზოგჯერ ფრიად განათლებული მოაზროვნე მოუტყუებია.

თავის პირველ, 1300 წელს გამოგზავნილ წერილში, დოღჩინო წინასწარმეტყველებდა ფრიდრიხის გამარჯვებას ბონიფაცი მე-VIII-ზე, რაიც 1303 წელს უნდა მომხდარიყო. მართლაც ბონიფაცი ამ წელს მოკვდა, მაგრამ ის ფრიდრიხს კი არ მოუკლავს; ის დაღუპა კონფლიქტმა რომის აზნაურთა ერთ ძლიერ გვართან, კოლონთან და ფრანგ ფილიპე IV-სთან, რომელიც თავისი ენერგიით, სიხარბით და ცბიერებით თვით ბონიფაციის არ ჩამოუვარდებოდა.¹⁾

¹⁾ ბონიფაცი VIII-ს აღსასრული მშენიერი მაგალითია იმის, თუ რამდენად უფრო სახიფათო იყო პაპების მდგომარეობა კეთილმორწმუნე საშუალ-საუკუნეებში. ვიდრე მატერიალისტურ XIX საუკუნეში. ფილიპემ გაცხავნა ვილქელმ ნოგარე დიდი თანხით იტალიაში. იქ ნოგარემ შეთქმულება მოაწყო კოლონანსთან ერთად. ანანიოში თავს დაესხნენ ბონიფაციის და „ძირს პაპი“-ს ყიფილთ დაატუსაღეს იგი. ბონიფაცი უსაზღვრო ჯავრმა შეიპყრო, მაგრამ მკაცრმა მოქცევა, რომელიც მას შემდეგ ზედა, საშინელ სიბრაზემდე აიტანა მისი ჯავრი. აჯანყებამ ბონიფაცი განთავისუფლა. მაგრამ რათა თავი დაეხწია იმ საშიშროებისაგან, რომელიც კოლონანსაგან ემუქრებოდა, ბონიფაცი ორსინის ჩაბარდა, უკანასკნელმა კი ის ისევ

ამ კონფლიქტის შედეგი იყო არა პაპობის დამარცხება, არამედ მშვიდობიანობის მოყვარე პაპის, ბენედიქტე XI-ის არჩევა.

როდესაც აღმოჩნდა, რომ სწრაფი გარდატეხის მოლოდინი არ მართლდება, დოღჩინომ ორი ახალი წერილი გამოსცა. მეორე წერილი დაიკარგა; პირველში კი (1303 წლის დეკემბერი) ის აცხადებდა, რომ 1303 წელს, მისი წინასწარმეტყველების თანახმად, „დაილუპა სამხრეთის მეფე“ ბონიფაცი. შემდეგ წელს ახალი პაპა მისი კარდინალებით მოკლული იქნება ფრიდრიხ II მიერ; 1305 წელი დაბალ სამღვდელოების დაღუპვის წელიწადი იქნება.

ეს წინასწარმეტყველება კიდევ ნაკლებათ განხორციელდა, ვიდრე პირველი: ბენედიქტე XI საფრანგეთს შეუპოვდა და შემდეგ ზავი შეჭრა სიცილიის მეფესთან. ამგვარათ, დოღჩინოს გაუმტყუნდა ფრიდრიხ II მოკავშირეობის იმედი.

მაღე ამ წერილის შემდეგ, — შეიძლება, მანამდეც, — დოღჩინოს ვხედებით იტალიაში. ¹⁾

მას დაუტოვებია თავისი სამშვიდობო და შეიარაღებულ ამხანაგთა გუნდით პიემონტში შეჭრილა, რათა პირისპირ შებრძოლებოდა ეკლესიას, სახელმწიფოს და საზოგადოებას. ეს იყო შეიარაღებულ კომუნისტური აჯანყების, პირველი ცდა დასავლეთში.

ფრიდრიხის იმედი გატრუვდა. მაგრამ მეოცნებე კომუნისტებს სხვა მხრიდან გაუჩნდათ დამხმარე ძალა, რომელიც რევოლიუციონური იყო სულ სხვანაირად, ვიდრე პაპსთან წაჩხუბებული მონარქია. ეს ძალა გლეხობა იყო. მისი წყალობით აჯანყებამ 1307 წლამდე გასტანა. აჯანყება, რომელსაც პირვანდელ ქრისტიანობის ყალიბზე უნდა გადაეხალისებინა საზოგადოება, გლეხთა ომად ვადაიქცა.

ტყვედ აქცია. ამან ისე გააშმაგა ბონიფაცი, რომ ვერ აიტანა და მოკვდა. მარიალს ამბობდა ვოლტერი: „ასეთ მდგომარეობაში იყვნენ იტალიაში თითქმის ყველა პაპები, რომელთაც სურდათ მეტის-მეტად ძლიერი ყოფილიყვნენ: სამეფოებანჯყოფდნენ, მაგრამ იგიეთონ მუდამ დევნილი იყვნენ საკუთარ სახელმწიფოში“. (Essay sur l'histoire générale, ch. LXI).

პაპიზმის თავყენის მცემელთ მე-XX საუკუნეში არავითარი საფუძველი არ აქვთ ისურვონ საშუალ-საუკუნეთა ვითარების დაბრუნება და არც თანამედროვე სღვდელთ-კამიებს აქვთ საბუთი იმისთვის, რომ თავისი გულადობა დაიკევნონ.

¹⁾ მოსკოვის მისი აზრით დოღჩინომ დაღამაცია 1304 წ. დასტოვა, წერილის გაგზავნის შემდეგ. დოღჩინოს ბიოგრაფი კრონე (Fra Dolcino etc., გვ. 39) პიემონტზე გალაშქრებას 1303 წლის დამდეგით ათარიღებს. ჩვენ ვეკვობთ, რომ დოღჩინოს შეეძლო აჯანყების გადადება ზამთრის დასაწყისისათვის, რადგან მ-

IV: გლეხთა ომების ეკონომიური ფესვები.

გლეხთა ომები საშუალ საუკუნეებას ბოლო ხანაში სრულიადაც არ იყო იშვიათი მოვლენა. ასაფეთქებელი მასალა ყველგან ბევრი იყო: საკმარისი იყო ერთი ნაპერწკალი რომ ის ანთებულყო.

ამის გამოსარკვევად საჭიროა თვალი გადავაგლოთ იმ ცვლილებებს, რაც გლეხთა მდგომარეობაში ქალაქთა განვითარების გაუღენით მოხდა.

ქალაქთა განვითარებამ შექმნა ბაზარი არა მარტო მრეწველობის, არამედ აგრეთვე სოფლის მეურნეობის პროდუქტებისთვის. რაც უფრო იზრდებოდა ქალაქები, მით უფრო ძნელი ხდებოდა მოქალაქეებისათვის—ვაჭარ-ხელოსნებისთვის—საკუთარი ძალებით დამზადება ყველა მათთვის საჭირო საარსებო საგნების და ნედლი მასალის. ისინი აბლო-მახლო სოცლის მეურნეებისაგან ყიდულობდნენ პროდუქტების ნაჭარბს, რაც ამ შეურნეთ რჩებოდა თავის. მოთხოვნილებათა დაკმაყოფილების შემდეგ. ამ ნაჭარბ პროდუქტებში მოქალაქენი თავის ნაწარმოებს ან უცხოეთიდან შემოტანილ მრეწველობის პროდუქტებს სცვლიდნენ ან ფულს იხდიდნენ. ამგვარათ ფული გლეხებსაც გაუჩნდა. ამან ბუნებრივად გამოიწვია სურვილი, რომ ნატურალური გადასახადი და საბატონო სამუშევრები ფულით გადახდილიყო. ხშირათ თვით სენიორები მოითხოვდნენ ამას, რადგან ფული ეხლა მათაც სჭირდებოდა. გლეხთა მისწრაფებაც სჭირათ ამავე მიმართულებას ღებულობდა, რადგან ნატურალური ბეგარის ფულად ბეგარად გადაქცევა უფრო თავისუფლად ხდინდა მათ და საშუალებას აძლევდა ისე ესარგებლათ თავისი ქონებით, როგორც თვითონ მოისურვებდნენ.

შეიძლება კაცმა იფიქროს, რომ ორივე კლასის მისწრაფება, რომ ნატურალური ბეგარა ფულადათ გადაქცეულიყო, სრულ ჰარმონიას და საერთო კმაყოფილებას იწვევდა. ნამდვილად კი სრულიად წინააღმდეგი ხდებოდა. როგორც ჩვენ უკვე აღვნიშნეთ, ნატურალური ბეგარის სისტემის დროს ამ ბეგარის გადიდების სურვილი არ შეიძლება მეტის მეტად ძლიერი იყოს: ბეგარის სიდიდე სენიორისა და მისი ჯა-

ზინ ლაშქრობა ზამთარში მოუხდებოდა, პიემონტის ზამთარი კი ხშირად ძალიან მკაცრია. თუმცა, შესაძლებელია რომ გარღვე პირობებმა აიძულეს ის ასე მოქცეულიყო: მოქედების მომენტის შერჩევა შეთქმულთა ნებაზე არ არის ყოველთვის დამოკიდებული. შინმა, რომ გეგმა გამოქვლანდება, ან ამხანაგთა მოვთმელობამ, რომელნიც უკვე მიეჩიენ იმედს, რომ გადამწყვეტი მომენტი 1303 წელს დასტავება, შეიძლება აიძულეს დოღინის დეფეო საქმე არა ხელსაყრელ მომენტში, საერთოდ, დოღინისთან დაკავშირებულ ამბების მთელი ქრონოლოგია საშინლათ არეულია.

ლაპობის ფიზიკური მოთხოვნილებით არის განსაზღვრული. ფულის სურვილი კი უსაზღვროა, რადგან არ შეიძლება კაცს საჭიროზე მეტი ფული ქონდეს. ამის გამო ფულად ვალდებულებათა შემოღება ჰბადებს ფეოდალებში გლეხთა ტვირთის გადიდების მისწრაფებას. მაგრამ ამასთან ერთად გლეხების მხრითაც მატულობს წინააღმდეგობა. სანამ გლეხს არ ქონდა თავის ნაწარმოებთა ნაჭარბის გაყიდვის შესაძლებლობა. მისთვის მაინცა და მაინც დიდ მსხვერპლს არ წარმოადგენდა ამ ნაჭარბის სენიორისათვის გადაცემა. მაგრამ როდესაც არსებობს ბაზარი პროდუქტებისათვის, ნაჭარბის ან მისი გაყიდვით შექმნილი ფულის გადაცემა მემამულისათვის ნიშნავს იმას, რომ გლეხი ვერ დაიკმაყოფილებს ზოგიერთ მოთხოვნილებას, რომელსაც ის ადვილათ ეჩვევა.

ამ ინტერესთა წინააღმდეგობას მოემატა მცირენაირი წინააღმდეგობა. სანამ ქალაქები განვითარდებოდა, გლეხს არსად არ ეგულებოდა ისეთი თავისუფალი ადგილი, სადაც მას შეეძლო თავი შეეფარა ბატონისაგან გაქცევის შემდეგ. ქალაქთა ზრდამ გლეხს ეს თავშესაფარი გაუჩინა და ბევრმა, ძალიან ბევრმა ისარგებლა გაქცევის შესაძლებლობით. რაც შეეხება შეძლებულ გლეხებს, ამათ იცოდნენ ბატონების ფინანსიურ ხელმოკლეობის გამოყენება, რომ თავი გამოეხსნათ ვალდებულებებისაგან. ყოველივე ამის გამო საბატონო გლეხთა რიცხვი სწრაფათ კლებულობდა, მამულის მეურნეობა კი ამისაგან ხშირათ ზარალდებოდა. ამგვართ იმ დროს, როდესაც ქალაქთა გავლენით გლეხებში იზრდებოდა ბევრისაგან განთავისუფლების ან ერთდროულათ თავის გამოსყიდვის მისწრაფება, ფეოდალებში, პირიქით, სულ უფრო ძლიერი ხდებოდა იმის ინტერესი, რომ გლეხი რაც შეიძლება უფრო მკვიდრათ მიმაგრებულიყო მამულთან და გადიდებულიყო გლეხის საბატონო სამუშეოარი და ბეგარა.

მაგრამ ამით არ ამოიწურებოდა ინტერესთა წინააღმდეგობა მიწათმოქმედებაში. რადგან სოფლის მეურნეობის პროდუქტები ღირებულებად გადაიქცა, ღირებულება მიიღო აგრეთვე მიწამაც რომელზედაც პროდუქტები იბადებოდა,-- არა მარტო დამუშავებულმა არამედ თავისუფალმა, მოუხენელ-დაუთესელმა მიწამაც. იმ დროს. როდესაც ქალაქებმა ძლიერ და გავლენიან მდგომარეობას მიაღწიეს, მოსახლეობა უკვე ისე მცირე აღარ იყო, როგორც წინეთ, როდესაც მიწა უსაზღვრო სიხანდა და ყველას--გლეხს, ფეოდალს მისი უმებით. თუ ბერების ასსოციაციას,--ვისაც კი ახალი მიწის გაცეხვა მოესურვებოდა, თემი--მარკები და სიუხერენები სიამოვნებით უთმობდნენ იმდენ მიწას, რამდენიც მათთვის საჭირო იყო. ეს დრო დიდი ხანი

წავიდა. თუმცა ჯერ მთელი ვარგისი მიწა დამუშავებული არ იყო. მაგრამ მოსახლეობა უკვე იმდენათ მკიდრო რყო, რომ მიწის მარაგი განუსაზღვრელ სიდიდეს აღარ წარმოადგენდა. მიწათმფლობელობა იქცეოდა პრივილეგიად, მერე ისეთ ძვირფას პრივილეგიად, რომ მისი გულისთვის მალე სასტიკი ბრძოლა გაჩაღდა. ერთის მხრით თემ-მა-მარკებმა კარი ჩაიკეტეს და მთელი თავისი მიწა თემში შემავალ ოჯახების საკუთრებად გამოაცხადეს. სოფლად, ისევე როგორც ქალაქებში, თემი-მარკის წევრთა გვერდით წარმოიშვა თემის არასრულუფლებიან წევრთა ფენა.

მეორეს მხრით სენიორები, სარგებლობდნენ რა თავისი უპირატესი ძალა-უფლებით მარკის მიმართ, ცდილობდნენ მიეთვისებინათ თემის მიწა, თავის კერძო საკუთრებად გამოეცხადებინათ იგი და შემდეგ მოწყალებით ებოძათ თემის წევრთათვის ამ მიწით სარგებლობის უფლება.

რაც წინ მიდიოდა ეკონომიური განვითარება, მით უფრო მწვევადებოდა ეს წინააღმდეგობანი, მით უფრო მტრული ხდებოდა გლეხთა და ფეოდალთა ურთიერთ-დამოკიდებულება და მით უფრო ადვილათ ჩაღებოდა კონფლიქტები, რომლებსაც ჩვეულებრივად წმინდა ადგილობრივი ხასიათი ქონდა, მაგრამ გარკვეულ პირობებში ერთბაშათ მოედებოდა ხოლმე მთელ პროვინციებს, მთელ ქვეყნებს და ნამდვილი ომებით — გლეხთა ომებით — თავდებოდა.

ომის ბედი ამ შეტაკებებში ცვალებადი იყო. საზოგადოათ კი შეიძლება ითქვას, რომ XIII და XIV საუკუნეებში, — იტალიაში კი უფრო ადრეც, — გლეხთა მდგომარეობა, აქა-იქ დამარცხების მიუხედავად, თანდათან უმჯობესდებოდა.

ეს უტყუარი საბუთია იმისა, რომ ექსპლოატაციის ქვეშ მყოფ კლასის მდგომარეობა შეიძლება უმჯობესდებოდეს, მაგრამ მისი ანტაგონიზმი ექსპლოატატორ კლასსთან მაინც მწვევადებოდეს. უკიდურესად უაზროა აპოლოგეტების, — სინამდვილის შემამკობელ თანამედროვე ბურჟუაზიულ ეკონომისტების ცდა შეაგონონ მუშებს, რომ რაკი მათი მდგომარეობა უმჯობესდება, სოციალისტურ მუშათა მოძრაობისათვის არავითარი საფუძველი აღარ არსებობს, ის მხოლოდ გაუგებრობის ნაყოფია. რომც მართალი იყოს მათი მსჯელობა, რომ „მუშათა კლასის წინ მიდის“, ეს კიდევ ვერაფერს დამტკიცებდა. ამ ბატონებმა ყოველ შემთხვევაში ის უნდა იცოდნენ, რომ მარქსმა და ენგელსმა უკვე ნახევარი საუკუნის წინათ სთქვეს, რომ სოციალ-დემოკრატიული (კომუნისტური) მოძრაობა — სილატაკის ნაყოფი კი არ არის, არამედ კლასობრივ წინააღმდეგობათა და

კლასსობრივი ბრძოლის, და ვერც ერთი ვოლფი ან ბრენტანო, რომელნიც ვარდის ფერებით ლებავენ სინამდვილეს, ვერ გაბედავენ იმის მტკიცებას, რომ კლასობრივი ბრძოლა სუსტდება და კლასობრივი წინააღმდეგობა კლებულობს.

გლებთა მდგომარეობის გაუმჯობესების მიზეზები ნაწილობრივ უკვე აღნიშნულია ზემოთ ნათქვამში. ქალაქები უმაგრებდა ზურგს გლებობას და გლებობაც ამ დახმარებით კარგათ სარგებლობდა. იურიდიული დამონება და ფიზიკური ჩაგვრა ბევრს ვერას შევლიდა, თუ ქალაქები მფარველობას აღმოუჩენდნენ შემოხიზნულ გლეხებს. თუ „მუშა ხელის“ შენარჩუნება სურდა, სენიორი უფრო ფრთხილად უნდა მოპყრობოდა მას და ცხოვრების პირობები შეემსუბუქებინა მისთვის.

მნიშვნელოვან როლს თამაშობდა ხშირათ ფეოდალების ფინანსიური ხელმოკლეობაც. მე-XII საუკუნეში ქრისტიანული სამყარო იმდენად ძლიერი იყო, რომ არა თუ მტრის შემოსევის მოგერიება შეეძლო, არამედ შეტევაც იმათზე, ვინც თავისი სიმდიდრით და მაღალი კულტურით სამხედრო და სასულიერო კასტების სიხარბეს იწვევდა: ასეთი იყო აღმოსავლეთის ერები. ჯვაროსანთა ლაშქრობა დაიწყო თავზე ხელაღებულ და მტაცებელ სენიორების ცოცხალი მონაწილეობით. მაგრამ ჯვაროსანთა ლაშქრობას ერთი მზგავსება აქვს თანამედროვე კოლონიალურ პოლიტიკასთან: დიდი ილიუზიებით დაიწყო იგი, მაგრამ სავალალოთ ვათაჟდა და მისმა შედეგებმა სრულიად ვერ აანაზღაურა ის დიდი მსხვერპლი, რაც მოლაშქრეებმა გაიღეს. მაგრამ თანამედროვე კოლონიალურ პოლიტიკასთან შედარებით ჯვაროსანთა ომებს ერთი უპირატესობა ქონდა. კოლონიალური პოლიტიკის მსხვერპლს, „სახელმწიფოს, იდეის“ გავრცელებისათვის გაღებულს, ეხლა სახელმწიფოს, ე. ი. მოსახლეობის მასსებს მოაქვს, ხოლო მისი ნაყოფით რამოდენიმე აენტიოურისტი და ვაჭარი სარგებლობს.

„შაებნელ“ საშუალო საუკუნეებში საქმე სხვანაირი იყო. იმ დროს არ არსებობდა სახელმწიფოებრივი ხელის უფლება იმ მნიშვნელობით, როგორც ეს ეხლა გვესმის. აღმოსავლეთში გასამდიდრებლად მიმავალი სენიორები სახელმწიფოს ხარჯზე კი არ ლაშქრობდნენ: ხარჯი მათი იყო და თუ ექსპედიცია მარცხით თავდებოდა, პასუხს თვითონ აგებდნენ და არა სახელმწიფო. ჯვაროსანთა ლაშქრობამ ბევრი ქალაქი გაამდიდრა, განსაკუთრებით იტალიის ქალაქები. ეს ჩვენ უკვე აღვნიშნეთ. მაგრამ ამასთანავე მან ევროპის თავდაზნაურობის დიდი ნაწილი გააკოტრა. თავადაზნაურობის დანარჩენ

ნაწილში კი გააძლიერა უმაღლესი კულტურის ნაწარმოებთა მოთხოვნები, რომლის დაკმაყოფილება ევროპაში მხოლოდ ფულით შეიძლებოდა. საკვირველიც არ არის, რომ ფულის მოთხოვნილება თავად-აზნაურობაში იზრდებოდა. აქედან კი, ცხადია, გლახთა სულმეჩი და მეტი შევიწროების სტიმული იზადებოდა; მაგრამ ხიარათ ისიც ხდებოდა, რომ ვალში ჩაყარდნის სენიორი კმაყოფილებით თანხმდებოდა, რომ გლახს თავისი ვალდებულებანი ერთდროულად გამოესყიდა განსაზღვრული თანხის გადახდით. მსხვილი თავად-აზნაურობის ზარალი ამიტომ შედარებით მცირე იყო, წერილი თავად-აზნაურობა კი ღარიბდებოდა და თავის დამოუკიდებლობას თითქმის სრულებით ჰკარგავდა.

ბოლოს, კიდევ ერთი გარემოება უნდა აღვნიშნოთ. თემ-მარკების განკერძოებამ, სენიორთა მიერ მარკების ექსპროპრიაციამ და მოსახლეობის ზრდამ ის გამოიწვია, რომ გლახთა დასახლება ახალ ადგილებზე ძალიან გაჭირდა. მოსახლეობის ჭარბი ნაწილი იძულებული გახდა მიწათმოქმედების გარეშე ეძია სახსარი, განსაკუთრებით, ქალაქურ ხელოსნობაში და სამხედრო სამსახურში. გაყოტრებულ თავად-აზნაურობის გარდა, ჯარში სამსახურს ეტანებოდა ჯანდონით სავსე სოფლის ასალგაზრდობა, რომელსაც შინ სამუშაო ვერ ეშოვნა. სოფლელი ახალგაზრდები მდიოდენ სენიორებთან, ვინც კარგ ჯამაგირს დაუნიშნავდა და ალაფის შოვნის იმედს მისცემდა, ემსახურებოდნენ აგრეთვე მდიდარ ქალაქებს, ხელმწიფეებს ან კიდევ ცალკე ბედნიერ სარდლებს, რომელთაც სამხედრო სამსახური ხელობად ქონდათ გადაქცეული და რომელნიც ქირით უდგებოდნენ სამსახურში თავისი ბანდებით ყველას, ვისაც ჯარი სჭირდებოდა.

იტალიაში დაქირაავებული ლაშქარი XIII საუკუნეში გვხვდება. სისმონდის მოწმობით პირველ ხანებში დაქირაავებულ ლაშქარს სამშობლოდან განდევნილი და გადასახლებული პირნი შეადგენდნენ: ასეთნი მრავლათ მოიპოვებოდნენ იმ დროის საქალაქო პარტიებს შორის არსებული ბრძოლის გამოისობით. (Simon de Sismondi; Histoire des républiques italiennes du moyen âge. Paris 1826, ტომი III, გვ. 260).

ფეოდალური კასტის ცხენოსანი ლაშქრის ანუ რაინდთა ლაშქრის გარდა დგება აგრეთვე გლახთა ლაშქარი; ქვეითი ჯარი კვლავ სამხედრო საქმის მნიშვნელოვანი ფაქტორი ხდება.

ჯარში გამოწვეული გლახები ჩვეულებრივად სრულიად არ იყვნენ პროლეტარები; ისინი გლახთა შეილები არიან. სამხედრო სამსახურის დამთავრების შემდეგ სახლში ბრუნდებიან ნადავლი ფუ-

ლითა და საქონლით საოჯახო მუშაობაში მონაწილეობის მისაღებათ ან საკუთარი კერის შესაქმნელად. თან მოქონდათ სოფელში თავისი იარაღი და სამხედრო საქმის ცოდნა და გამოცდილება. XIV და XV საუკუნეების რაინდებს ხშირათ გამოუცდიათ საკუთარ ზურგზე გენუელთა და ინგლისელთა მშვილდ-ისრის, შვეიცარიელთა შუბის და ბოჭმეილთა ფოცხისა და საცეხველი ჯაჭვის სერიოზული მოქმედება. ¹⁾ ეკვი არაა, ამ საგნებმა დიდათ შეუწყო ხელი გლეხთა მდგომარეობის გაუმჯობესებას.

როგორც ვიცით, იტალიაში ყველა ქვეყნებზე ადრე განვითარდა საშუალ-საუკუნეების ქალაქი. აქვე წარმოიშვა ყველაზე ადრე ის ინტერესთა წინააღმდეგობა ფეოდალებსა და გლეხებს შორის, რომელზედაც ესეც არის ლაპარაკი გეგონდა.

გარდა ამისა იტალიაში შეიქმნა ერთი თავისებური მოვლენა, რომელსაც შეეძლო განსაკუთრებით გაემწევავენა აღნიშნული წინააღმდეგობა: სენიორთა აპსენტიეზმი.

ძველად მსხვილი მიწათმფლობელნი იტალიაში (აგრეთვე საბერძნეთშიაც) უმთავრესად ქალაქებში ცხოვრობდნენ. იტალიის საშუალ-საუკუნეების ქალაქები, სადაც არასდროს არ გამქარალა კავშირი ძველი დროის ტრადიციებთან, თავიდანვე ცდილობდნენ ქალაქის მოსახლეობის შემადგენლობაში სოფლის აზნაურობა შეეყვანათ. როდესაც ქალაქები იმდენად ძლიერი გახდნენ, რომ სოფელზედაც ვაბატონდნენ, მათ აიძულეს აზნაურობა სოფლიდან ქალაქში გადმოეტანა თავისი რეზიდენცია. ბევრმა ქალაქმა თავისი მორჩილი აზნაურნი აიძულა რომელიმე საქალაქო სარეწავისთვისაც კი მოეკიდათ ხელი ქალაქში. იტალიის ქალაქთა ეს პოლიტიკა, აზნაურთა ქალაქში გადმოსახლება, იმავე მოტივებით იყო გამოწვეული, რომლითაც საფრანგეთის XVII და XVIII საუკუნეების მეფეები აიძულებდნენ აზნაურებს მიეტოვებინათ თავისი ციხე-დარბაზები და მეფის კართან დასასლტულიყვნენ. ანგვარად დაძლეულ იქნა აზნაურობის დაპოუქმდებლობა და ამავე დროს ხელი შეეწყო ერთ შემთხვევაში: ტახტის და მეორე შემთხვევაში ქალაქთა ბრწყინვალეობას და გავლენიანობას. მაგრამ ამ მიზეზითვე იტალიის სოფლის მოსახლეობა ისეთსავე მდგომარეობაში ვარდებოდა, როგორც საფრანგეთში რევოლუციის წინ.

როდესაც ექსპლოატატორი ახლო იმყოფება იმპირებთან, რომელთაც ის ყვლევს, ექსპლოატაცია, დანაოჩენ თანასწორო პირობებში.

¹⁾ შვეიცარიელთა იმ დღონდელი ტაქტიკის შესახებ იხ. K. Blerli, Der wahre Winkelried, ციურნი 1886.

ში, ისეთ მიმღე ფორმას არ იღებს. როგორც მაშინ, როდესაც ისინი დიდი მანძილით არიან ერთმანეთისაგან დაშორებულნი. ერთად ცხოვრება ჰბადებს არა მარტო ერთგვარ სულიერ განწყობილებას, არამედ ნაწილობრივ ინტერესთა ერთობასაც, რომელიც ბევრნაირ წინააღმდეგობას ასუსტებს; იმ სენიორისათვის, რომელიც გლეხებთან ცხოვრობს სოფელში, სულ ერთი როდია, თუ რა მდგომარეობაშია გარშემო მცხოვრები მოსახლეობა: ახარებს მას ეს მდგომარეობა თუ ლახავს მის გრძნობებს, მძვინვარებს იქ ციება, რომელიც მის ოჯახსაც ემუქრება, თუ სალი მხარეა ჯანმრთელი მოსახლეობით.

იმ ფეოდალს კი, რომელიც ქალაქში ცხოვრობს გლეხის ცხოვრება არც ესმის, არც აინტერესებს; მთელს მის მიწა-წყალს მხოლოდ ერთის მხრით აქვს მისთვის მნიშვნელობა—წმინდა შემოსავლის მხრით. ტიალ უდაბნოთაც რომ გადაიქცეს მთელი ქვეყანა, ფეოდალს ეს არ შეაწუხებს, თუ მისი წმინდა შემოსავალი იგივე დარჩება, რაც წინათ იყო. რომის კამპანია,—მკერმეტყველი მაგალითია იმის, თუ რა შედეგი მოსდევს ბოლოს და ბოლოს ამ სახის მეურნეობას.

ჯერ XV საუკუნეში კამპანია კარგათ დამუშავებულ და მრავალ სოფლიან ქვეყანას წარმოადგენდა. ეხლა ის ჯაობიანი უდაბნოა, კამეჩების და მალიარიის სათარეშო.

აბსენტეიზმის გავლენას საშუალო საუკუნეებში კიდევ ის გარემოება მოემატა, რომ ქალაქურმა ყოფა-ცხოვრებამ თავად-აზნაურობა კაპიტალისტურ აზროვნებასა და სულისკვეთებას აზიარა. საკვირველიც არ არის, რომ კაპიტალისტური წარმოება მიწათმოქმედებაში ყველაზე ადრე სწორეთ იტალიაში გაჩნდა. თუ გლეხები ვერ ახერხებდენ თავის მიწაზე სრული საკუთრების უფლების მოპოებას, ეს კი ძალიან იშვიათად ხერხდებოდა,—ისინი მოიჯარადებების ან დლიური მუშების მდგომარეობაში ეარდებოდენ, რომელთაც არაერთარი უფლება არ გააჩნდათ მათი შრომით დამუშავებულ მიწაზე.

V. დოლჩინოს აჯანყება.

როდესაც დოლჩინო იტალიაში შეიქრა, ზემოთ აღნიშნულ საზოგადოებრივ დამოკიდებულებათა განვითარება უკვე დაწყებული იყო და ჩვენ მიერ აღწერილი წინააღმდეგობანი უკვე არსებობდა: ეს გასაგებათ ხდის იმ გარემოებას, რომ, რა წამს დოლჩინომ აჯანყების დროშა აღმართა, მას გუნდ-გუნდათ დიდძალი ხალხი შემოუერთდა.

ჩვენ არ ვიცით. თავიდანვე ქონდათ დოლჩინოს და მის ამხანაგებს გლეხთა მომხრობის განზრახვა. თუ მათ ეს გარკვეულათ გა-

თვალისწინებული არ ქონიათ და თავის თავად შექმნილმა პირობებმა მიიყვანეს ისინი ამ შედეგამდე. როგორათაც არ უნდა ყოფილიყო, ფაქტთა ლოლიკამ აიძულეს ისინი ამ გზას გაყოლოდნენ შეგნებულათ თუ შეუგნებლათ, რაკი ერთხელ უარყვეს მონასტრული პროპაგანდის წესი და შეიარაღებულ აჯანყების გეზი აიღეს. ძალდატანებითი რევოლუციის ცდა ვერ დაეყრდნობოდა მხოლოდ კომუნისტურ მეოცნებეთა ძალებს, მათი გვერდით კი მხოლოდ გლეხები წარმოადგენდნენ განსაკუთრებით უკმაყოფილო და შეამბოხურად განწყობილ მოსახლეობის ფენას.

მაგრამ გლეხობაზე დაყრდნობა ძმათა-მოციქულთა მოქმედებას მკვიდრ ნიადაგს აკლიდა. მათი ბედი უდიდესი ტრაგედია იყო: დროის პირობები, ეს ფაქტები, აიძულებდა მათ გადაედგათ გადამწყვეტი ხაზიჯი, რადგან მხოლოდ ამით შეეძლოთ სამხედრო გამარჯვების მოპოება. მაგრამ ამავე დროს იგივე პირობები იმთავითვე უნაყოფოთ ხდიდა შესაძლებელ გამარჯვებას და აუცილებელს ხდიდა საბოლოო კატასტროფას.

პირველი შეხედვით ეს მსჯელობა კაცს მისტიურათ მოეჩვენება. მაგრამ საკმარისია რამოდენიმე სიტყვა, რომ საქმე ცხადი გახდეს.

ძმები მოციქულნი კომუნისტები იყვნენ. მათ სუოდათ ცალკე თემების ვიწრო თვალსაზრისს ვასცილებოდნენ. რომის დაპყრობაზე და მთელი საზოგადოების გარდაქმნაზე ოცნებობდნენ თანახმად თავისი იდეალებისა. გლეხები კი სრულებითაც არ იყვნენ კომუნისტები, ყოველ შემთხვევაში იმ მნიშვნელობით, როგორც ძმები-მოციქულნი მართალია, ერთის მხრით გლეხებიც მხარს უჭერდნენ თემურ საკუთრებას, მაგრამ მხოლოდ ტყეებზე და საძოვრებზე; მათ ოდნავათაც არ იზიდავდა მოხმარების საშუალებათა კომუნისში, ქონების სრული უარყოფა თემის სასარგებლოდ. კომუნისტები ვერ შეჩერდებოდნენ მანამდე, სანამ საზოგადოებას სრულიად არ გარდაქმნიდნენ; გლეხები კი, პირიქით. ფეოდალებს ადვილათ შეეძლოთ დაეკმაყოფილებინათ მკვირედი დათმობით: ზოგიერთი ვალდებულების გაუქმებით, ზოგიერთი სადავო მიწის ნაკვეთებზე ხელის აღებით.

მაგრამ ამაზე მეტი მნიშვნელობა ქონდა იმ გარემოებას, რომ გლეხთა გონებრივი ჰორიზონტი საკუთარი მრევლის ვიწრო ინტერესებს არ ცილდებოდა. ეს ყველა იმ დროის გლეხთა მოძრაობებში მეორდებოდა, თუ სხვადასხვა კუთხის კომუნისტებს იმდენათ მკვიდრო კავშირით არ ქონდათ ერთმანეთში გაბმული, რომ „საკუთარი მრევლის პოლიტიკა“ სძლევდნენ; ამაშია მრავალი გლეხური მოძრაობის დამარცხების მიზეზი. თვითეული ოლქი მხოლოდ თავის საქმეს ესარჩ-

ლებოდა, თვითიველი კუთხე თავისთვის ჰკრავდა ზავს, სხვებზე კი არ ზრუნავდა. ამ ურთიერთ გათიშვის გამო მტრის გაერთიანებული ძალა ადვილად იმარჯვებდა.

დოლჩინოს აჯანყების ისტორიაში ბევრი რამ გამოურკვეველი დარჩა. მაგრამ თუ მას სხვა მის მზგავს აჯანყებებს შევადარებთ და ვისარგებლებთ ამგვარი ანალოგიებიდან დასკვნის გამოტანის უფლებით, ნათელი ვაგვიხდება მრავალი რამ, რაც თავისთავად გაუგებარი სჩანდა.

პირველად დოლჩინო პიემონტის ალპებში გაჩნდა. აქედან ლაბლობში ჩაეშვა და მოულოდნელი თავდასხმით სელთ იგდო გატტინარას ფორტი ვერჩელლის ახლო. მისი კავშირის წვევების, ავანტიურისტებისა და ყოველგვარ დაქირავებულ ჯარისკაცთა გარდა მას მიემხრო გლეხთა ძალიან დიდი მასსა. მალე მის გარშემო 5.000 მებრძოლი შემოიკრიბა; იმ დროს ეს დიდი არმია იყო. არა თუ მამაკაცები, დედაკაცებიც მარგარიტას მეთაურობით როგორც ლომები იბრძოდნენ. „ღები თუ ცოლები მამაკაცებზე არა ნაკლებ მარჯვე და მოხერხებული იყვნენ ამ საგმირო საქმეში. მამაკაცურად ტანშემოსილნი ჯარისკაცთა რიგებში იჭრებოდნენ და ისევე მზნეთ და თავგანწირულათ იბრძოდნენ, როგორც მამაკაცები“. (Miosheim, loc. cit. გვ. 283).

ადგილობრივი ექსპლოატატორებს დაავიწყდათ თავისი დავა და უთანხმოება; ვერჩელლის და ნოვარის ეპისკოპოზებმა, იქაურმა თავად-ახნაურობამ და ქალაქებმა შეჰყარეს ჯარი მეამბოხეთა წინააღმდეგ ვასალაშქრებლად; მაგრამ ბრძოლა ექსპლოატატორთა ლაშქრის სრული დამარცხებით გათავდა; დამარცხებულმა ლაშქარმა ძლივს შეაფარა თავი ქალაქის კედლებს შიგნით.

დოლჩინოს ძალებმა ეხლა კიდევ უფრო სწრაფად იწყეს მატება. მაგრამ დოლჩინომ, ამ ენერგიულმა და ბრწყინვალე საარდაღმა, დააყოვნა და ხელსაყრელი მომენტი ვერ გამოიყენა. როდესაც მტრები ველარ ბედადნენ მასთან პირისპირ შებრძოლებას, მას ადვილათ შეეძლო სწრაფი წინსვლით საყოველთაო აჯანყება გამოეწვია. ამის მაგიერ ის დარჩა სეზიას ველზე, სადაც აჯანყება დაიწყო, და ხელი მიჰყო მონასტრების, დაბებისა და მამულების ძარცვა-რბევას.

ეს მოვლენა იმ დროისთვის არაჩვეულებრივი არ იყო, ის ყველა გლეხთა ომებში მეორედებოდა. სეზიას ველის გლეხობას არაერთარი სურვილი არ ქონდათ ამბოხება სხვა რაიონებშიაც გამოეწვიათ. მეზობელ რაიონების გლეხებსავეთ ამათი დაშოშმინებაც ადვილი იყო, თუ ცოტა რაქმში დაუთმობდნენ. ალბათ ასეც მოხდა. ქვეყნის

ექსკლავატორები ისე დამფრთხალი იყვნენ მათი არმიის დამარცხებით, რომ დოლჩინოს გულის მონადირება სცადეს ყოველნაირი საშუალებით: აღუთქვეს არა თუ სრული ანბისტია, არამედ კონდოტიერის (დაქირავებული ლაშქრის უფროსის) თანამდებობის მიცემაც ვერჩელლში; მაგრამ დოლჩინომ ზიზლით უარყო ეს წინადადებები.

გლებებმა კი, როგორც სჩანს, მიიღეს ის დათმობა, რომლის მოპოება სურდათ აჯანყებით. წყაროები ამ ფაქტს არ აღნიშნავენ. მაგრამ მხოლოდ ასეთი მოსაზრება ხდის გასაგებათ იმას, რომ დოლჩინო უმოქმედოთ იდგა, ხოლო გლებები მას შორდებოდნენ. როდესაც მტრები პირიქით ერთიანდებოდნენ და ირავმებოდნენ.

კომუნისტური აჯანყება ადგილობრივი მოძრაობის ფარგალს არ გასცილებია; მაგრამ მტრებს ძალიან კარგათ ესმოდათ, რომ მისი მნიშვნელობა მხოლოდ ადგილობრივი როდია. საქმეში ჩაერია იმ დროის დიდი ინტერნაციონალური ძალა—პაპობა; მან ჯვაროსნული ომი გამართა აჯანყებულთა წინააღმდეგ და უკანასკნელთა ბედიც მაშინ გადაწყდა. დაბლობში მუამბოხენი თავს ვერ დაიცავდნენ, მთებისაკენ დაიხიეს და იქედან ებრძოდნენ ჯვაროსნებს პარტიზანულად. დოლჩინოს ბრწყინვალე სამხედრო ნიჭი და მისი ამხანაგების გმირობა სასწაულებს ახდენდა ამ ბრძოლაში. მხოლოდ ერთ მაგალითს მოვიყვანთ: ერთხელ ტრივეროს 300 მოქალაქე თავს დაესხა დოლჩინელთა გუნდს, რომელიც ძარცვით იყო გართული, მაგრამ უკუქცეულ იქნენ 30 დოლჩინელ-ქალთა მიერ (Krone, loc. cit., გვ. 80).

ხშირათ დოლჩინოელნი გაშლილ მინდორში ამარცხებდნენ მტერს, დიდ ზიანს აყენებდნენ ჩასაფრებით და უეცარი თავდასხმით. მაგრამ მტრის რკინის სალტე სულ უფრო მკიდროთ ევლებოდა მეოცნებე კომუნისტთა გუნდს, რომელიც იმავე დროს გლებთა თანაგრძნობასაც ჰქარავდა: გლებებმა შეიძულეს ისინი იმ ტანჯვისა და აწიოკებისათვის, რაც ომმა მიაყენა მთელს ქვეყანას.

მაგრამ პატარენებმა (ძმათა-მოციქულთა მეორე სახელი) მაინც 1307 წლამდე გასძლეს, და მაშინაც ისინი უფრო გაქირებებამ და შიმშილობამ მოსტეხა. ჯვაროსნებმა დაჰკარგეს იმედი. რომ მათ იარაღი დაამარცხებდნენ, და შიმშილით სცადეს მტრის დაძლევა (1306 --1307 წ.წ. ზამთარი).

ამ მიზნით იმ ქალაქთა და ადგილთა მცხოვრებლებს. რომელიც მთის ახლო სახლობდნენ (იმ მთის, რომელზედაც პატარენები იყვნენ გამაგრებულნი, — ზოგიერთი წყარო ამ მთას Monte Zehello-ს უწოდებს, ზოგიც — Monte Bubello-ს) თავისი სახლები უნდა გაენთავისუფლებინათ. რათა ერეტიკოსებისათვის მოესპოთ ტყვეებისა და

სურსათის გატაცების საშუალება. ამის შემდეგ ეპისკოპოსმა (რანერიმ ვერჩელიდან, სამხედრო ოპერაციების ხელმძღვანელმა) უბრძანა ხალხს, რომელიც ყოველის მხრიდან მოდიოდა მასთან გუნდგუნდათ, დახმარებოდნენ მას ხუთი სანგრის ან სიმაგრის აშენებაში იმ ადგილებზე, სადაც ძმათა-მოციქულებს ყველაზე უფრო ადვილად შეეძლოთ ალყის გარღვევა. ყველა ამ ციხე-სანგრებში ძლიერი გარნიზონები ჩასხეს. და ყველგან ისე სასტიკათ იცავდნენ და დარაჯობდნენ ყოველ გამოსაყვალს, გზას თუ ბილიკს, რომლის მიგნება შეეძლოთ ერეტიკოსებს, რომ არც ერთი საძრომი არ დარჩენილა, საიდანაც შესაძლებელი ყოფილიყო იარაღის, სურსათ-სანოვავის ან სხვა რაინის მიწოდება“ (Mosheim, op. cit., გვ. 287).

ამგვარი ხერხით ბოლოს და ბოლოს შესძლეს მემამოხეთა დამარცხება.

რომ მხოლოდ სიმშლიმა და მრავალნაირმა გაქირვებამ მიანიჭა ჯვაროსანთა ლაშქარს გამარჯვება, ამას თვით დანტე აღნიშნავს გაკერით თავის „ღვთაებრივ კომედიაში“. 1300 წელს, როდესაც, დანტეს სიტყვით, მან მოიარა ჯოჯოხეთი, მას რა თქმა უნდა არ შეეძლო მოეხსენებინა თავის პოემაში პატარენტა აჯანყება, როგორც წარსული ამბავი. ჯოჯოხეთის ერთს უღრმეს უფსკრულში, სადაც თავისი ცოდვები უნდა გამოესყიდათ იმ პირთ ვისაც დედა-მიწაზე არეულობა და შუღლი გამოუწვევიათ, პოეტი ხედება მაპომეტს, რომელიც შემდეგი სიტყვებით მიმართავს პოეტს: „შენ, რომელიც ალბათ მალე კვლავ იხილავ მზეს, უთხარი ფრა-დოლჩინოს, რომ თუ არ სურს მალე აქ გაჩნდეს ჩემთან, მოიმარაგოს სურსათი, რადგან თუ არა სიმშლით და თოვლით ნოვარიელნი მას ვერ დაამარცხებენ“.

მართლაც, „თოვლმა“ მისცა ნოვარიელთ გამარჯვება, მაგრამ მისცა არც თუ ისე ადვილად. სიმშლილი დასიცივე ცელავედა ალყა შემორტყმულ მემამოხეებს. დამშეული მებრძოლნი სენისაგან დასოცილთა ხორცილთ იკვებებოდნენ. „მოციქულნი ისე დაუსტდნენ, რომ ნახევრად გახრწნილ გვაშებს უფრო ჰკავდნენ, ვიდრე ცოცხალ ადამიანებს“ (Mosheim).

მათი საქმე დაღუპული იყო, მაგრამ წინააღმდეგობას მაინც განაგრძობდნენ. და შიში ამ შეუპოვარ მებრძოლთა წინაშე ისე დიდი იყო, რომ ჯვაროსანთა ჯარისკაცებმა, მიუხედავად თავის ძალთა სიჭარბისა, მხოლოდ მაშინ გაბედეს იერიშის მიტანა გარს შემორტყმულ პოზიციებზე, როდესაც ტყვეებმა აცნობეს, რომ მოწინააღმდეგეს იარაღის ხმარების უნარიც დაკარგული აქვს.

შიკრევა მოხდა 1307 წლის 23 მარტს. „ეს სასაკლაო იყო და

არა ბრძოლა“. აჯანყებულებს შებრალებაც არ უთხოვიათ. უკანასკნელი ბრძოლისთვის მოკრიბეს ძალა მაგრამ უმრავლესობა მათი ისე დასუსტებული იყო, რომ ფეხზე დგომაც არ შეეძლო. ამგვარად წინააღმდეგობა მხოლოდ საბაბი გახდა საზარელი ქლეტისათვის. 1.900 კაციდან, ვინც ბოლომდის გაძლო, თითქმის ყველანი დაიხოცა, ზოგიერთი გაიქცა და მხოლოდ რამოდენიმე კაცი წაყვანილ იქნა ტყვედ, მათ შორის დოლჩინო და მარგარიტა: ეპისკოპოსს კატეგორიული პრძანება ქონდა გაცემული, რომ ისინი არ დაეხოცათ, რადგან სწრაფი სიკვდილი ბრძოლის ველზე მეტად ღმობიერ სასჯელად მიიჩნეოდა მათთვის.

დიდი იყო პაპის მეგობართა ზეიმი, როდესაც გაიგეს საშიშარ ერეტიკოსთა საბოლოო დამარცხების ამბავი. გარეგნულად აჯანყებას წმინდა ადგილობრივი ხასიათი ქონდა; მაგრამ პაპობას აჯანყების საერთაშორისო მნიშვნელობა გაცილებით უკეთ ესმოდა, ვიდრე სეზიის ველის გლეხებს. პატარენოა საბოლოო დამარცხების უმალ ეპისკოპოსმა რაინერიმ პაპ კლიმენტ მეV-თან რამოდენიმე თავისი სარდალი აფრინა სასიხარულო ცნობით; პაპმა კი, რომელიც იმ დროს პუატიეში ცხოვრობდა; იმდენად მნიშვნელოვნად ჩასთვალა ეს ამბავი, რომ მიღებული ბარათი დაუყოვნებლივ გადააწერინა და საფრანგეთის მეფეს, ფილიპე ლამაზს, და ალბათ სხვა ხელმწიფეებსაც, გაუგზავნა.

მხოლოდ ერთ რამეში ვერ დაიკვეხნიდა გამარჯვებას ძლევამოსილი რომის ეკლესია. ამაოდ ცდილობდა ის წამებით ჩამოერთვა ერეტიკოსებისათვის მათი მოძღვრების უარყოფა, რასაც სხვა შემთხვევებში ასე ადვილად ახერხებდა. „გმირულად აიტანეს დოლჩინომ და მარგარიტამ წამება, რომელიც მრისხანე მოსამართლეებმა განუშაღდეს მათ; კრინტი არ დაუძრავს მორწმუნე ქალს, არც ერთი სიტყვა ჩივილის ან აღშფოთების არ აღმოხდომია მის გულად ამხანაგს. მათ ტყავს აძრობდნენ, ხელ-ფეხს უგრებდნენ და უმტკრევდნენ, განსაკუთრებული შუბებით და მუხრუჭებით ჰგლეჯდნენ მათ სხეულს, მაგრამ მაგრად შეკრულ ბაგეთაგან ვერ გამოჰგლიჯეს ვერც უარყოფა, ვერც თხოვნა“¹⁾

მათ მიუსაჯეს ერეტიკოსებისათვის ჩვეულებრივი სასჯელი — დაწვა. დოლჩინო დასწევს ვერჩელში 1307 წ. 2 ივნისს. მარგარიტას აყურებინეს მის სიკვდილს. გმირმა ქალმა ამ საშინელ წუთშიაც შეინარჩუნა სულის სიმტკიცე. „კიდევ ერთხელ, მაგრამ ისევე ამაოდ წინადადება მისცეს მათ უარყოფთ თავისი მოძღვრება: „შემდეგ უბე-

¹⁾ K r o n e, Fra Dolcino, გვ. 91. ამ წიგნიდანვე ამოღებული შემდეგი კიტატებიც.

დურ დოლჩინოს სულიერი ტანჯვის გასაორკეცებლად, მსახური მარგარიტას მიუარდენ და იქვე, კოკონის წინ, დოლჩინოს აგონიის დროს შეურაცხვეს და იარაღებით აწამეს იგი“.

უფრო გვიან მარგარიტაც დასწევს ბიელლაში. მიუხედავად იმისა მდაბიო ხალხი ძალიან დაშინებული იყო პატარა ბავშვის მხეცური წამება-დასჯით, მარგარიტას, ამ მდაბიო ხალხის ინტერესთა თავდადებული და მდგარი დამცველის, სიკვდილით დასჯამ ძლიერი პროტესტი გამოიწვია მასში. ხალხი აღშფოთდა და „მხოლოდ ძალით შეაჩერეს იგი სასამართლოს დარბევისაგან; მაგრამ მიუხედავად ამისა ერთი კეთილშობილი გვარის არამზადა, რომელმაც უბედური ქალისათვის სილის გარტყმა იკადრა, ნაკუწ-ნაკუწ დაგლეჯილ იქნა ხალხის შურის მგებელ ხელთაგან, როგორც მსხვერპლი მისი ადამიანური რისხვისა“.

ასე გათავდა საშუალ-საუკუნეების პირველი კომუნისტური აჯანყება. იგი თავიდანვე დამარცხებისთვის იყო განწირული. საზოგადოებრივი განვითარება იმ დროს სულ სხვა გზით მიმდინარეობდა.

მაგრამ დიდებით დაიღუპა იგი. რამდენიც არ ეცადენ გამარჯვებულებმა, — ჩვენ კი მხოლოდ მათი ცნობები გაგვაჩნია აჯანყების შესახებ, — რამდენიც არ ეცადენ ჩირქი მოეცხობთ დამარცხებულ პატარა ბავშვისათვის ცილის წამებით და სინამდვილის დამახინჯებით, შეუძლებელი გახდა ყოველივე მოგონების წაშლა დოლჩინოს და მის თანამებრძოლთა გმირობაზე. მატთანეს ბუნდოვან მოთხრობაშიც გამოკრთის ეს მოგონება, ხოლო ახალი დროის ისტორიკოსებში უნებლიე პატივცემას და განცვიფრებას იწვევს, თუმცა ამასთანავე ისინი მწუხარებით აღნიშნავენ: „შეუძლებელია იმის უარყოფა, რომ დოლჩინის გეგმები კომუნიზმსაც შეიცავდა და სხვათა შორის, დედაკაცთა კომუნიზმს“ (Krone).

იტალიის და განსაკუთრებით პიემონტის ეელების ხალხურ სიმღერებში და ლეგენდებში კიდევ დიდხანს ცოცხლობდა მოგონება პატარა ბავშვთა და გლეხთა აჯანყებისა ეკლესიის და თავად-აზნაურთა ექსპლოატაციის წინააღმდეგ. ჯერ კიდევ 1372 წ. გრიგოლ მე-XI-ემ ბულა გამოსცა იმ თაყვანისცემის წინააღმდეგ, რომელიც სიცილიაში გაერკელდა პატარა ბავშვების და დოლჩინოელთა ნეშტის წინამეტოვით. სექტაც დიდხანს არ გამქრალა საეგვიპტო. სამხრეთ საფრანგეთში მას მრავალი მიმდევარი დარჩა, ასე რომ 1368 წელს საეკლესიო ყრილობამ ლატურში საგანგებო კანონიც გამოსცა მის წინააღმდეგ, რომლის ძალით ყველას ევალებოდა სექტის მიმდევართა დაქერა,

სადაც კი ასეთნი აღმოჩნდებოდნენ, და ეპისკოპოზებისათვის მათი გადაცემა მოსარჯულეზად და დასასჯელად.

მაგრამ აჯანყების შედეგ სეკტას არასდროს არ მოუპოვებია განსაკუთრებული მნიშვნელობა. იტალიაში დიდი ხანია განვლო იმ დრომ, როდესაც შესაძლებელი იყო ერეტიკული მოძრაობის ზრდა-განვითარება. მე-XIV საუკუნიდან იტალიის გაბატონებული კლასების ინტერესები ძალიან მჭიდროდ დაუკავშირდა პაპობის არსებობას, გაბატონებული კლასების სახელმწიფოებრივი ხელის უფლება დიდად განვითარდა და გაძლიერდა და ამავე დროს უკვე გაჩნდა აბსოლიუტურ პოლიციური სახელმწიფოს ჩანასახი; ამგვარ პირობებში ხალხის დაბალი და სუსტი კლასების კომუნისტურ-ერეტიკული მოძრაობა ვერ მოიპოვებდა რამდენადმე შესამჩნევ მნიშვნელობას.

იტალიის გარეთ კი ძმათა-მოციქულთა ნაშთი გაითქვიფა მის მონათესავე სექტებში, განსაკუთრებით ვალდენელთა და ბეკჰარდთა სექტებში.

თავი მესამე

ბეგპარდები.

I ბეგპარდთა სექტის წარმოშობა.

ალპების ჩრდილოეთით მდებარე საშუალ—საუკუნების ქვეყნებს შორის საქონლის წარმოება, ვაჭრობა და მათგან გამომდინარე სოციალური პრობლემები ყველაზე ადრე წარმოიშვა ნიდერლანდში ან, უფრო სწორათ, —ფლანდრიაში და ბრაბანტში. მრავალი სავაჭრო გზა იყრიდა თავს აქ ერთ კვანძში. ფლანდრიის ნავსადგურში მოდიოდნენ სამხრეთიდან ფრანგები და განსაკუთრებით იტალიელები თავის ქვეყნებისა და აღმოსავლეთის საქონლებით. საქონელს რეინით ეზიდებოდნენ კელნზე გავლით, უფრო გვიან კი უმთავრესად ზღვით. მალე მათ ესპანელი და პორტუგალიელი მოემატენ. დასავლეთიდან ინგლისელები მოდიოდნენ, ჩრდილოეთიდან — გერმანულ ჰანზის მდიდარ ქალაქთა ვაჭრები; ესენი შუამავლები იყვნენ ჩრდილოეთ ევროპის დასავლეთსა და აღმოსავლეთ ნაწილებს შორის ვაჭრობაში, —ლონდონიდან ნოეგოროდამდე; ფლანდრიის ნავსადგურები, განსაკუთრებით, ბრიუგე (საშუალო საუკუნეებში ეს ქალაქი ჯერ კიდევ ზღვის პირად მდებარეობდა) ჰანზის ვაჭრებს თავის მთავარ საწყობ ადგილებად ქონდათ გადაქცეული.

ვაჭრობასთან ერთად მრეწველობაც ვითარდებოდა. ნიდერლანდის მინდვრები და დიუნები ხელს უწყობდა მეცხვარეობის განვითარებას, ხელს უწყობდა მასხასადამე მატყლის მრეწველობის განვითარებასაც. ალბ-მიცემის ზრდა შესაძლებლად ხდიდა წარმოების გაფართოებას ადგილობრივი ბაზრის ფარგლებს გარეშე; გარდა ამისა ვაჭრობა რჩეულ ნედლ მასალას იძლეოდა, —ინგლისურ მატყლს, ინდოის საუკეთესოს. ყველა ამ ხელსაყრელ პირობათა გამო ფლანდრიაში, როგორც უკვე აღვნიშნეთ ერთ წინა თავში, ადრე განვითარდა (მე-XIII საუკუნიდან) მაუდის ფართო წარმოება ექსპორტისათვის. ეს კი იმას გულისხმობს, რომ კაპიტალმა ძალიან ადრე დაიმონა ფეიქარი-მუშები და საფეიქრო მრეწველობამ კაპიტალისტური ხასიათი მიიღო.

ამგვარად, თუ ბეგარდთა სექტა—პირველი ნნიშენლოვანი კომუნისტური სექტა ალპების ჩრდილოეთით—პირველად ყოვლისა ნიდერლანდში წარმოიშვა, ეს შემთხვევით არ მონიშნავს.

ამ სექტის წარმოშობა და მისი სახელწოდების ნნიშენლობა გამოურკვეველი დარჩა. ყველაზე უფრო სწორი მოსპეიმის მოსაზრება უნდა იყოს: სიტყვა „ბეგარდ“-ს მოსპეიში ძველი—საქსონური სიტყვა „bege“-ისგან აწარმოებს, რაც მოწყალების თხოვას ნიშნავს; მაშასადამე ბეგარდი ღარიბს, მათხოვარს ნიშნავს (Moshem, Ketzer-geschichte, გვ. 37მ). მათვე უწოდებდნენ აგრეთვე ლოლარდებს, lullen-ისაგან, რაც ნიშნავს სინღერას, ლიღინს. ლოლარდების სახელს ატარებდნენ აგრეთვე მგალობლები დასათლავების პროცესიეში. ორივე სახელი ლოლარდებს თუ ბეგარდებს ხალხმა დაცინვით უწოდა. თერთონ ბეგარდები კი თავის თავს „ძმებს“ უწოდებდნენ.

სჩანს უკვე მე-XI საუკუნეში არსებობდა ნიდერლანდში მორწმუნე ქალთა საზოგადოებანი, რომელთა წევრებს „ბეგინელები“ ანუ „ბეგუტტები“ ეწოდებოდა. ნაგრამ უფრო დაწვრილებითი ცნობები ამ საზოგადოებათა დანიშნულების შესახებ არ მოგვეპოვება. შესაძლებელია, ბეგინე-ქალთა საზოგადოებანი აღმოცენდა ჯვაროსანთა ომების შემდეგ, რომლებმაც მამაკაცთა რიცხვი ძლიერ შეამცირეს და დედაკაცთა ნნიშენლოვანი სიჭარბე შექმნეს. ბევრისთვის გათხოვება შეუძლებელი შეიქნა, გაჩნდა „ქალთა საკითხი“; „ბეგინელები“ ქალთა სახლებს¹ თავშესაფარს უნდა აღმოეჩინა ამ გაუთხოვარ ქალებისათვის. ამ ორგანიზაციებს ის უპირატესობა ქონდა მონასტრების წინაშე, რომ ეს თავისუფალი კავშირები იყო, საიდნაც სურვილისამებრ გამოსვლა შეიძლებოდა.

ამგვარად იყო მოწყობილი აგრეთვე მამაკაცთა საზოგადოებებიც, რომლებიც მე-XII საუკუნის ბოლოში ან მე-XIII საუკუნის დასაწყისში წარმოიშვა ნიდერლანდში.

ეს უტოლო ხელოსანთა, მეტწილად ფეიქართა¹ ძმური კავშირები (ძმობანი) იყო. ისინი კავშირებს აწკობდნენ საკუთარ სახლე-

¹ ფეიქრებთან ერთად საქაროა დავასახელოთ აგრეთვე მშენებელი მუშები, როგორც ვალდენელთა და ბეგარდთა სექტების განსაკუთრებით თავგამოდებული წევრები გერმანიაში. ლიუდვიგ კელლერმა თავის წიგნში, Die Reformation und älteren Reform-parteien“ (ლიბიკივი 1895 წ.). სცადა დაემტკიცებინა სხვადასხვა ნაირი შედარებები, რომ მთავარი მონაწილეობა ამ სექტებში თავისუფალ ქალატოზთა გილდიებს ეუთვნოდა მას რომ ამის დამტკიცება შესძლებოდა, ეს უარესად მნიშენლოვანი აღმოჩენა იქნებოდა. მაგრამ თავისი ჰიპოთეზის სსსარგებლობით სხენებულ ავტორს პირდაპირი საბუთები არ ზოყავს, არაპირდაპირი საბუთები კი საქმარისად დამაჯერებელი არ არის.

ბში საერთო, კომუნისტური მეურნეობის გასაწევად, საკუთარი შრომით ცხოვრობდენ და გარდა ამისა დახმარებას უწყვედენ ღარიბთ და აუადმყოზთ. როგორც ამ სახის ყველა საზოგადოებაში, აქაც წევრებს უქორწინობა ევალებოდა.

ბეგჰარდთა პრინციპების ნათელწარმოდგენას გვაძლევს, მათი მოღვაწეობის დასაწყისში ქ. ბრიუგგეში არსებულ ბეგჰარდთა სახლების აღწერილობა, რომელიც მე-XIII საუკუნეში მცხოვრებ ვინმე დამხუდერს დაუტოვებია. „ოცდაათი წლის წინათ აქ ცხოვრობდა 13 ფეიქარი, უცოლშვილო მამაკაცი, ერის კაცი, რომელნიც ძლიერ მოწადინებული იყვნენ ძმურად და ღვთისნიერად ცხოვრებას. ექვსი გირვანქა გროშის (libris grossorum) და განსაზღვრულ რაოდენობა სანთლის და პირპილის ფასად მათ ნაქირავეები ქონდათ აბბატ ეკვუტენისაგან მიწის ნაკვეთი დიდი შენობით ქალაქის კედლის ახლო. იქ დაიწყეს მათ ფეიქრობა და საერთო მეურნეობით ცხოვრება; სამეურნეო ხარჯებს საერთო შრომის შემოსავლიდან ფარავდენ (ex communibus laboribus simul convivere coeperunt) ისინი არ იცავდენ რაიმე სასტიკ წესებს, არც ფიცით იყვნენ შეზღუდულნი; მხოლოდ ყველას ერთნაირი, ყავისფერი ტანისამოსი ეცვათ და ქრისტიანულ თავისუფლებისა და ძმობის საფუძველზე ქონდათ მოწყობილი მორღმუნეთა საზოგადოება“²⁾ „ძმანი-ფეიქარნი“ ეწოდებოდა მათ. მხოლოდ 1450 წელს დაანებეს თავი ბეგჰარდებმა საფეიქრო საქმეს და ფრანცისკანელთ მიემხრენ, რათა თავი ეხსნათ ღვევისაგან.

ბრიუგგეს გარდა ბეგჰარდთა სახლები სხვა ადგილებშიაც არსებობდა. ყოველ ასეთ სახლში საერთო საკუთრება იყო დაწესებული, რამდენადაც ამას საზოგადოების კეთილდღეობა მოითხოვდა. ამას გარდა წევრებს კერძო საკუთრებაც ქონდათ, შრომით თუ მემკვიდრეობით შეძენილი ან საჩუქრად მიღებული. მათ ეკუთვნოდათ ამ საკუთრებით მუდმივად და თავისუფლად სარგებლობის უფლება. სიკვდილის შემდეგ კი იგი საზოგადოების განკარგულებაში გადადიოდა.

ეს კომუნისტური საზოგადოებანი ეკონომიურად ცალკე ხელოსნებზე გაცილებით მაღლა იდგენ. საქმე მარტო იმაში კი არ არის, რომ კომუნისში, როგორც დავინახეთ, სიზარმაცეს სრულიადაც არ ასაზრდოებს და რომ, მეორეს მხრით, დიდი საშინაო მეურნეობა უფრო ეკონომიურია, ვიდრე ხელოსანთა წვრილი. დაქსაქსული მეურნეობანი ამას კიდევ ბერგჰარდთა უქორწინობა და უოჯახობა ერთვოდა. ამიტომ საკვირველი არ არის, რომ მუშათა ამხანაგობებს სასტიკი

²⁾ ციტატა აზოლებულია J. L. V. Mosheim-ის შრომიდან De Beghards et Beguinibus commentarius, Leidzig 1790 გვ. 177.

კონკურენციის გაწევა შეეძლოთ ამკრელ ფეიქარ-ოსტატებისათვის და უკანასკნელებში თანაგრძნობას არ ხეღებოდენ მოსკვიმის ცნობით საქალაქო ხელის უფლება გენტში და სხვაგან ხშირად იძულებული ხდებოდა ფეიქართა ამკრების მოთხოვნისგან, „შეეზღუდათ ბერგპარდთა გულმოდგინება“ და შვეიდობიანობა დაეცვათ ქალაქის მოსახლეობაში ბეგპარდებისა და ამკრების ერთმანეთთან შეთანხმებით¹⁾.

სამაგიეროთ ღარიბთა მასსას ბეგპარდები ძალიან უყვარდა, რადგან ზედმეტ შემოსავალს, რომელიც ბეგპარდებს თავისი, შედარებით უმნიშვნელო, ხარჯთა დაფარვის შემდეგ რჩებოდათ, ისინი ღარიბ-ავადმყოფთა დახმარებას და ფართო სტუმართ-მასპინძლობას ახმარდნენ. თვით ბონიფაცი მე-IX-მ შეაქო ისინი საგანგებო ბულაში იმისთვის, რომ ბეგპარდები „ღარიბ და საწყალ ხალხს იღებენ თავის ჰოსპიტლებში და შეძლების დაგვარად სათნოების სხვა საქმეებსაც ასრულებენ“²⁾.

ამგვარივე კომუნისტური ამხანაგობანი დაარსეს ე. წ. „საერთო ცხოვრების ძმებმა“; ეს სექტაც ნიდერლანდში წარმოიშვა, მაგრამ მხოლოდ მე-XIV საუკუნის დამლეეში; იგი დაარსა ჰერგარდგროტმა დევენტერელმა. ამ ამხანაგობათა ორგანიზატორები ხელოსნები კი არ იყვნენ არამედ, უმაღლესი კლასები წევრები, რომელთაც გაქირავებულ ხალხისათვის დახმარება სწადდათ. ამ ამხანაგობათა ხასიათიც ამის გამო სხვაგვარი იყო, ვიდრე ბეგპარდებისა. ბეგპარდები მეტწილად ფეიქრები იყვნენ, „საერთო ცხოვრების ძმანი“ კი წიგნების გადაწერით შოულობდნენ არსებობის საღსარს. და იმდროს, როდესაც ბეგპარდები თავის ზედმეტ შემოსავალს ღარიბთა ნივთიერ დახმარებას ახმარდნენ, „საერთო ცხოვრების ძმები“ უმთავრესად ღარიბთა სულიერ მოთხოვნილებებზე ზრუნავდნენ და სახალხო განათლების დარგში მეცადინეობდნენ. ისინი ხელს უწყობდნენ ხალხის სწავლა განათლებას ნაწილობრივ წიგნების დარიგებით, რაც წიგნთა სტამპვის გამოგონებამდე დიდათ მნიშვნელოვანი საქმე იყო, და განსაკუთრებით სკოლების დაარსებით ამ დარგში ისინი შესამჩნევ შედეგს აღწევდნენ. „თუნდაც ერთი ძმთა სახლის მოღვაწეობა ხანდისხან ამა თუ იმ ქალაქის ყველა მცხოვრებთა კულტურულ დონეს ამაღლებდა. მაგალითად, ამერსფორდში ლათინური ენის ცოდნა უკვე მე-XVI საუკუნის ნახევარში იმდენად ჩვეულებრივი გახდა, რომ

¹⁾ Mosheim, გვ. 182

²⁾ Mosheim, გვ. 653

³⁾ Ullmann, Reformatoren vor der Reformation, II ტ. გვ. 111.

უბრალო ხელოსნებიც ლაპარაკობდნენ ლათინურად; უფრო განათლებულმა ვაჭრებმა ბერძნული ენაც იცოდნენ, ქალები ლათინურ სიმღერებს მღეროდნენ, ქუჩებში ყველგან მშვენიერი ლათინური ენა ისმოდა“.

შეიძლება ამ სურათში ბევრი რამ გადამეტებულია, მაგრამ ყოველ შემთხვევაში ის საკმარისად გვიხატავს ძმათა მოღვაწეობის საერთო მიმართულებას.

ამხანაგობაჲა ორგანიზაცია კომუნისტური იყო. ძმობა „შინაგანად მკვიდრს, და თან თავისუფალ ამხანაგობას“ წარმოადგენდა. კორპორაციაში შესვლისათვის საჭირო არ იყო აღთქმა, რომლის დაცვა მთელი სიცოცხლის განმავლობაში სავალდებულოა; ძმებს არ ევალებოდათ მკაცრი და წვრილმანი წესების შესრულება, როგორც ბერებს... ძმათა სახლის ჩვეულებრივი წყობილება შემდეგი იყო. სახლში ოციოდე ძმა ცხოვრობდა; საერთო საღარო და საერთო სუფრა ქონდათ... ძმად მიღებამდე ამხანაგობაში შემომსვლელ პირს ერთი წლის განმავლობაში სცდიდნენ, ამ ხანში მას ძალიან მკაცრი წესები უნდა ესრულებინა... ახლად ნისაღებ წევრისაგან მოითხოვდნენ მთელი მისი ქონების საერთო სარგებლობისათვის გადაცემას“. ფლორენციუსი (ჰერგარდის მოწაფე და მეგობარი) სხვათა შორის შემდეგს ამბობს თავის სენტენცებში: „გვი იმას, ვინც თერში ყოფნისას ეძებს რაიმეს, რაც მხოლოდ მას ეკუთვნის, ან ვინც ამბობს, რომ მას რაღაც ეკუთვნის“... მუშაობა მიზანშეწონილად განაწილებულია წევრთა შორის. საგანგებოთ დანიშნული პირნი სხვადასხვა ხელობას ეწევიან, რამდენადაც ეს მთელი თემისთვის იყო საჭირო. ვებულში ძმათა სახლებისთვის დაწესებულ კანონებში ჩვენ ვხვდებით ინსტრუქციებს სხვადასხვა ხელოსან—ძმებისათვის: თერძების, დალაქების, მეპურეების, მზარეულების, მებაღეების, საწყობთა გამგეებისათვის და აგრეთვე მასწავლებელთა, გადანწერთა, შემკინძველთა, ბიბლიოთეკების გამგეებისა და მკითხველებისათვის... მაგრამ მიუხედავად შრომის ამგვარ განაწილებისა, ერთგყარი თანასწორობაც შექმნდათ წევრთა შორის. სასულიერო და სწავლული ძმანი როდესაც საჭირო იყო ყოველგვარ ფიზიკურ სამუშეოებს ასრულებენ (სამზარეულოზე ზრუნვა ყველას ევალებოდა რიგ-რიგობით), დანარჩენნიც მონაწილეობას იღებენ თითქმის ყველაფერში, რაც სასულიერო პირთა საქმეს შეადგენს, ასე რომ მთელი ამხანაგობა შეგვიძლია შევადაროთ ერთ ოჯახს, რომლის წევრები ერთმანეთს ეხმარებიან და ისე მუშაობენ. მთავარი მოტივი ამხანაგობაში გაერთიანებისათვის წიგნების გადაწერა იყო... წიგნთა გადაწერისათვის გარკვეული დრო იყო დანიშნუ-

ლი, დღეში რამოდენიმე საათი: ამ დროს სწერდენ ღარიბთა სასიკეთოდ.)¹⁾

„საერთო ცხოვრების ძმობანი“ არასოდეს არ გამზდარან კომუნისტურ ოპოზიციონური მოძრაობის გამოსავალ პუნქტად; ამის მიზეზი შეიძლება ის იყოს, რომ ძმები შეძლებულ და განათლებულ კლასებთან იყვნენ დაკავშირებული. ძმები მუდამ კეთილი პაპისტები იყვნენ. XVI საუკუნის რეფორმაციის ქარიშხალმა ბოლო მოუღო მათს მშვიდობიან მოღვაწეობას.

სხვაგვარი იყვნენ ბეგპარდები. მართალია, თავდაპირველად მათ მოღვაწეობასაც ფრიად უმანკო ხასიათი ქონდა, ასე რომ თავიცი მოაწონეს რამოდენიმე პაპს. მათ სრულიადაც არ ქონდათ განზრახული ბრძოლა არსებულ საზოგადოებისა და მისი ავტორიტეტების წინააღმდეგ. მაგრამ თანდათან მათ წრეში რევოლუციონური ელემენტები წარმოიშვა.

ბეგპარდები პრივილეგიურ კლასს არ წარმოადგენდენ ბერთა ორდენებსავე; ისინი პრივალეგიებს არც იახხოვდენ, არც ღებულობდენ პაპისაგან და, დაჩენ რა მისგან დამოუკიდებლნი, არავითარი ინტერესებით არ ენათესავებოდენ მას. ისინი არასდროს არ ამალღებულან ღარიბთა მასებზე, ყოველთვის მკადრო კაეშირი ეკირათ ამ მასებთან, რადგან რაიმე განსაკუთრებულ წესებს არ ექვემდებარებოდენ და სამუდამო ფიცს არ ღებდენ. ყოველ წევრს შეეძლო გამოსულიყო თემიდან როდესაც სურდა და დაქორწინებულყო; თემთან კონფლიქტს ეს არ იწვევდა.

ყველა ამ მხრით ბეგპარდები ძლიერ უახლოვდებოდენ ფრანცისკანელ ტერციარიებს და ზოგ ადგილას ფაქტიურადაც უერთდებოდენ მათ.

მაგრამ თუ პაპს მერ ცნობილს და პრივილეგიებით აღჭურვილ ფრანცისკანელებსაც უხდებოდათ ყოველ შემთხვევაში ნაწილობრივ — პაპთან შესლა-შემოხლა, დამოუკიდებელ ბეგპარდებისათვის ასეთი კონულიტეტები პაპთან ხომ უფრო აუცილებელი უნდა ყოფილიყო, რადგან მათი პროლეტარული ტენდენციები თავიდანვე ანტაგონისტურად იყო განწყობილი არსებული ეკლესიის სიმდიდრესთან და ექსპლოატატორულ მიმართულებასთან. რა თავმდაბლობა და კეთილი მოქცევაც არ უნდა გამოეჩინათ ბეგპარდებს, ყოველი ამგვარი შოძრაობა პაპობას საშიშრად ეჩვენებოდა, როდესაც მოძრაობა ფართოდ გავრცელებას იწყებდა. ბეგპარდთა მოძრაობამ კი უკვე მე-XIII საუკუნიდან დაიწყო ზრდა-განვითარება. არაჩვეულებრივი სისწრაფით

¹⁾ Ullmann, loc. cit., II p. 83. 97—102.

მატულობდა მათი მიმდევართა რიცხვი გერმანიაში, საფრანგეთში და ინგლისში. შეიძლება ამას ხელი შეუწყო მე-XIII საუკუნის მრავალ ქალაქის ცდაჲ მოეწვიათ ფლამანდიელი ფეიქრები თავისი მატყლის მრეწველობის გასაძლიერებლათ. ფლანდრიიდან გამოსული ფეიქრები ჩნდებოდნენ ვენაში, ტიურინგენში, ბრანდენბურგში და ლაუზიცში აღმოსავლეთით და ინგლისში — დასავლეთით.

მაგრამ ამგვარ გადასახლ-გადმოსახლების მნიშვნელობა არ უნდა გადავამეტოთ. მზგავსი ურთიერთობანი თავის-თავადაც ჰბადებენ მზგავსს მოვლენებს. იმ ადგილებში, სადაც ტილოს და ბამბის მრეწველობა საექსპორტო დარგამდის განვითარდა, ფეიქართა წრეებში დაახლოვებით ისეთივე მისწრაფებანი ვითარდებოდა, როგორც ბეგპარდებს ახასიათებდა.

ულმის ფეიქარ-ქარგალთა სტატუტი (1404 წ.) „თავისი მკაცრი რელიგიური, თითქმის ასკეტური მიმართულებით მოგვაგონებს ნიდერლანდელ ბეგპარდთა ძმობებს, რომელნიც უმეტეს შემთხვევაში მატყლის ფეიქრებისაგან შესდგებოდნენ“ (Hildebrand, Zur geschichte der deutschen Wollenindustrie, Hildebrands Lehrbü cher, 1866, გვ. 110).

ბეგპარდთა გავლენის ზრდასთან ერთად სწრაფად ვითარდებოდა მათი თვითშეგნებაც, მაგრამ რაც უფრო მატულობდა მათი რიცხვი და ვრცელდებოდა მათი გავლენა, მით უფრო მეტი სხვადასხვაობა ჩნდებოდა ბეგპარდთა სექტის ცალკე მიმართულებებს შორის, რადგან ერთი და იგივე მოძღვრება, ერთი და იგივე აზრთა წყობა სხვადასხვა წესით უნდა შეჰკუთვნებოდა სხვადასხვა პირობებს. თუ ბეგპარდთა ნაწილი თავმდაბალ და გარე-სამყაროს ამოაბისათვის მკედარ მათხოვრულ ძმობად დარჩა, მეორე ნაწილში უფრო თამამი იდეები დაიბადა. გაიღვიძა არსებულ საზოგადოების უსამართლობის წინააღმდეგ ბრძოლის სურვილმა, არა ამ საზოგადოებისაგან განდგომით, არამედ მასში ჩარევით და საზოგადოებრივ ბოროტებათა მოსპობისაკენ მიმართული მუშაობით. ბეგპარდთა სახლებიდან გამოვიდა მრავალი აგიტატორი, „მოციქულნი“, რომელნიც ვალდენელთა მოგზაურ მქადაგებელთა მზგავსად ერთი ადგილიდან მეორეზე გადადიოდნენ, პირვანდელი ქრისტიანობის სახარებას ქადაგობდნენ და თემებს აარსებდნენ. გერმანია (და ნიდერლანდი) საიდუმლო კავშირთა ქსელით მოიფინა; ამ კავშირთა ტენდენციები უფრო რადიკალური იყო, ვიდრე ბეგპარდთა ლეგალურ სახლების. ბეგპარდთა საიდუმლო კავშირები არ იყო შეთქმულთა საზოგადოებანი, რომელთა მიზანი საზოგადოებრივი კატასტროფის მზადება უნდა ყოფილიყო; ისინი უფ-

რო პროპაგანდისკთა საზოგადოებებს წარმოადგენდნენ. მაგრამ ესეც საკმარისი იყო იმისთვის, რომ არსებულ ხელისუფლებას, განსაკუთრებით პაპის ეკლესიას გადაემტერებინათ: იწყება ბეგპარდთა გულმოდგინე ძებნა და დევნა.

უკვე 1299 წ. ბეზიერში შეკრებილი საეკლესიო ყრილობა სჩივის, რომ საიღუმლო კავშირებმა გააღვიძეს ხალხში ხილიანატური იმედები ქვეყნიერების ე. ი. არსებული საზოგადოების მოახლოებულ დაღუპვისა; ამავე დროს რეინზე რამოდენიმე ბეგპარდი დასწევს, როგორც ერეტიკოსები.

მაგრამ ბეგპარდთა დევნამ მოსალოდნელი ნაყოფი ვერ გამოიღო. ბეგპარდთა უფრო ზომიერი და გაუბედავი ფრაქცია რა თქმა უნდა დაშინდა ამ მიმართულების ბეგპარდთა სახლებმა სცადეს თავი ეხსნათ დევნისაგან მფარველობის მოპოვებით ან რომელიმე ძლიერ ბერაა ორდენში პირდაპირი შესვლით. ყველაზე უფრო ამით ფრანკისკანელებმა მოიგეს, რომელთაც ბევრი რამ ანათესაებდა ბეგპარდთა მშვიდობიან ნაწილთან; მათ ერგოთ ბეგპარდთა სახლების მთელი რიგი. ანტვერპენში, მაგალითად, ბეგპარდთა სახლი უკვე 1290 წელს გადაეცა ფრანკისკანელებს, მე-XV საუკუნეში კი იგი საბოლოოდ მამაკაცთა მონასტრად გადაიქცა.

ბეგპარდთა ახალი სახლები იშვიათად არსებობდა მე-XIII საუკუნეში.

მაგრამ ბეგპარდთა უფრო ენერგიულ ნაწილში დევნა მხოლოდ მეტს კონსპირაციას და უფრო გაბეჭულ ოპოზიციას იწვევდა. ეს პროკესი დააჩქარა ერეტიკოსთა ემიგრაციამ იტალიიდან საფრანგეთში. ალბიგოს ომების დროიდან ემიგრანტები გერმანიას უფრო არჩევდნენ საცხოვრებლად. აქ სახელმწიფო ხელისუფლება იმდენად ძლიერი არ იყო და პაპობისათვის დახმარებაში იმდენად არ იყო დაინტერესებული, როგორც საფრანგეთში ან იტალიის ქალაქებში. ამიტომ აქ უფრო ადვილი იყო დახმარებისა და თავშესაფარის პოვნა ქალაქში ან მამულში რომელიმე სენიორთან, რომელიც ხშირად სინარულით ხედებოდა ამ ახალ მუშებს.

სამხრეთ საფრანგეთიდან და იტალიიდან ვალდენელნი და ძმანი მოციქულნი მოდიოდნენ; ჩრდილოეთ საფრანგეთიდან კი „თავისუფალი სულის ძმები და დები“.

მაუდის წარმოებამ, როგორც საექსპორტო წარმოებამ, სწრაფად დაიწყო გავრცელება მეზობელ ქვეყნებში, რომლებთანაც გაცხოველებული აღებ-მიცემა სწარმოებდა: რეინის ქვემო ნაწილის მიდამოებში, ჩრდილოეთ საფრანგეთში, განსაკუთრებით შამპანში, სა-

დაც ეს წარმოება ჰყვარდა მე-XIII საუკუნეში. მე-XIV საუკუნეში მატყლის მრეწველობა აქ ძლიერ დაეცა საფრანგეთ-ინგლისის ომების გამო, რომლებმაც სავაჭრო გზები დაკეტეს და ნედლი მასალის წყაროს მოწყვიტეს ქვეყანა.

მატყლის მრეწველობის ადრე განვითარების წყალობით, ამ ქვეყნებში ძალიან ადრე აღმოცენდა ფეიქართა ძმ-ბანი კომუნისტური (ან უოველ შეთხვევაში პირვანდელ-ქრისტიანული, რასაც პროლეტარებისთვის იგივე მნიშვნელობა ქონდა) ტენდენციებით; ეს იყვნენ „აპოსტოლიკები“ (ესენი იტალიელ ძმა-მოციქულებში არ უნდა ავრიოთ, რომელთაც მიზნათ მოციქულთა ყოფა-ცხოვრების მიზანდაქონდათ დასახული. „ისინი ჯერ მე-XII საუკუნეში იყვნენ ცნობილი, — წმიდა ბერნარდის დროს, რომელიც სასტიკათ ეკამათებოდა მათ თავის ორ ქადაგებაში სოლომონის „ქებათა ქების“ შესახებ... „აპოსტოლიკები“ მეტ წილად საფრანგეთში ცხოვრობდნენ; ისინი მუშაობდნენ და საკუთარი შრომით მოპოებული ჰურით ირჩენდნენ თავს. ისინი უმთავრესად ხელოსნები იყვნენ. — უფრო ხშირად ფეიქრები: ამას მოწმობს წმიდა ბერნარდი, რომელიც თუმცა სასტიკად ჰკიცხავს მათ, მაგრამ მაინც აღიარებს მათს შრომის მოყვარეობას“.

მაგრამ ჩრდ. საფრანგეთი მე-XII საუკუნეში მაინც არ წარმოადგენდა ამგვარი სექტებისათვის ისეო ნაყოფიერ ნიადაგს, როგორც სამხრ. საფრანგეთი ან ფლანდრია. „აპოსტოლიკებს“ არასდროს არ ქონიათ ისეთი დიდი მნიშვნელობა, როგორც ვალდენელებს ან ბერგპარდებს. უფრო მნიშვნელოვანი გახდნენ „თავისუფალი სულის დანი და ძმანი“, რომელთა სექტა მე-XIII საუკუნეში წარმოიშვა.

ეს სექტა დაარსა ამაღლის ბენელმა (დაიბადა ბენაში, შარტრის დიოცეზში, საფრანგეთში); დაახლოებით 1200 წ. ის თეოლოგიის მაგისტრი იყო პარიზში. 1204 წელს ის, როგორც ბრალდებული ერეტიკულ მოძღვრებისათვის, რომში გაიწვიეს პაპ ინოკენტი მე III-სთან, რომელმაც აიძულა ამაღლიხი უარყო თავისი მოძღვრება. ამგვარად შეეცადნენ მანვე მოძღვრების მოსპობას. მაგრამ ამაღლიხის სიკვდილის (1206 წ.) შემდეგ გამოიჩინა, რომ მას მრავალი მიმდევარი დაუტოვებია. განსაკუთრებით გამოჩენილი მის მოწაფეთა შორის იყო დავით დინანტიელი (დინანტი ბელგიაში მდებარეობს, ნაპიურის ახლო). 1209 წელს სინოდმა პარიზში შეაჩვენა ამაღლიხის მოქალაქე, რის შემდეგ დაიწყო მისი მიმდევრების გულმოდგინე დევნა.

ისინი ყველაზე უფრო გაბედულ და რადიკალურ კომუნისტურ სექტას წარმოადგენდნენ იმ დროში. აღიარებდნენ საზიარობას არა მარტო ქონების, არამედ ქალებისაც, უარყოფდნენ ყოველივე უთანასწორობას და ამიტომ ყოველგვარ ხელის უფლებასაც. ისინი ასწავლიდნენ, რომ ღმერთი ყოველივე და ყველგანაა. ეს აზრი ყველაზე უფრო მკაფიოდ გამოსატყვეს 1339 წ. კონსტანცის საეპისკოპოსოში შეხიზნულმა ბერგჰარდებმა, რომელნიც, იოჰან ვინტერტურელის მოწმობით შემდეგს ამბობდნენ: „ყოველ სულდგმულში, თვით ტილშიაც მელაენდება ღეთის მადლი არა ნაკლებ, ვიდრე ადამიანში“ (Ulman, Reformatoren II ტ., გვ. 20). მაშასადამე ღმერთი ადამიანშიაც სუფევს და რაც ადამიანს სურს ის სურს ღმერთს; ამიტომ უარყოფილი უნდა იქნას ყოველივე, რაც ადამიანს ზღუდავს, და ყველას აქვს უფლება, არათუ უფლება—ვალდებულებაც, ყური უგდოს თავისი გულის ყოველ წადილს. ამ პანტეისტურ მოძღვრებას რომ მისი მისტიური გარსი მოეცილოთ. ის წარმოგიდგება როგორც კომუნისტური ანარქიზმი,—მოძღვრება, რომელსაც დიდი მიმზიდველი ძალა უნდა ქონებოდა ჩაგრულ და დაბეჩავებულ პროლეტარებისათვის.

ეს მოძღვრება პარიზიდან სწრაფად გავრცელდა აღმოსავლეთ საფრანკეთით გერმანიამდე ბევგჰარდთა უმრავლესობამ მიიღო ეს მოძღვრება. მე-XIII საუკუნის დამლევი იგი უკვე იმდენად გავრცელებული იყო რეინის მიდამოებში მცხოვრებ ბერგჰარდთა შორის, რომ „თავისუფალი სულის დანი და ძმანი“ და „ბევგჰარდები“ ერთი და იმავე მნიშვნელობის ცნებებად გადაიქცა.

„ბევგჰარდ“-ის ცნება თანდათან სულ უფრო ფართოვდებოდა. რაც უფრო ვრცელდებოდა ბევგჰარდთა სექტის ის მიმართულება, რომელიც თავის მთავარ მიზნად პაპობის წინააღმდეგ ბრძოლას ისახევდა, მით უფრო მეტი საერთო ჩნდებოდა მასსა და გლეხობის დამოქალაქეთა ოპოზიციონურ მისწრაფებებს შორის: უკანასკნელნიც უკმაყოფილონი იყვნენ არსებულ საზოგადოებრივი ურთიერთობით და პაპის ხელის უფლება თავის უღიღეს და უსაშიშროეს მტრად მიიჩნედათ. ორთავე მიმართულებას მით უფრო ადვილად შეეძლო ერთმანეთთან შედუღება, რომ ორივე მხარე ერთსა და იმავე პირვანდელ ქრისტიანობისაგან ნასესხებ არგუმენტებს ემყარებოდა და გარდა ამისა ის მისტიური ბურუსი, რომელშიაც გახვეული იყო ორივე სექტის მოძღვრებანი და კიდევ მეტი მათი გაბუნდოვანება ავტორიტების მიერ, რომელნიც ამ საშუალებით სცილობდნენ დენისაგან დაეფარათ თავი, ხელს არ უწყობდა აზრთა პრინციპიალურ გარკვე-

ულობას¹⁾. აი ამგვარად მე-XIV საუკუნის გერმანიაში „ბეგჰარდ“-ის სახელი საზოგადოთ ერეტიკოსის სახელწოდებად გადაიქცა. ინგლისში, სადაც ბეგჰარდებს „ლოლლარდები“ ეწოდებოდა, უკანასკნელი სახელი იმავე ენიშვნელობით იხმარებოდა.

ამიტომ, როდესაც ჩვენ გვეუბნებიან, რომ გერმანია მე-XIV საუკუნის პირველ ნახევარში და უფრო გვიან ინგლისი სავესტსაქსონის ბეგჰარდებით და ლოლლარდებით, ის კი არ უნდა ვიგულისხმოთ, რომ კომუნისტური მოძრაობა იმდენადვე ძლიერი იყო, რამდენადაც მრავალრიცხოვანი იყო ეს სექტები.

თუმცა, უნდა ითქვას, რომ ეს მოძრაობა არც ისე უმნიშვნელო იყო.

II. ლიუდოვიკ ბავარიელი და პაპი.

ბედნიერი ხანა ბერგჰარდებს და საზოგადოთ ერეტიკულ მიმართულებებს დაუდგათ გერმანიაში მეფე ლიუდოვიკ IV ბავარიელსა (1314—1347 წ.წ.) და პაპებს შორის ჩამოვარდნილ კონფლიქტის ხანაში. ეს ხანა ჩვენ უფრო დაწვრილებით უნდა განვიხილოთ.

ნაციონალ-ლიბერალური ისტორიკოსები (განსაკუთრებით პოპულიარულ თხზულებებში) ყოველ კონფლიქტს, იმპერატორებსა და პაპებს შორის მომხდარს იხილავენ როგორც ერთგვარ კულტურკამფუსს, — როგორც ბრძოლას გერმანულ იმპერატორების უმაღლეს კულტურასა და პაპობის ბნელ ბარბაროსობას შორის, — სულ ერთია როდესაც არ უნდა მომხდარიყო ეს ბრძოლა მე-X თუ მე-XIX საუკუნეში.

ნამდვილად კი კონფლიქტებს იმპერატორებსა და პაპობას შორის, საშუალო საუკუნეებში ყოველთვის ერთი და იგივე ხასიათი რო-

¹⁾ „კონსპირაციის მკაცრმა სკოლამ განსაკუთრებული სიმარჯვე განუერთარა „მოციქულებს“ თავისი მიზნების დამატების საქმეში. უკვე მე-XIII საუკუნეში დავით აუგსბურგელის მთავარი საყვედური ერეტიკოსთა მიმართ იმაში მდგომარეობდა, რომ ისინი უდიდესი „ენმაკობით“ იცოდნენ სიტყვათა ხმარება; ვალდენულთა ერთ მოციქულზე კი XIV საუკუნის ერთი ძველი საბუთი სიტყვა-სიტყვით შემდეგს ამბობს: „ის არაჩვეულებრივად გონება-მახვილი კაცი იყო და იცოდა თავისი ცრუ მოძღვრების დაფარვა კანძული სიტყვებით“.. სიმბოლიკა „მისტიკოსებთან“ დიდ როლს თამაშობდა. აზრებს, რჩევებს და დებულებებს, რომლებს პირდაპირ გამოთქმას ისინი ვერ ბედავდნენ გასამართლების შიშით, ისინი თავისებური ქარაგმების ენით გამოსთქვამდნენ, რაც ჩვეულებრივად მხოლოდ „ძმებისათვის“ იყო გასაგები. შნაზე სამართლიანად აღნიშნავს, რომ ისინი, როგორც სჩანს, განზრახ მოსავდნენ ალგორიებით თავის რჩევა-დარიგებებს“.

დი ქონდა. ოტტონებიდან დაწყებული და ჰოგენშტაუფენებით გათავებული ბრძოლა არსებითად იმ საკითხის გარშემო ტრიალებდა, თუ ვინ უნდა ყოფილიყო მფლობელი და ექსპლოატატორი იმ ბატონობის ორგანიზაციისა, რომელსაც ეკლესია ეწოდებოდა, და ვინ უნდა ყოფილიყო ზემო იტალიის ბატონ-პატრონი და ექსპლოატატორი. უკანასკნელ პუნქტში დავა იმით დამთავრდა, რომ ჩრდილო-იტალიის ქალაქებმა თავი იხსნეს უცხო ძალის ყოველივე მზრუნველობისაგან და დამოუკიდებელი სახელმწიფოები დაარსეს. პირველი პუნქტი კი ისე გადაწყდა, როგორც მრავალი სხვა დავა გადაწყვეტილია: გამარჯვება ხვდა უმაღლეს კულტურას--იტალიის პაპობას. გერმანელ იმპერატორთა ბარბაროსობის წინააღმდეგ. უკანასკნელთა სიხარბემ იტალიის სიმდიდრისადმი მათი ძალთა დაქსაქსვა გამოიწვია; ამიტომ, როდესაც პაპობამ იმპერატორებზე გაიმარჯვა, თავისი ტრიუმფი გერმანელ ტერიტორიალურ ხელმწიფეებსაც შეეძლოთ ედღესასწაულათ. საქონლის წარმოებისა და საქონლით ვაჭრობის განვითარებამ ყველგან ხელი შეუწყო თავადთა აბსოლიუტიზმის აყვავებას; მაგრამ გერმანიაში ამ განვითარებამ ცენტრალური ხელის უფლების გაძლიერება კი არ გამოიწვია (ცენტრალური ხელის უფლება, პირიქით, ჰოგენშტაუფენთა დაცემის შემდეგ უფრო დაირღვა), არამედ ზრდა იმპერიის თავადთა გავლენისა, რომელნიც სულ უფრო სუვერენულ ხელმწიფეებად იქცეოდნენ და გერმანიის იმპერატორში სცნობდნენ მხოლოდ ერთგვარ საკავშირო პრეზიდენტს.

სხვანაირად მიმდინარეობდა განვითარება მეზობელ საფრანგეთში. იქ მე-XIII საუკუნიდან და განსაკუთრებით იმ დროიდან, როდესაც დინასტიამ საჰრეთ-საფრანგეთი ჩაიგდო ხელში, მეფეების ძალა თანდათან იზრდებოდა. სწორედ იმ დროს, როდესაც რამოდენიმე საუკუნის ბრძოლა გერმანელ იმპერატორებსა და პაპობას შორის უკანასკნელის გამარჯვებით დამთავრდა, საფრანგეთის მეფეები იმდენად გაძლიერდნენ, რომ ბოლოს მოიპოვეს ის, რისკენაც გერმანელი იმპერატორები ამაოდ მიისწრაფოდნენ: პაპობა თავის იარაღად გადააქციეს და რომის ეკლესია მოსამსახურედ გაიხადეს. ბონიფაცი მე-VIII, რომელიც ჩვენ უკვე მოვიხსენიეთ, როდესაც დოღჩინოზუ ვლასარაკობდით, სასტიკად დამარცხდა, როდესაც საფრანგეთის მეფის, ფილიპე მე-IV-ის ბატონობისაგან სცადა განთავისუფლება (1303 წ.) რათა პაპობისათვის მოესპო დამოუკიდებლობის მოპოების ყოველივე საშუალება, ფილიპემ იძულებული გახადა 1305 წელს არჩეული კლიმენტი მე-V, ეროვნებით ფრანგი, ბონიფაციის მეორე მოადგილე, დაეტოვებინა რომი და თავისი რეზიდენცია სამხრეთ-საფ-

რანგეთში გადაეტანა. დიდი ხნის ადგილიდან ადგილზე გადაბარგადმობარგვის შემდეგ პაპმა ბოლოს ავანიონი აირჩია (1308 წ.). ამ დროიდან ავანიონი ორი თაობის განმავლობაში პაპების რეზიდენციას წარმოადგენდა.

პაპის ხელის უფლება ეხლა სავსებით დამოკიდებული გახდა საფრანგეთზე. უკვე თავის არჩევისას კლიმენტი მე-V იძულებული იყო რამოდენივე შინაშენელოვანი დაპირება მიეცა ფილიპე მე-IV-სათვის და საფრანგეთის მეფემ მიიღო კიდევ ამ დაპირებეთა შესრულებისათვის საჭირო ზომები. პაპის ტახტზე ასვლისთანავე კლიმენტიმ გადასცა მეფეს გადასახადი (ათეული) საფრანგეთში არსებული მთელი საეკლესიო ქონებიდან. მაგრამ ყველაზე უფრო შინაშენელოვანი იყო არაჩვეულებრივად მდიდარი ტამპლიერთა ორდენის მოსპობა. ტამპლიერთა მოქმედების მთავარი ასპარეზი სამხრეთ საფრანგეთი იყო და მათი საგანძურები დიდი ხანია აწვევებდა ფილიპეში ანგარ სურვილებს¹⁾. ბევრი ოინი იხმარა კლიმენტიმ უხერხულ მდგომარეობიდან გამოსაძრობად, მაგრამ ორდენი დალუპვისაგან ვერ იხსნა. ეს აბი მას უნდა გადაეყლაპა და, მართლაც, სკანდალიოზური პროცესის შემდეგ, რომელიც ხალხის თვალის ასახვევად იყო გამა-

¹⁾ როგორც სხვა ბერთა ორდენებაც, ტამპლიერები მარტო კეთილ მორწუნეობრივი მეცადინეობით როდი ემყოფილდებოდენ; მათ მშენიერად ემზოდან კომერციაც.

„ტამპლიერთა სიუამაცეს ომში არავინ არ უარყოფდა, — ამბობს არუცი, — მაგრამ იმამალა ჰიცხავდენ მათ ანგარებითს პოლიტიკას, რომელიც ორდენის საკეთეს მდამ მთელი ქრისტიანობის ინტერესებზე მალა აყენებდა. ამის საბუთაჲ განსაკუთრებით აღნიშნავდენ ორგანოს დამოკიდებულბას. — სშირად ფრიად საეკლესიო, — ფრწმუნობებთან; ორდენი ცდილობდა თავისი ქონება საქრსტიანო ქვეყნის წაოინებულთა და თვადთა სახარალოთაც გავდიდებინა; ძალიან მალე შეიპყრო ის სიხარბემ ფულისადმი. ორდენა ვეებერთელა ფინანსიური წყაროებოც კონდა თავის განკარგულბაში; ბოლოს ის ერთგვარ დიდ ფინანსიურ სახე მწიფოდაც გადაიქცა. ორდენის კატასტროფის დროს მარტო მისი უძველი ქონება 21—62 მილიონ ფრანკად იყო შეფასებული, ხოლო რენტის, გადასახადების, პროცენტების და სხვ. სახით იგი 2 მილიონ ფრანკს იღებდა წელიწადში, — თანასა, რომელიც ფულის თანამედროვე ლიურბულების ანგარიშზე 25 ჯერ მეტს სიდიდეს შეადგენს. ეს მეფურზე უფრო კარბი სიმიდრე, რა თქმა უნდა, არ შეეფერებოდა „ტამპლის ლარბ მშობის“ მცნებებს, მით უმეტეს, რომ ამ სიმიდრის მხოლოდ უმნიშვნელო ნაწილი ხმარდებოდა ორდენის მიერ დასახულ მიზნებს. ორდენი არა თუ მართადა ნაეოსნობას, არამედ მსხეულ კომერციულ საქმეებსაც აწყოდა. თავის ზომალდებზე ის მრავალ ათას მგზავრს ზიდავდა პალესტინაში და პალესტინ დან, ხოლო საკუთარ მოხმარებისათვის საჭირო საქონლის დასაეღუთიდნ უზაროდ შემოტანის პრივილეგია საწვალბას აძლევდა მის შემოსავლიანი საეკლესიოცა ეწარმოებინა დიდი მამტაბით.

როგორც მთავარმა შუამავალმა დასაეღუთისა და აღმოსავლეთს შორის აღებ-

რთული, პაპმა დასწყევლა და დაშალა ორდენი ეთომდა მისი ურწმუნოებისა და უზნეობის გამო. სხვა შემთხვევებში სიუზერენებს მხოლოდ პაპობისაგან განდგომით შეეძლოთ ხელში ჩაეგდოთ ეკლესიის ქონება; საფრანგეთში კი ამაზე თვით პაპმა იზრუნა. საკვირველიც არ არის, რომ საფრანგეთის მეფეები კეთილ კათოლიკებად და პაპისტებად დარჩენ და გულმოდგინეთ სდევნიდნენ ერეტიკოსებს.

საგარეო პოლიტიკაშიაც პაპებს საფრანგეთის მეფეების ნებასურვილი უნდა ესრულებინათ. უკანასკნელნი მუდმივ განსეტყილებაში იმყოფებოდნენ ინგლისთან და ცდილობდნენ თავისი მიწა წყალი გერმანიის ხარჯზე გაედიდებინათ; ამის გამო ცდილობდნენ ჩაეთრიათ პაპები კონფლიქტში ინგლისის მეფეებთან და გერმანიის იმპერატორებთან.

თუმცა, ამისთვის მაინც და მაინც დიდი ღონისძიება არც იყო საჭირო საფრანგეთის მეფეების მხრით. მას შემდეგ, რაც პაპები საფრანგეთის მორჩილნი შეიქნენ, მათ დაჰკარგეს საუკეთესო შემოსავლები, რასაც საფრანგეთიდან იღებდნენ. მაგრამ რომიდან გადასახლების შემდეგ საეკლესიო სახელმწიფოსაგან ხეცდრი შემოსავალიც უფრო არა საიმედო გახდა და მშირად სრულიადაც ისპობოდა. ამავე დროს კი, ვაქრობა-მრწველობის განვითარებასთან ერთად, პაპის სასახლეში, როგორც იმ დროის სხვა სასახლეებშიაც, მატულობდა ფუფუნება და იზრდებოდა ფულის მოთხოვნილება. რაც უფრო ნაკმიკემობაში, მან უდიდესი მნიშვნელობა მიიღო მთელი ფულის ბრუნვის საქმეში; ორდენის სწრაფად მავალ და საიმ დო გემებზე პაპები წმიდა ქვეყნისთვის გადაღებულ ფულს ვხიდებოდნენ და ორდენის საღაროში შეჰქონდათ დიდი თანები შესანახად და მოსახმარად. ორდენი სხვა ფინანსიურ საქმეებშიაც გახდა უზამავალი ტაძარი, „ტამაღ“-ი, ორდენის მთავარი სახლი პარიზში, პირდაპირ ინტერნაციონალურ ბირჟად გადაიქცა, რომლის საშალებით ერთმანეთთან კავწირს იკებდნენ სხვადასხვა ქვეყნებში მცხოვრები ვაჭრები; ასევე იკეოდნენ თვით ხელმწიფეები: საფრანგეთის მეფეებმა იქ გადაიტანეს თავისი ხაზინა და განკარგულმბას იძლეოდნენ ფულის მიღება-გაცემის შესახებ.

ცხადია, ორდენი მოყავისადმი სიყვარულით კი არ ხლმძღვანელობდა ამაგვარ საქმეებში და უნაგროთ კი არ მოჰმედოდა. ტაძრელთა (ტამაღიერთა) ორდენი,—ეს დიდი სამხედრო ძალა და მსხვილი მიწათმფლობელი, რომელსაც მეტოქე არ ყავდა, ამ გზით ბოლოს და ბოლოს მართლა ძლიერმოსილ ფინანსიურ სახელმწიფოვ გადაიქცა. მეფეები მის მფარველობას ეძებდნენ და მისი მოვალეობი ხდებოდნენ; თვით ფილიპე მე-IV-მ განიკადა ორდენის ასეთი მნიშვნელობა“ (H. Prutz, Stantenge-schichte des Abtthlandes im Mittelalt-r, Berlin 1887 F. II, S. S. 19, 20). ყოვლზე უფრო ქრისტიანულ გერმანულ—ქრისტიანე, რაინდთა ტაძარი —სავაქრო ბირჟა! ეს სინამდღელე ბევრად უფრო საწყენია ანტი-სემიტებისათვის, ვიდრე ლესინგის მიერ შეთხზული ტამაღიერი, რომელიც ებრაელ ნატანს ემეგობრება.

ლებ შემოსავალს იძლეოდა საჰრანგეთი და იტალია,—და შემდეგ ესპანეთიც,—მით უფრო მეტი უნდა წაეგლიჯათ პაპებს ჩრდილოეთის ქვეყნებისათვის. ავინიონში გამოიგონეს პაპებმა გერმანულ ეკლესიის ფისკალურ ექსპლოატაციის ის სისტემა, რომელსაც ბოლოს და ბოლოს რომისაგან გერმანიის გათიშვა და რეფორმაცია უნდა გამოეწვია.¹⁾

მე-XIV საუკუნის პაპებს შეეძლოთ ყველაფერი მოეთხოვათ გერმანიისაგან, რომლის ცენტრალური ხელის უფლება არა ჩვეულებრივად სუსტი იყო. მოთხოვნილებანი, რომლებსაც პაპები ყოველგვარი საბაბით უყურებდნენ გერმანიის ეპისკოპოზებს და მონასტრებს დღითი დღე სულ უფრო მძიმე ხდებოდა; ამავე დროს სულ უფრო უსირცხვილო ხდებოდა პირდაპირი ექსპლოატაციის მეთოდები, მაგალითად, ინდულგენციით ვაჭრობის საშუალებით და ფულის გამოტყუება შეჩვენებისა და ეკლესიიდან გამოორიციების მუქარით.

„პაპების დაუსრულებელმა მოთხოვნილებებმა,—ამბობს ერთი კეთილი კათოლიკე,—ძვირმა მგზავრობამ რომში, განუწყვეტელმა იმებმა ვალებში ჩაფლეს გერმანიის მონასტერთა უმრავლესობა (მე-XIV ლ XV საუკუნეებში) და იძულებული გახადეს ისინი კოლოსსალური პროცენტები ეხადათ იტალიელ ბანკირებისათვის. ეს ბანკირები —სიენაში, რომში, ფლორენციაში—პაპის ავტორიტეტით სარგებ-

¹⁾ პანს არუცის ზემოაღნიშნული შრომა ნათელ წარმოდგენას გვაძლევს პაპების ფინანსიურ მეთოდების შესახებ: „პაპის კურიის ფინანსიორმა ხელოვნებამ ძალიან ადრე მიაღწია განვითარების უმაღლეს საფეხურს; ნიხრები და ბაეები ჩამოყალიბებული იყო მშვენიერად მოფიქრებულ სისტემად სასულიერო წოდების მრავალრიცხოვან ხარისხებისა და საქმეთა უსახლგრო მრავალფეროვანების მიხედვით; ამ სისტემაში არ იყო გამოჩენილი არც ერთი ისეთი შემთხვევა, როდესაც ამა თუ იმ გადასახადის მიღება იყო შესაძლებელი, თუ ამისთვის რაიმე იურიდიული საფუძველი მოიპოვებოდა.

წინათაც ბევრი ჩივილი ისმოდა ამის გამო, მაგრამ ბოროტებამ ყოველი საზღვარი გადალახა მაშინ, როდესაც პაპებმა დაპყარგეს ქალაქ რომისაგან და საეკლესიო სახელმწიფოსაგან ხვედრი შემოსავლები და როდესაც ბედნიერების მადიებულ მრავალრიცხოვან ავანტიურისტთა მოკალათებამ ავინიონში და ხელგაშლილმა ცხოვრებამ მხიარულ პროვანსში შესამჩნევად გაადიდა ფულის მოთხოვნილება. ამგვარ პირობებში კურიის ფინანსიურმა ხელოვნებამ უმაღლეს წერტილს მიაღწია, რათა ერთ ადგილას შემოსავლის დაკარგვა ორმაგათ და სამამაგათ ანაზღაურებული ყოფილიყო სადმე სხვა ადგილას. თავის ზარალს კურია უმტავრესად დიდ შემოსავლიან საეკლესიო თანამდებობებზე ინაზღაურებდა, არა იმდენად უმაღლეს თანამდებობებზე, რამდენადაც მრავალრიცხოვან დაბალ და დამხმარე მთავლებზე; ნოტარიუსებზე, კანცელიარისტებზე, მწერლებზე და სხვ. მათ ხარბ ხელში უნდა გატარებულიყო ყოველგვარი საბუთები უმაღლეს საეკლესიო თანამდებობებზე დანიშნის შესახებ სანამ ეს საბუთები თვით თანამდებობაზე და-

ლობდენ, რათა უფრო ადვილათ ეტყავებინათ გერმანიის ეკლესია. როდესაც ეპისკოპოზი არ მოისურვებდა ფულის დროზე გადახდას, ისინი შოულობდენ პაპის ბრძანებებს და სამსახურიდან დათხოვნის და ეკლესიიდან გამორიცხვის მუქარით აიძულებდენ მათ ჩარჩული პროცენტები გადაეხადათ. Balzinger, Geschichte der kirchlichen Armenpflege, გვ. 304 და შემდეგი.) მაგრამ ესეც არ იკმარეს პაპებმა: იოანნე მე-XXII-მ, კლიმენტი მე-V-ს ერთერთმა მონაცვლემ (1316 წლიდან), გამოაცხადა, რომ საიმპერატორო ხელის უფლება იმპერატორის სიკედილის შემდეგ ამიერიდან პაპზე გადადის. და მაშასადამე პაპი, საფრანგეთის ყურმოკრილი მონა, გერმანიის სუვერენი ხდება. აპის ატანა იმპერატორისთვის შეუძლებელი იყო, თუ მას სურდა იმპერატორად დარჩენილიყო. ლიუდოვიკ ბავარიელმა მიიღო ეს გამოწვევა—ძალა-უნებურად და გაუბედავად. ამ ახალ შეტაკებას სულ სხვა ხასიათი ქონდა, ვიდრე იმ კონფლიქტს, რომელიც ჰოგენშტაუფენებსა და პაპებს შორის ჩამოვარდა. ეხლა საქმე გერმანიის დამორჩილებასა და ექსპლოატაციას შეეხო და არა იტალიის საეკითხი ისე კი არ იდგა, თუ ვინ უნდა ყოფილიყო ეკლესიის ბატონი, არამედ—არის თუ არა ეკლესიის სულიერი მამა საერო ხელის უფლების მეთაურიც. პაპობამ იერიში მიიტანა გერმანიაზე; იმ დროს, როდესაც მონარქიული ხელის უფლება ყველგან იზრდებოდა და ეკონომულ ან მოწვეულ პირამდე მიალწვედა აბბატად, ეპისკოპოზად თუ არქიეპისკოპოზად დანიშნულ პირს პირველად ყოვლისა დიდი მატერიალური მსხვერპლი უნდა გაელო, იმ დიდ თანხებზე რომ არაფერი ვთქვათ, რაც სხვადასხვა გაელენიან ინსტანციების მოსაქრთამავად იყო საკვირო ამგვარი დაწინაურების მისაღწევად. ბუნებრივია, რომ ეს პირნი შემდეგ ცდილობდენ გაღებული მსხვერპლის ანაზღაურებას: თავისი ქვემდებარე ინსტანციების მიმართ მათ ისეთივე ნიხრებისა და ქრთამების სისტემ შემოაქმნდათ, როგორც თვით მათ მიმართ იყო გამოყენებული ამას წინათ. ამ რიგად ეს ჯაჭვი გრძელდებოდა სულ ქვედა საფეხურამდე: ქვემოთ მდგომთ არა თუ უნდა აენახლა ურებიანთ ზემოთ მდგომთ სასარგებლოთ გადახდილი თანხები, არამედ შენაფერი მოგებაც გამოელოთ ამ საქმიდან. დიდი ადგილი ეკირა კურიის ბიუჯეტში საკონფირმაციო საფასურს, ე. ი. გადასახადს, რომელსაც საეკლესიო თანამდებობაზე შემდგარ პირს უნდა მოეზადა პაპის მიერ მისი დანიშვნის დამტკიცებისათვის. მე-XIII საუკუნის დამლევი ეს გადასახადი £:xliii-ის ეპისკოპოზობისათვის, 4,000 ოქროს გულდენს შეადგენდა, თუ პაპის მოხელეებისათვის გადასადედი 200 ოქროს გულდენის მაღარიან არ ჩავთვლით. შემდეგ ნიხრები კიდევ უფრო გადიდდა: მაინცის, ტრიორის და ზალცბურგის არქიეპისკოპოზობისათვის საფასური 10,000 ოქროს გულდენს შეადგენდა თითოზე, რუანის არქიეპისკოპოზობისთვის—12,000 ოქრ. გულდენ. ლანგრ-ს ეპისკოპოზობა 9,000 ოქრ. გულდენად იყო შეფასებული, კამბრის—6,000, ტულუზის და სევილიის—5,000-ად. თეთიელი, და ისეთი დარბიზი საეპისკოპოზობისთვის, როგორც მინდენი იყო, 500 ოქროს გულდენი იყო გადასახდელი. ამგვა-

ლესიის დამორჩილებას იწყებდა, გერმანიის იმპერატორებს თავისი დამოუკიდებლობისათვის უნდა ებრძოლათ პაპების წინააღმდეგ.

ამ ბრძოლასთან პარალელურად სხვა ბრძოლაც იშლებოდა. სამიწერიო თავადებმა სუვერენულ ხელმწიფეებად იწყეს გადაქცევა და იმპერატორის ძალა-უფლების შესუსტებას (იდილობდენ წინააღმდეგ ამისა ის ელემენტები, რომლისთვისაც თავადების გაძლიერებას საშიშროება მოჰქონდა, პირველად ყოვლისა თავისუფალი ქალაქები, იმპერატორის ხელის უფლებას თავის საუკეთესო მოკავშირედ სთვლიდენ. უმაღლეს თავად-აზნაურობას კი, პირიქით, მეტწილად პაპების ნაარჯ ექირათ. თუმცა, უნდა ითქვას, რომ პაპები ზოგჯერ ისეთ ზვიადობას იჩენდენ, რომ ძვით თავადებზეც ხშირად მათ წინააღმდეგ ილაშქრებდენ. მაგრამ საერთოდ იმპერატორი მათ თავის უახლოეს მოწინააღმდეგეთ მიაჩნდათ და ამიტომ ხელს უწყობდენ პაპების მისწრაფებას იმპერატორის შესუსტებისა და დამცირებისაკენ.

პაპმა თავის უმკვეთრეს იარაღს მიმართა იმპერატორის წინააღმდეგ: მან შეაჩენა და ეკლესიიდან გამორიცხა იმპერატორი. მაგრამ ქალაქებს ასეთი ზომები სსასაცილოდ არ ყოფნიდათ. „იმ დროს ერის კაცები ზიზღით უყურებდენ სამღვდლოებას; ებრაელებს უფრო პატაეს სცემდენ, ვიდრე სამღვდლოებას“—ო, მოგვიტხოვრობს იმ დროის ერთი მემატიანე ლ. კელლერი ჩვენ მიერ არა ერთხელ ხსენებულ წიგნში რეჟორმის უძველეს პარტიების შესახებ (გვ. 114) ნათლად გვიხატავს ქალაქთა დამოკიდებულებას პაპებთან: „ამ ბრძოლაში ყველაზე წინ ქალაქი სტრასბურგი იდგა; მან ქალაქიდან გან-

რივე წესით განს. ზღვრული იყო ნიხრები სხვადასხვა სააბბატოს მიღებისათვის უკანსკულთა სიმღიდრის მიხედვით. იოანე მე-XXIII-ს ბენდიერი იდეა დაებადა: მან პაპის რეზერვებში ჩარიცხა ყველა ის სასულიერო თანამდებობანი, რომელნიც თავისუფლდებოდენ მათ მფლობელთა უფრო მაღალ თანამდებობაზე დანიშნვის გამო; ამ თანამდებობებზე ძვით პაპი იჩინავდა ამა თუ იმ პირებს უშუალოდ. ამგვარად შესამღებელი გაბდა ერთ და იმავე დროს რომდენიმე პირის დაიწუნა მთელ რიგ თანამდებობებზე, რის გამო საკონფირმაციო საფასური კურიის ერთერთ უდიდეს და საიმედო შემოსავლის წყაროდ გადაიქცა. ამასთან დაკავშირებით უზომოთ გაიზარდა მეორე გვარი შემოსავალი. ანნატები, —ეს იყო პირველი წლის — შემოსავალი, რომელიც ყოველ ახლად დანიშნულ ეპისკოპოსს უნდა გადაეცა კურიისათვის. შმდეგ ამას მოებატა ე. წ. fructus medii L. mporis („შუა ხნის შემოსავლები“): სანამ საეკლესიო თანამდებობა დაკერილი არ იყო, მრველის შემოსავალი ერგებოდა კურიას, რომელსაც, დანიშნვის დაგვიანებით, აქაც შეეძლო თავისი წემოსავლების გადიდება. კუ—ია სარგებლობდა აგრეთვე სპოლიაციის უფლებით, რომლის ძალით გარდაცვილი ეპისკოპოსის ნომრავი ქონება კურიის საკუთრებაში გადადიოდა. განსაკუთრებით შემოსავლიან საქმეს წარმოადგენდა კომენდი, —მრველის მიღების უფლების გადაცემა ისეთი პირისათვის, რომელ-

დენა ღვდლები, რომლებმაც პაპის ბრძანების თანახმად წირვა ლოცვა შესწყვიტეს. ქალაქი ციურიხი უკვე 1331 წლიდან ვერ ითმენდა თავის ფარგლებში პაპის მოხელეებს. კონსტანციაში მაგისტრატმა მოსთხოვა თავის სამღვდელოებას, რომ ის კვლავ შესდგომოდა თავისი მოვალეობის შესრულებას და ვადა დაუნიშნა ამ წინადადების მოუქმებისათვის. როდესაც ვადა გათავდა (1339 წლის 6 იანვარს), ყველას, ვინც უარი სთქვა სამსახურზე, წინადადება მიეცა ქალაქი დაეტოვებინათ. რეიტლინგენში საბჭომ აცნობა ხალხს, რომ არც ერთ მოქალაქეს არ აქვს უფლება მიიღოს თავის სახლში ღვდელი, რომელიც პაპს ემორჩილება, წინააღმდეგ შემთხვევაში დაჯარიმებული იქნება თუთხმეტი გირვანქით. რეგენსბურგში საქალაქო ხელის უფლებამ შიმშილით აიძულა მღვდლები ღვთის მსაჯურება ესრულებინათ.

ციურიხბურგში, სადაც ქალაქის ოლიგარხები ერთ დროს რომის სამღვდელოების მოკავშირენი იყვნენ, ამქრებმა სასტიკი ბრძოლა გამოუცხადეს ასეთ წესობილებას—და ეს ბრძოლა პატრიციატის და სამღვდლოების დამარცხებით გათავდა. და დასრულდა თუ არა ეს ბრძოლა, ნიურნბერგი განდევნილი იმპერატორის მხაოზე დადგა. საზოგადოთ აღსანიშნავია, რომ გერმანიის ყველა ქალაქი, რომელშიაც მართვა-გამგეობა პატრიციატს არ ეკუთვნოდა, აშკარად რომის მოწინააღმდეგე და ლიუდოვიკის ერთგული მოკავშირე იყო.⁴

ბუნებრივია, რომ ასეთ პირობებში ბეკპარდთა ერესი გაძლიერდა განვითარდა. მთელს გერმანიაში პაპის წინააღმდეგ ბრძოლის ყიყინა ისმოდა და იმპერატორის მომხრეებისა და მოქალაქეებისათვის ყოველგვარი დახმარება სასურველი იყო.

„იმპერატორ ლიუდოვიკის მიერ სხაზმატიკოსების დანიშვნამ უმაღლეს საპატიო თანამდებობაზე.—ამბობს ერთი ფრანკისკანელი ძემატიანე, რომლის სიტყვები მოსჭიმს მოყავს თავის წიგნში,— და

საც არა სრულწლოვანების გამო ჯერ არ ჰქონდა მრევლის მიღების უფლება; აგრეთვე ხელსაყრელი იყო ექსპეტაციის დარიცხვა, ე. ი. დაპირება ისეთი ადგილის, როკილიც ჯერჯერობით თავისუფალი არ არის. ცოველივე ამას უნდა დაერთოს შემოსაულები შეერთებისა და შემატებისაგან ე. ი. ნებართვისაგან რანოღენიზე მრულის ერთი პირის ხელში გაერთიანებისათვის და, დასასრულ, ფართო ვაჭრობა ინდულგენციებით და ათასნაირი სახის შენდობით, რი: თვისაც დაუწერილებითი ნიბრი იყო შეზღუშაეებული.

„ამ ფინანსიური სისტემის საშუალებით ყურის საზღაპრო თანხებს იღებდა წარჩინებულ სასულიერო პირთაგან, უკანასკნელნი კი ამ ფულს და საჯეტარ მოგებას უმკროს მოაამახებუიებს ართმეედენ, სანამ ბოლოს მთელი ეს საგადასახადო ტვირთი უმუეო წვირლ სალხს არ დააწებოდა.“

(loc cit., II ტ. გვ. 350 და შემდეგი).

მათმა უპასუხისმგებლობამ ბოროტმოქმედებებში გააძლიერა ყველა ორდენების წევრთა თავხედობა და ჯიუტობა; სულ მცირე საბაბით ეთიშებოდნენ და კათოლიკური საქმის საზიანოდ ამრავლებდნენ „ძმათა“ (იგივეა, რაც ბეგპარდთა სექტებს, რომელნიც უსირცხვილოდ გამოდიოდნენ თავისი ჯურღმულებიდან და ხმაამლა იწონებდნენ პეტრე კობარისის (უკანასკნელი ლიუდოვიკმა კონტრ—პაპად დანიშნა ნიკოლოზ მე-V-ს სახელით) და ლიუდოვიკის მოქმედებას.“¹⁾

გერმანიაში შეზიზნული უცხოელი ერიტიკოსებიც სარგებლობდნენ ლიუდოვიკის მფარველობით. 1324 წლის ერთ ბულაში იოანე მე XXII იმპერატორს ერეტიკოსთა დამცველად და მფარველად აცხადებს—განსაკუთრებით. ლომბარდიელ ერეტიკოსების მფარველად, რომლებშიაც, რა თქმა უნდა, ვალდენელნი ან ძმანი—მოციქულნი უნდა იგულისხმებოდეს.

იმპერატორი ლიუდოვიკი ცდილობდა კომუნისტური იდეებიც კი გამოეყენებინა თავის სასარგებლოთ, მართალია, არა ბერგპარდულ, არამედ უფრო უშიშარ ფრანცისკანული ფორმით. ჩვენ ზემოთ უკვე შევხებთ იმ ბრძოლას, რომელიც ფრანცისკანელთა ორდენში გაჩნდა საკითხზე: აქვს თუ არა ორდენს საკუთრების შექმნის უფლება. მას შემდეგ, რაც ინოკენტი მე-IV-მ (1245 წ.) მხარი დაუჭირა საკუთრების მოსურნე ფრაქციას, ფრანცისკანელთა უფრო მკაცრი მიმართულება სულ უფრო მტრულ დამოკიდებულებაში დგებოდა პაპობასთან. კონფლიქტი პაპსა და მკაცრ ფრანცისკანელთა (სპირიტუალებს ანუ ფრატიჩელლებს) შორის განსაკუთრებით მწვავე მაშინ შეიქნა, როდესაც იოანე მე-XXII-მ, ლიუდოვიკის მოწინააღმდეგე, ერეტიკულად გამოაცხადა (1322 წ.) მათი მოძღვრება იმის შესახებ, რომ ქრისტეს და მის მოციქულებს არავითარი საკუთრება არ ქონდათ; თუმცა, იოანემ ჯერ კიდევ 1317 წელს გამოიწვია ინკვიზიცია შეურიგებელ ფრანცისკანელთა წინააღმდეგ. 1328 წელს იოანემ თანამდებობა ჩამოართვა თვით ორდენის გენერალს მიხეილ დეკაზენს, რომელმაც შეურიგებელი მიმართულების მხარე დაიჭირა. უკანასკნელი აშკარად მიემხრო ლიუდოვიკს; მკაცრი ფრანცისკანელი ლიუდოვიკის საქმის ყველაზე უფრო გაბედულ და გულმოდგინე აგიტატორები გახდნენ; მათი წრიდან წამოაყენა ლიუდოვიკმა თავისი კონტრ-პაპი, უკვე ხსენებული ნიკოლოზ მე-V; 1328 წელს ლიუდოვიკმა რომაელებიც აიძულა ეს პაპი აერჩიათ. მაგრამ 1330 წელს ნიკოლოზი პაპს დაემორჩილა; მან მონანიებით უარპყო ყველა თავისი „შეტყობები“.

¹⁾ Moshheim, De Beghardis, გვ. 320.

უკვე ეს ბედი იმპერატორის კრეატურისა საკმაო მეტყველებდა იმაზე, თუ რით უნდა დამთავრებულიყო ეს კონფლიქტი იმპერატორისა და პაპს შორის. დამარცხდა იმპერატორი.

III. კათოლიკური რეაქცია კარლოს IV-ის დროს.

პაპმა კლიმენტი VI, იანნი XXII-ის მეორე მონაცვლე, გერმანიის საიმპერატორო ტახტისათვის მონახა კანდიდატი, უქველად ერთგული პაპის და საფრანგეთისა. ეს იყო კარლოსი, მეფე იოანნე ბოჰემიელის ვაჟი.

გერმანიის იმპერატორობა სისუსტის შედეგი იყო არა მარტო ის მოვლენა, რომ იმპერიის თავადები თანდათან სუვერენულ ხელმძღვანელებად გადაიქცენ, არამედ ისიც, რომ იმპერიის მოსაზღვრე ქვეყნებმა, შვეიცარიამ და ნიდერლანდმა, დამოუკიდებლობა მოიპოვეს. ბოჰემიაც თანდათან ეთიშებოდა იმპერიას. თავის ანტაგონიზმში საიმპერიო ხელის უფლებასთან ბოჰემიის მეფეები საფრანგეთში ეძებდნენ დასაყრდნობ ძალას. იოანნე ბოჰემიელი, —წარმოშობით ლიუქსენბურგელი, —დაუნათესავდა კარლოს IV ფრანგს, რომელმაც იოანნეს და შეირთო ცოლად. იოანნეს ვაჟი, ვენცელი, საფრანგეთის სამეფოს კართან აღიზარდა; იქ სახელი ვენცელი არ მოსწონდათ; ამიტომ კონფირმაციის დროს მან კარლოსი იწოდა და ეს სახელი მას ბოლომდის შერჩა. აღზრდა და დინასტიური ინტერესები მას უსათუოდ პაპისა და საფრანგეთის ერთგულ მოკავშირედ ხდიდა.

როდესაც კარლოსმა თანხმობა განაცხადა საიმპერატორო გვირგვინის მიღებაზე, კლიმენტმა მეფე ლიუდოვიკი გადაყენებულად გამოაცხადა და მოითხოვა, რომ გერმანელებს ახალი იმპერატორი ამოერჩიათ. ეკლესიის დახმარებით და ფულიან ქისების საშუალებით, კარლოსმა გამონახა ოთხი კურფიურსტი, რომლებმაც იგი მეფედ აირჩიეს (1346 წ.). გამარჯვება მას უფრო ადვილად ხედა, ვიდრე თვითონ მოელოდა: ლიუდოვიკ ბავარიელი გარდაიცვალა უფრო ადრე, ვიდრე საქმე სერიოზულ ბრძოლამდე მივიდოდა ორ იმპერატორს შორის.

კარლოსი გრძნობის პოლიტიკოსი არ იყო. საფრანგეთში და ესპანეთში მას საფუძვლიანად ქონდა შესწავლილი სახელმწიფო მართველობის ხელოვნება. ამიტომ მან ძალიან კარგად იცოდა, რომ იმპერატორობა დიდების დღენი დიდი ხანია განვლილი იყო და რომ მისი ძლიერების საფუძველი იმპერატორის ტახტი კი არ არის, არამედ მიმკვიდრებობითი მიწა-წყალი. ბოჰემია მისი მთავარი საზრუნავი

საგანი იყო. კარლოსი ცდილობდა იმდენი სარგებლობა გამოეღო საიმპერატორო გვირგვინიდან, რამდენიც შესაძლებელი იყო, მაგრამ მისი გულისთვის არც ბრძოლას, არც რაიმე მსხვერპლის გაღებას არ ფიქრობდა. მაგრამ მან ისიც იცოდა, რომ იმპერატოროთა მნიშვნელობა, რამდენადაც მათ ჯერ კიდევ დარჩენოდათ რაიმე მნიშვნელობა, მკიდროდ დაკავშირებულია კათოლიკური ეკლესიის მნიშვნელობასთან: იმპერატორს და პაპს ერთად უნდა ეარათ, ხელი-ხელ ჩაკიდებული. ასეთ პოლიტიკას ხელს უწყობდა კარლოსის პირადი დაპოკიდ ბულები და სიმპატიები.

ამგარად კარლოსი გადაიქცა „ხუცურ“ იმპერატორად, როგორც (ა) იტალიაში უწოდებდნენ, და პაპის ინტერესთა გულმოდგინე და ცველად, რამდენადაც ეს ინტერესები მის მდგომარეობას არ ეწინააღმდეგებოდა. ასეთი მდგომარეობა ყველაზე უფრო საზიანო შეიქნა, რა თქმა უნდა, დემოკრატიულ და კომუნისტურ ერებსებისათვის. ლიუდოვიკის დროს ბეგჰარდთა დევნა გერმანიაში თითქმის საეგებით შეწყდა ან, ყოველ შემთხვევაში სერიოზულ შედეგებს არ იწვევდა. ეხლა კი ბეგჰარდებს უმკაცრესი დევნის ხანა დაუდგა.

უკვე 1348 წელს არის მოხსენებული ერეტიკოსთა დევნა. მაგრამ მთელის ძალით რეაქცია XIV საუკუნის უკანასკნელ მესამედში მძვინვარებდა, როდესაც ერესების გაერცელებამ ინგლისში არაჩვეულებრივად გააბოროტა რომის ეკლესია. ერთი მეორეს მოსდევდა კარლოსის დეკრეტები ბეგჰარდთა წინააღმდეგ; ყველაზე უფრო საშინელი დეკრეტი გამოცემულ იქნა ლუკაში 1369 წ. 10 ივნისს; იგი საგანგებო უფლებებს ახიჭებდა ინკვიზიტორებს.

ჯერ კიდევ 1367 წ. პაპმა ურბან მე-V-ემ გერმანიაში ორი ინკვიზიტორი გაგზავნა; მაგრამ იმათ იმდენი სამუშაო აღმოუჩნდათ, რომ შემდეგმა პაპმა, გრიგოლ მე-IX-ემ ხუთი ახალი ინკვიზიტორის გაგზავნა ჩათვალა საჭიროდ მათა დასახმარებლად (1372 წ.). ყოველ ნაბიჯზე კოცონები ენთო; ასობით წვაედნენ ერეტიკოსებს.

ბოლოს, 1394 წ. 30 იანვარს ბონიფაცი მე-IX-ემ გამოსცა ედიქტი, რომელშიაც, იმპერატორ კარლოს მე-IV-ის ბრძანებითა თანახმად, გაერთიანებულ იქნა ყველა ძველი და ახალი დადგენილებანი, რაც კი გამოცემულა ერეტიკოსთა წინააღმდეგ. ედიქტში მოყვანილია გერმანელ ინკვიზიტორთა აზრები გერმანელ ერეტიკოსების შესახებ, რომელთაც ხალხმა „ბეგჰარდები“, „ლოლლარდები“ და „შვესტრიონები“ უწოდა სახელად, და რომელნიც თავის თავს „ლატაკებს“ და „ძმებს“ უწოდებდნენ. ბონიფაცი ედიქტში სჩივის, რომ ას წელიწადზე მეტია რაც ერესები არ გამოლეულა მიუხედა-

უად იმისა, რომ კოცონები უხვად ჩაღებოდა. ეხლა კი დროა ბოლო მოეღოს ცრუ-მოძღვრებებსო. და, აი, 1395 წელს ინკვიზიტორ პეტრე პილიხდორთმა ზეიმით გამოაცხადა, რომ ცრუ-მოძღვრებანი, ბოლოს არის, აღმოფურჩილია მიუხედავთ ამისა 1399 წელს ბონიფაციმ საქიროდ სცნო გაედიდებინა ინკვიზიტორთა რიცხვი ექვსი ახალი კაცით.

სექტა მუდამ პოულობდა არსებულ საზოგადოებრივ ურთიერთობაში ნაყოფიერ ნიადაგს და სულ ახალ და ახალ მიმდევრებს იკრებდა. მაგრამ დაუნდობელი დევნა კვლავ და კვლავ აუძლურებდა მას.

დამოუკიდებელი ბეგპარდები, რომელნიც აშკარად აღიარებდნენ თავის შეხედულებებს, სრულიად გაპქრენ. ჩვენ დავინახეთ, რომ უკვე პირველმა დევნამ მე-XIII საუკუნეში ზომიერ ბეგპარდთა თვალსაჩინო ნაწილი მათხოვარ-ბერთა ორდენებთან დაახლოვა. ეხლა ეს პროცესი უკვე დამთავრდა. ბეგპარდთა დამოუკიდებელი სახლები გაპქრა. ისინი გადაიქცნენ მონასტრებად, რომლებიც ნაწილობრივ მათხოვარ-ბერთა, მეტ წილად, ფრანკისკანელთა საკუთრებაში გადავიდა, ნაწილობრივ კი ძველი სახელწოდება შეინარჩუნა, მაგრამ ფაქტიურად ბერობის ნიადაგზე დადგა. პაპმა ნიკოლოზ მე V-ემ ბოლოს და ბოლოს (1453 წ.) ოფიციალურად მიიღო ეს სახლები ეკლესიის წიაღში და ტერციარიების უფლებები უბოძა მათ.

მაგრამ შეუძლებელი გახდა საიდუმლო თემების სრული მოსაპობა ან მათი დამორჩილება. მაგრამ მთელი მათი გმირობა და თავდადება ასი წლის განმავლობაში მხოლოდ წამებულთა დაუბოლოვებელ რიგს იძლეოდა; სხვა შედეგის მიღწევა შეუძლებელი იყო.

კომუნისტურ ოპოზიციას, როგორც ერეტიკული ოპოზიციის ყოველ სხვა სახეს, მხოლოდ მაშინ შეეძლო კვლავ თავის ამაღლება გერმანიაში, როდესაც ახალი დიდი კონფლიქტი მოხდებოდა საერო ხელის უფლებასა და პაპებს შორის და როდესაც იმპერიის თავადები იმდენად გაძლიერდნენ, რომ ბრძოლა დაიწყეს იმპერატორთან და ეკლესიასთან ერთ და იმავე დროს.

ლიუდოვიკ მე-IV სიკვდილის შემდეგ გერმანიის დიდი რეფორმაციის ხანამდე ერესებმა მხოლოდ ორი თავისუფალი სარბიელი იპოვეს ევროპაში: უწინარეს ყოვლისა ინიგლისი და შემდეგ—საკვირველი მოვლენა ბოჰემია, სწორედ ის ქვეყანა, რომლის ხელმწიფემ ჩაუყარა საძირკველი კათოლიკურ რეაქციას გერმანიაში.

თავი მეოთხე

ლილლარდები ინგლისში.

1. ვიკლევი.

გერმანიის იმპერიის შემდეგ ავინიონის პაპებმა ინგლისს მიმართეს თავისი ექსკლავატორული ზრახვები.

იყო დრო, როდესაც არც ერთი ქვეყანა არ იჩენდა ისეთ ერთგულებას წმიდა მამისადმი და არც ერთი ქვეყანა ისე პასიურად არ ემორჩილებოდა მის ექსკლავატაციას, როგორც ინგლისი. მე-XIII საუკუნის დასაწყისისთვის ინგლისის სამეფო საეკლესიო დამოკიდებულებას პაპის ხელის უფლებებზე. იოანე უმიწაწყლო 1213 წ. იძულებული იყო მეფის გვირგვინი მიეღო, როგორც წმ. პეტრეს ლენი და ვალდებულად გაიხადა თავი 1.000 გირვ. ვერცხლი ეძლია პაპისთვის ყოველ წლიურად, როგორც საზღაური ლენურ მფლობელობისათვის. ამ დროიდან ინგლისის ექსკლავატაცია პაპის მიერ სულ იზრდებოდა. ჯერ ედუარდ მე-III დროს (XIV საუკ.) პარლამენტი სჩივოდა, რომ პაპს ხუთჯერ მეტი ხარკი ეძლევა, ვიდრე მეფეს¹⁾.

მაგრამ, როგორც სხვა სახელმწიფოებშიაც, ინგლისის ცენტრალური ხელის უფლება მე-XIV საუკუნეში საკმარისად ძლიერი გახდა იმისთვის, რომ არა თუ წარმატებით ებრძოლა პაპობის წინააღმდეგ, არამედ მიზნად დაესახა ბატონობისა და ექსკლავატაციის საეკლესიო ორგანიზაციის დამორჩილება.

ჩვენ ვამბობთ — „ცენტრალური სახელმწიფოებრივი ხელის უფლება“ და არა „მონარქია“, ვინაიდან ყველა ფეოდალურ სახელმწიფოში მეფეთა ხელის უფლებასთან ერთად იზრდებოდა წოდებათა წარმომადგენლობა, სახელმწიფოებრივი წოდებანი (შტატები), რომელნიც ცოტა თუ ბევრად მეფეთა ხელის უფლებას ზღუდავენ. ძალთა შეთანასწორება, ერთის მხრით, წოდებათა და; მეორეს მხრით, მეფეთა შორის დიდ ცვალებადობას განიცდიდა სხვადასხვა დროის

¹⁾ W. Cunningham, The growth of English Industry and Commerce. Cambridge 1890, I, გვ. 253 (არის რუს. თარგმანი: У. Кеннинггем, Рост английской промышленности и торговли, Москва 1900).

და ადგილის პირობებში. ჩვენ ვხედებით სახელმწიფოებრივ წოდებებს, რომელნიც უხმოდ ადასტურებენ მეფეთა ნება-სურვილს, და მეფეებს, რომელნიც პასსიური იარაღს წარმოადგენდნენ წოდებრივ წარმომადგენლობის ხელში. მაგრამ როგორც არ უნდა ყოფილიყო ცენტრალურ სახელმწიფოებრივი ხელის უფლების ამ ორი ელემენტის, მეფის და წოდებათა, ურთიერთ დამოკიდებულება, ცენტრალური ხელის უფლება იმ ხანაში თანდათან უფრო ძლიერი ხდებოდა, ვიდრე ცალკე ტერიტორიები, სახელმწიფოს შემადგენელი ნაწილები; გამონაკლისს მხოლოდ გერმინია წარმოადგენდა.

მე-XIV საუკუნეში ინგლისის მეფე და პარლამენტი საკმაოდ ძლიერი იყვნენ, რომ პაპის თავგასულობა მოეგერიებინათ. ამავე დროს პაპების პრეტენზიები სულ უფრო უსახლგრო ხდებოდა. კონფლიქტი ეკლესიასა და სახელმწიფოს შორის აუცილებელი იყო.

ანტაგონიზმი ამ ორ ძალას შორის კიდევ უფრო გამწვავდა ინგლის-სათურანგეთის ომის დროს, რომელიც საუკუნეზე მეტი ხანი გაგრძელდა (1339.—1456).

ამ ომის საბაზი დინასტიური დავა იყო მემკვიდრეობის შესახებ. მაგრამ მისი მიზეზები უფრო ღრმა იყო, იგი ეროვნულ ომად გადაიქცა, ე. ი. ისეთ ომად, რომელშიაც ერების გაბატონებული კლასები არიან დაინტერესებულნი.

ჩვენ დავინახეთ, თუ როგორ იზრდებოდა თავად-აზნაურობაში მე-XIII და მე-XIV საუკუნეების განმავლობაში მტაცებლური მისწრაფებანი. საქონლის წარმოებისა და აღებ მიცემის გინვითარებამ თავად-აზნაურობაშიც წარმოშვა ისეთი მოთხოვნილებანი, რომლის დაკმაყოფილება სააზნაურო და საგლეხო ნატურალური მეურნეობით შეუძლებელი იყო. ამიტომ თავად-აზნაურობა ცდილობს თავისი განსაკუთრებული ცოდნა და ნიჭი გამოიყენოს ნივთიერი მდგომარეობის გასაუმჯობესებლად. მაგრამ აზნაურთა ცოდნა ჩხუბის ფარგლებს არ სცილდებოდა და მისი გამოყენება მხოლოდ ერთი გზით შეიძლებოდა: აზნაურს, დამოუკიდებლად ან სხვის ხარჯზე, უნდა ებრძოლა ძლიერ პირთა უფლების, ე. ი. ნადავლის დასაცავად და მოსაპოვებლად.

გერმანიაში არ არსებობდა იმდენად ძლიერი ცენტრალური ხელის უფლება, რომ რაინდთა ავანჰაკური მისწრაფებანი მას უცხო ქვეყნებთან ომებზე მიემართა; ამიტომ, როდესაც გათავდა ჯვაროსნული და იტალიის ლაშქრობა, რაც არსებითად ავანჰაკურ ლაშქრობას წარმოადგენდა, რაინდები საკუთარი ქვეყნის მოქალაქეთა და გლეხთა წინააღმდეგ ანებდრდნენ და, თუ ეს მათთვის საკმარისი არ

იყო, ერთმანეთის ქამას იწყებდნენ, როგორც მშვიერი მგლები. მოქალაქეებსა და თავად-აზნაურთა შორის გააფთრებული მტრობა ჩამოვარდა.

სხვა მდგომარეობა შეიქმნა ინგლისში. ცენტრალური ხელისუფლება იქ იმდენად ძლიერი იყო, რომ მეზობელ საფრანგეთთან ომის დაწყებას ბედავდა. და, წინააღმდეგ საფრანგეთისა, ინგლისის ბურჟუაზიის ინტერესები იმ დროს თავად-აზნაურთა ინტერესებს ეთანხმებოდა. იმ დროს—და უფრო გვიანაც—ინგლისის თავად-აზნაურობას და მოქალაქეებს გაცილებით მეტი საერთო ინტერესები ქონდათ, ვიდრე იმავე წოდებებს გერმანიაში.

ინგლისში ორივე ეს წოდება დაინტერესებული იყო ნიდერლანდთან ვაჭრობაში. ნიდერლანდის ფართოდ განვითარებული მატყლის მრეწველობა, როგორც ვიცით, ნელ მასალას უმთავრესად ინგლისიდან იღებდა. ამ მრეწველობის აყვავებით ინგლისის მიწათმლობელნი, რომელნიც მეცხვარობას მისდევდნენ, იმდენადვე იყვნენ დაინტერესებულნი, რამდენადაც ვაჭრები,—ეს შუამავალნი მატყლით ვაჭრობაში,—და რამდენადაც თვით მეფე, რომელიც მატყლის საექსპორტო ბაჟებიდან თავისი შემოსავლის უდიდეს ნაწილს იღებდა.

უკვე 1279 წ. ბარონები აღნიშნავენ ელჟარდ I-სადმი წარდგენილ პეტიციაში, რომ მატყლის შემოსავალი მათი ადგილ-მამულის ყოველწლიური შემოსავლის ნახევარს შეადგენს. უძველესი ცნობები ინგლისის შესახებ 1354 წელს ეკუთვნის. ექსპორტის საერთო ღირებულება ამ დროს შეადგენდა 213.338 გრ. სტერლ., კერძოთ მატყლის ექსპორტის საერთო ღირებულება კი 196.062 გრ. სტერლ.. საექსპორტო ბაჟების საერთო ჯამი შეადგენდა 81.896 გრ. სტერლ. ეს ბაჟი თითქმის საესებით მატყლის გატანისაგან შემოდიოდა; დანარჩენ გატანილ პროდუქტებიდან მხოლოდ 220 გრ. სტერლ. შემოსულა (g. Craik, The History of British Commerce ლონდონი 1844, I გვ. 144, 148).

მაგრამ ნიდერლანდის ქალაქთა—ინგლისის მატყლის მყიდველთა—აყვავებას საფრანგეთი ემუქრებოდა. მათი სიმდიდრე მოსვენებას არ აძლევდა საფრანგეთის მეფეებს და რაინდებს. მე-XIII საუკუნეში ისინი თავს დაესხნენ მდიდარ ქ. ლანგედოკს ვითომდა იმისთვის, რომ სარწმუნოება უნდა დაეცვათ, ხოლო მე-XIV საუკუნეში ფლანდრიაში დაიწყეს დავლის ძებნა. ამ საშიშროების წინაშე ფლანდრიის ქალაქები ინგლისში ეძებდნენ ძლიერ მოკავშირეს და არა გერმანიის იმპერიაში.

მაგრამ ეს ერთად-ერთი მიზეზი არ იყო საფრანგეთ-ინგლისის

ურთიერთ ანტაგონიზმისა. ინგლისის რაინდობა მტაცებლობაში საფრანგეთის რაინდობას როდი ჩამოუყარდებოდა. და თუ საფრანგეთის რაინდობა ნიდერლანდის სიმდიდრეს შესცქეროდა შურის თვალთ ინგლის რაინდობას არა ნაკლებ იზიდავდა თვით საფრანგეთის სიმდიდრე, რომელიც ეკონომიურად ინგლისზე უფრო განვითარებული იყო. იმ ეპოქაში (შედარებით) ბარბაროსული ქვეყნები მულამ იმისკენ მიისწრაფოდნენ რომ მათზე უფრო მდიდარი, ეკონომიურად დაწინაურებული ქვეყნები ეძარცვათ: ერთ და იმავე დროს ფრანგები ძარცვავდნენ ნიდერლანდს, ინგლისელები საფრანგეთს და შოტლანდიელნი ინგლისს. და როგორც ნიდერლანდელნი კავშირს იჭერდნენ ინგლისთან, ისე შოტლანდიელნი ფრანგებს ეკავშირებოდნენ. მაგრამ გამარჯვება ამ ბრძოლაში, და გამარჯვებასთან ერთად უზომო ნადავლიც, მეტ წილად ინგლისელებს ხვდებოდა.

ერთი ინგლისელი მემატთანე მოგვითხრობს, რომ კრესისთან მომხდარ ბრძოლის შემდეგ ინგლისელებმა ისე გადატყვეს ჩრდლოეთ საფრანგეთის დაპყრობილი პროვინციები, რომ ნაპარცვა სიმდიდრემ სრულიად შესცვალა ინგლისელთა ყოფა-ცხოვრება და ზნე ჩვეულება.

რაინდობა ამგვარ ლაშქრობით ბევრს იძენდა; მაგრამ მას ყოველთვის ძარცვა უფრო ემარჯვებოდა, ვიდრე შენახვა. ბურჟუაზიამ კარგათ იცოდა, თუ როგორ უნდოდა ნაძარცვი განძეულობის გამოტყუება რაინდებისაგან და ბოლოს და ბოლოს ეს სიმდიდრე ვაჭრობა-მრეწველობის განვითარებას ემსახურებოდა.

ომის სიმძიმე უმთავრესად გლეხობს აწევებოდა. მაგრამ გლეხობაც ნახულობდა ერთგვარ სარგებლობას ომებში. გლეხებიც, როგორც სენიორები, დაინტერესებული იყვნენ ნიდერლანდთან მატყლით ვაჭრობის ნორმალურ განვითარებაში. გლეხთა ვაყებს, რომელთაც შინ სამუშაო არ გააჩნდათ, ომი კარგ ჯამაგირს და კარგ საშოვარს აძლევდა. მაგრამ ომი სხვა მხრივაც იყო სასარგებლო გლეხობისათვის: იგი ზედმეტად ხდიდა რაინდებისათვის ძალმომრეობას საკუთარ ქვეყანაში, ისეთ ძალმომრეობას, როგორსაც გერმანიის დაკიდევ უფრო - საფრანგეთის რაინდობა იჩენდა ყოველი მათი დამარცხების შემდეგ.

საკვირველი არ არის, რომ ომი საფრანგეთთან ინგლისისათვის ეროვნულ საქმედ გადაიქცა, რომელშიაც მთელი ერი იყო დაინტერესებული უშუალოდ.

ამის შემდეგ გასაგებია, თუ რა მწვავე ფორმა უნდა მიეღო ანტაგონიზმს პაპობასა და ინგლისს შორის უკვე მე-XIV საუკუნეში:

პაპი ხომ ინგლისის მტრის, საფრანგეთის, მოკავშირე და იარაღი იყო; პაპის მხარეზე დადგომა ლალატი იყო ქვეყნის წინაშე; პაპთან ბრძოლა--უდიდესი პატრიოტიზმი.

ამ სულიერმა განწყობილებამ გამოიწვია არა მარტო ის, რომ პარლამენტი, რაც დრო მიდიოდა, სულ უფრო ჰკვეცავდა პაპისათვის გადასაცემ თანხებს (სხვათა შორის 1366 წ. გაუქმებულ იქნა 1.000 გრ. სტერლ. სალენო ხარკი, რომელსაც ინგლისის მეფე იოანნეს-დროიდან უხდიდა პაპებს), არამედ აგრეთვე ნაყოფიერი ნიადაგი შექმნა პაპის უზენაესი ხელის უფლების სრულიად გაუქმების მოთხოვნისათვის. ის ერეტიკული მოძრაობა, რომელიც ასე სასტიკად დამარცხდა საფრანგეთში და იტალიაში, ხოლო გერმანიაში კარლოს მე-IV-ის ტახტზე შესვლის დროიდან იღვენებოდა, წარმატებით განვითარდა ინგლისში მე-XIV საუკუნის მეორე ნახევარში.

ინგლისი ის ქვეყანა გახდა, რომელშიაც ოპპოზიცია პაპის ხელის უფლების წინააღმდეგ ყველაზე უფრო ადრე გადაიქცა ძლიერი სახელმწიფოს ეროვნულ საქმედ, ისეთ საქმედ, რომელშიაც დაინტერესებული იყო ბურჟუაზიაც და გლეხობაც, მეფეებიც და თავდაზნაურობაც, მალაღნიც და მდაბიონიც, და თვით სამღვდლოების თვალსაჩინო ნაწილი. ინგლისშივე მიიღო რეფორმაციის იდეებმა ყველაზე უფრო ადრე და ყველაზე უფრო მკაფიო, შეიძლება ითქვას, მეცნიერული დასაბუთება.

პაპის ხელის უფლებისადმი მტრულად განწყობილ მიმართულების ყველაზე უფრო გამოჩენილი იდეური წარმომადგენელი იყო ჯონ ვიკლიფი, —მეცნიერი, წინათ ღვდელი, შემდეგ ოკსფორდის უნივერსიტეტის პროფესორი. ძალიან მკაცრად და გაბედულად გაილაშქრა ვიკლიფმა პაპობის წინააღმდეგ, მაგრამ ამასთანავე ცდილობდა არ გადაეღაზა ის საზღვარი, რომელსაც გაბატონებულ კლასთა ინტერესების დაცვა მოითხოვდა. მიმართავდა რა პირვანდელ ქრისტიანობას, ვიკლიფი აღიღებდა ქრისტეს სიღარიბეს და მას თანამედროვე სამღვდლოების სიმდიდრეს, ფუფუნებასა და მედიდებობას უპირდაპირებდა. ვიკლიფი მოითხოვდა სულიერ მამებისაგან ისეთსავე სიღარიბეს და ქონებათა გაყოფას, როგორსაც ქრისტე მოითხოვდა თავის მდიდარ მოწაფეებისაგან. მაგრამ ვიკლიფი მხოლოდ სამღვდლოების ექსპროპრიაციას სთვლიდა სავალდებულოდ. ამგვარად მისი მოძღვრება საესებით შეეფერებოდა მსხვილ ლენდლორდების და მეფის ინტერესებს, რომელთა სასარგებლოდ უნდა მომხდარიყო საეკლესიო ქონების ჩამორთმევა და განაწილება. ვიკლიფის მოძღვრების აზრი-ოლოს და ბოლოს იმაში მდგომარეობდა, რომ ბატონობის და ექ-

სპლოატაციის საეკლესიო მექანიზმი ინგლისისათვის უცხო და მტრულად განწყობილ პაპის ხელიდან ინგლისის მეფისა და არისტოკრატების ხელში უნდა გადასულიყო.

ვიკლეს მფარველობა აღმოუჩინეს უმაღლესი თავად-აზნაურობის წარმომადგენლებმა, მათ შორის ლანკასტერის ჰერცოგმა იოანნემ და ნორტუმბერლენდის გრაფმა პერსიმ,—იმ დროის ინგლისის გამოჩენილმა პირებმა. იოანნე ლანკასტერელი იყო მეფე ედუარდ III-ის უმცროსი ვაჟი და მისი შვილისშვილისა და მემკვიდრის რიჩარდ II-ის ბიძა; რიჩარდ II, 11 წლის ვაჟი იყო, როდესაც ტახტზე ავიდა (1377 წ.), და თავისი ძლიერი ბიძის უდიდესი გავლენას განიცდიდა.

II. ლოლლარდები.

ერეტიკული მოძრაობა გაბატონებული კლასების ფარგლებში არ დარჩენილა. პაპის წინააღმდეგ ბრძოლამ იმ დროის ყველა საზოგადოებრივი წინააღმდეგობა გააშიშელა. საერთო ბრძოლაში ეროვნული მტრის, საფრანგეთისა და პაპის, წინააღმდეგ სხვადასხვა კლასები თავისი განსაკუთრებული ინტერესებისთვისაც იბძროდენ, და ადრე თუ გვიან ეს ინტერესები ერთმანეთს უნდა დასჯახებოდა. კათოლიკე—მწერლები ხშირად კმაყოფილებით აღნიშნავენ იმ მოვლენას, რომ ყოველი რეფორმატორული მოძრაობა ადრე თუ გვიან შინაგან განხეთქილებას იწვევდა და გააფთრებულ ბრძოლას ჰბადებდა ეკლესიის რეფორმატორებს შორის; ეს მათ იმის საბუთად მიაჩნიათ, რომ რეფორმაცია ეშმაკის საქმე იყო. თუმცა, ჩვენც ვფიქრობთ, რომ წმიდა სულს ამ საქმესთან არავითარი კავშირი არ აქვს.

აღნიშნული პირობები ძლიერ უწყობდა ხელს ბევრადების, ან, როგორც ინგლისელები უწოდებდენ მათ, ლოლლარდთა ერესის ზრდა-გავრცელებას.

ჩვენ დავინახეთ, რომ ნიდერლანდის მატყლის მრეწველობის განვითარებამ ევროპის სხვადასხვა ქვეყნებში წარმოშვა ამ მრეწველობის განვითარების ხელის შეშწობ ზომების მოთხოვნილება, რაც კერძოთ იმაში გამოიხატებოდა, რომ ფლამანდიელ ფეიქრებს იწვევდენ ევროპის შორეულ კუთხეებში.

სრულიად ბუნებრივია, რომ პირველი ზომები ფლამანდიური მრეწველობის გადმონერგვისათვის მიიღო ნიდერლანდის მეზობელმა ქვეყანამ, ინგლისმა, რომელიც ძალიან მკიდროსა და ურთიერთობით იყო დაკავშირებული ნიდერლანდთან და უწმინდეს ნედლს მატყლს აწოდებდა უკანასკნელს (ფლანდრიის და ბრაბანტის ქსო-

ვილთა უპალესი ღირსება უმთავრესად ინგლისური მატყლის კარგი ღირსების შედეგი იყო).

ჯერ კიდევ პენობ მე-III დროს მიიღეს ინგლისში მატყლის მრეწველობის ხელის შემწყობი ზოგად-სახელმწიფოებრივი ზომები. 1261 წ. გამოიცა კ ნობი, რომელიც კრძალავდა მატყლის საზღვარ გარეთ გატანას და ინგლისს გარეშე ნაწარმოებ მაუდის ხმარებას. მაგრამ მალე საჭირო გახდა ამ აკრძალვის გაუქმება: მატყლის თავისუფალ გატანაში, როგორც დაეინახეთ, უახლოესად დაინტერესებული იყვნენ ვაჭრები და ლენდ-ლორდები; მათ ინტერესებს კი გადამწყვეტი მნიშვნელობა ქონდა. მეფე ედუარდ III-ემ სხვა გზა აირჩია თავის პოლიტიკაში. 1331 წ. მან წინადადება მისცა ფლამანდიელ მქსოველებს, მღებავებს და სხვა შალის ოსტატებს გადმოსახლებულ იყვნენ ინგლისში. ბევრი მართლაც გადმოსახლდა ხოლო რამოდენიმე წლის შემდეგ მათ მაგალითს სხვებმაც მიბაძენ—ხელანდიის და ბრაბანტის ფეიქრებმა.¹⁾

უკვე მე-XIV საუკუნის მეორე ნახევარში ინგლისში ჩვენ ვხვდებით ფართოდ განვითარებულ მატყლის მრეწველობას, უმთავრესად ნორფოლკის საგრაფოში და მის მთავარ ქალაქში, ნორვიჩში აღსანიშნავია, რომ სწორედ ეს ქალაქი გახდა ლოლლარდთა მოქმედების მთავარი ცენტრი.

შესაძლებელია, რომ ფლამანდიელ ფეიქრებთან ერთად ინგლისში ფლამანდიელი ბეჭდარდებიც შემოვიდნენ. ეს მით უფრო საფიქრებელია, რომ ინგლისში მეტ წილად ლარიბი ფეიქრები სახლდებოდნენ, მაშასადაე, ის ელემენტები, რომელნიც ნიდერლანდში ბეჭდართა მთავარ მასსას შეადგენდნენ.

ფულერს თავის ეკლესიის ისტორიაში დაწვრილებით აქვს აწერილი ის ხერხები, რომლითაც ხიდერლანდელ ფეიქრებს იზიდავდნენ ინგლისში. „ჩვენი მეფე გზავნიდა იმ ქვეყანაში (ე. ი. ნიდერლანდში) ემისრებს, რომლებზედაც ექვის მიტანა შეუძლებელი იყო; ისინი ახერხებდნენ ნდობის მოპოებას ისეთ ნიდერლანდელებთან, რომელნიც თავის ხელობაში სრული ბატონები იყვნენ, მაგრამ ამავე დროს არ იყვნენ თავის თავის ბატონები,—დაქირავებულ მუშებთან ან მოწაფეებთან; ჩამოუგდებდნენ ლაპარაკს იმ მონობის შესახებ, რომელსაც ეს ლარიბი ხალხი განიცდის, და იმის შესახებ, რომ ოსტატები არა ქრისტიანულად ექცევიან მათ, როგორც ცხენებს და არა როგორც ადამიანებს. ადრე ადგომა და გვიან დაწოლა, მთელი დღეების გატარება მძიმე შრომაში,—ორი ცალი ქაბაყი და ხმელი ყვ.ლი,

¹⁾ Geo L. Craik, The History of British Commerce. I. გვ. 128, 148.

— და ყოველივე ეს მხოლოდ იმისთვის, რომ ეს არამზადა ოსტატე-ბი გამდიდრდენ, მეუბნები კი არავეითარი ნაყოფი არ დარჩეს...

როგორ გაბედნიერდებოდენ ისინი, რომ ინგლისში გადასახლდნენ და შეიტანონ იქ თავისი ხელობის ცოდნა (mystery), რომელსაც იქ ღირსეულად დააფასებენ. იქ ძროხის და ცხვრის ხორცის ქამით ლამის გასკდებიან ისინი. ბედნიერი იქნება ის მიწათმუღობელი (yeomen), რომლის სახლში შემოვა ასეთი ნიდერლანდელი და შესძენს მას ხელობის ცოდნას და სიმდიდრეს. უცხოელად შევა ის ინგლისელის ოჯახში, მაგრამ გამოსვლამდის საქმრო ან სიძე გახდება“ და სხვა¹⁾

რა გასაკვირალია, რომ მეუის ემისრები ადვილად აღწევდნენ თავის მიზანს. მაგრამ აგრეთვე გასაგებია, რომ ასე უსინდისოთ მოტყუებული პროლეტარები უფრო მტკიცედ იმპეკალებოდნენ ბეგჰარდული იდეალებით, შეიძლება, პირველად მათ დაიწყეს კომუნისტური აგიტაცია ინგლისში; ყოველ შემთხვევაში ისინი წარმოადგენდნენ უმტკიცეს საფუძველს ასეთი აგიტაციისათვის. ნ ო რ ფ ო ლ კ ი, მატყლის მრეწველობის ცენტრი, ლოლლარდთა ერესის ცენტრად გადაიქცა. ამ საგრაფოდან, - ამბობს როჯერსი, — გაცილებით მეტი წამებული — ლოლლარდი გამოვიდა, ვიდრე მთელი დანარჩენი ინგლისიდან²⁾.

ლოლლარდთა აგიტატორები, რომელნიც თავის თავს „ღ ა რ ი ბ ძ მ ე ბ ს“ ან „ღ ა რ ი ბ ღ ვ დ ლ ე ბ ს“ უწოდებდნენ, ნორფოლკიდან პოელს ინგლისს ეფინებოდნენ და ქადაგობდნენ პირვანდელ ქრისტიანობის სახარებას: ძმობის, თანასწორობის და თავისუფლების სახარებას.

მისვლა-მოსვლის სიადვილე მაშინდელ ინგლისში ხელს უწყობდა მათს აგიტაციას: სტუმართ-მასპინძლობის ჩვეულება ჯერ კიდევ ყველგან ძალაში იყო, განსაკუთრებით მრავალრიცხოვან მონასტრებში; მგზავრს შეეძლო დარწმუნებული ყოფილიყო, რომ ყველგან იმოვნიდა თავმესაფარს და საქმელ-სასმელს; გზებიც თითქმის სავსებით უშიშარი იყო.

მხოლოდ XVI საუკუნის რეფორმაციისა და მას შემდეგ მომხდარ ეკონომიურ ცვლილებების: მონასტერთა განადგურების, გლეხთა ექსპროპრიაციის, მასსაურ პროლეტარიატის შექმნის შემდეგ.

¹⁾ Fuller, Church History, III, გვ. 9; ციტატა ამოღებულია Cunniffe Ham-იდან, The growth of English Industry, I, გვ. 284.

²⁾ Thozold Rogers, Die geschichte der englischen Arbeit, შტუტგარტი, 1896, გვ. 96, 125

არის რუსული თარგმანი: Т. Роджерс, История труда и зараб. плат в Англия с XIII по XIX век, СПб. 1899, გვ. 98, 205, 219.

რამაც მასსიური მაწანწალობა და ყაჩაღობა წარმოშვა, — მხოლოდ ამ დროიდან გახდა მგზავრობა ინგლისში ძნელი, ძვირი და საშიშარი; და ეს მდგომარეობა მე-XVIII საუკუნემდე არ შეცვლილა. (Thorold Rogers, op. cit. გვ. 94, 100, 105 და სხვ. შეადარეთ აგრეთვე Thorold Rogers, A History of Agriculture and Prices in England, ოქსფორდი 1866, გვ. 95 და შემდ.).

ლოლლარდთა დევნის ერთი ხალხური სიმღერა გამოხატავდა, რომელიც შემდეგი სიტყვებით იწყებოდა:

როდესაც ადამი ხნავდა და ევა რთავდა,
ვინ იყო მაშინ აზნაური?

ყველაზე უფრო გამოჩენილი მათი წარმომადგენელი ჯონ ბოლი იყო; ის ალბათ ფრანცისკანელი იყო შეურიგებელ მიმართულებებისა, რომელსაც, როგორც დაინახეთ, ხშირად ბეგჭარდებთან მეგობრული კავშირი ექირა. საფიქრებელია, რომ შეურიგებელ მიმართულებების ფრანცისკანელნი საზოგადოთაც ძლიერ ელემენტს წარმოადგენდნენ ლოლლარდთა მოძრაობაში უოლსინგემში, წმ. ელბენსის მონასტრის ბერი, რომელიც XIV საუკუნეში ცხოვრობდა და რომელმაც თავისი დროის აღწერილობა დაგვიტოვა, დიდი სიძულვილით იხსენიებს ფრანცისკანელ ბერებს: ისინი, უოლსინგემის სიტყვით, ერთ და იმავე დროს ხალხსაც აჯანყებისაკენ მოუწოდებდნენ და გაბატონებულ კლასსთა გულის მოგებასაც ცდილობდნენ, რათა ერთი და მეორენიც თავის ექსპლოატაციის საგნად გაეხადათ.

უოლსინგემი იმ დროის საზოგადოებრივი არეულობის მიზეზებს იკვლევს და შემდეგს დაასკვნის: „მე ვფიქრობ, რომ ეს ცუდი დრო ამ ქვეყნის ყველა მოსახლის, და მათ შორის მათხოვარბერი თაორდენების, ცოდვათა შედეგია. უკანასკნელთ დაივიწყეს თავისი აღთქმანი და ის მიზნები, რისთვისაც დაარსებული იყო ეს ორდენები. მათ დამაარსებელ წმინდანთა სურვილი იყო, რომ ბერები ღარიბნი და ყოველგვარ საერო საკუთრებისაგან თავისუფალნი დარჩენილიყვნენ, რათა მუდამ ჰქმნარიტება ელაღადნათ ისე, რომ ქონების დაკარგვის შიში არ გაეელოთ. მათხოვარი-ბერები კი, პირიქით შურით შესცქერიან მესაკუთრეებს, ხელს აფარებენ ბატონების ყოველგვარ ბოროტმოქმედებას და ამავე დროს შეცდომებს სთესენ მდაბიო ხალხში და როგორც პირველთა, ისე მეორეს ცოდვებს აღიდებენ. ისინი, საკუთრების უარყოფელნი და სამუდამო სიღარიბის აღთქმა-მიცემულნი, კეთილს ავად აცხადებენ და ავს კეთილად მხოლოდ იმისთვის, რომ ქონება შეიძინონ და ფული დაიგროვონ; ისინი თვალს უხვევენ

თავადებს პირმოთნეობით, ხალხს—სიცრუით და თავადებსაც და ხალხსაც ქეშმარიტ გზისაგან ა(ღღენენ¹⁾).

რადგან ძნელი წარმოსადგენია, თუ როგორ შეიძლება ერთ და იმავე დროს თავადებისა და ხალხის გულის მონადირება, ჩვენ შეგვიძლია ვივულისხმოთ, რომ უოლსინგენს აქ მხედველობაში აქვს მათხოვარ-ბერთა ორი მიმართულება: ერთი—საკუთრების მაძიებელი, რომელიც წარჩინებულია კლასსებს ელაქუცებოდა და მეორე—საკუთრების მტერი, რომელიც ხალხს „აქეზებდა.“

მართლაც მათხოვარი-ბერები, განსაკუთრებით, ფრანცისკანელნი დიდი სიყვარულით სარგებლობდნენ მდაბიო ხალხში. 1381 წლის აჯანყების დროს ხალხმა დაანგრია ძრავალი სასახლე, მათხოვარ—ბერთა მონასტრებს კი ხელი არ შეახო. ჯერ სტროუმ, აჯანყებულთა ერთერთმა წინამძღოლმა, განაცხადა, რომ სასულიერო პირთა შორის მხოლოდ მათხოვარი ბერები არიან შებრალების ღირსნი. ²⁾

შეიძლება ჯონ ბოლლი ამ ბერთა წრიდან იყო გამოსული. ბოლლის დროს მცხოვრები ფ რ უ ა ს ს ა რ ი, მას „კენტის გიჟ მღვდელს“ უწოდებს³⁾ მაგრამ ბოლლი უშთავრესად ესეკესში და ნორფოლკში ქადაგობდა და არა კენტში. მისმა აგიტაციამ, რომელიც დაახლოებით 1356 წელს დაიწყო, მალე მიიქცია სასულიერო და საერო ხელის უფალთა ყურადღება. კენტერბერიის არქივისკოპოზმა და ნორვიჩის ეპისკოპოზმა ეკლესიიდან გამორიცხეს იგი, ელჰარდ III-ემ მისი დატუსაღების ბრძანება გასცა (ალბათ 1366 წ.). მაგრამ სატუსალოდან განთავისუფლების შემდეგ, მან განაგრძო თავისი ქადაგობა. ბოლლი ქადაგობდა მოედნებზე და ეკლესიის ეზოებში, რადგან ტაძრებით სარგებლობის უფლება არ ქონდა ეკლესიიდან განდევნის შემდეგ. ფრუასარი ბოლლის ერთერთ სიტყვას გადმოგვეცემს (თუმცა დარწმუნებით ვერ ვიტყვით ნამდვილად ბოლლს ეკუთვნის თუ არა ეს სიტყვა): „საყვარელნო ჩემნო, საქმის ვითარება ინგლისში ვერ გაუმჯობესდება, სანამ ყველაფერი საზოგადო საკუთრებად არ გადაიქცევა და სანამ არ გააქრება როგორც ვასსალები, ისე აზნაურნი; სანამ ყველანი თანასწორნი არ გავხდებით და ბატონები ჩვენ არ გავიტოვდებიან. როგორ გვექცევიან ისინი ჩვენ? რატომ ვართ ჩვენ

1) Thomas Walsingham, Historia Anglicana, Riley-ს გამოცემა, ლონდონი 1863. გვ. 13.

2) შეადარეთ Lechler, J. Wief und die Vorgeschichte der Reformation, II, გვ. 228 და Walsingham, op. cit., II, გვ. 9.

3) Nistiore et chronique memorable de Messire Jehan Froissart, პარიზი 1578 წ., გამოცემა Denis Sauvage de Fontmailles en Brie, II, გვ. 122.

მათი მონები? ჩვენ ყველა ერთი და იმავე მშობლების, ადამისა და ევის მოდგმისანი ვართ. რით შეუძლიათ ბატონებს დაგვიმტკიცონ, რომ ისინი ჩვენზე უკეთესნი არიან? განა იმით, რომ ჩვენ ვშო-ულობთ და ვქმნით იმას, რასაც ისინი ნთქავენ? ისინი ხავერდიო, აბ-რეშუმით და ბეწვეულით იმოსებიან, ჩვენ კი უბრალო ტილო გვაცვია. ისინი ღვინოს და ტკბილ ნამცხვარს მიირთმევენ, ჩვენ კი ქატოს ვჭამთ და წყალს ვსვამთ. ქარი და წვიმა მათი ხედრი—უდარდელი დროს ტა-რებაა დიდებულ ციხე-დარბაზებში, ჩვენი კი—შრომა და ზრუნვა, ქარი და წვიმა ყანაში; მათი ფუფუნება ჩვენი შრომის ნაყოფია. ჩვენ ყმებს გვეძახიან და გვკემენ, როდესაც ოდნავ ვაყოვნებთ მათდა სამ-სახურს; და არ გეყავს ჩვენ მეფე, რომელსაც სურდეს ჩვენი მოსმენა ან დახმარება, ჩვენი უფლების ძებნა მაგრამ ჩვენი მეფე ვაბუკია; წა-ვიდეთ მასთან, დავსუაოთ მას ჩვენი მონობა და ვუთხრათ რომ ამ მონობას ზოლო უნდა მოელოს. თორემ ჩვენ თვითონ ვიპოვით გამოსავალს. თუ ერთად წავალთ მეფესთან, ჩვენ გამოგვყვება თავი-სუფლებას მოსაპოვებლად ყველა. ვისაც ყმებს ეძახიან და ვინც მონობაშია. როდესაც მეფე დაგვინახავს, ის თავისი ნებით დაგვითმობს ცოტა რამეს, თუ არა და სხვა საშუალებით დავენმარებით ჩვენს თავს. „ასე ამბობდა ბოლლი, დასძენს კარის კაცი ფრუასსარი;— არქიეპისკოპოზმა ბრძანა ციხეში ჩავგდოთ იგი რამოდენიმე თვით. მაგრამ უკეთესი იქნებოდა, რომ მას მოეკლა ბოლლი“.

მაგრამ ეს ნაცადი საშუალება დიდ ნაყოფს ვერ მოიტანდა: ბოლლი მხოლოდ ერთერთი იყო იმ მრავალ ავტატატორთა შორის, რომელნიც ბოლის მზგავსად მოქმედებდენ, მაგრამ მათი სახელი ჩვენამდე არ შენახულა.

დიდი ძალა მისცა ლლორდთა მოძრაობას ვიკლეფის გამოსვლამ (დაახლ. 1361 წ.) თვითონ ვიკლეფი ყველაფერი იყო რაც გნებავთ, მაგრამ არა კომუნისტი. ის უმთავრესად უმალღეს თავად აზნაურობას ემყარებოდა, რომელიც მტრულად იყო განწყობილი ხალხის დაბალ კლასებთან. მაგრამ ვიკლეფს არ შეეძლო ომი გამოეცხადა იმ დროის უმალღეს ხელის უფლის წინააღმდეგ ისე, რომ ხალხის მთე-ლი მასსა არ აემოძრაებინა და; მაშასადამე, ამ მასსისთვის გასაგე-ბად არ გაეხადა თავისი ახალი იდეები. თვით თავად-აზნაურობა ერთ ხანს სიამოვნებით იღებდა დაბალ კლასებისაგან დახმარებას რომ-თან ბრძოლაში.

მაგრამ ცოტა ხნის შემდეგ ახალი მოკავშირე საშიშარი აღ-მოჩნდა: ლოლლარდთა მოძრაობა დიდ ძალად გადაიქცა, როდესაც შეუქავშირდა აჯანყებულ გლეხობას, ყველაზე უკურო ძლიერს და მე-

ომარ კლასს იმ დროის მშრომელ კლასსთა შორის. მოხდა ის, რაც ჩვენ უკვე დავინახეთ დოლჩინოს აჯანყების დროს და რასაც კიდევ დავინახავთ გუსიტურ მოძრაობისა და გერმანიის გლეხთა დიდი ომის განხილვის დროს.

III. 1381 წლის გლეხთა ომი.

ზევით, დოლჩინოველთა აჯანყების მოთხრობის დროს, ჩვენ აღვნიშნეთ ის ფაქტი, რომ მე-XIII საუკუნიდან მე-XV საუკუნემდე გლეხთა მდგომარეობა საერთოდ უმჯობესდებოდა. საფრანგეთში ასი წლის ომმა ეს ტენდენცია მის საწინააღმდეგო ტენდენციად გადააქცია. ამ ქვეყნის უბედური გლეხობა ინგლისის ჯარმა გაძარცვა და დაარბია. და ამავე დროს ომში დამარცხებული საფრანგეთის რაინდობა იმით უნდა დაკმაყოფილებულიყო, რომ მხოლოდ საკუთარი ქვეყნის ღონე მიხილი გლეხობა და ქალაქები ეტყავებინა. გლეხობის სიღატაკემ საზარელი სახე მიიღო და, შედეგად მთელი ილდე-ფრანსის (იგი პარიზის გარშემო მდებარეობდა დიდ სიერცხეზე, ჩრდილო-აღმოსავლეთით პარიზიდან ვიდრე ეხლანდელ ბელგიის საზღვრამდე) სასოწარკვეთილ გლეხთა ამბოხება ე. წ. ჟაკერია გამოიწვია (1358 წ. მაისი).¹⁾ გაძვალტყავებულ გლეხთა აჯანყებამ მყისვე ჩააქრო ეროვნული ანტაგონიზმი ფრანგებსა და ინგლისელებს შორის-- ისევე, როგორც თითქმის 200 წლის შემდეგ, გლეხთა ომის დროს გერმანიაში უეცრად მოიპოო რელიგიური ანტაგონიზმი კათოლიკებსა და ლიუტერანებს შორის. ორივე ქვეყნის რაინდობამ შეერთებული ძალით ადვილად ჩაახრჩო აჯანყება საშინელ სისხლის გუბეში. აჯანყების ბედი გადაწყდა ქ. მო-ში, რომელიც იმ დროს ინგლისელებს ეკუთვნოდა; მოქალაქეებმა ქალაქში შემოუშვეს გლეხთა ურდოები, რიცხვით 9.000 კაცამდე. ამ დროს სამოცი (!) რაინდი შემოიქრა ქალაქში, თავს დაესხნენ უიარაღო გლეხებს და დაიწყეს მათი ჟლეტა. ჟლეტეს მანამდე, სანამ არ მობეზრდათ (*et en occirent tant qu'ils en estoient tous ennyez*). შეიღი ათას კაცზე მეტი ამოწყვეტეს მაშინ. შემდეგ ცეცხლი წაუკიდეს ქალაქ მოს და გადაბუჯეს იგი მთელი მისი მოსახლეობით, რადგან უკანასკნელმა „ჟაკების“ მხარე დაიჭირა. ამ დროიდან მთელი აჯანყებაც დაპარცხდა: უღვთოდ ხოცადენ ყველგან აჯანყებულ გლეხებს.

ფრუასსარი დიდი სიამოვნებით მოგვითხრობს ამ ამბავს, თუმცა ცოტა ზევით უსაზღვრო გულის წყრომას გამოთქამდა იმის გამო,

¹⁾ ჟაკი, იაკობი. ფრანგ-გლეხთა დაცინვითი სახელი.

რომ ზოგიერთ აზნაურსაც ხედომია ასეთი წილი გლეხებისაგან (Froissart op. cit. I, გვ. 190 და შემდ.).

ამის შედეგი ის იყო, რომ საფრანგეთის სოფლის მოსახლეობა წინანდელზე უფრო მწარე მონობაში ჩავარდა.

ზემოთ ნაამბობის მზგავსად მოგვეთხრობენ ინგლისის გლეხთა აჯანყების შესახებაც, რომელიც ოცი წლის შემდეგ მოხდა.

მაგრამ, ჩვენის აზრით, სრულიად დამტკიცებულად¹⁾ უნდა ჩვეთვალთ, რომ ინგლისში გლეხთა ომს სულ სხვა ხასიათი ქონდა.

ინგლისში ომმა არა თუ არ მოსპო, არამედ, პირიქით, გააძლიერა იმ დროის საერთო ტენდენცია გლეხთა მდგომარეობის გაუმჯობესებისკენ. ბატონ-ყმობა თითქმის ჰქრებოდა, პირადი ბევარა, რომელიც ყმებს უნდა ეხადათ, ფულად გადასახადებად იცვლებოდა. ამის გამო მსხვილ ლენდლორდებისათვის საჭირო გახდა დაქირავებულ მუშათა შრომით შეეცვალათ ყმა-გლეხთა შრომა.

მაგრამ მე-XIV საუკუნეში ჯერ ლაპარაკიც არ შეიძლებოდა რიცხვობრივად მნიშვნელოვან სასოფლო პროლეტარიატზე. „სასოფლო-სამეურნეო ქირის მუშები შესდგებოდენ ნაწილობრივ გლეხებისაგან, რომელნიც თავისუფალ დროს მსხვილ მიწათმფლობელებთან მუშაობას ახმარდენ, ნაწილობრივ კი როგორც აბსოლიუტურად, ისე შედარებით მცირერიცხოვან, დამოუკიდებელ, საკუთრივ ქირის მუშათა კლასისაგან. მაგრამ უკანასკნელნიც ფაქტიურად იმავე დროს გლეხები იყვნენ, რადგან ქირის გარდა იღებდენ კოტტეჯს 4 ან მეტი აკრი მიწით. გარდა ამისა ისინი, ნამდვილ გლეხებთან ერთად. სარგებლობდენ საზიარო (სათემო) მიწით, რომელზედაც საქონელს აძოვებდენ და სათბობ მასალას კრეფდენ, როგორცაა შეშა, ტორფი და სხვა“²⁾.

ამ მდგომარეობას ის ცუდი შედეგი მოქონდა ლენდლორდისათვის (ან მისი მეურნეობის მოიჯარადრისათვის), რომ მას ძალიან დიდი ხელფასის გადახდა უხდებოდა; ეს მიწის რენტას ამცირებდა და შედეგად, წვრილი თავად-აზნაურობის თვალსაჩინო ნაწილი გაკოტრდა.

ლენდლორდების მდგომარეობა კიდევ უარესი გახდა შავი ქირის დიდი ეპიდემიის შემდეგ, რომელიც 1348 წ. მოედო მთელს ევროპას და თითქმის 20 წლის განმავლობაში მძვინვარებდა. ამ ქირმა, რომელმაც 25 მილიონი სიცოცხლე შთანთქა, უფრო საფრანგეთის სოფლის მოსახლეობა კიდევ უფრო გააღატაკა, ხოლო ინგლისში, პირიქით, ხელი შეუწყო გლეხთა მდგომარეობის გაუმჯობესებას.

1) როჯერის მიერ ზემოთ ხსენებულ შრომებში.

2) K. Marx, Das Kapital. I. გვ. 7-15.

შავ კირს უქველად ერთი ღირსება აქვს, რომელიც ახალ დრო-წიაც მზღავნდება სხვადასხვა ეპიდემიების დროს: ის უმთავრესად ჯღარბებს კლასებში მძინეარებს.¹⁾ ხოლო მდიდრებისადმი უფრო ღწობიერია. მაგრამ იმ დროს ცივილიზაციას ჯერ იმდენად ღრმად არ ქონდა გამდგარი ფესვი, რომ ქუჩები უმუშევართა ბზროებით ყოფილიყო გაესებული. ეპიდემია მდიდრებს უფრო ზოგავდა, მაგრამ სავაგიროთ მათს სასიცოცხლო ნერვს,—ფულის ქისებს,—ძლიერ აზიანებდა. კირის შემდეგ ხელფასი საშინლად გაიზარდა; ამგვარად სრულიად აუტანელი მდგომარეობა შეიქნა,—აუტანელი, რა თქვა უნდა, მიწათმფლობელებისათვის. ამის გამო უკვე 1349 წელს გამოვიდა მეფე ედუარდ III-ის დეკრეტი, რომლის თანახმად ყოველი მიწის ბუშა (labourer) და მოჯამაგირე (servant) ვალდებული იყო ემუშაენა. როდესაც მას სამუშევარს მისცემდენ, ემუშაენა განსაზღვრულ ხელფასში და განსაზღვრული დროის განმავლობაში. ვინც მეტს ხელფასს გასცემდა ისჯებოდა იმასთან ერთად, ვინც ამ ზედმეტ ხელფასს მიიღებდა.

მაგრამ ამ კანონმა, რომელიც მიწათმფლობელთა დასაცავად მინიმალურ ხელფასსა და მაქსიმალურ სამუშაო დღეს აწესებდა, თავის მიზანს ვერ მიაღწია; ასეთივე ბედი ხვდა 1350 და 1360 წლებში დამატებით გამოცემულ ანალოგიურ კანონებს. საქმე იმაშია, რომ კანონს არ შეეძლო შეექმნა განსაზღვრული რაოდენობა პროლეტარებისა, რომელნიც იძულებული უნდა ყოფილიყვნენ ლენდლორდთა ნოთხოვნილების შესაფერი ხელფასი მოეთხოვათ.

ომმა საფრანგეთთან მრავალი მუშა დაქირაებულ ჯარისკაცად გადააქცია, რამაც კიდევ მეტად გაამწვავა მუშათა საკითხი მიწათმოქმედებაში. მაგრამ, მეორეს მხრით, მიწათმფლობელთა ეს „გაპირვებული მდგომარეობა“ აიძულებდა მათ დაეფარათ თავისი კასსის დეფიციტი დიდ ჯამაგირიანი სამხედრო სამსახურით და ახალ-ახალი ძარცვით საფრანგეთში. ლენდლორდთა ნივთიერი ხელმოკლეობა

¹⁾ „არის ცნობა, რომ ეპიდემიის სიმძიმე ინგლისში ღარიბებს დააწვა, უმაღლეს კლასებს კი იგი ნაკლებად შეეხო.“ (Thorold Rogers. History of Agriculture etc., I, გვ. 25). „ოთქმის წარმოუდგენლად გვეყვებოდა ის გამანადგურებელი მოქმედება, რომელიც ამ კირს მოუხდენია: მაგ., ენენციაში, როგორც სჩანს. 100.000 სულამდე დახოცლა, ლიუბეკში 90.000-მდე, სტრასბურგში—16.000-მდე. ვენაში ერთ დღეს 900-ზე მეტი სიყვდილის შემთხვევა ყოფილა; ამბობენ, რომ ბევრ ალაგას მთელი მოსახლობის 0,9 ნაწილი ამოწყვეტილა. მაგრამ ეს ბედი მეტ წილად ღარიბ კლასებს ხვდომია და, მაგ., არც ერთი შემთხვევა არ არის ცნობილი, რომ რომელიმე ხელმწიფე მომკვდარიყო ამ სენისაგან.“ (F. P a l a c k y, geschichte von Böhmen, II, 2, გვ. 303).

უეჭველად ერთი უმთავრესი მიზეზთაგანი იყო იმისა, რომ ომი საფრანგეთთან ასე დაუბოლოვებელი შეიქნა; ამავე მიზეზით მოხდა, რომ როდესაც ორლენელ ქალწულის სახელთან დაკავშირებულმა ცნობილმა აჯანყებამ, ერთი მძლავრი მოქნევით ინგლისელები საფრანგეთიდან გადაისროლა, ინგლისელ თავად-აზნაურებმა ერთმანეთის ძარცვა და ხოცვა დაიწყეს თეთრი და წითელი ვარდის სამოქალაქო ომში.

ლენდლორდთა იმავე „გაპირებულმა მდგომარეობამ“ მიუნიქაუდიდესი პოპულიარობა მიწათმფლობელთა წრებში ვიკლეფის იდეებს რეფორმაციის შესახებ ან, პირდაპირ რომ ვთქვათ, ვიკლეფის იმ მოთხოვნის იდეებს, რომ საეკლესიო ქონება ლენდლორდებს გადასცემოდა.

კანონმდებლობას არ შეეძლო „მუშათა საკითხის“ გადაწყვეტა; და, აი, თვით მიწათმფლობელებმა სკადეს მისი გადაწყვეტა სხვა საშუალებით, სახელდობრ, აშკარა ძალმომრეობით. მათ დაიწყეს ძველი ბატონ-ყმურ დამოკიდებულების აღდგენა, დაქირავებული შრომის ადგილზე გლეხის იძულებითი შრომის შემოღება.

გლეხთა და ლენდლორდთა მტრობა დღითიდღე ღრმავდებოდა. გლეხთა სულიერი განწყობილება პოზიტიურ ნიადაგს უმზადებდა ლოლლარდთა აგიტატორებს. რა თქმა უნდა, გლეხებს სულ სხვა ინტერესები ქონდათ, ვიდრე ქალაქის ღარიბ კლასებს; მაგრამ მათ წინ საერთო მტერი და საერთო უახლოესი მიზანი იდგა: მდიდართა თავდასხმის მოგერიება და მდიდართა მიერ დანიშნულ ხელის უფალთა ჩამოგდება. და რომ ამ ხალხის ერთი ნაწილი მდიდრებად უმთავრესად ლენდლორდებს გულისხმობდა, ხოლო მეორე—მეტ წილად ვაჭრებს,—ეს სულ ერთი იყო.

რა საკვირველია, ლოლლარდთა მოძრაობამ დაჰკარგა თავისი გარკვეული სახე იმის შემდეგ, რაც ქალაქის დაბალი კლასები გლეხობას დაუკავშირდა; კომუნისტურ მოძრაობიდან ის გადაიქცა დემოკრატიულ ოპოზიციონურ მოძრაობად, რომელიც მრავალნაირ მიმართულებებს აერთიანებდა. მაგრამ, დაჰკარგა რა გარკვეულობა, მოძრაობამ ძალა მოიგო.

გლეხები შეუდგენ შეკავშირებას და მზადებას ლენდლორდებისათვის წინააღმდეგობის გასაწევად. არის ცნობები, რომ ისინი ადგენდნენ კავშირებს და ჰკრეფდნენ ფულს, რათა მრეგროვებინათ თავის ინტერესთა დაკვისათვის საჭირო თანხები. ტ. როჯერსი, რომელმაც ბევრი რამ გააკეთა ამ მოძრაობის გამოსარკვევად და რომლის გამოკვლევით ვსარგებლობთ. ამ მიმოხილვაში, ფიქრობს, რომ

ამ მოძრაობის ორგანიზატორები უმთავრესად ლოლლარდთა „ღარიბი ღვინოები“ იყვნენ.

რიჩარდ II-ის მეფობის დამდგენისთვის ანტაგონიზმი გლახებსა და ლენდლორდების შორის უკიდურესად გამწვავდა. ედუარდ III-ის მეფობის უკანასკნელ წლებში ომის ბედმა უღალატა ინგლისელებს. 1374 წ. ისინი იძულებული გახდნენ დროებითი ზავი ჩამოეგდოთ, რომლის ძალით მათ მიიღეს საფრანგეთის მხოლოდ ზოგიერთი მოწინავე სიმაგრენი: კალე ბორდო და ბაიონნი. რიჩარდი 11 წლის ვაჟი იყო, როდესაც ტახტზე ავიდა. ასეთი მეფით დიდი ომის წარმოება შეუძლებელი იყო. მეორეს მხრით, საფრანგეთიც ისე ილაჯგაწყვეტილი იყო, რომ ხელსაყრელ მდგომარეობის გამოყენება არ შეეძლო. რასაკვირველია, დროებითი ზავი რამოდენიმეჯერ დაირღვა, მაგრამ საქმე უმნიშვნელო შეტაკებებზე შორს არ წასულა. ინგლისის თავად-აზნაურობას ეხლა მხოლოდ თავისი მამულები დაურჩა ერთად ერთ შემოსავლის წყაროდ; ეხლა მას შეეძლო მთელი თავისი ძალა მიემართა გლახთა ტყავებაზე.

მაგრამ თუ, ერთის მხრით, თავად-აზნაურთა ძალმომრეობა მატულობდა, მეორეს მხრით ომის შეწყვეტამ ბევრი ყოფილი ჯარისკაცი დაუბრუნა სოფელს, ომს შეჩვეულ გლახთა რიცხვი გაამრავლა და, ამგვარად, გააძლიერა გლახობაში ბრძოლის უნარი. საკვირველი არაა, რომ ორ მტრულ კლასს შორის მალე ჩამოვარდა სისხლის მღვრელი შეტაკებანი.

გლახები იძულებული გახდნენ აჯანყება მოეხდინათ, რადგან ხელის უფლებამ გამართა ბრძოლა დემოკრატიულ მოძრაობის წინააღმდეგ და საშინელი სიმკაცრით სდევნიდა ლოლლარდთა აგიტატორებს, მათ შორის, რათქმა უნდა ჯონბოლლსაც; კენტერბერის არქივისკოპოზმა ბრძანება გასცა მეიდსტონის ციხეში ჩაეგდოთ იგი. როგორც ამბობენ, ბოლლს დატუსაღებისას განუტყაბდებია, რომ 20.000 მისი მეგობარი მალე გაანთავისუფლებენ მას. მართლაც, ეს წინასწარმეტყველება მალე შესრულდა.

ჩვეულებრივად ამ საქმეს ისე გვიამბობენ, თითქოს გლახთა აჯანყება სრულიად შემთხვევითი საბაბით დაიწყო: ერთს გადასახადთა ამკრეფ მოხელეს ვინმე უოტ ტაილერის ქალი გაუბატოურებია; უკანასკნელს შურის ძიება გადაუწყვეტია, მოხელე მოუქლავს და ხალხისთვის ბრძოლისკენ მოუწოდებია.

ნამდვილად კი მოძრაობა სხვა და სხვა ადგილას დაიწყო ერთ და იმავე დროს, 1381 წ. 10 ივნისს. განსაკუთრებით მნიშვნელოვანი იყო აჯანყება ნორფოლკში, საფეიქრო მრეწველობის ცენტრში,

და კენტში, სადაც ბატონ-ყმობა იმ დროს უკვე სრულიად გაუქმებული იყო. კენტის აჯანყების წინამძღოლნი იყვნენ უოტტაილერი და ერთი სასულიერო პირი, სახელად ჯეკსტროუ. ტაილერს წინეთ მონაწილეობა მიუღია საფრანგეთის წინააღმდეგ ლაშქრობაში და დიდი გამოცდილობა შეუძენია სამხედრო საქმეში. ინსურგენტები ლონდონისკენ გაემართენ, გზაზე ჯონ ბოლი გაანთავისუფლეს ციხიდან და შემდეგ ბლექჰიტზე („შევ ვაკეზე“) დაბანაკდნ ლონდონის ახლო. აჯანყებულებმა მოითხოვეს, რომ მეფე გამოცხადებულიყო მათთან. რიჩარდმა ტემზა გადალახა ხომალდით, მაგრამ ნაპირზე ჩამოსვლა ვერ გაბედა, და შინისკენ დაბრუნდა. 12 ივნისს გლეხები შეიჭრნენ ქალაქში, რომლის კარები მათ ქალაქელმა ამხანაგებმა გააღეს. სატახტო ქალაქის ლარიზი კლასები გლეხებს შეუერთდნ და ინსურგენტთა რისხვა თავს დაატყდა მჩაგვრელთა სასახლეებს, რადგან თვით ბატონებს აჯანყებულნი ვერ მისწვდნ. დასწევს სხვათა შორის სასახლე ჰერცოგ ლანკასტერელისა, რომელიც ყველაზე მეტად სძულდათ. მაგრამ ძარცვა არ იკადრეს და „როდესაც ვინმეს ქურდობაში შეიხსწრებდნ, თავს ჰკვეთდნ როგორც ხალხი, რომელსაც ყველაფერზე უფრო ქურდობა ეზიზღება.“¹⁾

ქაბუკი მეფე, რომელსაც ჯერ თუთხმეტი წელიც არ ქონდა შესრულებული, თავისი მრჩეველებით, რამოდენიმე თავადით და კენტერბერის არქიეპისკოპოზით ტოუერში გაიქცა. ამაოდ ურჩევდა მეფეს, ლონდონის ლორდ—მერი უოლვორტი თავს დასხმოდა მეთამბოხეებს, და ამაოდ არწმუნებდა, რომ ლონდონის მდიდარი მოქალაქენი მეფის ჯარს შეუერთდებოდნ. გრაფ სოლსბერიმ განაცხადა, რომ საქმე მთლად დაილუპება, თუ მეფე დამარცხდება ამ ბრძოლაში; ამ აზრმა გაიმარჯვა, თუმცა მეფის განკარგულებაში 8 000 კარგად შეიარაღებული ჯარისკაცი იყო.

შიშმა გლეხთა წინაშე მოქმედების უნარი მოუღუნა გამოცდილ მეთამბოხებს. რაკი სამხედრო ძალით აჯანყების დამარცხება შეუძლებელი შეიქმნა, მეფემ მოლაპარაკების ჩამოგდება გადასწყვიტა. ეს ის სურათი როდია, რაც საფრანგეთში დავინახეთ ჟაკერიის დროს!

რიჩარდს სრული საფუძველი ქონდა დათმობისათვის, ვინაიდან 14 ივნისს ინსურგენტებმა ტოუერის ციხე აიღეს იერიშით და მოჰკლეს არქიეპისკოპოზი, სწორეთ ის, რომელმაც ჯონ ბოლი დაატუსაღებინა, და მოჰკლეს სხვა მტრებიც, ვინც კი ხელთ იგდეს.

კოტა ადრე, სანამ აჯანყებულნი ტოუერს ალყას შემოარტყამდნ, მეფემ დასტოვა ტოუერი და მაილ-ენდში გაემგზავრა მეთამბო-

¹⁾ Walsingham, Historia Anglicana, I, გვ. 456.

ხეებთან მოსალაპარაკებლად. აჯანყებულებმა განაცხადეს, რომ მათ სურთ სამუდამოთ თავისუფალი გლეხები იყვნენ და რომ ეს თავისუფლება წერილობით უნდა იქნეს დამოწმებული. ისინი მოითხოვდნენ, შემდეგ, თავად-აზნაურთა პრივილეგიების გაუქმებას ნადირობაზე და თევზაობაზე და სხვა ანგვარ დათმობას. მეფემ მიიღო ყველა ეს მოთხოვნილება და თანხმობა განაცხადა ყველა საკირო საბუთების დაუყოვნებლივ გაცემაზე. საბუთების შედგენა ოცდაათ მწერალს დაავალეს.

ამგვარად გლეხებმა მიიღეს ყველაფერი, რაც სურდათ. მასხა დაიშალა და თავთავიანთ სახლ-კარს დაუბრუნდა. შეიძლება ისინი იმიტომაც დაიშალენ, რომ სურსათ-სანოვაგე არ ყოფნიდათ. მათ ძალიან მცირე მარაგი ქონდათ თან წამოღებული; ფრუასსარის სიტყვით, ჯერ კიდევ ბლექპიტზე, ლონდონის აღების წინ, თავმოყრილ გლეხთა მეოთხედს ძალა-უნებურად უნდა ემარხვა უსურსათობის გამო. მაგრამ აჯანყებულთა მეტი ნაწილი მაინც დარჩა უოტტაილერის, ჯექ სტროუს და ჯონ ბოლის მეთაურობით, რათა ზედამხედველება გაეწიათ დოკუმენტების გაცემაზე და, შეიძლება, სხვა ახალი დათმობაც მიეღოთ.

მეორე დღეს ახალი მოლაპარაკება გაიმართა. ინსურგენტები სმისფილდში შეხედენ მეფეს მისი კავალერიით. რიჩარდმა წინადადება შეუთვალა უოტ ტაილერს შეხვედროდა. მას მოსალაპარაკებლად ორი ლაშქრის ბანაკებს შუა: ტაილერი დათანხმდა.

მეფისა და ტაილერის საუბრის დროს მათ მოუახლოვდა ერთი რაინდი; როდესაც ტაილერმა პროტესტი განაცხადა ამის გამო, მეფემ ბრძანა შეეპყროთ ტაილერი. ჯარისკაცთა გუნდი ჯექე მოხსენებულ ლორდ—მერ უოლვორტის მეთაურობით თავს დაესხა ტაილერს; ვერაგულათ გაცემული რამოდენიმეჯერ მახვილით განგმირული ტაილერი მიწაზე დაეცა. რიჩარდი კი,—ვერაგობაში და თვალთმაქცობაში გამოცდილი, მიუხედავად თავისი სიჭაბუკისა,—მიუახლოვდა განცვიფრებულ ინსურგენტებს და დაუწყო მათ მტკიცება, რომ თვით უოტ ტაილერი იყო მოღალატე და რომ მას მეფის მოკვლა სურდა: თვით მე, მეფეს. მსურს თქვენი წინამძღოლი ვიყო. განაცხადა რიჩარდმა. ამ ლაპარაკით მეფემ დრო მოიგო, სანამ ლონდონელი შეიარაღებული მოქალაქენი გამოცხადდებოდნენ. მაგრამ მაშინაც რიჩარდმა და მისმა ხალხმა ვერ გაბედეს პირდაპირ შებრძოლებოდნენ ინსურგენტებს და მხოლოდ იმით დაკმაყოფილდნენ, რომ შეამბოხენი ლონდოს მოსწყვეტეს და ადადგინეს ქალაქში „წესრიგი“. გლეხებს

გადასცეს ბარათები განთავისუფლების შესახებ და ამ საბუთებით ისინი დაიშალენ¹⁾.

ნორფოლკში აჯანყება უფრო ცუდად გათავდა. 11 ივლისს გლეხებმა ვინმე ჯონ ლიტტლსტრიტის მეთაურობით ქ. ნორვიჩი აიღეს; მაგრამ ნორვიჩის ეპისკოპოსმა ჰენრიხ სპენსერმა სწრაფად მოუყარა თავი ჯარს, თავს დაესხა ინსურგენტებს და დაამარცხა ისინი ბრძოლაში, რომლებიც მან საკუთარი ხელით ბევრი დახოცა. მისი ბრძანებით დაუყოვნებლივ სიკვდილით დასაჯეს ტყვეები, მათ შორის ჯონ ლიტტლსტრიტი. აქაც ისიამოვნა ქველმა არქიეპისკოპოსმა: ის პირადად მობრძანდა ლიტტლსტრიტთან რელიგიის უკანასკნელ ნუგეშით.

შედარებით წვრილი ამბოხებანი თავის თავად დაცხრნენ. როდესაც გლეხები ყველგან დაამშვიდეს, რიჩარდმა დაიწყო ფიქრი იმაზე, თუ როგორ უნდა წაეღო უკან თავისი „მეფური სიტყვა“, რომელიც იმთავითვე გლეხთა მოსატყუებლად იყო მიცემული. ასეთი ოინი ჩვეულებრივი იყო იმ დროს.

ახალი დროის დიპლომატია თავის ბავშობის ჰასაკს განიცდიდა იმ ხანაში და მოტყუება, გამცემლობა და საიდუმლო მკვლელობა მაშინ გაცილებით უფრო იოლად ხდებოდა, ვიდრე უფრო გვიან, როდესაც საზოგადოებრივი კრიტიკის შიშმა დიპლომატიური ხრიკები ზნეობრივობის სამოსელში გახვია, მეფის სიტყვას რალაც უმტკიცეს რამედ წარმოგვიდგენენ ხოლმე. მაგრამ მე-XIV საუკუნიდან მე-XV-მდე—და ამაზე გვიანაც—სიტყვის სიმტკიცე და პატიოსნება არა საკადრის სისუსტის ნიშნებად ითვლებოდა ძლიერი მეფისთვის.

როდესაც მეფის გარშემო 40—ათასიანი ჯარი შემოიკრიბა, — ისეთი ჯარი, როგორიც ინგლისს მანამდის არ ენახა, — მეფემ ნილაბი აიხადა და სასამართლოები დანიშნა მეამბოხეთა დასასჯელად. ესსექსიდან გლეხებმა თავისი წარმომადგენლები გამოგზავნეს, რათა მოეგონებინათ მეფისთვის მისი დაპირებანი. მაგრამ გვირგვინოსანმა ბიქმა, იგრძნო რა თავი დიდ ჯარში გმირად, მდიდურად უპასუხა: „თქვენ მონები იყავით, მონებათვე დარჩებით. თქვენ უნდა დარჩეთ ბატონ-ყმურ დამოკიდებულებაში, მაგრამ ისეთში კი არა, როგორ-

¹⁾ ამ მოთხრობაში ჩვენ უმთავრესად უოლსინგემის ცნობებს ვემყარებოდით. ფრუასს.რის ნაამბობი მეტის მეტად კაოისკაცურ—ტენფენციოზურია. ის, როგორც ფრანგი, სხვისგან განაგონს მოგვითხრობს რათა „ყველა ბატონებმა კეთილმა ადამიანებმა ისწავლონ. თუ როგორ არის საჭირო ბოროტ ადამიანთა და მეამბოხეთა გაუოსწორება“-ო. Op. cit. II, გვ. 121 შეადგ. C. E. Maurice, Lives of English Popular Leaders in the Middle Ages, ლონდონი, 1875 II, Tyler, Ball, Oldcastle.

შიაც აქამდის იმყოფებოდით, არამედ გაცილებით უფრო მძიმეში; სანამ ჩვენ ცოცხალი ვართ და ღეთის წყალობით ამ სახელმწიფოს განვაგებთ, მთელს ჩვენს გონებას, ძალას და ნიქს იმას მოვანხართ, რომ თქვენი საკადრისი სიმკაცრით მოგეცეთ; დე, თქვენი მონობა მომავალ თაობათა გაფრთხილება იყოს.“¹⁾

პროვოკაციამ გასქრა. ესეის გლეხები კიდევ ერთხელ აჯანყდნენ, მაგრამ მარტოდ დარჩენილნი, — რადგან სხვა საგრაფოებიდან დახმარება ვერ მიიღეს, — დამარცხდნენ მეფის ჯართან ბრძოლაში.

ერთის შეხედვით, „წესრიგის“ საქმე გამარჯვებას ზემოზდა. მაგრამ ინგლისის სახელმწიფო მოღვაწეებს კარგათ ესმოდათ რომ მთავარი აჯანყება პარლამენტის ბრძოლაში კი არ დაუმარცხებიათ მათ და რომ უმთავრესი საფრთხე მათ მოტყუებით, ვერაუღი მკვლელობით და მოულოდნელი თავდასხმით აიცილნენ.

ამგვარად აჯანყებას, თითქოს დამარცხებულს უშედეგოდ არ ჩაუვლია. გაბატონებულმა კლასებმა ძალიან ფრთხილად ისარგებლეს თავისი გამარჯვებით იმის შიშით, რომ კელაჟ არ გამოეწვიათ გლეხთა საყოველთაო აჯანყება. ინგლისის გლეხთა განთავისუფლება ბატონ-ყმობისაგან გრძელდებოდა და მე-XIV საუკუნის დამლევისათვის სრულიად დამთავრდა.

მაგრამ გლეხებთან ერთად მოქალაქეთა დაბალი კლასებიც აჯანყდნენ ლონდონში და ნორვიჩში და, აი, გამარჯვებულთა რისხვა უმთავრესად ამათ დაატყდა. საზარელი სიმკაცრით გაასამართლეს აჯანყების წინამძღოლნი; 1. 500 კაცი, მათ შორის, ჯონ ბოლლი და ჯექ სტროუ სიკვდილით იყენნ დასჯილნი. საპარლამენტო აქტებში დღემდის შენახულია 289 დასჯილ ბელადის სახელები; მათ შორის 151 კაცი ლონდონელი მოქალაქეა და 138, მაშასადამე, ნახევარზე ნაკლები, — სხვა ქალაქებისა და სოფლების მცხოვრებნი. ეს გვაძლევს საფუძველს ვიფიქროთ. რომ შურის ძიების სიმძიმე იმდენად გლეხებს კი არ დააწვა, რამდენადაც მათ ქალაქელ მოკავშირეებს.

აჯანყების უბედურ დასასრულს მკირე ხნითაც არ შეუჩერებია გლეხთა განთავისუფლების საქმე. მაგრამ მან თითქმის სასიკვდილოც დაამარცხა ლოლლარდთა მოძრაობა და საზოგადოთ მთელი ოპპოზიციის პაპობის წინააღმდეგ.

მართლაც, ასეთ შფოთიან მოსახლეობასთან მოკავშირეობა და მასთან ერთად რევოლუციონერ მოძრაობაში მონაწილეობა მეტის მეტად სახიფათო აღმოჩნდა მეფისა და თავდა-აწნაურობისათვის; საშიშარი აღმოჩნდა პაპისაგან განდგომა და საეკლესიო ქონების კონ-

¹⁾ Mauriel, op. cit. გვ. 159, 160

უისკაცია. კომპრომისის პაპობასთან მით უფრო ადვილად მოხერხდა, რომ პაპობა იმ დროს მართო საფრანგეთის პოლიტიკის იარაღი უკვე აღარ იყო. 1378 წელს ეკლესიის დიდი განხეთქილება მოხდა, რახედაც საუბარი ქვემოთ გვექნება. მსოფლიოს ერთბაშით ორი პაპი მოველინა: ერთი საფრანგეთის და მეორე—მისი მოწინააღმდეგე, რომის პაპი, რომელსაც მხარს უჭერდა გერმანია და ინგლისი.

იდეოლოგი—ისტორიკოსები ცდილობენ დაგვარწმუნონ, რომ ეკლესიის რეფორმისკენ მიმართული მოძრაობა ზნეობრივმა აღშფოთებამ გამოიწვია პაპობის ზნედაცემულობის გამო; მაგრამ ეს ნაპოვნი აღად რომ ასე ყოფილიყო, მაშინ ვიკლფის სახელთან დაკავშირებულ მოძრაობას საეკლესიო განხეთქილების ხანაში უნდა მიეღწია თავისი განვითარების უმაღლეს წერტილისათვის, რადგან სწორედ ამ დროს დაეცა პაპობა უმდაბლეს დონემდე. ნამდვილად კი, ისტორიის მსვლელობა კლასობრივ ინტერესებზეა დამოკიდებული და კლასობრივი ბრძოლის ნაყოფია; ხოლო გაბატონებულ კლასსა ინტერესები 1381 წლიდან უკვე აღარ შეეფერებოდა ვიკლფის იდეებს. რა თქმა უნდა, არც ვიკლფს და არც მის თანამოაზრეებს არავითარი კავშირი არ ქონდათ 1381 წლის მემამოხეებთან; პირიქით, როგორც ვიცით, ინსურგენტებს საშინლად სძულდათ ვიკლფის მფარველი იოანე ლანკასტერელი. მაგრამ ვიკლფის მოძღვრება მაინც უფრო რევოლუციონური აღმოჩნდა, ვიდრე ამას ინგლისის გაბატონებულ კლასსთა ინტერესები მოითხოვდა.

უკვე 1382 წელს ლონდონის სინოდმა შეაჩვენა ვიკლფის 24 დებულება, როგორც ერეტიკული. იმავე წელს პარლამენტმა საგანგებო კანონით წინადადება მისცა საერო სასამართლოებს შეეთანხმებინათ თავისი მოქმედება სასულიერო სასამართლოების მოქმედებასთან. ვიკლფს ვერ უშველა მისმა 1382 წელს გამოცემულმა თხზულებამ „De blasphemias“, რომელშიაც ჰგმობდა გლახთა აჯანყებას. თვით მისი მუდმივი მფარველი ჰერცოგ ლანკასტერელი ამხედრდა ვიკლფის წინააღმდეგ. ვიკლფი გადააყენეს პროფესორის თანამდებობიდან ოქსფორდის უნივერსიტეტში და სასულიერო წოდება ჩამოართვეს მას; ის იძულებული გახდა ლიუტტერჟორის მრევლში დაბრუნებულიყო, სადაც გარდაიცვალა 1384 წელს.

მაგრამ ლოლლარდებს ვიკლფზე უფრო მწარე ბედი ხვდა. გლახთა აჯანყების დროიდან, რომელშიაც ასე მძლავრად აისხეს ფრთა ლოლლარდთა აგიტატორებმა, ყოველ აღმოჩენილ ლოლლარდს სახლემწიფო ბოროტმომქმედად აცხადებდენ და ცეცხლში სწვავდენ. ისეთივე დევნის ხანა დაუდგათ ეხლა ლოლლარდებს ინგლისში, როგო-

რიც მათ გერმანიაში განიცადეს კარლოს მე-IV-ის დროიდან ნი-
ყოლებული. მართალია, მათი სრული განადგურება ვერ მოხერხდა:
მაგრამ ლოლლარდებს აღარ შეეძლოთ კვლავ ისეთი დიდი მნიშვნე-
ლობის მოპოება, როგორც 1360—1381 წ. წ. ქონდათ... ეხლა იწ-
გლისში, როგორც გერმანიაში, მათ წრიდან მხოლოდ წამებულა
დაუბოლოვებელი რიგი გამოდიოდა.

1381 წლის აჯანყებამ საზღვარ გარეთაც მოახდინა გავლენა და
ყველგან განაახლა ბეგპარდთა და ვალდენელთა დეენა. მე-XIV სალ-
კუნის დამლევისათვის მათ აღარსად გააჩნდათ თავშესაფარი, სადაც
დამშვიდებულად შეეძლოთ ცროვრება. მაგრამ ამ დეენილ და ფლ
ქვეშ გათელილ ადამიანთა დიდ გლოვაში მოჭლოდნელად დადგა
ზეიმის ხანა, რომელმაც სასწაულებრივის ძალით ცხადჰყო, რომ „ან
საწყლებშიაც შესაძლებელია ლეთის მადლის გამოცხადება“. ჰუსიტ-
რი ომები თ დაიწყო კომუნისტებისათვის ბოჭემიაში ის გმირ-
ლი ეპოქა, რომელიც შეგვიძლია შევადაროთ საფრანგეთის დიდი რე-
ვოლიუციის 1793 წლის შემდგომ ეპოქას.

თავი მესამე

ტაბორიტები.

I ეკლესიის დიდი განხეთქილება.

ეკლესიის სახელთან დაკავშირებულ მოძრაობის წარმატება სერიოზულ გაფრთხილებას წარმოადგენდა პაპობისათვის. პაპები რომ ძველებურად საფრანგეთის იარაღად დარჩენილიყვნენ, ეს სერიოზულ საურთხეში ჩააგდებდა მათ ძალა-უფლებას მთელს ევროპაში. ამ გარემოებამ პაპებს დაუბადა ძლიერი სურვილი, რომ ავინიონიდან, საფრანგეთის ტყვეობიდან, დაბრუნებულიყვნენ რომში, სადაც ისინი უფრო დამოუკიდებელი იქნებოდნენ საფრანგეთის გავლენისაგან.

ეკლესიების მოძრაობამ დაანახა პაპებს, თუ რამდენად მერყეობდა მათი, როგორც საეკლესიო ხელმწიფეთა, მდგომარეობა. ამ მოძრაობამ დაანახა მათ, რომ მკვიდრი ნიადაგი მათ საერო ბატონობაში უნდა ეძიონ. ინგლისის, საფრანგეთის და ესპანეთის (კასტილიისა და არაგონის) ეკლესიები თანდათან სულ უფრო დამოუკიდებელი ხდებოდნენ პაპის ბატონობისა და ექსკლავატაციისაგან და სულ უფრო საერო სიუზერენების ბატონობისა და ექსკლავატაციის სფეროში ექცეოდნენ; მით უფრო დიდი მნიშვნელობა ქონდა პაპებისათვის იმას, რომ მსოფლიოზე ბატონობასთან ერთად მათ დაებრუნებიათ ბატონობა საკუთარ საერო სახელმწიფოზე, ე. წ. საეკლესიო სახელმწიფოზე; ხოლო ამისთვის აუცილებლად საჭირო იყო მათი რომში ყოფნა.

თუ პაპებს სრული საფუძველი ქონდათ რომისკენ მისწრაფებისთვის. მეორეს მხრივ იტალიელებსაც მოენატრათ პაპებთან ახლო ყოფნა. პაპების „ბაბილონის ტყვეობამ“, — ასე უწოდებდნენ ისინი პაპების ავინიონში ყოფნას, — ნათლად დაანახა მათ, თუ რა დიდი მნიშვნელობა ქონდა იტალიისათვის პაპების ყოფნას საეკლესიო სახელმწიფოში და რა ვნება მოუტანა მას, განსაკუთრებით რომს, რომელიც ძალიან დაღარბდა, პაპების საზღვარ გარეთ გადასახლებამ.

საუცხოვო სიტყვებით გამოსთქვა პაპების იტალიაში დაბრუნების ეს მზურვალე სურვილი პეტრაკამ. მკათელი ფერებით და-

სურათა მან თავის ლექსებში და წერილებში, თუ როგორ გადატაკდა და დაჩივდა წმიდა ტახტის გადატანის შემდეგ პაპების სასაღვთისმშობლოები და წმინდანთა საკურთხევლები, როგორ დაეცა მარადიული ქალაქი, ქმრის მიერ მიტოვებულ ქალსავეთ, და როგორ განიფანტება შვიდ გორაკზე დაფენილი ნისლი, როდესაც რომს მისი კანონიერი უფალი დაუბრუნდება. პაპები სამარადისო დიდებას მოიხვეჭენ. რომი—ბედნიერებას და იტალია—მშვიდობიანობას, თუ პაპი გაბედავს საფრანგეთის ტყვეობიდან განთავისუფლებას. ავინიონში კი პირიქით, პაპები განცხრომაში და მანკიერებაში დაიხშობიან და მთელი ქვეყნიერების ზიზღს და სიძულვილს დაიმსახურებენ.

პეტარაკა ძალიან კარგათ იცნობდა პაპის კარის გარყვნილ ყოფა-ცხოვრებას, რადგან თვითონ მას 15 წელიწადი (1326--1353 წ. წ) გაუტარებია ავინიონში. მის სიძულვილს ავინიონისადმი სხვათა-შორის შემდეგი სონეტი გამოსთქვამს, რომელიც მან ამ ქალაქს უძღვნა:

„ზეციერი გრგვინვა დაატყდეს შენს სიცრუით საესე თავს შენ, რომელიც სიღარიბით შექმნილ სიმდიდრით იკვებები, უსახლგრო ბოროტ-მოქმედებით გამდიდრებულხარ. მოღალატეობის ბუღრომელიც წყევლასა და კრულვას ჰბადებს, ქვეყნიერებას შხამავს თავისი გესლით, ბუღდე გავისილო ლოთებით. მუქთახორებით, გარყვნილებით და ყოველგვარ ქენა ზრახვების სამარცხენო მაგალითებით. შენს დარბაზებში ბებერ და ახალგაზრდა ქაჯების ბრბო თარეშობს. ველზეული ცეკვავს იქ ორგანოს ხმაზე, სარკეებს შორის, ბრწყინვალეობაში. მდიდარ სამოსელში ხარ გახვეული, თუმცა ტიტველი და ფეხშიშველი უნდა დადიოდე ეკლიანი გზით. საზიზღარი შმორი აგდის ცამდის, შენ ლთვისგან შეჩვენებულო!“

არავინ არ ჰგმობდა პაპობას ისე მკაცრად, როგორც პეტარაკა: მაგრამ ამით მისი დასუსტება და მისთვის ვნების მიტანა კი ასურდა, არამედ მხოლოდ პაპების შემოტყუება იტალიაში. მისი წარმოდგენით, პაპის კურთხის გარყვნილება იმიდან კი არ გამომდინარეობდა, რომ ის უწყალოდ ყვლუფდა ქვეყნიერებას. არამედ იმიდან, რომ ექსპლოტაციის ნაყოფს იგი ავინიონში ნთქავდა და არა რომში. პაპების ზნეობრივი ჯანმრთელობა ავინიონის პაპას შეუღალავს. რომში დაბრუნება მათ იმ წამშივე განკურნავს.

ამგვარად აკავშირებდა პაპობასთან იტალიელებს იმ დროის ეკონომიური პირობები, რომლებსაც ჩვენ უკვე ზემოთ გავეცანით: მაგრამ იმავე მიმართულებით მოქმედებდა პოლიტიკური მოტივებიც.

ეროვნულ თვითცნობიერების გაძლიერება უმჭიდროესად დაკავშირებულია საქონლის წარმოების განვითარებასთან. როდესაც უკა-

ნასკნელი განვითარების იმ საფეხურს აღწევს, როდესაც ის კაპიტალისტურ ფორმას იღებს, მისი ინტერესები და, უწინარეს ყოვლისა, კაპიტალისტთა ინტერესები მოითხოვს ნაციონალურს, რაც შეიძლება უფრო გაერთიანებულ სახელმწიფოს, რომელსაც შეუძლია კაპიტალისტებისათვის შინაგანი, ეროვნული ბაზრის უზრუნველყოფა და მხოლოდ ბაზარზე მათთვის მოქმედების თავისუფლების მოპოება. ეს მოვლენა მხოლოდ მე-XVII საუკუნეში გახდა სრულიად ცხადი, მაგრამ თანამედროვე ეროვნულ თვითცნობიერების ჩანასახს უკვე მე-XIV საუკუნეში ვამჩნევთ: თუმცა, უნდა ითქვას, რომ მაშინ ის მხოლოდ ისეთ შემთხვევებში მკლავდებოდა, როდესაც მას განსაკუთრებული პირობები აღვიძებდა, საყოველთაო ინსტიტუტის ძალამდე კი ჯერ არღიერ დაშორებული იყო.

ყველაზე ადრე ეროვნული თვითცნობიერება გაიღვიძა იტალიაში, რომელსაც ასეთი მაღალი დონე ჰქონდა მიღწეული თავის განვითარებაში. მე-XIV საუკუნეში ეს ქვეყანა გაერთიანებისა და ერთი ნაავრობის ქვეშ ყველა თავის ძალთა შეკავშირების უდიდეს საქონობებს განიცდიდა: მხოლოდ ამით მოედებოდა ბოლო დაუსრულებელ ომებს წვრილ სახელმწიფოებს შორის, მხოლოდ მაშინ გაბატონდებოდა მშვიდობიანობა და წესრიგი, ეს ბურჟი სამოქალაქო კეთილდღეობისა და მხოლოდ მაშინ აიცდენდა იტალია უცხოელთა ბატონობას, რაც მას ხშირად განუცდია ვიდრე მე-XIX საუკუნემდე.

მაგრამ პაპობა, როგორც სჩანდა, ერთად ერთი ძალა იყო, რომელსაც შეეძლო იტალიის გაერთიანება და უზენაესი ხელის უფლად გადაქცევა სხვადასხვა სუვერენთა მიმართ. და მით უფრო ენერგიულად მოითხოვდა ყოველი შორს-მკერეტელი პოლიტიკოსი პაპების დაბრუნებას ავინიონიდან.

ყოველივე ამას დაერთო საფრანგეთის დამარცხებაც ინგლისთან ომში: საფრანგეთის მტრობა აპის შემდეგ დიდ საშიშროებას აღარ წარმოადგენდა.

ამგვარად ვიკლავიტიურ მოძრაობის შემდეგ პაპის წრეებში სულ უფრო ხშირად ჩნდებოდა რომში დაბრუნების აზრი. პირველად ურბან მე-V-ემ სცადა ავინიონიდან გაქცევა. მიუხედავად მრავალ პროტესტისა საფრანგეთის მეფის კარლოს მე-V-ს და კარდინალების წარით (კარდინალებს შორის უმრავლესობა საფრანგეთის კრეატურები იყვნენ), ურბანი 1367 წლის მაისში ჩასხდა გემში მარსელში და და გენუით რომში ჩავიდა, სადაც მას უდიდესი აღტაცებით მიეგება მოსახლეობა. მაგრამ უკვე 1370 წ. ფრანგ-კარდინალებმა გაიმარჯვეს; ავინიონში ისინი ბევრად უფრო მხიარულად ატარებდნენ დროს

(ვიზბონი ამტკიცებს, რომ იტალიაში მათ ყველაზე უფრო ბურგუნ-დაული ღვინის უქონლობა აწუხებდა), და პაპიც იძულებული გახდა აენიონში დაბრუნებულიყო.

მეორეჯერ ასეთი ცდა გრიგოლ მე-XI გაიმეორა 1376 წელს. ის რომში დარჩა თავის სიკვდილამდის (1378 წ.). რომაელ ხალხს ეზინოდა, რომ ფრანგი—კარდინალები კვლავ საფრანგეთის მეგობარს აირჩევენ პაპად: იარაღით ხელში გამოვიდა ხალხი, ალყა შემოარტყა კონკლავს და ყოყინით „ან სიკვდილი ან იტალიელი პაპი“ აიძულა კარდინალები იტალიელი, ურბან მე-VI აერჩიათ. მაგრამ ფრანგ-კარდინალებმა რომი დასტოვეს, როგორცვე შემთხვევა მოეცათ უკანონოთ გამოაცხადეს ეს არჩევნები და ახალი პაპი აირჩიეს,—კლიმენტი მე-VII.

ამგვარად მოხდა ე. წ. დიდი საეკლესიო განხეთქილება. ჩვენ იმიტომ ავწერეთ ასე დაწვრილებით მისი მიზეზები, რომ მან დიდი როლი ითამაშა პაპობის ისტორიაში და, მაშასადამე, ერეტიკულ სექტების ისტორიაშიაც.

ორი პაპი ერთბაშით—ეს გაუგონარი რამ არ იყო. ახალი აშა-ნი ის იყო, რომ ორთავე პაპს ეროვნული მნიშვნელობა მიეცა. ერთს წაარს უქერდა საფრანგეთი და ესპანეთი, მეორეს, იტალიელს კი გერმანია და ინგლისი. უფრო გვიან ამ ორი პაპის გვერდით მესამეც გაჩნდა, რომელსაც მხოლოდ ესპანელნი სცნობდნენ. მაშასადამე უკვე ეს საეკლესიო განხეთქილება წარმოადგენდა კათოლიკურ ქრისტიანობის ეროვნულ ეკლესიებად დაშლის პრელიუდიას. საქმე აქ დოგმებში და პირად მისწრაფებებში კი არ მდგომარეობდა, არამედ ეროვნულ, პოლიტიკურ წინააღმდეგობებში.

გაჩაღდა გააფთრებული ბრძოლა სამ პაპს შორის: არც ერთ ნათვანს არც ერთ მათ მოადგილეთაგანს არ მოუპოვებია უპირატესი ძალა სხვათა წინაშე. ეკლესიამ დაქარგა ყოველგვარი მთლიანობა და იგივე ემუქრებოდა მთელს საზოგადოებას, რომელიც სწორეთ ამ დროს განიცდიდა უმწეავეს საზოგადოებრივ წინააღმდეგობებს, რაც საფრანგეთში ჟაკერიამ ცხადჰყო და ინგლისში—გლახთა აჯანყებამ. აუცილებლად საჭირო იყო ბოლო მოჭლებოდა მთელს ამ სისასძაღლეს, ახლად მოწესრიგებულიყო მთელი ეკლესია ან, როგორც იმ დროს ამბობდნენ, საჭირო იყო მისი „რეფორმაცია თავიდან ასოებამდე.“

პაპობა სრულიად უძლური აღმოჩნდა და ამიტომ სხვა რომელიმე ხელის უფლებას უნდა ეზრუნა ამ დიდი ამოცანის გადაწყვეტაზე. მოწვეულ იქნა რამოდენიმე საერთაშორისო კონგრესისი, საეკლესიო ყრილობანი, რომლებზედაც საერო ხელმწიფეთა დელეგატი-

ბმა მონაწილეობა მიიღეს სხვადასხვა საეკლესიო ორგანიზაციების დელეგატებთან ერთად თანასწორი უფლებით.

1417 წლის კონსტანტის ყრილობაზე სამი ურთიერთ მეტოქე პაპის მაგიერ არჩეულ იქნა ერთი პაპი მარტინ მე-1^ე და ამით ეკლესიის განხეთქილებას ბოლო მოეღო; მაგრამ ახალი პაპი მარტო კარდინალებმა კი არ აირჩიეს, არამედ საგანგებო კოლეგიამ, რომელშიაც 23 კარდინალის გარდა მონაწილეობას იღებდა 30 დელეგატი 5 საქრისტიანო ერისა: იტალიელების, გერმანელების, ფრანგების, ესპანელებისა და ინგლისელების.

ამ ყრილობების შემდეგ პაპობა ძალიან დაეცა იმ დონესთან შედარებით, რომელზედაც მან ჰოგენშტაუფენები დაამარცხა. მართალია, პაპები ეხლა გაცილებით ნაკლებად განიცდიდნენ ცალკე ერების გავლენას, ვიდრე ავინიონის პერიოდში, მაგრამ სამაგიეროთ მათი გავლენაც შემცირდა ცალკე ერების მიმართ. წარმოიშვა საერო ხელმწიფეების მორჩილი ეროვნული ეკლესიები. ამიერიდან პაპებს საერო ხელმწიფეებთან უნდა გაეყოთ თავისი ბატონობა და ნივთიერი მონაპოვარი, თუ არ სურდათ მთლად დაეკარგათ ერთიც და მეორეც. განსაკუთრებული სახელმწიფო ხელშეკრულებანი (კონკორდატები და პრაგმატიული სანქციები) სულ უფრო მეტის სისწორით საზღვრავდა და ჰკეცავდა პაპების წილს.

ასე მოხდა საფრანგეთში, ინგლისში და ესპანეთში. იტალიაში კი რომის ეკლესია თავიდანვე ეროვნულ ეკლესიას წარმოადგენდა.

საეკლესიო ყრილობათა ხანაში მხოლოდ გერმანიამ ვერ შესძლო თავისი ეროვნული ეკლესიის შექმნა. მისმა დაქსაქსულობამ დაუშალა მას შეეზღუდა პაპის ბატონობა გერმანიის ეკლესიაზე და კონტროლი გაეწია მისი ექსპლოატაციისათვის. ამ ხნიდან გერმანია პაპის ბატონობისა და სიხარბის მთავარ ობიექტად გადაიქცა და იძულებული გახდა კიდევ ერთი საუკუნე დარჩენილიყო ამ მდგომარეობაში.

მაგრამ გერმანიის იმპერიის ერთი შემადგენელი ნაწილი განსაკუთრებულ მდგომარეობაში ჩადგა; ეს იყო ბოჰემიის სამეფო.

II. საზოგადოებრივი ურთიერთობანი ბოჰემიაში ჰუსიტურ ომების წინ.

არც ერთი სხვა ქვეყანა გარდა, შეიძლება, ინგლისისა ისე სწრაფად არ ვითარდებოდა ეკონომიურად მე-XIV სუუკუნეში, როგორც ბოჰემია.

ინგლისში ეკონომიური განვითარება განსაკუთრებით მატყლით

ვაქრობამ და საფრანგეთის ძარცვა-რბევამ დააჩქარა; ბოჰემიაში კი ასეთი როლი ითამაშა ვერცხლის სამადნეებმა, რომელთა შორის მთავარი კუტტენბერგის სამადნე იყო. ის 1237 წელს იყო აღმოჩენილი და ამ დროიდან მე-XV საუკუნემდე ის უმდიდრეს ვერცხლის სამადნეს წარმოადგენდა მთელს ევროპაში. მე-XIV საუკუნის დასაწყისში ვერცხლის წლიური ამოღება კუტტენბერგის მალაროებში 100000 მარკას შეადგენდა (1 მარკა= $\frac{1}{2}$ გირვანქა). ბოჰემიის სხვადასხვა მდინარეებზე, მაგალითად მოლდავაზე და ლუჟნიკზე—იმ მდინარეზე, რომელზედაც ტაბორი მდებარეობდა,—ოქროს მადნის წმენდაც სწარმოებდა. ¹⁾ ამ სამადნეებს ემყარებოდა ბოჰემიის ძლიერების სწრაფი განვითარება და, საბოლოო ანგარიშში,—ოტოკარ II (1253—1278) და კარლოს I-ის (იგივე გერმანიის იმპერატორი კარლოს IV, 1346—1378) მეფობის ბრწყინვალეობა. რომ უკანასკნელმა იმპერატორის ტახტს მიაღწია, ამას, პაპის დახმარების გარდა, ის უნდა უმადლოდეს უმოაგრესად კუტტენბერგის ვერცხლის მალაროებს, რომლებმაც საარჩევნო ხმების საყიდლად საკირო საღსარი მისცა მას. ასეთივე, იმ დროისთვის სრულიად ჩვეულებრივი წესით მოხდა აგრეთვე მისი ვაჟის ვენცელის (ვაცლავის) არჩევაც გერმანიის იმპერატორად. ²⁾

კუტტენბერგის შემოსავლის წყალობით ბოჰემიაში, განსაკუთრებით პრაგაში ჰყვავდა ვაქრობა-მრეწველობა, ხელოვნება და მეცნიერება. ბოჰემიის დედა-ქალაქს „ოქროს პრაგა“ ეწოდებოდა იმ

¹⁾ Aeneas Sylvius Piccolomini, De Ortu et Historia Bohemorum. Opera omnia, ბაზელი 1551, გვ. 109.

²⁾ Aeneas Sylvius-ის ცნობით, კარლოსი 100.000 გულდ. მიეცა დაპირებია, მაშინ თითო კურფიურსტისთვის. მაგრამ ამ ციფრების სისწორე სადავოა. ყოველ შემთხვევაში უეჭველია, რომ კელნის და ტრიირის კურფიურსტებმა მიიღეს არა ნაკლებ 40.000 გულდ. თვითთულმა. დატულია ტრიირის კურფიურსტის ქვითარი, 1376 წ. 12 ივლისს გაეცმული. საზოგადოთ იმ დროის პირნი ისე წინდახედული არ იყვნენ, როგორც ველფის ფონდის დამცველნი. საშუალო საუკუნეების ადამიანები მხოლოდ იმითომ მიგვაჩნია ჩვენ ბარბაროსებათ, რომ არ ფარავდენ (ივილიზაციით შექმნილ მანკიერებას. გაბატონებულ კლასთა თვითშეგნება ჯერ იმდენად ძლიერი იყო, რომ პირმოთნობას არ საკირობდენ. საჯაროდ იყიდებოდა არა მარტო ხმები, არამედ სავკლესიო თანამდებობანი; მოწინააღმდეგეს ან კონკურენტს ბაზარზე ამარცხებდენ საჯაროდ, თორემ მშვიდობიანი და კანონიერი ფინანსიურ საკუთლიატიოთ კი არ მიყავდათ თვითმკვლელობამდე; საერო და სასულიერო ხელმწიფენი ყველას დასანახავად ცხოვრობდენ თავის მხეველებთან (ედუარდ III-ის საყვარელი Alice Parrers. უზენაეს სასამართლოების კამათშიაც იღებდა მონაწილეობას); ხელმწიფე რომ ერთერთ თავის „კეთილ და ერთგულ ქალაქს“ ეწეოდა, წინ ქალაქელ პროსტიტუტებს მიაგებებდენ სახეიმოდ და გასართობად. ასეთი იყო ჩვენი „პატროსან წინაპართა“ ჩვეულებანი.

დროს; საუცხოვო შენობებით შეიმკო იგი და მასში დაარსდა გერმანიის საიმპერიო ოლქის პირველი უნივერსიტეტი. (1348 წ.). არც კათოლიკური ეკლესია დარჩა ხელცარიელი. მას, როგორც ცნობილია, კარგი კუჩი აქვს და ფაქიზი ყნოსვა. მან იცის სა და რა იშოვება და ისიც იცის, როგორ იშოვება. ბოჰემიის მონასტრები და ეკლესიები განირჩეოდნენ თავისი სიმდიდრით, განსაკუთრებით კაილოს IV-ის დროს, რომელსაც ჩვენ უკვე გავეცანით, როგორც „ხუცურ იმპერატორს“.

პრაგის არქივისკოპოზს „17 დიდი სამფლობელო ქონდა ბოჰემიაში, გარდა ამისა კოიეტაინის სამფლობელო მორავიაში, ლუე—ბავარიაში და მრავალი სხვა მომცრო მამულები. მისი სასახლე მეფის სასახლეს არ ჩამოუვარდებოდა თავისი ბრწყინვალეობით, მის განკარგულებაში მუდამ მთელი ჯარი იყო ვასალებისა“. მარტო წმ. ვიქტის ტაძრის კაპიტულში 300 წვერი ირიცხებოდა და „ას ხე მეტი სოფელი სრულიად ან ნაწილობრივ კაპიტულის წვერებს ქონდათ მიცემული როგორც ბენეფიცი. მარტო ერთ სობოროს პრაგისტს ეკუთვნოდა მთელი ვოლინის სამფლობელო და 12-მდე მომცრო მამული“ და სხვა (Palacky, Geschichte von Böhmen, III, 2, გვ. 41). Aeneas Sylvius-ი, —შემდეგ პაპად კურთხეული პი II-ს სახელით, — რომელსაც საეკლესიო სიმდიდრის კარგათ გაეგებოდა, სწერდა თავის „ბოჰემიის ისტორიაში“: „მე ვფიქრობ, რომ ჩვენს დროში არ არის არც ერთი ქვეყანა მთელს ევროპაში, სადაც ამდენი და ასეთი დიდებული, ასე მდიდრად შემკული ტაძრები მოიპოვებოდეს, როგორც ბოჰემიაში. ცისკენ გაწედილა ეკლესიები... მაღალი საკურთხეველები ოქროთი და ვერცხლით მოკაზმულია, ოქროთივეა მოქედილი წმინდანთა ნაშთების საცაეები, ღვდელმსახურთა ტანისამოსი მარგალიტით არის მოქარგული, ყოველგვარი მოკაზმულობა და ნივთი უძვირფასესია... და ყოველივე ეს გვაკვირებს არა მარტო ქალაქებში და სავაქრო ადგილებში, არამედ უბრალო სოფლებშიც“.

მაგრამ რაც უფრო მდიდარი იყო ბოჰემიის ეკლესია, მით უფრო ყელეფდნენ მას პაპები.

შემოსავლის სიდიდის მიხედვით ეკლესიას და მეფეს კუტტენბერგის მრეწველები მოსდევდნენ; მე-XIV საუკუნეში ეს უბრალო მაღაროს მუშები კი არ იყვნენ, არამედ პრაგელი და კუტტენბერგელი ვაჭრები, კაპიტალისტები, რომელნიც „ქარგლებს“ ამუშავებდნენ თავის მაგიერ; მთის განძი დიდ სიმდიდრეს და გავლენიან მდგომარეობას აძლევდა მათ საზოგადოებაში.

რა თქმა უნდა, საქონლის წარმოებისა და საქონლით ვაჭრო-

ბის განვითარებას იგივე მოვლენები უნდა გამოეწვია ბოჰემიაში, რაც ჯველგან. გარდა უდიდესი ანტაგონიზმისა პაპის ეკლესიასა და მოსახლეობის მასსას შორის წარმოიშვა ინტერესთა წინააღმდეგობა ეპარქებსა და მომხმარებლებს შორის, ოსტატებსა და ქარგლებს შორის, კაპიტალისტებსა და შინა-მწარმოებელთა შორის, სულ უფრო უნდა გამწვავებულიყო მიწათმფლობელთა და გლეხთა ანტაგონიზმი. ამას არ ეწინააღმდეგება ის ფაქტი, რომ ბოჰემიაშიც ვამჩნევთ იმ დროის საერთო ტენდენციას, რომლის მიზეზებზე და ხასიათზე ჩვენ უკვე რამოდენიმეჯერ ვილაპარაკეთ: გლეხობა თანდათან თავს აღწევს ბატონყმობას, რომლის ადგილს ფულადი ხარკი იკერს. მე-XII და მე-XIII საუკუნეების მიჯნაზე ბატონყმობა ფაქტიურად უკვე აღარ არსებობდა ბოჰემიაში. მაგრამ აქაც, როგორც ინგლისში, მემამულეები ცდილობდნენ ბატონყმობა აღედგინათ და ეს მათი მეცადინეობა დიდ სოციალურ უკმაყოფილებას იწვევდა.¹⁾

მაგრამ უნდა ვაფიქროთ, რომ ყველაზე უკმაყოფილო უკმაყოფილოთა შორის, გლეხები კი არ იყვნენ, არამედ წვრილი აზნაურები. ისინი გლეხებზე მხოლოდ ოდნავ უფრო მდიდარნი იყვნენ, რადგან ძალიან მცირე შემოსავლის წყარო გააჩნდათ და ამავე დროს იმდენი ძალა არ ქონდათ, რომ გლეხების ექსპლოატაციიდან რამდენადმე შესამჩნევი ნაყოფი მიეღოთ მსხვილ ბარონებსავე. მე-XIII საუკუნის დამლევისთვის წვრილი აზნაურობა ძლიერ დაღარბდა. მეფის ხელისუფლება საკმაოდ ძლიერი იყო იმისთვის, რომ შეეფერებინა ყაჩაღობით მცხოვრებ რაინდობის განვითარება, — თუმცა რაინდები ეხლაც ბედადდნენ ხშირად ძალიან თამამ ავანტიურებს. როგორც გერმანიის იმპერიის ნაწილს, ბოჰემიას არ შეეძლო სარფიანი ნაციონალური ომი დაეწყო, და, შედეგში, ბოჰემიის წვრილ მემამულეებს მხოლოდ დაქირაებულ ჯარში სამხედრო სამსახური დარჩენოდათ თავისი დეფიციტის დასაფარავ წყაროდ.

თუმცა, უნდა ითქვას, რომ ამ წყაროთი რაინდების გარდა ბოჰემიის გლეხობაც სარგებლობდა, როგორც საზოგადოთ იმ დროის თითქმის ყველა სახელმწიფოების გლეხობა.

წარმოების განვითარებამ ვერცხლის მალაროებში ძლიერ დააჩქარა საქონლის წარმოების და საქონლით ვაჭრობის განვითარება და, მაშასადამე, ზემოაღნიშნულ წინააღმდეგობათა განვითარებაც; მაგრამ მისი მნიშვნელობა ამით არ განსაზღვრულა: მას შედეგათ

¹⁾ Palacky, op. cit., II, 1, გვ. 34 და შემდ., II, 2, გვ. 30; III, 2, გვ. 33.

კიდევ ერთი მოვლენა მოჰყვა, რომელმაც განსაკუთრებით გაამწვავა ეს წინააღმდეგობანი, სახელდობრ, ფასების რევოლუცია.

საქონლის ფასი არის კეთილშობილ ლითონის—ოქროს ან ვერცხლის—ის რაოდენობა, რომელზედაც შეიძლება გაიცვალოს საქონელი. დანაირენ თანასწორ პირობებში ეს რაოდენობა მით უფრო მეტია, რაც ნაკლებია კეთილშობილი ლითონის ღირებულება, რაც უფრო ნაკლებია მის ამოღებაზე გაწეული შრომა. ამის გამო ვერცხლით მდიდარ სამადნეების აღმოჩენას და ექსპლოატაციას ბოჰემიაში ისეთივე ფასების რევოლიუცია, საქონლის ისეთივე გაძვირება უნდა გამოეწვია ამ ქვეყანაში, როგორც გერმანიაში გამოიწვია მე-XI საუკუნის დამლევეში საქსონიისა და ტიროლის სამთო სიმდიდრის აღმოჩენამ, ხოლო მთელს ევროპაში მე-XVI საუკუნის ნახევრიდან—ამერიკის ვერცხლის საბადოების აღმოჩენამ და ექსპლოატაციამ. მართალია, ბოჰემიის ისტორიაში ჩვენ ვერ ვიპოვეთ პირდაპირი ცნობები ფასთა რევოლიუციის შესახებ; მაგრამ ჩვენ ეჭვი არა გვაქვს, რომ მე-XVI საუკ. ბოჰემიამ ფასების რევოლიუცია განიცადა,—წინააღმდეგ შემთხვევაში ეჭვი უნდა შევიტანოთ იმ დებულების სამართლიანობაში, რომ ერთსა და იმავე პირობებში ერთნაირი მიზეზები ერთნაირ შედეგებს იძლევიან.

ფასების რევოლიუციას სხვა და სხვა ნაირი გავლენა უნდა მოეხდინა სხვა და სხვა საზოგადოებრივი კლასის მდგომარეობაზე: ზოგი დაზარალებოდა, ზოგი მოიგებდა; ზოგიერთს ეს რევოლიუცია ოდნავ შეეხებოდა, ზოგს ღრმად შეარყევდა. მაგრამ ყოველგვარ საზოგადოებრივ ურთიერთობაში, რომლისთვისაც ფულის აღებ-მიცემას მნიშვნელობა ჰქონდა, ამ ურთიერთობაში ჩაქსოვილი საზოგადოებრივი ანტაგონიზმი აუცილებლად უნდა განწვავებულიყო ფასების რევოლიუციის გავლენით. ამასთან ერთად განსაკუთრებით უნდა დაზარალებულიყო ის კლასები, რომელნიც ფულადი შემოსავლით ცხოვრობდნენ და ამავე დროს მოკლებული იყვნენ საქმარის ძალას იმისთვის, რომ იძულებით გაედიდებინათ თავისი შემოსავლები ფასთა მომატების შესაფერისად. ასეთი იყო მოსახლეობის დაბალი კლასები, რომელნიც ქირით მუშაობდნენ,—ქალაქში, და წვრილი აზნაურობა,—სოფლად.

მაგრამ ყველა სხვა საზოგადოებრივ წინააღმდეგობაზე უფრო ღრმა იყო ეროვნებათა ანტაგონიზმი. ბოჰემიაში, როგორც ინგლისში, ის დაუკავშირდა ანტაგონიზმს საეკლესიო საქმეებში.

ჯერ კიდევ მე-XIII საუკუნეში ბოჰემია ეკონომიურად ძლიერ ჩამორჩენილ ქვეყანას წარმოადგენდა. მისმა დასავლეთის მეზობლებმა

გერმანიაში შორს გაასწრეს მას თავის საზოგადოებრივ განვითარებაში. ვაჭრობა-მრეწველობის, მეცნიერებისა და ხელოვნების ზრწყინვალე განვითარება ბოჰემიაში, რაც კუტტენბერგის სამთო საქმის განვითარებას მოჰყვა, მხოლოდ იმიტომ იყო შესაძლებელი, რომ ბოჰემიის ხელმწიფეებმა უცხოელები შემოასახლეს გერმანიიდან. ყველაზე მეტი ამ მხრით ბოჰემიელ პატრიოტების საყვარელმა მეფეებმა, ოტტოკარ II და კარლოს I (გერმანიაში კარლოს IV) გააკეთეს; ისინი იწვევდნენ ბოჰემიაში გერმანელ გლეხებს, გერმანელ ხელოსნებსა და ვაჭრებს, გერმანელ მხატვრებს და მეცნიერებს.

ყველაზე ადრე კუტტენბერგი გადაიქცა წმინდა გერმანულ (ნემეცურ) ქალაქად და მასთან ერთად -სხვა სამთო ქალაქებიც, მაგ. დოიჩბროდი (და იგლაუ¹).

გარდა ამისა გერმანელები მრავალ ახალ ქალაქს აარსებდნენ, ხოლო ძველ ქალაქებში იმდენად მნიშვნელოვან ნაწილს შეადგენდნენ მოსახლეობისას, რომ ქალაქის საბჭოები ყველგან მათ ხელში გადავიდა; ეს მით უფრო ადვილად მოხდა, რომ გერმანელები მეტ წილად მდიდარ წრეებს, ვაჭრებს და გამოჩენილ ხელოსნებს წარმოადგენდნენ. ჩეხები კი უბრალო ხელოსნები იყვნენ; დღიურ მუშათა მასსას და მოსახლეობის დაბალ კლასსებს აგრეთვე ჩეხები შეადგენდნენ.²)

პრაგის უნივერსიტეტიც გერმანელების ხელში იყო. პარიზის უნივერსიტეტის მზგავსად, ის ოთხი ეროვნებისაგან შესდგებოდა. უნივერსიტეტი თვითმართველ კორპორაციას წარმოადგენდა და ყველ ეროვნებას მის გამგეობაში თითო ხმა ეკუთვნოდა. მაგრამ იმ დროს როდესაც პარიზის უნივერსიტეტში ფრანგები ფაქტიურად პხმით სარგებლობდნენ, რადგან თვითმართველობაში წარმოდგენილ ოთხ ეროვნებას ფრანგები, პიკარდიელები, ნორმანდიელები და ინგლისელები შეადგენდნენ, პრაგაში ბოჰემიელებს მხოლოდ ერთი ხმა ეკუთვნოდა: უნივერსიტეტში შედიოდა ბოჰემიის, ბავარიის, საქსონიის და პოლონეთის ეროვნებანი, რომელთაგან უკა-

1) იმ დროიდან, როდესაც გერმანელებმა კვლავ აამუშავეს ძველი მალარო იგლაუში და კუტტენბერგის მალარო გაიხსნა, „ბოჰემიაში,—გვიამბობს ერთი მემატიანი,—გერმანელთა რიცხვმა იმატა. მათი საშუალებით მიიღო მეფემ (ოტტოკარ IV) ვეებერთელა განძი ოქროს და ვერცხლის საბადოებიდან; ამბობენ, რომ შთელი კოშკები ააგო მან ოქროთი და ვერცხლით“. (ციტ. ამოღებულია Palacký-ის შრომიდან, op. cit., II, 1, გვ. 148).

2) პალაცკის დასახელებული აქვს პრაგის გამოჩენილი ბურჟუაზიული გვარები; როგორც მათი სახელები მოწმობენ. ისინი თითქმის ყველა გერმანელებია: შტუკერი, ვოლფლინი, ვოლფრამი, ტაუზენდმარკი, ცუდენ-ჯენენი, ფონ-შტეინი, პირკნერი, ტაფელრუნგი, კორნიუბელი, ერტელი და სხვა. (Op. cit. II, 2, გვ. 24).

ნასკნელი (პოლონელები) მეტ წილად აგრეთვე გერმანელებისაგან შესდგებოდა (სიღვზიელნი და სხვ.). ამ გარემოებას ქონდა ერთგვარი მნიშვნელობა. უნივერსიტეტი იმ დროს პირველ ხარისხოვან მეცნიერულ და პოლიტიკურ ძალას წარმოადგენდა; ის ისეთსავე როლს თამაშობდა, როგორც ეხლა პრესა და უმაღლესი სასწავლებლები ერთად აღებულნი.¹⁾

გარეგნულადაც უნივერსიტეტი მძლავრ ორგანიზაციას წარმოადგენდა. უნივერსიტეტის შენობები პროფესორთა და მოსწავლეთა ბინებით პრაგაში და პარიზში ქალაქის განსაკუთრებულ ნაწილს შეადგენდა და, ალბათ, ცალკე კედლითაც იყო შემოზღუდული,²⁾ ხოლო მოსწავლეთა რიცხვი ჯერ მე-*XV* საუკუნის დასაწყისში მრავალათასისაგან შესდგებოდა.

1408 წელს პრაგაში 200 ლექტორი და მაგისტრი, 500 ბაკალავრი და 36.000 სტუდენტი ირიცხებოდა. თუნდაც რომ ეს ციფრები გაზვიადებული იყოს, შექველია, რომ სტუდენტები დიდ ძალას წარმოადგენდნენ. 1439 წელს, როდესაც გერმანელმა სტუდენტებმა პრაგა დასტოვეს, Aeneas Sylvius-ის ცნობით, ერთ დღეს 2000 სტუდენტი გასულა ქალაქიდან: რამდენიმე დღის შემდეგ კიდევ 3.000 სტუდენტი გაყოლია მათ და ლეიპციგში უნივერსიტეტი დაუარსებიათ. დარწმუნებით შეგვიძლია ვთქვათ, რომ უნივერსიტეტში მოსწავლეთა რიცხვი იმ დროს 10.000-ზე ნაკლები არ იქნებოდა.³⁾

უნივერსიტეტთან დაკავშირებული იყო მრავალი დაწესებულება, პროფესორთა და ლარბ სტუდენტთა სასარგებლოთ შეწირული მამულები და სახლები (ჯამაგირები და სტიპენდიები იმ დროს არ არსებობდა). და მთელი ეს სიმდიდრე, უნივერსიტეტის მთელი ძალა გერმანელების ხელში იყო.

¹⁾ კონსტანტინე ჰეფლერმა, ავინიონელ პაპების ისტორიისა, აღნიშნა, რომ პარიზის უნივერსიტეტი ხანდახან საფრანგეთის მეფეზე უფრო ძლიერი იყო. ამ ძალის გამო, და არა „მეცნიერების თავისუფლების გამო“, რაც ეთომბდა საშუალო საუკუნეებში არსებობდა ლასსალის აზრით („მეცნიერება, და მუშები“), უნივერსიტეტი ზოგჯერ პაპთან და მეფესთან ბედავდა ბრძოლას და ამ ბრძოლაში ხშირად იმარჯვებდა. უკვე საშუალო-საუკუნეების უნივერსიტეტებში ამ „მეცნიერების თავისუფლების“ კვალი არ არსებობდა. ერთ-ერთ მათ უდიდეს ამოკანას ერეტკოსთა ძებნა შეადგენდა.

²⁾ Maurer, Städteverfassung, II, გვ. 37.

³⁾ ზოგიერთი ავტორი პირდაპირ არაჩვეულებრივ ციფრებს ასახელებს. მაგალითად, Falkenstein-ის ცნობით (Historie von Eürth, გვ. 290; ქვემოთ მოყვანილი ციტატა ამოღებულია Cilmann-ის შრომიდან: Reformatoren etc I, გვ. 246) „მაშინ 40.000 სტუდენტი გამოვიდა (პრაგიდან) და იმავე დროს 20.000 „Leibzugen“-ში (ლეიპციგში) შევიდა“.

მწარედ სჩივოდენ ჩეხი--მაგისტრები, რომ ისინი სოფლებში შიმშილობენ მასწავლებელთა ადგილებზე მაშინ როდესაც მათი გერმანელი—კოლეგები უნივერსიტეტში არიან მოკალათებული და რომ ყოველ ისეთ შემთხვევაში, როდესაც ჩეხების ეროვნული ინტერესები გერმანელთა ინტერესებს ეწინააღმდეგება, უნივერსიტეტი აუცილებლად უკანასკნელთა მხარეზე დგება.

ყოველივე ამის გარდა ბოჰემიის ეკლესია გერმანელთა სასარგებლოდ ეწეოდა ქვეყნის ექსპლოატაციას. ღვდლების მცირე შემოსავლიან ადგილებზე, რა თქმა უნდა, ჩეხებს ნიშნავდენ. მონასტრები კი და თეთრი სამღვდელოების წარჩინებული თანამდებობანი უმთავრესად გერმანელების ხელში იყო. მაგალითად, პრაგის კანონიკების უმრავლესობა, რომელზედაც ჩვენ ზევით ვილაპარაკეთ, გერმანელები იყვნენ. პრაგის არქივისსკოპოზი კონრად ფონ—ვესტა, რომლის დროს დაიწყო ჰუსიტების მოძრაობა, იყო „გერმანელი—ფანატიკოსი სამონასტრო ოლქის უზნელეს კუთხიდან“ (შლოსსერი).

ამგვარად ბოჰემიელთა ერის მასსა—მოქალაქეთა დაბალი კლასები, დაბალი სამღვდელოება და მთელი სოფლის მოსახლეობა: გლეხები, რაინდები და მემამულენი, —ყველგან ხვდებოდენ გერმანელებს, როგორც ექსპლოატატორებს ან მეტოქეებს ექსპლოატაციაში. ბრძოლა საეკლესიო ექსპლოატაციის წინააღმდეგ, ერთის მხრით, და საეკლესიო ქონების ექსპროპრიაციის მოთხოვნილება—მეორეს მხრით, გადადიოდა ბრძოლაში გერმანელ ექსპლოატატორთა წინააღმდეგ და გერმანელთა ქონების ექსპროპრიაციის მოთხოვნილებაში.

ამგვარად გაიღვიძა ეროვნული თვითშეგნება მე-XIV საუკუნის ბოჰემიაში. მაგრამ თავის წარმოშობისას ეს შეგნება ყოველ ქვეყანაში თავისებურ ფორმას იღებს მისი წარმოშობიდან განსაკუთრებულ პირობების მიხედვით. იტალიაში და გერმანიაში ეროვნული თვითშეგნება უწინარეს ყოვლისა ამ ერების სახელმწიფოებრივი გაერთიანების წყურვილმა გამოიწვია და იტალიელ პატრიოტებში პაპობის კულტი წარმოშვა, ხოლო გერმანელ პატრიოტებში—ოცნება ძლიერ იმპერიის შექმნაზე. საფრანგეთში და ინგლისში ეროვნული თვითშეგნება გამოიხატა უმთავრესად სიძულვილში მათდამი მტრულად განწყობილ ერისადმი: ბოჰემიაში კი, პირიქით, მან მიიღო თავისებური კლასობრივი სიძულვილის ფორმა.

შეიძლება, განსაკუთრებით მკაფიო გამოხატულება ამ სიძულვილმა ერთს ბეჭდვით ნაწარმოებში იპოვა, რომელიც, მართალია, ჰუსიტურ ომების შემდეგ გამოვიდა (1437 წ.), მაგრამ მაინც სწორათ

გამოხატავს ჰუსიტურ მოძრაობის სულს ეს არის «Kratké sebrání Kronik ceských k wystraze wěrních cechuw, — ჩეხურ ქრონიკების მოკლე კრებული ერთგულ ჩეხების გასაფრთხილებლად».

„ბოჰემიელი, — ნათქვამია ამ ნაწარმოებში, — ფიზიკლად უნდა იდგენ სადარაჯოზე და რამდენადაც კი შესაძლებელია იზრუნონ, რომ გერმანელთა ბატონობის ქვეშ არ მოექცენ; ვინაიდან, როგორც ბოჰემიის ქრონიკები მოწმობს, ეს ერი საშინელი მტერია ბოჰემიელთა და სლავიანთა“. ეს აზრი შემდეგ დასაბუთებულია ჩეხურ ქრონიკებით. კარლოს მე-IV-ემ „რა საკვირველია, აამალა ბოჰემია, გაათართოვა ქალაქი პრაგა, გაავრცელა აქ მეცნიერება და სხვა, მაგრამ იკვივ კარლოსი მფარველობას უწევდა გერმანელებს მთელს სახელმწიფოში. ვინ იყო ბოჰემიის ყველა სამეფო ქალაქში ბურგომისტრებად და რატმანებად? — გერმანელები. ვინ იყვნენ მსაჯულები? — გერმანელები. სად ქადაგობდენ გერმანელებისათვის? — მთავარ საყდრებში. სად ქადაგობდენ ბოჰემიელთათვის? — ეკლესიის ეზოებში და სახლებში. და ეს ეკემიუტანელა საბუთია იმის, რომ მას სურდა გაეცნო ბოჰემია გერმანელებით, რომელთა მოდგმის თვითონ იყო, და განედგენა აქედან ბოჰემიელი; მის დროსვე მოხდა ის, რომ რატუშებში საჩივრების მოსმენა სურდათ არა ბოჰემიურ, არამედ გერმანულ ენაზე“ და სხვა¹).

ყოველივე ნათქვამის შემდეგ ცხადია, რომ ეროვნული ანტიგონიზმი საეკლესიო ანტიგონიზმთან იყო შედუღებული. გერმანელებს ეკუთვნოდა უპირატესი უფლებები კარგ შემოსავლიან ადგილებზე თეთრი სამღვდლოების რიგებში, მონასტრებში, უნივერსიტეტში, რომელიც არსებითად საღვთისმეტყველო დაწესებულება იყო. თუ ჩეხებს სრული საფუძველი ქონდათ იმისთვის, რომ შეეზღუდათ ეკლესიის შემწეობით წარმოებული ექსპლოატაცია, მეორეს მხრით, გერმანელებსაც ქონდათ საფუძველი ამ მისწრაფებათა წინააღმდეგ ბრძოლისათვის. მისწრაფებამ ეკლესიის რეფორმისაკენ, რაც მე-XIV საუკუნეში ყველგან არსებობდა, ჩეხებს შორის ნაყოფიერი ნიადაგი იპოვა; მაგრამ მით უფრო ენერგიულად ებრძოდნენ მას ბოჰემიაში მცხოვრები გერმანელები.

III. ჰუსიტურ მოძრაობის დასაწყისი.

თავისი მთავარი არგუმენტები და მოთხოვნებიანი ჰუსიტურმა მოძრაობამ დასაწყისში ვიკლუფიტებისაგან ისესხა. როდესაც ინ-

¹ Palacky, op. cit., III, 3, გვ: 292, 293.

გლისელ რეფორმატორის მოძღვრებამ ბოჰემიამდე მიაღწია, ჩეხებმა მაგრად ჩაჰკიდეს მას ხელი და გულმოდგინეთ დაიწყეს მისი გავრცელება. ჰუსი ძლიერ დაუახლოვდა ვიკლეთის იდეებს. მაგრამ მაინც ის აზრი, რომ ჰუსიტური მოძრაობა ვიკლეთის მოძღვრებამ წარმოშვა, ძალიან ვადამეტებელია. ცხადია, ვიკლემმა უდიდესად მძლავრი არგუმენტები მისცა ჰუსის მიმდევრებს და დიდი გავლენა მოახდინა მათ მოთხოვნილებათა გამომუშავებაზე; მაგრამ ამ მოძრაობის მიზეზები, მისი ძლიერების წყარო და მიზეზები თვით ბოჰემიის საზოგადოებრივმა პირობებმა წარმოშვა; იგი გარედან შემოტანილი მოძღვრება კი არ იყო, ის ბოჰემიის ნიადაგმა აღმოაცენა. ამ მოძრაობამ თავისი იდეოლოგიები ჯერ კიდევ კარლოს მე-IV-ის დროს წამოაყენა; ეს იყო მილიჩი კრემზირელი და მათე იანოველი; იმ დროს ვიკლეთის თხზულებანი ჯერ ბოჰემიამდის მისული არ იყო, ეს მხოლოდ ვიკლეთის ცხოვრების უკანასკნელ წლებში მოხდა (1380 წლის ახლო).

კარლოს IV-ის შვილი ვენცელი (ვაკლავი; როგორც ბოჰემიის მეფეს მას ვენცელ მე-IV ეთქვა; მეფობდა 1378—1419 წ.წ.) ცდილობდა შეძლების დავეარად შეერბილებინა საზოგადოებრივი წინააღმდეგობანი ბოჰემიაში. ის ძალიან გულგრილად, ზოგჯერ უკმაყოფილოდაც უყურებდა გერმანიის გვირგვინს, რადგან ამ გვირგვინის უკან არაერთი ძალა არ იდგა; ამიტომ მას არაერთი სურვილი არ ქონდა „ხუსური იმპერატორი გამზდარიყო თავის მამასავით. ვენცელი ცდილობდა თავის ხელის უფლებისათვის დაემორჩილებინა ეკლესია და ამ მხრით ჩეხელ პატრიოტებისა და საეკლესიო რეფორმატორების იდეებს თანაუგრძნობდა. მაგრამ ისიც უნდა დარწმუნებულიყო, რომ ბოჰემიის ეკონომიური წარმატება და, მამასადაე, ნაწილობრივ მეფის ძალაც გერმანელებზე იყო დაფუძნებული. და, აი, მთარველობას უწყევდა რა ჩეხ-პატრიოტების მისწრაფებებს, მას ამავე დროს არ სურდა, რომ ამით გერმანელები დაზარალებულიყვნენ.

ამ წინააღმდეგობით აიხსნებოდა ვენცელის მერყევი პოლიტიკა: ის დღეს მთარველობას უწყევდა ჩეხებს და რეფორმის მომხრეებს, — მაგ., საუნციერსიტეტო საკითხებში, ხვალ კი ავიწროვებდა მათ, რაც, თუმცა, ყოველთვის როდი ხერხდებოდა.

გერმანელთა როლი და ძალა თანდათან კლებულობდა ვენცელის მეფობის დროს; მაგრამ მისი მერყევი და წინააღმდეგობით საესე, ხშირად კაპრიზიანი პოლიტიკა თითქმის მისიკვილიამდე აფერხებდა საზოგადოებრივ წინააღმდეგობათა აფეთქებას.

კატასტროფა უფრო გვიან მოხდა, როდესაც ბოჰემიის საქმეებში ჩაერივნენ უცხო სახელმწიფოები, რომელთაც კომპრომისებს და მერყეობას ძლიერი ხელის პოლიტიკა ურჩევნობდათ; სცადეს რა ფეხით გაეთელად ცეცხლი, მათ მხოლოდ იმას მიაღწიეს, რომ ალი მთელს სახლს მოედო.

ანტი-ჰაპურ და ანტი-გერმანულ მოძრაობის უდიდესი ლიტერატურული წარმონაღებელი იყო იან ჰუსი, პრაგის უნივერსიტეტის პროფესორი (1398 წლიდან) და შემდეგ (1402 წლიდან) ბეთლემის ეკლესიის ღვდელი; მას მფარველობას უწევდა ვენცელი, რომელმაც მეფის ასულის, სოფიოს აღმსარებლად დანიშნა იგი. უნივერსიტეტი, რომელიც, როგორც ვთქვით, გერმანელების ხელში იყო, ჯერ ამხედრა ჰუსისა და აგრეთვე ვიკლეფის წინააღმდეგ, რომლის მოძღვრებას ჰუსი აერცვლებდა ბოჰემიაში. უნივერსიტეტმა დაჰკმო ვიკლეფის 45 დებულება, როგორც ერესი.

აკადემიური კამათი თანდათან ეროვნულ დავად გადაიქცა; მაგრამ ჩეხები და რეფორმის მეგობრები სრულიად უმნიშვნელო უმცირესობას შეადგენდნენ. ბოლოს საქმეში ვენცელი ჩაერია; 1409 წელს მან სამი ხმა მისცა ბოჰემიელებს და ყველა დანარჩენ ერებს მხოლოდ ერთი ხმა დაუტოვა. ამის შემდეგ გერმანელ პროფესორთა და სტუდენტთა უმრავლესობამ დასტოვა პრაგა. უნივერსიტეტმა კი მხარი დაუჭირა ჰუსს და თავის რექტორად აირჩია იგი.

მაგრამ ეხლა ჰუსის წინააღმდეგ პრაგის ეპისკოპოსმა და თვით პაპმა გაილაშქრეს. უფსკრული ჰუსსა და ეკლესიას შორის სულ უფრო ღრმავდებოდა. კონფლიქტი განსაკუთრებით გამწვავდა მაშინ, როდესაც პაპმა იოანე მე-XXIII-ემ, რომელიც იმ დროს ფულის საქიროებას განიცდიდა, ინდულგენციებით ვაჭრობა განაახლა (1411 წ.)

1412 წელს ცოდვათა შენდობით ვაჭრობა პრაგაშიაც გაიხსნა. ჰუსი სასტიკად ამხედრდა ამ ვაჭრობის და ექსპლოატატორ პაპის წინააღმდეგ და უკანასკნელი ანტიქრისტედ გამოაცხადა. პრაგაში კათოლიკე-გერმანელებს რამოდენიმე შეტაკება მოუვიდათ ჰუსიტ-ჩეხებთან, რომელნიც სწვავენ პაპის ბულაებს და ემუქრებოდნენ სამღვდელეობას.

უკვე მაშინ იყო ცხადი, რომ ამ ორ ანტაგონისტურ ჯგუფს პირდაპირ ბრძოლაში უნდა გაესწორებიათ თავისი ანგარიში. მაგრამ ვენცელმა აქაც მოახერხა მშვიდობიანობის დაცვა თავისი სასტიკი ნეიტრალიტეტით. მან გადაასახლა ჰუსი პრაგიდან (1412 წ. დეკემბერში), მაგრამ დაუყოვნებლივ იგივე ხვედრი განუშხადა პაპის მომხრე ოთხ ღვთისმეტყველ-ღვდილს. ამავ დროს მან მოსპო გერ-

მანელთა ბატონობა პრაგაში დადგენილებით (1413 წ. 21 ოქტომბრის), რომ ჩეხები ამიერიდან რატმანთა (საქალაქო საბჭოს წევრთა) რიცხვის ნახევარს უნდა შეადგენდნენ.

1414 წელს კონსტანტაში შესდგა დიდი საეკლესიო ყრილობა, რომელზედაც უკვე გვქონდა ლაპარაკი. მის მიზანს პაპის ეკლესიის გაერთიანება და მოწესრიგება შეადგენდა. მაგრამ ყრილობის ამოცანა მარტო ის კი არ იყო, რომ სამი პაპის მაგიერ ერთი ახალი პაპი აერჩიათ, არამედ ისიც, რომ ბოჰემიის ერესი მოეხსოთ. ვენცელის ძმა სიგიზმუნდი, — გერმანიის იმპერატორი 1410 წლიდან (კურფიურსტებმა უკვე 1400 წელს ჩამოაგდეს ვენცელი გერმანიის ტახტიდან) და ვენცელის შესაძლებელი მემკვიდრე ბოჰემიაში, — განსაკუთრებით დაინტერესებული იყო ჰუსიტურ მოძრაობის მოსპობაში: მოძრაობას შეეძლო სრულიად გამოეთიშა ბოჰემია არათუ ეკლესიიდან, არამედ იმპერიიდანაც.

ჰუსს წინადადება მისცეს წარმომდგარიყო ყრილობის წინაშე. იმედებით სავსე გაემგზავრა იგი კონსტანტაში (1414 წ. ოქტომბერში). ჰუსს სიგიზმუნდისაგან მიღებულ ხელუხლებლობის ბარათის იმედი კი არ ქონდა იმდენად, რამდენადაც თავისი საქმის სიმართლე სწამდა.

როგორც მრავლის მრავალი რედოლოგი მანამდის და მას შემდეგ, ჰუსი მხოლოდ უბრალო გაუგებრობას და უმნიშვნელო აზრთა სხვადასხვაობას ხედავდა იქ, სადაც ნამდვილად ღრმა და წარუშლელი საზოგადოებრივი წინააღმდეგობა იფარებოდა. მას ეგონა, რომ საკმარისია გაუგებრობის გამოკეცვა და შემცდარ აზრთა გაბათილება, რომ აშკარა გახდეს მისი იდეების უძლეველი ქვეყნობა. მაგრამ მან ვერ დაარწმუნა წმინდა მამები ვერც სილარბის საკიროებაში ქრისტეს მემკვიდრეებისათვის და ვერც იმაში, რომ საერო თუ სასულიერო ხელმწიფე, — პაპი იქნება ეს თუ მეფე, — ჰყარგავს თავის კანონიერ ხელის უფლებას, რა წამს რაიმე მომაკდინებელ ცოდვას ჩაიდენს.

ამ დემოკრატიულმა დებულებამ სიგიზმუნდიც ააშფოთა.

ის გარემოება, რომ ბოჰემიელნი და უწინარეს ყოვლისა ბოჰემიელი აზნაურები, ჰუსს თანაუგრძობდნენ, მხოლოდ იმას ამტკიცებდა, რომ ეს ადამიანი საშიშარია და რომ საჭიროა მისი უვნებელყოფა.

ყრილობამ სცადა ხანგრძლივი დატუსაღებით და მუქარით აეძულებინა ჰუსისთვის მისი მოძღვრების უარყოფა; მაგრამ ცდა ამაო აღმოჩნდა. მაშინ ყრილობამ შეაჩვენა ჰუსი და მისი მოძღვრება და საერო სასამართლოს გადასცა იგი (1415 წ. 6 ივლისს). სი-

გიზუნდი იმდენად მუხანათი აღმოჩნდა, რომ სიტყვა გასტეხა და ჰესი დასაწვავად გასცა.

ბოჰემიელთა წინაშე დადგა ალტერნატივა: ან აჯანყება ან დამორჩილება. მათ პირველი აირჩიეს.

ჯერ ჰესის გასამართლების დროს ზოგიერთი მისი გაბედული მიმდევარი უყოყმანოდ და საკვეყნოდ გადუღდა ეკლესიას. მათ კვლავ წამოაყენეს ის მოთხოვნები, რომლითაც პირველად მათე იანოველი გამოვიდა:

ერისკაცებმა ზიარება ორივე სახით უნდა მიიღონ. კათოლიკურ ეკლესიაში ერთი ჩვეულება ბატონობდა, რომლის თანახმად ერისკაცებს ზიარების დროს ეძლეოდათ არა პური და ღვინო ერთად, არამედ მარტო პური. ბარძიმის ხმარება მხოლოდ ღვდღეებისათვის იყო ნებადართული. და მოძღვრება, რომელიც სამღვდლოების პრივილეგიების მოსპობას მოითხოვდა, სრულიად ლოლიკურად მოიქცა, როდესაც სასულიერო პირთა პრივილეგიურ მდგომარეობის ამ გარეგნულ სიმბოლოს წინააღმდეგ ამხედრდა. ბარძიმი, ბარძიმი ერისკაცებისათვის, ამ დროიდან ჰესიტების სიმბოლოდ გადაიქცა. შაბლონურ და პოპულიარულ საისტორიო წიგნებში ეს მდგომარეობა ისეა წარმოდგენილი თითქოს გრანდიოზულ ჰესიტურ ომებში არსებითად მხოლოდ ერთი საკითხი წყდებოდა, სახელობრ: ორივე სახის ზიარება უნდა მიეღოთ ერისკაცებს თუ მხოლოდ ერთისა; და „განათლებული გვამები“ სარგებლობენ შემთხვევით კიდევ ერთხელ აღნიშვნის კმაყოფილებით, თუ რა რიგ უგუნური იყო ძველი დროის ხალხი და, პირიქით, როგორი განათლებული ბრძანდებიან ჩვენი დროის თავისუფალი მოაზროვნენი.

მაგრამ ჰესიტურ მოძრაობის ამგვარი ახსნა იმდენადვე ღრმავაზროვანი და დასაბუთებულია, როგორც ის, რომ, მაგალითად, მონავალი დროის ისტორიკოსმა შეჩდევნაირად წარმოადგინოს თანამედროვე რევოლიუციები: იმ დროის, ე. ი. მე-XX საუკუნის ხალხი ჯერ იმდენად უგუნურები იყვნენ, რომ უბრალო ფერებს არაჩვეულებრივად დიდ მნიშვნელობას აძლევდნენ: ყველაზე უფრო სისხლის მღვრელი შეტაკებები მხოლოდ იმისთვის ხდებოდა, რომ გამოერკვიათ, თუ რა ფერი უნდა ყოფილიყო საფრანგეთის აღმნიშვნელი—თეთრი, თეთრ-თიწელ-ცისფერი თუ წითელი, ან ჰუნგრეთის—შავ-ყვითელი თუ წითელ-მწვანე-თეთრი, ხოლო გერმანიაში ისეთი ხანაც კი იყო, რომ შავ-წითელ-ოქროსფერ ლენტის ტარებისთვის კაცს კარგა ხნით ატუსაღებდნენ.

ბარძიმი ჰესიტებისათვის იმგვარსავე როლს თამაშობდა, რო-

გორც დღეს დროშა—სხვა და სხვა ერებისა და პარტიებისათვის: ის იყო არა ბრძოლის ობიექტი, არამედ საომარი დროშა, რომლის გარშემო თავს იყრიდნენ ერები და პარტიები და რომელსაც თავგანწირვით იცავდნენ.

იგივე ითქმის სხვა და სხვა ფორმის ზიარების საკითხზე, რომელიც XVI საუკუნის რეფორმაციის ხანაში დაისვა.

განდგომა კათოლიკურ ეკლესიისაგან, რის სიმბოლოს ბარძიმი წარმოადგენდა, საყოველთაო მოთხოვნილებად გადაიქცა ჰუსის დაწვის შემდეგ. პირველი ნაბიჯი უკვე გადაიდგა და მალე პრაქტიკულ დასკვნის დროც დადგა, — იმ დასკვნისა, რომლის გულისთვის არსებითად მთელი კონფლიქტი ჩამოვარდა. პრაგაში გახშირდა მდაბიო ხალხის აჯანყებები და ეს უბრალო დემონსტრაციები როდი იყო: აჯანყების მიზანი ზოგჯერ თეთრი სამღვდლოებისა და ბერების განდევნა და ეკლესია-მონასტრების გაძარცვა იყო. მაგრამ ყველაზე უკეთ თავად-აზნაურებმა ისარგებლეს ამ მდგომარეობით. ტყუილად კი არ გამხდარან ისინი ჰუსის მოძღვრების მხურვალე პატივისმცემელი. ჰუსის სიკვდილისათვის შურის საძიებლად, — რა თქმა უნდა სარწმუნოებისადმი უანგარო ერთგულების მიზეზით, — მათ ომი გამოუცხადეს ეპისკოპოზებს და მონასტრებს და დაიწყეს, სადაც შეიძლებოდა, საეკლესიო ქონების ჩამორთმევა და მისაკუთრება.

ვენცელი უძლური იდგა ამ ქარიშხალის წინ. ამაოდ მოუწოდებდნენ მას პაპი და სიგიზმუნდი ენერგიულ მოქმედებისაკენ მეთამოხეთა წინააღმდეგ. ვენცელი ყველაზე უფრო გონივრად სთვლიდა ისე მოქცეულიყო, თითქოს სრულიადაც ვერ ამჩნევს, რაც მის გარშემო ხდება.

ბოლოს საქმე იქამდის მივიდა, რომ სიგიზმუნდი ომით დაემუქრა ძმას, თუ ის არ მიიღებდა ზომებს ჰუსიტურ არეულობის წინააღმდეგ. მუქარამ გასჭრა. ვენცელი გაჰოვიდა ჰუსიტების წინააღმდეგ და სცადა განდევნილ სასულიერო პირთა დაბრუნება. პრაგაში ამის გამო აჯანყებამ იფეთქა; მდაბიო ხალხის მასებმა იან უიკას მეთაურობით ხელში ჩაიგდო ქალაქი (1419 წ. 30 ივლისს).

როდესაც თავის ციხე-დარბაზში, ვენცელშტეინში, შეხიზნულ მეფეს მოუვიდა ცნობა აჯანყების შესახებ ის საშინელმა ჯავრმა შეიპყრო და ალბათ ეს იყო იმის მიზეზი, რომ რამოდენიმე დღის შემდეგ ის გარდაიცვალა.

უმეფოდ დარჩენილი ბოჰემია ჰუსიტურ ერისის ქსელში იხლარებოდა.

IV. პარტიები ჰუსიტურ მოძრაობაში.

სანამ ბოჰემიაში ერესებს სდევნიდნენ, მათში თავს იჩენდა მხოლოდ მათი ეროვნული და საეკლესიო მხარეები. მოსახლეობის მასლის, მისი სხვა და სხვა კლასების წინაშე ერთი და იგივე ეროვნული მტერი იდგა; მათ სიძულვილის საერთო ობიექტი აერთიანებდა.

ებლა კი ჭკვეყანამ უკუაგდო საერთო მტერი, „ღვთის წმიდა სიტყვამ“ გაიმარჯვა; და აი ამ დროს აღმოჩნდა, რომ სხვა და სხვა კლასებს თავისი ინტერესების შესატყვისად სხვა და სხვანაირად და ხოჯჯერ ერთმანეთის წინააღმდეგი მნიშვნელობით ესმოდა ეს სიტყვა, თუმცა ცოტა ადრე მას ყველასათვის ერთნაირი შინაარსი ქონდა.

საერთოდ ჰუსიზმში ორი დიდი მიმდინარეობა გაჩნდა. თვითეული მათგანის და აგრეთვე კატოლიციზმის მცირე ნაშთის ცენტრი ბოჰემიაში ერთერთი იყო სამი ქალაქიდან: პრაგა, ტაბორი და კუტტენბერგი.

მალარობის მფლობელ გერმანელებს კუტტენბერგში, ბოჰემიის უდიდეს და უძლიერეს ქალაქში პრაგის შემდეგ, სრული საფუძველი ქონდათ კათოლიკებად დარჩენილიყვნენ. არავინ არ ჰკარგავდა მათზე მეტს ჰუსიტების გამარჯვებისაგან. ამის გამო კატოლიციზმი არსად არ იყო იმდენად ფანატიკური, როგორც კუტტენბერგში. იქ დაუყოვნებლივ სჯიდნენ სიკვდილით ყოველ ჰუსიტს, ვინც კი ხელში ჩაუვარდებოდათ, — და უვარდებოდათ კი ბლოვით. ბოჰემიელნი ირწმუნებოდნენ, რომ კუტტენბერგელებს ჯილდოც ქონდათ დანიშნული ჰუსიტების დაქვრისათვის: სამოცი პრაგული გროში ჩვეულებრივი ერეტიკოსისათვის და სამასი — ერეტიკოს-ღვდლისათვის.

კუტტენბერგის გარდა, კიდევ დარჩა რამოდენიმე — ძალიან ცოტა — ქალაქი, სადაც გერმანელებმა ფეხი მოიკიდეს და სადაც ამიტომ მოსახლეობა კატოლიციზმის ერთგული დარჩა. ამ ქალაქთა უმრავლესობა, სხვათა შორის კუტტენბერგიც, ჰუსიტურ ომების დროს ხელში ჩაუვარდა ჰუსიტებს, რომლებმაც ჩეხურ ქალაქებად აქციეს ისინი. როდესაც კუტტენბერგი საბოლოოდ დაიკარგა კატოლიციზმის საქმისთვის (1422 წ.), კათოლიკურ პარტიის ცენტრი პილზენში გადავიდა.

ამ ქალაქების გარდა ძველი რელიგიის ერთგულება შეინარჩუნა კიდევ თავად-აზნაურთა მცირე რიცხვმა, ნაწილობრივ იმიტომ, რომ იმედი ქონდათ სხვაზე უკეთ მოეწყოთ თავისი საქმეები მეფის კართან, ნაწილობრივ კი იპიტომ, რომ ეზიზღებოდათ უსიტთა შორის წარმოშობილი დემოკრატიული მიმდინარეობა.

მაგრამ თავად-აზნაურთა ზემრავლესობა ჰუსიტთა საქმის ერთ-
 ვული მოკავშირე იყო; მათ მიერ შთანთქელი საეკლესიო ქონება
 ასაზრდოებდა ამ ერთგულებას. თავად-აზნაურობის, განსაკუთრებით
 უმაღლესის, იდეალი არისტოკრატიული რესპუბლიკა იყო მოჩვენები-
 თი მეფის მეთაურობით. რადგან სიგიზმუნდი ამ როლისთვის არ ვარ-
 გოდა, თავად-აზნაურებმა პოლონეთში და ლიტვაში დაიწყეს ძებნა
 ადამიანის, რომელიც მათთვის სასურველ მეფედ გამოდგებოდა. მაგ-
 რამ არც ერთ ხელმწიფეს არ სურდა ამ კერების ბუდეში ჩავარდნი-
 ლიყო.

პრაგელ მოქალაქეთა უმრავლესობაც არისტოკრატიულ პარ-
 ტიის მხარესე იდგა: მართალია, მართვა-გამგეობა ხელში ჩაიგდო
 მდაბიო ხალხმა, რომელმაც მთელ რიგ აჯანყებით განდევნა ქალაქი-
 დან გერმანელი პატრიციები და სამლედლოება. საქალაქო საბჭოს
 გვერდით დაწესდა დიდი თემის საკრებულო, რომელშიაც ხმა ყვე-
 ლას ქონდა, ვისაც დამოუკიდებელი საარსებო წყარო გააჩნდა; რატ-
 მანებს (საქალაქო საბჭოს წევრებს), როგორც სჩანს, ეს საკრებულო
 ირჩევდა.

მაგრამ მალე პრაგაში ახალი უმაღლესი ბურჟუაზია ჩამოყალიბ-
 და. მოქალაქეებმაც, როგორც თავად-აზნაურებმა, ისარგებლეს შემ-
 თსვევით რომ ეკლესიის ქონება გაეტაცათ. ნაძარცვი სიძლიდრე ისე
 დიდი იყო, რომ კარგა ხნის განმავლობაში ჩხუბისა და დავის საგანს
 წარმოადგენდა ორ თემს შორის, რომლისგანაც პრაგა შესდგებოდა,
 — ე. წ. ძველი და ახალი ქალაქის თემებს შორის. ჩამორთმეული ქო-
 ნება, რომელიც იყიდებოდა, იყოფოდა, და იხარჯებოდა და ეკლე-
 სია—მონასტრებიდან გატაცებული სიმდიდრე, — ყოველივე ამან, უე-
 ქველია, საკმაო მასალა მისცა გამდიდრებისა და ამოღებისათვის ისეთ
 პირთ, ვისაც სპეკულიაციის ნიჭი ჰქონდა. ქ. კუტტენბერგის ალების
 შემდეგ მალაროების ექსპლოატაცია პრაგელებს ჩაუვარდათ ხელში
 და მათი შემოსვლის მთავარ წყაროდ გადაიქცა. ამანაც ხელი შეუ-
 წვლო მოხერხებულ სპეკულიანტების გამდიდრებას. ამგვარად შეიქმნა
 ჩიხების ახალი პატრიციატი, რომელსაც მალე თავად-აზნაურებთან
 საერთო სიმპატიები გაუჩნდათ და რომელიც ძლივს ითმენდა „დიდი
 თემის“ ბატონობას.

მაგრამ პრაგის ხელოსანთა და თვით ხალხის დაბალ კლასებ-
 შიაც უნდა გავლიძებულიყო: მალე არისტოკრატიული სიმპატიები.
 პრაგა ფუფუნების ქალაქი იყო. პრაგის მრეწველობა და ვაჭრობა
 იმიტომ აყვავდა, რომ უმაღლესი თავად-აზნაურობა და სასახლის
 წრეები აქ ფლანგავდენ ყველაფერს, რასაც მთელი ქვეყნიდან სწუ-

რავდენ. აკი მოენატრათ როსაელებს ჰაპი, თუმცა თვითონ განდღე-
ნეს იგი; ასევე პრაველებმაც აღიარეს ნეფის ხელის უფლება და ექს-
პლოატატორი თავად-აზნაურობა აუცილებელ პირობად საზოგადოე-
ბის არსებობისა. დემოკრატიული ელემენტი თემში სულ უფრო
სუსტდებოდა, არისტოკრატიული—სულ უფრო ძლიერდებოდა. აჯან-
ყებები, ინტრიგები და უცხოელთა ჩარევა ხან ერთ ამ ელემენტს
აძლიერებდა, ხან მეორეს; მაგრამ, როგორც დემოკრატიების მეგობა-
რი, პრაგა ყოველთვის არასაიმედო მეგობარი იყო, როგორც მტერი
კი—ყოველთვის ძალიან მკაცრი; ხოლო უკანასკნელ ჰუსიტურ ომე-
ბის დროს ის მხოლოდ მტერი იყო დემოკრატიის.

პრაველნი და ჰუსიტი—თავად-აზნაურნი, განსაკუთრებით უმა-
ღლესი თავად-აზნაურნი, „ზომიერ პარტიას“ შეადგენდენ, — „ზომიე-
რი“ ამ პარტიას ალბათ იმიტომ ჰქვიოდა, რომ მისმა წევრებმა არა-
ვითარი ზომა არ იცოდენ საეკლესიო ქონების კონფისკაციაში; მასვე
ეწოდებოდა კალიქსტინელთა ანუ უტრაქვისტთა პარტია. ¹⁾

მათ წინააღმდეგ გამოდიოდა მეორე მიმართულება, რომელსაც
შეიძლება დემოკრატიული ეწოდოს მის შემადგენლობისა და
საერთო ტენდენციების მიხედვით.

განსაკუთრებით მრავალი მიმდევარი ამ მიმართულებამ გლე-
ხობაში იპოვა. გლეხობა მთელს ქვეყანაშიაც უდიდესი კლასის იყო-
თავისი რიცხოვანებით.

ჰუსიტურმა რევოლიუციამ ღრმა უფსკრული გათხარა გლეხო-
ბასა და ფეოდალებს შორის. ჩამორთმეული მიწა-წყალი ვერავითარ
სარგებლობას ვერ მოუტანდა თავად-აზნაურობას, თუ ეკლესიის გლე-
ხები ხარკს არ გადაუხდიდენ მათ და საბატონო სამუშევრებზე ხელს
აიღებდენ. მაგრამ ეს ხალხი იმისთვის კი არ ამხედრებულა ეკლე-
სიის წინააღმდეგ, რომ ერთი ბატონის მაგიერ მეორე, უფრო მკაც-
რი ბატონი შეეძინათ. მათ სურდათ თავისუფალი მესაკუთრენი ყო-
ფილიყვნენ. გლეხობის დანარჩენი ნაწილიც ასე ფიქრობდა. ზედა ფე-
ნებში დაწყებულმა რევოლიუციამ ქვედა ფენებშიაც გამოიწვია რე-
ვოლიუცია. იშლებოდა ყოველგვარი საზღვარი, რომელიც რამოდენი-
მედ მაინც იცავდა ანტაგონისტურ კლასებს მტრულ შეტაკებისაგან:
მოისპო ტრადიციები, რომელიც ერთჯერ შექმნილ ნორმებს უმორ-
ჩილებდა ფეოდალებსაც და გლეხებს; დაემხო მეფის ხელისუფლება,
რომელიც გლეხებისა და ბარონების მორიგებას ცდილობდა შეძლე-

¹⁾ „კალიქსტინელი“ ლათინურ calix-ისაგან წარმოსდგება, რაც ბარძიხს
ნიშნავს; „უტრაქვისტები“ კი იმიტომ ეწოდებოდათ, რომ ზიარებას ორივე
ს ა ხ ი თ ილებდნან ან, ლათინურად sub utraque specie.

ბის დაგვირად. გლეხებმა გაიგეს, რომ თუ მათ ეხლავე არ მოსპვენ თავად-აზნაურთა მთავრობის შექმნის შესაძლებლობა, თუ ეხლავე არ გასტეხეს მათი ძალა, მაშინ მათ განუსაზღვრელ მონობაში ჩავარდებიან. გლეხთა წინაშე არჩევანი იყო: სრული თავისუფლება ან სრული ბატონ-ყმობა.

გლეხებს წვრილი ბურჟუა და პროლეტარები თანაუგრძნობდენ; ჩვენ დაეინახეთ, რომ ასე იყო ნაწილობრივ პრაგმატიკ; მაგრამ ამ მოვლენას განსაკუთრებით წვრილ ქალაქებში ქონდა ადგილი, სადაც მოხერხდა „პატრიციატის“, უმაღლესი ბურჟუაზიის დაძლევა. ყოველი ასეთი ქალაქი გაცილებით უფრო სუსტი იყო პრაგმაზე. მას სატახტო ქალაქსავით არ შეეძლო საკუთარი ძალდონით გამკლავებოდა ექსპლოატაციის უსაზღვრო წყურვილით შეპყრობილ ძლიერ თავად-აზნაურობას. გერმანიის საიმპერატორო ხელის უფლების უძლეურობამ ამაზე ადრეც აიძულა ქალაქები გაერთიანებულიყვნენ კავშირებში ავიაკურ თავად-აზნაურობისაგან თავის დასაცავად; ასე მოიქცენ ეხლა ბოჰემიის წვრილი ქალაქებიც, — გარდა იმ რამოდენიმე ქალაქისა, რომელიც კატოლიციზმის ერთგული დარჩა.

წვრილი აზნაურობა, რომელსაც ეკონომიურად საშუალო მდგომარეობა ეკირა გლეხებსა და უმაღლეს თავად-აზნაურობას შორის, — როგორც ეხლა წვრილ ბურჟუაზიას უკავია კაპიტალისტებსა და პროლეტარებს შორის, — იმდენადვე მერყევი და არა საიმედო იყო, როგორც ამჟამად წვრილი ბურჟუაზიის მასებია. წვრილი აზნაურნი, რომელნიც მსხვილ გლეხებზე მხოლოდ ოდნავ უფრო მაღლა იდგენ, თვითეული ამ მოპირდაპირე ძალთაგანის გამარჯვებით რამეს იძენდენ და ამავე დროს რამეს ჰკარგავენ. გლეხთა განთავისუფლება მათ ემუქრებოდა ხარკისა და საბატონო სამუშევრების გაუქმებით და მასადამე მათი შემოსავლის შემცირებით; მაგრამ მეორეს მხრით უმაღლესი თავად-აზნაურობის დამარჯვება გაანთავისუფლებდა მათ ძალიან საშიშარ მეტოქეებისაგან რომელნიც რაც დრო მიდიოდა სულ უფრო ახაგრავდენ მათ; უმაღლესი თავად-აზნაურების გაძარცვა იმდენადვე სასურველი იყო მათთვის, რამდენადაც გლეხებისათვის. და აი წვრილი აზნაურობის ერთი ნაწილი არისტოკრატიულ პარტიას მიემხრო, მეორე — დემოკრატიულს, მაგრამ უმრავლესობა ხან იქეთ გადაიხრებოდა ხან აქეთ იმისდა მიხედვით, თუ საიდან იყო მოსალოდნელი ამა თუ იმ მომენტში გამარჯვება და დავლა.

იმ რაინდთა შორის, რომელთაც ბოლომდე შეინარჩუნეს დემოკრატიული პარტიის ერთგულება, ყველაზე გამოჩენილი იყო უკვე

ნახსენები ყოველ ტროცნოველი; ის პოლონელებისა და თურქების წინააღმდეგ იბრძოდა, როგორც დაქირავებული მეომარი და შემდეგ — ფრანგების წინააღმდეგ ინგლისელების სამსახურში. თავისი სამხედრო გამოცდილება მან დემოკრატიულ საქმეს მოახმარა და დემოკრატიების ყველაზე უფრო ცნობილი და ძლიერად მდგომარეობილი წინამძღოლი გახდა. დემოკრატებს, რომლებმაც შეუდარებლად ძლიერი არმია შექმნეს, რაზედაც ჩვენ ეხლა გვექნება ლაპარაკი, ყოველ მიემხრო როგორც ჯარისკაცი, და არა როგორც პოლიტიკოსი. როგორც პოლიტიკოსს, მას, მრავალ სხვა რაინდთა და პრაგის წერილ ბურჟუაზიის უმრავლესობის მზგავსად, საშუალო მდგომარეობა ეკირა დემოკრატებსა და კალიქსტინელთ შორის.

ყოველს სიკვდილის შემდეგ მისი პირადმა მიმდევრებმა შეადგინეს საშუალო პარტია ე. წ. „ობოლთა“ პარტია, — ეს სახელწოდება იმას გამოსთქვამდა, რომ მათ დაქარგეს თავისი მამა, ყოველ დემოკრატებმა ტაბორიტების სახელი მიიღეს, — ქალაქ ტაბორისაგან, რომელიც მათ პოლიტიკურ და სამხედრო ცენტრს წარმოადგენდა. მოწინავე მებრძოლნი დემოკრატიულ მოძრაობაში კომუნისტები იყვნენ.

V. კომუნისტები ტაბორში.

ბოჰემიაშიც, როგორც ყველგან, საქონლის წარმოებისა და საქონლით ვაჭრობის განვითარებასთან ერთად კომუნისტური იდეები გაჩნდა. მატყლის მრეწველობის ზრდამ, რაც მე-XIV-ს. პირველად პრაგაში, იგლაუში და პილზენში დაიწყო, სჩანს, ხელი შეუწყო ამ იდეების ჩამოყალიბებას და გავრცელებას.

უკვე 1337 წელს ეხედებით ჩვენ პრაგაში მემართე — ქარგლებს, რომელნიც დამოუკიდებლად ამზადებდნენ მაულს. მაშასადამე, უკვე მაშინ არსებობდნენ, როგორც სჩანს, შედარებით მსხვილი მრეწველნი, რომელთა მიმართ ქარგლებს შინა-მრეწველობის მუშათა მდგომარეობა ეკირათ. (Hildebrand, zur Geschichte der deutschen Wollenindustrie, op. cit. გვ. 104).

გარედანაც მომდინარეობდა კომუნისტურ იდეების გავლენა. ბოჰემიაში ალაგ-ალაგ ბეგპარდები ცხოვრობდნენ (აქ მათ პიკარდები ეწოდებოდა). გერმანელ ხელოსანთა გადმოსახლება, რაზედაც ასე ზრუნავდნენ ბოჰემიის მეფეები, ხელი შეუწყო ბეგპარდთა გავრცელებას.

სჩანს, ჯერ კიდევ პირველი დევნის ხანაში შემოხიზნულან ისი-

ნი სამხრეთ საფრანგეთიდან და აქ, ბოჰემიაში, იფარავდენ თავს და ავრცელებდენ თავის მოძღვრებას¹⁾).

იმ დროს, როდესაც ბოჰემიასა და პაპის ეკლესიას შორის მტრობა ჩამოვარდა და როდესაც ეკლესიის მოწინააღმდეგეებს არათუ ითმენდენ, არამედ პირდაპირ მფარველობასაც უწევდენ ბოჰემიაში, ამ დროს, ცხადია, კომუნისტური ერესიც აღორძინდა და მეზობელ ქვეყნებიდან დევნილი კომუნისტები ბოჰემიაში ეძებდენ შევლას. კომუნისტებს მით უფრო ადვილად შეეძლო განვითარება, რომ ერთის შეხედვით ის სავესებით ეთანხმებოდა სხვა ერეტიკულ მიმართულებებს არგუმენტაციით და ხშირად მოთხოვნილებებითაც: ყველა ეს მიმართულება მოითხოვდა პირვანდელ ქრისტიანობისკენ დაბრუნებას და ქრისტიანული მოძღვრების აღდგენას მისი წმინდა სახით; კამათი ამ მოძღვრების სხვა და სხვანაირ გაგებასთან დაკავშირებით მხოლოდ უფრო გვიან დაიწყო.

როდესაც ეკლესიამ და სახელმწიფომ, იან ჰუსის დაწვით, ომი განოუცხადა ბოჰემიას, ამას შედეგად მოჰყვა საზოგადოებისა და საკუთრების ტრადიციონულ წყობილების მოსპობა საეკლესიო ქონების კონფისკაციით და გაძარცვით. სწორეთ მაშინ დადგა დრო კომუნისტურ სექტების გამოსვლისათვის. მათ აშკარად წამოჰყვეს თავი. მანამდე ისინი ძლივს აჩანებდენ თავის სიცოცხლეს, დამალულნი და უცნობნი, და მხოლოდ რომელიმე ამხანაგის დალატი ამცნობდა ქვეყანას მათს არსებობას²⁾, თუმცა ეს სექტები ამ პირობებშიაც ძლიერ გავრცელდენ მაგრამ ეს მხოლოდ მაშინ გამოირკვა, როდესაც ისინი საქვეყნოდ განოვიდენ.

რა თქმა უნდა, პრაგაში კომუნისტები ძალიან სუსტი იყვნენ,—ან მათი მოწინააღმდეგენი იყვნენ მეტად ძლიერნი,—ამიტომ აქ მათ არ შეეძლოთ ფრთის გაშლა, მაგრამ სხვა მდგომარეობა იყო პატარა ქალაქებში.

დადგა ქრისტეს ათასწლოვანი სამეფო,—ამცნობდენ ქვეყნიერებას კომუნისტი—შქადაგებელნი.

1) F. Bender, Geschichte der Waldenser, გვ. 46 და შემდ.

2) მე-XIV საუკუნის დამლევეში (ბ ე ნ დ ე რ ს ი ა ე ის, ვალდენელთა ისტორია-ნი“, გვ. 47, საიდანაც ეს ცნობები მოგვყავს, უფრო სწორი დატა აღნიშნული არ აქვს; მაგრამ ევეი არაა, ეს ჯერ კიდევ კარლოს IV დროს მოხდა) პიემონტის ველიდან, სადაც ჯერ კიდევ არსებობდა ვალდენელთა თემები, ბოჰემიაში, ამ ქვეყნის ვალდენელებთან მოვიდა ორი ქადაგი; იტალიელნი. ორივე მოალაბე აღმოჩნდა; მათ უჩვენეს კათოლიკურ სამღვდლოებას ადგილი, სადაც ვალდენელი იკრიბებოდენ და ამგვარად სასტიკი დევნა დააწიეს თავის ამხანაგებს.

პრავას, როგორც სოდომს, შიანთქავს ციდან მოვლენილი ცეცხლი; მაგრამ მართალნი სხვა ქალაქებში ჰპოვებენ მფარველობას და ნეტარებას. მოვა ქრისტე თავისი დიდებით და შექმნის სამეფოს, რომელშიაც არ იქნება არც ბატონი, არც ყმა, არც ცოდვა და გაკირვება და არც კანონი¹⁾ არავითარი, გარდა თავისუფალ სულს კანონებისა. ვინც ამ დრომდე მოატანს სამოთხისებურ უმანკობას და უბრუნდება, მას არ ეცოდინება ხორციელი ტანჯვა და მოთხოვნა.

სხვა და სხვა ქალაქში კომუნისტური ორგანიზაციები გაჩნდა. ჩვენ ვერ ვიპოვეთ ცნობები იმის შესახებ სოფლებშიაც არსებობდა თუ არა კომუნისტური ორგანიზაციები. როგორც სჩანს მხოლოდ ქალაქებში მიდგა საქმე კომუნისტურ იდეების განხორციელებამდე. ასეთი ქალაქებიდან განსაკუთრებით აღსანიშნავია პიზეკი, ვოდნიანი და ტაბორი. უკანასკნელში კომუნისტები განუსაზღვრელად ბატონობდნენ.

ტაბორი დაარსდა ქ. აუსტიის ახლო მდინარე ლუენიკზე, სადაც, როგორც აღვნიშნეთ, ოქროს რეცხვა სწარმოებდა. რა საკვირველია, ოქროს მრეწველობას ხელი უნდა შეეწყო აუსტიში ვაჭრობა-მრეწველობისა და მათთან დაკავშირებულ საზოგადოებრივ წინააღმდეგობათა განვითარებისათვის. დანამდვილებით ცნობილია, რომ 1415 წლიდან აუსტიში კომუნისტ-აგიტატორებს მფარველობას უწყევდა ერთი მაუდის მდიდარი მწარმოებელი და მაუდით მოვაქრე, გვარად პიტელი: ეს საფუძველს გვაძლევს ვიფიქროთ რომ მოქალაქეთა შორის მრავალი ფეიქარი ყოფილა. ტაბორის უფრო გვიანდელი მცხოვრებლებიც მეტ წილად ფეიქრები იყვნენ; ამის შესახებ ცნობა მოიპოვება ენეას სილვიუსის ერთ წერილში, რომელზედაც შემდეგ შეეჩერდებით. 1419 წელს, რეაქციის მოკლე პერიოდში ვენცელის დროს, ეს აგიტატორები განდევნილ იყვნენ აუსტიდან, რომელშიაც ძლიერი კათოლიკური პარტია არსებობდა. ისინი დასახლდნენ აუსტიის ახლო მდინარე ლუენიკის პირას, ფართო მალლობზე, რომელიც მდინარეში შექრილ ციკაბო კალთებიან ნახევარ-კუნძულს წარმოადგენდა, ვიწრო ყელით შეერთებულს კონტინენტთან. ეს თითქმის მიუწვდომელი ადგილი მათ ციხეთ აქციეს და სახელად უწოდეს მას ძე-

1) Palaecky, op. cit. III, 2, გვ. 81. მთავარი წყარო, რომლიდანაც ჰალაკი ამოკრეფილი აქვს ცნობები ტაბორის კომუნისტების შესახებ, დაკუთვნილია, სამწუხაროდ, მხოლოდ ბელთანწერის სახით, ეს არის 1.129 წლის პოლემიკური თხზულება ქ. Pribram-ისა ტაბორიტულ ლეღლების წინააღმდეგ: „Prot: kněžim Táborskim“.

ლი აღთქმის ენაზე. -- რომელსაც ისევე დიდათ პატივს სცემდნენ, როგორც შემდგომი დროის გარდამნათელელი და პურიტანები, — ტაბორის მთა. ყოველ მხრიდან მოილტვოდნენ ტაბორისკენ კომუნისტები, რათა დაუბრკოლებლად ემართათ აქ თავისი კრებები. ერთს ასეთ კრებას, 1419 წლის 22 ივლისს, როგორც გადმოგვკემენ, 42.000 კაცი დასწრებია ბოჰემიიდან და მორავიიდან ჩამოსული. მარტო ეს მოწმობს, თუ რა დიდათ ყოფილა გავრცელებული კომუნისტური იდეები.

..თვით კომუნისტთა მოწინააღმდეგენი აგვიწერენ ამ დღეს, როგორც დიადს, სულისა და გულის ამამალლებელ რელიგიურ-იდიოლოგიურ სახალხო დღესასწაულს. ყოველ მხრიდან მომდინარე პილიგრიმების გუნდებს, რომელნიც მწყობრი პროცესიებით ამოდიოდნენ წმ. ბარძიმიტ და დროშებით ხელში, ასეთივე ზეიმით ეგებებოდნენ წინ უკვე მოსულნი, აღტაცებით ესალმებოდნენ და ადგილს უჩენდნენ მთაზე. ყოველი მოსული „ძმა“ ან „და“ იყო, განურჩევლად წოდებისა, სასულიერო პირებმა შრომა გაინაწილეს: ერთნი ქადაგობდნენ გარკვეულ ადგილას, ცალ-ცალკე მამაკაცებისა და დედაკაცებისათვის; მეორენი აღსარებას იღებდნენ; მესამენი აზიარებდნენ ორივე სახით. ასე გრძელდებოდა შუა-დღემდის. შუადღეს კი დაიწყო სადილი იმ სურსათით, რომელიც სტუმრებმა თან მოიტანეს და ერთმანეთში გაინაწილეს; სურსათის ნაკლს სტუმართა ერთ ნაწილში მეორე ნაწილის ნაჭარბი ავსებდა. ტაბორის მთის ძმებმა და დებმა არ იცოდნენ განსხვავება „ჩემსა“ და „შენს“ შორის. რადგან კრების ყველა წევრის გული რელიგიური გრძნობებით იყო სავსე, კეთილი ზნეობა და ზრდილობა ოდნავადაც არ შელახულა; მუსიკის და ცეკვა-თამაშის ხსენებაც არ იყო. დღის დანარჩენი ნაწილი მათ საუბარში გაატარეს: ახალისებდნენ ერთმანეთს ერთსულოვნებაში, ურთიერთ სიყვარულში და „წმიდა ბარძიმიტადმი“ ერთგულებაში; ჰკმობდნენ მოწინააღმდეგეთა პარტიას და გატაცებით მსჯელობდნენ იმის შესახებ, თუ რა გზით უნდა დაებრუნებიათ ქვეყნისათვის „ღვთის სიტყვის“ თავისუფლება. დასასრულ, ერთმანეთს შორის შეკრებილი ფულით უხვად აუნაზღაურეს ზარალი გათელილ ყანების პატრონებს და შშვიდათ დაიშალენ.“

რვა დღის შემდეგ პრაგაში მოხდა აჯანყება, რომელმაც ბოლო მოუღო კათოლიკურ რეაქციას, ვენცელის სიკვდილი გამოიწვია და ჰუსიტურ ომების პრელიუდიად გადაიქცა. საქმე უბრალო დემონ-

სტრაციებით და კომუნისტური პიკნიკებით არ გათავებულა. შეუდგენ კომუნისტურ თემების ორგანიზაციას.

ტაბორიტების პრინციპები გარკვევით გამოუქმულა ერთს თხზულებაში, რომელიც პრაგის უნივერსიტეტმა შეადგინა. თანახმად იმ დროის ჩვეულებისა, პრაგელებსა და ტაბორიტებს შორის ანტაგონიზმის მოსასპობად უნდა გამართულიყო დისპუტი (1420 წ. 10 დეკემბერს). ამ მიზნით პრაგის უნივერსიტეტის პროფესორებმა შეადგინეს საგანგებო მოხსენება ტაბორიტთა მოძღვრების შესახებ. მოხსენება აღნიშნავდა 76 პუნქტს, რომელშიაც, მათი აზრით, ტაბორიტების მოძღვრება ერეტიკული, ან ყოველ შემთხვევაში, შემცდარი იყო. რა თქმა უნდა ამ თეზისების მეტი ნაწილი, ბატონ პროფესორთა გემოვნებისა და მაშინდელ აზროვნების ფორმის შესაფერი-სად, ღვთისმეტყველებითი ხასიათის იყო. მაგრამ ორ თეზისში გამოთქმულია საყვედური ტაბორიტთა რესპუბლიკანიზმისა და კომუნიზმის გამო. ტაბორიტები ქადაგობდნენ:

„და მაშინ არ იქნებიან დედამიწაზე არც მეფენი, არც ბატონები, არც ქვეშევრდომნი, მოისპობა ყოველგვარი გადასახადი და ხარკი, შეუძლებელი იქნება ვისიმე იძულება, რადგან ყველა თანასწორი იქნება, როგორც დანი და ძმანი.“

„როგორც ქალაქ ტაბორში არ არსებობს „ჩემი“ და „შენი“ და ყოველივე საერთოა, ისე მომავალშიაც ყველაფერი საერთო უნდა იქნეს; არავის არ უნდა ექნეს საკუთრება, ხოლო ვისაც აქვს, ის მომაკვდინებელ ცოდვას სჩადის.“

აქედან მათ ის დასკვნა გამოჰყავდათ, რომ ამიერიდან მეფე არ უნდა არსებობდეს, მეფის არჩევა საჭირო არ არის და მართვა-გამგეობა ხალხს უნდა გადაეცეს; რომ უნდა მოისპოს ყველა ბატონები, კეთილშობილნი და რაინდები; რომ უნდა მოისპოს ყოველგვარი სათავადო, საერობო, საქალაქო და საგლეხო სამართალი. როგორც აღამიანთა გამოგონება და არა ღვთის საქმე, და სხვა.

წმინდა საეკლესიო პუნქტები სხვათა შორის შემდეგ მოთხოვნილებებს შეიცავენ: ყველა ტაძრების განადგურება; ტაძრებში ღვთის მსახურების აკრძალვა; წმინდანთა ხატების და ხატებისადმი თაყვანისცემის აკრძალვა; სულთა სალხინებელის დოგმატის უარყოფა და სხვა. ტაბორიტები ჰგომობდნენ აგრეთვე სწავლულობას (ან, თუ გნებავთ, მეცნიერებას):

„ქრისტიანებმა არ უნდა იწამონ ან აღიარონ რაიმე ისეთი, რაც გარკვევით არ სწერია ბიბლიაში და, ბიბლიის გარდა, არ შეიძლება არც კითხვა, არც სწავლა, არც ქადაგება არავითარ სხვა

თხზულებისა: არც წმინდანთა, არც დოქტორების ან რომელიმე მაგისტრის (პროფესორის) თუ საერო ბრძენთა თხზულებებისა, რადგან ისინი ადამიანებია, რომელთაც შეეცდომა სჩვევიათ. ამიტომ ის ადამიანი, რომელსაც შვიდი ხელოვნება შეუსწავლია ან ამ ხელოვნებათა მაგისტრი გაშხდარა ის წარმართის მზგავსია, ის ამაოების კაცია და მომაკვლინებელ ცოდვას იდენს“. ამ მოძღვრებამ განსაკუთრებით აღაშფოთა ბატონი პროფესორები. სხვა გზის ჩვენ უკვე შევჩერდით ქრისტიანულ კომუნისტების დამოკიდებულებაზე მეცნიერებასთან და აუხსენით ეს მოვლენა.

რა თქმა უნდა, კომუნისში იმ ფორმით უნდა განხორციელებულაყო, რომელიც პირვანდელ ქრისტიანობას გადმოუცია და რომელიც იმ დროის წარმოების ხასიათს შეეფერებოდა.

ყოველ თემს საერთო სალარო ქონდა, რომელსაც „კადი“ (kadé) ეწოდებოდა; თემის ყოველ წევრს ამ სალაროში უნდა შეეტანა ყველაფერი, რასაც თავის საკუთრებად სთელიდა. საბუთებში მოხსენებულია სამი სალარო: ერთი ტაბორში, მეორე პიზეკში და მესამე ვოდნიანში. ძმები და დები ჰყიდიდენ მთელ თავის ქონებას და ფული სალაროში შემოქონდათ.

ხსენებული პრიბრამი შემდეგს სწერდა ტაბორიტების წინააღმდეგ დაწერილ თავის 1429 წლის თხზულებში:

„კიდევ ერთი ოინი გამოიგონეს მათ (ტაბორიტთა ღვლღებმა): მათზე მათთან მოსულ ხალხს ისინი უბრძანებდენ ქალაქ პიზეკში, რომ ყველას ჩამოეწყო თავისი ნიეთები; შემდეგ გამოჰქონდათ ერთი ან ორი კადი და აავსებდენ მას თავამდის. ამ სალაროს გამგე იყო უსინიდიისო მათე ლაუდა პიზეკიდან; ის და სხვა სალაროს ზედამხედველნი, ღვლღებთან ერთად, არც თუ ღიდათ ზარალობდენ სალაროს მოვლა-პატრონობისაგან. ამ საზიზლარ საქმიდან სჩანს, თუ რა ურცხვად ართმევდენ ისინი ხალხს მის ქონებას და შემოსავალს და როგორ მდიდრდებოდენ და სუქდებოდენ ისინი ამით“.

თვით პალაკი თანახმაა, რომ ეს საზიზლარი ცილისწამებაა.

ბობოლა ექსპლოატატორებს და მათ დამცველთ, რომელთა რიცხვს ეს ყოჩალი პრიბრამიც ეკუთვნოდა, სჩანს უკვე ხუთასი წლის წინად, როგორც დღეს, კარგათ ემარჯვებოდათ ჩაგრულთა ბელადებზე ქორის გავრცელება, თითქოს ისინი „მშრომელთა გროშებით“ სუქდებიან, და მართლაც რომ „გასუქებულ“ ექსპლოატატორებს მაშინაც ისევე კარგათ ეხერხებოდათ აღშფოთება მუშათა გროშებით გასუქების გამო, როგორც ამჟამად.

მაგრამ, რა რიგ პატიოსანი და უანგარო არ უნდა ყოფილიყო

წენ ამ სალაროების გამგენი. კომუნისმის ეს სახე დიდ ხანს ვერ იხეირებდა. ტაბორიტებთან მისი გამძლეობა უფრო ნაკლებიც უნდა ყოფილიყო, ვიდრე პირვანდელ ქრისტიანებთან: ტაბორიტთა მთავარ ნასსას შეადგენდნენ არა პროლეტარები მათხოვრული სულისკვეთებით, არამედ მუშები რომელნიც არსებობდნენ და სურდათ არსებობა საკუთარი შრომით და არა მდიდართხ წყალობით. იმ დროს, როდესაც წარმოება ხელოსნობისა და წვრილი მიწათმოქმედების საფეხურზე იდგა, პროლეტარული შრომა შეუძლებელი იქნებოდა, ყველას რომ გაეყიდა თავისი საწარმოვო საშუალებანი და ფული საერთო სალაროში შეეტანა მოხმარების საშუალებათა შესაძენად. ჩვენ არ ვუიქრობთ, რომ ამგვარ პრაქტიკას საყოველთაო ხასიათი ქონდა როდისმე ტაბორში: ეკვი არაა, რომ იგი მალე უარყვეს. ნამდვილად კომუნისმის მათთან იგივე ფორმა ქონდა, რაც პირველ ქრისტიანებთან: ყოველი ოჯახი თავისი თავისი მუშაობდა და მხოლოდ ზედმეტი (ნაკარბი) პროლეტარული შექმნდა საერთო სალაროში.

მაგრამ ასეთი კომპრომისიცი ერთსულოვნად როდი იყო მიღწეული; მან პროტესტი გამოიწვია ზოგიერთ რადიკალურ კომუნისტებთან მხრით. რა თქმა უნდა, იმ დროის პირობებში მარტო მოხმარების საშუალებებზე სათეწო საკუთრების სხვა რომელიმე ფორმის განხორციელება შეუძლებელი იყო, ან, თუ შეიძლებოდა, - მხოლოდ მცირე ხნით. ამიტომ უკიდურესი კომუნისტები მოითხოვდნენ სრული კომუნისმის შემოღებას და ოჯახის მოსპობას. უკანასკნელი შესაძლებელი იყო ორნაირად: ცელიბატის (უქორწინობის) შემოღებით ან მკვიდრი მონოგამიური ქორწინებისა და ოჯახის გაუქმებით, ე. ი. დედაკაცთა საზიარობის (ერთობის) შემოღებით. უკიდურესმა კომუნისტებმა უკანასკნელი ფორმა არჩიეს, რადგან უკვე მათი მტრობა კათოლიკურ ეკლესიასთან და ბერობასთან ქმნიდა მათში სიძულვილს ცელიბატისადმი.

იმ დროის ეკონომიურ განვითარების საფეხურზე ასეთი დასკვნა კომუნისმიდან ჩვენთვის არ წარმოადგენს რაიმე ახალს. ჩვენ ამ მოვლენას შევხედით პირვანდელ ქრისტიანობაში; როდესაც მონასტრულ კომუნისმზე ვლაპარაკობდით ჩვენ ის უფრო დაწვრილებით განვიხილეთ და დავრწმუნდით, რომ დედაკაცთა საზიარობა, როგორც აგრეთვე ბერ-მონაზონთა ცელიბატი, იყო არა „შეცდომა“ ადამიანის გონებისა, არამედ აუცილებელი შედეგი გარკვეულ საზოგადოებრივ ურთიერთობისა.

უკიდურეს კომუნისტთა მისწრაფებანი განსაკუთრებით მკაფიოდ გამოიხატა „თავისუფალი სულის დან-ძმათა“ სექტაში, რომელსაც ჩვენ

ზემოთ გავეცანით. ეს სექტა ბოჰემიაშიაც გაჩნდა, და როდესაც იქ პიკარდებზე (ბეგჰარდებზე) ლაპარაკობდნენ, მხედველობაში ჰყავდათ თითქმის მარტო ამ სექტის წარმომადგენლები. ამ სექტის მოძღვრების მთავარი მქადაგებელი იყო გლეხი ნიკოლოზი (ნიკოლაი); ამიტომ „თავისუფალი სულის დან-ძმათა“ სექტის ჰუსიტურ ნაწილს ნიკოლაიტებს უწოდებდნენ. მაგრამ განსაკუთრებით ცნობილი იყო ამ სექტის ის წარმომადგენლები, რომელთაც ადამიტები ეწოდებოდათ: ადამიტურ მდგომარეობას, — მე-XVIII საუკუნეში „ბუნებრივ მდგომარეობას“ იტყოდნენ. — ისინი უყურებდნენ როგორც სამოთხისებური უმანკოების ვითარებას. გადმოგვეცემენ, რომ თავის საკობეზლო ადგილებში, რომლებსაც პარადიზები ჰქვიოდა (პარადიზ-სამოთხე). ისინი შიშველნი მოდიოდნენ. ჩვენ ვერ ვიტყვივით დანამდვილებით უბრალო ქორზეა დაფუძნებული ეს ცნობა თუ განზრახ ცილისწამებაზე.

ადამიტები ცხოვრობდნენ მდინარე ლუენიკის ერთ კუნძულზე, — მოგვითხრობს ენეას სილვიუსი. დადიოდნენ შიშველნი. ყოველთვის ასე დადიოდნენ, თუ რაიმე განსაკუთრებულ შემთხვევებში, — ამას, სამწუხაროდ, არ გვეუბნება. „ისინი ცოლთა საზიარობაში ცხოვრობდნენ (*connubia eis promiscua fuere*); მაგრამ მათ აკრძალული ქონდათ ღედაკაცთან კავშირის დაქერა მამასახლისის, ადამის, ნებადაურთველად. როდესაც ვინმე მათგანს ღედაკაცთან კავშირის დაქერა მოესურვებოდა, ის წაიყვანდა ქალს მამასახლისთან და იტყოდა: „ამ ქალის სიყვარულით ამენთო გული“-ო. მამასახლისი უპასუხებდა: „წადით, განაყოფიერდით, გამრავლდით და მოაშენეთ ღედა-მიწა“-ო¹⁾.

ასეთი უარყოფა ქორწინების და ოჯახისა სრულად არ ეგუებოდა მე-XI საუკუნის ზნეობრივ შეხედულებებს; იმ დროის წარმოების წესი და სხვა საზოგადოებრივი პირობები მოითხოვდა მონოგამიურ ქორწინებას და ოჯახს, ამ ძველის დროიდან გადმოცემულს და საზოგადოებრივ შეგნებაში ღრმად ჩანერგილ ინსტიტუტს. ქორწინების და ოჯახის უარყოფა იმ დროინდელი კომუნიზმის ლოლიკური შედეგი იყო; და თუ ის საზოგადოებრივ შეგნებაში ვერ თავსდებოდა, ეს მხოლოდ იმის მაჩვენებელი იყო, რომ თვით კომუნიზმს არ გააჩნდა საძირკველი საზოგადოებრივ წესწყობილებაში; სწორედ აქ არის იმის საბუთი, რომ იმ დროის კომუნიზმი მკირვ კორპორაციებისა და თემების ვიწრო ფარგლებით შეზღუდული უნდა დარჩენილიყო. ტაბორიტთა მასსა უმკაცრესად წინააღმდეგ უკიდურესი კომუნიზმის იღებეს.

¹⁾ Aeneas Sylvius, op. cit. გვ. 109.

აშკარა კონფლიქტი ამ ორ მიმართულებას შორის მოხდა უკვე 1421 წლის გაზაფხულზე. 29 იანვარს ერთმა რაინდმა შეიპყრო ღვედელი მარტინეკ ჰაუსკა, ერთერთი წარმომადგენელი უკიდურეს კომუნისმისა, ¹⁾ მაგრამ თავისი მეგობრების რჩევით ისევ გაანთავისუფლა. წინანდელზე უფრო მხურვალედ დაუბრუნდა მარტინეკი თავისი მოძღვრების ქადაგებას, და მის მიმდევართა რიცხვი ისე სწრაფად გაიზარდა, რომ ტაბორიტთა ეპისკოპოსმა, ნიკოლოზმა, პრაგას მიმართა დახმარებისათვის. მაგრამ კომუნისტურმა ერესმა პრაგაშიაც იპოვა ნიადაგი. ქალაქის საბჭომ დაუყოვნებლივ მიიღო სასტიკი ზომები მის წინააღმდეგ და, იმ დროის მშვენიერ ჩვეულების თანახმად, სიკვდილი მიუსაჯა—დასწვა ორი მოქალაქე ერეტიკოსობისათვის. ამავე დროს ტაბორში სრული განხეთქილება მოხდა ორ მიმართულებას შორის; უმცირესობაში დარჩენილი უკიდურესი კომუნისტები, 300 კაცამდე, განდევნილ იქნენ ტაბორიდან; ისინი ტყეში შეიხიზნენ, მდინარე ლუჟნიკის მიდამოებში.

მარტინეკმა დასთმო და უარჰყო თავისი „ერესი“. მაგრამ მისი ამხანაგები ვერ დაიყოლიეს. მათ წინააღმდეგ გამოვიდა ეიჟკა, რომელიც გულში პრაგელებს თანაუგრძნობდა; ტაბორიტების მიერ დაგმობილ „პიკარდულ“ ერესს უდიდესი ზიზღი უნდა გამოეწვია მასში. ეიჟკა თავს დაესხა „პიკარდებს“ ტყეში და რამოდენიმე მათგანი ტყვედ წამოიყვანა. როდესაც მათ კატეგორიულად უარჰყვეს „შეცდომის“ ცნობა, ისინი—ორმოცდაათი კაცი—დასწვეს ეიჟკას ბრძანებით. მოცინარე სახით ავიდნენ ისინი კოკონზე.

მარტინეკმა კი, რომელიც ეხლა ცუდად გრძნობდა თავს ტაბორიტთა შორის მორაგებაში წასვლა განიზრახა. მაგრამ გზაზე, ხრუდი-უმში, იგი შეიპყრეს მის თანამგზავრ პროკოფ ცალთვალასთან ერთად და რაუნდიციის არქიეპისკოპოსს მიჰგვარეს. ეიჟკას სურდა, რომ ტუსალები პრაგაში გაეგზავნათ და იქ დაეწვათ სამაგალითოდ. მაგრამ პრაგის რატმანებს (ქალაქის საბჭოს წევრებს) ეშინოდათ მდამიოხალხის, რომელშიაც მარტინეკის მიმართულებას მრავალი მიმდევარი ჰყავდა. ამიტომ მათ გაგზავნეს რაუნდიცში ჯალათი, რომელმაც იქამდის აწამა ტუსალები, სანამ რამოდენიმე პრაგელი ამხანაგის სახელი არ ათქმევინა. ამის შემდეგ მარტინეკი და პროკოფი კასრებში ჩასპედეს და დასწვეს (1421 წ. 21 აგვისტოს).

მაგრამ პიკარდთა ერესი ვერ მოსპეს. ადამიტების ერთი ჯგუფი მდინარე ნეჟარკის ერთ კუნძულზე გამაგრდა. ეიჟკამ გაგზავნა მათ.

¹⁾ სწავთა შორის ის ცდილობდა ძმათა საზოგადო ტრაპეზები შემოელოპირეოდ საუკუნეთა ეკლესიის მზავსად.

წინააღმდეგ 400 შეიარაღებული კაცი. ადამიტები მედგრად იცავდნენ თავს; მრავალი თავდამსხმელი მოჰკლეს კიდევ, მაგრამ ბოლოს დამარცხდნენ, რადგან მოწინააღმდეგეს მეტი ძალა ჰყავდა. ვინც მანვილს გადაურჩა, დაიღუპა ცეცხლში (1421 წ. 21 ოქტომბერს).

ამგვარად კომუნიზმის უკიდურესი მიმართულება საბოლოოდ დამარცხდა. ის გარემოება, რომ მას ასეთმა უმნიშვნელო სამხედრო ძალამ მოუღო ბოლო, მოწმობს იმას, რომ ეს მიმართულება დიდი არ იყო არც რაოდენობითად და არც გავლენით. და, მართლაც მხოლოდ ძალიან მცირე რიცხვს მეტის მეტად გაბედულ ან მეტის მეტად ცალმხრივად გატაცებულ ადამიანებისას შეეძლო ასე შორს გადაეღახა თავისი დროის ფარგლები. ეს მოვლენა ძალიან საინტერესოა კომუნისტურ იდეების ისტორიისათვის, მაგრამ ისტორიული მნიშვნელობა მას არ ქონდა.

ადამიტები დამარცხდნენ და უძლური იყვნენ. მაგრამ ეჩქვან, რომელიც განსაკუთრებული სიძულვილით სდევნიდა მათ, ვერ შესძლო მათი სრული განადგურება. სექტის ნაშთი კიდევ არსებობდა ტაბორიტებს შორის. მე-XX საუკუნის უკანასკნელ წლებში მან კვლავ აიმაღლა თავი და სცადა გაერთიანება ბოჰემიელ ძმებთან, რომელთა შესახებ შემდეგ გვექნება ლაპარაკი.

ადამიტთა დამარცხების შემდეგ ტაბორში არ გამეორებულა კომუნიზმის უფრო რადიკალური ფორმის განხორციელების ცდა. მისი უფრო ზომიერი ფორმა კი, — კომუნიზმი უფრო განზრახვით, ვიდრე ნაშედეგი, — თითქმის მთელი თაობის განმავლობაში სულდგმობდა.

მაგრამ რას ხმარდებოდა საზოგადო საღაროების შემოსავალი ან, უფრო სწორად რომ ვთქვათ (რადგან თემის შემოსავალი მეტწილად პროდუქტებისაგან შესდგებოდა), რას ხმარდებოდა საზოგადო საწყობებში დაგროვილი მარაგი?

პირველ საქრისტიანო თემებში წევრთა ერთი ნაწილის ქარბი პროდუქტი წევრთა მეორე ნაწილის, ლარბი წევრთა საპირობას ხმარდებოდა. ტაბორში არ შეიძლებოდა ასე ყოფილიყო. იქ თემის ყველა წევრს თავიდანვე სრულიად თანასწორი, — ან თითქმის თანასწორი, — პირობები ქონდათ არსებობისათვის. ეს თანასწორობა მთლიანად უფრო ადვილად იქნა მიღწეული, რომ ეკლესიისაგან და შემდეგ დარბეულ ქალაქებისა და ბატონებისაგან ჩამორთმეული ქონება და

დავლა სრულიად საკმარისი იყო იმისთვის, რომ ყოველ წევრს რიგიანი მეურნეობა მოეწყო¹⁾.

ღარიბთა დახმარებაზე ტაბორიტები არაერთაბარ ხარჯს არ სწევდნენ. სამაგიეროთ ღვდლებზე იყო საკურო ზრუნვა. სასულიერო არისტოკრატია, რომელსაც საკუთარი დოვლათი ჰქონებოდა, მათ არ უპედათ. ყოველ ერისკაცს შეეძლო ღვდელი გამხდარიყო: ღვდლებს თემი ირჩევდა, ღვდლები კი, თავის მხრივ, ეპისკოპოზებს ირჩევდნენ. ეკონომიურად ღვდლები დამოკიდებული იყვნენ თემზე, რომელიც მათ არჩენდა. მათი ფუნქციები, როგორც საზოგადოთ საშუალ--საუკუნეთა სამღვდლოების ფუნქციები, ეხლანდელ სახელმწიფოებრივ და კომუნალურ მოხელეებისა და მასწავლებლების ფუნქციებს შეეფერებოდა. ისინი სამართალს იღებდნენ, საზოგადოებრივ დაწესებულებებს განაგებდნენ და შუამავლობას სწევდნენ თენთა ურთიერთ დამოკიდებულებაში და მათ დამოკიდებულებაში გარეშე სამყაროსთან. მათს ერთ-ერთ მთავარ ამოცანას ბავშვთა სწავლა და აღზრდა წარმოადგენდა. ტაბორიტები ძალიან სერიოზულად ექცეოდნენ საყოველთაო განათლების საქმეს. ეს მოვლენა განსაკუთრებით მათ ახასიათებდა და არც ერთ სხვა ქვეყანაში იმ დროს არ არსებობდა. ამ მხრით ტაბორიტებს მხოლოდ „საერთო ცხოვრების ძმები“ შეიძლება შევადაროთ. მაგრამ უკანასკნელთა მოღვაწეობას სულ სხვა ხასიათს აძლევდა მათი კათოლიკურ---ბერული ტენდენციები. რა თქმა უნდა, ტაბორიტთა მოღვაწეობა განათლების დარგში თავისი დროის ნიშანს ატარებდა. ის უმთავრესად ღვთისმეტყველებითი იყო.

ენეას სილვიუსმა სთქვა ერთხელ: „იტალიელ ღვდლებს უნდა სცხევნოდეთ; ეკვი არაა, რომ არც ერთ მათგანს ერთჯერაც არ წაუკითხავს ახალი აღთქმაც კი. ტაბორში კი, პირიქით, დედაკაცსაც ვერ ნახავ ისეთს, რომელსაც რიგიანად არ ქონდეს შესწავლილი ააალი და ძველი აღთქმა“. მეორე ადგილას სილვიუსი შენიშნავს: „ამ ბოროტ ადამიანთა მოღვმას მხოლოდ ერთი რამ აქვს კარგი,-- მას ძლიერ უყვარს განათლება (literas)“.

ერთის შეხედვით ძნელი წარმოსადგენია--როგორ ეგუებოდა ეს მზრუნველობა სახალხო განათლებაზე ტაბორტთა იმ ანტიპატის ნეცნიერებისადმი. რასაც მოწმობს ზემოდ აღნიშნული ფაქტები და

1) თვით არისტოკრატულ პრაგის შესახებ არსებობს ცნობა, რომ დიდმა ენეამ, ე. ი. სახალხო კრებაში, ჩაჰოართვა მოწინააღმდეგებს შენობები, ვენახები და სხვ. და გადასცა ეს ქონება კეთილი საქმის მომზრებას. რა თქმა უნდა, „პატრიარქი“ ქალაქის საბჭო წმირად ისევ ართმევდა უკანასკნელთ ამ ქონებას (შეად. P. Latacky, op. cit., III, 2, გვ. 281).

გარდა ამისა ის გარემოებაც, რომ თავის თანამოაზრე სწავლულ პირთ ტაბორიტები უბრალო ხელოსნობას აეალებდენ. მაგრამ ეს მხოლოდ მოჩვენებითი წინააღმდეგობაა. ტაბორიტებს სძულდათ მდაბიო ხალხისაგან მოწყვეტილი მეცნიერება, ხალხისადმი მტრულად განწყობილი, მეცნიერება, რომელიც ექსპლოატატორთა იარაღად და უმადლეს წოდებათა პრივილეგიად იყო გადაქცეული და რომელიც იმ დროის წარმოების პირობებში საყოველთაო თანასწორობას ვერ შეეგუებოდა. წვრილი გლეხური და ხელოსნური წარმოება იმდენ დროს და ძალას ართმევდა მუშებს, რომ მათთვის სრულიად მიუწვდომელი ხდებოდა განათლების რამდენადმე მაღალი დონე, სანამ იმ საზოგადოებრივი კლასის წევრები რჩებოდნენ, რომელსაც თავიდანვე ეკუთვნოდნენ. და, პირიქით, სწორეა თანასწორობის მცნება იყო, რომ ყველასათვის მისაწვდომი გამხდარიყო განათლების ის დონე, რომლის მიღწევა შესაძლებელია ყველასთვის თანაბრად.

ტაბორიტთა სიძულვილი მეცნიერებისადმი იმ დროის ეკონომიურ პირობების ნაყოფი იყო. ხოლო მათი მხურვალე თანაგრძნობა განათლებისადმი შეეფერებოდა მათს მისწრაფებას თანასწორობისაკენ. და სრულიადაც შემთხვევითი არაა, რომ თანამედროვე სასკოლო პედაგოგიკის მამამთავარი, პატივცემული კომენსკი (Comenius), ტაბორიტთა მემკვიდრეების,— ბოჰემიელ ძმათა, ეპისკოპოზი იყო.

სამხედრო საქმეს ტაბორიტებისათვის კიდევ მეტი მნიშვნელობა ქონდა, ვიდრე განათლების საქმეს. პატარა თემს, რომელმაც ომი გამოუცხადა მთელს არსებულს საზოგადოებას, მხოლოდ მანამდის შეეძლო დაეცვა თავისი პოზიცია, სანამ ომის ასპარეზზე იქნებოდა დაუძლეველი. ტაბორს არ მოსწრებია მშვიდობიანობა და დროებითი ზავიც არ უნახავს. ტაბორიტთა საზოგადოება ვერ ეგუებოდა გაბატონებულ კლასსთა ინტერესებს. მაგრამ მის ძალას გადაწყვეტი გამარჯვება არ შესწევდა. მას შეეძლო მრავალჯერ დაემარცხებინა მტერი, მაგრამ მისი განადგურება შეუძლებელი იყო, რადგან მტრის ძალას არსებულ საზოგადოების ეკონომიური პირობები ასახრდობდა. ტაბორის კომუნიზმი მხოლოდ ხელოვნური ნამყენი იყო იმ დროის ეკონომიურ წყობილებაზე.

მუდმივი ომი ტაბორიტთა ხედრი იყო; მათი დიდება ამ ომშია, მაგრამ ომშივე იყო ტაბორიტთა ბედისწერაც.

ტაბორიტთა მთელი ორგანიზაცია ომის მოთხოვნილობებს შეეწყო. ისინი ორგვარ თემებად გაიყვნენ: საეკლესიო (სამხედრო) და საშინაო თემებად. უკანასკნელ თემების წევრნი შინ

რჩებოდენ და მუშაობდენ თავისთვის და საველე თემებისთვის. საველე თემების წევრნი კი მხოლოდ სამხედრო საქმეებში იყვნენ ვართული. ისინი მუდამ შეიარაღებული იდგენ. დედააკებით და ბავშვებით გამოდიოდენ ისინი მტრის წინააღმდეგ, როგორც ძველი გერმანელები, რომელთაც ტაბორიტები არ ჩამოუარდებოდენ არც ბარბაროსული სიმკაცრით, არც შეტევის ბარბაროსული სიცხარით. თემები, ალბათ, ერთმანეთს სცვლიდენ: ველიდან მოსულნი ხელოსნობას უბრუნდებოდენ, წინანდელი ხელოსნები კი მათ ადგილს იკერდენ; ჩვენ ვამბობთ „ალბათ“ იმიტომ, რომ ამის, როგორც მრავალ სხვა საკითხის შესახებ, ჩვენ სამწუხაროდ, პირდაპირი საბუთები არ მოგვეპოება. ჩვენ კარგათ ვიცნობთ ტაბორიტთა სამხედრო მოქმედებას, მაგრამ ძალიან ცოტა ცნობა გვაქვს მათი შინაგან ორგანიზაციის შესახებ.

საველე თემების ორგანიზაციამ დიდი მნიშვნელობა მიიღო სამხედრო საქმის ისტორიაში. მუდმივი ლაშქრის შემომღებად საშუალო საუკუნეების დამლევი ჩვეულებრივად საფრანგეთის მეფეს კარლოს მე-IV-ის სთვლიან, რომელმაც მე-XV საუკუნის შუა წლებში მუდმივი სამხედრო ძალა შეადგინა თუთხმეტი გუნდი დაქირაებულ ჯარისკაცისაგან. ნამდვილად კი პირველი მუდმივი ლაშქარი ტაბორიტთა საველე თემებმა შექმნეს; თანაც მათ ის უპირატესობა ქონდათ საფრანგეთის ხსენებულ სამხედრო ორგანიზაციის წინაშე, რომ მათი სამხედრო ძალა დაფუძნებული იყო არა ქირაზე (საფრანგეთში მეტ წილად უცხოელებს ქირაობდენ—შვეიცარიელებს და გერმანელებს), არამედ საყოველთაო სამხედრო ბეგარაზე.

ამ ორგანიზაციით აიხსნება ტაბორიტების დიდი უპირატესობა იმში მათ მოწინააღმდეგებთან შედარებით.

იმ დროის ჯარს სრულიად არ ქონდა დისციპლინა და მწყობრი (მანიოვრული) მოქმედების უნარი. ან კი საიდან უნდა შეეძინა ეს თვისებები იმ ვასსალებისა და დაქირაებულ ჯარისკაცების ბრბოს, რომელსაც დღეს იწვევდენ და ხვალ ითხოვდენ, თუ საკმარისი ფული არ აღმოჩნდებოდა ან სხვა რაიმე დაბრკოლება წარმოდგებოდა.

ძველი რომის იმპერიის დროიდან ტაბორიტთა ჯარი იყო პირველი მწყობრი სამხედრო ორგანიზმი. იგი რამოდენიმე ნაწილისაგან შედგებოდა სხვა და სხვაგვარი შეიარაღების მიხედვით; იგი კარგათ იყო მომზადებული რთულ მანიოვრებისათვის, ხერხიან მოძრაობისა და გადაჯგუფებისათვის, სასტიკად ემორჩილებოდა ერთი ცენტრის ბრძანებებს და მუდამ მთლიანი რჩებოდა ყოველგვარ მოძრაობაში.

ტაბორიტებმავე შეისწავლეს პირველად არტილერიის მიზანშეწონილი ხმარება ბრძოლაში; ბოლოს, მათვე გამოიმუშავეს ყველაზე ადრე ნწყობრი მარშით მოძრაობის ხელოვნება. მარტო თავისი სწრაფი მარშის წყალობით დაამარცხეს მათ რამოდენიმეჯერ მტრის ზღოზინა ლაშქარი.

მთელს ამ დარგში ისინი იყვნენ სამხედრო საქმის უახლესი ორგანიზაციის (საშუალ საუკუნეების სამხედრო ორგანიზაციასთან შედარებით) შემომქმედნი.

შიძლება ითქვას, რომ სამხედრო საქმეში, როგორც მრავალ სხვა დარგში, ყოველი დიდი ნაბიჯი წინ სოციალურ რევოლუციის შედეგია, და რომ უდიდესი სარღლები ამ უკანასკნელი 500 წლის განმავლობაში ის პირნი იყვნენ, ვინც სოციალურ გადატრიალების ეპოქებში ცხოვრობდნენ და ყველაზე უკეთ შესძლეს რევოლუციასთან დაკავშირებულ სამხედრო საქმის ტექნიკური წარმატების გაგება და გამოყენება: ასეთი იყვნენ ჟიჟაკა, კრომველი, ნაპოლეონი.

ტაბორიტთა სიმხნეს ომში აორკეცებდა მათი აღფრთოვანება და უშიშროება სიკვდილის წინაშე: მათ არ იცოდნენ არც კომპრომისი, არც მერყეობა ერთხელ არჩეულ გზაზე. ან გამარჯვება ან დაღუპვა, — სხვა გამოსავალი მათთვის არ არსებობდა. ან თავ-აღებულმა მემორებმა თავისი სამხედრო ტერორიზმით დაღუპვისაგან იხსნეს ჰუსიტური რევოლუცია, როგორც 1793 წლის სანკიულოტებმა თავისი ტერორიზმით 1789 წლის რევოლუცია გადაარჩინეს.

VI. ტაბორის დაღუპვა.

როდესაც ვენტელი მოკვდა, კალიქსტინელებმა, — ჰუსიტ — თავად — აზნაურებმა და პრაველებმა, — მოლაპარაკება ჩამოაგდეს სიგიზმუნდთან. მათ მოსვენებას არ აძლევდა იმის შეგნება, რომ ისინი ერთ და იმავე დროს პაპსაც ებრძვიან და იმპერატორსაც, იბრძვიან არსებითად მთელი ევროპის წინააღმდეგ. კომპრომისი მით უფრო სასურველი იყო მათთვის, რომ ტაბორი საზარელ ძალად გადაიქცა. რომ სადავო საკითხი ყოფილიყო მხოლოდ ბარძიმი ერისკაცებისათვის. კომპრომისი, ცხადია, ძალიან ადვილად იქნებოდა მიღწეული. მაგრამ საქმე გაცილებით უფრო დიდ საგნებს ეხებოდა: ფულს და ეკლესიის ქონებას, ამაზე კი შეთანხმება არც ისე ადვილი იყო. ეკლესია და მისი მოსამსახურე სიგიზმუნდი ისევე შეურიგებელნი დარჩნენ, როგორც ტაბორიტები. დაიწყო სამკედრო — სასიცოცხლო ბრძოლა: კალიქსტინელთა პარტია, რომელმაც ეკლესია გაძარცვა, იძულებული

გახდა კავშირი დაეჭირა ტაბორიტებთან და მათი მტრის წინააღმდეგ ებრძოლა, თუნცა უკმაყოფილო კი იყო ამ კომპინაკიით.

აქ უადგილოა ჰუსიტურ ომების ისტორიის მოთხრობა. ჩვენ ვერ შევჩერდებით დაწვრილებით იმაზე, თუ როგორ მოუწოდებდა პაპი მარტინ მე-1^{-ი} მთელს საქრისტიანო ქვეყნიერებას ჰუსიტთა წინააღმდეგ ჯვაროსნულ ომისკენ თავის 1420 წ. 1 მარტის ბულაში „*Omnium plasmatoris domini*“; როგორ შესდგა ამის შემდეგ ძარცვას და დაეღას დახარბებული ჯვაროსანთა ლაშქრები ერეტიკოსთა გასანადგურებლად: რა სასტიკი დამარცხება განიცადა (1420—1431 წ.წ.) ჯვაროსანთა ყველა ხუთმა არმიამ; როგორ სულ უფრო შორს ვრცელდებოდა ძლევამოსილ ტაბორიტთა ჯარის სახელი და დიდება და როგორ უკვე მეოთხე ჯვაროსნული ლაშქრობის (მისი, 1427 წ.) და მეხუთე ჯვაროსნულ ლაშქრობის (ტაუსსი, 1431 წ.) შემდეგ საკმარ იყო მარტო გაგონება ჰუსიტთა მოახლოების, ამბისა, რომ ჯვაროსანთა არმიები პანიკური შიშით შეპყრობილნი იფანტებოდნენ მტრის დაუნახავად. ჩვენ ვერ განვიხილავთ აგრეთვე შინაგან ბრძოლას კალიქსტინელთა და ტაბორიტთა შორის, რომელიც ჰუსიტურ ომების შუალედ პერიოდებში სწარმოებდა.

ტაუსსთან დიდი ბრძოლის მოგების შემდეგ ყველას ეგონა, რომ არ არის ისეთი მტერი, რომელიც ტაბორიტებს წინ დაუდგებოდა. არც ერთი საზღვარ გარეთელი არმია არ ბედავდა ბოჰემიაში მოსვლას ტაბორიტებთან შესაბრძოლებლად. ბოჰემიის შიგნითაც ტაბორიტთა მოწინააღმდეგეებს, თავად-აზნაურობას და ზოგიერთ ქალაქს, სულ უფრო ელეოდა ძალა. მეორეს მხრით კი ტაბორიტთა ტერორიზმი სულ უფრო ემუქრებოდა მათ მტრებს სრული დაღუპვით.

მაგრამ ამავე დროს სულ უფრო ცხადი ხდებოდა, თუ რა რიგ უნაყოფოა სამხედრო გამარჯვება, თუ გამარჯვებულთა მიზნები ეწინააღმდეგება ეკონომიური განვითარების მიმართულებას. რა თქმა უნდა, საკმარისი იყო ტაბორიტთა ერთი გარდამწყვეტი დამარცხება, რომ მათი კომუნიზმიც გამქრალიყო. მაგრამ თვით ეს ტაბორიტთა სამხედრო გამარჯვება ასაზრდოებდა იმ ელემენტებს, რომლებსაც მათი დაღუპვა უნდა გამოეწვია. ტაბორის უდიდეს გამარჯვებას და ზეიმს უშუალოდ მისი დაცემა მოჰყვა.

თავის თავად ცხადია, რომ, რაც უფრო მატულობდა ტაბორიტთა ძლევამოსილება, მით უფრო აუტანელი ხდებოდა მათი ბოჰემიელ მოწინააღმდეგეთა, კალიქსტინელთა --- და კიდევ მეტად კათოლიკეთა --- მდგომარეობა. თავად-აზნაურობა სრულ უძლურებამდის დამცირდა და იდიდი ხანია მზათ იყო ზავი შეეკრა ეკლესიასთან, რომ მას, საეკლ-

სიო ქონების მძარცველს, ეკლესიის სიხარბისა და შურისძიების შიში არ ქონებოდა. ტაუსსთან გამარჯვების შემდეგ მან განსაკუთრებით გამოიჩინა შეთანხმების და დათმობის სურვილი. ამავე დროს პაპიც და იმპერატორიც, მათი საერო და სეკულესიო ხელის უფალთა კლიკით, მოალბენ ჰუსიტთა დიად გამარჯვების გავლენით. ინტრიგები და მოლაპარაკება მათსა და კალიქსტინელთ შორის არასდროს არ შეწყვეტილა საესებით; მაგრამ ტაუსსთან გამარჯვების შემდეგ მოლაპარაკება განსაკუთრებული სიციხოველით განახლდა. ბოლოს, როდესაც, პაპის ეკლესიამ, ბაზელის ყრილობის წარმომადგენელთა პირით, კეთილ ინება და კანონიერად სცნო თავად-აზნაურთა და ქალაქთა მიერ ეკლესიისაგან ჩამორთმეულ ქონების მფლობელობა, შეთანხმება მიღწეულ იქნა (1433 წ.). წართმევის მაგიერ ეკლესიამ უბოძა კიდევ ბოჰემიის ზოგი რამ. მან გაგზავნა ბოჰემიაში დიდი თანხა, რომლითაც ახალ მოკავშირეს, კალიქსტინელებს ძალები უნდა შეეკრიბათ ტაბორიტებთან საბრძოლველად. თავად-აზნაურობამ, „რომელიც უკანასკნელ რამოდენიმე წლის განმავლობაში თითქოს არავითარ როლს არ თამაშობდა სცენაზე“, იგრძნო რა თავის ზურგს უკან იმპერატორი და, განსაკუთრებით, ეკლესია მისი სიმდიდრით, კვლავ გამოცოცხლდა და გათამამდა, დაიწყო კრებების მართვა და რაზმვა, რათა პრაგელების დახმარებით და კატოლიციზმის „საეკლესიო“ (ნამდვილად კი ფრიად საერო) ფულის საშუალებით, კვლავ მოეხვეჭა დაკარგული ხელის უფლება.

ეს მდგომარეობა ძალიან კარგათ აქვს აწერილი ენეას სილვიუსს „ბოჰემიის ისტორიაში“; საჭიროა მხოლოდ აღვნიშნოთ, რომ ენეას სილვიუსი სცდება თავის მსჯელობაში პროკოფის შესახებ¹⁾, რომელიც ჟიჟის სიკვდილის შემდეგ ტაბორიტთა გამოჩენილი წინამძღოლი გახდა; პროკოფი არასოდეს არ ყოფილა აღჭურვილი ისეთი განუსაზღვრელი ხელის უფლებით, როგორსაც ენეას სილვიუსი აგვიწერს. უფრო სწორი იქნება, რომ ყველგან, სადაც შემდეგში ლაპარაკია პროკოფის ტერორისტულ რეჟიმზე, ვიგულისხმოთ საზოგადოთ ტაბორიტთა ტერორისტული რეჟიმი. ენეასი გვიაბობს: „ბოჰემიელი ბარონები ხშირად იკრიბებოდნენ, აღიარებდნენ თავის შეც-

¹⁾ ეს ის პროკოფი არ არის, რომელიც მარტინეჟ ჰუსსკასთან ერთად დასწევს 1421 წ. აქ ლაპარაკია ჰუსიტთა ცნობილ ბელად პროკოფმელოტზე. შემდეგ დიდათ წოდებულზე. ის იყო ტაბორიტთა ღვდელი, ჟიჟას თანაშემწე; ჟიჟას გარდაცვალების შემდეგ ტაბორიტთა მთავარ-სარდალი გახდა. 1426 წ. მან დაამარცხა ჯვაროსნები ტაუსსთან, შემდეგ წელს—ტახაუსთან. დააარბია მორავია, სილვია და სხვა მეზობელი ქვეყნები. 1433 წელს თავის თანაშემწე პროკოფ მცირესთან ერთად დაამარცხა ზომიერ მიმართულების ჰუსიტები. დაიღუპა ბრძოლაში ლიბანთან 1431 წელს. (მთარგმნელის შენიშვნა).

დომებს და თავის ვაჟიკრებებს. რონელიც იქიდან გამომდინარეობდა, რომ მათ უარჰყევს თავისი მეფის ბატონობა და პროკოფის მძიმე უღელი შეიდგეს. ისინი მსჯელობდენ იმის შესახებ, რომ ის (პროკოფი) ერთად ერთი ხელმწიფეა, თავისი ნებით და ძალდატანებით განაგებს ქვეყანას, ბაჟს ჰკრევს, ხარკს და გადასახადს აწესებს, ხალხს იწვევს საომრად, ჯარს უძღვის, ძარცვავს და ხოცავს, სხვის აზრს და თავის ბრძანებათა შეუსრულებლობას არ ითმენს და მალალსა და მდაბიოს ერთნაირად ექცევა, როგორც მონებს და შინაყუმებს. ამბობდენ აგრეთვე. რომ ბოჰემიელებზე უფრო უბედური ხალხი მსოფლიოში არ მოიპოვება: მუდამ ომობენ, ზამთარ და ზაფხულ კარავებში ცხოვრობენ, შიშველ მიწაზე წვანან და ყოველ წუთს იარად აწვდილი დგანან, რადგან ქვეყანა ომში იწვეწება, ხან შინაგან, ხან გარეშე ომში. და მუდამ იბრძვიან ან შიშით მოელიან ბრძოლას. ამას ისინი დასძენდენ, რომ, ბოლოს, დროა ჩაჰოვადონ საშინელი: ტირანი და რომ, თუ მათ ყველა ერის დამარცხება შესძლეს, ერთი კაცისადმი მორჩილებას ვერაიერ ვერ აიძულებს მათ. მათ გადასწყვიტეს, რომ საკიროა მოწვეულ იქნენ ბატონები, რაინდები და ქალაქები საერთო სეიმზე, რომელიც გადასწყვეტს საკითს საჰეფოს მიზანშეწონილ მართვა-გამგეობის შესახებ. როდესაც ისინი შეიკრიბენ სეიმში, ბატონმა მეინჰარდმა დაუსურათა მათ, თუ რა ბედნიერია ის სამეფო, რომელშიაც ხალხი სიზარმაცეს არ ეძლევა და ომით არ იწვეწება; მაგრამ ბოჰემიელთ არ განუცდიათ მშვიდობიანობა: მათი სამეფო, განუწყვეტელ ომიანობით ღონემიხდილი, მალე დაიღუპება, თუ დროით არ იზრუნენ მშვიდობიანობაზე; მინდერები მოუხნავია და სხვა და სხვა ადგილას საქონელი და ხალხი შიმშილით იხოცება“ და სხვა და სხვა. ხსნას ამ ბოროტებისაგან, რა თქმა უნდა, თავად-აზნაურთა ბატონობის აღდგენაში ხედავენ.

იმ დროს, როდესაც ტაბორიტთა ყველა მოწინააღმდეგემ დაიწყო თავის ინტერესთა წინააღმდეგობა საერთო მტრის, ტაბორიტების წინაშე და ერთ „რეაქციონურ მასსად“, ერთ კოალიციად გაერთიანდა, — ამ დროს ტაბორიტთა პარტიის შიგნით ხდებოდა ცვლილება, რომელიც მტრების შეთქმულებაზე და ინტრიგებზე უფრო საშიშარი იყო მათთვის.

ტაბორელი კომუნისტები შეადგენდენ მხოლოდ ერთ ნაწილს იმ დემოკრატიული პარტიისა, რომელსაც ტაბორიტული პარტია ეწოდება. ისინი ყველაზე უფრო ენერგიულ, შეურიგებელ, გაბედულსა და სამხედრო საქმეში შეუდარებლად ძლიერ ნაწილს წარმოად-

გენდენ ამ პარტიისა. მაგრამ ამ პარტიის მასსა, რომელიც გლახობისა და ქალაქის წერილი ბურჟუაზიისაგან შესდგებოდა. გვიანდაც გულგრილი იყო კომუნისტურ პროგრამისადმი. ამ ელემენტებს ძლიერ აწუხებდა ომის გაქიანურება.

თუმცა ბოქმეილნი იმარჯვებდენ, ომის დასაწყისში ისინი მაინც სუსტი იყვნენ იმისთვის, რომ მტერი სრულიად გაედევნათ ქვეყნიდან. გამარჯვებით ისინი თავს იცავდენ. მხოლოდ შედარებით გვიან (1427 წლიდან) გადასცილდენ ისინი ბოქმეის საზღვარს და დაიწყეს იქ ძარცვა-რბევა, როგორც იმ დროის ომს შეეფერებოდა; (იმ ხანაში დაახლოვებით ისევე მოხდებოდა, როგორც ეხლა ევროპულ ცივილიზაციას აგრესიებენ აფრიკაში). მაგრამ შეტევითი ომიც არ უზრუნველყოფდა ბოქმეის მტრების შემოსევისა და ძარცვისაგან. თანაც შიგნით სამოქალაქო ომი მძვინვარებდა.

წლიდან წლამდის ბოქმეია სუსტდებოდა და ღარიბდებოდა. ზარალობდა არა მარტო ვაჭრობა, არამედ ხელოსნობაც და მიწათმოქმედებაც. კოტრდებოდენ არა მარტო თავად-აზნაურნი და პრაგის ზღიდარი მოქალაქენი, არამედ წერილი ბურჟუაზიაც და გლახობაც. საზოგადოების ყოველი კლასი უზომო დაღლილობას და მშვიდობიანობის წყურვილს განიცდიდა; და რაც უფრო ცხადი ხდებოდა, რომ მშვიდობიანობის ერთად ერთ დაბრკოლებას შეურიგებელი ტაბორიტები წარმოადგენენ, მით უფრო სწრაფად მცირდებოდა მათ შიმდევართა რიცხვი, მით უფრო მეტ უკმაყოფილებას ჰპატივდებდენ ისინი ხალხში და მით უფრო მკაცრი ზომებით იცავდა თავის ბატონობას ტაბორიტთა მცირე ჯგუფი. ანტაგონიზმი ტაბორიტებსა და მოსახლეობის მასებს შორის დღითიდღე სულ უფრო მწვავე ხასიათს იღებდა. ხალხი თანაუგრძნობდა თავად-აზნაურთა ბრძოლას ტაბორიტთა წინააღმდეგ.

მაგრამ ტაბორიტებიც, ამ სიტყვის ვიწრო მნიშვნელობით, უკვე წინანდელი ტაბორიტები აღარ იყვნენ.

ტაბორის ბედი უდიდეს ინტერესს წარმოადგენს. მათი მაგალითი გვიჩვენებს, თუ რა ბედი ელოდა მიუწერის მიმართულებას მიუღწეველნი და გარდამნათვლელებს მიუწერის, რომ ისინი ომში არ დამარცხებულნი იყვნენ.

ტაბორის კომუნიზმი ღარიბთა მოთხოვნებებზეა წარმომუშადა არა წარმოების წესის მოთხოვნებებზე. თანამედროვე სოციალდემოკრატიას გამარჯვების რწმენას ის უმტკიცებს, რომ წარმოების მოთხოვნები პროლეტარიატის მოთხოვნებს ეთანხმება, რის გამო თანამედროვე პროლეტარიატი ისტორიული პროგრესის ფაქტ

ტორია: სხვა მდგომარეობა იყო მე-XX საუკუნეში. ღარიბთა მოთხოვნილებანი კომუნისმისაკენ მისწრაფებას ჰბადებდა, წარმოების წესი კი კერძო საკუთრებას მოითხოვდა. მაშასადამე, კომუნისმი იმდროს ეერას გზით ვერ გადაიქცეოდა საყოველთაო საზოგადოებრივ ფორმად, ხოლო კომუნისტური მოთხოვნილებანი ღარიბთა შორის მაშინვე ჰქრებოდა, რა წამს ისინი კომუნისმს აღწევდენ, ე. ი. როგორცვე სიღარიბეს თავს აღწევდენ. მოთხოვნილებებთან ერთად კითვით კომუნისმიც ქარწყლდებოდა ადრე თუ გვიან, თუ იმ ერთადერთ საშუალებას არ მიმართავდენ, რომელიც ყოველ შემთხვევაში, მცირერიცხოვან საზოგადოებებისათვის შესაძლებელს ხდიდა ამ სახის კომუნისმის შედარებით ხანგრძლივ არსებობას; ასეთი საშუალება იყო მონოგამიურ ქორწინებისა და ოჯახის მოსპობა. როგორც ვიცით, ტაბორიტებმა უარჰყვეს ეს საშუალება; მათ გაანადგურეს ადამიტთა მიმართულება და ამგვარად კარი გაულეს კერძო საკუთრებას. ეს უკანასკნელი კი, მისი დამახასიათებელ აზროვნების, სიხარბის და შურიანობის თანხლებით, მით უფრო ადვილად ჰქლავდა კომუნისმს და ძმურ ურთიერთობას ტაბორიტთა შორის, რაც უფრო სწრაფად მატულობდა მათ შორის ნივთიერი შეძლებულება და შემდეგ სიმდიდრეც, — ნაყოფი აუარებელ ალაფის და ნატყვევანისა. საარსებო პირობათა თანასწორობა თანდათან დაირღვა. ტაბორში გაჩნდენ ღარიბნი და მდიდარნი, და უკანასკნელნი სულ უფრო ნაკლებ სურვილს იჩენდენ თავისი ზედმეტი პროდუქტის დათმობისა.

ეს პროცესი უცხო ელემენტების შემოქრამ დააჩქარა. ადამიანი, რომელიც მთელ თავის სიცოცხლეს, მთელ თავის არსებობას ანაცვლებს ამა თუ იმ იდეას არც ისე ადვილად დასთმობს მას იმ შემთხვევაშიაც, როდესაც გარეგანი პირობები ხელს არ უწყობს ამ იდეის გამარჯვებას. ძველი ტაბორიტებიც მტკიცედ იცავდენ თავის რწმენას, რომლის გულისთვის ამდენი დევნა და გაქირვება გადაიტანეს.

მაგრამ მრავალ წლის ომიანობამ, რომლის სიმძიმეს უმთავრესად ტაბორიტები ზიდავდენ, საშინლად გაათხელა მათი რიგები. სამხედრო საქმისთვის ამას არ ჰქონდა დიდი მნიშვნელობა, რადგან დანაკლისი სწრაფად ივსებოდა. ტაბორი მექედ გადაიქცა კომუნისტებისთვის, რომელნიც ყოველი მხრიდან მოისწრაფოდენ ტაბორისკენ. ტაბორში შეხვდებოდით უშორეს ქვეყნების წარმომადგენლებს, მაგ., ინგლისელებს. ტაბორში მიდებდა, როგორც სჩანს, შეზღულული არ იყო, ენეას სილვიუსს, რომელსაც ტაბორი უნახავს, და

ლიან აკვირებდა ერთმანეთთან შვიდობიანად მცხოვრებ სექტების მიმრავლე ტაბორში.

„ისინი ყველა ერთი რწმენის არ არიან, ამბობს ის, -- ტაბორში ყველას შეუძლია თავისი რწმენა ქონდეს. იქ არიან ნიკოლაიტები, არიანები, მანიქეველნი, არმენიელნი, ნესტორიანები, ბერენგარიები და ლიონის ლარიზნი; მაგრამ განსაკუთრებული პატივისცემით სარგებლობენ ვალდენელნი, რომის ტახტის მთავარი მტრები“.

გაცილებით უფრო საექვო იყო მეორე გვარი ელემენტების გაელენა. ტაბორიტთა გამარჯვებებმა მრავალი აენტიურისტი მოიზიდა ტაბორისაკენ; ისინი სრულიად არ თანაუგრძნობდნენ ტაბორიტთა იდეალებს და ეძებდნენ მხოლოდ სახელს და უფრო მეტად დაელან. „რაც დრო გადიოდა, მით უფრო საგრძნობი ხდებოდა ადგილობრივ ძალთა სიმცირე ომისათვის; გლეხები და წვრილი ქალაქელი ხელოსნები სულ უფრო ხშირად გაუბრძოდნენ სამხედრო სამსახურს, მათ ძალდატანებით იწვევდნენ ჯარში. სამაგიეროთ საზღვარგარედან მოდიოდნენ ნებაყოფლობით ბოჰემიელ მეომართა მონაცულები. უკანასკნელ რამოდენიმე წლის განმავლობაში ბოჰემიის ბანაკებში იკრებებოდნენ არა მარტო პოლონელები და რუსინები: მრავალი გერმანელიც, რომელთაც აენტიურები გაცილებით უფრო იზიდავდა, ვიდრე სარწმუნოების საკითხები და სამშობლოს არა სწამდათ რა, შიისწრაფოდნენ იქეთ, სედაც მათ ბედნიერი ომი მოელოდა. ტაბორიტთა და „ობოლთა“ არმიები ამ დროს (1430 წ.) მეტწილად უკვე ამგვარ „ყოველი ერის ნაძირალები-საგან“ შესდგებოდა. ამის გამო არმია, რაც დრო გადიოდა, მთელ უფრო ჰკარგავდა თავის წინანდელ ხასიათს, რასაც ვიჟა ასე დიდდათ აფასებდა: ის მოითხოვდა, რომ თვითეული მეომარი „საღვთო მეომარი“ ყოფილიყო, მთლიანი და პირდაპირი, მტკიცე და უყოყმანო თავის რწმენაში. 1).

ტაბორიტთა ჯარის ბრძოლის უნარი აღნიშნულ ცვლილებისაგან პირველ ხანებში, შესამჩნევად არ დაზიანებულა, თუმცა მასში თანდათან ჰქრებოდა საქმისადმი ერთგულების, აღფრთოვანებისა და ნებაყოფლობითი დისციპლინის ელემენტები. მაგრამ სამაგიეროდ ჯარი ეხლა იმდენად სანდო აღარ იყო, როგორც წინად. იმავე ანგარიშით და ზრახვებით, როგორც დაქირავებული მეომრები, ტაბორიტთა სამსახურში გაკოტრებული თავად-აზნაურებიც დგებოდნენ; შეჰამულეებს კი შეეძლოთ ჯერ ასე თუ ისე არსებობა, როგორც ტაბორიტთა ერთგვარ ეასსალებს: ისინი ხარკს უხდიდნენ და თან იბრ-

1) Palacky, op. cit. III, 2, გვ. 500.

ძოდენ ტაბორიტთა წინააღმდეგ. მოვიგონეთ ბოჰემიელ ბარონების ჩივილი პროკოფის ტირანიის შესახებ, რაზედაც ენეას სილვიუსი გვიამბობდა.

როდესაც თავად-აზნაურობა გამოვიდა ტაბორიტთა წინააღმდეგ და დაიწყო რაზმვა მოხალისე ლაშქრისა, რომელიც მას ეხლა მდიდარ კათოლიკურ ეკლესიის შემწეობით, შეეძლო უფრო ხელსაყრელ ნივთიერ პირობებში ჩაეყენებია, ტაბორიტთა ჯარში ლალატის სუნი დატრიალდა.

ამით აიხსნება იმ ახალ სამოქალაქო ომის შედეგი, რომელშიაც კალიქსტინელნი და ტაბორიტები უკანასკნელად შეეკიდენ ერთმანეთს. ტაბორიტებს ჩამოეცალენ გლეხები და მოქალაქენი, მათ უღალატა ჯარის ერთმა ნაწილმაც. მტრები კი გაერთიანებულნი იყვნენ ერთ მძლავრ კავშირში დემოკრატიულ პარტიის ამ ნაშთის წინააღმდეგ, რომელიც უფრო ძალა-უნებურად, და არა გულის წაღილით, იცავდა კომუნიზმს, ისიც—მოჩვენებითს და არა ნამდვილს.

1434 წლის 30 მაისს მოხდა გარდამწყვეტი ბრძოლა სოფელ ლიპანთან, ბოჰემიის ბროდის მახლობლად. თავად-აზნაურთა პარტიის ჯარი უფრო მრავალრიცხოვანი იყო: ის 25.000 შეიარაღებულ კაცისაგან შესდგებოდა ტაბორიტთა 18.000-ის წინააღმდეგ. ხანგრძლივი ბრძოლის შემდეგ, გამარჯვება ხვდა თავად-აზნაურებს; მათ გაიმარჯვეს არა თავისი სიმამაცით და ხერხიანობით, არამედ ტაბორიტთა ცხენოსან ჯარის უფროსის იოჰან ჩაჰეის ლალატის გამო: შუა ბრძოლაში ის გაიქცა თავისი ჯარის ნაწილით. დაიწყო ტაბორიტთა დაუნდობელი, საზარელი ხოცვა-ჟლეტა; გადმოგვცემენ რომ ამ ბრძოლაში ამოწყვეტილ იქნა 13.000 ტაბორიტი (18.000 კაციდან!) ამ საშინელმა დამარცხებამ სამუდამოდ გასტეხა ტაბორიტთა ძალა.

გათავდა ტაბორიტთა ბატონობა ბოჰემიაზე. დემოკრატია დაილუპა და თავად-აზნაურებს პრაგის პატრიციატთან ერთად კვლავ მიეცა ქვეყნის ექსპლოატაციის საშუალება. მეფესა და „ერთგულ ქვეშევრდომთა“ შორის ხანგრძლივი მოლაპარაკებების შემდეგ, რომლის დროს თვითეულ მხარეს ეშინოდა,—და სამართლიანადაც ეშინოდა,—მეორე მხარემ არ მომატყუოსო, სიგიზმუნდი ცნობილი იქნა ბოჰემიის მეფედ (1436 წ.) ამაზე აღრე ის დათანხმდა აწნისტიის გამოცხადებაზე, ხოლო ვატაცებულ საეკლესიო ქონების შესახებ მანება მისცა ყოველ სენიორს ისე მოქცეულიყო, როგორც მას სურდა.

ბრძოლას ლიპანთან გარდამწყვეტი მნიშვნელობა ქონდა, მაგრამ სავსებით ჯერ არ გაუნადგურებია ტაბორიტთა ძალები. ისინი

ერთხანს კიდევ განაგრძობდნენ ბრძოლას, მაგრამ სულ უფრო ნაკლები წარმატებით. ტაბორიტები საშინლად დასუსტდნენ; ამიტომ ისინი ძლიერ კმაყოფილი დარჩნენ, როდესაც სიგიზმუნდმა განსაკუთრებული ხელშეკრულებით დამოუკიდებლად სცნო მათი ქალაქი. (1436 წ.).

ამ მდგომარეობაში დარჩა ტაბორი ორმოცდაათიან წლების დასაწყისამდე, როდესაც იგი ენეას სილვიუსმა ინახულა; თავისი შთაბეჭდილებანი მან გამოსთქვა კარდინალ კარვაილისადმი მიწერილ ბარათში. საგულისხმოა ამ წერილის ზოგიერთი ადგილი, რომელიც ნათლად გვიხატავს ტაბორიტთა თემის მაშინდელ მდგომარეობას, სახელები. ტაბორში ხით და თიხით არის ნაშენი და უწესრიგოთ არის შეჯგუფული. ამ ხალხს მრავალი ძვირფასი ავეჯი და არაჩვეულებრივი სიმდიდრე აბადია, რადგან ერთ ადგილას დაუგროვებიათ ყველა ერისაგან წართმეული დავლა. ერთ დროს მათ სურდათ ეკლესიის მზავსად მოეწყოთ თავისი ყოფა-ცხოვრება და ყველაფერი საერთო ქონდათ: ერთმანეთს ძმებს უწოდებდნენ და როდესაც ერთ მათგანს რაიმე აკლდა, იმას მეორესაგან იღებდა. მაგრამ ეხლა თვითული მათგანი თავისთვის ცხოვრობს, ზოგნი შინშილობენ, როდესაც სხვები განცხრომით ცხოვრობენ (*alius quidem esurit, alius autem ebrius est*). დიდ ხანს არ შენახულა მოყვასისადმი სიყვარულის ცეცხლი, დიდ ხანს არ გავრძელებულა მიბაძვა (მოციქულთა თემისა)... ტაბორიტები სხვის საკუთრებას ძარცვავდნენ და რასაც ძალით იტაცებდნენ; იმას საერთო საკუთრებად აქცევდნენ (*haec tantum in commune dederunt*). მაგრამ ეს წესი ბოლომდე ვერ შეინარჩუნეს. ბუნებამ თავისი გაიტანა და ყველა ანგარებით გაიმსქვალა. მაგრამ რაკი უკვე ძველებურად ძარცვა არ შეუძლიათ, რადგან სუსტი არიან და მეზობლების ეშინიათ, ეხლა ხელი მიჰყევს ალემ-მიცემით მოგების მოხვეჭას (*lucris inhiant mercaturae*) და სამარცხვინო მრეწველობას მისდევენ. ქალაქში ცხოვრობს 4.000 მამაკაცი, რომელთაც მახვილის ხმარება შეუძლიათ, მაგრამ ისინი ხელოსნობას მისდევენ და უმთავრესად მატყლის ქსოვით ირჩენენ თავს *lana ac tela ex magne parte victum quaerentes*), ასე რომ ომისთვის ისინი გამოუსადეგრად ითვლებიან.“¹⁾

საგულისხმოა, რომ ტაბორიტთა უმრავლესობა მატყლის მქსოველნი იყვნენ.

ენეას სილვიუსმა 1451 წ. დაათვალიერა ტაბორი. მისი სიტყვით, ქალაქის საომარი ძალა სრულიად გამქრალი იყო და კომუნის-

¹⁾ Aeneas Silvius Piccolomini. Opera omnia, გვ. 662.

მიც ალარ არსებობდა. მაგრამ ბოქმების ხელის უფლებს მაინც საშიშრად მიაჩნდათ რევოლიუციონურ წარსულის ნანგრევებიც კი. 1452 წელს ბოქმების მმართველი გეორგ პოდიბრადი ტაბორის წინ დაბანაკდა და მოითხოვა ტაბორის ყველა ლეღლების გაცემა. ტაბორმა მორჩილება გამოაცხადა და სამი დღის შემდეგ ყველა თავისი ლეღლი ჩააბარა პოდიბრადს. ყველა მათგანი, ვინც არ „მორჯულებულა“ ციხეში დარჩა სიკვდილის ღღემფე. ასე მოელო ბოლო ტაბორის რესპუბლიკის განსაკუთრებულ მდგომარეობას და დამოუკიდებლობას.

როდესაც ხედავ ამ ვაგლახ აღსასრულს ოდესღაც ამაყ კომუნისტურ თემისას, რომლის წინაშე ნახევარი ევროპა ჰკანკალებდა, უნებლიეთ სწუხხარ, რომ ტაბორი თავისი კომუნისტურ სიკვამილის ბრწყინვალეობაში კი არ დაიღუპა, როგორც მიუნსტერი, არამედ საცოდავ ბურჟუაზიულ სიბერეში დაქცა და დაჩივდა.

ტაბორის დაქვეით მოკვდა ბოქმების დემოკრატიის უკანასკნელი თავისუფალი ქალაქი.

ტაბორიტები, რომელთა ბედი მრავალ რამეში ემზავესება იაკობინელთა ბედს, სხვათა შორის იმითაც გვაგონებენ უკანასკნელთ, რომ ტაბორიტებმაც და იაკობინელებმაც თავისი უსახლგრო გმირობით დაღუპვისაგან იხსნეს რევოლიუცია, მაგრამ იხსნეს არა თავისთვის, არამედ რევოლიუციის დიდ ექსპლოატატორებისთვის: საფრანგეთში -- მსხვილ კაპიტალისტების და მსხვილ ავანტიურისტებისათვის; ბოქმიაში -- მსხვილ თავად-აზნაურობისათვის, რომელმაც თითქმის განუსაზღვრელი ბატონობა მოიპოვა სახელმწიფოში და საზოგადოებაში. წერილმა თავად-აზნაურობამ ვერაფერი მოიგო ჰუსიტურ ომებიდან; პირიქით ამ ომებმა მხოლოდ დააჩქარეს მისი დაცემა. უმაღლესმა თავად-აზნაურობამ, რომელსაც უდიდესი წილი ხვდა საეკლესიო ქონებიდან, წერილ თავად-აზნაურთა ხარჯზედაც გამდიდრდა უკანასკნელთა მამულ-დედულის შესყიდვით.

მაგრამ ყველაზე მეტად ამ ომებმა გლეხობა და წვრილი მოქალაქენი დაზარალა. ქვეყნის გატიალებამ და მოსახლეობის შემცირებამ არაჩვეულებრივად შეასუსტა მათში ბრძოლის უნარი. მაგრამ ამავე მიზეზებმა გამოიწვია ის გარემოება, რომ მსხვილმა სენიორებმა გაათქვეცეს თავისი პრეტენზიები მოხარკე წვრილ ქალაქთა მოსახლეობისა და, განსაკუთრებით, გლეხობისადმი. მოქალაქეთა წარმომადგენლობა სიომებში, რაც დრო გადიოდა, სულ უფრო იკვეცებოდა. გლეხთა ბეგარა და გადასახადი სულ მატულობდა, ხოლო წინააღმდეგობა და ამბოხება, რასაც აქა იქ ბედავდა გაჭირვებული გლეხობა, ყოველთვის მარცხით თავდებოდა. იქ, სადაც მუშა-ხელი

ნაკლები იყო, ლატიფუნდიების მფლობელნი შემდეგ გამოსავალს ჰპოულობდნენ: მიწათმოქმედების მაგიერ მართავდნენ წარმოების რომელიმე სხვა დარგს, რომელშიაც მუშათა ნაკლები რიცხვი იყო საჭირო. ამგვარი წარმოების გაფართოება ალაგ-ალაგ, მუშა-ხელის მოთხოვნილების შემცირებასთან ერთად, იმ შედეგსაც იწვევდა, რომ მიწათმფლობელნი ჰყრიდნენ გლეხებს მათ მიწა წყლიდან. ინგლისში მუშა-ხელის სიმცირემ, რომელიც იქ, თუმცა, სხვა მიზეზებმა გამოიწვია. ხელი შეუწყო საძოვრულ მეურნეობის და მეცხვარეობის განვითარებას; ეს მეურნეობა, ბოლოს, ისე ფართოდ გავრცელდა, რომ გლეხთა ექსპროპრიაციისა და მასსიურ პროლეტარიატის შექმნის უმთავრეს საშუალებად გადაიქცა ინგლისისათვის. ბოჰემიის მრავალ ნაწილში ანალოგიური, თუმცა არც იმდენად მნიშვნელოვანი, როლი ითამაშა ხელოვნურმა სათევზაო აუზებმა, რომელსაც ლატიფუნდიების მფლობელნი აშენებდნენ. ინგლისში გლეხობა ცხვარმა შექამა და ბოჰემიაში—თევზმა.

პალატკის მოყავს ერთი საყურადღებო საბუთი, რომელიც კარგათ ახასიათებს ბოჰემიის რაინდთა და გლეხთა ურთიერთ დამოკიდებულებას მე-XI საუკუნის მეორე ნახევარში. ეს არის ცნობა ვინმე ეტერდისა, რომელიც 1493—1497 წლებში „საერობო მწერლის თანაშემწედ“ მსახურობდა; მას გამოუცია „ცხრა წიგნი ბოჰემიის სამართლის, სასამართლოებისა და საერობო დებულების შესახებ“, რომელშიაც სხვათა შორის, ნათქვამია შემდეგი: „ძველს, უხსოვარ დროში ყველა ოლქებში იყვნენ ე. წ. გამყოლნი, რომელნიც კარგად იცნობდნენ ყველა ბატონებს, რაინდებს და მემამულეებს. და რადგან იმ დროს ქვეყანა ჯერ მკიდროდ იყო დასახლებული, რადგან მაშინ ჯერ არ არსებობდა რაინდთა მამულეების შესყიდვისა და დანგრევის ჩვეულება, და ამიტომ სასახლეები და ციხე-დარბაზები მიწასთან გასწორებული არ იყო, ხოლო სოფლები, საბალახოები და ყანები ჯერ განადგურებული არ იყო აუზების გაშენებით, ამიტომ რაინდთა აურაცხელ მასსას და სოფლებს ყავდათ ასეთი გამყოლნი, რომელთა დანიშნულებას შეადგენდა არა სხვა და სხვა პირთა გამოწვევა სასამართლოში, არამედ ამგვარ პირთა მისამართის ჩვენება სასამართლო ბოჰაულებსათვის და უკანასკნელთა გაცილება სასამართლოში გასაწვევ პირებთან; ამიტომ ჰქვიოდა მათ გამყოლნი. ხოლო როდესაც მთელი ქვეყნის თითქმის ერთი მესამედი ომებმა და სახადმა გაანადგურა, როდესაც ყველა ოლქებში რაინდთა ურიცხვი მამული დაინგრა და განადგორდა. და

რაც მახვილმა, ცეცხლმა და სენმა დაინდო, ის აუხ-
თა მოწყობამ უდაბნოდ გადააქცია.—მაშინ გაძყოლნი
არავითარ საკიროებას აღარ წარმოადგენდენ“ და სხვ. (Palacky,
op. cit., IV, 1, გვ. 528, 529)

მე-XV საუკუნის დამდეგში ბატონ-ყმობა სრულიად აღარ არ-
სებობდა ბოჭემიაში. იმავე საუკუნის დამლევითვის კი ყველა გლე-
ხები ისევ ყმებად გადაიქცენ.

სასაცილო იქნებოდა იმის თქმა, რომ ბატონ-ყმობის აღდგენა-
ჰუსიტურ ომების ბრალი იყო. საზოგადოებრივი განვითარების მი-
მართულება იმაზე არ არის დამოკიდებული—მშვიდობიანათ მიმდინ-
არეობს იგი თუ ძალდატანებით. საზოგადოებრივი განვითარების
მიმართულება წარმოების წესის განვითარებაზე და მოთხოვნილებებ-
ზეა დამოკიდებული ბუნების კანონთა მზგავსი აუცილებლობით. თუ
ამა თუ იმ დიდი რევოლიუციონური ბრძოლის შედეგი არ შეეფერე-
ბა რევოლიუციის მებრძოლთა მიზნებს, ეს მხოლოდ იმას ამტკიცებს,
რომ მათი მიზნები ეწინააღმდეგებოდა წარმოების წესის მოთხოვნი-
ლებებს. ძალდატანებითი რევოლიუციონური ბრძოლა საზოგადოებ-
რივ განვითარების მიმართულებას ვერ შექმნის; გარკვეულ პირო-
ბებში მას შეუძლია მხოლოდ დააჩქაროს ამ განვითარების
ქეზი, და მასთან ერთად, რა თქმა უნდა, გააძლიეროს დამარცხე-
ბულთა ტანჯვა. ეს ჰქნა სწორეთ ჰუსიტურმა ომებმა. მე-XV საუკუ-
ნიდან მთელს ევროპაში,—ზოგ ქვეყანაში ადრე, ზოგში უფრო გვიან,
—გლეხობის მდგომარეობა თანდათან უარესდება. რომ ბოჭემია, მიუ-
ხედავთ მისი ეკონომიურ ჩამორჩენილობისა, ერთი პირველთაგანი
იყო იმ ქვეყნებს შორის, სადაც თავი იჩინა ამ მოვლენამ, და რომ
ეს პროცესი ბოჭემიაში უდიდესი სისწრაფით ვითარდებოდა, ეს უე-
კველად ჰუსიტურ ომების შედეგი იყო. ეს ომები რომ არ ყოფილი-
ყო, გარდამწყვეტი შებრუნება შეიძლება ერთი საუკუნით უფრო გვიან
მომხდარიყო, გერმანიის გლეხთა ომის შემდეგ.

თავი მეექვსე

ბოქმეილი ძმანი.

ტაბორი დაეცა, მაგრამ ტაბორიტიზმი უკვალოდ არ გამქრალა. ეს სამხედრო კომუნისტური სახელმწიფო მეტად ბრწყინვალედ მოქმედებდა, და მისმა მოღვაწეობამ ღრმა ფესვი გაიდგა თავისი დროის საზოგადოებრივ ურთიერთობაში. ეს ურთიერთობა კი არა თუ არ გამქრალა ტაბორის დაცემის შემდეგ, არამედ, პირიქით, უფრო მკვეთრ ფორმებში გამოიჩინა თავი. ამიტომ ის იღვები, რომელსაც კომუნისტური სახელმწიფო ემყარებოდა, არ შეიძლებოდა სრულიად გამქრალიყო, თუმცა განაგრძობდა არსებობას სხვა ფორმით, შეცვლილ მდგომარეობის შესაფერად.

ორი ტაბორიტული სექტა დარჩა ბოქემიაში ტაბორის დამარცხების შემდეგაც. ერთი და იმავე ფესვიდან აღმოცენებულნი, ისინი ორ ორგანიზაციას შეადგენდნენ ერთი და იმავე სახელით — „ბოქმეილი ძმანი“, მაგრამ მიუხედავად ამისა ისეთ ანტაგონიზმში იდგენ ერთმანეთისადმი, როგორც კი წარმოსადგენია. ერთი ამ სექტაგანი იყო სამხედრო, მეორე — კომუნისტური.

ჩვენ დაეინახეთ, რომ უცხოელი მეომრები მოდიოდნენ ტაბორში ერთად ერთი მიზნით: მიეღოთ მონაწილეობა ტაბორიტთა გამარჯვებებში და მათ დაელაში. მეორეს მხრით თვით ტაბორიტებიც გაველურდნენ განუწყვეტელ ომში და, ბოლოს, მრავალი მათთაგანისთვის ჯალდოს და დაელის ძიება დამოუკიდებელ მიზნად გადაიქცა.

ტაბორის დამარცხების შემდეგ ამ ელემენტებს აღარ დარჩათ ბოქემიაში სამოქმედო ასპარეზი. ისინი გავიდნენ ბოქემიიდან, რათა მოენახათ დაქირავებლები, და, თუ ნახულობდნენ, ცალ-ცალკე ან მწყობრად დარაზმულ სამხედრო ბანდებად დგებოდნენ ხან ერთის ხან მეორეს სამხედრო სამსახურში. იმ დროს ასეთი ბანდები არაჩვეულებრივ რამეს არ წარმოადგენდნენ; მეტწილად ასეთ ჯარისკაცებს ქირაობდა რომელიმე ცნობილი სარდალი, რომელიც მათი წინამძღოლი ხდებოდა. წინააღმდეგ ამგვარ დესპოტიურად დარაზმულ ლაშქრისა, ბოქმეილი ძმანთა გუნდები შეკავშირებული იყვნენ დემოკრატიულად, ტაბორიტულ ყალიბზე.

ეს ბანდები ერთ დროს თვალსაჩინო როლს თამაშობდნენ ჰუნგრეთში და აგრეთვე პოლონეთში. ყაზახები, რომელნიც მე-XXI საუკუნის დასაწყისში გაჩნდნენ უკრაინაში, როგორც სჩანს, მათი მზგავსად იყვნენ შეკავშირებული.

მაგრამ მეტი მნიშვნელობა მიიღეს მეორე ნაირობა ბოქემიელმა ძმებმა, რომელნიც ბოქემიაში დარჩნენ.

ჩვენ უკვე აღნიშნული გვაქვს, რომ საშუალო საუკუნეების კომუნისტები საზოგადოდ მშვიდობიანობის მოყვარე ხალხი იყო და ძალდატანებას ერიდებოდნენ. ეს თვისება ისევე შეეფერებოდა იმ დროის ღარიბი ხალხის უძღურებას, როგორც პირვანდელი ქრისტიანობის ტრადიციებს. როდესაც ბოქემიაში ჰუსიტური რევოლუცია დაიწყო, ძველი ავტორიტეტები დაემხო და ხალხი აჯანყდა, მაშინ ამ საერთო ნაკადმა კომუნისტებიც გაიტაცა. გაჩნდნენ რა რევოლუციის შუაგულში, ისინი ფაქტთა ლოლიკამ დემოკრატიულ აჯანყების სათავეში ჩააყენა და ამ აჯანყებაში ყველაზე უფრო გაბედულ ელემენტად გადააქცია.

მაგრამ მშვიდობიანობის მოყვარე მიმართულება, რომელიც ჰკმობდა ომს, სავსებით არ გამქრალა ტაბორიტთა ბრწყინვალე ტრიუმფების ეპოქაში. ამ მიმართულების უდიდესი წარმომადგენელი იყო პეტრე ხელჩიკვი. ის დაიბადა დაახლოვებით 1390 წელს. როგორც სჩანს გლარობებული რაინდი, — პეტრე მშვიდათ და განმარტოებულად ცხოვრობდა სოფ. ხელჩიკში, ტაბორიტთა ერთერთ ქალაქ ვოდნიანის ახლო, იქ დასწერა რამოდენიმე თხზულება, რომელმაც ყველას ყურადღება მიიქცია. უკვე 1420 წელს ის ამტკიცებდა, რომ რელიგიურ საქმეებში ძალდატანებას ადგილი არ უნდა ქონდეს; ეს რწმენა მასში განმტკიცდა რევოლუციონურ ომების დროს. ის ჰკმობდა ომს როგორც უსაზიზღრეს ბოროტებას; მეომრები არაფრით არ სჯობნიან ყაჩაღებს და მკვლელებს. „რომელი რაინდები გყავთ მხედველობაში; — სწერდა ის, — რომელთაც ვითომდა ომი შეშენის? შეიძლება ის კეკლუცი ვაჟბატონები, ბურგებში და ციხე-დარბაზებში რომ ცხოვრობენ, გრძელი თმა რომ დააქვთ მხრებამდის და ისეთი მოკლე კაბები აცვიათ. რომ თავის უკანალს ძლივს იფარავენ? თუ მხოლოდ მათ აქვთ უფლება იომონ, მაშ რაღას შეეზიან ომში მოქალაქენი და გლეხები?... რადგან არავინ — არც მეფე, არც თავადი, არც სენიორი და არც უსაწყლესი აზნაური არ ომობს მარტო, თავის თავად; ყოველი მათგანი ძალით ერეკება გლეხებს და ამგვარად აიძულებენ მთელ ხალხს მკვლელობა და ბოროტ მოქმედება ჩაიდინოს“ (Palacky, op. cit. I, 1, გვ. 478, 479).

ხელშიცკი პირვანდელ ქრისტიანეთა მზგავსა კომუნისტი-გამათანასწორებელია. მაგრამ მას არ სურს, რომ საერთო გათანასწორება ომით ან სახელმწიფოებრივი ძალდატანებით იქნეს, შემოღებულნი, ის სახელმწიფოს და საზოგადოების ზურგს უკან უნდა განხორციელდეს.

ქეშმარიტმა მორწმუნემ არაეითარი მონაწილეობა არ უნდა მიიღოს სახელმწიფოს საქმეებში, რადგან იგი ცოდვილი და ურჯულო დაწესებულებაა. საზოგადოებრივი უთანასწორობა, წოდებანი და რანგები სახელმწიფომ შექმნა და სახელმწიფოსთან ერთად უნდა მოისპოს. მაგრამ ერთად ერთი ქრისტიანული საშუალება სახელმწიფოს მოსპობისა იმაში მდგომარეობს, რომ სრულიად ზურგი შეუქციო მას. ქეშმარიტმა მორწმუნემ არა თუ არ უნდა მიიღოს რაიმე თანამდებობა სახელმწიფოში, არამედ არც უნდა მიმართოს მას არასოდეს. მისთვის არ უნდა არსებობდეს არც პოლიცია, არც სასამართლო. ქეშმარიტი მორწმუნე თავის თავად უნდა მიისწრაფოდეს სიკეთისაგან და არა იძულებდეს ვისმე კეთილ მოქმედებას, რადგან ღმერთი ყველასაგან თავისუფალ თაოსნობას მოითხოვს სიკეთის ქმნაში. ყოველგვარი იძულება ბოროტებაა.

არსებულ საზოგადოებაში და სახელმწიფოში ქეშმარიტ ქრისტიანესთვის არსად არ არის ადგილი, გარდა დაბალ კლასებისა, რომელნიც მხოლოდ მორჩილებენ და მსახურობენ, და არა ბრძანებლობენ და ბატონობენ.

ყოველგვარი ბატონობა და ყოველგვარი დაყოფა კლასებად ძმობისა და თანასწორობის მცნების შელახვაა. ქრისტიანე არ უნდა ბატონობდეს და არ უნდა ყვლეფდეს სხვას. ამიტომ ყოველგვარი სავაჭრო საქმიანობა. მისთვის აკრძალულია, რადგან ის აუცილებლად მოტყუებასთან არის დაკავშირებული. ქალაქები, ვაჭრობის ცენტრები, ბოროტებაა. ეს კანენის გამოგონებაა; პირვანდელი მარტივი ყოფა-ცხოვრება კანენმა ეშმაკობად გადააქცია ზომის და წონის გამოგონებით, მაშინ როდესაც ძველად ხალხი უსაზომ-საწონოდ აწარმოებდა გაცვლა-გამოცვლას. მაგრამ ყველაზე უფრო გარყენილი და შეჩვენების ღირსი ადამიანები თავად-აზნაურებია¹⁾.

ეს ანარქიული, მაგრამ მშვიდობიანობის მლადდებელი კომუნისმი მით უფრო სწრაფად ვრცელდებოდა, რაც უფრო იზრდებოდა

¹⁾ შეადარეთ Jaroslav Goll, Quellen und Untersuchungen zur Geschichte der Böhmisches Brüder, II. Peter Chelcicky und seine Lehre, პრაგა 1882.

დადლილობა ოპისაგან და რაც უფრო ჰკარგავდა ტაბორიტული რეჟიმი თანაგრძნობას მდაბიო სალხში.

ყველა კომუნისტურ სექტებიდან, რაც კი გაჩენილა ბოჰემიაში ტაბორის დაცემის შემდეგ და ნაწილობრივ აქა-იქ მიმოფანტულ ტაბორიტულ ელემენტებისაგან შექმნილა, ყველაზე მნიშვნელოვანი გახდა ხელჩიციის მიწვევართა სექტა, „ხელჩიციის ძმანი“.

პეტრეს მოწაფეებიდან განსაკუთრებით გამოჩენილი იყო ძმა გრიგოლი, გვარად აზნაური, მაგრამ ისე გალატაკებული, რომ თერძის ხელობით ირჩენდა თავს. 1457 წელს სოფელ კუნვალდში ზენფტენბერგთან, — იმ კუთხეში, სადაც ჯერ ცოცხალი იყო ტაბორიტული სულსკეცთება, წინანდელმა ტაბორიტებმა დაარსეს ახალშენი და აირჩიეს გრიგოლი თავის მეთაურად და ორგანიზატორად. რა თქმა უნდა, უმთავრესად მისი გავლენით მიიღეს კოლონისტ — „ძმებმა“ ხელჩიციის მოძღვრება და ბეჯითად ასრულებდნენ მას.

როგორი იყო ბოჰემიელ ძმათა პირვანდელი ორგანიზაცია, ეს საკმაოდ ნათელი არ არის. შემდეგი დროის ძმებს სცხვენოდათ თავისი კომუნისტურა წარსულის და სცდილობდნენ შეძლების დაგვარად დაემაღლათ იგი. მაგრამ, თუ გავითვალისწინებთ ბოჰემიელ ძმათა გვიანდელ ორგანიზაციას და მის გასაგებად შევედარებთ მას ბოჰემიელ ძმათა მემკვიდრეების, ჰერნჰუტერების ორგანიზაციას; თუ გარდა ამისა, მხედველობაში მივიღებთ იმ შინაგან ბრძოლას, რომელიც ამ ორგანიზაციის ჩამოყალიბების დროს სწარმოებდა, ჩვენ მივიღებთ შემდეგ სურათს 1).

თავის თავად ცხადია, რომ ძმათა საზოგადოების ყოველ წევრს სასტიკად აკრძალული ქონდა სამხედრო სამსახური და საზოგადოთ ყოველგვარი მონაწილეობა სახელმწიფოს ბართველობაში სახელმწიფო თუ კომუნალურ მოხელის თანამდებობაზე; აგრეთვე აკრძალული იყო ყოველგვარი მიმართვა სახელმწიფოსადმი, საჩივრის შეტანა და სხვა. თემში უნდა ბატონობდეს სრული თანასწორობა, არ უნდა იყოს მდიდარი და ღარიბი, არ უნდა სწარმოებდეს არავითარი სახის ექსპლოატაცია. ყოველმა მდიდარმა ან პრივილეგიურ წოდების წევრმა, თუ მას თემში შესვლა სურს, ხელი უნდა აიღოს თავის სი-

1) ბოჰემიელ ძმათა გვიანდელ ორგანიზაციას კარგათ გვისურათებს I. A. C i n i s-ის Kirchengeschichte der Böhmischen Brüder, 1739, ძმათა 1609 წლის საეკლესიო წესდება და მათ მიერ მეფე ფერდინანდისადმი წარდგენილი „სარწმუნოების სიმბოლო“ (ორივე საბუთი დართული აქვს ზემთაღნიშნულ 1739 წლის გამოცემას). ძმათა ორგანიზაციის შექმნასთან დაკავშირებული ბრძოლა დაწვრილებით აწერილი აქვს A. G i n d e l y-ს Geschichte der Böhmischen Brüder, პრაგა, 1857, ორი ტომი.

მდიდრზე და უარყოს თავისი პრივილეგიები. არც ერთ „მმას“ არ შეეძლო ვაქრობა, ფულის გასესხება სარგებლის მისაღებად და სამიკიტნოს გახსნა. მეორეს მხრით ყოველი ძმა ვალდებული იყო დახმარება აღმოეჩინა გაქირვებაში ჩაყარდნილ ძმისთვის.

კერძო საკუთრებას და მონოგამიურ ოჯახს თემი არ უარყოფდა; კომუნისში ოჯახის მამართ გამოიხატებოდა უმთავრესად იმაში, რომ განსაკუთრებულ ყურადღებას აქცევდნ მძურ ურთიერთობას, ყოველგვარი დოვლათის ამხანაგურ საზიარობას და თანასწორობის დაცვას: არაეინ არ უნდა ამაღლებულიყო ან დამცირებულიყო სხვასთან შედარებით. მაგრამ კერძო საკუთრების არსებობისას ეს შესაძლებელია მხოლოდ იმ პირობით, თუ თემში უქცაცრესი დისციპლინა ბატონობს და ეს დისციპლინა მთელს საზოგადოებრივ ცხოვრებაზე ვრცელდება. საოჯახო ცხოვრების ინტიმური დამოკიდებულებანიც კი გარკვეულ რეკლამენტს უნდა ექვემდებარებოდეს.

დისციპლინარული ხელის უფლება თემში ეკუთვნოდა თემის მიერ არჩეულ ღვლდებს და ზამასახლისებს, რა განსაკვირებლად ეწინააღმდეგება ეს პეტრეს ანარქისტულ თეორიას, რომელიც უარყოფს ყოველგვარ იძულებას, როგორც არაქრისტიანულ, წარმართულ საქმეს! თანამედროვე ადამიანს აუტანლად მოეჩვენება ასეთი ხელის უფლება, — მით უფრო აუტანელად, რომ ბოჰემიელი ძმები განსაკუთრებულის ძალით იჩენდნ იმ ბნელ, ფარისევლურ სულს, რომელსაც ჩვენ უკვე გავეცანით, როგორც საშუალო საუკუნეებრივ კომუნისშიმის ერთერთ დამახასიათებელ თვისებას. ბოჰემიელ ძმებთან ეს თვისება შედეგი იყო, უექველად იმ აუწერელი სილატაკის და ტანჯვისა, რაც ჰუსიტურმა ომებმა გამოიწვია.

ყოველგვარი ცეკვა-თამაში აკრძალული იყო, როგორც ეშმაკისეული საცთური. ცხოვრება, შრომა და უდრტინეველი თმენა, — აი რა შეჰფერის ქრისტიანეს ამ ქვეყნად. კვირა-ღღეებს უკვე იმ დროს დღესასწაულობდნ ჰურიტანულად.

ამგვარად, კერძო საკუთრება და მონოგამიური ოჯახი განდევნილი არ იყო; მაგრამ ცელიბატი მაინც უმაღლეს, საღვთო მდგომარეობად ითვლებოდა. უქორწინო წევრები ცხოვრობდნ ძმების და დების სახლებში ცალ-ცალკე სქესის მიხედვით, სადაც ერთად ცხოვრობდნ და შრომობდნ. შეგვიძლია ვიფიქროთ, რომ ეს სახლები ბეგპარდისა სახლების მზგავსად იყო მოწესრიგებული.

ბოჰემიელ ძმებსაც, როგორც ტაბორიტებს, საშინლად სძულდათ სწავლულნი. სწავლულობას ძმები ერთერთ პრივილეგიურ მდგომარეობად სთვლიდნ. ძმა გრიგოლი თავის სიკვდილის დღემდე

(1473 წ.) აფრთხილებდა თემს სწავლულებისაგან. და მიუხედავითაჲსა, იმავე ტაბორიტებსავეთ, ბოჰემიელი ძმები დიდ ყურადღებას აქცევდენ კარგ სახალხო სკოლას. ძალიან ბეჯითად სწავლობდენ ისინი ახლად გამოგონილ წიგნთა სტამბეის დემოკრატიულ ხელოვნებას.

„რა თქმა უნდა, — აშობს გინდელი (op. cit., გვ. 39), — იშვიათად თუ გამოუცია რომელიმე სხვა ქრისტიანულ სექტას იმდენი წიგნი, რამდენიც ძმებმა გამოსცეს თავის მოძღვრების დასაცავად“.. ძმათა თხზულებების რაოდენობა, სექტის წარმოშობის დროიდან ვიდრე მის სრულ დაცემამდე კომენსკის სიკვდილის შემდეგ (1670 წ.), შორს აღემატება ამ ხნის განმავლობაში ბოჰემიაში გამოსულ ყველა დანარჩენ ნაწარმოებთა ჯამს. მათევე გაითქვეს სახელი იმით, რომ ყველაზე ადრე დაბეჭდეს ვენეციაში მშობლიურ ენაზე ბიბლია, ასე რომ ამ მხრით ყველაზე წინ ბოჰემიელნი დგანან.¹⁾

მე-XVI საუკუნის დამდეგისთვის ბოჰემიაში სულ ხუთი სტამბა იყო: ერთი კათოლიკური პილზენში, მეორე უტრაქტის-ტული პრაგაში, ხოლო დანარჩენი სამი სტამბა ეკუთვნოდა ბოჰემიელ ძმებს, — იუნებუნცლაუში, ლეიტომიშოში და ვაისვასერში: მაგრამ ეს სამი სტამბაც არ აკმაყოფილებდა ძმათა მოთხოვნილებას, და დროგამოშვებით თავის თხზულებებს ისინი ნიურნბერგში ბეჭდავდენ.

სავსებით შეეფერებოდა ბოჰემიელ ძმათა მკაცრ დისციპლინას ის თავისებური წესი, რომ არც ერთ წევრს არ შეეძლო დაეწერა ან გამოეცა წიგნი თემის ნებადაურთველად. „არავის ჩვენგანს, — სწერიამათ საეკლესიო წესდებაში, — არ აქვს წიგნის ცალკე გამოცემის უფლება: წიგნი განხილული და მოწონებული უნდა იქნას ყველას მიერ“.²⁾

პოლონელი იან ლასიცკი, რომელმაც 1571 წელს ინახულა ბოჰემიელ ძმათა თემი, თავის წიგნში „De origine et rebus gestis fratrum Bohemorum“ („ბოჰემიელ ძმათა სექტის წარმოშობისა და მოღვაწეობის შესახებ“), შემდეგს სწერს ძმათა წიგნთგამომცემლობის საქმის შესახებ: „არ გამოდის არც ერთი წიგნი ისე, რომ წინასწარი იგი საგანგებოდ ამისთვის არჩეულმა ეკლესიის მსახურებმა და მამასახლისებმა არ განიხილონ. ჩვეულებრივად არც ერთ წიგნს არ სცემენ ისინი (განსაკუთრებულ შემთხვევების გარდა). ერთი ძმის სახელით, ყველა წიგნები მთელი ძმობის სახელით გამოდის, რათა სულიერ სხეულის ერთ წევრს იმდენივე პატივი ხვდეს ამისაგან.

1) Comenius, op. cit., გვ. 57.

2) Comenius, op. cit., გვ. 296.

როგორც მეორეს; რათა შეუძლებელი გახდეს ამო პატივმოყვარობა, რომელიც ასე ხშირად აცთუნებს მწერალ გონებას, და რათა თვით თხზულებებს მეტი წონა და პატივისცემა ქონდეს⁽¹⁾).

და მიუხედავად ამისა - რა კოლოსსაღური ლიტერატურული ნაყოფიერება!

ასალ თემში ბევრი რამ ტაბორიტული იყო. ამიტომ საკვირველი არაა, რომ მიუხედავად მისი მორჩილი და მშვიდი ხასიათისა, თემი ხშირად საეკვოდ და საშიშრად ეჩვენებოდა მთავრობას. უკვე 1461 წელს, გეორგ პოლიბრადის დროს, რომელსაც ჩვენ ვიცნობთ, როგორც ტაბორის დამოუკიდებლობის მომსპობს, ბოჰემიელ ძმებს სასტიკი დევნა დაეწია. 1452 წლიდან პოლიბრადი მმართველი იყო სამეფოში, ხოლო 1458 წელს, მეფე ვლადისლავის სიკვდილის შემდეგ, ის არჩეულ იქნა ბოჰემიის მეფედ. მისი მეფობის ერთერთი პირველი მოქმედება იყო ბოჰემიელ ძმათა დევნა. ძმათა მეთაურები, ძმა გრიგოლი და სხვა, საჰაერობილეში ჩაყარეს, კუნვალდის თემი დაშალეს, წევრები გარეკეს და აუკრძალეს მათ კრებების მართვა.

„სასტიკი ინკვიზიციის გამო, — სწერს კომენსკი, — რომელიც ყველგან შემოიღეს ძმათა წინააღმდეგ, უმრავლესობა მათი, განსაკუთრებით პირველნი მათ შორის, მიმოიფანტენ მთებში და ტყეებში, დაიწყეს მალეა მღვიმეებში, თუმცა იქაც, რა თქმა უნდა, ყოველთვის დაცული არ იყვნენ. ცეცხლის დანთებას აუცილებელ საკმელის მოსამზადებლად ისინი მხოლოდ ღამით ბედავდნენ, რადგან ეშინოდათ, რომ კვამლს არ გაეცა მათი ადგილი; და ასე, საშინელ სიცივეში, ცეცხლთან მჯდომარენი, დროს ატარებდნენ სახარების კითხვაში და ღვთის სათნო საუბარში. როდესაც ღრმა თოვლში გამოდიოდნენ სურსათის საშოვრად, თვითთული მგზავრი მის წინ მიმავალ ამხანაგის კვალზე აბიჯებდა, ხოლო ყველაზე ბოლოს მომავალი ნაძვის შტოს მიათრევდა კვალის წასაშლელად, რათა კვალით არ ეცნოთ მღვწეულებს; კაცს ეგონებოდა, ვინმე გლებს გულურა შეშა უთრევიანო. მღვიმეებში ცხოვრებისათვის მტრებმა მათ დაიცივით „ორმოს კაცები“⁽²⁾ launici და „მობუნაგენი“ უწოდეს²⁾.

მხოლოდ ამ დღენის ხანაში წარმოიშვა ეს სახელი, „იამნიკები“ თუ უფრო ადრე? დასავლეთ გერმანიაში სექტანდტ-ბეგჰარდებს უკვე მე-XIV საუკუნეში უწოდებდნენ „ვინკლერებს“ (Winkel-ისაგან, კუთხე, — ეს სახელწოდება ბეგჰარდთა საიდუმლო კრებების მანიშნებელია), ხოლო აღმოსავლეთ გერმანიაში — „გრუბენ-ჰაიმერებს“

1) ვიქტატა Comenius-იდან. op. cit. 328, შენიშვნა.

2) Comenius, op. cit. გვ. 45. 46.

(Grube—ორმო, სორო, heim--შინ). სიტყვა „იამნიკი“ (ჩეხურ lama-საგან, რაც „ორმოს“, „მღვიმეს“ ნიშნავს)—ამ სახელწოდებათა თარგმანია, რაც იმას მოწმობს, რომ ბოჰემიელ ძმათა შორის ბევრადთა ტრადიციები მოქმედობდა. ხალხი მათ „იამნიკების“ გარდა, უწოდებდა აგრეთვე „პიკარდებს“.

პირველი დევნა დამთავრდა მხოლოდ პოლიბრადის სიკვდილით 1471 წელს.

ბოჰემიელი ძმები შემდეგაც განიცდიდნენ ხანგამოშვებით დევნას, მაგრამ საერთოდ დიდ ვნებას ამისგან აღარ ნახულობდნენ. სახელმწიფოებრივი ხელის უფლება ბოჰემიაში ამ დროს სუსტი იყო და გარდა ამისა ძმებმა ძლიერი მფარველობა მოიპოვეს ზოგიერთი სენიორისა და ქალაქისაგან: განათლებულმა ადამიანებმა მალე გაიგეს, თუ რა უმანკოა ამ სექტანტთა მტრობა სახელმწიფოსთან, რამდენად უსაშიშროა მათი სწრაფვა თანასწორობისადმი და რა მშვენიერ მასალას ამზადებენ ისინი ექსპლოატაციისათვის თავისი შრომის და მოთმინების ქადაგებით.

მაგრამ ამ მფარველობის ერთი მნიშვნელოვანი მიზეზთაგანი ისიც იყო, რომ სექტა თვითონაც გაიზარდა პირველ მძიმე დევნის ხანაში. მან ძრავალი პროზელიტი შეიძინა ნაწილობრივ იმიტომ, რომ, ტაბორიტთა მზგაესად და წინააღმდეგ იმ დროის სხვა საეკლესიო ორგანიზაციების ჩეულებსა, უდიდეს შეწყნარებას ქადაგებდა სხვა სარწმუნოებისადმი და ადვილად ურიგდებოდა უცხო რწმენის პირებს. ძმათა თემს შეეძლო ასე მოქცეულიყო, რადგან ის ბატონობის ორგანიზაცია არ იყო სხვა საეკლესიო ორგანიზაციებსავეთ.

ბოჰემიელ ძმათა უკვე პირველმა ყრილობამ, რომელიც 1464 წელს შესდგა რეიხენაუში, და რომელსაც ბოჰემიის დელეგატების გარდა მორავიის დელეგატებიც დაესწრენ, გამოაცხადა, რომ მთავარი საქმე საზოგადოებრივ ურთიერთობის ორგანიზაციაა, ხოლო რელიგიურ საკითხებს მეორე ხარისხოვანი მნიშვნელობა აქვსო. და ძმებს ამ პრინციპისთვის არ უღალატნიათ. ამ მხრით ისინი ძლიერ შორს იდგენ შემდეგი დროის ლიუტერანთა იმ დებულებისაგან, რომ ხსნა რწმენაშია, და არა საქმეში.

ამ შემგუებლობის წყალობით ძმებმა მრავალი მონათესავე ამხანაგობა და თემი შემოიერთეს. მაგრამ მით უფრო მტკიცედ იცავდნენ ისინი თავის პრაქტიკულ მოღვაწეობის პრინციპებს. მეორე კონგრესზე (ლოტში, 1467 წ.), რომელმაც დამთავრებული ორგანიზაცია მისცა თემს, მაშინ როდესაც პირველმა (რეიხენაუში), —თანამედროვე ენით რომ ვთქვათ,—მისი პროგრამა გამოიმუშავა, გამოვი-

დენ დარჩენილ ადამიტთა წარმომადგენლებიც და წინადადება შე-
მოიტანეს ბოქემიელ ძმათა და ადამიტთა გაერთიანების შესა-
სებ. მაგრამ მათ უარი თქვას. ადამიტთა კომუნიზმი მეტის-
მეტად რადიკალური იყო ძმებისათვის. ძმები მხოლოდ ცალკე ადა-
მიტებს იღებდნენ თემში, მაგრამ წინასწარ ძველი მოძღვრების უარ-
ყოფას მოითხოვდნენ მათგან.

მეორეს მხრით უშედეგოდ დასრულთა მოლაპარაკება ვალდენე-
ლებთან გაერთიანების შესახებ: ესენი უკვე მეტის მეტ ოპორტიუ-
ნისტები იყვნენ. „ჩვენ, — ამბობს ძმა გრიგოლი თავის ტრაქტატში:
„როგორ უნდა მოექცეს ხალხი რომის ეკლესიას“, — მოლაპარაკება
გეკონდა ვალდენელთა ლეღლებთან, განსაკუთრებით ლეღელ სტეჟან-
თან, რომელიც არასდროს არ მისულა ისეთ დათმობამდის, რომ რომის
ეკლესიის წესები შემოეღო ლეღელთა მსახურებაში (ასე იქცეოდნენ ხში-
რად ვალდენელთა ლეღლები, რათა თავი დაეღწიათ ლეღენისაგან. კ. კ.)
ის საიდუმლოდ ასრულებდა გერმანიის ვალდენელთა შორის თავის
საღვდლო მოვალეობას და ამისთვის ის დასწევს შემდეგ. სტეჟანე
წინადადებას გვაძლევდა გაგვესწორებინა ვალდენელებისათვის ყო-
ველივე ის რაც ეწინააღმდეგება ქრისტეს სარწმუნოებას და ქრის-
ტიანულ ცხოვრებას, და მოგვეწყო ყოველივე მოციქულთა წერილე-
ბის თანახმად ისე, როგორც ოდესღაც ყოფილა პირველ საუკუნეთა
ეკლესიაში. ჩვენ თანახმა ვიყავით შეგვესრულებინა ეს; მაგრამ რად-
გან ის მეგობრულ განწყობილებაში იყო რომისაგან ნაკურთხე
ლღლებთან, სტეჟანე მიენდო მათ, ხოლო იმათ კი ნება არ დარ-
თეს“. ამგვარად გაერთიანება ჩაიშალა. „ზოგიერთი ვალდენელი სცნო-
ბენ, — მოგვითხრობს შემდეგ გრიგოლი, — რომ ისინი გადასცდნენ თა-
ვის წინაპართა გზას; მათთან ვხედებით აგრეთვე ასეთ უზნეობას:
იღებენ ხალხისაგან ფულს, სიმდიდრეს აგროვებენ და ღარიბებზე კი
არ ზრუნავენ; მაგრამ ხომ ეწინააღმდეგება ქრისტიანულ სარწმუნოე-
ბას ის, რომ ლეღელი განძს აგროვებს, რადგან საერო დოვლათი და
მშობლებისაგან მემკვიდრეობით მიღებული ქონება მან ღარიბებს უნ-
და დაურთავს და არ მიატოვოს ისინი გაქირვებაში“ და სხვა. 1)

მაგრამ ვალდენელთა ბედი ბოქემიელ ძმებსაც ხვდა.

სწორეთ ის პურიტანიზმი, რომელიც ძმებისათვის წარმოადგენ-
და არსებულ საზოგადოების წინააღმდეგ პროტესტის ფორმას და
მისგან გამიჯვნის საშუალებას, იმავე დროს ზედმიწევნით კარგი სა-

1) ეს ციტატა ჩემურ ორიგინალიდან ამოღებული და გერმანულ ენაზე გად-
მოთარგმნილი მოყვანილია G o l l -ის წიგნში: Quellen und Untersuchungen etc. I,
Der Verkehr der Brüder mit den Waldensern. პრაგა, 1778, გვ. 98 და შემდგ.

შეულება იყო საქონლის მწარმოებელ საზოგადოებაში არსებობისა და წარმატებისთვის. ჩვენ უკვე აღვნიშნეთ, რა როგ განსხვავდებოდა ეს პურიტანიზმი პირვანდელ ქრისტიანობის ასკეტუზმისაგან, მიუხედავად მათი გარეგნული მსგავსებისა. თუმცა ორივე შემთხვევაში ყოველგვარი ნეტარება და სიხარული უღირსად და წუთიერ ამაოებად ითვლებოდა, პირვანდელი ქრისტიანობა გონებრივ სიჩლუნგესთან და სიხარმაცესთან იყო დაკავშირებული, რეფორმაციის ეპოქის პურიტანიზმი კი — დაულალავ. შრომისმოყვარეობასთან და მომჭირნეობასთან. ჩვენს დროში, დიდათ განვითარებულ მსხვილ სამრეწველო კაპიტალის ხანაში, ასეთი შრომისმოყვარული პურიტანიზმი, ეს მომჭირნეობის სახარება, რა თქმა უნდა არ აძლევს დაქირავებულ მუშათა, გლეხთა და წვრილ ბურჟუაზიის მასსას დამაკმაყოფილებელ დონეზე ასვლის საშუალებას. მაგრამ მე-XXI საუკუნეში, როდესაც ნატურალური მეურნეობა ახლად აღმოცენებულ მარტივ საქონლის წარმოებასთან ერთად თანდათან საყოველთაო, ნაწილობრივ უკვე კაპიტალისტურ, საქონლის წარმოებად იქცეოდა, იმ დროს პურიტანიზმი სრულიად მიზანშეწონილ საშუალებას წარმოადგენდა წვრილი ბურჟუას კაპიტალისტად გადაქცევისათვის. ეს საშუალება მით უფრო ნაყოფიერი იყო, რომ მოსახლეობის მასსაში ჯერ კიდევ ძლიერი იყო ის ნეტარების და ლხინის გულუბრყვილო წყურვილი, რაც საზოგადოთ ნატურალურ მეურნეობას ახასიათებს, — მეურნეობას, რომელიც საქონელს კი არ ჰყიდის, მაშასადამე, არც აგროვებს, არამედ თვითონ ხმარობს, რასაც ამზადებს. პურიტანიზმის გარდა, ძმათა პრაქტიკულ საქმიანობას ხელს უწყობდა აგრეთვე კარგათ დაყენებული სასკოლო საქმე.

ტაბორიტებთან ის ქონებრივი შეძლებულება, რომელსაც ბოლო მოუღო მათ კომუნისის, სამხედრო დავლამ შექმნა. ბოჰემიელ ძმებთან კი ეს შეძლებულება მათი სიბეჯითის, მომჭირნეობის და ინტელიგენტობის ნაყოფი იყო.

ბოჰემიელ ძმათა ქონებრივმა შეძლებულებამ მრავალი თანამგრძნობი გაუჩინა მათ, რომელნიც მათ მხარეზე გადმოდრიოდენ ფრიად „საერო“ ანგარიშით. მაგრამ, გამდიდრებასთან ერთად, თემის სასტიკი დისციპლინა თანდათან სულ უფრო სამძიმოდ ხდებოდა თემის მრავალ უძველეს წევრისათვის. თანასწორობის გულისთვის ეს დისციპლინა ნებას არ აძლევდა ვინმეს სხვაზე უფრო მდიდარი გამხდარიყო; არ შეიძლებოდა შექმნილი ქონების ისე მოხმარება, რომ მას სარგებელი მოეტანა: არ შეიძლებოდა, მაშასადამე, ვაქრობა და სესხის გაცემა. სიმდიდრის ზრდასთან ერთად განშირდა კონფლიქტები

ქონებრივ ნიადაგზე; საჭირო გახდა პროცესები და, მაშასადამე, სახელმწიფოს დახმარება შეძენილ ქონების დასაცავად.

ამგვარად ძმთა შორის წარმოიშვა უფრო ზომიერი მიმართულება, რომელიც ჯერ თუმცა ვერ ბედადა პირვანდელ მცნებათა პირდაპირ უარყოფას, მაგრამ ცდილობდა, რომ ამ მცნებებს მიეღო ნებაყოფლობითი იდეალის, და არა ყველასათვის სავალდებულო უფლებრივ ნორმების, ხასიათი.

განხეთქილება ამ ორ მიმართულებას შორის მოხდა პირველად სამოცდაათიან წლების ბოლოში, როდესაც ერთხელ ორმა სენიორმა და რამოდენიმე რაინდმა თემში შესვლის სურვილი გამოაცხადეს უფრო მკაცრი მიმართულება თანახმა იყო მიეღო ისინი მხოლოდ იმ შემთხვევაში, თუ ისინი უარს იტყოდნენ თავის ქონებაზე და წოდებაზე. ზომიერმა მიმართულებამ კი ამ პირობის წინააღმდეგ გამოსთქვა აზრი. გაიმარჯვა პირველმა, და თემში მიღებულ იქნენ მხოლოდ ის მოთხოვნენი, ვინც თემის ყველა მოთხოვნილებას დაემორჩილა.

მაგრამ უკვე 1480 წელს ზომიერმა მიმართულებამ ნაწილობრივ გაიმარჯვა: თემმა მიიღო სწავლული ლუკა და ამას სხვა სწავლულ პირთა მიღება მოჰყვა. თუ მათი მიღება ზომიერ მიმართულების ამაგიით მოხდა, მეორეს მხრით, ამ სწავლულმა ელემენტებმა გააძლიერეს ზომიერი მიმართულება. მკაცრი მიმართულება, ფეიქარ გრიგოლ ვოტიკელის მეთაურობით, ამაოდ იბრძოდა სიტყვით და კალმით თემის გადაგვარების წინააღმდეგ.— ბ რ ა ნ დ ე ი ს ი ს ყ რ ი ლ ო ბ ა ზ ე ა ნ უ ს ი ნ ო დ შ ი (1491 წ.) ზომიერმა მიმართულებამ გაიმარჯვა. ყრილობამ დაადგინა, რომ მდიდარ და წარჩინებულ პირთა მიღება თემში შესაძლებელია უიმისოდ, რომ მათ ქონებაზე ხელი აიღონ და წოდება უარყონ. საჭიროა მხოლოდ თემმა მიაქციოს მათი ყურადღება იმ გარემოებაზე, რომ ამგვარ უარყოფის გარეშე მათ ძალიან ადვილად შეუძლიათ დაჰკარგონ საიქაო ნეტარება. ამგვარად, თუმცა თანასწორობის მოთხოვნილება ჯერ საბოლოოდ არ გაუქმებულა, მაგრამ ამ დროიდან იგი კეთილ სურვილთა სფეროში გადავიდა.

ამგვარივე წესით ღვთისნიერმა ძმებმა გაიხსნეს გზა სახელმწიფო ხელის უფლებაში მონაწილეობისაკენ. იმავე ყრილობაზე მათ განაცხადეს: „უკეთუ საერო ხელის უფლება დანიშნავს რომელიმე ძმას მოსამართლედ, მსაჯულად ან ამქრის ოსტატად, ან ომში წასვლას უბრძანებს, ან თუ მან, სხვებთან ერთად, თანხმობა უნდა განაცხადოს ამ თუ იმ ბოროტმოქმედის სიკვდილით დასჯაზე ან წააქებაზე, ჩვენ ვაცხადებთ, რომ ყოველივე ეს ისეთი საქმეა, რომელიც მონანიებულ-

მა ადამიანმა საკუთარი თავისუფალი ნებით არ უნდა ჩაიდინოს და რომელიც სჯობს თავიდან აიცილოს. მაგრამ თუ მან ვერ შესძლო ამის თავიდან აცილება დაეინებითი თხოვნით ან სხვა გზით, მაშინ უნდა დაემორჩილოს ძალას. მაგრამ ყრილობამ არა მარტო იმის ნება მისცა ძმებს, რომ, მონაწილეობა მიეღოთ სახელმწიფოს ძალდატანებითს მოქმედებებში, მიეღოთ თანამდებობა და ომში წასულიყვნენ, თუ მათ ამას აიძულებდენ—არამედ ყოველივე ამის გარდა უფლება მისცა მათ სახელმწიფოსა და სასამართლოებისადმი მიემართათ, სამიკიტნოები გაეხსნათ და ევაქრათ, ოღონდ, რა თქმა უნდა, ყოველივე ეს მხოლოდ იმ შემთხვევაში, როდესაც ამას მათი გაჭირვებულნი მდგომარეობა მოითხოვს.

მკაცრი მიმართულება საშინლად აღშფოთდა ამ დადგენილებებით, რომელმაც თავდაყირა დაამხო წინანდელი თანასწორობა, ძმობა და თავისუფლება. მისმა წარმომადგენლებმა ენერგიული კონტაგიტაცია დაიწყეს, თემის ეპისკოპოზი მათე კუნვალდელი მოიხრეს, დააშინეს და გადმოიბირეს გაუბედავი ელემენტები; მათი დაეინებითი მოთხოვნით მათემ ახალი სინოდი მოიწვია, რომელმაც გააუქმა ბრანდელისში გამოტანილი დადგენილებანი და აღადგინა თემის ძველი პრინციპები.

მაგრამ მათი ზეიმი დიდ ხანს არ გაგრძელებულა. თავდასხმის მოულოდნელობამ გაამარჯვებინა მათ, და არა შინაგანმა ძალამ. 1494 წელს, რეხენაუში მოწვეულ ყრილობაზე ისინი კვლავ უმცირესობაში დარჩნენ და ეხლა თვითონაც დარწმუნდნენ, რომ მათი პრინციპების გამარჯვება უიმედო საქმე იყო. მოხდა განხეთქილება. ახალი შეთანხმების ცდამ, რომელიც 1496 წელს მოახდინეს, საყვედურებისა და წინააღმდეგობის გამწვავების მეტი არაფერი გამოიწვია.

მკაცრი მიმართულება უმცირესობის პარტია იყო. ის გაუნათლებელ ხალხისაგან შესდგებოდა,—გლეხებისა და ხელოსნებისაგან. მისი პრინციპები არ ეგუებოდა საზოგადოებრივი განვითარების მოთხოვნილებებს. პარტია ქნებოდა, რაც დრო გადიოდა, და 1527 წლიდან კი, როდესაც პრაგაში მისი მრავალი მიმდევარი დასწვეს, ის სრულიად გაჰქრა.

პირიქით, ზომიერი მიმართულება, რომელმაც მრავალი მდიდარი და ძლიერი წევრი შეიძინა, რომელიც მონაწილეობას იღებდა სახელმწიფოებრივ მართვა-გამგეობაში და ამ მდგომარეობას თავის მიზნებისათვის იყენებდა; მიმართულება, რომელიც, ბოლოს იყო, შეეწყო საზოგადოებრივ განვითარების მოთხოვნილებებს,—სწრაფი

ზრდა-განვითარების გზაზე დაადგა. უკვე 1500 წელს მას 200 ეკლესია ქონდა; მე-XVI საუკუნეში ის ბოჰემიის პოლიტიკური და ეკონომიური ცხოვრების მნიშვნელოვან ფაქტორად გადაიქცა. რამდენად დიდი იყო თავად-აზნაურთა მონაწილეობა ამ სექტაში, სხვათა შორის, იმ თხოვნიდან სჩანს, რომელიც ძმათა თემის წევრებმა—აზნაურებმა გაუგზავნეს იმპერატორს (1575 წ.); თხოვნას ხელს აწერდა 17 ბარონი და 141 რაინდი.

თემის წყობილებაში სრულიად არ შენახულა მისი კომუნისტურ წარმოშობის კვალი; ლიტერატურაშიაც, როგორც აღენიშნეთ, ყოველნაირად ცდილობდნენ კომუნისტურ წარსულის წაშლას. უთანასწორობა თემში იკამდე მივიდა, რომ წვერთა შორის მათხოვრებიც იყვნენ. „რამდენადაც შესაძლებელია,—გკითხულობთ ძმათა 1609 წლის საეკლესიო წესდებაში,—ჩვენ ვიცავთ ჩვენს წევრებს მათხოვრობისაგან“. ხოლო ვალდებულება ძმათა დახმარებისა უკვე აღარ არსებობდა.

„ბოჰემიელ პურიტანებისაგან,---ამბობს გინდელი (იხ. cit. გვ. 312),—თვით ბოჰემიელ ფანატიკოსებისაგან, რომელიც პეტრე სელჩიკის უფრო პატივს სცემდნენ, ვიდრე ჰუსს, ცელიბატს იცავდნენ პეტრეს მოძღვრების თანახმად, უარს აცხადებდნენ ფიცზე და ყოველგვარ თანამდებობაზე, ფუფუნებას უარყოფდნენ, სიმდიდრეს ვერ ითმენდნენ, სარგებელს არ იღებდნენ და ომს ჰგმობდნენ,—ამ ხალხისაგან წარმოიშვა შეძლებული კაპიტალისტები, ფრიად საპატიო პირნი, დახელოვებული კომერსანტები, რიგიანი ბურგომისტრები და ნაფიცი ვეჟილნი, ძალიან ნიჭიერი გენერლები და სახელმწიფო მოღვაწენი“.

ორგანიზაციის არსებობა და წარმატება გრძელდებოდა ოცდაათი წლის ომამდის, თეთრ მთაზე მომხდარ ბძოლამდე (1620 წ.). ამ ბრძოლამ გადასწყვიტა ბოჰემიელ თავად-აზნაურობის დიდი ხნის დავა ჰაბსბურგთა აბსოლიუტიზმთან, რომელთაც ბოჰემიის ტახტი ეჭირათ 1526 წლიდან. ამ ბრძოლას შედეგად მოჰყვა თავად-აზნაურთა სრული განადგურება, მისი ქონების კონფისკაცია და განაწილება იეზუიტებსა და სასახლის კრეატურებს შორის. ამავე ბრძოლამ ბოჰემიელ ძმათა დაღუპვაც გამოიწვია. ძლივს სულს ლაფავდა მას შემდეგ ძმათა ორგანიზაციის საცოდავი ნაშთი და, ბოლოს, ჰერნჰუტში იპოვა თავშესაფარი, პიეტისტ გრაფ ცინცენდორფის საქსონიის მამულებში (1722 წ.).

მაგრამ ჰერნჰუტერებში ვერ აღსდა ვერც მკაცრი მიმართულების კომუნისტური ენტუზიაზმი, ვერც ზომიერი მიმართულების სო-

ფლიური სიბრძნე. დეენილ და ყრუ კუთხეებში მიმალულ ჰერნჟეტერებს, ამ ღარიბ და გაკოტრებულ გლეხებს და ხელოსნებს, არ შეეძლოთ შეენახათ ის სული, რომელიც ბოჰემიელ ძმათა თემებში ბატონობდა.

მე-XVI საუკუნეში ბოჰემიელი ძმები აღარავითარ როლს არ თამაშობდნენ სოციალიზმის ისტორიაში. მე-XVII საუკუნეში მათ დაჰკარგეს ინტერესი საერთო ისტორიისთვისაც.

ს ა რ ჩ ე ვ ი.

წინასიტყვაობა

კომუნიზმის საფუძვლები საშუალო საუკუნე-
ებში და რეფორმაციის ხანაში.

I პლატონი და მისი დრო	1
II წიგნი სახელმწიფოს შესახებ	9
III პირვანდელ ქრისტიანული კომუნიზმის ფესვები	20
IV პირვანდელ ქრისტიანული კომუნიზმის ბუნება	28
V საეკლესიო ქონება საშუალო საუკუნოებში	41
VI მონობის მოსპობა	46
ქირის მუშები საშუალო საუკუნეებში და რე- ფორმაციის ხანაში.	
I ხელოსნობის წარმოშობა	53
II ამქრები	56
III ქარგალთა წარმოშობა	59
IV შეგირდი, ქარგალი, ოსტატი	65
V ბრძოლა ქარგლებსა და ოსტატებს შორის	72
VI ქარგალთა კავშირები	80
VII ქალაქის მუშათა არისტოკრატია	92
VIII მარკა და სამთო სამართალი	96
IX მსხვილი კაპიტალისტური წარმოება სამთომადნო საქმეში	105
X სამთომადნო მუშები	117
XI კაპიტალი და შრომა საფეიქრო მრეწველობაში	126

II

კომუნისტური სექტები საშუალო საუკუნეებში-

I მონასტრული კომუნიზმი	139
II ერეტიკული კომუნიზმი და პაპობა.	159
III სიმდიდრის და სიღარიბის წინააღმდეგობა საშუალო სა- უკუნეებში	163
IV ქრისტიანული ტრადიციის გავლენა	166
V მისტიკა	171
VI ასკეტიზმი	177
VII ინტერნაციონალიზმი და რევოლუციონური სული	181

ერეტიკული კომუნიზმი იტალიაში და სამხრეთ-
საფრანგეთში.

I არნოლდ ბრეზიანელი	189
II ვალდენელი	193
III ძმანი—მოციქულნი	202
IV გლეხთა ომების ეკონომიური ფესვები	210
V დოლჩინოს აჯანყება	216

ბეგჰარდები.

I ბეგჰარდთა სექტის წარმოშობა	224
II ლიუდოვიკ ბავარიელი და პაპი	234
III კათოლიკური რეაქცია კარლოს IV-ის დროს	243

ლოლლარდები ინგლისში.

I ვიკლეფი	247
II ლოლლარდები	251
III 1381 წლის გლეხთა ომი	257

ტ ა ბ ო რ ი ტ ე ბ ი .

I ეკლესიის დიდი განხეთქილება	268
II საზოგადოებრივი ურთიერთობანი ბოჭემიაში ჰუსიტურ ომების წინ	272
III ჰუსიტურ მოძრაობის დასაწყისი	280
IV პარტიები ჰუსიტურ მოძრაობაში	286
V კომუნისტები ტაბორში	290
VI ტაბორის დაღუპვა	303

ბ ო ჭ ე მ ი ე ლ ი ძ მ ა ნ ი .